

世恩堂詩集三十卷詞集二

卷經進集三卷

〔清〕王項齡撰

北京圖書館藏清康熙刻本

附《四庫全書總目·世恩堂集

三十五卷》提要

原序

王符有言貧阨而能進學者秀士也富佚而能精勤者材子也三吳華樂之區一切綺羅笙阮以冶游墜業者居多不若燃糠抱犬之夫學殖易就秀士比肩而立材子什不得一二殆習俗使然哉吾見王子瑁湖則異是瑁湖弱冠舉於鄉名噪宛洛醇謹遵萬石家風郡邑大夫之庭未嘗一見履綦之跡微特去紫囊團扇烏衣婢媛之態即偕友朋橫經講藝時必深自韜晦羞作曹子建科頭拍袒才鋒銜露其器量有大過人者然乃濡滯南宮上

世恩堂書原序

一

書未報在他人多憤懣不平之鳴瑁湖處之泊如謂近來選人之格倍嚴自臚唱三人外鮮不起家令長我既不任簿領且未能盡讀九丘八索如古倚相者流縱倖而點承明著作之班官浮於學母寧學浮於官耳往來京師頗效子雲遇上計吏輒摘輒以記四方之事以故聞見日廣吟咏日以富一第之遲自慰兼自勵古今枯菀得失之林洞若觀火誠不欲以意外之青紫易吾稽古之樂也所爲詩規撫三唐不踰尺寸顧吾黨詩家亦皆知守濟南之約以唐爲鵠而談者或譏其隘夫隘固猶

愈於雜第交龍之錦非殘絲剩繭所成士衡雖蕪
稱爲陸海在今日則難言之瑁湖之詩以法度勝
尤以閱博勝超既正力既豐而益加縱轡而馳焉
所詣又安可量唐時舉子率以行卷爲贄今瑁湖
詩文不向四望車前遙擲而就子菰蘆中謀一字
之益其胸次曠遠爲何如者哉于乃翁農山柱史
可謂能世其學令人思彪固父子間若薛澹儼齋
兩難弟又各人人有集異日推三謝之盛再見于
吾里敦槃狎主投壺代興厥功真不細也康熙庚
戌孟秋同郡周茂源題

世憲堂集原序

二

原序

今之詩非古之詩也古之所爲詩者必先有茁然
不可遏之意鬱於中於是在天爲寒暑爲晴晦在
地爲高深爲燥濕在物爲卉木爲翔蹕爲鱗牙感
於中焉觸於外而有得焉夫然後以我窮渺無窮
之隱揮寫天地日新富有善變之繁發乎情止乎
禮義書曰詩言志歌永言聲依永律和聲此言詩
家之在三百篇以前者也今之人忘其所以爲志
而專有事於研聲而闡律律合矣而我志反莫能
名兼不克喻諸物猶弗令也原其流弊亦風會使

世憲堂集原序

三

然蓋三百篇之嬗而爲律體也騷選猶古也律非
古也非律之不古唐所指爲律者非虞廷和聲之
律也天地間有自然之景色亦有自然之節奏而
唐律多尚屬對排比則或失之牽又或失之儷歐
陽公能變科舉俗學爲古文而未有敢挽唐律而
遡騷選三百篇者倘視爲雕蟲之末俯循時格已
爾寧諉咎於江永漢廣之遺調明明赫赫之肇體
乎唐人選唐詩不甚推李杜而今人宗之明人競
傳前李何後王李幾黜茶陵一派爲偽體洎國初
寓吳四傑閩中十子概寘別補要之墟律於律之

內未能窮律於律之源恐後之詆譏彈擿者不獨
虞山氏也善說詩者寓三百篇騷選之旨於律體
否者從律體而規撫騷選三百篇古今人所以相
去逕庭歟瑁湖王子爲我友農山先生冢君家學
克繩令弟薛澹儼齋墳箎倡和今儼齋方卷阿矢
歌賡颺雲門之奏瑁湖益肆力編摩於古今之業
靡所弗究詣右軍碧際淶濱之什靈運生春變柳
之篇叙倫與間斟風酌雅又其餘事抑何盛也茲
春官試旋彙其先後所著詩屬余點次固請鄙言
弁簡端余昨歲曾叙王子詩及詞矣才藻之芬郁

世憲彙序

四

體裁之道淨矩矱曩軌匠心獨運獵三唐而漁騷
選亦既詳哉言之茲爲舉三百篇所以造端並虞
廷所以垂礪於三百篇者以相告王子高資沉慮
弘覽約綜吐納無前彼笙詩南陔白華而外多亦
三百篇尚堪補作即代自憂擊鳴球而遠庶幾望
見焉誠無惑於世之從風靡然者則今之詩猶古
之詩也夫昔康熙癸丑立冬日田茂遇髯淵父頓
首拜題

原序

癸卯之秋與王子瑁湖舉省試觴宴於中山舊園
即驩如平生明年試禮部下第並馬南歸止頓舍
與喬子石林解鞍脫帽卧酒壚看濟南東蒙諸山
談諧談浪相顧殊自豪未嘗幾微有行旅放廢之
色也又五年余與石林羈縻京師瑁湖又兩試禮
部不得意輒相與對酒欬歔而昔時意氣都落落
矣丙辰春瑁湖成進士官太常時余再入京以親
老即歸不得與瑁湖握手叙晨夕又三年瑁湖與
石林應

世憲彙序

五

御試改史官余亦復來因念自舉省試時三人齒
俱二十餘余差長石林次之瑁湖又次之忽忽十
有八年合而離離而復合中間南北之阻濶歲時
之飄疾及人事之遷變有欲語而不能盡者則有
相視而歎耳二子方以詞賦睥睨相如揚雄馳驟
闕下而瑁湖之詩則日多且工出入開元大曆即
戊午己未兩年之作鋪張摹刻已備岩廊林壑友
朋文酒之盛余反覆讀莫能釋自顧荒蕪衰瑟了
無毫髮之長足以側身二子不重爲慨然乎揚州
年弟汪懋麟拜撰

遊西山詩原序

東南之士生長山水間無地無林泉之樂也即訪求名勝或遠在數十里無不舟行可達順流擊汰徜徉嘯傲繫纜乎林麓則筇輿竹杖而窮其奧矣猶之乎門以外也蓋甚易而安西山密邇都邑而不通舟楫游者必戒車秣馬裹糧襆被以行又無寓客之館沽酒之肆不一二日而人馬疲憊廢然而返矣其難且勞若是有至玉泉止焉有至香山碧雲止焉能至潭柘者絕少至而能搜奇抉隱發爲詩歌可以傳誦者尤不易見同官王君瑁

世恩堂集原序

六

湖家九峯三泖山水清淑之鄉乃昌黎子所云飫聞而厭見者獨能於秋深木落巉巖刻露之時翩然縱游直窮其勝得今古體詩若干首以示余余謂王君詩人也詩人之性情與山水近而王君之才又能體物賦形寫幽奇之景態宜不憚於難且勞而取之以壯其篇章也然予觀其俯仰川原流連往蹟悲歌慷慨古今上下有餘感焉王君之奇不盡於筆墨而詩之工欲與飛崖奔壑香謁出沒者爭雄競俛故非時之人所能及也余懶且病客至叩門多不見知西山美登高望之十年每欲往

游將發輒興盡讀王君詩衆山皆響矣何必爲其難且勞者哉康熙己未十月既望江上年弟曹禾書

世恩堂集原序

七

原題

君自多才儘短句長篇縱橫信手秋窓展卷嘆詫
無何不有莫輕疑江左烏衣想琅琊人物如君亦
偶鳳翥龍騰早讓風雲奔走 玉堂今資著作是
漢代班楊唐時韓柳競看班管攜新青箱衍舊那
較尋常石斗揮洒處花磚草就應制詩成還激賞
昭容紫袖

已未初秋

瑁湖大年兄以詩詞三種惠教燈下讀之不禁擊
節調寄三部樂漫識傾倒惟勿怪佛頭之着

世堂集原序

同里弟田茂遇

滿幅清新好譜上香絃恨無纖手珊瑚七尺石尉
筵前儘有憶天上幾度花開悔玉清輕別鳳儔鸞
偶短拍長謠迸碎鮫盤珠走 玉河連宵秋雨換
十畝殘荷一灣疎柳潛來擬笛宮墻月明感舊墨
蹟欹斜似斗半倒薤半成急就餘興淋漓拚宛徧
舞巾歌袖

右調三部樂奉題

瑁湖年兄先生詩集即次鬚淵原韻陽羨弟陳維

松榮

西征草原序

華亭王學士瑁湖主陝西試事榜既放所收多知
名士攬咸陽之勝浴乎溫泉躋太華之巔出潼關
渡河而北往還賦詩五十首爰甄綜闡墨以行鏤
詩版以示同好其言曰文章無盡境譬之登山然
其入必有徑雖懸崖絕壁亦必有磴道可尋縵繡
可挽苟力不足以相赴非困則躓矣華嶽不知幾
千仞遊者必極於三峯而後已善夫學士之論文
也惟詩亦然學詩者以唐人爲徑此遵道而得周
行者也唐之有杜甫其猶九達之達乎外是而高

世堂集原序

九

岑王孟若李若韋若元白劉柳則如崇期劇駭可
以交復而岐出至若孟郊之硬也李賀之詭也盧
仝劉義馬異之怪也斯縵繡而登險者也正者極
于杜奇者極於韓此躋夫三峯者也宋之作者不
過學唐人而變之爾非能軼出唐人之上若楊廷
秀鄭德源之流鄙俚以爲文談笑嬉褻以爲尚斯
爲不善變矣顧今之言詩者或效之何與夫登山
者亦各有所樂矣援琴而彈坐石而嘯荷篠而行
吟其爲音不同皆足以移人之情使雜以屠沽閹
閹之聲熏以糟漿之氣游者將掩耳蒙袂疾走焉

舍唐人而稱宋又專取其不善變者效之惡在其
善言詩也學士西征之作春容和雅一以唐爲師
而無隻字流於鄙俚談笑嬉褻之習蓋示我以周
行而充其力必欲極乎三峯而後已者也同年弟
秀水朱彝尊

原序

甲戌九夏余讀含暉堂詩听然擊節曰卓哉此大
雅之音廉隅之奏治世之休風也夫人生少壯得
志不蓄聲技不殖貨利不私竿牘惟是經營翰墨
之場翱翔藝苑之內遺衆情之所樂恒好修以爲
常得不謂之賢乎哉先是學士詩文諸刻久已膾
炙海內若丁卯以後雜詠余獲覩其什之二三每
置座右以資吟翫今盡出餘藁以公諸天下何其
不自珍惜以什錦之藏脫手示人豈不快哉憶與
尊大人侍御公論詩輦下同時雲間諸子若宋若

周若王若顧秉燭銜杯每會得詩數十首詩數少
者有罰其時朝夕討論不過欲規取魏晉揣摩三
唐不失其體裁音響如是止矣乃三十年來作者
另出手眼必求所謂宋人體格刻意生新遇一詩
成從而觀者必指某字某句以爲此得放翁隨此
得放翁神然後愉快放翁有知曷禁胡盧地下於
是生者且至於贅牙而新者遂流於杜撰使侍御
而在今日不知其於意云何大抵氣化所感習尚
所移有不知其然而然者固未可執一端以論詩
要之大雅元音本之於學問得之於性靈若含暉

堂諸什爲可久可傳也余抱疴以來神思枯索日與藥爨作緣筆墨俱廢間或天機所觸發爲天籟未免人步亦步人趨亦趨不能自成一家言學士不知余之固陋儼然問序於余余樸藪少文媿不能如皇甫之序三都以爲學士重惟是侍御公著美於前且有納言總憲繼美於後海內知名之士景慕風雅不啻若駕連珠花萼而上之余何能測其涯涘哉今學士行將脂車矣他日歌明良賡喜起明堂辟雍之頌天祿石渠之文於以鼓吹休明輝煌鐘鼎又豈特吟風弄月紀遊寫景已耶余拭

世憲集序

三

目族之淞南許續曾拜題

序

志有所動而宣之言曰文文也者性情之端而道之所由託也古人有其志而形於言後人因其言以明其道由五經子史以迄詞賦百家之文未有志不中出言由外人而可以幾幸於傳者也堯典因樂及詩而曰詩言志則詩之大義從可知矣自風人既遠學詩者不知詩爲性情之端而以詩爲詞章之具而膚濶之習成矣人之所貴於學者謂學其淺深虛實開闔賓主相生相顧之法耳至其所以成此一詩者仍以我言明我志而非爭字句

世憲集序

一

之形似也乃今之爲詩者不曰學盛唐則曰學宋元淺深虛實不相生開闔賓主不相顧舛錯雜行識者掩口而同好者方且摘其一二言之似古人者以爲佳吾不知於義奚取也雲間王瑁湖先生資既沉潛學復淹博研窮三百之義而沉酣於漢魏唐人之著作故其爲詩也詞本諸意而章軌於法詞本諸意故精以切也章軌於法故條以達也而質極而文遂覺光華發越而不可掩世有傳詩舍先生其奚傳哉余辱先生通門弟子之列比年以還居處相近唱和尤多然終愧才力不逮亦步

亦趨而瞠乎後也茲刻其近詩如干首而屬序於
余余因舉先生之詩之所以可傳者告之俾天下
後世從事風雅者知所宗焉嘻今人之詩之不如
古人也則以不務言志而膚濶害之也然則今人
之文之不如古人也不亦以不務言志而害於膚
濶哉顧安得如先生之爲詩者而與之爲文哉歲
次戊寅仲春望日年世姪任丘龐堽撰

世憲彙序

二

序

詩以道性情述政事故清廟明堂之上煌煌鉅典
莫不斐然有作公卿大夫各自言其所得而奢儉
貞淫榮枯修短亦因以見余不解能詩家古何其
多今何其少試觀三百篇游女武夫皆成韻語以
視然髭苦吟不能道隻字可哂也或云詩有別腸
或云窮而後工余不敢信約而言之古人勤於學
始遇物能名登高作賦即昆蟲草木亦必曲肖其
情而旁通其意香草美人因寄所託比而非賦其
旨隱其詞文其言婉而善入其氣抑而始揚自楚

世憲彙序

三

騷漢魏六朝三唐以迄今日類非空疎鹵莽者所
得優孟焉前輩謂少陵詩無一字無根據讀之信
然然幾此良難矣吾鄉瑯湖王先生總角時即負
詩名一門之內父子昆弟人各有集蓋自奉庭訓
以及池塘春草耳濡目染無非四庫之書攷訂覈
核更極詳贍而格律字句其用心苦也所尤難者
自晨達暮手一編外無他嗜好其取材也多矣其
使事也神矣侍從

講幄垂二十年朝廷大著作多出其手而又假以
山水緣俾兩爲鄉試主考官南走閩越觀灘嶺之

險西入秦登玉女峯游覽所至必有詩詩皆可傳
非詞曹之傑出者而能是與余幼以筆墨相追隨
今顛髮種種學殖荒落而先生之學與年俱進刻
其近詩屬余序余因之竊有感夫懷鉛握槧者文
人之事也職居史館舍讀書無可報國平時束書
不觀又不屑與儕偶講求而切磋之一日應
詔起草有能洋洋灑灑頃刻千言倚馬立就懸之
國門人不能易一字如王先生者否今觀集中朝
賀
殿廷陪祀

世憲集序

四

壇廟

賜讌

賜書備詳其事而且春花秋月限韻揮毫錄別贈
行連章累牒並才思奔注出語驚人此之謂真性
情而政事在其中矣人羨先生兄弟三人同時登
八座不知文章經濟雖天縱才亦由學而至學固
不可及也如是夫昔康熙四十年辛巳天中節同
里後學張豫章拜題於邸寓之山杏軒

序

宋歐陽永叔之言詩也曰窮而後工後之文人多
沿襲其說而吾謂不然夫古今之以詩名者多矣
自王公大人以及布衣韋帶之士無論升沉夷險
率皆因其遇之所值而抒寫其中之所欲言和順
者發爲英華窮愁者歌其勞苦不必盡同也惟其
工而已必若歐公所云則是風騷而降其可存者
必出于思婦勞人之作而其時之溫柔敦厚歌詠
太平足以和心志諧神人者皆無與四始六義之
道者也而可乎余友少宗伯王君瑁湖生長世胄
負異才以名進士遭不世之遇爲

世憲集序

五

天子近臣入典著作之庭出綜文章之柄且與其
難弟司空學士同時登八座科名之盛近古未有
跡其生平之所遭豈嘗有抑鬱不可居之境以老
其才堅其識淬礪其所操以成一家之言而其爲
詩也得于天者既全而其學又足以擴之故振筆
所之取材多而用物宏有不自知其所以然者間
嘗尊酒流連刻燭分韻他人率側帽斷續苦吟而
不能就而瑁湖春容而出之如王謝子弟不事雕
飾自然矜貴又如蔡君謨書一望而知爲端人正

士乃知詩之工拙有定分焉歐公之言非篤論也
癸未冬畫舫齋第五集刻成以集中強半與余往
還之作屬余一言爲序余竊憶通籍後官資職守
率與瑁湖畧相先後顧余早歲患貧衣食于奔走
其根柢既不逮瑁湖萬一而比年以來精力驟衰
少時所循習者十不記一二以邾鄆之陋抗衡大
國爭奇于一句一韻之間多見其不知量矣然猶
以唱酬之多得與名簡素俾天下後世讀瑁湖詩
者猶欲想見東川之爲人不可謂非厚幸也爰濡
筆而綴之簡端康熙癸未長至年弟錢唐汪霏頓

畫堂集序

六

首拜撰

序

雲間王氏三先生並從翰苑起家擅名風雅平昔
之得力于庭訓者既深而金昆玉友互相陶淑之
功更不淺以故三先生無不能詩詩無不極其工
妙余皆得受而讀之且不但詩也三先生同時官
于朝官復顯凡夔龍禮樂之司燕許制誥之筆當
代大著作出于一門數十年來海內比之景星慶
雲不可多見以視二陸之祇以才華掩映二蘇之
或以坎壈終身者無論花萼之盛軼于前賢而遭
逢更遠過之瑁湖先生爲家督年來宦遊京邸自
公之暇所刻畫舫齋詩自一集至五集先後出示
余且命序之夫詩以道性情先生之詩先生性情
之所寓也先生之性情惟其淡也故其詩穆然而
遠惟其靜也故其詩窅然而深惟其純粹也故其
詩皎然而絕塵渾然而入化上之

畫堂集序

七

明堂清廟黼黻休隆橫吹鏡歌宣揚功烈則應制
之章也次之白雲廬舍瞻望松楸黃葉江村繫情
丘壑則懷鄉之作也其他即景唱酬因風寄托或
限韻而刻燭以成或連篇而貫珠不絕則詠懷漫
興之什不名一格者也夫先生諸集皆甲戌還朝

以後之詩歷時十載風淪乎已成大觀且先生昔曾兩典省試南度閩嶠訪無諸故墟西歷秦川於山見華嶽之崔嵬於水見黃河之奔激至校士郊圻之後燕南趙北軒車所經問昔人市駿招賢及擊筑悲歌諸舊蹟見聞閱博發爲詩篇宜其出入古今縱橫跌宕如先生之詩必傳無疑也至甲戌以前詩余未窺全豹并請先生盡發所藏公諸天下俾天下言詩者辨香以王氏爲宗非門第之榮乃邦家之光也豈止振蹕詞場流傳樂府爲九峯三泖間佳話而已哉康熙四十二年癸未季冬朔

蕙堂集序

八

石門年姻弟勞之辨拜題

序

吾

國家人文之萃實自

今上之十七年舉用天下博學宏辭之儒始方其事之未舉也

上雖雅意作人而士多溺於八股之學蹈常襲故誦其師所傳授者不數萬言已足取高第致顯位以故空疎無用而稽古博雅者罕聞焉上慨然思有以振之

命內外大小臣工各舉所知彙進於

蕙堂集序

九

闕下凡百有十人

親試之

體仁閣下擢其尤者五十人官置翰林付以儒

學文章之任一時彬彬何其盛哉

雲章

以壬

戌之春游京師越是後三年矣孤陋晚出不能遍識其人然於江浙間諸公往往得接其言論風旨以考知其問學源流大率淹貫經史百家以發抒於詞章雖所得有淺深無不爛然可觀矣迨再至京則乙亥丙子之交諸公或去或留或存或亡已不得其半焉及今

凡三至而予亦頽然一老三十餘年之間諸公淪喪殆盡其歸然如魯靈光而方爲

聖朝柄用者惟

華亭大司空王公一人焉猗與

寧非今之泰山喬嶽爲學者之所具瞻者歟

雲章

昔曾登公之堂而今謬爲公所採者亦

以公當日之儔侶或濫齒及之又悲其既老而無用或於文字間有所聞於先哲也因

上之以總裁尚書纂修之命畀公奏其名於諸臣之末辭既不獲并得以編輯之餘隙讀公所爲畫舫齋詩前後十集蓋向之諸公所謂爛

世遠堂集序

十

然於詞章者公特出其餘以與之馳騁上下有所過之而無不足其爲言也不事藻飾不立崖岸雍容灑落油然汨汨然如出岫之雲出峽之水流而不竭變而多姿又如春華秋實紛葩奇麗發之自然絕無矯揉其唱酬往復疊韻至十數而不厭自非性情深厚學殖充滿天才之繕逸愈引而愈出者孰能至是哉雲章不自揣度妄以其所作投於公公即辱而和之與卑鄙寒儉之士應答如影響昔人謂歐陽公愈貴愈顯其詩愈肆而陳簡

齋自大用後不復有詩公之以畫舫名齋其實有類於歐公者歟自今以往公之篇帙將與其經綸事業彌綸於天壤間正未可量也我

皇上聖學日益高深諸儒臣博通古今者林立於朝益以觀人文化成之盛治而原其始皆自公等發之故

皇上之視公特爲舊學之臣行且宅百揆而大用之而海內之重公如考造德降若夫淹貫經史百家發爲詞章直公之餘事耳今其集已

世遠堂集序

十

若干卷命雲章先爲之序將衷其全以俟世之論定者焉康熙五十五年四月嘉定樸邨晚學張雲章拜敘

世恩堂詩集目錄

卷一

甲辰至丁未詩七十六首

卷二

戊申至癸丑詩六十首

卷三

甲寅乙卯詩六十一首

卷四

丙辰丁巳詩四十五首

卷五

戊午詩五十二首

卷六

己未詩五十首

卷七

庚申至壬戌詩一百零二首

卷八

癸亥至丙寅詩一百三十三首

卷九

丁卯至癸酉詩一百三十二首

卷十

世恩堂詩集目錄

一

癸酉甲戌詩一百零七首

卷十一

甲戌乙亥詩九十一首

卷十二

乙亥丙子詩一百四十三首

卷十三

丙子丁丑詩一百零七首

卷十四

丁丑詩七十八首

卷十五

戊寅詩九十九首

卷十六

己卯詩九十二首

卷十七

己卯庚辰詩九十四首

卷十八

庚辰辛巳詩一百零五首

卷十九

辛巳壬午詩一百一十一首

卷二十

世恩堂詩集目錄

二

壬午癸未詩一百十三首

卷二十一

癸未甲申詩九十七首

卷二十二

乙酉詩七十一首

卷二十三

丙戌丁亥詩九十六首

卷二十四

丁亥至己丑詩九十二首

卷二十五

己丑庚寅詩九十一首

卷二十六

庚寅辛卯詩九十八首

卷二十七

辛卯至癸巳詩七十二首

卷二十八

甲午乙未詩七十五首

卷二十九

丙申至戊戌詩八十六首

卷三十

世恩堂詩集目錄

三

己亥庚子詩六十三首

卷三十一

詩餘小令四十三首 中調十八首

卷三十二

長調二十一首

世恩堂詩集目錄

四

世恩堂詩集卷一

華亭王項齡瑁湖

清峙堂藁上起甲辰正月盡
丁未十二月

城南行

城南三月踏春來百花爛熳迎風開紫燕啼鶯處
處聞誰家樓榭千青雲云是當年慧曉居門前楊
柳幾枝疎流光瞥眼疾如電亭臺乞與人遊讌章
子邀朋到此園開筵命酌移盤殮銀壺玉鱸列綺
席葡萄琥珀浮金樽一時賓客盡如龍南州高士
稱君宗翩翩文藻數錢郎詞賦湘靈雅擅場公瑾

世恩堂集卷一

風流良足慕由來曲誤偏能顧座中年少小馮君
千頃汪汪推叔度竹林勝侶劇追攀鄴下詞人歡
並聚更有美人年二八催送莫愁雙漿折約綽能
翻貼地腰輕盈那讓凌波襪當筵行酒太嬌痴百
罰深杯總不辭驕憨不憤石崇妓慧性生來壓管
兒分曹射覆橫波溜密坐探鈎授子遲此時主客
恣歡譁簾前不覺金烏落金烏欲落可奈何主人
洗爵情更多燭盤蠟鳳九枝花美人掩月彈琵琶
輕籠漫撚纖指弱移柱抽絃捍撥斜低眉度曲新
聲發櫻桃小破嬌鶯滑爾時人壓看場圓念奴一

聲聲頓絕清絲脆竹更飄蕭宛轉歌喉逼絳霄坐
客停杯覓欲斷春風兩頰暈紅潮須臾聲收絃管
歇華堂人散鴉啼月彈指春光六七年星離雨散
心悽然那堪更憶蘭堂夕真娘塚上土花碧嗚呼
君不見河陽金谷園一朝零落空頽垣又不見梁
王雪夜杯平臺客散委塵埃盛衰聚散各有時何
況區區城南悲

長歌送顧子孝持

咄嗟顧子文章伯君住城南我城北春風結客少
年場白社論文早相識十畝南村舊草廬歡言下

世恩堂集卷一

榻掃庭除講臺秋滿康成草池館春披董子書余
家兄弟並肩隨三年風雨同襟期束髮願結天下
士何況同里稱心知却笑張陳刎頸交丈夫得失
何雄雌年華荏苒不自惜興劇沉吟忘晨夕我歌
爾和無已時千首詩成浮一白嗚呼顧子真奇才
痴愷風流何烏奕石潭戲作右軍池竹廊便擬滄
州壁結交青松誓歲寒一朝分手生長歎酌酒停
杯對新月翻悔從前易離別去年君走金陵道丹
楓黃葉傷懷抱今年予向碣石遊呼羣塞鳥風颺
颺豈不知人生有聚會有散我輩多情那自由

熬山道中

熬陽山頭日欲落白楊蕭蕭風捲簾
焚火燒雲狐兔藏天外
鐵鷹鳴霍霍崕呀石壁無人煙
土室兩間倚山脚
咄嗟麥飯聊一餐
顏色黯慘羊裘薄
僕夫敲火火不然
鞭驢下山驢不前
客行到此劇可憐
回頭月掛東蒙巔

贈董子蒼水

文章遠數天人策
董相高門傳畫戟
君家兄弟雙明珠
第五才名何曷奕
年少馳聲翰墨場
作賦往往凌班揚
倒峽懸河驚四座
五車八斗誰相當
看

世憲集卷一

三

君意氣如游龍
甘陵嶽嶽稱君宗
敦槃狎主騷壇
上八厨舊侶來
趨風一朝鵬鶚盤
雲起羊角秋飈
搏萬里二俊聲
華入洛初長安
解舍東西居北地
才人多避席
漢庭卿相爭回車
藝苑誰誇溫與邢
頓令河朔凋英靈
才高豈借袁劉力
美璧明瑤世寧識
閭闔高高叫不聞
歸卧滄江弄秋色
秋色江頭足破顏
芙蓉一片銀塘灣
招隱漫裁叢桂賦
看花每到陸機山
我居城西子北郭
把臂論文坐高閣
泠泠流水瀉瑤琴
夜夜星文纏井絡
咄嗟董公真吾師
摩挲寶劍光陸離
有才不得升天闕
徒使

詩名懸日月

送同年張荆門北上

弱冠公車同獻賦
十年三上長安路
旅店西風襖被寒
荒鷄夜半驚相舞
突兀爭看郭隗臺
千秋誰復解憐才
張憑勃窣猶如此
齷齪王郎何有哉
谷陽四月鶯花好
津亭忽折將離草
君到燕山甘李浮
我來應及餐梨棗
博物聲華久擅名
棄繻關吏莫相輕
預愁祖逖鞭先著
匣裏龍泉昨夜鳴

壬子孟秋送薛澱弟省試金陵

余年十六就省試
仲氏操觚便雄視
粵惟歲行郊

世憲集卷一

四

龍飛詔求士
並轡遊金陵
共醉秦淮里
氣凌山嶽無鍾阜
吟成煙霧飛江水
同時舉場獻賦畢
阿奴火攻稱咄咄
無何老馬竟先登
却恨驊騮猶伏櫪
彈指春光又十霜
阿兄三戰槐郎當
酌酒今看弟也行
秋風羊角搏鵬程
一時南北龍媒奮
喜對山窓叢桂榮

時儼齋弟就試京闈

修竹篇為筠士上人賦

天下誰人解愛竹
子猷死後無人續
渭川千畝在胸中
虛傳筆墨實當谷
我因訪友入蕭寺
檀欒蔽日僧寮綠
三竿兩竿皆有意
一瓶一拂能銷俗
避

迺問訊開士誰生公講坐稱高弟習術何須鉢底
蓮禪心祇愛窓前翠蕭疎道貌更亭亭堪與此君
爲把臂君不見靈巖松玄奘手摩枝向東又不見
優曇花金輪湧現西流沙寄語我師好扶植平安
不改菁蔥色翠實還堪威鳳游琅玕却老空王側
嗚呼琅玕却老空王側古往今來鄙肉食

甲辰人日至京遇雪葆盼招飲長椿寺

到日逢知己燕山雪作花鄉心隨斷鴈古樹亂寒
鴉綠勝看京國清樽感歲華那堪麗譙上蕭瑟起
悲笳

世恩堂詩集卷一

五

下第後從兄后張錢別李晝公齋

偃蹇依劉客飄零下第身鶯花堪涕淚南北老風
塵折柳看同氣行厨借主人平生鴻鵠志慷慨倍
傷神

齊河道中

三月齊河道風沙損客顏還家仍短褐歸路繞青
山廢井炊煙斷荒城夕照殷前村桃李色婀娜正
堪攀

宿張夏

日暮行塵疾村荒爨火遲枯楊堪繫馬茅屋滿題

詩織繭供官稅爲園樹棗梨土風良不惡過客漫
相嗤

曉發青駝寺

匹馬凌晨發崎嶇行復停坂斜千樹直霧豁萬山
青乞火依村竈沽膠瀉瓦瓶勞歌聽不盡哀鴈聒
前汀

郊城早發

朝發郊城縣崎嶇帶月行寒沙千戍白埜火半山
明宿鳥驚林曙荒鷄隔岸鳴咄嗟搖落客迢遞向
南征

世恩堂詩集卷一

六

山行

異鄉春氣早行柳碧毵毵山色朝含翠烟光晚結
嵐浮雲低度鳥欹石礙行驂惆悵南征者艱辛只
自諳

其二

驅馬下山行人煙入望平沙明飛白水嶺斷出孤
城村市鷄鳴午茅簷鳥啼晴生涯無著處樽酒向
誰傾

渡河

行李依沙岸鄉心滾濁河鴈飛亂林木馬渡識風

波爲客三春久歸家千里多扣舷無限恨嗚咽不成歌

偕同年張荆門維揚道中雨雪

路入維揚郡春寒雨雪霏堤崩懸溜截風急斷蓬飛共倚張憑艦同悲季子衣我歌君且醉獨醒欲何依

新秋雨霽

秋雨颯然鳴雨餘秋氣清風林黃葉落樓角斷霞明山鳥軻軻集潭魚撥刺驚相看終不厭池上月初生

放艇

雨歇消殘暑林高納晚涼行吟松竹裏放艇水雲鄉谷口通津路蟬聲度夕陽采蓮歸棹緩新月見橫塘

病起答孝持

伏枕淹秋日階除落葉紛談玄慚叔寶養疾類徵君意氣愁來減年華病裏分殷勤良友意七發邈難羣

歸棹

余家溪水曲歸棹聽流澌冬日西斜早寒潮東上

遲蒼涼魚絕短蕭瑟荻花垂無限江湖興聊吟澤畔辭

野店

野店倚山開山光落酒杯簷暄多鳥雀徑曲少塵埃田父誅茅去樵童驅犢來莫愁斟酌淺吾意欲徘徊

晚泊

晚泊依瓜步乘高望遠津風帆頻觸浪山月正窺人老樹臨關黑孤燈獨夜親隻身愁旅鴈嘹唳在江濱

爲客

年來爲客慣辛苦似從軍野店風兼雪長天水共雲平原饒畜牧戍道雜耕耘腸斷南飛鴈寥寥悵失羣

過鷺庄

聚井纔三戶居然見土風射麋供上客擊棗任山童野老衣冠古田家報賽同却憐路旁子卒歲道途中

探庄至磬陽

望望關山遠愁心正落暉朔風吹野燒寒月上征

衣僕病行偏懶途窮涕欲揮何如荷鋤子朝出暮能歸

阜城早發

荒城無鼓柝趁曉月中行淒切清霜苦參差遠樹明寒驢驅更澁鄉夢醒猶驚無限關山路離愁幾倍生

白溝河

夾岸河流合漫天積雪高鑿冰尋水道敲火熟村醪行役三冬苦驅馳七尺勞那堪重弔古涕淚濕征袍

世恩堂詩集卷一

九

春日同于宿維士遊憫忠寺

城西蘭若古百尺瞰皇州仙梵青冥落禪燈白日幽風雲通佛拱煙柳接金溝頓覺塵氛滌翛然物外遊

被放南歸沈繹堂先生過別贈詩賦此志謝

世態因人熱誰能念死灰黃楊原厄閨青眼獨憐才搖曳河梁柳殷勤馬上杯寵行佳句在吟罷有餘哀

渡江

岸吐蘆花白江浮山氣青長鯨還鼓浪片席獨揚

舸澗斷中冷水碑殘瘞鶴銘蒼茫南北限天險六朝經

懷葆飭

折柳帝城邊飄零逐客年翻嗟鳳池翼猶隔上林烟嫩竹抽黃籜圓荷漾碧錢故園好風景遲爾九秋前

村居

雨氣含雲白輕雷動夕巒捲簾巖樹濕分溜水門寬壺酒賒鄰叟潭魚落釣竿醉吟聊獨遣高卧竹書攤

世恩堂詩集卷一

十

茗粥堂小集送宋荔裳先生分賦得西陰字

惜別苧城西茅堂手重携酒香雙蝶過巷僻一鳩啼詩卷留冰雪人倫待品題只愁驪唱發天路隔雲泥

其二

大雅推公在論詩庭樹陰楊梅慚獨對雌霓許同吟先生携示去鷁秋濤迫來鴻暮嶺深不知玄宴

序何日寄江潯

閩中陳昌箕贈詩索和次韻奉酬

牢落江湖上元龍氣更奇衣冠甌冶曲人物義熙

時雅量推元度清吟儷楚詞誰從耆舊內傾蓋識
芝眉

其二

蠟遍登山屐巾高折角風辭家千嶂外放棹五湖
東踪跡依參廨詩篇半寓公陽春真寡和吟對燭
花紅

弟儼齋夏日過西園有作索和次韻答之

未識濠梁趣聊同谷口居夏雲時作雨屬玉故銜
魚樹老莓苔古潭香荷芰初日長無一事匡坐讀
奇書

其二

捎雲脩竹上過雨老梧鮮翠色一簾受清光雙眼
前涼颼生粉葛梨几擘花箋便欲屏塵慮餐霞漫
學仙

其三

小築緣逃暑茅亭傍水涯清流穿石細涼月入窓
斜命酌憑風檻呼童掃砌花長歌懷遠蹈竹里敢
同謗

其四

散髮同嵇懶開樽到竹林蟬鳴溪柳碧雲度石床

陰偃仰支高枕參差對遠岑何當惠連句春草助
清吟

舟行即事

積雪河全凍城隅十日留林開朝旭射波咽斷水
流腰臘村巫沸江梅野岸幽吾生同梗泛來往逐
浮鷗

贈單山舍

卜築依秦望高懷寄碧阿藥欄秋雨潤菊圃落英
多族古餘喬木庭荒任薜蘿美君無一事扣角發
長歌

旦弋招飲歸途同葆勸

同人錦席共淹留並馬歸來霜滿裘夜靜寒鐘沉
北闕月明清吹在南樓天涯浪跡欣同調鄉土關
心起別愁躑躅不堪還弔古昭王臺榭已荒丘

偕同人飲旗亭

城河烟柳日初斜策馬經過舊酒家俠客解裘看
蹴踘燕姬隔水奏琵琶開窓喜對西山月夾道爭
傳油壁車 帝里風光真爛熳莫辭淺酌負寒花
遊嶽觀日暮不得登岱

太嶽崢嶸古岱宗殿前松栢盡成龍石壇晝結香

峯霧畫壁虛圖帝子容
昭代禪文同漢簡荒亭斷
碣隱秦封徘徊日落空
巖裏悵望天門不可從

發宿遷縣

遺竈頽垣空辟蘿蕭條歸路此經過
山連東魯峯巒峻地入江南烟水多
草綠原頭驅野犢天晴馬首見黃河
上林春色知無限獨對東風發浩歌

懷友

都亭把酒話離憂北望關山憶舊遊
愧我生涯同失馬憐君旅食尚依劉
風塵刺促開懷少冠蓋逢迎滿目愁
花發莫釐春正好幾時共擬泛輕舟

世憲詩集卷一

三

悼伎桐月次葆飭韻

三春錦席醉良宵幾度和風拂翠翹
午夜探釣時並玉華堂就月坐吹簫
珮環冉冉雲初散花草年年恨不銷
腸斷西陵秋雨後粉香零落思迢迢

九日登查山

仙山突兀海雲涼令節登臨石徑荒
雙屐健尋瑤洞草百年歡對菊花觴
金隄乍築蛟龍偃玉笛橫吹鴻雁翔
更喜樓船休戰伐漸看稻蟹足江鄉

其二

緣崖樓閣俯孤城把臂同登有弟兄
海口潮雄溪

水濶天南雲盡越山晴秋深古院霜
梨熟坐久禪關佛火明便欲棄書參
半偈講堂高處說無生

晚秋偕顧孝持家弟薛澱儼齋訪菊

主人藝菊隱南丘朋輩招尋攬勝遊
流水到門蓮葉穩片雲橫閣鳥聲幽
角巾豈合林宗韻蠟屐還因惠遠留
濁酒黃花期一醉不須擊楫問中流

北遊賦別孝持家弟薛澱儼齋

三年不作征人夢欲唱驪歌意惘然
挾策敢辭重獻楚驅車無柰獨遊燕
關河霜雪經殘臘江岸芙蓉照客船
來去祇憑南北鴈殷勤好把素書傳

世憲詩集卷一

四

沂州旅店夜作

沂州景物昔年同三載重遊感慨中
塾店淒清圭竇月高原蕭颯白楊風
霜寒竈冷無餘火夜靜天長有斷鴻
回首家鄉千里外白雲春草意何窮

除夕涿州旅店題壁

旅店荒涼度歲時側身南望不勝悲
思親獨對屠蘇酒憶弟還吟春草辭
地擁亂沙迷古堞風迴舞雪閉空祠
那堪明日燕山道策蹇衝泥歎路岐

燕市感懷

燕關臘月景蒼涼孤客逡巡道路傷
天結凍雲宮

樹黑風田朔雪馬毛僵九衢燈火宵成市萬戶砧
聲夜有霜忽聽滿城簫鼓動無端鄉思逼年芳

慈仁寺看松

三年一到慈仁寺愛聽松風坐石闌偃蹇虬龍仍
作舞芳菲花柳恨將殘冶遊雜沓新車馬蓬鬢蕭
條舊鶻冠向夕忽看人影散唯餘鳥雀噪林端

登岱

憐余兩度經行此此日方因泰岱留陟磴偏宜携
竹杖捫松直欲到巖頭陰崖覆雪逢春在絕澗飛
泉抱石流却笑尚平婚嫁累何如乘勝且遨遊

世恩詩集卷一

五

其二

腰筍崎嶇上碧空清齋暮宿玉巖東輝輝皓月低
山館耿耿明河壓帝宮神鬼虛無雲氣擁衣冠想
像廟圖雄風塵十載勞生事欲問穹蒼路不通

其三

碧霞瓊觀鬱蒼絳絳節星冠羽士朝寶鼎香雲成
五色璧壇仙樂下層霄布金稅籍祠官領畫壁鸞
車帝子遙咫尺嶽宮翻寂寞天門目極思迢迢

其四

瑤壇霜雪五松寒帝輦巡遊事渺漫幾見山河移

漢鼎誰令風雨護秦官千巖雲氣封中出百道泉
流鏡裏看斷碣殘碑難可問蕭條憑吊日將闌

其五

人家結宇翠微間疊石誅茅曲傍山夾澗李桃風
自舞入雲鷄犬夜知還巖頭月掛千松靜杖底鐘
鳴萬壑閒興劇欲探仙洞去採芝斲木駐朱顏

午日喜晴

雨歇風清午日涼閒庭布席坐飛觴榴花照眼宜
晴日艾葉當門趁曉陽龍舸激旋喧競渡畫簾深
窅隱紅粧汨羅遺恨憑誰吊讀罷離騷欲斷腸

世恩詩集卷一

六

懷鷹垂山中

避喧爾入陸家山我亦隨操蓮葉還到日雲霞迷
古洞幾看烟月下澄灣松筠偏繁周顒駕著迷常
局揚子關風昔平原推勝地風流異代一追攀

偕服西孝持園亭賞桂次服西韻

小山叢桂匝池臺蓬徑欣逢二仲來勝侶劇謀深
夜醉好花偏共笑顏開青天露冷團金粟老樹香
低墮玉杯綵筆夢成詩句健

服西夢中得句故云

下高槐

懷張荆門同年

雲傳谷口歎離居轉憶燕臺把臂餘雨雪三春憐
比舍關山千里得同車風流獨數張思曼放達終
慚王伯輿聞道秋江湖正濶可無尺素赴雙魚
病起周子鷹垂歸自江上過余山園匆匆言

別詩以贈之

西園病起井梧殘良友過從話夜闌人豈休文腰
帶減才如司馬客裝寒過江酒量應無敵入洛詩
篇好共看把臂忽驚離別易月移脩竹影檀欒

冬日西歸

赤松西去浙潮通蟹舍魚床處處同淺渚喜添三

世恩堂詩集卷一

七

尺水輕舟不借一帆風野鳬棹拂衝波起山寺霜
淒落木空惆悵夕陽歸路晚却憐踪跡寄墻東

寄得仲即次來韻

拄杖狂呼醉阮宣高風猶見竹林賢逃名獨種門
前柳樂志還唼池上篇三徑闢時招野鶴雙峯豁
處倚青天十年悵別高陽會六月鴻飛尺素傳

其二

山園寂寞奈愁何閒倚巖亭看綠蘿元亮種松初
作鬣到公移石漸成坡秋風已信鱸魚美蓬徑何
年蠟屐過讀罷新詩更惆悵懷人清嘯發長歌

荆南胡念萬先生太夫人七十賦祝

荆門雲樹養堂開羔鴈爭趨介壽杯愛日舞衣萊
綵在迎恩賜杖玉鳩來周官音義燈前授水鏡人
倫閣下裁教子文章兼治行至今清譽滿蓬萊

其二

當年鸞鶴到江城親見崔邠鼓蓋迎時先生督學
迎養官署先生親南國教同陶母訓北堂花比狄
門清起居八座冠裳接升講三鱣禮樂盈忠孝扶
風身造士絳紗猶憶魯諸生

其三

一疏陳情便拂衣還家子舍十年依共知鶴髮含
飴健喜對仙郎晝錦歸青鳥夜過王母使碧雲春
護北山薇天倫樂事真無限百歲今方到古稀

其四

惆悵春風桃李枝掃門千里十年遲鹽車不數孫
陽盼小草深慙國士知夢繞湘江波浩渺心隨彭
蠡鴈差池遙瞻南極星辰上寶婺光芒耿不移

仲冬朔日家大人招金山先生雪峯蒼水飲

次韻答蒼水

吳苑賓朋意氣同相期一醉草堂中蟻浮玉斚澆

世恩堂詩集卷一

六

寒日鴈度高城背朔風雅量過江推僕射清談拂
塵對支公更看佳句狂吟賞消盡山窓樺燭紅
禹服徠遠招飲清逸堂同鴈垂談往事有感
柳暗花飛又一春招邀猶喜及佳辰江魚入饌能
兼味海燕窺巢不避人生怪世情何偏側醉論心
事幾逡巡城頭畫角無端起惜別當筵欲愴神

世恩堂詩集卷一終

世恩堂詩集卷一

九

世恩堂詩集卷二

華亭王項齡瑁湖

清峙堂葉下

起戊申六月
盡癸丑九月

夏日偕吳江徐松之同郡馮寶初沈彥澈張
持遠周鴈垂弟儼齋登一覽樓次楷庵上
人韻

梵王法座擁丹樓暇日羣賢攬勝遊千堞斗形當
殿折九山雲氣夾窓流諸天響落含風鐸密樹陰
生喚雨鳩幸接逵公叅半偈却慚淨業似裴休

五日前一日同鴈垂弟儼齋邀宋荔裳先生

世恩堂詩集卷二

吳六益張硯銘董閬石蒼水泛舟龍潭雨

阻移席周子春暉堂分韻得卮字

疊鼓中流競渡時江臯有客弔湘纍何當急雨衝
蘭櫂忽漫華堂倒玉卮交檻石榴侵桁濕迴風檀
板按歌遲

時座有女
郎驚初

美人香草千年恨醉後欣聽

白雪辭

奉贈周金山先生

僕射風流谷水陰十年高卧解朝簪胡床談笑看
霏屑鈴閣文章重碎金墅接平原朝聽鶴觥飛河
朔晝披襟更堪月旦推南國賤子龍門愧賞音

夏日侍家大人飲于張忍齋先生鴻范堂在

坐宋荔裳先生吳子六益

季鷹鱸膾早抽簪暇日招朋過竹林巖石巧依三
徑曲梧桐青逼一庭陰勝流河朔金尊滿高燕南
皮朱李沉更喜論詩追正始次寥天地有清音

送葉林屋還包山

津亭惜別蒯綬彈短褐高歌興未闌九點曉雲吳
岫薄一帆明月太湖寬賓朋自昔推梁苑詞賦於
今數建安聞道 詔書徵隱士布衣肯許戀漁竿
送宋荔裳先生入都

世堂詩集卷二

二

相逢孔李並從容下食將車幾度從屐散九峯侵
薜荔樽開五日狎蛟龍論詩調入朱絃響送客帆
遮碧樹重自是卑棲留不得蘭臺風雅世君宗

其二

十年風采望長安一日仙舟戒木蘭廷尉道傍還
結襪貢公闕下欲彈冠清吟白雪仙郎和艷曲紅
牙少婦彈回首江南波路濶菰蘆倘念布衣寒

贈沈雪峰

滄桑家國歎飄蓬耆舊空餘沈侍中廿載行藏依
白社半生心事托冥鴻詩成玄暢才偏健書逼蘭

亭醉後工五十孔融頭未白更看服食駐顏紅

送旅菴大師入都

當年天上一瓢歸說法還看錫再飛折葦過江秋
湛湛摩松到寺雪霏霏紅樓光逼新移輦金縷香
翻舊賜衣 今上慈威同佛日願憑花雨贊彤闈
偕鷹垂弟薛澱儼齋招閩中魏惟度吳江徐
松之同郡林定遠張徠遠吳非蒙師飲于
春暉堂次惟度韻

世堂詩集卷二

三

朋輩酣歌郡閣西九山叢桂夕陽迷軍城角動雲
千堞谷水潮平月一谿張翰鄉心鱸正美阮宣酒
興杖堪携更憐曲罷銀河落碧玉詩成醉懶題
時有女

秋日田髯淵先生張研銘招同魏惟度趙雙

白徐松之吳六益董蒼水沈彥澈張徠遠

弟薛澱儼齋宴集賦此

名流何減漢君宗斗酒論心蠟屐從曲徑霜華催
橘柚方塘水色澹芙蓉天涯賓客同司馬地主文
章得士龍興劇頓忘宵漏短棲鳥驚起隔城鐘

贈顧東籬

彥先才望洛京誇楚澤行吟老歲華珠履舊爲丞

相客青門今種故侯瓜親摩劍氣干將石醉聽漁歌蘆荻花漫道九山堪避世肯容綺季戀烟霞

和梁冲天提督咏花原韻

秋風鈴閣少塵埃香草雕闌次第裁何事靈均三楚佩偏從謝傅一庭開清芬疑散尚書握高咏還推武庫才遙想南樓陪坐嘯同心幽賞自無猜

其二

神仙偏得賈耽評秋草春花一樣清暖向沉香嬌欲睡寒依金井韵還生啼殘宿雨湘妃淚腸斷西風怨女名吟罷劇添騷客恨非關杜老太無情

秋海

世憲詩集卷二

四

棠

秋日侍家大人飲於二叔祖齋同弟薛澱儼

齋

杖履從容欵竹扉蘭亭少長更相依潭空夜月芙蓉淨水落魚梁稻蟹肥阮氏竹林推校尉謝家玉樹愧元暉已看籬菊垂垂影計日觥籌歷亂飛

送魏惟度讀書西湖兼訪其舅氏

六橋秋水暮烟橫客子西行桂櫂輕折柳不禁南浦別臨流早動渭陽情山銜佛寺諸陵盡月吐湖樓萬堞明爲訪交親窮歷覽知君到處有題名

讀魏惟度枕江堂詩賦贈

江水泠泠好濯纓草堂高枕一編成雲中自枉瑤華贈吳下爭傳白雪聲謝朓東田詩句美杜陵西瀼嘯歌清只今文選開南國諸子中原孰抗衡

贈趙雙白

亂後移家谷水隈草堂斜抱碧溪開陽春未許千人和窮鳥能令萬古哀海國秋高霜葉晚聞天瘴盡鴈行來聞君欲卜陶公宅籬下同傾酒一杯

白欲移居南村

冬日招禾中爰山夫暨同郡諸子小飲訓山

世憲詩集卷二

五

夫

才名藝苑久飛揚此日相逢畫舉觴三雅暖浮春酒碧一枝寒浸蠟梅香風流不淺元規興調笑何妨曼倩狂歸去寺門霜月滿更添詩思贊公房

夫寓蕭寺

贈吳星若

城西蘭若足盤桓上客高吟對碧湍定後梵音歇枕落曉來積雪倚樓寒馬卿已倦遊梁興衛玠還同入洛看多少三春江上鴈好將書札慰加餐

若將還江上

簡章素文

芋城臘月雪窓虛上客翩然過我廬題鳳空勞干
里駕停雲擬托數行書揚雄奇字人爭問謝朓新
篇錦不如更說選樓高百尺吳江烟樹渺愁予

寄懷沈繹堂先生

射策聲華滿 帝京幾年湖海不勝情上林久識
憐司馬宣室新傳召賈生鳩鵲日移天語細龍蛇
光動綵毫輕懸知拂拭宮袍在重聽蓬萊二月鶯
其二

昨歲相逢燕市中布衣潦倒怨春風誰從趙壹悲

世憲詩集卷二

六

窮鳥獨有中郎惜爨桐霜淨吳江聞落木雪深碣
石斷飛鴻感公臨別瑤華贈吟到山窓燭影紅

吳非蒙師得雙孫詩以賀之

門闌此日慶懸弧棠棣欣看一萼敷丹穴到秋騰
兩鳳驪龍入夜抱雙珠名殊卯已湯孫異皆並芝
蘭謝客俱自是右軍繞樂事分甘割味競懽娛

送同年程梓園太史入都

江岸芙蓉映畫船羨君冠珮去朝天由來視草驚
坡重到日承恩仙掌懸地迴直廬聞玉漏夜深歸
騎簇金蓮只今 聖主虛前席進講先陳七月篇

維揚張因元先生過雲間信宿言旋悵然賦

別

司空博物藝林傳孔李通門喜接聯才豈秘書勞
命駕交同文舉竟忘年先生與家大卿榜同籍金臺花月成

春夢庚戌與余同擯春官三泖鱸魚有釣船惆悵蘭橈難久

住秋風驚起雁行前

施研山先生五十奉東

先生文彩重琅玕射策風流漢殿看授易久傳施
氏學登朝早著惠文冠掄才玉筍青雲滿執法秋
霜白簡寒此日鵷班誰不羨十年清望肅臺端

世憲詩集卷二

七

其二

風稜嶽嶽九閭開 天子親誇御史才二陝昔驚
驄馬出兩河曾見繡衣來日高簪筆當螭陛夜靜
棲烏傍栢臺獻納只今推補衮佇看卿月照蓬萊

其三

聖人端拱五雲居上殿先陳稼穡書千畝紺轅開
帝藉先生疏請耕藉九州甘雨足春鋤東巡羽騎曾迴輦
行蒐諫止南國征徭再引裾請減三吳賦頌衮衮登臺原
不少袖中諫草有誰如

其四

敢因孔李謁龍門兩度燕臺笑語溫自是推人同
謝朓却慚賦骨似虞翻山川夢繞南牀月衣袂痕
留北海樽莫訝持觴頌維嶽生平賤子最銜恩

送昭遠之平陽觀省兼柬方回

江城細雨桂浮香馬首遙看指太行定省月移官
舍靜登臨日落帝祠荒酒携桑落騰騰醉果折葡
萄顚顚霜蓮幕况逢秦宓在詩篇酬唱滿奚囊

秋夜卧病郡邸聽雨

三秋伏枕髮鬢驚藥裹茶鐺百感興鄰屋梧桐飄
急雨虛堂蟋蟀近孤燈雄心半向風塵盡傲氣偏

世堂詩集卷二

八

從落拓增何日歸與向南浦持螯滿泛酒如澗

九日得從兄后張書兼寄見懷之作即次來

韻奉酬

潦倒同看郭隗臺風塵誰信出羣才故鄉千里雲
和月京國三年去復來楊子草玄難自遣馮生彈
鋏亦堪哀何時歸弄滄江檝紫蟹黃花對舉杯

其二

薊門九日好登臺定有龍山作賦才江畔蘼蕪騷
客恨天邊鴻雁素書來誰同蔣詡開三徑漫擬張
衡志七哀莫怨楚筵醴不設何如籬下菊花杯

九日得儼齋弟書即用后兄原韻賦寄

獻賦同憑碣石臺飛騰千里季稱才丹成不逐劉
安去臣老何須燭武來天祿夜深黎火焰秋江木
落鴈聲哀迴思少小登高日愁對茱萸獨舉杯

其二

秋風黃葉滿金臺作賦誰爲宋玉才朝罷露從仙
掌落詩成日射錦袍來五雲爛熳鵷鸞接三徑荒
涼松菊哀惆悵忽聞天外鴈開械長讀盡餘杯

奉贈施研山先生三十韻

翌運需王佐匡時賴直臣松筠元挺勁鸞鳳本威

世堂詩集卷二

九

神爽氣秋峰豁清才白雪新盛年騰驥足高步上
星辰許史欣承蓋班揚喜接鄰祥刑親簿領佐郡
跨江滑明燭黃沙怨仁田丹筆春漢廷推卓吏烏
府待垂紳骨鯁南床峻封章北闕頻叫閭排虎豹
撾鼓碎麒麟玉几方西顧花驄乃出巡威行風激
電澤霈雨隨輪破柱驚宵魅開倉起涸鱗霜臺齊
二華棠樹接三秦久識鵷班重還資鹽筴均繡衣
句注月盡鷄沁河濱映日鏐飛雪熬波水瀉銀力
清狐兔窟上佐水衡緡卧轍邦人祝還朝雨露臻
通門追孔李賤子附荀陳翦拂憐鹽駟吹噓濫席

珍金臺三獻策客館再汚茵蹭蹬悲生事艱難是
進身終煩憐鬢尾深愧負陶鈞歲月愁添鬢鶯花
淚漬巾病蟬吟咽咽跛鼈步逡逡翻枉綈袍贈兼
披尺素親銜恩同海燕戴德並蒼旻跼蹐滄江畔
蹉跎候鴈賓短歌聊矢頌早晚達平津

李漢爲傳令姊董夫人節孝事索詩以輓成

十四韻

婺曜光何爛幽貞世所傳家風東海舊禮教德門
先亞相貂蟬貴中郎叔父賢謝庭誇咏絮梁案漫
調絃那便悲孤鵠因之誓九泉松筠姿獨挺冰雪

世憲詩集卷二

十

操逾堅辛苦九熊日殷勤截髮年哀鸞傷獨影雛
鳳佇高騫不吊穹蒼意難將弱息延望夫空有石
思子恨無天玉折何嗟及蘭凋竟溘焉空餘總帷
在無復孝娥旋梓木依貞魄春風泣杜鵑芳徽銘
琬琰蒿里詎能宣

送田遜菴少宗伯冊封靖藩使竣還朝

朱邸開南服丹書下帝閭周屏崇呂伋漢柱重
田郎冊授容臺長符分異姓王皇華今攬轡藜杖
舊騰芒天祿尊劉向儀曹得李剛雙鋒辭北闕八
座出南荒鼇岫楓初暗螺江水正長風陰蕉葉嫩

雨熱荔支香鳥道通冠蓋蠻方識衣裳授圭贍虎
節負弩拜龍章客對梁園月醴陳楚國觴名藩叨
雨露使節凜冰霜去擁相如傳歸輕陸賈裝吳山
堪歷覽越水暫徜徉孔李通門舊荀陳德曜光旌
麾欣左顧鷄黍愧方將遠近驚星使殷勤話草堂
山川歸太史風俗紀江鄉去鵠秋濤迴迴轅阜益
張三台原北極照耀紫微傍

奉贈繹堂先生四十韻

靈嶽三千仞飛龍五百期生申原有自奮翮正當
時笏自東陽錫經從學士貽文章凌八代筆墨動

世憲詩集卷二

十一

三陟自昔開金殿惟公對玉墀至尊親賞激都
士識威儀御陌遊常遍宮花揀每欵卿雲天上捲
藜火杖頭吹却念畿南重因教北斗辭兩河勤保
障三輔肅藩維朔雪梁園下春風潞驛馳望京心
渺渺愛國日孜孜舊學皇衷切新恩鳳詔隨
鋒車千里駕蓮炬九重移便寫凌雲榜還陪太液
池四聲今沈約八法古羲之御匣端州硯龍文蜀
國絲吟成思杳冥興到墨淋漓玉食分嘗久貂裘
賜著宜談經推子政講易重程頤瀑直趨何早論
思出每遲冰壺膺帝簡玉尺待君持於越多邦彥

歐陽是主司璣衡平不爽竹箭美無遺桃李承君
命公忠報主知中朝方倚藉使節敢參差去攬皇
華轡來題太學碑吹噓到寒峻推解及沾危末學
承膏潤靈臺辱履綦桐焦寧有尾豆落漸爲其自
覺慚楊子還聞說項斯有親甘黍稷無路接臯夔
此日歌皇覽恭惟祝壽眉宮袍霄漢立仙醞大官
齋菊水浮丹井萸香泛綠窵冠裳三壽列鸞鶴五
雲垂賓從芙蓉府郎君玉樹枝何人三泐外常頌
九如詩象緯瞻星麗乾坤仰柱支黑頭功業在早
作帝王師

世恩堂詩集卷二

三

過淮陰

買舟昨日渡黃河淮水蒼茫倚棹過客夢不驚春
浪穩柳條如帶晚烟多

送兄后張遊潮州口占八首

歸來一月纔相見又上河橋送馬蹄路入炎荒風
色異子規聲裏夕陽西

其二

蠻山雨過瘴烟開匹馬西風亦壯哉南去莫愁鴻
鴈少鄉心好寄嶺頭梅

其三

天南六月少黃塵到日秋高景物新荔子晚紅蕉
葉老更看藤菜賽江蓴

其四

越女鬟簪茉莉饒竹枝聽遍日南謠枕榔酒醉潮
初上望海宜登湘子橋

其五

溪水猶留鱷血腥每從文字見精靈祠堂百尺韓
山上好拭莓苔石碣青

其六

不數鷄鵒與碧鷄雕籠語鳥儘堪携欄衡賦後風

世恩堂詩集卷二

三

流歌須倩奚囊綵筆題

其七

當年海舶已無餘馬頰猶登方物書地主更逢賢
刺史何須彈鋏歎無魚

其八

粵嶠千盤道路深驪歌唱罷思難禁何時重對南
歸客囊底驚看陸賈金

許墅關夜泊

西風嫋嫋雨霏霏水宿關橋烟火微客夢幾番愁
不穩隔船簫鼓夜深歸

虎丘竹枝十首

中秋時節劍池邊年少王孫鬪管絃
狎客十番齊按曲新聲譜出李龜年

其二

笙歌匝夜動祇林貴戚豪家樂事深
見說來朝遊舫集水嬉張在太湖心

其三

十五雙娃白雪膚畫船檀板按吳歈
不知此夜山塘月天上霓裳得似無

其四

世恩堂詩集卷二
古
閒遊女伴笑相於一色新粧步屨徐
不耐縷金衫子重輕螺澹畫紫霞裾

其五

雲鬟半髻斷人腸墮馬新翻孫壽粧
髻挽巫山高一尺更攏蟬翼貼鴉黃

其六

千人石畔畫闌邊細縷茶烟颺午天
過客不愁遭水厄轆轤懸綆汲山泉

其七

佛堂東角迴廊下叢桂金黃香色濃
瞥見誰家遊

冶子小姑心下自惺忪

其八

貞娘墓畔日初西踏盡花蹊與柳堤
無數冶容看未足斷腸還有餅師妻

其九

磁斗裝成一畫圖由來好事數三吳
移山莫訝愚公手勾出烟鬟似太湖

其十

泰娘家在閭門裏日落山腰不放歸
歸路莫愁燈火盡滿船明月照羅衣

世恩堂詩集卷三

華亭王項齡瑁湖

索笑檐藥

起甲寅三月
盡乙卯十月

杪秋泛舟遊園

杪秋泛蘭渚微風颺輕裾言結素心侶來叩幽人
廬芙蓉冒清沼黃葉盈堦除尋雲陟高閣巖石當
窓趨枯柏虧日景天籟雜笙竽徘徊狎坐鹿談笑
驚游魚塵氛頓已滌圖史良足娛古人愛秉燭今
人失桑榆願言尚子平五嶽恣籃輿

擬行路難十八首

世恩堂詩集三

奉君盤龍銜珠之玉鏡雲和綠綺之瑤琴枏榴水
精之寶枕九微七采之華燈盛年及時早行樂紅
顏零落委埃塵停觴聽我行路吟愁雲四塞歌聲
沉

其二

蜀國佳人製艷錦冰蠶作繭金梭引上織鴛鴦下
乘鸞中緣百結同心隱爲君裁作合歡衾象牙綠
角春風生無何君心不可保獨掩羅幃人欲老

其三

君不見山東終子雲弱冠建節天下聞又不見會

稽朱買臣行年五十猶負薪丈夫棄置不復道世
上俗眼徒紛紛誰言冰山不可恃太陽未見威猶
熾誰言死灰當復然肉骨虛寒竟誰是勸君且盡
杯中醴莫使胸前五嶽起

其四

高莫高兮太行山險莫險兮惡道灘山高猶有極
難險猶可穿惟有人心難測地千巖萬壑戈矛攢
我欲從之怖不敢拂衣高卧南山巔

其五

勸君莫種棘種棘傷手增太息勸君莫藝蘭藝蘭

世恩堂詩集三

當門礙戶闌人情反覆那可道竊國者侯竊鈞盜
寧使當時我負人莫令作事爲人笑噫吁嚱臣心
如石又如山石轉山移那可保

其六

中林有奇鳥比翼高枝顏色好一鳥飛上阿閣巢
鳳凰孔翠同逍遙二鳥失偶嗚嗷嗷粉榆斥鴳爭
啁噍安得長風鼓翼凌雲霄一朝烟塵蔽天起矰
繳滿墊愁何底斂羽戢影鷦鷯枝空林落落天風
吹

其七

桃李灼灼嬌陽春我行不樂登高城下見城中十
萬戶中有甲第連青雲黃金爲戶闥白玉爲欄檻
蹲鴟勢嚼齒虎豹張牙斷雲房窈窕不知處令人
不覩天家尊一朝牽連沒官去白晝雕甍竄狐兔

其八

東海有冤禽填海不知海水深南山有愚叟移山
頓使山神走丈夫立志貴益堅眼前困厄何須醜
陽春倏忽回霜雪寒谷花開顏色別君不見公孫
牧豕一老翁奏對殿庭天子悅

其九

世昌堂詩集卷三

三

歎息復歎息拔劍斫柱淚沾臆男兒志願在四方
我獨何爲困鄉國仰面看屋梁低頭媿顏色癡兒
不知父母心中夜床頭索棄栗嗚呼安能不見復
不潛禽息鳥視終天年

其十

君不見淮王鼎內丹鷄犬食之皆成仙我欲升天
苦無路母乃骨相應迤邐不如飲酒且開顏學仙
不得游塵寰一丘一壑適吾志何必瓊樓絳闕嗟
難攀

其十一

應龍騰霄憑尺木艷質無媒歎幽獨子虛不得狗
監力長卿詞賦徒碌碌生無金張托徒爲阮生哭
讀書耻干謁難免溝壑辱君不見子公與援入帝
城司隸多仇死牢獄

其十二

君不見魏其謝病居藍田平時賓客皆莫前李廣
霸陵逢醉尉呵止亭中若奴隸英雄失路困豎子
濁世人情盡如此以此感慨生長歎紛紛輕薄何
足齒古今達士有孫登長嘯蘇門呼不起

其十三

世昌堂詩集卷三

四

嶧陽之桐半枯死摧折泥沙蝕蟲蟻匠石鏤斷鍾
期用彈出高山與流水天地生材自有奇風塵物
色能有幾郭隗買馬先朽骨蔡邕求材惜焦尾文
夫切莫輕受恩國士殺身報知己

其十四

男兒終歲事奔走白雪我我沒馬首朝經七貴門
門前賓客齊槐柳夜過五侯宅殘杯冷炙爭離席
對此泆然面發赤瞪目直視行不得拂衣長歌歸
去來富貴於我何有哉

其十五

少年同里相交歡丹鷄白犬盟歲寒乘車戴笠誓
不負殷勤握手吐肺肝一旦白刃起杯酒覆雨翻
雲何不有賢哉山陽范巨卿張劭所以稱死友

其十六

君不見園中木槿花花枝灼灼如朝霞隨風飄颺
墮金井思婦對之長咨嗟自從良人戍遠道獨守
空閨心悄悄鉛華不御鬢蓬亂顏色如何得花好
西山日落月上軒愁殺枕函雙鳳鳥

其十七

丈夫重意氣志士貴然諾仗義不愛身何況妻子

世憲詩集卷三

五

託世人重利不顧義今日輸心明日背有錢能使
貧夫死無錢游俠成何濟君不見虞卿相印等鴻
毛季布一諾稱人豪俗眼但識黃金高

其十八

諸君開懷且勿憂人生變化不自由眼前有酒且
酣飲裸袒大叫輕王侯韓信不羞袴下伏樊噲狗
屠聊躑躅衛青侯家一騎奴班超潦倒傭書辱一
朝風雲起草澤萬里高飛看鴻鵠

送吳非蒙師東還歌浦

先生家住歌浦東門前流水桃花紅淵魚直釣不

上釣投竿獨對滄江空嗚呼人生貴賤亦何有要
使風流垂不朽凌烟高閣有時傾屈宋文章長在
口君不見五侯里巷車填咽先生性不因人熱又
不見屠沽酒肉高于山先生視之如等閒坐下惟
餘六尺簾床頭剩有書千卷祇今烽火江關滿此
生只合牽黃犬東還桑果十畝寬抱孫率子歡團
樂吾家右軍誓墓不肯出何況綽綽身無官

東廬文子

大雅今寥落如君一代雄文章傳八米月旦走羣
公弟子鱣堂滿郎君玉樹叢晚年詩律細咄咄少

世憲詩集卷三

六

陵風

文子註杜
詩甚佳

得杜高峰札

衣冠推杜曲中弟最知名浩氣吞三泖高文續兩
京棄官因黨禁避世學躬耕忽枉瑤華札窓前落
鴈聲

朱雪田自隴右歸

西游君已倦天險歷秦疆隴雪萬層白洮雲千片
黃羗兒誇捫馬牧豎慣騎羊袖裏長康筆山川圖
畫長

遊張紫垂園亭兼貽冰懷衣聞昆仲

我愛張公子園亭盡日留巖深晴亦雨樹密夏疑秋兄弟真龍虎文章屬阮劉丈夫逢世難書記亦

風流

水懷近應戎幕之聘

過張荆門郊居

風流張仲蔚別業在東郊背郭溪流遶披林花氣交解頤聞鼎說便腹得邊嘲何日屏塵慮雲松此共巢

與林定遠

君家好兄弟才調轢前賢草檄常磨楯分題便擘牋風流新麀尾家世舊貂蟬無限停雲思憑欄意

世尊詩集卷三

七

惘然

周鷹垂從吳閭寓書却寄

近得金閨信知君興不孤探梅留鄧尉顧曲到吳歛詩句題僧舍行藏混酒徒伯通橋上過懷古定踟躕

寄馮景脩

自別馮君後相違又一年閉門花藥爛開眼薜蘿懸對月思調曲當爐憶醉眠舊遊難再續回首欲淒然

歲晚

冬日時豐暇天晴晚上臺朔風號古木春色凍寒梅地僻村讎沸林空宿鳥哀無端看歲晚又是一年來

午日雨窓有感

風雨西窓一病身江潭誰與吊湘臣天涯是處驚烽火海國何心揀艾人賜粽金門還憶弟汎蒲子舍喜承親杞憂噩夢何年息愁對榴花刺眼新

贈楊元凱提督

東南萬里接蓬瀛細柳風高畫戟明六郡貔貅皆受律廿年草木總知名曾穿楊葉天顏喜特賜

世尊詩集卷三

八

龍媒虎旅驚早晚海天消戰伐佇看麟閣繪營平

其二

曉日期門瑞靄浮三軍鏡吹祝千秋張良學道原黃石鄧禹封侯尚黑頭雲擁將星朝北斗風飄天樂下南樓英雄本是神仙侶銅柱今看到十洲

懷友八詠

田髯淵先生

秋風三泖水漣漪千尺龍門倚水湄陶令歸田花滿徑孔融愛客酒盈卮時從下食瞻星聚况復忘年得鮑知聞說郊居方賦就肯容雌霓讀來遲

吳子六益

雄才江左擅雕龍
道跡名齊楚兩龔
海內鉅公爭走幣
山中高士自哦松
蘭舟泛月停三泖
蠟屐捫雲上九峯
最是秋來風雨劇
衝泥無計日過從

張子研銘

茂先博物是吾師
藝苑靈光又一時
檻外垂楊斜映竹
庭前巖石曲侵池
銀絲細斫郎官鱗
研銘家
有甚精鐵撥爭彈幼婦詞
最善
小令痛飲更能容小戶
竹林還得數追隨

董子蒼水

世賞堂詩集卷三

九

城南詩酒劇留連
掉臂推鋒爾獨先
窈窕自來謠詠妬
風流詎受衆人憐
文園善病偏工賦
楊子談經獨草玄
池上菱荷無恙否
何時重醉碧筒前

錢子葆飴

鳳池清切逼雲霄
綵服歸來樂事饒
豈爲思鱸輕去國
還因愛日漫趨朝
機山春早堪遊屐
滬濱秋高好射潮
轉憶南皮高會日
不堪朋舊却蕭條

張子徠遠

城西別業水雲寬
載酒邀朋坐藥闌
元亮階前松五鬣
王猷徑裏竹千竿
登樓華黍離離繞
入座羣

峯面面看惆悵
莫愁雙槳去芙蓉
空照綠波寒指女

顧子孝持

風雨高齋對硯時
青冥意氣十年期
無成予已憂才盡
多病君還歎數奇
南浦霜寒楓葉老
軍城月落角聲悲
林田却喜今秋熟
遲爾同傾碧玉卮

張子寄亭

才名南國數三張
東髮論交得孟陽
牛炙啖來初入洛
鱸魚思發早還鄉
三杯醉後書稱聖
五字吟成興欲狂
把臂莫談天下事
黃花白酒暫徜徉

世賞堂詩集卷三

十

唐興公先生八十奉東

白髮先朝水部郎
百年圖史在張蒼
楷模世仰龍門峻
歲月人看洛社長
玉杖探梅聽鳥哢
籃輿采菊愛山光
只今聖主還求舊
未許磻溪獨釣璜

其二

歲星爛爛五茸邊
下有仙人大耄年
綺季衣冠雙髻古
太丘圖畫百城傳
喜看驥子千霄上
笑引龍孫著膝前
正值春風花滿苑
流霞醉把艷陽天

讀史有感

國是紛紛肉食賢
杞人何事獨憂天
公卿競議西

園價天下誰輸卜式錢戰鼓不鳴軍有婦哀鴻到處竈無烟鑄來鐵字終成錯無限傷心對簡編

其二

授鉞勤王日夜聞麒麟高設待殊勲湘東漫說擒侯景項羽徒能殺冠軍甲士蟲沙麾下變美人絲竹帳前紛書生空有憂時淚灑向東風到夕曛

其三

衮衮乘時據要津支離應自笑閒身但聞銅臭稱名士可爲黃巾赦黨人十上功名成畫餅再丁離亂愧勞新惟餘三尺龍泉在夜夜光芒動紫旻

世恩堂詩集卷三

士

送徐健菴先生赴補北上

聖人側席想甘盤未許東山卧謝安蓮燭再傳移玉殿銀魚重聽上金鑾天門詆蕩瞻三鳳江左風流數二難却恐趨朝車騎遠何人月旦重騷壇

九月二十八日爲家大人誕辰招服西碗珠

叔祖壯其其子叔服遠宴集次服西來韵爲愛元裴耐久朋草堂濁酒漫張燈莫談楚漢中原鹿且掣東門臂上鷹

其二

已判烟巒作弟昆烏衣門巷媿王孫但看山澤交

遊在那美鵝鸞雨露恩

其三

黃菊垂垂景物新稱觴劇喜遇芳辰願憑仙客南山頌來獻堂前百歲春

聽雨有感

十上歸來卧北窓蕭蕭風雨暗滄江從來李蔡封侯者猿臂何須恨殺降

懷家弟儼齋從兄后張各五首

有序

家弟儼齋棲遲金馬乞斗米于大官從兄后張留滯京華彈劬緱于幸舍江南春草

世恩堂詩集卷三

士

自滿池塘剌北秋風斜分鴈字况乎蓴絲鱸膾若爲張翰之思冀馬賓鴻祇益徐陵之感對河山兮綿邈悵燕羽之差池維時白露橫江托相思于銀管丹楓照岸攄別緒于瓊箋敢云憂時杜老偏多憶弟之辭庶幾懷舊眉山還續對床之句爾對床風雨十年曾襖被長安酒欲冰此夜玉堂蓮燭裏可能還念讀書燈

其二

易水吳山道阻脩烽烟滿眼使人愁平生亦有凌

雲志鄉土棲遲感少游

其三

太白熒熒屋角高東南羣盜尚如毛驚心天外嘹
嘹鴈獨坐池塘思鬱陶

其四

慈仁寺裏海棠花惆悵同遊隔歲華轉眼家山花
爛熳江南春色未全賒

其五

薊北霜高木落時故園黃菊正參差相思欲寄無
他物一幅淵明歸去辭

以上懷儼齋弟

其六

南國驚看羽檄飛傷心王粲十年依當途盡發尊
鱸思山客何緣久不歸

其七

藿食難爲肉食謀毛公幸舍尚淹留只今當寧
求才切脫穎還看借箸籌

其八

燕市歌呼踏雪驢酒徒豪氣未應除憑君寄語荆
卿輩莫使人悲劍術疎

其九

長安雪夜密雲屯促坐圍爐共酒尊今夜小窓還
獨酌斷腸孤鴈叫黃昏

其十

悵望天邊雙鯉遲潞河水泮在何時遙知季孟聯
床夜春草江南入夢思

以上懷后張兄

癸丑午日禹服招飲龍潭繫船柳下酒半出

女郎翩鴻脩觴歡讌竟日今禹服已化去

翩鴻亦從五湖遊矣重過舊地惟見斷橋

卧柳憔悴西風而已感而賦此

午日龍舟弄午潮柳陰橋下駐蘭橈故人化鶴秋

孃去腸斷重過舊板橋

世恩堂詩集卷四

華亭王項齡瑁湖

紫芝山館藁

起丙辰正月盡
丁巳十一月

六月十一日座主在陽王公招同平原張亮

哉桐城張敦復常熟歸孝儀六安馬子蕃

廣德陳幾先維揚朱范公家仔園同郡張

荆門集中頂荷亭遇雨分韻得竹字即席

賦呈

步屨出西郊穿林至幽谷茅亭三兩楹沿流匝花
竹初日照芙蕖新粧紅簇簇夫子命軒車賓從皆

世恩堂詩集卷四

一

如玉飛觴卜晝歡碧筒勸相屬俄焉雲氣沉細雨
波紋縠柳外一蟬鳴山光淨如沐翰墨闢芳菲良
會應難續拍手山公歸夕陽下山曲

丁巳夏日陪座主在陽王公重遊中頂觀荷

同姚岱麓給事張良哉主政田綸霞民部

陳椒峯中翰周緘齋中允程梓園侍御劉

价人廷評謝方山比部龍二爲表杜少兩

舍人賀客星明經周廣庵張存默陳幾先

素以御諸孝廉分韻得易字

豈無金谷園安得清涼地驅馬出西郊遠山送青

翠微風水面來冷然快人意夫子鸞鳳姿脫畧勢
與利休澣逢佳辰壺觴此焉寄亭臺不改觀花枝
較嫵媚壁間龍蛇翻摩挲舊題字樂此夏日長驚
波流光易泥飲欲忘歸斜陽趁歸騎

送同年魏子相庶常請養歸里

山東魏子真丈夫卓哉詞賦傾三都早年賢書名

第一魯國諸儒謝勿及公車三上氣益豪籍甚聲

名動京邑天人奏對甘泉宮上林春滿天花紅

至尊含笑親賞激鳳池妙選君稱雄無何陳情玉

階側臣也有母年七十古來忠孝本至性 天子

世恩堂詩集卷四

二

心嘉動顏色君不見魯敬姜義方訓子成忠良又
不見穎考叔賜羹遺母垂芳躅人生富貴何足數
綵服娛親稱丈夫嗚呼魏子真丈夫

元夜

帝里逢元夜笙歌動地聞星橋雲外度火樹月中

紛光奪霓裳色花生寶馬文看人爭擁處假面有

參軍

其二

比戶華燈艷千門寶炬紅神鼈疑吐月珠鳳欲凌
風遊騎傾城出香車夾道通長安三五夜極樂萬

方同

其三

堯陛仙萸滿天宮桂魄盈九微光不夜四照彩橫
生的的銅壺永迢迢銀漢清遙思故鄉月親舍隔
江城

其四

結伴來三市看燈到五都似星叅碧落如月浸冰
壺倡女桃花面妖童白雪膚不須勞秉燭自有夜
光珠

擬冬日 幸獵南苑應制和家弟儼齋韻

世憲詩集卷四

三

講武乘農隙龍輿下紫微六師環帳殿七萃合行
圍鵬自杆弓落鷹還逐兔飛歸來飲平樂醺酒割
鮮肥

其二

罕畢垂天網旌旗曳日輝三驅嚴狩禮一矢仗皇
威熊館頒禽肅鷹臺列燒微于畋供廟薦原獸自
來歸

其三

鉦鐃動郊畿周陸百里圍山容千兕帳樹繞九旂
旂射虎風生耳從禽雪滿衣六龍巡幸處應有五

雲依

其四

草淺兔狐肥霜寒樹影稀角弓彎月滿盧犬帶鈴
飛宿衛材官盛勾陳羽騎圍却慚揚執戟侍從上
林歸

孟夏房師蘋村徐公招同門朱秩公唐依陶

朱采章陳大年胡南荅劉亦朝胡廷一集

祖園即事

城西一曲水雲莊杖履從游清晝長柳色遠連花
幔碧藤陰高覆石牀涼羽書十道徵諸將櫻筍三

世憲詩集卷四

四

春話故鄉却媿侯芭分末席問奇載酒漫徜徉

附先生和章

紅泉綠磴白雲莊芳草如茵柳帶長曲徑濃陰
疑欲雨大堤高樹自生涼天留風月酬良友地
有鶯花抵故鄉望裏諸公齊袞袞容吾瓢笠去
徜徉

疊原韻呈蘋村先生

塵氛不到百花莊荷葉田田行帶長嬌鳥自啼巖
谷靜冰桃初薦玉盤涼有天難問尋漁父無地理
憂覓醉鄉三泖烟霞堪結侶扁舟秋水足徜徉

附先生和章

閒披秋水註蒙莊拂戶風吹解帶長穩卧桃笙
忘夢醒愁聽玉笛按伊涼看君作賦思焚硯老
我開情日望鄉河渚弟兄多逸興東臯可許共

徜徉
附家弟儼齋和先生二章

曾隨勝侶到雲莊
綠柳參天夾道長
坐樹黃鸝迎客語
窺魚白鶴愛溪涼
幽巖尊酒宜晴日
小閣蒲荷恍故鄉
一別名園驚隔歲
羨君綠竹漫徜徉

遙知避暑浣花莊
共挽籃輿出郭長
翠鳥拂簾芳樹綠
綠蟬吟露畫橋涼
玉臺文藻真無敵
金屋溫柔更有鄉
誰說笙歌悵慢隔
謝公碁墅一徜徉

附先生答李弟二首
新詩寄自浣花莊
文采風流雅擅長
趨直薰鑪東觀曉
退朝高枕北窓涼
四愁似我思何處
二艷輸君老是鄉
更有池塘春草夢
阿兄佳興倍徜徉

君家先構朝川莊
藥臼茶鐺生計長
白墮酒清思下若
綠沈瓜冷憶西涼
今時敢動尊罍興
與友爭尋鷗鷺鄉
我亦南垞裴處士
願隨摩詰與徜徉

世園詩集卷四

五

復疊前韻二首各成四章

五湖烟水半漁莊
牽引歸心日夜長
山鳥下時花影亂
野鳬浴處柳陰涼
弟兄洛下同參解
師友江東本一鄉
惆悵客中分手易
暫時泥飲共徜徉

其二

參差花木午橋莊
往事依稀感興長
賴有詩篇消塊壘
愁聞入破奏甘涼
嵇康好懶難爲吏
王粲哀時每望鄉
計日歸帆蓴菜熟
九秋風景好徜徉

附家弟儼齋和章
驪歌暫緩憇花莊
爲說銜炎驛道長
暑到畫堂湘簾熱
秋生征馬嘶雲涼
絳紗暇日依仙侶
紅豆新詞滿帝鄉
最是陽春難屬和
清吟月下幾徜徉

徜徉
華亭歸夢一村莊
拂戶槐陰歲月長
春雨藥欄三徑潤
秋風魚鮓五湖涼
親因亂後頻傳信
客爲花時倍憶鄉
旦晚朝衫還暫脫
弟兄舞綠共徜徉

七夕後將出都后張兄賦詩贈行儼齋弟和歌送別即次原韻酬之

梧桐一葉下都亭
三疊驪歌醉裏聽
握手天涯俄半載
驚心節候已雙星
酒傾桑落杯中綠
雨過河橋馬首青
十載公車空待詔
深慚名姓達彤廷

其二

五度長安每贈鞭
春風羞對杏花前
謝家兄弟慚

世園詩集卷四

六

靈運左氏流傳有伏虔
后兄著左傳紀事論甚佳壯志徒懸霄

漢上鄉心常繞鷺
鷗邊采蘭色養原
吾事不羨輕肥蔡澤年

其三
此首爲儼齋賦

講筵春暖覆紅雲
笑語時從天上聞
花吐鳳池香菡萏
光騰藜杖氣氤氲
床聯風雨墳篋叶
地隔蓬山雁旅分
知爾抽簪歸思切
平章風月亦奇勲

其四

小草生涯敢怨天
鳳城分手欲潸然
銜杯共對燕山月
策馬先衝灞柳烟
鄉思望雲千嶂疊
新詩脫

口萬人傳經過尚有荆卿否拄杖何人醉阮宣

附兄后張原韻

十年三到瀾陵亭此際驪歌帶笑聽墨海筆淵

開武帳珠鞭玉勒擁文星濁河斜日車迎紫雲

岳飛

最驚季子已先鞭綵筆貂衣玉殿前掌教縱教

袖香猶日月邊寄語次公還努力曲江花發只

三年

紫芝山館敞紅雲對策才名海內聞再拜北堂

供膳寢更開西閣坐氤氲池荷著粉依簾起園

鳥爭

老我升沈一問天渭城岐路乍妻然秦山絲管

朱門月碣石駭歌白草烟浩蕩江湖魚自躍平

安烽

附弟儼齋作

世學詩集卷四

七

相隨五載客都亭御柳啼鶯幾度聽詞賦競邀

梁苑雪公卿羣識少微星龍泉運動神光紫書

幌燈

趨庭謂后張也

伯氏春風七寶鞭看花新宴曲江前才雄羣從

惟王儉佩解三公有呂虔鐵畫賞從宮禁出綵

衣香自御爐邊旁人爭羨成名早誰信公車已

十年

秦山堂繞海東雲十里潮聲白晝聞雨散蒼龍

時天矯巖齊綠樹曉氤氲家園夢裏鳴禽台燕

嶠愁中旅雁分仲氏莫嗟猶落形廷旦晚策

奇勳

白髮高堂悵各天每看兄去倍凄然葡萄花壓

青門酒駿馬人分灞柳烟烽火近知秦地息鏡

歌新自帝鄉傳別離俱在秋風裏留滯登樓有

仲宣

張子寄亭和前韻贈行即次奉別

春風花落子雲亭玉屑霏霏拂塵聽賦就鷓鴣矜

綵筆銘垂劍閣動文星上書未報頭堪白送客無
端草又青珍重龍泉藏匣底夜來光氣燭天庭

其二

嫋嫋秋風動玉鞭歸期猶喜菊花前四愁我更悲

平子三絕君還過鄭虔文筆光搖蓮幕裏釣絲晴

習泖湖邊蛾眉莫歎逢謠詠轉盼都生擢桂年

其三

遙知別後盼停雲班馬聲嘶不忍聞鷗鳥海邊原

浩蕩紫微天上自氤氲男兒苦向塵中老良友愁

從容裏分却歎沙場猿臂子笑看李蔡樹功勳

世學詩集卷四

八

其四

聞道淮南水拍天故鄉風景倍凄然秋波狂嘯千

堤柳夜雨寒沉萬竈烟歸夢已隨鴻雁去相思還

把尺書傳預愁白苧城西路車轍誰來訪仲宣

附寄亭作

送君車騎出都亭謝豹愁從客裏聽登第已成

游子志思親頻望老人星莫言困頓頭堪白相

見逢迎眼盡青自歎淹留緣病骨道書一卷註

黃庭

杏苑花濃羨著鞭上書不達至尊前交遊未

得逢楊意仕宦終須陋鄭虔索米難留雙闕下

歸心先繞五湖邊到時親觀茫茫水可有田禾

似去年

書成懸帳賦凌雲天下才名誰不聞藜杖火消

何寂寞紫微花在少氤氲除書不久官終達失

意雖同迹尚分我欲便隨猿鶴隱笑看屠沽樹

功勲
搔首何須更問天
閑身此去亦陶然
携樽好醉
機山月把釣應浮笠
澤烟屈指自知歸
信近相思不待尺書傳
赤松秋色應相訪
有語先憑寄仲宣

奉贈太宰郝敏公先生

五雲靄靄麗文昌
共說山公故事長
水鏡迥懸霄漢上
冰壺高映斗杓傍
風飄劍履排閭闔
日暖貂蟬出建章
自是九重恩眷渥
預開黃閣待廻翔

其二

南宮委珮響金魚
曳履春雲上玉除
碩望朝推三獨坐
威名帝簡六尚書
虞廷稷契知方駕
漢殿

世恩堂詩集卷四

九

參何媿不如台席喜
看甌卜近一時霖雨遍黃輿

其三

閎闕崔嵬尺五天
鸞章奕葉世爭傳
摘陵濟美聲華盛
尹陟重光爵位聯
照耀三珠垂玉露
起居八座並金仙
君恩家慶懽無極
補袞方當舞綵年

其四

文章當代仰宗工
模楷人倫李郭同
剪拂病禽生羽翼
吹噓寒谷轉春風
掃門喜被曹公接
乞米猶憐方朔窮
却笑鰥生無以報
獨持斑管漫歌松

上座主大宗伯漢陽吳公

中朝偉望最嶙峋
曳履文昌近紫宸
禮樂虞廷推制作
威儀漢殿識經綸
伯夷自昔和邦禮
彤伯行看秉國均
八座三台星象逼
春風黃閣待垂紳

其二

十年供奉五雲中
洊歷三臺職事雄
獨坐威行中執法
水衡官屬大司空
隱之清節推家學
季重文章擅國工
試問古今青紫客
如公名德幾人同

其三

南宮水鏡喜澄清
桃李無言向日榮
寒谷自隨鄒律暖
爨桐還待蔡琴鳴
龍門模楷朝端重
馬帳風

世恩堂詩集卷四

十

流弟子盈却媿樗材蒙雨露也同蘭芷荷生成

其四

春光晴轉禁城隈
玉液擎來獻壽杯
莫葉暖隨芝草發
辛盤長共錦筵開
西堂佳句看雛鳳
東閣新詩動早梅
指日調元登上理
陽和到處祝康哉

送張寄亭南歸

花發葵榴滿藥闌
驪歌欲唱駐征鞍
君歸戲舞萊衣樂
我住應嗟朔飽難
畫鷁江鄉喧競渡
新篁小閣映檀欒
文園渴疾知當解
可念金臺舊侶單

訓任丘龐雪崖孝廉

誰道龐公不入城金臺邂逅慰平生雄才共擬傾
三峽作賦還當駕兩京此日霜蹄看暫息他年鵬
翮見橫行慚予得附通門雅快讀新詩到月明雪
為家弟儼
齋門下士

送賀客星歸丹陽

賀監風流誰不聞詩篇白雪邈難羣到傾北海樽
中酒歸卧華陽洞口雲篋裏貂蟬傳世澤腰間龍
劍逼星文何當司馬遊梁倦分手金臺悵夕曛

賀高澹人中舍

親持綸綍五雲中顧問從容禮數隆常直揮毫香

世恩堂詩集卷四

十一

案左新恩賜第日華東風飄鷄樹春雲暖花吐鸞
坡曉露融侍從更知多著述漢廷應復有揚雄

送座主荏陽王公內陞京卿給假歸里

十載梧垣獻納親一時風節最嶙峋冰霜舊操傳
青瑣卿月新恩下紫宸瀲灩光搖仙露掌逶迤
秋滿蓼花濱先生莫滯東山駕應念蒼生望澤頻

又

文章海內主齊盟退食高齋冰雪清愛客每懸徐
穉榻看山不淺謝公情淋漓翰墨頻燒燭窈窕籃
輿好聽鶯却憶春郊陪杖履花時幾度接杯鐙

同兄后張弟儼齋寓齋小飲限韻

哲兄詞賦本懷蛟愛弟文章亦九苞忽漫開樽良
宴會相逢把管費推敲陸沉方朔嗟難飽懶情揚
雄作解嘲何日歸耕南浦上松雲高卧一枝巢

送房師蘋村徐公給假歸吳興二十四韻

夫子文章伯風流邁昔賢清辭霏玉屑爽氣豁金
天戴席馳聲早揚亭問字聞俊厨爭奉轡庾鮑絕
隨肩彩筆奎文爛榮名蒞榜聯芸臺春視草藜杖
夜吹烟制作傾枚叔經綸軼孟堅賦詩天賞激灑
翰世流傳紅豆歌南國烏絲寫蜀箋淫哇喧俗耳

世恩堂詩集卷四

十二

雅調落朱絃鐵網羅瑤貝柯亭采竹椽不聞嗟下
別竊自喜鶯遷伯樂初逢日無鹽得嫁年銜恩同
海燕賦命類溪鳶窈窕蓬山隔棲遲小草憐公卿
非絳灌賤子實連遭笑比羊公鶴悲餘子敬旣相
將依講席忽漫賦歸田秋釀烏程美春茶顧渚鮮
香携雙闕上綵舞北堂前玉樹誇沈默萱枝並偃
佺蒼生瞻八柱弟子望三鱣自是天倫樂須知
帝眷偏東山寧久滯早晚玉麻宣

上座主少宰宋公六十韻

夫子江東望高名北斗邊風雲期五百禮樂定三

千閼閼蘭臺舊文章郢曲傳無雙標令譽第五壓
羣賢雅量江河濶貞姿枯栢堅花生江令管鳳吐
董生編麗句聯珠綴清思濯錦鮮搜羅窮學海吐
納蕩文川弱冠登高第芸曹儼列仙清華當禁地
學術裕經筵

今上宮僚日

先皇侍從年兩朝資啟沃四海藉陶甄香浥金莖
露風飄藜杖烟西京公子賦東洛主人篇委珮趨
三殿含毫對八磚蓬池春賜鱸鸞尾畫書箋濟
濟橋門列湯湯璧水涓金絲傳闕里石鼓自周宣

世憲堂詩集卷四

三

王儉衣冠盛桓榮更老虔辨才登楚豫相馬遍幽
燕憶自黃扉啟還看紫閣延書思魚作佩草制筆
爲椽蜀纈宮袍覆金蓮御案遷入司綸綍詔出
領度支錢主計張蒼善司農蕭相專萬民歌樂土
九府轉流泉制式憑周禮持籌謹國權稍遷仍八
座特簡更三銓清澈冰壺皎光芒水鏡圓裴王應
却步毛鄧祗隨有亮節心如水平風幕是蓮總持
群牧上寅亮百僚先客對徐公月人登郭泰船芳
規真卓爾逸興更悠然樽酒琴堂滿園基別墅偏
焚香閒讀易拂塵愛談玄且喜鵲鵲奮相期雲漢

騫名駒騰渥水寶玉出藍田此日文場關維公化
雨綿珊瑚歸鐵網玉尺照珠淵寒峻彈冠起名流
躍馬前成人真有造報國洵無愆永叔持衡正劉
幾軋茁捐桂林蒙拔擢李徑絕黃緣末學慙窺管
深仁得著鞭懽忻逢哲匠容易脫寒氈却恨鸞坡
隔虛勞駿骨憐三秋淹旅髻九夏滯行轡藝苑誰
龍腹清江憶鷺拳風塵還躑躅進退幾憂煎每侍
扶風帳時懷楊子鉛雪深函丈立樂奏後堂闌忽
漫書雲候欣當上壽天黃鐘調玉律黑髮映貂蟬
瑤草森森長笙璫隱隱連日依宮線永春向錦筵

世憲堂詩集卷四

古

旋天上聯夔契雲中友偃佺南宮曳劍履東海息
戈鋌奕奕三台麗巍巍八柱懸金甌看早卜霖雨
萬方全

恭讀

御製賜圖大將軍詩敬賦

上相征西奏捷功天章賜出鳳凰宮將軍虎拜承
恩日應有奎光亘碧空

其二

元戎秉鉞鎮關中士女懽呼萬戶同勲伐不言稱
大樹聖人深鑒賈君功

其三

推轂臨軒禮數崇掃除妖宿一年中共誇閭外成
功早誰識君臣一德同

其四

烽烟電掃見晴嵐上將腰懸寶劍鍾輔弼久傳蕭
相國勲名新識杜征南

其五

淋漓寶篆十行多宸藻光飛墨海波却笑當年赤
帝子沛宮空發大風歌

世恩堂詩集卷四終

世恩堂詩集卷五

華亭王項齡瑁湖

華黍樓藁上起戊午三月
盡十二月

閨上已偕宋牧仲比部曹升六中舍葉元禮
高二鮑兩進士柯寓匏明經路湘舞文學遊
祖園宴集分賦有序

原夫韋曲鶯花每流連於騷客杜陵香草
亦據寫於詞人况復天假良辰再展流觴
之月人當豐暇重修板襖之筵邂逅名莊
沁水與辟疆爭勝逡巡別館鶴洲偕鳬渚

相依石號奇礪如入到公之墅花名丹柰
疑遊潘岳之園錦幄初張繡茵旋設味憶
洞庭之美醉拆雙柑香分下若之醪狂呼
三雅既而登臨月觀遙瞻靈鷲之峯憑眺
風臺直見蒼龍之闕勝流歛集李倫倡金
谷之詩麗句爭傳逸少有蘭亭之叙敢抽
銀管請振金聲

鶯轉前林草滿汀偶乘休澣踏芳坰道傍垂柳如
相識纔出城闔眼便青

田鼎淵曰前人咏柳枝
詞甚多何曾道得此

又

將軍亭子匝清池
關鴨雙雙泛綠漪
一片空明諸籟寂
簾前紅雨落花時

田翬淵曰
中有靜致

又

古藤盤曲似藏蛇
老幹逢春欲放花
轉憶故園花信早
紫絲障底啜新茶

田翬淵曰
自然入勝

又

登臨快絕有高臺
西望千山黛色開
寂寂松陰留

世恩堂詩集卷五

二

晚照一雙燕
尾掠波來

陳其年曰
眼前景色
自不猶人

又

團團促坐把流霞
泥飲懽騰烏帽斜
花裏行厨方物荐
不知此日在天涯

又

曲廊窈窕足盤桓
兩兩天桃映碧湍
把酒問花花不語
多情還爲倚花闌

田翬淵曰
此時花應解語

又

諸子風流盡逸才
蘭臺話舊實雄哉
相看貌類留侯弱
曾扈

先皇射虎來

牧仲談宿衛時扈
駕射虎事

又

知己留連惜別難
迴鞭暫爾駐銀鞍
世人盡賞繁花艷
荒圃雲松也要看

歸途小憩刺
梅園松下

陳其年曰
序同金谷詩
比浣花佳節
名園良游
雅集想見一
時之盛真不
減昔人洛濱
游也
田翬淵曰
清綺秀逸不
繁不
盡唐初小序
之故擅場者

答張寄亭即次來韻

思君幾度把君詩
正是長安花落時
遙想清吟山

世恩堂詩集卷五

三

館靜黃鸝飛上最高枝

沈繹堂先生招飲紫藤花下和家弟儼齋韻

銀魚鳴珮擁三騶
退直藤陰滿院幽
花影儘堪知

愷畫酒香偏愛醉
髭留風塵儵爾開
雙眼洞壑悠

然見一丘東閣更
聞吟白雪官梅何
必憶揚州

陳其年曰
三四
劍南老子風致

即席次前韻贈計子山

談天寧復數三騶
花下婆娑小徑幽
明月庾樓堪

嘯詠芙蓉儉府足
淹留逢人未肯輕
雙劍懷古誰

能讀九丘眼底風
光真可愛怕聽鄰
笛按涼州

早朝

銅龍春暖闢黃扉百辟鳴珂覲紫微曉日晴開雙
雉扇和風徐動九旂旂香飄堯陛鑪烟細樂奏虞
韶鳳羽飛却媿濫隨鴛鴦侶五雲深處見垂衣

正月二十二日

上召郎中臣王士真賦詩賜宴授翰林院侍讀遂
詔中外臣僚各舉所知恭紀四律步學士李容齋

前輩韻

宣室崇儒席自虛洛陽才子更誰如宮中帝賞文
園賦閣上星窺中壘書陪宴內廷歸騎晚揮毫別

世憲詩集卷五

四

殿落花初萬方爭頌賢良 詔著作應知滿石渠

又

聯翩啟事遍曹司共說中郎絕妙辭綵筆自慚才
易盡蛾眉誰戒好無爲官同方朔嗟難飽郎拜相
如尚入貲 聖主右文高百代金芝五色出龍池

又

閣下爭彈貢禹冠同時詎復歎才難祗緣吐握綸
扉切頓覺蒐羅帝網寬魯國兩生隨稷嗣淮南八
友別劉安更開白虎叅經義應有羣儒戰舌端

又

山中誰滯白雲遊聯袂行看應詔求策對天人推

董相掾稱文學重楊由輓輪丘壑時方駕含譽光
芒爛不收漫道永平儒術盛何緣定遠事封侯

陳其年曰煌煌盛事洋洋大篇卿
雲瑞露之章固宜其文成五色也

再疊前韻

處士聲名豈盡虛漢廷推轂重相如都忘醉後鳥
鳥唱那事空中咄咄書洗馬清言追正始法曹佳
句過黃初飛揚跋扈誰稱健下筆驚看瀉決渠

其二

殷勤勸駕及諸司三府徵書那許辭捉鼻謝公應

世憲詩集卷五

五

不免掉頭巢父亦何爲名流敢負雙龍譽薄祿聊
供三徑貲幾度醉吟知已賦月移庭樹影差池

其三

飄飄蘭珮切雲冠釋屣登朝自不難秦代遺經傳
伏勝漢儒談易首丁寬採芝商嶺愁非穩抱膝南
陽恐未安一別山猿攀鳳翼少微遙拱五雲端

其四

楊許當年碧落遊翛然塵外更何求陸沉金馬無
殊隱物色桐江可自由騏驎天閑千駟入珊瑚鐵
網一時收從來盛世岩棲少猿臂何須怨不侯

陳其年曰四詩蘊藉
含蓄可謂風人之遺
厚和平無一激昂
厚和平無一激昂
卷阿矢
梧鳳矣

亦園歌同徐勝力高二鮑路湘舞葉元禮柯

寓匏分賦

當今賢相始平公調和萬象遊薰風園亭結構城
之東草木無私樵牧同此意不似平泉翁崇岡綿
延五畝宅柳色周遭萬株碧石梁蜿蜒亘長空潑
刺一聲魚跳擲綠溪水檻含清陰八窓疎達開胸
襟嚶嚶好鳥鳴幽澗落落孤松陰遠岑我來正當

世憲堂詩集卷五

六

九夏首嫩草烟條無不有清河老人延客入自言
丘壑皆其手眼前突兀青芙蓉扇底鴛鴦依碧藕
經營自得溪山意粧點恐滋風物醜少焉登陟恣
遊屐解衣盤薄風生腋開尊且泛竹葉春盤餐爛
熳櫻桃赤肥酒大肉何在無忍使羶葷汚泉石君
不見習家池山公倒著白接離又不見辟疆園王
猷闌入忘寒暄山川是處皆吾主風月無邊堪笑
語勸君莫惜杖頭錢明朝還醉黃壚邊

陳其年曰離奇天矯聲情拉雜蒼
練處似杜陵流麗處又似高岑也
田鼎淵曰亭園原以蕭疎勝此是奇章固
不可以平泉例之亦未當此為斟酌盡善

送徐勝力之任城

驚代才何少天涯始見君風期一笑合踪跡判年
分小別辭蓮幕高吟度嶽雲將離花正發折取贈
殷勤

陳其年曰全首一
氣注下格法極老

其二

聞道南池上風潭足芰荷曾邀李白醉更發少陵
歌此地遙相望今君喜再過酒懷與詩興睥睨古
人多

其三

我意甘羈擢君才尚薜蘿眼青翻酒甕頭白畏江
湖詩句何劉健交遊李郭多燕齊非遠別莫唱渭
城歌

其四

昨日名園會今朝濟水行丹榴初照眼綠柳暗藏
鶯問俗追任子論詩到魯生秋風期振策遲爾鳳
凰城

送計子山還雲間

豈是文園故倦遊却因尊鱸興難留車公去後誰
為樂沈吟成孰與酬偏到送春還送客那堪歸

世憲堂詩集卷五

七

夢繞歸舟寓齋藤蔓牽人切莫使花開滯一丘

陳其年曰惜別之意何其清婉如許

雙槐行同葉慕廬蒼巖元禮高二鮑路湘舞賦

君不見殷東陽婆娑庭樹生憂傷又不見文昌殿
陳思作賦羅羣彥小物遭逢亦有時一枯一苑人
心變長安旅舍逢端午棗花纂纂榴花吐良辰結
伴恣遨遊城南地偏清且幽喧囂幸得遠闌闌雙
槐對舞如蒼蚪扶疎嘉樹陰一畝炎歊不到疑清
秋解衣蕭爽豁心目此地不減崑崙丘主人愛客

世憲堂詩集卷五

八

開良讌白晝飛觴四座遍談諧不覺日欲沉日南
名花滿庭院高陽酒徒興益豪眼前富貴等蓬蒿
多少淳于喚不醒吾眼自對雙龍高

庭中有蘭花茉莉數十種

陳其年曰轉折頓挫劉脫盡致七古勝篇

田鼎淵曰岸然自異中復轉側如意由其襟期灑然所以俯仰自得

長夏高二鮑招同葉慕廬蒼巖元禮路湘舞

分賦喜雨二十韻

天意寧焦稼王心自閔農周宣勤奠瘞漢詔陋乾
封擊鼓消妖魃呼雩起蟄龍深仁流犴狴欽恤到
城春共喜屯膏沛何愁解澤墾商羊看自舞石燕

故相逢巫峽來神女靈山下赤松濯枝光晶晶
溜水淙淙華黍千郊潤清陰四野重已知蘇萬物
且得媚雙峯爽氣含纖葛涼颼漾紫茸言尋河朔
侶並躡竹林踪命酌呼三雅行吟拄短筇跳珠荷
影亂泣玉薜華穠不用搖輕箆還聞濕晚鐘驅車
逢李主折角慕林宗話舊窓燒燭談天舌豎鋒相
將歌雨若取次頌時雍洗甲消烽燧書年獻桂種
太平真有象萬國荷恩濃

露飲

主人愛客錦筵張露下庭除夜色涼美酒蟻浮河

世憲堂詩集卷五

九

朔飲名花砌繞日南香時茉莉盛開迢迢銀漢千門接
落落風騷數子強小戶却慚無一合猶能燒燭和
璆琅

新秋書懷

客館商飈發秋聲一葉初醉思湘簟滑涼愛竹窓
虛騎省淹蓬鬢東曹憶鱸魚何年謝簪組負米讀
奇書

其二

憶得江村裏蕭蕭絡緯吟紡燈孤壁照鄉思隔年
深庭草嗟搖落家書歎滯滯不堪搔首處隣院落

秋砧

其三

旅食俄三載京華又早秋
羈棲伯通庶貧賁長卿
裘世態看蒼狗生涯笑土牛
還憑素心侶杯酒一澆愁

其四

汨汨勞人事秋來竟不知
但看童剝棗又見婦烹葵
報國誰超距憂天在喻箕
賈生無限淚偏灑漢文時

田鼎淵曰結語悠然

世憲堂詩集卷五

十

陳其年曰四詩清迥瀟灑髣髴錢郎誦第四首結句益令我慨然久之

種竹

春申浦口竹千竿
余家春申浦翠色檀欒映碧湍
留滯風塵歸未得數枝新種一般看

其二

便娟弱篠綠窓前
傲雪凌霜色更妍
堪笑子猷真好事一生惟作此君緣

田鼎淵曰還自笑否

七夕同人集廷尉施硯山先生寓齋次沈繹堂先生壁間韻

退食多清暇良辰屆蓐收
果懸霜棗熟花放露葵幽
且效公榮飲休添平子愁
壁間題句滿八詠昨宵留

田鼎淵曰精鍊可鏗戛金玉

其二

秋雨藥闌疎簾開晚照
餘襟思廷尉結曝嵬郝隆
書三雅蛆浮後雙星鵲駕
初時艱勤廟畧慎勿問樵漁

和益都相國馮公亦園韻

周遭水木畫橋分盡日登臨
到夕曛柳浪遠翻干

世憲堂詩集卷五

十一

樹雪梨花自舞一溪雲呢喃語
燕穿簾落潑刺跳魚觸岸聞
最是謝公幽興愜高懷常狎鷺
鷗羣

其二

綠野濃陰翠色浮
名莊那更覓丹丘
一拳欲傲奇礪石半壑常同曲
水流蒼墅風光分御圃平泉花鳥屬皇州
吐茵却許遊人集愛對清江似鴨頭

陳其年曰綺麗芊眠自然雅麗田鼎淵曰是園中實景移換他處不得

和益都相國馮公九日登毘盧閣韻

木葉霜淒景色寒
元公携客一憑欄
誰從上相分

黃佩且共徵君進菊餐

時王仲昭諸徵君同遊

檻外松聲和

磬落天邊鴻影切雲看調羹辛苦烽烟息東閣招

賢到鵬冠

其二

傑閣崔嵬起暮寒秋風攬勝倚雕闌漫分香界伊

蒲饌笑抵綸扉宰相餐

時寺僧具食

戲馬臺高才子賦

東籬菊綻醉人看莫誇落帽參軍事闕下爭彈貢

禹冠

九月初十日

上奉

世恩堂詩集卷五

三

太皇太后駕幸湯泉恭紀二十韻

翠蹕臨溫渚鑾輿下碧霄澗飛香玉噴泉響蕊珠

飄母德齊姜姒

皇心協舜堯起居行殿近定

省慢城遙榆翟祥雲護旌旗瑞靄昭雁橫汾水濶

馬過濯龍驕氣煖流丹液烟凝湧絳潮

慈仁秋

四布

聖孝日三朝王母瑤池駕姬宗渭浦鑣迎

車花自舞傍輦草偏嬌地脉滋靈藥星文映斗杓

金砂千片落赤溜百疴消蓮井難孤擅驪湯詎獨

標如遊縣圃上時有列仙招鳳翼翔清漢鸞音度

沈寥延齡同菊水益壽長芝苗落日恩波濶浮天

御澤饒五行寒燠脩二氣坎離調被滌商盤訓巡

遊夏甸謠小臣欣獻頌鶴髮邁松喬

陳其年曰極整麗又極流動景龍諸子俱拜下風矣

田鼎淵曰運調選色俱極鮮潤無一塵筆

上座主高陽相國李公四十韻

恒嶽崑崙三萬仞壽朋平格八千秋盤根仙李枝

方茂奕葉猗蘭種更稠門第崔盧堪並儷文章彪

固摠難儔名填金字由天定身護紗籠叶帝求早

歲無雙標令譽弱齡第一仰清流洛中競寫河間

賦海內誰登元禮舟領袖人倫森巨華主盟壇坫

世恩堂詩集卷五

三

割鴻溝上林丹桂朝芳馥天祿青藜夜校讐一自

章皇求玉鉉恭惟夫子契金甌匡衡數載登黃閣

王掾三公正黑頭牙笏再傳先德永沙堤新築舊

痕留韋平相業元交映伊陟家聲更嗣麻整頓山

河歸版籍指揮天地靜戈矛嘗憂稼穡陳詩切爲

念邊陲借箸謀一德君臣心膂合萬年磐石廟謨

周功成負宸元公並德協調羹傳說侔師保兩朝

思舊學經綸六相煥新猷艱難獨力持鈞軸保泰

和衷奉冕旒何事稀張千聖化致煩虎士奮同仇

平吳羊祜威名遠盪蔡裴公度量優肯使金魚猶

假息坐銷海蜃不成樓上公制勝高三畧元老論
思進九疇天下蒼生謝太傅胸中武庫杜荊州平
津閣外蒲輪集仲寶池邊珠履遊獨補山龍勞啟
沃更勤吐握廣咨諏摠持文苑水壺皎三主南宮
鐵網搜斲就爨桐爲寶瑟剖將璞玉作天球羣才
共喜龍門入賤子偏蒙藥籠收帳下談經親几席
門前立雪混鈴騶吹噓每欲驂騑奮偃蹇常懷謝
豹羞金馬飢呼方朔米驢驢貧典長卿裘銜恩不
數巾箱護飲德如同滄海游座上更聞容綺角馬
前還許拜巢由掃門人識曹丞相圖貌家師陳太

世憲詩集卷五

古

丘玉管小春方應律瑤觴陽月正添籌琳琅輝映
看雙壁鸞鶴和鳴下十洲南岳雲璈天外奏安期
火聚雪中投遙瞻八柱擎天正却望三台傍斗浮
此日綸扉垂紫綬他年函谷跨青牛鯁生欲報知
何所願譜鵲絃百歲謳

陳其年曰七言長律所稱合作即唐人名家亦不多見此作珠聯璧合霞蔚雲蒸文異水而湧泉筆非秋而垂露君才寧可以斗計耶歎服歎服

田鼎淵曰海湧波連山回鬱舞七排得此洵是作手

春雪二十韻

青帝初乘震東皇正執規歲豐先舜壤天澤首春

時奕奕同雲布霏霏舞雪垂點苔成六出拂樹裊
千絲似與梅爭艷還疑李並姿細花纖手剪輕粉
素腮吹射隙穿珠幕紫空墮玉危渾宜明月映自
有夜光隨委積瑤階瑩蕭疎瓊館披撲衣欺鶴擎
糝徑怯琉璃舞處迷蝴蝶粧來失鷺鷥隨風葩易
散見覩跡難期鳳渚梨雲鎖龍池柳絮遲飴膏浮
麥壠甘液足皇陂太史書嘉瑞農夫民怨咨天
顏知有喜聖德被無私共灑梁園筆高吟謝女
詩山陰孤棹興灞岸蹇驢思上苑飛千片江田穩
一犁歡呼歌大有拜舞在丹墀

世憲詩集卷五

五

送同年鄭珠江太史歸番禺

仙郎覲省五羊城壽母承歡鶴髮榮當得萊衣宮
錦在木棉花下慶長生

其二

鳳池三載望雲頻爲戀慈闈暫乞身更喜北堂雙
拜慶起居新婦已夫人

陳其年曰新藻翩翩粧奩嘉話

珠江公車時尚未娶今年嫂歸觀

其三

宣武門西官路斜春遊同踏廢園花今朝折柳河
橋上瑟瑟寒風走白沙

其四

天南莫敢不來賓駟馬還鄉喜氣新休忘金門舊
遊侶嶺梅好寄一枝春

田第淵曰

景物恰稱

陳其年曰聲情流麗
新詩出手如彈丸矣

上益都相國馮公用杜工部上韋左相韻

天上三台位人間百歲春盛朝資變理 聖化藉
陶鈞稷契堯時佐夔龍舜世臣清霄鸞鷟驚天苑
產麒麟手握璿圖正羹調玉鉉新姬公分二陝蕭
相定三秦勲業寧殊此風流更絕倫看花留別墅

世恩堂詩集卷五

夫

愛客啟平津碩望森山嶽高懷領縉紳調元平四
氣贊化協三辰琴鶴常爲友烟嵐謾結隣龍門收
郭泰蓮幕契陳遵獎借慚羈駿吹噓未剖珍濟川
人是揖霖雨俗還淳吐哺延英俊徵書到隱淪每
蒙開閣待濫預吐茵頻平格推三壽耆英仗一人
黑頭看正壯紫綬早隨身此日星朝斗當年嶽降
神琪花應滿砌香氣拂衣巾

陳其年曰用杜陵原韻絕不見爐鑪之迹
真有飛針縷線之妙詩之典切更不待言
田第淵曰用前人韻如此流轉盡致未易多得

送吳星若之大梁

關河牢落又殘年襖被衝寒馬未前到日平臺飛
雪滿別時薊苑暮雲連長恨著迷遊梁富內史風
流入洛傳此去振衣嵩少頂三花香氣正春妍

岳州獻捷二十韻

聖武聲靈赫皇威捷伐張鏡歌新奏捷妖宿早潛
芒破陣三軍樂摧鋒七萃強英謀資 廟畧長駕
振 乾綱南詔封猗突荆江聚蟻狂蚩尤干帝紀
有扈亂天常授鉞西門鑿彎弧旅矢揚材官誇燕
領偏校騁龍驤鵠鶴方圓合風雲左右藏樓船宵
濟漢戈艦曉浮湘雷震昆陽瓦尸齊熊耳岡占烏

世恩堂詩集卷五

七

知敵遁聞鶴識師亡猛士騰餘勇佳兵慮有傷網
羅三面解 詔墨十行香巴水降幡黑滇雲驛騎
黃回軍花匝路飲至酒盈觴舞羽馴苗衆長纓繫
越王相將擒獬豸取次掃欃槍革偃珠囊叶烽消
玉燭光八荒歸有道億載頌無疆

世恩堂詩集卷五終

世恩堂詩集卷六

華亭王項齡瑁湖

華黍樓藁下

起已未正月
盡九月

喜湖南諸路大捷和學士李容齋前輩韻

降旗千片廩君船妖霧春澄夢澤天百粵風烟通
馬援八公草木走符堅帝心自切平吳後廟算
真成下瀨先從此蠻方歌大定竹筇筠醬貢年年

其二

樓船千騎壓星沙三匝危城萬衆譁弓矢由來繫
聖代山河原自屬皇家奄奄殘旅傷驚鳥烈

世恩堂詩集卷六

一

烈同仇式怒蛙滿路歡呼歌蹋臂大隄春女貌如
花

其三

傳聞枕席過王師鐵騎長驅靜不知巨闕揮時頭
畢白雲梯轉處堞先隳前茅已縛劉盆子後勁還
驚來護兒共喜太平方便輩蚩尤不敢吐妖旗

其四

游魂慟哭去孤城回首爭看漢幟驚犀兕千羣熊
耳積壺漿百戶虎牙迎受降大慰瞻雲望伐叛真
如時雨兵心折南人應不反九疑烽息綠沉槍

其五

宴鎬春風樂有那軍中況署薛沙陀草來露布多
磨楯製就饒歌話止戈柳毅井邊新草綠湘妃閣
外落花多今朝高築鯨鯢觀禽馘誰教剩白波

其六

親藩仗鉞啟和門七萃精兵五載屯轍鮒哀哀魂
久喪城烏啞啞敵先奔水仙已殛孫靈秀鐵弩猶
彎賀若敦捷伐功成張聖武萬民更始頌皇恩

其七

隗純乳臭本孤雛上將雷傳朱雀符羽騎星馳關

世恩堂詩集卷六

二

索嶺旌旗春壓洞庭湖漫看萬井青烟集重喜千
村白骨蘇自昔昆明通太液拂雲銅柱碧天孤

其八

扈芷騫蘭沅與湘征南戰艦楚雲長健兒十隊追
靈寶窮鳥孤巢剩夜郎馬驟駒驛知道路陣開鵝
鶴識圓方于思棄甲同永潰螳臂無因得更張

其九

庚癸呼來雀鼠空捷書連奏一旬中龍山已勒平
蠻頌麟閣還標盪寇功搖扇麾軍諸葛服裹瘡殺
賊灌夫雄只看太白光芒隱翼軫黃旗瑞靄融

其十

籌邊屹屹建高樓兩岸灰飛赤壁舟首惡暫稽軍
鼓纍遺俘難免檻車幽早擒孟獲趨滇水急斷盧
循入廣州萬里長江消斥埃直從楚尾至吳頭

陳其年曰諸作高華壯麗藻耀沉雄洵足鼓吹
休明廢騰雅頌擬之古昔傳修期草檄之才班
孟堅勒銘之作也

田髯淵曰十首格調峭峻風神整暇令觀者
驚壁壘之一新直可與韓柳雅並傳不朽
阮亭曰十章立格甚高使事必切
鯨鯢春麗真統歌鼓吹之雄也

長安春望二十韻

上苑韶光早皇州淑景妍蝶翻花影亂鶯安柳梢

世恩堂詩集卷六

三

偏天子乘蒼馬都人競錦韉芳菲行處是風物望
中鮮綵幕張金谷香車溢錦川雉媒新雉壠布穀
早飛田水色方塘白萍花釣渚圓吳蠶繅繭候旬
麥薦新年畝蕙光風轉園桃過雨然時和羣蠶樂
俗茂萬民便舜瑟南薰奏堯樽北斗懸金闕高瑞
靄玉闕拂祥烟布德乘陽氣論功出震天辟雍看
習舞甫草頌于畋啟蟄嚴祈穀觀漁戒濫淵賜來
榆火發擎出鳥羹先芝蓋三雲覆龍旗五色鸞豫
遊飛 睿藻端拱揖神仙四海干戈息千村桑柘
連無邊春意動翔舞 聖人前

己未三月初一日

御試博學鴻儒於 太和殿前 賜宴 體仁閣
下恭紀

聖代崇文日熙朝育俊年卷阿鳴鳳叶遠路漸鴻
騫奎璧懸天漢圖書溢帝川傳巖勞夢弼渭水喜
占賢已頌明良合還看師濟連旁求猶汲汲博采
復虔虔宣室虛前席蘭臺啟舊鐫子虛蒙激賞汾
水發鴻篇纁帛徵商皓安居起善卷道豐傳舍食
月給大官錢玉律青陽轉瑤階紫氣駢觀光知近
日晉晝喜瞻天桂殿爐烟直芝房雲影聯逡巡隨

世恩堂詩集卷六

四

玉笋燭耀逐貂蟬四闕堯門廣千函禹穴編自天
龍翰濕伏案蚓腸穿寶墨螭頭麗瓊箋鳳尾妍經
綸期賈董詞賦愧雲淵法果雕盤薦仙醪玉笋鮮
作人露 聖澤深幸小臣偏

送周鷹垂

與君聚首無多日忽漫河梁又似裝總角論交俱
老大挑燈話舊各蒼茫漢朝經術江都貴晉代衣
冠陸氏強珍重龍泉藏匣底時時光焰拂天閭

送董蒼水還山

高卧松筠已十春九重虛席待蒲輪韓康赴闕

名爭重周黨還山節更真海口風腥魚味美泖濱
雨過蔣茅新故鄉景物渾如昨話別安能不愴神

陳其年曰清新俊逸
兼參軍開府之長

送李天生歸養

叫閭將母格 天誠拜爵方新去國輕但使 聖
朝留盛事不教處士負虛聲高風直欲凌雙華綵
筆還當駕兩京著作更愁班馬去惜分寧獨爲離
情

其二

廿年高隱爲承歡 詔趣蒲輪却聘難 聖王愛

世恩堂詩集卷六

五

才非強志大儒報國豈須官鄒枚詞賦清時重黃
綺風流異代看遙想綵衣歸拜舞 朝恩家慶話
團樂

田髯淵曰寫得切實不同他省觀
者僕亦有二律詩視此腔乎後矣

送葉慕廬還黃州

曾讀金臺十子詩君才跋扈過陳思三春幸接南
皮宴九夏同傾河朔卮未信蛾眉翻見棄從來塞
馬不須疑唱酬此後旗亭少惆悵臨風折柳枝

秋日過喬石林齋留飲聞鴈同曹莪眉汪舟

次兩同年賦

天涯朋串不須招邂逅盤餐慰寂寥客鬢已隨秋
色老鄉心忽共雁聲遙書堪流涕嗟誰上酒欲澆
愁可便消編纂却慚牛馬走漫從公等問前朝

莪眉和答再疊前韻并申咏雁之義

秋風叢桂小山招哀雁橫空響沈寥道遠似愁矰
繳滿村荒應媿稻梁遙書傳關塞閨思苦陣解瀟
湘戰氣消萬里隨陽知有意迴翔還傍紫宸朝

送田髯淵秦方回之濟南撫幕

中丞出鎮古齊州幕下翩翩盡應劉水淥靜依王
儉府月明清嘯庾公樓芒鞋直向秦松立綵筆還

世恩堂詩集卷六

六

同漢簡留惆悵西風難折柳鱗鴻莫忘北來郵

和喬石林秋日閒居韻十首

官宜曼倩隱廡類伯通居懶性逢迎少閒情禮法
疎看山幾兩屐消畫一床書即此吾生足悠然萬
慮除

其二

拉然翻地軸時值地震旅燕傍誰家園令渾無壁浣溪
那有花砌蛩寒自語天漢爛猶斜辜負秦山隱高
眠洞口霞余家秦山側

其三

天祿非吾分文章媿主知寓公慚旅進枝指笑
微詞欲吐驚人語難禁巧目嗤却憐揚子意嘿嘿
待來茲

其四

此地秋花少花殘秋亦殘那堪逢老雨無復凭雕
欄宦拙詩篇富時艱酒興闌杜門幽意愜俯仰一
身寬

其五

最憶江南景秋風重九時菊枝歎素壁蓴菜滑流
匙隨意歌牛角逢人岸竹皮柴門多野趣心事白

鷗知

其六

老屋兩間孤閒冷到日晡晚霞山著髻積雨石生
膚舉世爭蝸角何人撩虎鬚冷曹堪養拙曠蕩喜
無拘

其七

盤中銀菜甲可口勝金蠶稻蟹堪持手香醪直到
臍天邊孤雁落屋角數星低喜與同袍友高談月
轉西

其八

妻孥愁宦薄客子喜身輕弄墨移花影彈棋落鳥
聲交因無味合詩畏不平鳴懶散貪高枕松風一
榻清

其九

羅含原有宅杜老豈無齋那信鷓鴣隱還愁風雨
排野花時壓帽青草欲侵鞋無限懷鄉意登高上
絕厓

其十

巾裹經時倦書籤信手拈沈郎腰帶減潘岳鬢毛
兼頻倒坡瓊盞羞開寶鏡奩閒庭無長物惟喜竹

孫添

秋日同楚鴻孝初兄后張西山道上微雨

選勝逢休沐聊尋物外踪空香幽磴接細雨軟塵
鬆興劇呼良友官閒認碧峯三年沙罩眼此日見
秋容

汪蛟門
曰靜細

善應寺白松歌

斜日銜山四山赤林葉風鳴聲械械駐馬入寺犬
亂吠山僧迎門笑揖客紆威拾級至上方飲我瓊
漿蕩胸膈庭中灑落無纖埃薛蘿衣牆照眼碧須

東步屨歷後殿殿前雙松如雪白龍鱗斑剝艾納
香不禁鼻嗅與手摘僧言松皮經雨潤赤如丹砂
綠如璧無何天風半空來謾謾松濤起千尺此行
恍遇碧落仙不是姮娥即姑射我聞天仙宮中有
白松十年想像懷徒積何意邂逅蘭若裏狂跳大
叫驚緇釋咄嗟此松天下奇何爲托根在幽僻寂
寂不聞好事賞老死僧關亦何益君不見慈仁老
松生得地每逢廟市交游爲萬古歎詫多雷同愛
護猶蒙置欄柵同在長安冷熱殊毋乃山林朝市
隔婆娑此樹太好奇瓌材翻遁荒山宅寥寥猶有

世恩堂詩集卷六

九

賞心人撫摩直到山窓夕

汪蛟門曰託物寓
慨後半尤爲警拔

宿聖感寺恭覽

御筆

向夕投簫寺乘閒到上方莊嚴瞻法相金碧護空
王鉢現青蓮彩林開薝蔔香幽龕僧臈古深殿塏
燈涼賜額梅檀座榮題選佛場慈雲依鳳藻慧日
拱龍章骨力歐虞遜戈波羲獻強會應齊宏聖豈
但壓文皇頂禮同迦葉瞻依似佛航天書懸萬代
日月並奎光

陳其年曰典重
高華直凌沈宋

寶珠洞

濟勝芒鞋健窮幽古洞探奇松穿石罅絕壁挿精
藍鐘鼓諸天靜風雲半嶺含蕭然塵世外應媿此

瞿曇

阮亭曰語
關飛動

汪蛟門曰與霜
鐘半嶺同美

陳其年曰
三四陡健

龍泉菴

平坡山下去百折注龍泉濺玉飄香雨飛珠響素

世恩堂詩集卷六

十

絃潭空魚藻碧松老鶴巢圓消渴憑甌茗呼童乞

水煎

曹娥眉曰
絕類少陵

陳其年曰五六聯
鄙人極歎其妙

渡渾河

探奇忘跋涉策馬渡桑乾濁浪翻吟疾長橋雁齒
寒秋空山露寺路窄樹鉤冠一徑勞登頓千盤上
戒壇

阮亭曰覽秀是晚
唐佳處又不傷氣

汪蛟門曰石角
鉤衣是此情致

戒壇

四年不見山面目塵埃漬三秋喜清暇芒鞋踏蒼
翠雅負好奇癖敢復憚勞勩策杖首馬鞍飛鳥直
決皆落葉冒溪黃山容轉斌媚曲磴梯雲霞岡巒
勢巖巖琢石為戒壇摩頂環老穉偃益松百株倚
天而拔地或如雙龍攫有似羣螭戲謾謾千斛濤
天空發清吹弟視五大夫何論慈仁寺狂飈四面
來未穩虛堂寐高談托支公悠然動深喟

汪蛟門曰
杜韓之間
陳其年曰
此言若潭
頗似常建
王昌齡

世愚堂詩集卷六

士

羅喉嶺

往來兩度羅喉嶺磴滑岩紆馬足疲敢許林泉游
屐徧從來丘壑散人宜聚林霜打枝枝禿柿葉風
搖顆顆垂 帝里山川看信美登臨還恨到來遲

汪蛟門曰
自然入妙
陳其年曰
漸近自然

潭柘

杖策戒晨裝興發事幽討黃葉覆石梁峭壁挿晴
昊馬蹄歷岬嶸砢砢如骨骸至止嘉福寺枯柘風
霜飽其下有海眼蛟龍窟宅老華嚴戒律精說法

神龍擾幽潭一夕徙金碧煥雲表殿吻髯髻張傳
自龍王造至今佛座下猶聞波浩浩摩挲畫壁間
祖師騎龍矯龍子遺五百隱現無昏曉當春始出
游拘手故相鵬我行聞此言龍乎何猾狡劉累能
豢龍醢龍龍去早葉公好似龍真龍便驚倒何如
此伎倆人龍共相保

阮亭曰格靈變
奇境寫得出
汪蛟門曰天矯
變幻不可思議
陳其年曰當其下筆風雨快筆所未到
氣已吞入後數行遂為一篇之警策

宿淨德寺

世愚堂詩集卷六

士

一鞭昏黑欵僧扉禪榻清幽粥鼓稀鑪火自紅煨
芋熟滿庭黃葉夜深飛

阮亭曰令人
有世外意
汪蛟門曰
似放翁

陳其年曰
晚唐風調

游隆恩寺

係明故瑞璫今
為親王葬地

當年石柳葬貂璫馬鬣今為龍種藏蘭若漸看成
丙舍老僧猶自禮空王佛輪百轉移虛殿畫壁千
層繞曲廊丈六藤身瞻大士繡幢寶鼎供中央殿有

藤胎大
士像

望翠微山

秋山雅澹勝春山
冷碧空香自往還
回首翠微何處是
昨宵身在翠微間

阮亭曰
冷然

曹義眉曰力敵
太白必傳之作

香山來青軒

月臺一面豁秋清
縱眼蒼茫禾黍平
鳳翥龍翔瞻御筆
山迴水繞識神京
紅牆蝕雨莓苔古
白堦凌風夕照橫
徙倚石欄忘日暮
流連懶復下山行

陳其年曰
五六涼壯

黃堂詩集卷六

三

故明景帝廢陵

嗚呼西山之麓多丘塋
刑餘骨朽千山黥
豐碑高闕夾墓道
嶙峋直欲摩太清
我來玉泉山下過墓
門白晝竄鼯鼯
松栢斯盡殿瓦落
碑碣猶標康定名
裁令流水制度儉
規模敢與奴僕爭
古來薄葬亦美德
皇堂絕地何無情
七年監國功足錄
春秋宋事同一局
捉髮雖無叔武情
摧殘未到湘東酷
何來曹石貪天功
奪門二字千秋辱
蒼茫劫火明社屋
天壽山前鬼夜哭
寒龜埋沒野草枯
裕陵蕭颯同傷目
吁嗟泰伯至德誰
能羣至今猶識讓皇

墳

阮亭曰最是持平之論詩
之沈鬱頓挫又不必言
汪蛟門曰通首以議論敘事唯
東坡七古有之此篇真稱絕作
陳其年曰與衣冠墓
兩篇可並垂不朽

宿卧佛寺

昏瞑投僧寮解榻不待主
虛堂悄無人一僧老且
僂齋厨灰久冷疏鼓少
鹽煮市遠沽酒難空坐抵
夜午蒙致仗吾兄高談溯
三古未得秉燭遊中夜
為起舞詰朝趨上方泥洹
卧佛祖此子疲津梁曲肱
側兩股應笑吾曹痴早起
徒自苦

黃堂詩集卷六

西

阮亭曰風
未似坡

汪蛟門曰
興復不淺
曹娥眉曰用成
語得下句妙極

魏忠賢衣冠墓

熹宗之朝閣寺亂不數弘
恭與石顯門下誰為謁
者兒朝中半作貂璫犬
吁嗟氣勢直回天清流碧
血啼荒烟楊左諸賢趨死
烈至今讀史猶哀纏堪
笑當年漢靈帝張父趙母
何憐然紛紛祠額徧寰
宇賜塋特勅營生前將作
起冢祈連等門闕眾愚
傾董賢一朝惡熟水山倒
凶骨不得歸三泉摩掌

碧雲舊碑碣忠賢姓氏猶高揭侯覽當時既伏誅
衣冠誰使留空穴安得雷火一夜仆却死闕碑更
倩龍湫之水洗此垤山靈面目方清潔

汪蛟門曰
恨事快筆
陳其年曰淋漓頓挫豪宕感激必如此篇方可
謂杜陵詩史也快讀一過恍見山鬼吹燈精靈
去來

游玉泉山諸洞

玉泉多古洞深窅如窟宅游屐首清虛呂翁留手
澤冬暖同挾纈伏暑風生穴事理不可曉愚髡詫
仙跡更上爲華嚴寬廣容百客大聲若雷轟小語

世尊詩集卷六

五

亦波汨駢童故相戲足蹋更手拍闕然鏗金鉦餘
響久不絕兩壁白石牀有似天造設拂拭讀題詩
臨淮故侯碣攀蘿上巉巖十坐始一作下視裂帛
湖流泉繞阡陌龍從紫氣浮放眼到天闕嵌空得
小洞形製似少別上刻諸天像藻績如刻畫山僧
烹茗熟沆瀣透毛髮噴噴歎觀止長老义手曰上
有觀音洞繡幢繽紛列祈嗣輒靈感男女爭填咽
欄楯雖精嚴空洞更清越我意不求福但願萬姓
悅山高而水清耕稼送歲月

汪蛟門曰摹寫景物
無微不至總得杜法

香山讀座主在陽王公壁間詩

風流蕭灑憶吾師十度看山載酒隨今日山靈應
寂寞西風含淚讀遺詩

宿冥嶠寒是山川洞壑本色至其憑吊廢興愴
懷人物俯仰無際則所謂有爲而作者也余往
在西曹時嘗信宿西山會大沙畧識香山而返
今春又僅抵戒壇潭柘于西山之勝十未得一
二詩亦率率聯此連篇俾購瞻乎其後矣宛陵
苑間章漫識

讀瑁湖先生游西山詩一卷幽峭則謝康樂游
山詩秀琢則鄭道元水經注崢嶸則不可名
狀真傑筆也中開弔古臨風有裨史事尤爲蒼
鬱鯨魚海涵地負之作若夫騷人墨士愛惜景
光賦客詞流詠歌禽鳥此皆輦輦之技耳何足
與先生爭不朽哉陽王公此論行之直可雄視
五七古凌凌逼杜以議論行之直可雄視
非近今貌似唐人者所能望見堂與近體清潤

世尊詩集卷六

六

多姿含蘊無盡絕句尤得龍標神韻自是君家
衣鉢石田弟喬萊識

送周絨齋前輩給假歸無錫

扶風門下幸隨肩十載升沉愧祖鞭狂態獨能容
後進風流端不愧前賢思親且示維摩病去國先
浮少伯船到日九龍山色好丹楓黃葉映晴川
座主在陽王公大葬奉輓二十韻

夫子巖巖象鍾靈自岱宗鴻文徵吐鳳綵筆擅雕
龍綺歲驚三絕英齡謁九重校書天祿秘作賦上
林從持簡登華省承恩進密封掄材吳苑出辨璞
楚山逢賦質慚瓶盎登筵溷璧琮蹉跎憐不嫁獎

飾荷先容直節傳青鑠高懷寄碧峯時携謝公屐
愛撫戒壇松題句僧寮滿看花山寺穰忠誠殷
主眷名姓勒華鐘卿月清霄迴山林逸興濃國門
瞻去旆蕭寺送行踪每樂尋基墅俄聞輟里春招
魂啼杜宇歌薤咽秋蛩馬鬣封將及牛眠氣久鍾
殯宮愁永隔絮酒媿難供淚灑侯芭土悲填王朗
胸平生師友誼無地報丁恭

世恩堂詩集卷七

華亭王頊齡瑁湖

賜書樓藁上

起庚申二月
盡壬戌十二月

和葉訥菴先生彰儀門書所見韻

憶送南歸客春明祖帳時怕聽彭蠡鴈愁折灞橋
枝宦以思親淡中惟飲酒宜只看周道直不肯泣
楊岐

和葉訥菴先生郊外偶作韻

故園茗綠樹槍旗何事風塵老鬢絲強弱總看如
聞蟻輸贏誰信在枯茶春郊是處千花麗小草都

應閨歲遲準擬還山尋舊業亡羊真悔路多岐

悼亡四十二韻

憶昔結褵初太歲在戊戌子年方十八子齒差小
一贅壻媿淳于佳偶得韓姑舉案敬如賓和鳴叶
鳳瑟下帷甥館中輦囊間緗帙番番外舅翁遺老
推邦直謬許坦腹賢吐詞輒動色半歲賦于歸淑
慎嫻內則上堂奉尊章盟漱肅婦職兩親樂且愉
新婦洵良特繫子王父母爾時年七秩三世歡一
堂婉婉更齊敕娣姒盡高門鵲鵲交相得鷄鳴警
翱翔機杼動作息歲時共蒸嘗菜盛戒芬莖堂上

色然喜冢婦道靡忒十年有一雛辛勤劬紙筆嬌
女髮初齊女工親督率慙子困公車風塵歎抑塞
折釵庀行裝檢點到囊笈艱難博一第牽絲典太
乙舅姑命子來中饋主酒食臣朔常苦饑索米珠
作粒不聞交謫聲推燥且就濕嘉客時過從厨膳
咄嗟給斗酒藏已久旨蓄手親飭明詔選弘詞賤
子荷採拾煌煌勝國史短綆媿深汲挑燈伴鉛槧
往往到月黑黽勉期汗青抽簪返鄉國擎拳介壽
觴雙栖故巢側偕老矢百年兒女看成立如何所
願乖中道折比翼世無長桑君刀圭誤弱質任身

世憲堂詩集卷七

二

擣附子岑岑疾遂革俄焉化紫雲三山不可識蟲
絲網鏡奩餘香裊虛室零落嫁時衣淒涼閉空篋
展轉憶遺言媼婢紛掩泣仰看雲中雁飛鳴必有
匹千里與萬里去來無相失鼓缶媿蒙莊哀情抑
何極

贈葉初菴先生四十韻

帝佐資夔契周楨篤甫申三朋能壽國一德會昌
辰族啟南陽貴名傳北闕振文章鍾呂大道德鳳
麟純綺歲才驚代華年譽絕倫風流宗郭太經術
重崔駰汲簡知科斗曹碑識受辛君宗名易奕顧

及望嶙峋司馬文移蜀長沙論過秦觀光推國寶
利用作王賓獻策江都妙吹蔡太乙臻朝恩方倚
注親夢轉逡巡愛日思投綬瞻雲戀采蓴十年留
別墅三詔起詞臣感遇

先皇舊承恩

今上親鑾坡鳴玉佩禁殿譚華紳進講時前席封
題屢賜珍魁三星象逼尺五履聲新劉向開陳切
桓榮顧問頻盛朝崇理學吾道絕荆榛鐸振鶯
湖祕薪傳鹿洞真微言懸日月大義勒珉珣共仰
民先覺咸知道有津文華親授易武德日歌豳

世憲堂詩集卷七

三

聖學唐虞邁嘉猷旦奭陳更煩遷史筆不使勝朝
湮東觀羅羣彥南山起逸民康成爲弟子綺季作
門人賤子慚枯爨先生鑄大鈞骨非千里駿賞媿
九方歎刻畫無鹽醜磨礪大匠神焚膏窮赤管汗
簡削青筠附驥尾知遠聞雷蟻或伸恭惟月建已
且喜度逢寅別院松巢鶴中厨脯擘麟瑤環看小
謝蘭玉競諸荀取次登黃閣迴翔傍紫宸黑頭公
輔早赤手雨膏勺挹彼薰風暖歡言錦席春願將
巴客句常祝楚山椿

午日感亡內作

去年此日汎蒲觴手製釵符插鬢傷今日總帷塵
滿鏡獨携兒女奠椒漿

其二

分粽年年手自量今朝愁聽擣雄黃一逢佳節偏
多恨艾葉榴花總斷腸

送亡內殯還鄉

卿卿薄宦累君來旅櫬間關絕可哀最是傷心兒
女小孤舟童僕護喪回

其二

翟車東便門中入丹旄沙窩送汝歸只爲窮官艱

世憲詩集卷七

四

旅食京華兩載笑顏稀

送同年錢越江歸里

五月金萱甘露滋羨君歸捧北堂卮東華並踏三
春草南浦高吟九夏詩自有板輿供母樂不愁玉
漏趣朝遲望雲我日思家切况對仙郎畫錦時

七夕憶亡內

瓜果家家競肆筵鰥魚獨自歎孤眠却憐兒女偏
嬌小猶指雙星話去年

其二

憔悴西窓一病身秋來無事不傷神依然織女天

邊欄不見閨中乞巧人

八月晦日

賜藕恭紀二律

上苑秋高駐翠輿

恩頒碧藕集簪裾千常種自瑤池出十丈香分玉
井餘瓊骨拔泥姿更瑩雪絲帶潤節猶疎

盛朝雨露儒臣渥拜舞還看滿石渠

其二

太液波涵

聖澤盈如船解渴勝金莖櫻桃漫詫唐人詠火聚

世憲詩集卷七

五

徒傳漢苑名玉節玲瓏欺皓腕冰心空洞濯銀罍
鳳池竊祿慚無補飽食居然並列卿

燈前菊影次韻四首

素壁添秋色虛屏儼畫圖疎枝交掩映密葉互紛
敷髣髴分嬌面朦朧印玉膚只愁花睡去燒燭伴
名姝

其二

虛室銀缸燦秋英眼底紛空花偏有韻素影自成
文淡抹非因月濃妝不是雲東籬千萬態入夜更
氤氲

其三

翦綵誰能肖披圖不易描亭亭依壁立冉冉向燈
嬌似霧縈虛牖非烟湧素綃祗堪陶處士把盞共
良宵

其四

何事籬邊景燈前分外明細看姿並潔迴照態橫
生妙質原無相空香本自清龍眠雖有筆天韻恐
難成

庚申除夕

四十明朝是蹉跎愧黑頭對椒誰作頌賣犬更牽

世尊詩集卷七

六

愁時婦服未除復有遣女之役濫逐朝元侶常勤卒歲謀太平

新物色爆竹滿金溝

奉和座主高陽相國李公除夕韻

錢歲黃扉機務閒乍聽春鳥語間關休兵漸覩康
衢樂憂國常咨節屋艱玉盞香浮栢葉暖蠟盤風
捲燭花斑尼山門下三千士鞭策還期到駕頑

奉和座主高陽相國李公辛酉元日韻

元公玉珮響丁東奉璧趨朝應八風太歲酒漿占
父老九衢簫鼓沸兒童律移斗柄三台上春轉鴻
鈞一氣中滇海佇看烽燧息桑麻滿地醉邨翁

元夕後八日少宰杜肇餘先生招同宮詹家

子言閣學李厚菴學士孫屺瞻諸前輩飲

寓齋聞蜀中提督集字

雲霄芳宴飲春觴又喜眉川戈甲揚綠樹漸驚禽
鳥換淒笳自散柳桃香佳時引滿交遊適韻事論
心嘯詠長侍雪門階瞻絳瑟傳書得佩教思良

又

蓮幕宜高會過從雅趣牽青陽司令節羽扇淨南
天戲蜨窺幽徑焚魚煮碧泉九頭竿禁輦一線過
江船疆宇恩相接裳袍約競先棲屋儀近觀雛雁

世尊詩集卷七

七

掠層巔載李招同席追嵇似學仙文牕遙夜好鄉

夢信剛圓

和學士孫屺瞻前輩除夕用韋莊相看又見

歲華新句韻

相看又見歲華新劇喜時清好致身共道蜀山消
瘴霧又聞洱海淨烟塵當年破蔡碑傳西此日歌
堯曆建辛燈火九衢喧午夜風光重睹太平人

其二

相看又見歲華新留滯金臺遊子身七十庭闈添
鶴髮三千道路隔風塵近當臘日逢三戌遙想春

盤獻五辛天祿幾時書得就一帆歸作采蘭人

其三

相看又見歲華新有弟家園舞綵身兩地勸酬虛
蜡臘一堂梨棗隔音塵書來鄉土欣銷甲夢到池
塘得受辛知爾三春多樂事檐梅索笑對騷人

其四

相看又見歲華新四十平頭笑此身漸減山田因
薄宦坐添華髮爲征塵漫隨東觀鰥魚亥曾侍南
郊禮上辛慚媿擁旄輸謝掾我家法護是何人

其五

世寶堂詩集卷七

八

相看又見歲華新况復鰥魚此夜身守歲寒爐存
細火錢除歌管動香塵樽開栢葉誰酬酢頌憶椒
花最苦辛別恨轉因佳節甚春風腸斷隔年人

其六

相看又見歲華新婚嫁經營客裏身臘屐尚辜靈
嶽興春衣欲染帝京塵自書元日桃符字且酌今
宵柏酒辛遙想高堂歡宴會團圓應念異鄉人

贈李映碧先生

勝代耆英衆所師天留碩果在清時叔皮著述藏
中秘元亮文章紀義熙博物早能窮豹鼠閒情常

自對鸛鷺 聖朝盛事求遺獻 丹詔蒲輪出禁
墀

其二

當年朝宇戰元黃閩外蟲沙氣不揚抗疏每思消
部黨請纓直欲掃檀鄉邵平門外瓜偏美范粲車
中日更長况有鳳毛堪繼武韋家經術屬昭陽

送劉价人典試福建

山公新命掌三銓又握冰壺向九仙珠樹自然歸
鐵網龍駒應見躍神淵往來一路榕陰滿高下千
林橘實懸啟事中朝廷佇切羣依玉尺待陶甄

世寶堂詩集卷七

九

送范秋濤同年歸里

撲面東華十丈塵羨君歸及採江蓴三年載筆翻
青簡八月鳴榔動白蘋林屋橘苞金纍纍錦帆魚
蒹水鱗鱗明春我亦南還客鄧尉山頭好結鄰

第三子生用劉文房詩起句

異鄉流落頻生子喚作添丁豈弄璋盧全子名添丁索飯
又愁分薄俸含飴差可慰高堂景升豚犬聊充數
元亮琴書幸未荒莫笑阿翁真拙宦不營陸氏子
孫莊時京聞引進

用儼齋三弟韻送鷹垂下第歸里

交情總角廿年歡旅邸相逢話別難失却鶴聲名
愈盛訛成豕簡淚偷彈三千客路丹楓老十上秋
風席帽寒羈羸悲君還獨慨幾回空自惜琅玕

秋夜招鷹垂輝六漢茂虞門菊前小飲和鷹

垂來韻

風塵難得笑顏開日把黃花嗅幾回若使故人頻
過飲何妨典却鸛鷀來

贈張洮侯

仲蔚園亭谷水西一闌花藥稱幽棲酒懷每恨劉
伶窄詩格居然杜甫齊滄瀆潮生魚鼓鬣江村稻

世憲詩集卷七

十

熟蟹團臍風光洵美真吾土七十年華好杖藜

贈唐服西

詞壇碩果溷樵漁賣藥時乘下澤車村社雞豚扶
杖樂甘陵人物夢華餘荀公有後能繩武楊子閒
居好著書更羨蒼姿同海鶴蒲輪行見下菰蘆

孟冬五日

景山前殿侍宴蒙

賜御筵棗一金盤恭紀

賜筵高列遠人賓

御饌恩頒及侍臣萬國梯航王會盛八番拜舞

翠華親赤心敢擬蕭琛寵嘉賓欣霑方朔仁更荷
聖慈優珥筆重瞳頻顧霽顏春上命侍衛捧賜果至跪受叩頭

天顏左顧甚齊

其二示同直

追隨魚珮

紫宸班佳果親從

御案頒拜

賜共嘗天苑棗銜

恩同戴巨鰲山壁光分被鄰燈照蠅翼欣逢驥尾
攀自媿疎庸無以報和衷長喜覲

世憲詩集卷七

主

龍顏

武關即事呈董默菴前輩

開門盛世選鷹揚

簡命恭聞下九閭網振八紘搜武略光搖上將動
文昌丹黃午夜消官燭甲乙蕭晨落曉霜猶憶往

時分校日三年三到聚奎堂余戊午秋分校文武兩闈

其二

名字微臣點末行忽承

帝簡婉難當同心幸得追先達報國惟知凜烈霜
將相星文聯次舍干城

聖世壯金湯三秋堅卧辭文柄天意還教虎士償
送同年曹彝士歸嘉善

子建才華八斗雄盛年獻賦未央宮貂蟬世澤崔
盧竝藜火家聲歆向同解組身辭鷄樹月採蓴舟
送鶴湖風嗟予留滯真無賴索米長愁方朔窮

喜吳漢槎入關和韻

欣看阜帽返燕關回首冰天一夢間廿載思歸生
馬角三都賦就豁

龍顏才如公幹仍輸作誠感初明得放還重拜北
堂萱草綠喜心倒極淚潺湲

世恩堂詩集卷七

七

送同年汪鐘如省親

仙郎畫錦鄂王城綵服寧親喜氣盈共說山公勤
啟事更聞令伯早陳情南樓景物清樽集西塞風
光浴鷺輕只恐盛朝需玉尺東山未許滯華旌

贈院長陳說巖前輩

廿年侍從五雲中啟沃勞深帝眷隆三載暫違
青瑣闥兩朝爭羨黑頭公膺舟夜月林宗共儉
府芙蓉庾子同吐握更能容白屋人人思得坐春
風

其二

鏡歌凱奏八方平偃革修文荷聖明帝念甘
盤尊舊學人思謝傳爲蒼生金蓮燭映青絲晚銅
鶴香浮紫袖輕化理維新需碩輔沙堤初築待遷
鶯

其三

胸藏武庫與青箱著作流傳徧八荒禹甸千年窮
考索義文一畫闡微茫

先生修皇典
考註大易

篇章子建猶

驂乘並冊相如敢雁行翹首雲亭思問字彭宣倘
許一升堂

其四

世恩堂詩集卷七

七

太行截業插青天鍾秀應同申甫傳仲舉清風標
峻嶽太丘雅量泛長川三君百郡方圖象八俊羣
英共執鞭介壽喜逢添線後驚看高密正華年

送喬石林同年典試粵西

熙朝德教洽龍城校士今看擁傳行自是聖明
柔遠服致煩東馬出神京十年再見文章事萬里
奇探山水情天末何嘗無駿骨憑君冰鑑別羣英

其二

三年同校石渠書子去衡文我索居有酒何人呼
作達看花誰復幸相於鷄檳烏櫬羞方物玄鳳糖

牛媚使車贏得紀遊詩句好石湖風格果何如

除夕和漢懋韻四首

客裏流光易驚心又歲除蠻烟看盡掃井賦喜方
紆栢葉沽燕市椒盤記闔閭太平宜痛飲相對莫
歎歎

其二

守歲偕良友停觴念老親六年未歸客四十忽過
人畫虎看殊俗割羊種福因君才何易奕妙句孰
能倫

其三

世憲詩集卷七

古

吾生原有分天意肯教多性拙甘輟局詩成適興
哦送窮供鬼哭央睡借顏酡錢歲添華髮狂歌喚
奈何

其四

待漏聽金鑰朝元忝侍臣五辛傳漢臘萬國稟王
春客邸欣逢弟家鄉轉憶親來年今夕宴歸侍舞
衣新

再疊前韻四首

一歲堂堂去三春漸漸除甲兵天下息宵旰廟廊
紆遊子空糜祿慈親正倚閭辛盤聊獨酌久客欲

生歎

其二

嬌女南方去痴兒膝下親千門驚爆竹九陌逐儺
人椒葉生春色燈花卜喜因勸酬歡餞歲此樂洵
無倫

其三

六載京華客今宵樂事多一堂聞笑語五字聽高
哦律管迎春暖歡顏仗酒酡不知故園內梅柳近
如何

其四

世憲詩集卷七

五

天南初奏凱送喜萬方臣太液行消凍官梅欲放
春燈紅光自照酒綠坐相親自寫桃符帖明朝歲
又新

禮闈移病讓水赤城漢懋后張兄過飲

讓爵思韋相推財念薛包世誰忘玉筍吾忍棄荆
苞步屨三春懶朝簪匝月拋過存欣好友冷戶有
人敲

諸友示以和章再疊前韻

掩關聊養疾柳甲綠初包上客來三徑新詩煥九
苞素心歡共寫佳景謾相拋欲報瓊瑤句燈前五

字敲

諸友再疊韻酬之

六年淹索米宦橐似僧包野圃紅梅綻山園紫筍
苞微名空受縛幽事等閒拋歸計從茲決長歌柳
瘦敲

諸友三疊韻酬之

脉脉思前事曾將藥籠包美莊寧足惜行葦實方
苞吾意安樗拙人情任絮拋此中真浩蕩鄰寺粥
魚敲

春興八首和杜讓水韻

世遠詩集卷七

六

輦路風和霽景連無端卧病過春前思親欲著歸
田賦有客頻移白雪篇世態蒼黃同幻景交情孔
欄得忘年饑來空羨朱儒飽貨殖都應遜計然

其二

元會隨班紫殿東陽和藹藹到寒蓬三朝布德春
初麗萬國瞻天日正中鼠腹祗慚仙醞厚駝羹今
識大官工東方割肉何多讓歸遺偏憐畫閣空

其三

上元佳節宴三公

內殿承恩及向雄授几笑言寬佐史擎觴拜舞競

呼嵩

宸章高唱星辰句鼙鼓時搜元白簡盛世遭逢慚
珥筆惟從玉版紀神功

元夕前一夕召內閣九卿翰林講官掌印
科道賜宴乾清宮慶賞上元命仿相梁
體限七陽韻玉音首唱諸臣各撰一句賜
題昇平嘉宴親製序文御書以升其首余
以講官得與大典榮感真無量也

其四

梧桐萋萋正朝陽瑟奏南薰下九閭甲卸五溪歸
漢朔網開三面祝殷湯蠲租恩沛郊圻雨挾纈溫
消邊埃霜從此太平無一事萬年恭已仰垂裳

世遠詩集卷七

七

其五

紅綾又啟杏花筵獨坐蕭齋意惘然校士幾番辭
鐵網消愁惟喜拍舩船眼穿愛弟泥金報春老東
風寒食天五度欄衫遊鎖院不堪重憶廿年前時余

禮闈引疾

其六

纔放鰲山元夕燈又聞

聖孝肅丕承圭璋萬國趨清廟輦輅千山謁

祖陵父老迎鑾歡給復蕃玉稽首賜金繒

宗功億載孫謀遠佳氣蔥蔥滿大凌

其七

征輶四出近如何春色薰人兩鬢駝病骨未能歌
折柳閒居空自羨鳴珂明裡望秩祠官肅褒錫藩
封海外多幸遇四方清宴日鶯花滿眼客中過時
遭祀獄

其八

聖德昭回石室藏小臣載筆識縑緇趨朝金馬簷
牙白下直銅龍日脚黃拙宦但知常調好冷曹也
等要津忙只今父老安耕鑿醫國還須賴扁倉
送學士張敦復前輩給假葬親

世憲詩集卷七

六

紫禁承恩已十年貂衣長在

至尊前文章嚴助陪遊輦經術桓榮重講筵

賜第近聯丹鳳闕天書日捧彩雲箋明良千載稱

嘉遇爲詠卷阿翺羽篇

其二

彤廷方倚贊垂裳一疏陳情返故鄉

聖主褒忠先孝治大臣報國在倫常鸞坡綸綍披

溫藹宣室訂謨厘對揚玉珮朝天應不遠預開黃

閣待廻翔

其三

寵行手詔九霄臨懋賞仍頒御府金學比孟侯霑

賜渥年非疏傳拜恩深經營馬鬣勞

宸眷敦趣鋒車慰

帝心自古遭逢如此少流傳盛事耀儒林

其四

曾隨驥尾點賢書廿載升沉兩鬢疎不惜齒牙同
謝朓却慚詞賦似相如三春折柳搖旌旆八座鳴
珂過里閭幸勅舍人裝早辦承明廬畔聽銀魚

送徐虞門下第歸里

經年客邸素心人送別偏當泣玉辰天下共知徐

世憲詩集卷七

七

孺子他時終遇九方歎春風柳拂青絲騎餞酒花
飛烏角巾轉盼曲江重設宴爲君懸榻待征輪

送張寄亭下第歸里

洛下爭傳薦陸機何緣羈羈送君歸別經帝里

鶯花晚到及家園櫻筍肥珠樹終看收鐵網斑衣

猶喜奉庭闈明年我亦抽簪去三泖鱸魚共釣磯

送同年錢宸安宰羅城

仙郎捧檄古龍城萬里飄然嶺嶠行卧閣雨餘柑

子熟放衙風送桂花清翠紉禽羽看皆美金碧山

川畫不成自昔柳州遊宦地羨君千載繼芳名

八疊前韻酬嚴復菴復菴為讀學存

我愛嚴夫子淵襟星斗包風雲含萬象紅紫折干苞鉢為催詩擊巾因漉酒拋問奇多好事剝啄任人敲

其二

宮尹朝端望文章玉友包珠槃漸下走棣萼美芳苞題鳳車先枉登龍願未拋况逢明月贈字字比金敲

其三

千山浮玉秀萬頃具區包作賦花生管尋春柳卸

世憲詩集卷七

三

苞鈞臺天竝迥簾肆世俱拋異地逢佳友詩成月下敲

其四

學比潘江濶才同陸海包朱絃霏白雪翠實落香苞焚硯心應懶開械手忍拋塊無青玉案屬和費推敲

三月望前一日薛澱弟招同讓水赤城寄亭

漢懋后張兄容園宴集和讓水韻

卜畫園亭墮玉簪清言相對豁塵襟瓶傾泉溜滋紅藥鳥踏花枝弄夕陰異地樽罍裙屐會連牀風

雨鵲鳴心瑤華不惜頻投贈燒燭西窓夜夜吟

其二

六載羈栖薄宦人偷閒每喜集嘉賓更逢愛弟紅綾讌深慰高堂白髮親花底一尊兼送客時寄亭將南歸

眼中諸子並含珍時當清宴堪遊眺正值

鸞輿豐沛巡

再疊前韻示同人

經旬休澣卸朝簪邂逅名園解客襟忘却宦遊留薊北宛然被襖到山陰無多朋舊皆同調是處鶯花總稱心博得瓊篇粘四壁閒來坐卧儘長吟

世憲詩集卷七

三

其二

不數羲皇以上人忘機莫辨主和賓無邊景物當前具異地交情分外親偶爾盍簪同越鳥何時剖璞見荆珍謂寄亭諸子也夜深良月紛紛白檢點觥籌醉幾巡

暮春儼齋弟招同讓水漢懋薛澱二弟飲海

棠丁香花下

芳菲春色雨廉纖花氣隨風欲撲簾佳會喜逢金谷友清談味抵水精鹽幸看荆樹枝方茂愧鐫霜毛鬢已添小戶不辭傾玉盞夜深衫袖酒痕黏

再疊前韻酬后張大兄

疎雨欺花又放纖紅襟社燕正穿簾五湖鮭菜初
收網千里蓴羹未下鹽宅近陸機鄉夢切座無車
子懶情添明朝更與尋春去芳徑殘英屐齒黏是日
大兄他往故六句及之

四月二日隨滿漢諸大臣詣

兩宮請安蒙

賜茶飯恭紀

鑾輿豐沛朝陵去

聖孝晨昏勅使廻居守濫隨丞相後問安還向濯

世憲詩集卷七

三

龍來銀盤饌賜駝峯美玉椀漿流鳳餅裁自是

宮闈傳懿德萬年彤管仰崔嵬

四月十九日詣

兩宮請安

賜茶飯恭紀

起居

聖母趨長樂賜食宮門晝漏遲禁嚮喜充藜藿腹

天漿拜舞鳳凰池

兩宮壽豈黃裳吉四海昇平黔首嬉獨有小臣慚

竊祿惟將歌頌答

皇慈

送汪舟次 冊封琉球

白雉年年奉越裳使臣持節下扶桑八荒羣仰車
書正萬頃晴涵日月光嘯咏夜過龍窟穩旌旗秋
壓蜃樓藏立功海外封侯易莫使班生獨擅場

其二

奉詔乘槎意氣雄建牙吹角薄蛟宮片帆如坐青
天上萬里孤行赤浪中椎髻蠻王爭負弩賣綃鮫
客盡趨風知君文采飛揚甚翰墨流傳大海東

七月望前一日學士孫圻瞻前輩招同院長

世憲詩集卷七

三

陳說巖前輩家弟儼齋寓園宴集

新秋涼月挂城頭學士園亭景物幽却喜開尊陪
謝傳偶因看竹召王猷山窓疎野存高致茗椀清
真見素修不是主人能灑落何緣此地有林丘

萬柳堂公餞益都相國馮公和席間留別原

韻

閒情自愛北山楊投絃明農鬢未霜他日板輿看
上殿清秋晝錦好還鄉嬌歌宛轉離愁結醉墨淋
漓逸興長宰相歸田原不少肯當魚水謝金章

其二

野塘十畝信寬閒行柳踈踈手自刪爭對平津生
悵望却歸基墅未衰顏浮花曲澗遊西苑西苑內御書額
叢桂秋風上小山獨有絳紗諸弟子離情常滿碧
溪灣

九日同弟薛澱登祝園小閣和薛澱韻

亭閣幽偏隔市闌喜逢佳節共乘閒一行衰柳依
危堞幾點飛鴻斷遠山載酒醉吟黃菊下登樓心
折白鷗灣此中大有悲秋意消得池塘句往還

重陽後三日官詹沈繹堂崔玉階兩前輩招

同徐健菴先生秦對巖嚴存庵孫杞瞻諸

世憲堂詩集卷七

七

前輩暨嚴孫友朱錫鬯歸惺崖潘次耕諸

同年宴集限燈字

木落霜寒秋氣澄追陪高譙酒如澠籬邊共醉亭
亭菊天外遙聞霍霍鷹四座清談揮玉麈一窓涼
月照書燈相逢強半江南客應為尊鱸思轉增

其二

承華休沐盍簪朋竊喜今朝御李膺勝事尚堪追
戲馬秋光最好落踈藤新詩消得愁千斛嚴徐兩先生出
新詠見示小戶慚無酒半升堅坐頓忘銀箭促歸來已
斷六街燈

再疊燈字

別館蕭閒散鬱蒸細斟綠酒興騫騰黃花壓鬢朝
聯騎紫蟹堆盤夜剪燈蓮府清芬人自遠仙舟窈
窕客同登郊遊却話西山勝紅樹千巖稻滿塍

其二

欲住艱難去未能秋來惟愛紙窓燈霜清池面凋
荷柱葉落峰腰露塔層酩酊羣公容醉吏羈棲薄
宦愧聾丞何年築室平原墅茗椀香鑪共寢興

招漢懋駿千后張兄薛澱儼齋兩弟飲菊下

和薛澱韻

世憲堂詩集卷七

七

節序飛騰感歲華牀頭斗酒未須賒惟將酩酊酬
良友不肯生平負菊花滑滑尊絲牽釣艇蕭蕭絡
緯響縹車故園景物三秋好絮語尊前到暮鴉

除夕飲儼齋寓齋

歡賞佳辰樺燭前勸酬兄弟共張筵朝正聯轡期
來日守歲探鈎又一年祈雪九重農事切賜酺
萬姓頌聲傳更看百戲陳丹陛身在蓬萊尺五天

除夕故事上御保和殿賜內大臣宴陳百戲記注官陪侍

守歲作

團圓歡宴錦堂前綠酒紅燈玳瑁筵頌獻椒花當

此夕聲喧爆竹接新年望雲惟戀萊衣樂汗簡何
心金匱傳準擬乞身鳴鷺狎一帆春水五湖天

世恩堂詩集卷七

世恩堂詩集卷七

三

世恩堂詩集卷八

華亭王項齡瑁湖

賜書樓藁下

起癸亥二月
盡丙寅正月

癸亥正月十三日

賜宴乾清宮復

賜內紵表二裏一

宮門雙闕引羣僚元夕風光天上饒兩道燭龍分
輦路千盤火樹出雲霄

其二

鈞天廣樂世間稀更有名香透戶飛百尺鼇山燃

世恩堂詩集卷八

一

寶炬九華影裏見垂衣

其三

奉觴上壽有三公玉珮趨蹌閭殿風酬酢夜闌歌
既醉太和先見一堂中

其四

賜酒頻看倒玉壺天厨瓊液勝醍醐
聖恩浩蕩真如海小戶深慚一合無

其五

不數熊蹯與豹胎大官珍味和鹽梅當年割肉傳
方朔苑果相携馬上回

其六

璫璫覆地錦爲茵授几行觴盡貴人簪筆書生何
忝竊

君王原自愛詞臣

與宴者三品以上及記注官

其七

宴罷深宮銀箭移金蓮燭影漾采恩聯翩醉踏天
街月又聽
溫綸下玉墀

其八

上駟天閑雲錦輝爭看三事跨鞍歸

三品以上各賜馬一匹

世憲詩集卷八

二

小臣亦荷承筐錫細織龍團出尚衣

其九

三年載筆侍形闈兩荷

皇恩宴紫微却愧一門叨雨露弟兄聯騎月中歸

壬戌賜宴宮中及今凡兩與

其十

去年

御製栢梁辭特詔羣工共和之今夜玉堂人似昔
燈前又寫紀恩詩

人日携尊薛澂新居招九高赤城諸同人和

漢懋韻

仙英初傳七葉新移居聊共盍嘉賓千門火樹邀
明月九陌笙歌趁看人梅意漸知舒舊臘柳容已
覺露芳春十千且醉新豐酒莫使飛花點麴塵

送徐果亭前輩假旋

一門公望最蟬聯雅志常懷鷗鷺眠共道春卿方
侍講何緣平子早歸田玉山婉孌三春日笠澤烟
鬟八月天只恐蒼生延頸切不教謝傳久林泉

其二

大隱何須金馬門飄然投紱返江村乞身肯爲公

世憲詩集卷八

三

卿老學道方知丘壑尊步履浣花香黯澹放船消

夏月黃昏挂冠便欲從公去野圃山農共討論

送孫予立冊封安南

漢廷推轂集纓簪玉節親持出禁林白雉越裳虔
職貢丹砂勾漏覓仙岑前驅共引相如傳報命何
知陸賈金料得輜軒多紀述圖成聚米協天心

題李木庵前輩望雲圖

曾向樂賢圖孝綽更聞百郡畫三君祇因親舍晨
昏切一幅驚溪貌白雲

其二

千尺雕闌樹萬層承華休沐幾回憑臺前一片桑
乾水欲挂秋蓬下廣陵

同漢懋薛潏弟遊龍泉寺和薛潏韻

經年馬走比新勞休沐聊從物外遨亂眼花光疑
疊雪醉人春色似香醪一僧梵唄齋筵靜三客清
談岸憤高堪歎鍊剛成繞指全軀恐或是鉛刀談時感

再疊前韻

滾滾飛塵空自勞常思汗漫學盧敖邀正本因過
僧院逢嘉樹未許牆頭送濁醪僧持戒律披拂綠

世蕙堂詩集卷八

四

莎芳徑軟摩挲斷簡古碑高袂衣初試休文瘦怕
殺春風似剪刀時予移病

送張又南廷尉振六比部給假送母夫人兼

省尊人靖逆侯於甘肅

長城萬里倚元功玉樹雙依紫殿中廷尉平反
空貫索地官握筴集飛鴻綵衣歸覲汾陽第八座
親扶函谷東忠孝一門承帝寵都亭折柳躍花
驄

弔富川令劉江屏死節

當年安史紛遘郡烈烈如君大義昭但有忠魂依

北關肯令狂賊笑南朝草間偷活何如死浩氣常
存自不消今日褒揚多異數幾曾君父負臣僚

同漢懋弟薛潏兒子圖炳郊遊自祖園中頂

抵豐臺看芍藥

清和候暖薄雲蒸跨馬郊遊踏紫塍細雨濕將紅
藥潤微風吹起綠波層將軍別業成麟塚祖園近
野老爲園傍杜陵少長追尋閒藉草歸鞭餘興尚
騫騰

再疊前韻

青郊乍暖濕雲蒸九陌香泥濺馬塍名花烟絡綠楊

世蕙堂詩集卷八

五

絲冉冉風翻細麥浪層層紫騮衝雨來三市油壁
穿花過五陵歸去醉吟憑芍藥忍看節序自飛騰

三疊前韻

閒遊踪跡混薪蒸無限鄉心對菜塍荷葉田田池
面出水鳧點點潑紋層看花謝傳開茶墅宛平相
多病相如卧茂陵時予抱病賴有良朋能結伴籃輿扶
醉去騰騰

午日儼齋三弟招飲內病不克往率賦

客邸驚心節物催葵榴藻夏小屏開多愁又伴閨
中病無分能銜愛弟杯孤葉青青團玉細艾符朶

朶颭風來低徊忽憶江南日畫鼓龍舟戲水隈

再疊前韻

似水流光冉冉催金臺風物慘盤開幸依別殿新

移輦時聖駕駐蹕西苑却憶高堂獨舉杯白白江魚穿柳

至雙雙海燕補巢來經旬自怪朝參懶一片鄉心

南浦隈

送杜讓水之任廣昌次家弟薛澱韻

分符百里實雄哉况復花封近五臺漢闕共看嚴

助去讓水初任翰林九月巖邦喜覩魯恭來放衙對奕當明

月卧閣鳴琴長綠苔却笑馬卿偏善病無因道左

世遠詩集卷八

六

錢行杯時余移疾

其二

小冠子夏九州知金馬廻翔出宰遲肘後銅章新

製錦堦前紅藥舊題詩觀風準擬徵桑雉為政都

應絕繭絲奏最循良期不遠臺烏繞樹影差池

西苑侍直雜詠

一徑沿洄長綠莎淙淙泉溜響巖阿隨班待漏松

陰下賜出頭網玉乳多

其二

朱門小闥繚垣間十丈紅橋雁齒斑

詔許羣工齊舉網先隨丞相打魚還

其三

靄靄龍樓面碧湍

至尊樓下見多官侍臣鵠立螭坳上一片荷花鏡

裏看

其四

流杯亭子倚清波

賜食常隨

鳳輦過日旰臨軒咨勅使叮嚀天語恤民多

其五

世遠詩集卷八

七

移鑾避暑奉

慈寧水殿高涼俯綠汀飛權黃頭穿太液

問安時到五龍亭

其六

瀛臺高敞水風寒天矯龍枝覆石欄更有名花環

御榻玉缸新貢日南蘭

其七

六曹庶政日親裁玉笈琅函觸熱開奏事才從堂

老退講官又見展書來

其八

湖光千頃 御屏收對仗如同覽勝遊往往波心
聞潑刺時時樹杪喚輶軒

其九

苑中騎馬達官尊環衛森森羽騎屯自是
君王優侍從公然款段入紅門

其十

記得前年 賜宴時諸臣樹底沃金卮自慚飲量
同何遜醉倒人扶出液池

其十一

看來殿閣皆臨水何處亭臺不受風偏是

世憲詩集卷八

八

聖心憂旱切平反特地 命三公

其十二

三伏炎蒸暑氣侵傳聞

車駕且東臨塞垣涼氣堪銷夏爭似林光洞壑陰

其十三

奏對分曹上玉墀散朝聯珮出瑤池侍臣退食常
時晚記取堂廉咨儆詞

其十四

下直時當午漏長

至尊盱食費平章一鞭岸柳清陰滿袖得薰風出

苑牆

其十五

迎陰方澤肅陶匏親見

天顏穆穆交扈

駕歸來無一事大書 聖敬在親郊

其十六

見說真人召雨神酬勞 內府出雙銀祈年直爲
憂民瘼不是修元奉玉真

其十七

九天樓閣砌瓊英却愛西山翠靄明一帶離宮初

世憲詩集卷八

九

望幸六龍時飲玉泉清

其十八

涼颼嫋嫋白蘋浮殘暑林間尚未收池上禽魚攀

玉輦流連直待過中秋

其十九

芸臺寮采比瀛州倬直輪番半月周底事馬卿偏
善病經旬不待

玉皇旒

其二十

千章夏木蔭清潭幾點烟鬟雨氣含歸到直廬支

枕後引人鄉夢到江南

六月六日移疾邸中蒙

恩賜緞紗各一疋恭紀

匝月朝參伏枕違忽聞

恩賚下 彤闈著來當暑齊紈適擎出先秋越紵

輝題署黃封三服貢光分天女七襄機殷勤爲祝

山妻健刀尺還須賴爾揮

時內人抱病

其二

聖主崇儒右講筵叨榮何處不居先欣隨元相承

恩渥愧對羣卿拜賜偏

賜閣臣緞紗各二六卿俱未及

繡緞尚餘

世尊詩集卷八

十

銀漢彩輕綃未散 紫宸烟素絲益凜風人訓詎

止鋪揚寵遇駢

書悶

三春忽忽緣愁度九夏迢迢和悶長每歎官貧珍

薄俸更憐婦病渴良方雙扉畫闥車音絕半篆風

回燕語忙無計屋梁徒仰面任他筆札自堆牀

悼亡八首

畫眉剛及半年餘別鶴俄驚柿葉舒佳偶無緣偕

白首此生應判作鰥魚合歡鈿朵膠猶濕百結流

蘇帶未疎欲識檀郎腸斷處月明孤榻瑣窓虛

其二

此恨人生亦有之偏予薄命最堪悲四年重泣孤

鸞影七月輕分連理枝欹枕尚思來夢裏低頭空

自憶平時天公枉把紅絲繫博得安仁淚滿頤

其三

携手歸寧拜慶辰華堂綺席笑生春子真謝閣吟

風女子媿東牀坦腹人竝蒂本期天共老分飛何

意玉埋塵悲來欲碎三生石呼取精魂問夙因

其四

薄宦天涯歸娶難累卿遠道歷千盤忍饑每念東

世尊詩集卷八

十一

方苦偕隱還期德曜安誰料青春悲旅殞早知敝

屣棄微官百年死是尋常事玉折蘭摧淚欲丹

其五

弱骨支離玳瑁牀三春無復理濃妝病來奉倩難

分熱感到河陽欲斷腸天意忍推同命鳥人間安

得返魂香營齋俸薄漸升斗獨向靈幃奠蔗漿

其六

不是多情神易傷幾回拋却又思量裁縫誰補春

衫線妝鏡虛留明月光長恨舜華隨逝水無聊粥

鼓禮空王淒涼婢媼添酸感絮語平生淚萬行

其七

割肉歸來對細君朝恩共沐笑續紛虛傳錫命書
丹旄不及齊眉老布裙絃斷素琴哀絕響帳空寶
鴨裊餘薰他生願化青陵雀交頸雙棲誓不分

其八

屬纊叮嚀氣息微尊章恨未拜庭闈匣中雙劍悲
長別天畔孤鴻怨獨飛鶴語何年華表落畫圖空
想珮環歸文園已是愁多病爲譜哀辭減帶圍

七夕招同人小飲和薛澱韻

夜靜千門漏未闌星筵此夕異鄉看一年時序驚

世恩堂詩集卷八

七

心換半世賓朋笑口難靈匹多情烏鵲亂絳河初
捲碧天寒誰能更乞蛛絲巧且向樽前共飲歡

其二

鵲橋初駕浪無憂縹緲鉞樓玉露流皓魄一簾青
桂影明河千里白榆秋勞薪拙宦添華髮久客思
親動旅愁自信來年鱸膾穩五湖三泖一漁舟

其三

頻年傷逝客中過佳節常時喚奈何天上有橋能
會面人間無石可填河綵盤瓜果憐兒女織室機
絲罷綺羅獨對雙星愁不寐漫拈湘管和高歌

尤悔庵給假歸里作歸興詩志別依韻送之

秋風好送季鷹歸正及江鄉稻蟹肥有子文章棲
鳳閣憑君嘯詠釣漁磯五年執簡頭堪白一路看
山興欲飛更羨春明門外客往來海鳥共忘機

高澹人招同周廣庵高謬苑家仲薛澱小飲

故人留飲坐匡牀解帶流連累十觴可口棗梨分
上苑盍簪賓主盡江鄉新經關塞依 鑾輅舊歷
風雷感

聖王偶談地
震時事

更把來禽同歎賞摩娑波磔到斜陽

其二

世恩堂詩集卷八

七

十載論交快素襟濫隨驥尾點朝簪冠彈貢禹欣
同調琴遇中郎愧賞音陳榻剪燈常話舊蕭齋投
轄共談心悠悠世態看皆是道義如君比斷金

八月十五日臺灣海寇鄭克塽降表至

午門宣捷恭紀二首

秋光上苑敞瓊筵是日適藏臺
賜內大臣宴正值天南露布傳

窮島水仙歸版籍清時瘴海罷樓船六師弩射鯨
波息萬里烟消兔魄圓舞蹈 闕門聽凱奏千官
喜氣溢班聯

其二

廿載通誅一廩君今朝方喜捷音聞受降城築無
諸國下瀨船收楊僕軍牛渚客槎通碧漢扶桑弓
影漾秋雲梯航自此年年集父老江邨抱犢耘

壽宮詹沈繹堂先生六袞

四載秩宗膺禮遇七年端尹地清高貌圖孝綽丰
標整車賜春卿輔相勞中貴堵牆求隻字

至尊含笑對揮毫他時黃閣登三壽此日華堂奏
八瓊

其二

世講荀陳託契深又看蘿葛施喬林天街小草隨

世當詩集卷八

古

魚珮旅邸三春話素心賦示王筠慚讀覽樽開北
海到橫參初周甲子頭還黑已見庭前玉樹森

九日石林招同木庵前輩藕漁我眉惺惺產諸

子游刺梅園烏龍潭歸寓復飲遲蛟門不

至和木庵韻

斜日銜林暮靄晴參差遊騎過高城落英籬下扶
頭醉吹帽風前踏葉行只少驚拳憑水浴共看龍
鬣入雲撐客嗟往事追夷甫愛聽歸鴉繞樹聲

其二

誰言望遠可當歸一片孤雲冉冉飛簷插茱萸聊

作達徑荒松菊肯長違闌珊花影粘齋壁歷亂觥
籌闔戶扉却憶座中車武子停杯延佇對斜暉

癸亥除夕

又對屠蘇餞歲華十年九度客天涯高堂劇喜親
添算薄俸空慚鬢有花愛弟承恩欣折屐痴兒
失學任塗鴉太平再見梯航集爆竹千門徹夜譁

其二

一歲堂堂看欲盡百年鼎鼎又方新且澆栢葉娛
今夕獨對椒盤感舊人青殿濫竽官耐冷黃羊祀
竈室仍貧上元甲子明朝是車騎紛紛賀朔臣

世當詩集卷八

五

和總憲徐立齋前輩除夕元旦韻

暖風不動六街塵九載京華遊子身三豕紀年週
玉曆五辛餞臘度芳辰交朋愛逐青門侶守歲常
思白髮人何似乞歸峰泖去探梅山閣過初春

其二

隨班賀朔上承明通籍深慚點姓名鈞樂初聞雙
扇合爐烟微颺五雲晴春風鏤彩傳華勝元會膠
牙有賜錫萬國朝正看拜舞此生真喜遇昇平

再疊韻奉贈

西臺領袖絕纖塵靖獻惟思得致身絲竹偶然娛

別墅風雷終見感昌辰已傳屈軼生堯陞且酌屠
蘇中聖人他日 九重思舊學早知萬戶有陽春

其二

臣心如水不求明豈戀人間蝸角名幾載 闕廷
傾白獸今朝雲物覩新晴花開嫩蕊依風慢香散
溫湯試粥錫東國衮衣欣再見德音赤舄自和平

和徐健庵先生除夕元旦韻

冰雪天涯歲又除星星華髮故欺予時當令節偏
多感貧覺金門不易居闕下驚傳長倩勅幡前誰
頌子都書遙思村舍雞豚社野老春風理釣鋤

世賞詩集卷八

夫

其二

此日鵷班忝佩紳當年曾侍泰壇裡丁丁鐘漏沉
丹闕落落星光散紫宸雅樂細隨仙仗發南烹新
勅大官陳螭頭不見徐陵坐情切西堂作詠人

上元有感

隔歲人圓月亦圓張燈笑語後堂前今宵月與燈
依舊愁殺淒清照獨眠

送許力臣同年給假歸里

諫書懸闕下襆被返邗江白酒翻千甕黃鶯過幾
雙晴雲閒自卷健筆力能扛我意時思頗相將伴

老麗

其二

十載同遊宦君才邁等倫封章寬九賦水鏡澈三
秦威斗摩挲辨檐梅索笑巡素心來往共分手忽
殘春力臣賞鑒鼎彝諸器甚精故四句及之

遣兒子圖炳同家口還里

八口相依十載留今朝盡遣上歸舟痴兒也識還
鄉樂不怕羈人不白頭

其二

偶出東郊見冶遊三分春色二分休一官辛苦成

世賞詩集卷八

七

何日辜負鶯花滿陌頭

偕秦對巖前輩嚴嚴藕漁歸惺崖過喬石林花
浮閣即事次惺崖韻

挈侶閒遊春晝長主人小築近芳塘亭臨絕壑依
危石風送飛花過短牆是處烟霞堪嘯詠何妨天
地此摧藏人生只合時行樂把酒聽鶯話夕陽

六月六日奉 命典試閩中出都李丹壑徐

虞門嚴漢茂家兄后張弟薛澌甥周永持

送予郊外口占志別

諸君送我出城闔惜別依依欲愴神余亦此間嘗

送客十年折盡柳條春

過良鄉作

簡書六月赴炎荒相馬空羣愧九方豈有文章能
報國惟將精白矢登良

其二

天顏暫隔瞻雲切親舍歡依愛日長憶昔公車頻
過此當開應識棄繻郎

題舊館人壁

十年奔走燕齊路辛苦風塵爲上書今日却慚乘
傳過分明舊日主人廬

世澤詩集卷八

六

六月十二日除婦服客途不得營一奠賦此

志感

昨歲歌朝雉驚心已一期愁吟孫楚句怕檢義山
詩奉使虛營莫臨風欲綆縻宦遊經再娶依舊隻
身悲

山行

綠樹萬重迎使節翠屏千笏對輜軒東華十載塵
遮面此日雲侵雙袖痕

經泰安憶丁未下第偕同年張荆門登岱忽

忽十有八年荆門已作古人矣爲之感賦

憶昔丁未歲上書空報罷飄然返故廬道出泰山

下雲霞盪心胃應接喜不暇同行有張子濟勝饒
風雅州守爲林君監輿肯相假冷然御風行萬壑
松濤瀉漢碣與秦碑摩挲辨昏夜襍被宿天門星
辰手可把捫蘿登日觀足繭穿石罅肅拜謁天帝
日精射金瓦恍惚疑釣天至今猶心詫彈指十八
年寒暑幾代謝奉 詔入七閩嚴程值季夏青山
舊日容故人悲物化戴星趣傳車不敢事遊冶即
事感疇昔浩歌我心寫

羊流店

世澤詩集卷八

九

上下輜軒山徑長十年重歷古齊疆嵐頭翠黛空
青滴屋角槐花落穗香密樹蟬聲鳴嘒嘒露車牛
鐸響當當依稀風景渾如昨薄宦惟添鬢髮蒼

聞鶯

習習涼颼高柳生停車暫憩萬峰晴十年一覺東
華夢此日山中聽曉鶯

郊城

至止郊城縣荒涼井里殘豆花綠豕棚瓜蔓出牛
欄分土曾稱子遺撤想問官輜軒憑眺處轉覺採
風難

深林

深林得野趣稅駕且徜徉水溜溪沙白天風柿葉
涼人家茅店曲雞犬夕陽傍擾擾征途者相看興
欲狂

宿遷

濁河滾滾囑孤城木石如山費水衡沈璧十年勞
聖慮負薪千里輟民耕桃花未必終無恙瓠子居
然已告成極目長隄還躑躅杞憂空自笑書生

淮河

蒼茫猶是舊淮河鳴角乘風破浪過憶與故人同

世憲詩集卷八

三

水宿隔船明月聽笙歌

甲辰春與同年韓熊師宿此聞鄰舟管絃聲

渡錢塘

秋風江上挂征帆千疊芙蓉隔岸閒妬殺當年蘇
學士天教看盡浙西山

富陽道中

清秋簫鼓錦帆輕千折江流浪不驚盡日身行巖
谷裏滿山飽聽畫眉聲

難行

水勢如奔馬篙師盡力爭波濤同出沒魚鼈共生
成挾舵穿溪便牽舟度嶺輕樓船休戰伐郵傳息

疲氓

九日同劉蘧庵陳雲高張玉樹平遠堂登高
九仙山色抱巖城吹帽風高秋氣清瘴海樓船看
解甲熙時茅茹愧持衡聊携濁酒呼同調忍使黃
花笑此生轉憶燕臺登眺處茱萸欲折不勝情時薛

澱儼齋在京師

烏石山弔范忠貞公祠

公名承謨閩督逆藩耿精忠叛死節

蟻賊連雞沸海疆先生報國節如霜三年齧雪悲

難死

先少被賊幽禁三載不屈見害

一劍銜鬚氣獨張片石荒涼

秋草沒高祠截葉暮雲長螭頭親記褒忠語天語褒公

世憲詩集卷八

三

忠節時子直記注憑弔西風轉斷腸

客中口號

無聊強起一登臺烏石山頭翠色來七碗武彝閒
聞茗幽香透鼻樹蘭開

武彝茶最佳樹蘭花類珍珠而木本

其二

聞天氣候異江南九月炎荒細葛堪小院石榴花
正發青青佛手供新柑

其三

名勝人人說鼓山中丞折柬一追攀松陰五里梯
雲上喝水巖頭瀑布閒

喝水巖名昔有戒僧打坐于此水至喝退

其四

嘉果堆盤龍眼鮮光搖顚顚夜珠圓生平最憶楓
亭荔猶恨來遲五月天

楓亭荔子為閩中第一五月熟

其五

燕語侏離攪客思清歌縱有倩誰知當場猶喜龜
年在按出新翻子夜詞

樂人有吳歌者

其六

橄欖由來名諫果青陰如蓋色凌霜漫誇酒後能
消渴一種清香勝蔗漿

甘蔗閩中舊有名而味實不佳

其七

閒來到處覓羣芳顏色殷紅號佛桑可惜居人不
解種祇留蕭寺伴空王

佛桑花多種尼寺不植于家

其八

海上傳聞開市舶珊瑚琥珀貢南琛使臣只愛芳
蘭好携得東歸當鶴琴

過灘作

推蓬兩岸萬楓丹襍被蕭然使節寒自信臣心清
似水那知世路險于灘陸生裘橐非吾好安邑猶
肝近日難賴有數篇文卷在中流吟諷比琅玕

遽庵和答賦酬

百丈牽船欲渡難大羅灘過小羅灘長年力盡千
溪險客子身輕兩袖寒肯向陶奴還乞米自來閩
叔不須肝同舟喜遇羊何伴訓唱詩筒霜葉丹

遽庵再和志別復疊前韻

到此方知行路難驚濤觸石捲溪灘孤燈照影他
鄉別細雨吹風夜色寒無限樓臺同海市不平詩
句寫心肝惜分江岸扁舟遠黃葉村中畫閣丹

過延津作

空濛疎雨逗溪烟使轍回經十月天萬嶺丹楓紅
勝火千林朱橘大如拳人家臨水危樓出城郭緣

世恩堂詩集卷八

三

山雉堞連欲訪茂先雙劍處處風濤捲雪異當年

途中即事答雲高玉樹

歸棹連橋返故鄉閩天風物足徜徉霜林佛手臨
溪摘冬月蘭花滿市香美女蕉邊聽夜雨畫眉聲
裏度斜陽高歌和答蓬窓底博得珠璣當越裝

過阿彌陀佛灘

齊聲呼佛號百尺泝危湍不識閩溪惡真同蜀道
難山多蒸雨速濤怒激風寒涉險憑忠信高懷憶
幼安

久客

久客思歸切其如上水灘
浹旬穿瀨苦百里計程
難霧重青山濕霜濃破絮寒何時謝纓冕高枕我
廬安

夜泊

歸橈淹匝月水宿傍秋林
波定飛鳬狎霜寒戍鼓
沉村醪難引睡孤枕易成吟
客夢何曾著家書久
滯淫

旅思

三秋添旅思十月理歸鞍
我意耽微尚人情畏熱
官行囊書一卷驛路樹千盤
淺瀨輕舟便秋風送

世憲堂詩集卷八

五

木蘭

同愛高玉樹散步觀水碓

散步荒原暮靄連披榛覓徑認虛烟
風車簸穀藏茅屋水碓飛輪轉瀑泉
曲折緣溪通驛路方圓隨畝見山田
樵童伐木歸村晚兩兩行歌夕照邊

遣悶

經月篷窓上瀨遲前程日日問篙師
歸心急似灘頭水不爲征人住少時

其二

一難過了一灘高千折閩溪鼓楫勞
爭似五湖波

浪穩樵風來往信輕舸

其三

炎方霜後樹猶濃盡日推篷看遠峰
却愛秋林堪入畫千章黃葉襯青松

灘行

榜人雙槳泝輕濤沙瀨涓涓綠半篙
避石穿溪如過鳥牽船上嶺似懸猿
霜凋野樹秋容老鐵鎖浮橋水面牢
日落山均諸籟寂惟看峭壁削雲高

結廬

舴艋西歸落葉初土風難復問無諸
野塘障水時

世憲堂詩集卷八

五

春米竹筏飛鳬善趣魚撥悶花間聊得句
破閒篷底且觀書江湖容易教頭白
秦望山前好結廬

秦望山在子村居

仙霞嶺

絕磴凌雲度丹梯萬仞盤傳車行木杪
候吏謁林端灑灑飛泉響亭亭翠竹寒
往來歷冬夏風景總宜看

楓嶺

一徑臨丹壑千盤上翠屏霧昏山欲雨
霜重竹逾青閩越中分嶺嶺頭爲浙閩交界烟嵐半入亭嶺上俱悠

然會心處更有水泠泠

越灘

局促扁舟礙客冠石尤風打雨聲寒如何未了篷窗債纔下閩灘又越灘

宿浦城夢施研山總督今年四月歿于此

先生勞績著巖疆遺愛猶存召伯棠昨夜宛然來夢裏可憐無處酹椒漿

清河登舟至衢州示雯高玉樹

下嶺還穿瀨閩川又越川一身隨驛吏三度換溪船敢謂輜軒貴聊同野鷺眠隔窓賴佳客來往有

世恩堂詩集卷八

美

詩篇

不寐

宿白
凌口

宵眠聽戍柝夜雨宿溪灘道遠鄉書隔愁多美睡難江喧鳴水碓船漏濕衣冠四牡風人訓馳驅敢即安

時視學 畿輔易州使院立春日分得花字

春遲易水暖猶賒寒勒千林未放花白酒細澆銀菜美和風晴漾綵旛斜喜逢佳客搖青管愧擁諸生倚絳紗行役勞勞頻改歲望雲情切鬢增華

易州使院元夕用花字韻送張寄亭入都即

有中州之行

經年奔走共天涯午夜論文到月斜絳帳談經憐隔座綵毫落紙羨生花春宵三五星橋爛濁酒逡巡畫鼓過入洛遊梁才氣盛停雲莫使望來賒

世恩堂詩集卷八終

世恩堂詩集卷八

毛

世恩堂詩集卷九

華亭王項齡瑁湖

含暉堂藁上

起丁卯七月
盡癸酉六月

和漢茂原韻訓許鶴沙先生

颶母風狂阻客程繫船野岸浪花迎雨來高隴苗

根潤暑退長林秋氣清喜傍膺舟聞嘯詠況看謝

鳳最縱橫

時先生令嗣
入省秋試

追思少日金陵道山色依

然歲幾更

余自癸卯秋赴鹿鳴至金陵
今已二十五年念之慨然

奔牛阻風再疊前韻訓許鶴沙先生

屈指雲陽半日程連朝留滯石尤迎長年繫纜中

世恩堂詩集卷九

一

宵沸客子推蓬白晝清風挾怒濤排岸長雲拖急

雨入窓橫唱訓若不逢丁卯安得消愁到五更

泊舟丹陽三疊前韻訓陸鎬傳時鎬傳入省

秋試

鵬翮搏風九萬程羨君入洛有逢迎恒山憶共登

樓眺

昔年余校士真定同鎬
傳登署中樓望恒岳

建業還同飲水清家

本平原名易達賦成豪士氣偏橫雲陽城下蕭蕭

雨挑燭吟殘欲二更

四疊前韻訓許鶴沙先生

風雨連絲不計程詩筒來往數將迎江城野店炊

煙少水驛孤燈照夜清欲訪三茅僊洞遠但看古
堽暮雲橫何時雨霽陪金勒月落鷄鳴踠曉更

五疊前韻贈漢茂

嚴忌才華未易程十年倒屣媿曾迎詞壇作賦珠

盤走客座高談玉塵清醉蹋秦淮秋月皎晴看牛

首碧山橫茲遊定擬攀郁桂賀酒淋浪酸數更

阻雨不得登陸六疊前韻遣悶

道傍雙堠記郵程秋雨秋風斷送迎潮鬻孤城流

正駛煙昏遠樹畫難清預愁驢背泥塗滑不見天

邊斗柄橫悶倚篷窓過永日一爐香篆炷深更

世恩堂詩集卷九

二

句容道中七疊前韻

雨晴氣爽好登程稻隴青青兩岸迎地勢龍蟠原

峭澗秋風鶴唳自淒清六朝金粉荒烟冷勝代衣

冠蔓草橫欲訪華陽僊迹杳洞中桑海可曾更

感舊八疊前韻

二十年前此問程重來風景眼前迎星稀句曲聽

雞度月滿秦淮摩笛清三度欄衫生感慨兩行官

燭氣縱橫只今才盡嗟頽放虛擲年華暗裏更

秦淮河感舊

秦淮河上畫闌邊風景依稀記昔年歌舫夜闌燈

半落笛樓聲徹月初圓渡名桃葉無紅粉巷冷烏衣有斷烟惆悵昔遊今老大鬢絲搖颺夕陽前

上孝感相國熊公

謝傳園亭水竹居八窓疎豁一簾虛衣冠雖社名原重衮繡東山意有餘舊學九重恩側席調羹四海想登車只今新詔開黃閣玉珮遙看入禁廬

其二

談經十載傍宮牆吳樹燕雲各一方蓬梗空違元禮馭秋風喜謁午橋莊吐茵丞相容卑吏開閣門

蕙堂詩集卷九

三

生到後堂解帶一尊茗墅靜留連不覺度斜陽

登燕子磯望大江

萬頃蒼茫日夜流浪淘沙涌幾時休橫江鐵鎖沈波冷隔岸雲山罨畫浮地敞空亭涵景色天留片石此春秋我來正值觀濤候肯讓枚乘賦筆不

八月四日風阻燕子磯遊弘濟寺蒲菴上人

投以詩藁賦此訓之

楊子江邊阻石尤閒行來訪梵宮幽天開一徑藏孤寺劍削千峰架小樓北岸烟巒迷楚尾南朝花草半吳頭碧雲幸接湯休句風雨篷窓慰客愁

逆風行滯見揚帆者

去來都在石尤中阻滯歸程鷁首東破浪輸他飛馬似退風颯我寒車同雙桅鼓吹閒舟子百丈崎嶇困楫工遲速雖殊俱到岸不將心去怨天公

行速不得遊秦園

夢想名園不得遊蓬窓兀坐欲生愁主人也向何方去空有桂花香滿樓

遣悶

惡風日日打船頭不使歸人早泊舟似是天公隨世局只吹貴客上皇州

蕙堂詩集卷九

四

和儼齋三弟韻

法曹佳句到西堂習習清颺度柳浪東省衣冠愁觸熱北窓松竹好追涼頭銜何必希元相香案曾經侍玉皇書罷來禽忘世味襟期懷古日相望

其二

衮衮爭彈貢禹冠由來嬾性狎溪湍隨時遣興惟碁局對客忘言有釣竿半畝藥闌容嘯傲數弓泉石足盤桓人生只合追歡樂牛李機關一笑看

同人小集顧霍南投以詩依韻酬之

一枝小築避氛囂二仲頻過不用招十畝蕭閒堪

種藥數峰突兀欲凌霄粘天飛絮春將老浮蟻深
杯漏未遑把臂竹林聊作達清言元箸自超超

蒙陰旅店見儼齋三弟題壁二絕句依韻賦

此

小春晴暖亦佳辰又向京華蹋軟塵忽見惠連題
壁句西堂應念遠遊人

其二

暫憩征鞍日過辰和風不動陌頭塵往來十度東
蒙道惟有青山似故人

過新甫山

世恩詩集卷九

五

日暮驅車新甫山蕭蕭白草四山環如何不見丸
丸柏爭似秦松尚可攀

經浮丘故里

仙風道貌邈難攀故里猶存想像間若使先生容
把袖雲中雞犬願同班

宿羊流店

四年前宿羊流店曾共張君洗研看此日故人登
上第無端小草又衝寒

乙丑歲余同寄亭北
上宿此出端石相賞

新泰旅店見陳廣陵太史題句和之

寒月山高起尚低茅檐喔喔聽荒雞回思日炙高

樓卧悔蹋清霜趁馬蹏

羊叔子故里

至止羊公里高風儼在茲看碑人邈矣遺藥敵嘗
之憂國平吳後論功鎮楚時如何當國者尚恨不
相知

史云二王當
國羊公無德

望岱

余丁未春
曾登絕頂

二十年前曾駐馬凌風腰笥上天門秦松老作虬
龍蛻斯篆空留科斗痕登觀蒼茫辨吳越振衣浩
蕩小乾坤無緣再策盧敖杖翹首雲峰想像存
沂水道中口占

世恩詩集卷九

六

人到中年萬事慵那堪遊子涉三冬羊腸道路清
霜苦雞肋功名華髮重堂上夢依椿樹遠閨中愁
鎖黛螺封誰人不說長安樂難禁鄉心繞五茸

從長城鋪抵張夏

地自何年鑿山如兩峽開六龍新望幸八駿
舊曾來歲稔果皆熟時平客不猜卸鞍茅屋下濁
酒且徘徊

黃河涯

地形天塹古黃河想見神功蹟不磨滄海桑田千
古速負薪沈璧近時多但聞築舍紛輜蓋空使

宵衣歎浩波憑弔不勝今昔慨西風撼撼起寒柯

祈穀壇陪祀恭紀

郊丘清夜漏聲長燿火熒熒雜曉芒地近天門風

浩浩月高壇樹影蒼蒼上公攝事明禋肅時聖駕南

巡閱河內泰時祈年備物詳何幸叨陪駕鷺後媿

無彩筆頌明堂

院署齋宿時同孟繹來先生家石洲鶴汀雨

前輩

潔齋襖被宿槐廳數點寒燈照夜青庭樹婆娑虛

映月玉堂清寂不聞鈴唐學士院宣事則引鈴索趨跲百執虔

世尊詩集卷九

七

昭假禮樂羣公信典刑 聖主祈年農事切深慙

糜祿髮星星

太廟裕祭陪祀恭紀

大袷嚴崇報羣公肅駿奔衣冠嗤漢廟裸獻盡龍

孫合殿神光燭遙天鶴影翻 聖人隆孝理夙駕

謁陵園時聖駕謁陵

送黃忍菴歸里

與君已作三年別及至相逢又客亭蹤迹去來同

社燕交游聚散似江萍寒風匹馬離燕市春水扁

舟泛洞庭此樂自應勝萬倍可能穩卧白鷗汀

和學士孫吧瞻前輩送學士孟繹來先生南

歸韻

夫子風流繼五君異同虎觀析紛紛焚魚醉蹋東

山月放濯閒眠笠澤雲他日定知宣室召當時曾

識太玄文金門觸熱愁驅馬消夏灣頭羨不聞

時有與同氣構難者余以牽連被誣去國留

別薛澱二弟

滿眼浮雲去國時急難令鳥感臨岐殷勤執手丁

寧語不獨傷心是別離

周唐菴太史贈詩相送次韻訓之

世尊詩集卷九

八

思歸久憶小山叢謠詠無端忽駕空嘯傲湖山容

我輩濟時勲業仗羣公

其二

與人無競不求盈誰料青蠅貝錦成幸賴天心

垂曲照放歸鳥鳥遂私情

其三

悠悠世事不勝悲覆雨翻雲在此時脫屣一官吾

不恨若為情處是將離

其四

八斗才華羨軼塵鸞坡同直更情親南飛鳥鵲驚

難定莫向秋風憶采蓴

唐卷詩中有蓴鱸之思故云

蔡方麓宮允贈詩相送次韻酬之

聯袂螭坳未一年忽遭謠詠悵離筵
鉅蘭本忌當門植竭澤真同一網懸
從此江湖容浩蕩無由鞭弭共周旋
他年黃閣敷霖雨倘念遺簪在野泉

塗中雜感四首

去國真同一葉輕從今永結鷺鷥盟
身居退院心方穩謗欲銷金主自明
篋有綵衣當愛日田因儉歲學躬耕
年將五十須行樂況值傷弓鳥乍驚

其二

世遠詩集卷九

九

三年家食每棲遲暫出偏遭巷伯悲
幸遇明聖日不成元祐黨人碑膺滂
但見同時去軾轍相將抱蔓隨歸計
且謀噉谷隱白衣蒼狗任人爲

其三

閒官落拓冷於秋豈料猶煩射蜮謀
荆樹並摧寧敢怨斑衣無恙更何求
仇牛怨李空張弩暮楚朝秦不到頭
惟有南山高卧穩烟霞管領比封侯

其四

九折崎嶇行路難入林驚鳥膽猶寒
衆人欲殺方磨刃聖主憐才未削官
醉尉何妨訶李廣侯門

今可有任安奉親不敢思浮海擬共漁師老釣竿

過河間令君彭椒巖同年餉以酒饌

襖被重過瀛海濱河陽花滿一時春
蕭條旅館涼如水一飯猶應感故人

過平原有感

珠履三千迹已陳誰留絲繡幕游塵
平原公子徒豪舉能捧銅槃有幾人

過淮陰有感

漂母祠邊烟草昏蕭蕭淮水弔王孫
古人一飯猶思報今日操戈半受恩

世遠詩集卷九

十

于役

于役三冬苦艱辛歲再經憂讒傷市虎
去國感江萍草帶寒霜白烟凝野燒青
濁醪難博醉楚客若爲醒

抵家甫三日蒙恩召還原職賦此

三徑歸來喜乍聞忽聞丹詔下田間
餘生已擬長辭世驚鳥何堪再出山
感激聖恩霄漢迴夢回親舍舞衣斑
闔中莫漫凝春恨香案前頭早乞還

李家莊遇雪抵青駝寺已二鼓矣口占紀事

雪花如掌北風涼
襖被趨朝道路長
犬吠客投深夜店
雞鳴僕嬾向晨裝
酸風射眼膚生粟
矮屋編茅草縛牀
如此長塗真況味
一冬兩度往來嘗

蒙陰道中看雪

驅馬東蒙道連朝
雨雪頻是山皆琢
玉無地不鋪銀
有象占春稔無衣
歎俗貧聖明先洞
燭不必繪流民

新泰道中口占

峨峨積雪滿山阿
客子衝寒發浩歌
瘦馬難前愁滑磴
凍鳥無語宿高柯
心驚矰繳功名薄
頭白關

世賞詩集卷九

十一

河感慨多何似擁
鑪山閣下不知世
路有風波

庚午元旦早朝口占

滿擬家園守歲人
又來京國度芳春
朝元再趁彤墀侶
舞綵遙思白髮親
日麗堯階迎翠輦
風飄舜樂動韶鈞
聖恩廣大同山海
十載深慙侍從臣
奉命典試入秦過
真定憶六年前校
士駐節於此

曾持玉節此淹留
望岳頻登使院樓
今日入秦重駐馬
風光彈指六經秋

華陰道中

蒼涼古道接桃林
使節東來度華陰
雲散三峰仙掌出
暑消夾道綠楊深
汾陽第宅荒烟合
紀信祠堂蔓草侵
極目不堪頻弔古
西京風物已難尋

宿臨潼

斗大山城夕照中
蕭條使館類編蓬
新豐舊是繁華地
雞犬何存美酒空

過霸橋

霸橋楊柳綠參差
遙想當年送客時
何況身為橋上客
那能不起故園思

聞中和同考下芝亭韻二首

世賞詩集卷九

十二

看花曾結佩孔李
早相知芝亭余同年
又玉局彈冠日香
街並轡時曾為庶常寒
帷傳佐郡相馬遇
經師

白璧今逢卞同堂
慰我思

其二

西京留棧樸東庫
啟文昌萬里鵬傳
信三條燭吐芒臣
心同槩雪天廐得
驅驅撒棘期尋勝
觴花罄索郎

聞中次訓同考朱近菴

銜命從螭均分風
采秦士星軺指西
陲入棘勵我始是
月桂初華天香清
以美纖絺尚飾躬
地氣

無乃異繫余奉 簡來夙夜誠懼此顧無衾影慙
庶不污 明旨在戶蟋蟀號誤聞雞聲起深院耿
無光珠斗正斜倚摩挲急盥漱剔抉到經史綆短
愁汲深何況測海水昔人畏秉鑑曾以蟲負比惟
此精白心持用鹽王事堂上垂重簾簾列諸長吏
驪珠必先投慎取莫輕棄甄賞貴得真千秋見風
義無爲五色蒙是旌平生志朱衣暗笑人斯情既
共矢肯讓韓歐陽勗哉諸君子

九日制府葛公中丞薩公張宴雁塢因遊曲

江藩臬諸公並會

世遠詩集卷九

三

異鄉九日菊花遲幕府招邀並錦羈雁塢穹碑空
照眼曲江細柳尚如眉人當戲馬登高日地憶開
元全盛時紫蟹堆盤香稻熟家園風物倍堪思

次荅周二峰銀臺

蒼翠南山照客顏斷材應媿魯輸般軒車喜接神
仙侶獻納名傳鶴鷺班勝日平泉携屐健秋風洛
社杖藜閒美公抱邾多吟興門掩黃花水一灣

督撫藩臬諸公餞於五里亭

旌旗獵獵過高城折柳郵亭特寵行桑落頻傾傳
冀馬陽關三疊按秦箏重經霸岸流初減回望南

山黛轉明況是霜林紅欲墜夕陽秋色正縱橫

東還重經霸橋

涓涓流水暮還朝又向秋風度霸橋幾曲闌干足
頭白千條楊柳已魂銷江淹賦筆應難寫鄭縉詩
情未易描却羨南邨種田叟里門不出自逍遙

驪山懷古

當年此地有離宮萬乘旌旗下苑中子弟歌喉珠
串落美人香粉玉波融已憐鴛瓦埋荒土但有驪
山話老翁誰似 聖朝崇儉德溫泉不惜與民同

浴溫泉

世遠詩集卷九

古

薄暮投山縣溫泉試浴香煖真涵淑氣清可鑑毫
芒肌理皆融暢身心已悅康新豐歸騎緩高卧穩
匡牀

由臨潼至渭南

曉發新豐道斜陽度渭南秋林紅勝火繡嶺翠於
藍詩句誇居易僊蹤憶老聃渴來頻駐馬細雨阻
幽探

白太傅祠

琵琶樂府柳枝詞千載風流繫夢思履道宅荒池
水涵月明空鎖白公祠

華州道中

金天氣爽雁橫羣少華峰高半入雲淺赭深紅千
樹出天然一幅李將軍

雲臺觀

在華山麓

筍輿一徑破蒼苔翠色層層撲面來迴見山城如
畫障近將敷水作流杯石壇松老猶棲鶴丹竈泥
封尚有灰西去紫陽祠廟在當年曾此主雲臺朱受祠祿遙領雲臺觀主管

九月二十五日同憲副楊令鴻郡丞卞芝亭

華州守黃公極華陰令董裕菴宿華山青

世憲堂詩集卷九

五

柯坪二十六日自千尺壩至玉女峰徧覽
諸勝

一宿青柯萬慮刪道人爲我掩雲關階前松影圍

車蓋枕上泉聲響珮環玉女洗頭池紺碧洗頭盆紺碧希夷蛻骨匣紅殷希夷匣內有石函藏遺骨不乾後人乃斷挑燈預數來朝勝興極神飛紫邏間其鎖徑遂絕

其二

其二

箭括峰頭舍杖藜此身高與白雲齊依稀城郭紋

枰小羅列兒孫萬笏低語鳥畫眉銜瑞草山希鳥

多肩獨輕猿連臂渡丹梯常掛巖際捫天欲問人間

世魏之元暉好句題

其三

振衣千仞立巔屹九月天風刮面寒石馬長眠鞭

不起天馬石側外蒼龍高挂踰猶難蒼龍嶺形如

六博仙人舊局殘東峰有衛叔卿棊枰十丈蓮花仍放否直

窺玉井凭危闌

其四

其四

絕壁穿雲鐵鎖斜攀緣直上蹋青霞松濤萬壑飄

天樂瀑布千巖散玉花蓮嶢峰高尋石髓僊妃祠

世憲堂詩集卷九

六

古飯胡麻時飯玉女祠探奇况有諸同調白帝遙尋興

不賒

其五

半生五嶽願常違此日相携陟翠微百尺峽通天

一線五將軍有樹千圍有松號五將軍下方尚黑瞰先見

上界迎秋雪早飛時下安得向平婚嫁了三峰峰

頂叩玄機

謁西岳廟

使節西還謁帝宮天朝秩典視三公明禋奔走祠

官肅紺宇陰森廟貌雄萬里風雲常拱北三峰突

兀正當中靈旗鐵馬時飛動欲佐金天九伐功時王師塞外凱旋

山行見柿林紅葉二首

停車風景愛秦川絳樹紛披照眼前一片丹霞開
翠嶽千堆火齊落霜天高僧書徧龍蛇字宮女題
成錦繡綫惹起相思紅豆曲吳江楓冷正同憐

其二

秦關風物勝吳關千樹飄紅照客顏石尉園中移
向種夜來壺內洒成斑風搖影似朱旗閃雨洗妍
同脂粉殷若使楊昇圖半幅分明沒骨貌秋山

世遠詩集卷九

七

楊伯起墓

夫子清風迴絕埃三公門望更雄哉生前不畏羣
璫燄死後能令大鳥來三尺荒碑牛礪角一抔黃
土草成堆經過無地脩蘋藻憑弔西風絕可哀
至潼關令鴻芝亭同參戎洪古山酌余麒麟

山亭

八窓亭子枕山隈水色山光漾酒杯不是風流賢
地主何緣得向此中來

潼關

屹屹高墉半倚山黃河九曲自回環金城勢控崤

函壯紫塞風清虎豹閒魏祖爭雄經此地哥舒遺
恨失重關我來弔古憑天險木落霜飛送轍還

二十九日楊卞洪諸公追餞首陽山夷齊廟

羣公出祖二賢祠孤竹高風儼在茲入廟參天看
古柏廟前柏樹三人合抱云是三千年物披墳剔辭讀遺碑千秋微
蕨羞糜祿間代黃農起寤思瞻拜流連忘日暮離
情倍覺馬蹏遲

郭璞讀書處

左邑憑車弔古時忽逢郭子讀書碑青囊不救神
僊死江賦能傳文字奇活馬葬龍皆好事銜刀披

世遠詩集卷九

六

髮亦何爲山經注後應焚研免使人間號地師

裴晉公故里

袞袞黃沙撲面來晉公井里重徘徊淮西事業存
編簡綠野園亭入草萊梁燕有情依舊巷石龜無
語傍秋槐元和賢相人猶說欲借卮醪酹一杯

豫讓橋

豫讓橋頭水咽灘擊衣千載劍光寒殺身亦是尋
常事國士恩深欲報難

許由洗耳處

巢父曾傳此飲牛逃堯遺事至今留高賢一去空

千載洗耳無人水不流今已成行路

洪洞縣東是叔向師曠邑里

去去洪洞路觀風駐使車采傳羊舌邑地接晉師
居婦子依陶穴耕雜寒驢最憐淳樸意謠俗見
唐餘

霍州道中二首

旅舍無聊又夕曛往來風景惜河汾人家宛入西
洋畫山路遙看赤壁紋霜老楓林紅葉滿秋高雁
陣碧天分如何不見襄陵酒空有青旗漾白雲

其二

世遠堂詩集卷九

九

路繞千山一徑斜那知山上有人家車箱曲似羊
腸險土室幽疑仙洞賒是處懸崖無澣瀑每逢香
草不開花霍峰青翠朝來近更擬輕鞭白鼻騮

韓侯嶺有墓碑

曾從淮市瞻遺廟又向汾山拜古丘伏袴不妨容
惡少比肩只是耻樊侯藏弓烹狗誠何恨食鄴封
留亦已休惟有墓前三尺碣冷風淒雨自千秋

途中口號

夏去冬還草木凋年來筋力困征軺家書兩月鱗
鴻斷游子終朝髀肉消報國不知華髮短思親常

對白雲遙何時歸卧南山下短袴長鑣學采樵

汾水

當年漢武幸河東一曲新詞藻思雄不見樓船泛
簫鼓但餘汾水嫋秋風丹崖百疊臨無地畫閣千
家住半空最惜往來風景異憑消歲月使車中

憶華山

華山奇境未全搜吾夢猶爲蒼翠留絕壁洗苔留
綵筆懸崖鑿空插危樓天池下見諸峰拱仰天池在南峰
絕頂渭水斜分一線流願乞雲臺爲主管芒屨竹杖
此生休

世遠堂詩集卷九

十

郭林宗故里

林宗東國重人倫漢代風流墊角巾蔡氏碑中真
不愧李君舟內更無人甘陵名士爭推轂北寺刊
章早隱鱗第宅荒涼祠廟古邨翁伏臘尚如新

綿上

斜日驅車綿上田從亡想見子推賢焚山不受貪
天祿禁火猶令隔代憐仇到斬祛翻見赦功高封
股忍相捐春秋霸主稱文謫白水同心豈信然

李陵墓

已拚七尺葬邊陲此地何緣有墓碑臺號望鄉傳

代北詩成別友在河涓入關未遂班超願歸骨猶
同溫序知誰說柳車停不發一抔黃土至今疑記碑
柩至此不前遂葬焉

姚城古陶唐城自涿鹿遷都於此

姚城古蹟已荒烟都邑滄桑幾變遷不見石言留
晉坂難將鶴語問堯年空祠斷甍蒼颯竄遺像垂
旒滴雨穿唯有餘風存蟋蟀至今野老話如天

井陘

井陘險隘困方車下趙秦師舊蹟虛辨士成功資
廣武奇謀不用恨陳餘劍山犖確危征轡柏水宗

世恩堂詩集卷九

三

潺帶草蘆翹首五雲紅日近行行攬眺一踟躕

滹沱河

白水真人異代思滹沱水合事尤奇蕪蕪麥飯情
何厚尚有人譏大樹時

定州

此地鮮虞曾啟土劫灰幾歷事消磨濁醪難覓中
山醉樂府猶傳孺子歌昭烈城荒衰草積慕容宮
沒戰場多驅車攬古思當日風雪漫天卷大阿乙丑
冬奉校士節過此

安肅旅店早發

落月牆頭挂玉盤僕夫催我上征鞍清霜氣逼華
簾薄宿火灰銷土銼寒鬢髮垂垂羞對鏡風塵碌
碌笑彈冠羨他高卧山中客布被匡牀夢正安

涿鹿

軒轅陳迹已荒唐督亢碑前落日黃何處更尋先
主宅空餘烏鵲噪樓桑

桑乾河

兩年四度桑乾水南北東西笑此身依舊虹腰環
曉月那堪車脚歎勞薪柳枝瑟瑟含新凍歲序堂
堂涉小春惟有燕山如黛色遙天一抹早迎人

世恩堂詩集卷九

三

辛未元日 太和門 賜宴歸作

五十年華鬢欲皤林泉鐘鼎並蹉跎朝正鳴佩隨
班舞 錫宴傳柑拜賜多宴上柑子甚佳携歸頗眾萬國共球

烽燧息八風占候歲時和家園柏酒知方熟介壽

高堂玉頰酡

燕邸即事

葉稀簷果露霜黃秋色橫披入草堂晝掩雙扉無
刺啄香消半篆自清涼餐英花向銀燈舞落帽風
高雁陣長却喜閒官能獨賞金門大隱且徜徉

次韻輓何典臣給事

玉折蘭枯萬事休斯人不信竟荒丘茫茫天道渾難問柳絮飄殘在陌頭

其二

平生相慕未相知堪歎讒人造謗奇貝錦詩成悲巷伯同遭謠詠似連枝

其三

追思去國並南回豈意劉郎得再來幸荷聖明垂獨照一時接翅入燕臺

其四

清切梧垣近玉除封章時上五雲居聖朝衮職

世憲詩集卷九

三

原無闕賈誼何煩痛哭書

其五

車轍過從無日無兩年邸舍共踟躕誰知患難相依日輕拆雷陳在半塗

其六

如君氣誼獨真淳勲業相期志一伸那信殘冬分手後傷心死別即三春

其七

欲賦招魂淚便垂尋思昔夢不勝悲淒涼身後堪腸斷七十高堂九歲兒

其人

衆人欲殺何須問死後垂憐有聖君知爾九原應不恨任他薄俗自紛紛

薛澱二弟過余秀甲園貽詩依韻和答

耕釣餘年樂誅茅傍遠臯曲池當眼碧古木亂雲高抱犢眠春壠樵風信野舫鷓鴣一枝穩不羨大鵬勞

其二

水檻凭幽壑烟嵐翠萬重鏡湖分一曲瀛海隔三峰鸞鶴窺窓近溪山罨畫濃涉江思采掇趁早插

世憲詩集卷九

六

芙蓉竹西草堂

其三

欲尋林屋洞且作孟城埧杉影青蔥合薇花窈窕交茅亭開竹徑石壁刷雲巢更有閒吟客臨風五字敲二薇亭

其四

水閣浮青嶂閒來漱綠汀釣磯盤錦石古樹突空庭密葉藤爲屋危巢鶴落翎窓前數株柳眠起任青青嘉樹軒

其五

遊屐慙靈運閒情愛惠連共觀花鴨闌並釣錦鱗
懸遠渚聞菱唱疎櫺吐篆烟吾廬聊可愛亦是一
山川小桃源

其六

水閣亦悠哉軒窓四面開光浮孤塢迴青送九山
來來浪層層出墟烟裊裊迴敢云庾信宅聊擬讀
書臺清音閣

其七

綺歲曾來此蕭條白版扉但看喬木古祇覺二毛
非感舊春鵲恨懷新海燕飛竭來三十載里巷尚

世遠詩集卷九

重

依稀

憶先姊也園爲徐氏舊業
先姊適徐余少時常過之

其八

蝸舍且盤桓新詩喜共看池塘春夢發尊酒竹苞
歡我道甘棲壑人情畏激瀾便須堅誓墓長對此
烟巒

贈張孟融及嗣君壽臣

賸水殘山不記年一經位置便生妍天然一幅荆
關畫渺渺春波鏡裏懸

其二

愚叟移山似化工千巖萬壑出胷中雕搜盡道人

工巧淳樸依然太古風

其三

妙手由來丘壑殊奇礪移石儼成圖不須更假驅
山鐸指點烟鬟足鑑湖

其四

已爲養魚穿曲沼更因舞鶴築新坡多君天趣真
平遠不作羊腸阻嘯歌

其五

海鶴精神八十餘又看令子鳳毛如一朝並遇青
霞侶爲補盧鴻舊草廬

世遠詩集卷九

美

題宋楚鴻聽鶯圖小照

我友清時彥風流絕代無閒來臨水坐貌得聽鶯
圖柳愛張思曼文傳楚大夫他年麟閣上應識舊
形模

六月既望餅廬詹事惠扇貽詩四章次韻訓

答

獨坐看銀漢相思隔翠鬟忽聞天外雁遙下蓼花
灣

其二

清迴金沙鶴蕭閒白水鷗何緣遭物忌曾上李膺

舟

其三

三千環弱水十二對湘鬟遙憶東山上高吟月一灣

其四

燕喜烹池鯉忘機狎野鷗只愁銀信至難戀五湖舟

世恩堂詩集九終

世恩堂詩集卷九

三

世恩堂詩集卷十

華亭王項齡瑁湖

含暉堂藁下

起癸酉七月盡甲戌閏五月

蜘蛛網落花和大司寇徐健菴先生韻

九十春光瞥眼過閒看物態意如何霑茵墮溷原非果絡雨縈烟巧作羅密比輕容晴裊裊散同天女舞傴僂苦遭束縛華欄下爭似牆東曠蕩多

柳絮和大司寇徐健菴先生韻

東風蕩颺撲簾稠化却池萍點點浮謝女吟成同雪艷魏宮歌罷亂春愁江頭雀啄青絲老花底蠶

世恩堂詩集卷十

一

粘玉粉流惆悵霸橋曾作客攀條悔事錦城遊

午奉使秦中

七月之望餅廬詹事復寄詩四章依韻酬之

懷人設渚側搔首夕陽餘河畔浮雙鯉殷勤託素書

其二

纖羽方翔翔忽墮林間弋共命自相憐浮雲幻何極

其三

訪戴移山棹攀嵒望柳汀何時重話雨相對一燈

青

其四

濯濯青桐枝習習涼颼發統扇遺所思一心照明月

題許鶴沙先生小照

坐而

圖作綠楊紅橋臨水對蓮花倚長松科頭踞石

鶴禁曾聞圖孝綽瀾滄更說畫章臯辭榮歸卧東江曲種得蓮花十丈高

先生由宮僚歷官滇臬

其二

紅橋雁齒綠楊遮兩兩鴛鴦護淺沙羽扇科頭臨

世遠堂詩集卷十

二

水坐道書一卷勝黃麻

其三

麒麟閣上從他畫鶴唳灘頭得自由萬斛松濤天際落烟波渺渺即滄洲

次韻訓餅廬詹事已三贈答矣

我愛高詹事聲華壓沈何濟川才作楫救燠雨常沱早歲遊黃闥幽懷寄綠蘿精誠扶日月峻譽並岷峨詎意逢謠詠堪嗟密尉羅拂衣思浩蕩把劍惜蹉跎燕雀欣巢廈風濤憶渡河秋華添素鬢去日擲流梭三復詩篇麗蒼茫感慨多莫孤羣望切

長戀五湖波

將入金陵薛澱二弟貽以長句依韻酬之

建業多年別今朝上石頭麻衣悲漬淚白露感經

秋是行以暑退未方秀村荒市早收孤帆何處泊

新月映前洲

其二

重尋桃葉渡不改淶波清鎖院曾塗抹星杓幾變更詩篇驚弟富席帽看兒輕繼武諸郎事烏衣舊

有名

時炳兒應鄉試

再疊前韻示薛澱

世遠堂詩集卷十

三

弱冠聽歌鹿重來已白頭清江仍照眼衰鬢怯逢秋金粉齊梁麗精英鮑謝收不堪還弔古蕭瑟荻

花洲

余二十二歲登賢書距今已三十年矣

其二

夾岸朱闌繞淮流一線清管絃良夜沸曲巷幾年更舊夢青燈閃新涼白葛輕三山懷十載猶恨未

題名

舟行書所見

殘暑秋來未便除好風喜借一帆舒村翁載得瓜來賣又見漁舟喚賣魚

八月二日丹陽道中

涼颼嫋嫋白蘋洲江岸芙蓉葉已抽萬事無過能
嗽飯四時最好是新秋華陽樓閣倦人近建業山
川王氣收三十年前舊遊地一般風月動人愁

余營小圃西郊落成有日途中懷之

小築蝸廬谷水濱閒中景物自相親養成鶴頂丹
砂染種得蘭芽玉筍新竹帛千秋同蠟味掃除一
室見天真繁華敢擬河陽業五柳先生願結鄰

秦淮旅舍送漢懋石貞曰堅兒子圖炳入貢院

蕙堂詩集卷十

四

秦淮河上雨飄蕭正是秋風八月潮少日欄衫遊
鎖院白頭重見燭三條

秦淮即事

關干卅字壓秋波桃葉桃根往蹟多空對藏鳥舊

楊柳枝枝倒地舞僂僂

河涯有垂楊一株孌娜可愛

其二

前朝舊院傍秦淮百萬纒頭聞玉娃謾道端端今
化土善和坊已草侵鞋

炳兒入閨獨眠聽雨有感

聽雨河亭上蕭蕭抵夜關離家愁婦病鎖院念兒

寒霜冷孤衾薄風吹畫角殘追思當日事席帽苦
吟安

河亭獨坐

當檻江流合憑闌黛色青落霞明雉堞疎柳拂空
庭

東望紫金山色青翠石頭冉冉烟橫渡

即桃寮女牆如屏庭柳大可十圍

嘹雁下汀蕭閒成獨坐世事等浮萍

其二

三十年前景今朝盡到來短檠燈欲暗棘院漏頻
催慙媿司文柄聯翩擢俊才回思昔昔夢感興賦
親裁

蕙堂詩集卷十

五

慰漢懋諸子

袞袞看羣彥麻衣待至公驪珠光吐月彩筆氣成
虹老馬慙知路秋雕正遇風明朝慈勝上連觀桂
枝叢

中秋日瓜洲守風遇黃硯芝宮允

客裏逢佳節江干會阻風忽傳黃子至相訝素冠

同

現芝時別緒三年久論心百感中預愁雙槳發

飛燕又西東

對月有感兼憶內病

昨歲當今夕孤舟泊虎丘

時往金昌謝

那知瓜步月又

是一年秋霜露驚時變江山感昔遊閨中有病婦
藥裹最關愁

中秋夜舟中遣懷

年年客裏過中秋白髮蕭蕭攬鏡羞常愛龐公不
入市休嗟李廣未封侯忘機但任呼牛馬養拙何
妨笑鶯鳩叢桂山中花正放可能待我伴清幽

看女

客裏看嬌女尋思往事酸早年離阿母遣嫁值窮
官先室亡後歲月諸甥大壺鹽中饋難魚書常寄
慰萬一老懷寬

世遠詩集卷十

六

過惠山呼童汲泉買酒而歸

信權夷猶倚短篷衣涼爽九秋中一年只合扶
頭醉萬事渾如過耳風乞火品泉高下別隔江買
酒十千空歸塗儘有閒功課檢點新詩已滿筒

順風揚帆過無錫

蒲帆十幅飽西風快似輕車駕玉驄閒倚柁樓秋
望美九龍山色落晴空

飯於女家過飽致疾舟中減餐方安慨然而

作

愛女勸加餐年衰強飯難腐儒原負腹佳味漫堆

盤遺矢將軍老休糧道士寒惟當戒饕餮粗糲性
常安

八月十八日虎丘即事

生公臺畔廣場開佳節無人不到來山徑月高檀
板落湖橋秋泛畫橈催凌風金粟花成市似水香
車粉作願最是昇平民氣樂夜深扶醉蹋歌回

青溪道中

連朝風便好登程漸近鄉關溪藻清牧豎騎牛衝
水過漁翁撒網任舟橫離離禾黍垂頭實累累瓜
壺蔓屋生一路秋容看不盡更聽草際百蟲鳴

世遠詩集卷十

七

中秋前一日大司寇徐健菴先生觀察許鶴

沙先生盛誠齋侍御過余秀甲園適往白
下有失接待賦此志謝

流浪秋風建業城爭傳洛社會耆英諸先生方靈

臺應奏賢人聚關令遙瞻紫氣盈飯罷胡麻蒿徑

開家弟儼齋題殘凡鳥竹扉清更聞蠟屐登臨健

次日儼齋邀諸先生遊橫雲深婉籃輿道左迎

坐二微亭聽雨

獨坐危亭上蕭蕭聽雨聲微聞青桂發相對綠梧
清冷碧空山寂澄泓止水明悠然忘世慮何必訪

蓬瀛

池中自製小舟時一弄之有張志和浮家泛宅往來若雪間意

曲沼沿洄弄釣舟忘機秋泛不驚鷗亦知萬里長風樂爭似隨波自在流

薛澱二弟秋日過余秀甲園留酌嘉樹軒歸而投詩一章依韻訓之

日涉郊園漱晚汀邛翁持贈種魚經今朝劇喜開蓬徑空谷虛疑是慢亭八月潮平雙鏡碧九峰晴落一窓青新詩忽發西堂夢浮白狂吟倒瓦餅

世遠堂詩集卷十

八

再疊前韻訓薛澱二弟

性愛幽棲近鶴汀閒來校勘太玄經何當橘綠橙黃候並坐花南水北亭騎竹弟兄頭半白翻雲世態眼誰青會須秉燭償遊興莫負清秋一酒餅

季秋大司寇徐健菴先生枉札貽詩兼贈所著經解一書賦謝

正欲裁書附野鴻漫勞芳訊下雲中瓊章驚捧雕龍筆祕笈遙分白虎通荒渚連朝迷宿雨講堂何日坐春風只今當寧需良弼早見東山起謝公

其二

即步原韻

庾信當年賦小園野廬何意駐高軒苔紋斜印尚書履竹影空搖江上尊遠岫雨餘分黛色小橋潮退出波痕荀公去後香猶在悵望秋帆到夜昏

其三

僊雲洞壑本清幽石壁嶙峋翠欲流遠櫂空違元禮馭時余在白門未得從遊青山重記謝公遊去歲陪侍先生登眺竟日

三君圖書鬚眉古時耆英有繪圖二俊祠堂松柏秋自昔

詩篇傳婉孌溪川百里接崑丘先生家在崑山相距僅百里

重陽前三日招薛澱儼齋兩弟飲秀甲園薛

澱有詩即次來韻

世遠堂詩集卷十

九

空濛細雨濕衣寒徙倚園亭秋色殘有酒且從田父飲買山聊共阿連看黃花歲晚羞簪鬢白髮風高笑墮冠興極愛遊還秉燭婆娑庭樹夜將闌

送薛澱弟之武林

西泠風景昔曾遊送弟今朝放越舟潮落寒江段渚淺霜高遠岫橘林浮六橋烟雨迷湖舫三竺鐘魚隱佛樓知爾登臨多嘯詠錦囊佳句上天搜

悼亡集唐五十首

謝公最小偏憐女嫁得蕭郎愛遠遊別恨離腸空惻惻清江碧草兩悠悠幾年涼月拘華省春日凝

妝上翠樓千里宦遊成底事淚珠時傍枕函流

元稹 于鵠 顧甄達 韓偓

胡曾 王昌齡 吳融 張祐

玉樹埋深哭不聞獨悲孤鶴在人羣階前雨落鴛鴦瓦
架上塵生翡翠帟縱使有花兼有月幾回愁我亦愁
君平生此恨無言處倚柱關情日欲曛

白居易 皇甫曾 韋莊 胡曾

再經婚娶尚單身獨恨潘牀筆有塵神女生涯原是
夢舊窓風月更誰親魂隨逝水歸何處鳥蹋梅

世恩堂詩集卷十

十

花落已頻爐火欲銷燈欲盡繞闌吟罷却霑巾

王建 元稹 李商隱 趙嘏

權德輿 戴叔倫 白居易 韋莊

世間此恨偏教我長對春風挹淚痕細想儀形執
刀尺欲將修短問乾坤鍼頭不解愁眉結環佩空
歸月夜魂寂莫竹窓閒不閉爲君惆悵又黃昏

白居易 無名氏 裴羽僊 劉長卿

白居易 杜甫 熊孺登 羅隱

天遣多情不自持三分鬢髮二分絲因嗟往事拋
心力恐是僊家好別離千古怨魂招不得他年緣

會更難期憶君清淚如鉛水更向東流莫一卮

韓偓 白居易 貫休 李商隱

張泌 元稹 李賀 許渾

得疾還因倚少年晚來和淚喪嬋娟愁腸自斷非
因劍玉軫常拋不續絃惟有搜吟遣懷抱每因時
節憶團圓火銷燈盡天明後寂莫書齋恨獨眠

劉禹錫 韋莊 白居易 劉禹錫

十年作客在他州爾養晨昏我遠遊愁眼向誰零
玉筯低眉深恨嫁牽牛每嗟塵世常多事爭作夫

世恩堂詩集卷十

十

妻得到頭香散艷消同一夢雨中寥落月中愁

無名氏 楊牢 崔鄴 羅虬

羅鄴 羅虬 王遵 李商隱

玉釵重合兩無緣一度思量一愴然美景難忘竹
廊下好花爭奈夕陽天芳林新葉催陳葉鏡裏今
年老去年何處曾經同望月妓堂階下砌臺前

劉禹錫 唐宣宗 白居易 張泌

劉禹錫 郭郎 白居易 白居易

紙閣蘆簾著孟光自矜夫婿勝王昌錦屏銀燭皆
惆悵天上人間兩渺茫倚枕夜悲金屋雨獨眠人

起合歡牀相思一夜情多少應與乾坤共久長

白居易 喬知之 尤啟中 曹唐

胡曾 關盼盼 關盼盼 胡曾

嫁得梁鴻六七年春愁黯黯獨成眠淚隨紅蠟無

由制病對椒花倍自憐遠路應悲春晚晚多情信

有短姻緣返魂無驗青烟滅枉向秋風吹紙錢

白居易 韋應物 唐彥謙 劉長卿

李商隱 鮑四弦 溫庭筠 白居易

生年二十有重封鈿軸金泥誥一通正喜琴尊長

作伴亦知恩愛到頭空濕烟散羃鴛鴦瓦涼葉寒

黃堂詩集卷十

七

生玉簫風門外塵凝張樂榭些些談笑與誰同

李商隱 白居易 韋莊 白居易

韋蟾 楊巨源 胡曾 白居易

雲想衣裳花想容不堪吟罷夕陽鐘情知此恨人

皆有難道今生不再逢萬木長承新雨露春衫無

復舊裁縫開箱疊練先垂淚紵薄綈輕共一封

李白 張泌 元稹 韓偓

劉禹錫 元稹 侯氏 元稹

畫眉窓下月猶殘想像精靈欲見難漫道閨中飛

破鏡生憎帳額繡孤鸞拋來簪紓都成夢抱得秦

箏不忍彈獨把一尊和淚酒刺桐花發共誰看

劉禹錫 歐陽詹 王昌齡 楊炯

吳融 童 碣 韋莊 張籍

想極還從靜處行破除纔盡又重生霓旌翠蓋終

難遇冰簟銀牀夢不成花若有情應悵望膠能續

斷是虛名背燈獨共餘香語斜倚熏籠坐到明

長孫佐輔 韓偓 李嘉祐 溫庭筠

溫庭筠 李中 李商隱 白居易

屢折荆釵亦爲妻單牀被薄又羈棲誰家綠酒歡

連夜側耳空房聽曉雞小院迴廊春寂寂感時懷

黃堂詩集卷十

七

舊思淒淒倦山目斷無尋處曉鳥逢人亦助嘯

秦系 司空圖 白居易 駱賓王

杜甫 李中 王之渙 駱賓王

待曉堂前拜舅姑幾年無事傍江湖芭蕉不展丁

香結錦帶交垂連理襦別我已爲泉下土當時疑

弄掌中珠新愁舊恨多難說老淚燈前濕白鬚

朱慶餘 陸龜蒙 李商隱 許景先

楊虞卿 駱賓王 雍陶 白居易

月冷空房不見人綠苔狼藉落花頻愁心似火還

燒鬢曉眼加昏不是塵巧婦才人常薄命孤鸞舞

鳳倍傷神窓前時節羞虛擲辜負穠華過此身

白居易 吳融 羅隱 白居易

白居易 陸貞洞 女衰 羅隱

可憐辛苦一絲絲落盡啼痕只鏡知遺事滿懷兼
滿目歸來如夢復如癡不知此恨何時盡大抵從
頭總是悲未會悠悠上天意丹方頻試更堪疑

秦韜玉 羅鄴 吳融 元稹

陸龜蒙 劉言史 白居易 司空圖

蜀紙空留小字紅悼亡詩滿舊屏風多情願得常
相聚過後思量盡是空千藥萬方治不得鑑鸞釵

世尊詩集卷十

西

燕恨何窮知君精爽應無盡心有靈犀一點通

韓偓 無名氏 秦系 劉禹錫

白居易 顧夔達 皮日休 李商隱

僊籍人間不久留楚魂湘血一生休江淹彩筆空
留恨潘岳多情欲白頭墜葉飄花難再復蠶聲鳥
思却堪愁不知精魄游何處誰共芳尊話唱酬

魚玄機 王之渙 張泌 魚玄機

楊衡 元稹 胡曾 姚揆

從來只有情難盡自古多情損少年無復新妝豔
紅粉直將珠玉閉黃泉真成獨坐空搔首還照離

人泣斷絃分泊一場雲散後雨中神女月中僊

雍陶 溫庭筠 孫逖 宋之問

高適 鮑四弦 司空圖 白居易

豈料蘭摧一夜霜真筵朝啓露霑裳書籤藥裹封
蛛網被冷燈殘拂卧牀盡日無人共言語九原何
處不心傷今朝又送君先去埋玉泉深晝夜長

戴叔倫 盧綸 杜甫 白居易

白居易 李紳 元稹 竇鞏

白髮無情漸滿頭萬人行樂一人愁春帷懶卧鴛
鴦被珍簟新鋪翡翠樓誰道五絲能續命不因萱

世尊詩集卷十

五

草解忘憂與君此別終天地淚眼凌寒凍不流

李中 白居易 權德輿 魚玄機

萬楚 胡曾 白居易 白居易

看花無語淚如傾眼想心思夢裏驚昔日戲言身
後意無人知我此時情天長地久時相憶春去秋
來草自生誰遣同衾又分手透簾斜月獨聞鶯

戴叔倫 無名氏 元稹 無名氏

楊炯 胡曾 長孫佐輔 溫庭筠

謝監東還憶舊園分明纖手印苔痕空廊月照常
行地金鴨香銷欲斷魂一向破除愁不盡萬般惆

悵與誰論音容寂莫春牢落何限離心寄曉猿

李羣玉 雍陶 劉禹錫 戴叔倫

王建 韋莊 李中 許渾

去年天氣舊樓臺携手同君好控哀惟恨僊桃遲
結實爭教紅粉不成灰離鸞別鳳今何在怨雨愁
雲釀未開惆悵滿川桃杏醉祇應長是一身來

鄭谷 錢起 李中 白居易

李商隱 李頎 元稹 白居易

暖絲無力自悠揚鳳脰燈青照洞房珠樹重行憐
翡翠烟波無計學鴛鴦落花飛絮成春夢拂杵調

世說詩集卷十

六

砧更斷腸屏倚故窓山六扇暗垂珠淚濕蠶筐

韋莊 韓偓 李商隱 劉兼

戴叔倫 侯氏 溫庭筠 王鐸

畫漏迢迢夜漏遲海棠花發舊樓枝何堪老淚交
流日便是孤鸞罷舞時風月寂寥思往事蕙蘭蹊
徑失佳期夜臺若使香魂在萬種恩情只自知

韓偓 鄭谷 白居易 李商隱

李紳 李商隱 黃滔 韓偓

情來一倍苦相思惆悵人間多別離枕上從妨一
夜睡鏡中無復少年時烟濃共拂芭蕉雨春至不

生連理枝未卷繡筵未闌上身情常在暗相隨

白居易 施肩吾 白居易 劉長卿

皮日休 徐寅 許渾 韓偓

百感中來不自由任他明月下西樓題詩朝憶復
暮憶腸斷千休與萬休若是有情爭不哭可憐春
色獨懷憂幾回嘯歎千行淚忍到更深枕上流

杜牧 李益 陸龜蒙 韋莊

韓偓 趙嘏 張泌 韓偓

羅綺晴嬌綠水洲也同歡樂也同愁吳刀翦破機
頭錦鸞鳳分飛海樹秋曉夢未離金夾紵殘絃猶

世說詩集卷十

七

逆鈿箜篌終知此恨難消遣夜夜孤吟月下樓

孟浩然 韋莊 吳珣 方千里

溫庭筠 元稹 溫庭筠 許渾

閒把金釵益自傷夢殘春色自悠揚游絲半罥相
思樹飛盡遙聞豆蔻香老去不知花有態秋來空
羨雁成行此時愁望情多少風月應知暗斷腸

李山甫 劉滄 許景先 韓偓

韋莊 劉滄 趙嘏 韓偓

東烏西兔是車輪應念京都共苦辛官秩舊參荀
祕監異香空見李夫人遺簪墜履應留念淚草傷

花不爲春青鳥罷傳相寄字寶釵何日不生塵

韓偓 羅隱 羅隱 羅隱 韓偓

羅隱 元稹 劉滄 李商隱

江面山樓月照時含顰不語坐指頤合歡桃核終

堪恨孔雀羅衫付阿誰開篋每尋遺念物醉眠不

及落花期誰人會我心中事惟有空山鳥獸知

劉滄 溫庭筠 溫庭筠 張祐

韋莊 李羣玉 白居易 李遠

深院寥寥竹映廊月明還照半張牀蕭郎獨宿落

花夜潘岳休驚鶴鬢霜浮世本來多聚散一生羸

世遠詩集卷十

六

得是淒涼海棠花下秋千畔反覆遺蹤淚萬行

韓偓 元稹 劉滄 劉兼

李商隱 韓偓 韓偓 羅隱

曾鼓莊盆對逝川不堪行坐數流年更爲後會知

何地到此誰能與問天萬里寒光生積雪九原春

草葬嬋娟今朝總悵哭君處零落殘魂倍黯然

薛逢 李紳 杜甫 方干

祖詠 溫庭筠 劉禹錫 柳宗元

鳳去鸞歸不可尋碧雲初斷信沈沈再來門館惟

相弔更入新年恐不禁攬鏡已知身漸老相思始

覺海非深安仁縱有詩將賦書幌誰憐夜獨吟

韋莊 劉禹錫 元稹 李商隱

秦系 白居易 薛濤 韋莊

寂寥珠翠想遺聲悵望銀河吹玉笙神女暫來雲

易散孤燈未滅夢難成漸看春逼芙蓉枕盡日風

吹玳瑁箏應笑楚襄僊分薄何年絳節下層城

劉滄 李商隱 許渾 李端

孟浩然 元稹 韓偓 劉滄

昨夜星辰昨夜風眉消殘黛臉消紅東西南北皆

垂淚得喪悲歡盡是空今日獨來荒徑裏一生長

世遠詩集卷十

九

在別離中千門九陌花如雪滋味過於食麥蟲

李商隱 白居易 李商隱 溫庭筠

韓偓 崔道融 溫庭筠 盧延遜

洞府僊鄉已有名暫來浮世返蓬瀛春蠶到死絲

方盡洛浦神歸月正明願我有懷同大夢憐君無

那是多情獨挑殘燄魂堪斷一段傷心畫不成

張籍 李中 李商隱 李中

李商隱 油蔚 無名氏 高蟾

潘安惆悵滿頭霜欲拂塵時簾竟牀紅壁尚留香

漠漠泉臺杳隔路茫茫只言號鳥堪求侶空對檐

榆一斷腸自欲放懷猶未得尋春何事却悲涼

沈彬 李商隱 劉禹錫 戴叔倫

高適 譚用之 溫庭筠 王建

僊娥終去月難留宋玉無愁亦自愁豈料汝先爲異物不知何計寫離憂鳥啼花落人何在夢逐烟消水自流只合雙飛便雙死令人特地感莊周

許渾 李商隱 白居易 許渾

崔珣 溫庭筠 吳融 胡曾

今朝血淚問蒼蒼一度相思一斷腸不分桃花紅勝錦已驚新夏燕巢梁但經春色還秋色拭却千

世尊詩集卷十

三

行更萬行寂莫死灰人喪偶祇應來者爲心傷

竇牟 韓偓 杜甫 韋莊

李山甫 劉瑗 胡宿 皇甫冉

溝水分流西復東勾緣泡影夢魂中何人意緒還相似盡日愁吟誰與同千結故心爲怨網萬般離恨總隨風青春不駐堪垂淚從此長歸阿母宮

李商隱 劉兼 薛能 步非烟

李遠 無名氏 徐寅 李羣玉

空向秋波哭逝川鶴歸華表已千年江城雪盡寒猶在菱鏡驚孤貌可憐但是好花皆易落強憑杯

酒亦潸然一雙帶帶同心結珍重逢秋莫棄捐

溫庭筠 許渾 伍喬 劉兼

劉禹錫 張泌 李羣玉 司空圖

本心誰道獨單棲窓裏紅枝杜宇啼芝蓋不來雲杳杳九原何處草萋萋鴛鴦帳下香猶暖夜合花前日又西誰見玉郎腸斷處千行珠淚滴爲泥

羅虬 吳融 杜牧 吳融

魚玄機 白居易 吳融 張祐

畫簾垂地紫金牀苔色輕塵鎖洞房一自僊娥歸碧落可憐神彩弔斜陽燕巢空後誰相伴柿葉翻

世尊詩集卷十

三

時獨悼亡同受新年不同賞時光潛去暗淒涼

羅虬 劉滄 劉滄 溫庭筠

司空圖 李商隱 元稹 韓偓

小園花嫩蝶初飛惆悵無言倚錦機白玉帳寒鴛夢絕鈿箏絃斷雁行稀更能何事銷芳念無限春愁挂落暉金屋獨眠堪寄恨况逢寒食欲露衣

羅隱 羅鄴 曹唐 溫庭筠

溫庭筠 吳融 吳融 韓偓

春來多少傷心事我寄人間雪滿頭琴寄舊窓塵漠漠烟橫北渚水悠悠重衾幽夢他年斷團扇悲

歌萬古愁一自香魂招不得兩行清淚語前流

溫庭筠 白居易 羅隱 羊士諤

李商隱 翁綬 李商隱 鄭谷

兔走鳥飛不覺長葛蒲風起水泱泱窓殘夜月人
何處綠染迴汀草又芳遙夜定憐香殺邾等閒裁
破錦鴛鴦愁將玉笛傳遺恨皓齒青娥空斷腸

韋莊 李建勳 胡曾 韋莊

韓偓 施肩吾 胡宿 李建勳

暮春和餅廬詹事苦雨韻

九十春光無一分殘英樹底落紛紛如麻雨脚飄

世恩堂詩集卷十

三

頽瓦似翦裙腰沒古墳舞罷商羊難見現變來蒼
狗任浮雲幽居且喜茅檐穩池面鱗鱗起縠紋

閏端午

榴花菖葉故依然綵縷還看兩度懸潦倒再逢沈
屈日棲遲又歎厄楊年宮衣天上何人賜角黍江
邨空自憐滿眼風光搔鬢短吟殘節物北窓眠

疊前韻訓餅廬詹事

蒲觴重泛興蕭然又見迎風艾葉懸湖上有懷人
卧病時值餅廬抱恙山中無事日如年金蘭幸託千秋契
雙蛇相看兩意憐安得謝公飛詔起江邨抱犢

穩高眠

餅廬詩來有勉余出山語再疊前韻述懷

閒窓夢覺一遽然似鏡湖光塢影懸豈惜微軀酬
聖主祇因驚鳥怯衰年鼠肝已分隨天付蠶尾
寧甘受世憐賴有詩筒能往復燒燈快讀欲忘眠

夏日秀甲園偶作十首

追涼叩爾上高臺隱隱輕雷作雨來添得小園新
物色紫薇芳槿一時開

其二

方塘雨過淨漣漪有客同來泛碧卮更與登樓風

世恩堂詩集卷十

三

正滿九娥洗出遠山眉

九峯環列閣後

其三

箭茁盆蘭正放時幽香冉冉墮芳卮蟬吟高柳空
山寂洗研新填樂府詞

其四

山徑閒來領鶴行自搖羽扇紵衫輕無因報與東
華客爭似熏風殿閣生

其五

萬頃青苗一色新漁歌牛笛自相親亦知名利爭
朝市且與山農共結鄰

其六

伏雨翻盆暑氣清
紗幮安穩卧桃笙
三年不聽朝雞嬾
一枕華胥直到明

其七

流浪江湖歲月更
鵝鷺朋舊夢時縈
自來禮法生疎甚
野鹿何由入隊行

其八

水石周遭洞壑幽
千章夏木蔭山樓
蓮舟學弄凌波穩
不識江湖風浪愁

其九

佛手清香觸手新
乳爐鬆几小橫陳
閒中景物堪消夏
不羨衝炎馬上人

其十

午倦書籤信手拈
泠泠修竹倚前欄
時聞潑刺跳魚響
花落閒庭風動簾

世恩堂詩集卷十終

世恩堂詩集卷十一

華亭王項齡瑁湖

畫舫齋葉一之上

起甲戌七月
盡乙亥七月

北征感懷

三載皐魚泣血丹
墓門辭別涕洟瀾
此生縱有飛騰日
列鼎何如負米歡

又

不及鷄豚奉兩親
蓼莪廢後幾經春
征車再逐傷遲暮
慙愧當年誓墓人

又

當年南北怨參商
思婦征夫兩斷腸
準擬雙旌同赴闕
豈知依舊恨淒涼

又

秋風嫋嫋白蘋洲
露折霜花玉粉流
簫鼓畫船添客恨
祇因不見舊鸞儔

又

尋思往日香閨怨
縱是生離有會期
今向總帷垂別淚
惟於夢裡見容儀

又

浮名嚼蠟廿年嘗
小築菟裘谷水傍
自是無心雲

出岫吾生終不負滄浪

許墅開炳兒別去

八口相携上北轅惟留長子守田園開門話別增
依戀羨殺東家日抱孫

又

爾爲家督持門戶欲洗膏粱是讀書更囑愛身同
執玉孝親當使客懷舒

見桂花憶故園作

依依難別是林丘九夏才過又早秋無奈驪歌催
上道桂花孤負一亭幽

世宗詩集卷十一

二

中秋夜王家營旅店作

又見中秋月依然照客身去年揚子渡今夜大河
濱去年中秋舟泊瓜洲筋力同衰驥勲名歎積薪何時謝纓

冕長學姓龐人

虹縣旅店

水陸分途烟樹遮時家口由水路北上蕭然寄宿野人家蓬

窓望月憐兒女秋月甚佳茅店聞鷄感鬢華夏伯舊封

猶可記禹封夏伯即此地磬山新翠正堪誇縣治與靈璧接壤風

歷歷盡成何事悔不南村學種瓜

過靈壁即埭下地

劉項爭鋒地支頤話老翁歌詞傳粉黛意氣盡英雄
野曠閒眠犢時平早挂弓荒村聊駐轍憑弔溯
西風

虞姬墓

千古虞兮恨荒阡浩氣新休憐帳前死應勝戚夫
人

又

蓋世英雄足破秦一朝失路志難伸當時豈少韓
彭輩止殉重瞳一美人

過汴河

世宗詩集卷十一

三

殿脚三千龍舸遊行宮堤柳已荒丘惟餘汴水蒼
葭滿幾點漁舟漾素秋

途中有感

牢落風塵悔昨非十年拙宦不鳴飛白華未遂雙
親養錦字空憐少婦機咄咄壯心青鬢改悠悠世

路舊交稀故園幸有松筠在莫忘春申舊釣磯余家

春申浦南

歸德道中

金風蕭瑟黍禾收客子西征歷帝丘濃柳中丞遺
愛在昔家叔開府于此徽州敝裘司馬倦遊秋協

忠廟冷虛蘋藻賦雪臺空孰唱酬協忠廟祀張巡連于此賦雪又名雪臺懷古不堪憑弔處亂鴉飛盡斷雲流

過杞縣

杞子傳封國憑車四望平兩行分綠柳一道出孤城賦洛思平子遊梁類長卿百年憐過半猶逐軟塵行

對鏡見髭復生白慨然有作

照鏡髭添白居然一老翁虛塵青瑣闥安望黑頭公鄧禹年應笑揚雄命本窮還尋餐玉法倘得駐顏紅

世寶詩集卷十一

四

登相國寺藏經樓

古寺名傳舊危樓百尺尊石猶留艮嶽放生池有峯石玲瓏可愛是良嶽所遺僧自話開元桑海河魚上人民劫火存憑欄一登眺何處是夷門開封自明季流寇決河灌城土高二三丈城郭屋宇皆沒其下寺亦新建

重陽節近旅懷口占

從來耻作諸侯客老向梁園杖策看久別程門思立雪豈因安邑漫分肝吹臺無復雕闌艮嶽空聞蔓草寒九月秋光塵罩眼舊山黃菊未應殘中顧公為余房師久別晉陽故有是役

題開封張烈婦

苦節歌黃鵠高風矢柏舟人間悲獨活地下快同遊操比清霜潔名因彤史留表貞憑國典雙闕照千秋

大梁旅舍遇重陽用潘邠老句作起漫咏遣懷

滿城風雨近重陽還憶年來住故鄉黃菊一籬澆白酒秋山九點泛晴光題鮫雅共妻孥樂落帽時追少長狂今日旅途搖落甚況當憔悴似潘郎

又

世寶詩集卷十一

五

滿城風雨近重陽作客連朝滯大梁猶有白衣來送酒苦無戲馬足飛觴參軍賦就依蓮幕園令裝寒曲鸛鵲漫折黃花斜插鬢忍教佳節負他鄉

又

滿城風雨近重陽親故分張各一方八口泛舟依水驛弱兒守舍在江鄉雁行消息經時斷鵲侶音書遠道長況是倦遊無限意霜華蕭瑟冷黃囊

又

滿城風雨近重陽秋色蒼然客異鄉無地可尋陶令菊有臺誰共孟嘉勝宜和花石頽烟沒憲邸歌

詞蔓草荒弔古廢興生感慨不徒蕭颯倦遊梁

重陽曉晴

連日陰雲合今朝放曉陽題餽動鄉思酌酒泛秋香靜園藩幕惠以糕酒拙宦情逾懶閒吟興自長縱無登眺處堅坐亦徜徉

渡黃河抵暮宿月店

朝發大梁城暮投村店宿黃河浩湯湯沙淤舟往復客子困跋涉日旰但一粥我生亦有涯何為此碌碌回想故園秋芙蓉照溪曲瀟灑一床書臨流數間屋蓴菜滑流匙紫蟹團臍熟上可傲羲皇此

世遠詩集卷十一

六

意悠然足

過淇縣

朝歌舊跡已難探客子停車古道南淇水淙淙飛遠瀑太行蒼翠結秋嵐但看衰柳黃金縷不見琅玕綠玉簪更弔三仁生感慨摩挲碑碣到荒菴洪縣

即三仁里

湯陰謁岳忠武廟

魏祠崇故里俎豆古今同難酷周西伯風高嵇侍中黃里城在湯陰嵇紹生是鄉千秋留義憤三字殺精忠瞻拜松陰下看碑淚眼紅

岳祠見葉忠節壁間題句

讀罷庭前碣還吟壁上詩古今堪繼武忠義是相知涅背勤王日銜鬚罵賊時南枝千載恨宿草更增悲忠節為余素交罵賊死節今已七載矣

觀廟碑有感

昔年到湖上下馬拜王墳今來湯陰里祠宇插青雲碑版照今古伏臘肅恭芬曰惟忠與孝此義孰不聞何為天壤間寥寥今古分公生趙宋季素志迴不羣報國仗大義殺賊裹戰裙號令明且肅荆鄂效忠勤矢願復中原怒目切牙齧敵人聞喪膽

世遠詩集卷十一

七

難撼岳家軍高宗忘父仇奸檜又逢君金牌十二召不得成大歎吁嗟三字獄鍛鍊無明文父子並冤死千古氣鬱湫是非垂竹帛忠邪如猶薰殺身以成仁芳名炳高雯

望韓陵山

河朔精靈邢與溫子昇文筆至今存北朝片石猶堪語破敵還思賀六渾高歡破爾朱兆于山下溫子昇作記

宿邯鄲

舉世茫茫俱是夢夢中滋味各殊哉我今亦走邯鄲道好夢如何不到來

過順德

余乙丑春奉命視學首事於此

昔年持節駐洛州彈指星移已十秋撫景不殊人
白髮傷心無限水東流余十年中遭大故及悼亡之戚孤城日澹
寒沙擁野樹風凋落葉稠翹首五雲天咫尺行行
還到鳳池頭

和旅館壁間韻

我家家在九雲峯種得山南十畝松冉冉征途空
用老思量有味是踈慵

聞雁

留滯周南半月餘三秋無處寄家書今朝趙北聞

世寧詩集卷十一

八

征雁作字隨陽向客車

元旦 太和門早朝有感

三年不侍五雲端元會重趨拜舞歡檢點朝衫餘

賜紵

朝服已敝笥中猶存賜緞改爲之

鬚髻華髮愧彈冠故交

半已登臺閣新雨無由接羽翰

衙門新貴俱未識荆

十載棲

遲嗟老大春光依舊滿長安

祈穀院署齋宿余以需次未與薛澱二弟有

作即次來韻

上辛典禮肅祠官被擁青綾漏未闌元日欣瞻移

雉尾十年幾憶侍

郊壇星搖燿火

鑒輿出月

透疎槐玉署寒遙想羣公齋宿處可能還念舊鸞

春寒二首和龍雷岬韻

料峭風寒澹曉陽新年酒債笑尋常盆梅瑟縮猶
含藥蟾魄蒼涼未吐芒畫鼓誰撾喧永夜殘編獨
把浣愁腸勸君莫羨封侯事關內原來屬爛羊

又

頭雪春風不肯消春還作雪滿頭飄陳平未信長
貧賤鄧禹從他笑寂寥一盞濁醪酬令節千門火
樹亂寒宵喜看卜宅隣前巷元白詩筒日可招

世寧詩集卷十一

九

上元前三日招同年陸義山徐華隱兩閣學

袁杜少編修李公鎧學士龐雪崖工部龍

雷岬大理小集寓齋詰朝雷岬以詩投贈

次韻酬之

長楊獻賦並芳踪金馬棲遲中散慵顧我踈狂甘

濩落多君文筆自春容添年羞對雙蓬鬢話舊情

親一酒鍾得就良宵聊作達撲燈踏月莫辭從

又

月光如水浸窓紗良友重逢剪燭花濁酒三升澆

塊壘春燈九市燦雲霞求名已似隨風鷁學道還

思飲日華却憶君家好兄弟廿年雁影各天斜兄二爲年兄也

元夕前五日宛平相國招同前輩徐果亭宮

允韓慕廬閣學家弟薛澱儼齋飲怡園敬

賦四律

和風拂拂午橋莊謝傳招邀泛羽觴璿榜中懸

天藻麗

御筆曲江風度扁額

華燈四照夜珠光各色

甚盛龍庭瑞木千枝秀窈窕仙巖萬蘂芳園中木石幽雅

天不是元公勤吐握彭宣何自得升堂

又

世恩堂詩集卷十一

十一

元宵節物 帝京誇勝事常饒宰相家百尺葡萄

懸火齊千層寶塔散銀花是夕烟火有葡萄滿架

郭郎垂手腰肢細樂府舞名大賀老傳頭指撥嘉

公家樂歌舞皆極精妙廿載先憂方後樂不同金谷聞繁華

又

黑頭公輔鶴儀形燮理餘閒築幔亭三壽朋浮三

雅爵五辛盤列五侯鯖作霖事業輝麟閣睹墅風

流狎鷺汀却恨幾年滄海曲致遲問字到槐廳

又

始興門第附華宗還憶將車少日從奕葉推恩流

弱草盤根餘陰托喬松吐茵幾醉平泉石投轄叨

陪珠履蹤慙愧駕駘虛拂拭十年空自號荀龍

詩一首依韻答之

元夕後一日招薛澱儼齋兩弟小飲薛澱貽

才過元夕氣融融弟勸兄酬此夜中莫羨朱衣當

眼赤宋制學士朱衣吏前導且貪綠酒伴燈紅竟

階舊侍傳柑宴王戎癸亥上元兩紫燕市今逢擘

柳風連日大風猶喜蟾光清不改三人健在 帝鄉同

疊前韻再酬薛澱二弟

元夕燕山凍漸融九衢歌管月光中難教華髮從

新黑愛對青燈依舊紅我夢不離峯泖樹人情總

付馬牛風隨時且博千場醉虎觀看他析異同

對盆中小桃有感春事漫咏

三分春色一分移媚媚東風上鬢絲張觸心情如

撞鹿羝磨時序有圍棋天桃得氣初舒頰嫩柳禁

寒未放眉遙想故園花事盛檐梅索笑正當時

花朝口占

到來京國雪方飄又見春星換斗杓小雨憑闌滋

草色輕寒側帽度花朝天邪薊北新桃面約綽江

南舊柳腰惆悵春光易流轉采蘭時近聽鴝鴂

清明

輕寒惻惻雪交加，澹蕩春歸御柳斜。
京國又看新賜火，故園還憶舊栽花。
賣餚三市吹簫過，上冢千輪繡幕遮。
獨有客懷逢冷節，無聊空自對蜂衙。

送銀臺勞書升歸石門

喉舌崇班霄漢間，望雲情切乞身閒。
中朝共惜青門別，故里爭看綵服還。
烟雨一樓鴛水曲，鶯花三月語溪灣。
到時拜慶天倫樂，應念蓬萊舊日班。

又

弱冠同爲獻賦人，嗟余十載跡沉淪。
看花早羨稱

世恩堂詩集卷十一

三

先達待漏還來接後塵，方慶盍簪愁判袂。
喜逢畫錦是寧親，勸君莫戀東山樂。
四海蒼生待化鈞。

和龍雷岬春晚雜感韻三首

春晚寒猶擁貉衣，雪花冉冉玉成圍。
逢迎塵世嗟吾拙，潦倒浮名悔昨非。
濁酒三杯消冷節，枯砧一局送斜暉。
伯高幸得居相近，數數詩筒到板扉。

又

由來懶性少過從，寒食才經上巳逢。
著雨海棠紅未退，藏烏楊柳綠初濃。
官輸驃騎驚人眼，案有奇文盪我胸。
最是江南春爛熳，還思耕稼學山農。

又

故山猿鶴半年違，客邸蕭閒靜掩扉。
聊借床頭書破寂，不須枝上鳥催歸。
晴窓闌茗思鄉物，古鼎留香伴夕暉。
仰面屋梁空歲月，任他裘馬自輕肥。

題袁杜少秋水畫冊

藻漢時存想像餘，釣竿欲起北溟魚。
襟期浩浩同秋水，圖得南華一部書。

穀雨後三日憶家園作五首

常年穀雨試新茶，檻外姚黃正放花。
此日身爲燕地客，撲簾風捲一庭沙。

世恩堂詩集卷十一

三

又

園筍纖纖出土新，黃魚貫柳白如銀。
江鄉景物應猶昨，底事風塵過一春。

又

郊外春深滿路香，紅花剪剪菜花黃。
田家樂事尋常有，何處教人不憶鄉。

又

屏花如錦亂紅斑，紫燕穿簾自往還。
正是暮春天氣好，畫船士女去遊山。

又

草蘭過後蕙蘭開粉蝶遊蜂隊隊來溪上小梅親
手種枝頭梅子正含胎

三月十八日

萬壽聖節曉集 暢春園歸途過興勝寺陳乾齋

侍讀招飲花下

華祝蒿呼 別苑前綠陰深處坐貂蟬時當麗日
懽情暢節遇長春淑氣妍鬢膝馬驕楊柳岬扶頭
人醉杏花天太平虛薄慚無補歲歲惟應慶萬年

又

上壽羣公舞蹈來却過蕭寺看花回普天共慶千

世憲詩集卷十一

古

秋節

唐開元以帝誕為千秋節

解珮同浮三雅杯啼鳥間關連

御宿落英狼藉覆經臺春光九十成虛度何幸

今朝笑口開

立夏日宋堅齋北部招同諸同館宴集寄園

首夏清和花木闌平泉林壑借人看十番細奏宮

商叶

聽吳下諸子奏樂

四座高談賓主懽楊柳迎風眉黛

綠海棠著雨口脂丹就中獨有羊曇恨重過西州

淚不乾

謂先師文勤公也

新夏諸同館小集張園孫樹峰庶子貽詩一

章依韻酬之

交情自昔重鷄壇雨過天街未劇乾五畝藥闌依

泰時

園近先農壇

六朝佳麗話長干

座客有談白下國亭之盛

飛來

懸溜千層瀑奪得藏鈎一笑懽無那夕陽歸騎促

晚看花影更姍姍

姍通作姍

三月廿九日胡南荅前輩招同諸公再集寄

園

錢春芳樹綠陰濃再啟華筵對碧峰美酒千鍾光
瀲灩古藤一架紫茸茸逢時把臂車投轄倚醉聽
歌日下春如此藥闌看不厭便來百遍興何慵

四月廿一日前輩顧復齋暨張由臣史胄司

世憲詩集卷十一

圭

三學士招同諸同館飲寓齋率賦

菖葉榴花近午辰華堂置酒筦絃陳梨園白髮依

然妙一度看來一度新

又

酒闌却喜倚紅粧芍藥翻堦弄月黃不分牡丹稱

近侍看花重到午橋莊

庭中芍藥盛開寄亭訂集豐臺宛平相國別業

又

出師未捷英雄恨繭足尋親孝子傷演得宋元當

日事驚人魂魄淚千行

是夜演宗忠簡交印王孝子尋母二傳奇

四月廿九日少司成張寄亭招飲豐臺宛平

相國園亭看芍藥率賦

綠野堂前婪尾花，殿春開遍爛如霞。
垂鞭柳陌看山曉，酌酒槐亭到日斜。
絡索銀餅滋藥碗，堆盤金粽感年華。
歸途更覓梁園勝，側帽還來白鼻騮。

惜汪文瀾宮贊遊目耕園

重經祖園時偕張少司成寄亭錢明經亮功

家弟薛澱

將軍別業枕沙汀，二十年前躍馬經。
余自丙辰飲燕於此荷

葉滿池藏乳鴨，藤陰一徑接孤亭。
白楊風起麒麟塚，今已作畫閣塵凝翡翠屏。

惆悵舊遊成昔夢，重來惟見草青青。

世忠堂詩集卷十一

六

來惟見草青青

和水部麗雪崖豐臺看花韻五首

花事豐臺好，聯鑣出子城。
人穿疎樹過，馬趁軟沙行。

壠麥晴翻浪，林鶯巧弄聲。
塵寰終日擾，心目此雙清。

又

又

良辰堪嘯侶，勝地足開顏。
芳藥千畦繞，幽亭一水環。

香留殘粉白，風動雜花斑。
遙挹西山翠，行雲自往還。

又

又

畧似通溪路，相過野老家。
周遭數間屋，瀟灑一闌花。
韋曲多栽藥，青門好種瓜。
流連貪勝賞，逸興未全除。

又

謝傳耽丘壑，名園處處開。
愛花隨地種，載酒許人來。
境僻塵難到，機忘鳥不猜。
藏鈎爲笑樂，百盞互相催。

又

疇昔經行地，將軍別墅幽。
墓碑荒草沒，水閣舊題留。
且對青山飲，誰爲白髮愁。
田田荷葉小，花鴨任浮游。

世忠堂詩集卷十一

七

浮游指祖園也

題洛神圖

子建文章大，令書千秋佳。
話更誰如風流，又遇高詹事。

細寫烏絲鳳，翼舒題龍雷。

題龍雷所畫冊

大雷池上一茅亭，謾設松風撼曲櫺。
門外烟波凌萬頃，遠山點點佛頭青。

閣學徐華隱諸年友，招遊崇效寺飲古槐下。

綸扉休沐解金龜，招我閑遊過遠師。
高閣幾人憑曲檻，禪房有客坐圍棋。

槐陰浮白連三雅，榴火燒

曲檻禪房有客坐，圍棋槐陰浮白連三雅，榴火燒

紅又一時同輩頻年多聚散晨星數點髻如絲時方寅亡假歸里

家書至言山園今春花事之盛躍然起咏

見說家園花事盛海棠桃杏逐時開風塵潦倒人空老鄉國迢迢首重回雙闕也知天上麗一丘難禁夢中來何年得就歸田計烟月平章亦快哉

用崇效韻送馮方寅假歸

暫向金門一解龜五湖烟水狎漁師人情爭戀惟香土世事還看似奕棋虎阜稌秋宜永夜洞庭消夏正當時送君此去偏多感愁對津亭楊柳絲

世恩堂詩集卷十一

六

仲夏望後四日同人集目耕園遲義山不至

即用來韻酬之

郊遊前約誤銀鞍前三日訂遊他阻不果此日高軒出又難酒貰陽昌聊共醉座無車子阻清歡雨來柳陌烟如織風度秧針氣若蘭方話江鄉耕稼樂却愁騎馬別林湍

遊目耕後華隱貽詩二章即次來韻

閒遊挈伴入林垌市酒沽來當玉醺山雨晝翻雲氣白水田晴漾稻苗青花溪迴合藏漁艇柳岸斜分出草亭更踏綠莎尋去路却看鳬鴨亂前汀

又

探遊逸興未全違步履深林暑氣微涼雨霏霏新綠潤空香冉冉落紅稀狎鷗池畔堪垂釣抱瓮畦邊笑用機聊借梁園銷永日頓迷花徑出巖扉

季夏苦雨作

愁霖兀坐似窮山旅况蕭條獨掩關屋上瓦松容易長階前苔蘚漸成斑祈晴深切勞宸慮來雨誰能慰客顏見說江鄉成澤國青苗半在水中間題殷彥來歲寒吟卷後

世恩堂詩集卷十一

五

字客輸君健筆氣凌雲

又

數年索米滯金臺幾度瑤華贈我來一卷歲寒吟絕唱梅香雪艷與同栽

送同年陸義山閣學致政歸里

漏盡人還戀半通多君勇退急流中風高疏傳身猶壯宦達陶公志却同一賦凌雲長不朽義山閣學五湖泛月浩無窮獨憐舊雨蕭條甚怕見秋帆又向東

送史胄司學士扈從口外

萬乘秋高講武來屬車扈蹕有鄒枚長楊賦奏謗
雄藻洛水詩成美異才日映鞭絲依豹尾月斜弓
影躍龍媒太平一統逢 皇豫絕塞從遊實壯哉

世恩堂詩集卷十一終

世恩堂詩集卷十一

三

世恩堂詩集卷十二

華亭王頊齡瑁湖

畫舫齋藁一之下起乙亥八月
盡丙子十月

移居作

旅禽又向一枝移潦倒燕山閱歲期
拊摺書籤兼茗椀經營藥圃與花陂
曲陽華屋知無分元亮幽居合有詩
轉憶故園三畝宅秋光應滿浴鷗池

治圃作

秋日閒居興自多手鋤小圃欲成陂
乞花僧餉優曇鉢雪塢上人種樹身爲郭橐駝風靜捲簾來紫
貽以花種

世恩堂詩集卷十二

一

燕雨餘登閣見青螺閣後西
山在望浮生到處堪行樂
那問門前雀可羅

秋日旅懷

却看時序又黃花留滯風塵苦憶家
儘有林泉容嘯傲那堪歲月老京華
三秋搗練砧聲急萬里歸鴻日影斜
獨上高臺閒眺望西山隱隱暮烟遮

和麗雪崖農部中秋喜晴作

浮雲看漸卷皓月上簾鉤天假良辰
便人同水鏡遊素娥原耐冷旅客轉
禁秋獨酌懷鄉遠清宵日倚樓

又

撫序驚秋半
銜杯待月華
清輝憐玉兔
叢桂憶山花
富貴須何日
壺觴興未賒
九秋多好景
玩賞忘天涯

坐畫舫齋偶占四首

飽食悠然坐
小亭菊花破
蕾亞疎櫺
任他門外塵
千尺槩
几何曾有一星

又

前身應是浣花翁
老圃生涯處處同
買得城南數弓地
急栽紅藥兩三叢

世寧詩集卷十二

二

又

京洛閒居擁碧峰
曲房窈窕堪容地
鑪新置南窓下
暖意融融過一冬

又

小築兔裘傍
泖湖故園松
菊未全蕪無由遽
遂歸田志種柳栽桃且自娛

題陳子萬比部小照

憶共元方謁
帝闈十年宿草與誰論
風流幸有金帛在
把臂掀髯勝虎賁

子萬乃余同年友其年難弟

又

持節曾爲三輔行
循良親見說安平
重來漢殿名題柱
圖畫還應滿百城

子萬舊尹安平余爲學使時曾同事

秋夜枕上口占

一榻高眠直到明
心空萬籟有餘清
不知何處朝天客
夢裡遙聞呵殿聲

再登韻酬江邨詹事見懷之作

霜落牆根折蓼花
一枝屢徙似浮家
丘公偃蹇才應退
潘令棲遲髩易華
排闥但看山色古
伴人惟有菊英斜
思君頻上層樓望
苑樹千重老眼遮

三疊前韻東江邨詹事

世寧詩集卷十二

三

江潭蕭瑟滿蘆花
谷口誅茅寄一家
笑我遲遲朝北闕
看人衮衮上東華
題餽吟罷秋容老
吹帽風來落葉斜
賴有瓊篇消永夜
手挑殘焰不教遮

冬夜獨坐有感

寒鴉接翅暮投林
落木蕭蕭愴客心
燈火紙窓驚歲晚
一年虛度此光陰

四疊前韻答江邨詹事

江郎彩筆艷生花
班馬文章屬大家
舊事迴環驚昔夢
新詩葩麗比春華
十行瀟灑烏絲細
五字淋漓薑尾斜
只恐夜深乘霧去
碧紗籠處好藏遮

五登前韻荅江邨詹事冬夜有感作

又見燕山雪作花一年虛度感離家扶犁我合驅
黃犢濟世君毋戀白華來詩有乞養語故及之凍雀不飛寒
自語殘燈無焰影空斜紙窓竹屋南岡下何事風
塵舉扇遮

六登前韻再東江邨詹事

年來老態眼添花襖被蕭然著處家寒日漸看移
北陸閒窓聊爾讀南華風吹野樹千條禿雪舞空
庭六出斜無那故人霄漢隔談諧何事得要遮

登少司空李木菴前輩寓閣四首

世憲詩集卷十二

四

曲徑藏高閣居然洞壑幽山光憑檻落樹影夾窓
浮似入裴公墅疑登庾亮樓此中多勝賞何必訪
丹丘

又

秋空聞唳鶴晝靜出遊魚四壁圖名繪千床擁異
書女蘿當戶碧涼月入簾虛不信塵寰內超然有
此廬

又

先生休沐暇携客共登臨逸興飛清漢高懷寄遠
岑膺舟欣並載謝宅漫追尋相對塵襟滌歸來發

短吟

又

衮衮長安道風沙撲袂來相過同傳舍何處得高
臺螺黛千峰滴軒窓四面開司空應見慣吾意重
徘徊

初冬書懷

積雪庭除淨寒雲凝不飛衰年情易減拙宦意多
違望遠聊登閣求閒但掩扉一編存我好豈敢薄
輕肥

又

世憲詩集卷十二

五

十載金門客三年滄海身升沉多變態哀樂易傷
人一卷參同契三杯石凍春悠然齊得喪何必畫
麒麟

次韻賦得老樹空庭得

移居城南隅地偏意疎宕圖書滿几榻雜卉爛盆
盎庭中舊藥欄頽廢急屏當登樓望西山環擁如
屏障軒窓面面開何殊岸上舫隣家有老樹一見
即神王勁挺耻屈盤摩雲不肯讓其南一古柏氣
勢足相抗歲月亦已久婆娑漸頽放屋角椿與榆
偃蓋詎冗長蒼顏傲雪霜神采未凋喪雖然非我

有借觀聊策杖猗與棟梁材斧斤免大匠輪囷不
中繩或者有神相樗散全天年此言洵非浪我日
坐其傍相賞得幽况盤礴散人懷風標看日上山
肴雜野藪時來設供張邂逅二三子棲寂同雅尚
愛竹慕子猷種柳思元亮共許此樹奇蒼翠非一
狀顧慚擁腫姿卜宅偶相傍得遇歲寒友無勞遠
道訪支離閱春冬榮落無異樣一官困簡編天祿
滯劉向長懷尚子平此願何年償鍾鼎固可羨丘
壑道難忘衮衮逐塵鞅撫懷輒惆悵小園在江東
嘉樹森相望昨日家書來平安報無恙

世恩詩集卷十二

六

少司空李木菴前輩新葺寓齋已賦四詩奉

柬司空復貽詩索和即步原韻

烟景憑欄一望收經營丘壑自心謀幽偏大有林
中趣瀟灑疑從物外遊灑灑泉聲分玉甃靡靡樹
色隱金溝從容退食多佳興嘯侶還思集勝流

又

巖岫參差曲徑深苔紋如繡屐痕侵銅街騶唱朝
承寵簾閣爐香夜獨吟北闕祥光時隱見西山
雲氣半晴陰巡檐喜接隣家樹秋葉霜黃片片金

又

晏相曾聞居近市野王昔有讀書臺千秋芳躅知
同調萬卷牙籤盡獨開却對西峰吟白雪何殊東
閣詠官梅迴思舊日梁間燕幾度呼羣此地來故
友喬石林居
此常來燕集

又

余家茅屋寄東江九曲松溪一釣艫斫鱸秋香銀
滿案潑醅春醉玉為缸題詩每刻檀樂竹點易頻
依窈窕窓何幸登龍遊賞愜平泉亭子信無雙

南窓

負暄抱膝坐南窓小鳥枝頭哢一雙憶得年時三

世恩詩集卷十二

七

泖曲水僊花發滿莖缸

又

幾年湖海閉松關再入京華冷似山本分一官猶
未得天容吾輩十分閒

夢中見杏花盛開手折數枝醒而賦此

夢裏分明見杏花醒來風捲市聲譁明春擬向香
山去看遍山村萬片霞

次酬龍雷岬比部贈田蒙齋少司寇移居詩

韻

當今作者田先生伯高爲賦移居詩示我長篇意

蒼莽腕底疑有神靈資清如玉壺光瑩潔燦似春花交歲裝遙想白雲堂上客一時唱和忘尊卑伊昔王李在郎署風流今古寧推移官書判押日堆案嘯咏不廢雅自持人生富貴亦何有長安自古同奕棋乘時行樂且快意何必腰閒印累累吾廬容膝亦可愛黃金滿屋將奚爲乍可當筵耽田寶不嫌對飲呼騶厮洛城何處無花月興來曳履輒從之自恨小戶常獨醒不得沉醉相游嬉憶昔吾曹五十人惟君年少多英姿電抹年華儔輩少黃鱸雖在嵇阮衰君亦二毛我老醜官曹復限東西

世遺堂詩集卷十二

八

司昨從玉河橋畔過柳堪作帚無新絲猶幸追惟筋力健惟當作達焉知誰一鞭策馬青山路三杯濁酒黃花籬金門大隱師方朔豈爲纓組能羈縻君家雷池我三泖他年杖策相追隨

次韻谷龍雷岬比部歲暮作

金門索米近尤難况復閒居度歲寒官似鮎魚艱上竹心如古井不生瀾臘盤舊俗鄉情切春酒新香節物殘賴得把君詩過日湯湯流水伯牙彈

又

同時獻賦十年前岐路蒼茫意惘然治獄不寬容

駟馬校書空老惜華顛安貧且博人常健拙宦寧思歲屢遷紅日射窓猶懶卧傲君身未入班聯

次韻酬麗雪崖農部李公凱筵上作

聞君辟穀嘖華津

時雪崖辟穀五日

頌酒吾慙劉伯倫不

識杯鐺憐小戶何妨鋪啜看他人

來詩有建前僅作看餐人之句

清新詩句閒中得落拓交朋分外親寄語髯公時

請客非盤未信庾郎貧

公凱美髯故云

歲除將近感事述懷

爆竹聲中又歲除經年燕邸賦閒居盤留舊味椒辛辣門換新符面目疎瑞雪悠揚真可喜寒梅瑟

世遺堂詩集卷十二

九

縮苦難舒風塵刺促開懷少只覺歸耕樂有餘

又

爐火深紅靜闔扉撲簾點點雪花飛扶床嬌女隨年長搏蠟癡兒放學歸那想黃羊求暴富但憑綠蟻敵寒威浮生五十行過四豈合無心悔昨非

送劉文起大行頒詔浙江便道省覲

才調爭推劉孝威捧持鳳詔出皇畿輜軒越絕

宣恩徧親舍淮陰舞綵歸柳色遠迎英蕩節雪

花猶點使臣衣寄聲愛弟西堂上莫忘蒼生戀釣

機難弟介人子同年友也時適家居

除夕感懷

九陌驅僂捲市塵青陽眼底歲華新
頰腸斷虛三臘舞綵心悲罷五春
京國再來身似燕飛騰何日
鬢成銀不如歸種南山豆老作
羲皇以上人

丙子元旦早朝書事次龍雷岬比部韻

元日風和仙仗陳千官駕驚聞班
新玉堦共慶三陽泰寶曆初開萬
國春是日立春九伐宣威清朔漠十
行布德渙恩綸再來白髮螭頭客
無復同時載筆人

春王三日雪煙招同華隱公凱杜少雷岬小

世憲詩集卷十二

十

飲

龐公文筆張吾軍歲酒先來召五君
松阮正堪呼作達山王何必強同羣
盤中生菜元修美羹裡銀魚白小分
論古愛聽徐僕射霏霏玉屑落繽紛
華

隱談舊事

又

牢落心情一笑難喜逢良友具辛盤
眼前傀儡從人闌缸面春醪似海寬
廿載論交存數子新年排日卜清歡
乘時嘯侶相娛樂不羨誇張作好官
五日同人小集寓齋用前韻

羶糲盤餐但野芹喜逢令節聚同羣
街頭爆竹猶連夜眼底春光未一分
後約共期花徑履前遊還憶華山雲
余偶談遊華之勝士衡歸去知何樂
風起東湖漾潏紋思義山也

又

德公鷄黍共盤桓蝸舍重看集鳳鸞
宿酒未消前日醉春燈聊卜一宵歡
漫隨華綬趨朝列且任閒身傍藥欄
聞說輶軒將命使尊前有客戒征鞍
時將遣官祭嶽瀆

人日飲薛澂二弟寓齋歸賦

世憲詩集卷十二

十一

約略今春花信遲首春寒似季冬
時頻年作客頭添雪七日爲人柳未
絲兄弟勸酬隨節物街衢燈火見雍
熙好官難博尊前醉莫向佳辰一皺
眉

閒坐

小窓閒坐幾多時裊裊東風上鬢絲
閉戶且爲無事飲看花亦算有情癡
世交翻覆同雲雨朝局輸贏似奕棋
喜得先生春睡美曉鐘雖打不曾知

首春九日口占

首春又過三之一惻惻寒威未解嚴
鐘鼓南隣開燕樂花燈夜市看人添
共追舊俗簪雙勝獨對清

輝月半奩把卷閒窓消令節縱餘重碧嬾親拈

十日集杜少齋中用前韻

十日春光凍漸分連宵歡宴慰離羣辛盤兼味行

鵝炙盤中有子露酒雙瓶送馬軍樽中露酒云但

有青山堪拄笏何妨蒼狗任浮雲表絲十載曾兄

事重與論文到夕曛

又

相見休悲行路難人生莫放酒杯乾況當節物堪

同賞縱少心情且自寬甲第歌鐘多笑樂六街燈

火未闌珊留髡不住匆匆別孤負尊前一夕懽余

世恩堂詩集卷十二

三

他事
先別

十二日飲儼齋三弟寓齋賦此

華燈灼灼近元宵屈指春光十二朝綠酒勸酬聊

過節白頭兄弟又同朝遊人北里爭彳集甲士西

征道路遙何日鏡歌還奏凱百年安穩老漁樵

十四日集公凱寓齋用前韻

新正杯酒接歡勤折簡呼朋有李君火樹籠紗光

閃閃金花落地艷紛紛看放且邀天上初環月共

醉床頭一甕雲記得十年前此夕香車隊隊簇紅

裙

又

廿年朋舊半闌珊老大難逢此夜懽銀鮓擊鮮來

玉塞黃柑傳客爛金丸盤有東九天方錫西征宴

是夕賜西萬戶惟聞北里謹公等五更趨別

苑輸余蝴蝶夢初殘集來朝諸公將

年過五十雖遇令節遊興索然偶覽唐人上

元詩用為起句以已意足成之

誰家見月能閒坐何處聞燈不看來獨有支離華

髮叟清宵宴坐亦悠哉

十八日集華隱齋用前韻

世恩堂詩集卷十二

三

孝穆開尊坐夜分華燈燭跋酒微醺黃墟話舊今

餘幾白首交情始見君愧我閒居空弄翰輸他投

筆賦從軍起看素魄光仍滿街鼓鼙鼙隔巷聞

又

元夕才過燈未殘春光料峭覺猶寒傳柑味憶宜

都美說餅珍同薄夜看盞盞深杯浮瀲灩寥寥舊

雨喜團圓座中尚少淮南客悵望車公未極歡公

有他阻筵上蜜柑環

廿四日同人集雷岬齋用前韻

歲月飄馳剩數君此時不樂意何云座無俗客稱

同調酒上衰顏已半醺舊事如聽談逸史清樽絕

勝醉紅裙伯高忼爽真豪士一曲瓊花天下聞雷

著瓊花
樂府

又

燕九過來樂事闌三分春色一分殘何期折簡逢

賢主又見燒燈續舊懽車騎封侯原有骨時有談
相法奇

中竹林把臂不論官扇頭共賞龍標句腸斷當筵

賀老彈阮亭司農作絕句
十首贈瓊花主人

廿五日宛平相國招飲怡園極聲樂燈火之

盛即事十首

世恩詩集卷十二

古

春歸朱戶日初長上相朝回過柳塘餘事平章到

花月謝公丘壑道難忘

又

金谷園中花作堆平章石上好銜杯只今四海陽

和滿盡是鹽梅鼎裏來

又

高風累疏乞歸田聖主心知黃髮賢未許裴公

閒綠野欲資籌策靖三邊時
王師西征

又

東閣開時引俊髦休休襟度過蕭曹掃門爭詫澤

潭府吐握元公不憚勞

又

召客新張玳瑁筵參軍鸚鵡舞回旋清歌一曲飄

珠串識得南朝相府蓮

又

燈屏燦燦似瑤林十幅鮫綃一線鍼薄霧輕雲籠

皓月玉壺冰裏見丹心

又

列炬周遭不夜城銀魚點點似飛英忽然爆竹連

機發萬道金光掣電明

世恩詩集卷十二

圭

又

尺五家聲接上台菁蔥玉樹倚三槐韋平相業繩

繩繼繡褱新擎雛鳳來時相國李君在座又是
月得子方舉湯餅宴

又

碧瞳丹輔地行仙長贊樞機在日邊丞相倘能容

醉吏後堂絲竹聽年年

又

兩世叨分宗譜榮十年未敢號門生吹噓何限成

毛羽獨有寒蟬苦不鳴

和龍雷峴初春雜咏用子瞻寄賀水部韻

長安二載度閒身不羨輕肥裘馬人只想故園山
脚下梅花已占一分春

又

風狂三市捲羈塵閉戶聊斟酒一巡自有東君主
春色平章無事到閒人

又

却笑支離七尺身忽聞春雪似韶鈞三都自足傳
千載何用當年作序人

時雷岷以詩
集問序于余

又

上界真人已足官散樗聊作散仙看

時余方
需次

西曹

世尊詩集卷十二

六

公事何時了得共南村看牡丹

又

紫陌風光淑氣真春盤春酒作春人雨暘亦是關
天意空見村巫賽社神

麗雪煙賦慷慨歌謝雪上人借羸即次來韻

麗公才華世無對凌顏鑠鮑稱絕代一官落拓恒
晏如掉頭吟咏豪氣倍忽傳輸馬來急公四顧傍
惶生感慨雪公馱經有一羸雙耳批風四蹄駢牽
來送官堪服箱道林遂割神駿愛有馬借人今已
亡方外猶欣古道在吁嗟乎方朔一囊飯不充穿

穴經史箋魚蟲安有餘財能策肥雪公高義真無
窮

清明兼上已賦得二首

晚晚春將老棲遲薄宦情禁烟逢上已修禊逼清
明插柳看遊女吹簫聽賣餠遙思故園裏花密亂
飛鶯

又

令節閒居得何愁白髮耗食寒過百六春艷恰重
三花似吳娃面人同彌勒龜此中難忘處櫻筍話
江南

世尊詩集卷十二

七

庭中新種小桃初放對之有感

堂堂歲月去無邊遲日芳華又禁烟舊業遠拋鄉
國外小桃新發客窓前東風素髮空垂領紫陌春
光欲暮天何似幽并遊俠子短衣射虎樂餘年

憶故園花

九十春光漸漸賒海棠新種放纖芽摩挲幾弄丁
香結辜負鄉園千樹花

和麗雪煙花前放歌韻

桃花歷亂東風催無計吹我雙眉開庭中低亞幾
株樹去年王郎親手栽不惜十千沽美酒花前共

醉期良友自非仙人在世間安得容顏不老醜昨
日之日不可追來日之日焉可期眼前行樂惟憂
遲公卿將相亦有命花開花謝能幾時今我不樂
將奈何青衫側帽款段馱出門去尋芳草路西山
紅樹鶯花多賒得前村酒百壺醉倒聽唱田家歌
三月望前三日華隱公凱杜少雪煙雷岍花
前小集限庚青韻各示佳章即次奉訓
良友皆同調春深好聽鶯聊開蔣詡徑共洗景山
鎗紅雨飛花片青烟散粥錫眼前堪笑樂萬事一
毛輕

世恩堂詩集卷十二

六

又

數弓紅藥院半畝綠莎廳興至時來往賓游共醉
醒吳蠶方上簇燕柳已搖汀世事何須問憑君盡
醪醕

穀雨

穀雨今朝是丁香始放花艱難酬夙抱容易失春
華獨坐看巢燕閒窓憶聞茶一闌紅芍藥茁茁又
抽芽

和麗雪煙慈仁寺探海棠韻

翰爵紛紛拜省郎也同蜂蝶采花忙風流獨有麗

居士偏向僧房探海棠

和麗雪煙妙光閣看花東靜上人韻

瀟灑城西寺聞君步屨來詩隨齋磬落花傍佛龕
開婪尾春猶麗遨頭歲幾回明朝有勝地須共我
銜杯

小雨

小雨柔枝潤春風薄髻吹藥欄泥活活楊柳綠絲
絲微火烘茶候輕寒中酒時江南三月景特地繫
人思

送陳爾芝之任瑞安

世恩堂詩集卷十二

七

拂面薰風舛柳斜忽聞驪唱去京華花光穠似潘
懷縣山色依然晉永嘉三異新猷徵化雉十年舊
夢憶垂紗爾芝爲余甲子所得士佇看報最追鋒駕梧柏森
森待玉駟

送范闇士之任靈丘

自古雲中地巖城屹大荒丹山看太白太白山產紅土雄
驟想靈王爲趙武靈王葬地射虎風生耳彈琴月滿堂他
年徵異績卓魯入明光

送同館陳乾齋扈從北征

王師捷伐度龍堆侍從翩翩曠世才扈聖雄風

臨翰海銘山健筆繼蘭臺鏡歌曲奏邀 天賞眉
鼻書成乞 御裁計日凱旋多燕喜策勲知並到
鄒枚

送金海門之任崑山

城頭西鹿古名都爲厭承明出綰符卧閣香分金
殿霽放衙晴對玉山孤阿瑛賓客嗟雲散潘令花
枝入畫圖他日漢廷思賈誼應看前席落雙鳬

送程季序之任浮梁

出宰近湖山河陽伯仲間琴鳴聽事靜花落訟庭
閒報績三江最 褒綸五色斑春風無那別岬柳

世憲詩集卷十二

三

正堪攀

送林存定之任懷遠

自古塗山國千秋頌禹功昔傳留犢操今見飲冰
風宓子琴初試荆岷玉待礪

荆山在縣治即
卞和采玉處

盛

朝需卓魯行覩 璽書崇

初度感賦

荏苒年華過五旬子雲祿位遜中人今朝客舍逢
初度却笑虛生七尺身

和龍雷岬首夏飲碧山堂韻

城西花柳滿幽蹊空翠清香兩袖攜帶露將離舍

粉萼定巢語燕補新泥君多酒伴饒佳興我憶山
農戀故樓舉目只看風景換祇供騷客共留題

和龍雷岬豐臺看花四絕句

春花秋月總須臾惟有歡情付酒壚堪笑當年白
太傅風光羞對白髭鬚

白詩有風光不
稱白髭鬚故云

又

紅紅白白萬叢花乘興聞過野老家記得去年曾
載酒平泉石上飯胡麻

去年曾遊宴宛
平相國別業

又

千郊婪尾錦成圍盡道看花紫陌歸遙想北征

世憲詩集卷十二

三

鑿輅遠邊風猶未換春衣

又

風翻紅藥正當堦况對糟床酒似淮懶逐五陵裘
馬客攤書獨坐子雲齋

首夏偶感

十年侍從忝鄒枚老去顛毛種種催歲月每從閒
裏過家山時入夢中來數枝芍藥迎風麗四庫琅
函信手開翹首 六龍張捷伐捷書早晚到金臺

端午

需次淹時序流光過隙駒泥銜新燕子符庭小於

菟旅食傳青粽鄉心滿綠菰還思江上景急漿競

飛鳧歲時記競渡舟
輕利謂之飛鳧

又

首夏行看過蕭騷旅鬢華客嘲空識字僅約但澆

花艾映千門旭蒲添雙臉霞此身逢 盛代不必

弔懷沙

題畫

飛雪滿空山山深行跡絕獨有千尺松蒼姿並皎

潔

又

世忠詩集卷十二

三

落落茅亭古娟娟翠篠寒一拳山意足何必歷千

盤

又

峭壁摩霄萬仞山冷冷澗水瀉潺湲孤亭獨坐看

雲起世上無如此子閒

詠庭中芍藥花名楊
妃吐舌

名花新放曉風涼誰似風前窈窕粧髣髴華青春

睡起玉魚寒沁口脂香

又

漆洧池邊開口笑沉香亭北倚欄斜有情爭似無

情好不信當年解語花

又

清晨粉蕊舒香日夜半長生私語時一種風情堪

並許玉環小字付將離

又

紅紫紛敷各色奇楊家原是有三姨自從玉貌承

恩後花色純白
中帶粉紅肯與花王作侍兒向稱牡丹為花
王芍藥為侍婢

又

天寶宮中第一人藥欄婪尾殿三春羈房曾吐西

施舌又有花名近太真

世忠詩集卷十二

三

又

猩唇初點一枝花消得三郎錦幙遮却愛霓裳足

千古芳名不獨到山茶山茶有名
楊妃者

哭女

早歲離慈母伶俜嫁遠方齏鹽中饋苦乳哺一身

將賢孝名無忝辛勤意可傷死生雖有分天道恨

茫茫

又

二十方生汝珍同掌上珠聰明為祖愛舉止與人

殊稍長隨京邸歸寧傍泖湖迴思當日事淚眼欲

教枯

又

昨歲揚州別依依在眼前那知未三載遽恨隔重
泉拋撇甥孩日遠離父老年魂兮如有識能不痛
腸牽

又

潘岳悲金鹿微之哭女樊書傳千里雁淚落一聲
依哀樂中年變淒涼白髮繁忘情思太上欲遣正
難言

第四子生

世尊詩集卷十二

五

半百年華晚何來湯餅馨金環知宿果犀角露奇
形鎮惡生同月五月盧仝子號丁充間寧敢望七
業有傳經

徐華隱招陪汪東川飲崇效寺和麗雪堙韻

徐公病起漫招賓聊借齋厨作主人饌設伊蒲為

惠遠酒陪大戶有汪倫傷心共賦愁催老庚子山

賦時華隱悼孫冷宦相逢意轉親獨愛雙槐清陰

滿幾回欲別又逡巡

仲夏廿五日李公凱表杜少龐雪堙龍雷峴

招飲余因哭女日近未赴賦此代東

諸公折簡幸相邀無柰傷心左女嬌哀樂中年神

易損風光良宴福難消空王魚粥齋筵靜是日為

經蕭北海尊疊綠酒饒聞說巷東徐孝穆也因養

疾未鳴鑣華隱亦

題麗雪堙讀書秋樹根圖

洗馬清羸雅自都秋花澹蕩樹扶蘇撐腸拄肚三
千卷那數人間笨伯徒

又

風神瀟灑愛麗公家住吾丘臺畔東身寄金門心
野鶴望雲只在一編中

世尊詩集卷十二

五

麗雪堙投示連雨詩即次來韻

關風長雨斷人來寂寂雙扉晝不開上客翩然胎
白雪涼颼颼爾度青槐焚香辟澗防書蠹步屨窺
園印石苔怯傍銀鞍尋好友愧無佳句報瓊瑰

雨後漫詠東麗雪堙

性懶衝泥出近坊掃除一室坐匡床娟娟雨過新
篁潤冉冉風生野草香靜愛攤書移白晝閒來隨
意繞迴廊麗公退食應多暇更有如何消夏方

雪堙和荅四章仍用前韻酬之

蒼天何意視茫茫下土誰人可測量聞說江東愁

早魁却看薊北舞商羊藥欄沙壓新移竹石磴苔
封舊置床惟有閒拈詩過日往來翻覺冷官忙

又

蝸角浮名舉世忙渾如傀儡一排場君愁趨府衝
泥怯我愛閒居聽雨涼乍喜天兵清朔塞愧無
綠筆苔君王祇應歸卧滄江曲坐對春風拂女
桑

又

舊交南北各分張最愛龐公筆力强只恐擁旌馳
郡國無由擊鉢賦篇章西窓話雨思良友北闕

世憲詩集卷十二

美

題詩雅擅場獨有棲遲楊執戟陸沉金馬鬣毛蒼

又

十年簪筆侍長揚兩載難邀粟一囊鳥雀過庭閒
自得蓬蒿緣戶暗聞香愁霖匝月都忘暑旅客逢
秋倍憶鄉賴有羊何詩句好冷吟宴坐破時光

送炳兒入闈應試

爾因定省赴京師適會賓興上國時漫逐羣英

遊鎖院何由老眼見儀逵范家遺硯當思祖兒爲祖所

最韋氏傳經愧教兒獨喜仲方敦古義情深小阮

忘阜比薛澣弟引避闈事

送塔李曰堅兒子圖炳下第歸里

秋風吹帽策征驂穩離懷總不堪失路人如禽
共命閒居客與佛同龕浮雲幻態時成狗黃菊多
情欲上簪最憶小園三泖曲歸心隨爾到江南

又

金臺留滯已多時見爾南還意轉悲懶性嵇康非
巧宦蓬頭王霸不慙兒鶴坡早晚須常檢藥圃春
秋好並治待我歸來三徑裏瓦盆同醉復知誰

疊前韻酬薛澣二弟

景升豚犬豈華驂負未從耕或尚堪世路無媒嗟

世憲詩集卷十二

毛

薄命客懷有伴愛花龕庭前草滿成書帶窓外山
橫似玉簪相對悠然吾意足疎慵只合老溪南

又

菊綻東籬正此時蕭晨送別雁聲悲翟公交態原
隨世陶令詩篇自責兒佳節聊憑書適興長愁惟
有酒堪治年來閱盡人間事古處寥寥是阿誰

三疊前韻酬薛澣二弟

自慚鶩乘逐桃驂奚止嵇生七不堪馬糞諸郎無
坐處鷄棲一老共書龕天邊有字看新雁世上何
人念舊簪遙想小山秋色裏香飄叢桂自淮南

又

西風木落雁來時不是離筵作酒悲但有文章爲
令子何須富貴號佳兒東方宦冷饑難療楊惲田
荒草不治試問江鄉當此日蟹肥酒熟樂爲誰

四疊前韻與薛殿二弟

兩年需次滯行驂白髮旋增意那堪禮法生疎如
野鹿門庭蕭寂似僧龕衰頽無分隨鴛鴦懶慢何
心戀紱簪倘得遂初歸海畔一籬黃菊水村南

又

江岬芙蓉照眼時秋光正好不知悲長輕籍福教

世忠堂詩集卷十二

天

爲弟欲壓楊脩使作兒運去才人難用巧時來俗
子亦能治幾看炙手成羅雀天道盈虛定是誰

題關壯繆像

學在春秋尼父同三分定蜀著成功擒權馘操平
生志扶漢安劉萬世忠俎豆祠官存義烈冕旒廟
貌颯英風請看畫像脩髯奮欲佐 君王掃北戎

時王師
北征大捷

得炳兒途中書

嗟余爲客久念爾策名難去住情懷苦流連景物
寒白頭人老大黃耳信平安獨酌東籬下秋英正

好看

又

寒燠時殊候炎涼物改觀但期人有集那羨世爲
官去去鄉關近蕭蕭襍被單家風清白在莫怨路
行難

過長安門口號

趨走金門記十秋重來需次當閒遊當年上馬思
三昧翰林志學士每下直出門謂小何似今朝得
三昧出銀臺門上馬謂大三昧自由

題秋菊蘭竹畫卷

世忠堂詩集卷十二

天

采自陶彭澤餐來楚大夫不嫌秋色澹爲寫晚香
圖

又

香草滋湘畹檀欒映北窓寫生憑妙手高韻自堪
雙

孟冬謁大宗伯張敦復前輩于 賜第從容

話舊欣慨交并率成三首奉東

先生名德重朝端泰嶽峻嶒北斗寒商室股肱尊
舊學虞廷禮樂領春官六龍並集占星象先生令
嗣凡六
入雙鳳聯飛振羽翰時長君官學
士仲君新發贊化只今需碩

輔沙堤新築待鳴鑾

又

曾隨聽鹿會羣仙彈指流光三十年

余與先生癸卯同登賢書

至今三交締金蘭憐意氣花飛茵溷隔人天閒居

自笑逢時拙吹律誰移造化權獨有孔公能念舊

龍門重謁色溫然

又

素交零落似雲烟話舊西窓益惘然焦尾難邀當

路賞白鬚還荷故人憐

先生詩余鬚白

吹噓窮鳥生雙翼

拂拭枯魚躍九淵却愧掃門疎懶甚兩年今始拜

世恩堂詩集卷十二

手

堂前

余入都已二載今方登堂

初冬遣懷

叢殘籬菊似衰容落木蕭蕭露遠峰檢點一年將

盡曆棲遲三載又初冬懶憑土銚煨新芋靜熟名

香對古松自昔金門稱大隱閒身且得任疎慵

世恩堂詩集卷十三

華亭王項齡瑁湖

畫舫齋藁二之上

起丙子十一月盡丁丑五月

至日書懷

陽生葭律客長安日景方舒歲漸闌旅食無端三

載過

余需次將及三載

頭銜不改十年寒

余自己已調官今已八年矣

流連每惜餘冬景懶散何心本分官最憶故園山

閣下紙窓斜映蠟梅看

江南蠟梅冬月正放

至日紀事

雲臺瑞靄望中妍縱室陽回泰道旋賀節百僚停

世恩堂詩集卷十三

一

赴闕

聖駕西征免朝賀

受降

萬乘正臨邊玉

關虎旅風雲壯

費大將軍駐兵客倫

毳帳驚旗日月懸却憶

故人方扈從紀恩呵凍有新篇

江村隨駕有詩寄懷

雪崖有詩贈炳兒猥荷獎飾深用慚忝依韻

奉荅

拙宦羈棲日艱材下第年

時炳兒秋闈下第

閒居嗟騎省

生子愧孫權獎尾驚相賞鹽車感獨憐交情存世

講古道覺君賢

其二

通門聯孔李佳句落羊何雛鳳名真忝高軒喜獨

世恩堂詩集卷十二終

過蓬頭慙客甚白髮感時多豈是徐卿子流傳杜
老歌

壽大宗伯張敦復前輩六十

喬嶽三千仞飛龍五百年山川騰寶氣牛斗爛星
躔有美生南國維公實大賢文章江海濶道德鳳
麟全譽協金鐘貴名同玉尺懸吐詞成黼黻晰理
闢坤乾紀螽精思貫宜丸妙手圓集賢登上第建
禮給華箋賦奏凌雲賞詩成奪錦先雄才真卓爾
聖眷豈徒然精白邀天鑒勤勞荷主憐風
流謝太傅和易范忠宣論道趨文陛陳謨出細旃

世恩堂詩集卷十三

二

隆恩尊舊學異數喜超遷禮樂容臺長絲綸玉署
專青宮資輔導丹地儼迴旋兼領均華秩中持
贊化權頭銜冰共潔肘後印常聯門館清如水賓
僚艷若蓮尚書喉舌寄弟子絳紗偏共羨莊椿茂
還看謝樹妍八龍方競爽二鳳已高鶩尹陟家聲
接郊祁科第連光搖卿相珮彩映孝廉船時仲君南闈新
捷令序逢嘉臘華堂啟壽筵趨庭多寶玉著膝抱
曾玄象緯三台逼岡陵百歲綿駝羹天上美麟脯
掌中鮮賤子徒懷繫先生正珥蟬登科欣附驥唱
第讓先鞭心托金蘭契花分茵溷緣命窮風退鷁

性懶日移磚樞伏甘衰鈍釣陶得化甄磨礪慙鼠
璞採斲到柯椽絕類羊公鶴惟存子敬氈餘光分
小草厚德並穹天爭覩沙堤築兼聞鳳詔傳黑
頭黃閣老丹輔玉堂仙聽履星辰上和羹日月邊
調元長壽國載賡有臺篇

讀史偶感

西風獵獵捲蓬科上將旌旗出塞多拊髀但聞思
頗牧請纓誰辦繫囂佗詔書十輩求天馬芻粟千
山轉橐駝何日呼韓朝漢闕六師解甲奏饒歌

其二

世恩堂詩集卷十三

三

畫諾誰寬漢主憂何人借箸席前籌董生空有賢
良策卜式新爲關內侯自古安邊尊廟算由來富
國詘奇謀腐儒藿食知無補讀史徒添萬斛愁

題麗雪崖種竹圖小照

愛竹吾家有子猷龐公千載並風流呼童種得清
陰滿不事人間食肉謀

其二

六尺簾邊無長物攤書晏坐意超羣蕭疎古貌塵
埃外風味依然是此君

和雪崖元旦同友飲寓中韻

華顛豈止二毛侵又見春風動客襟兒女辛盤聊
共樂弟兄歲酒互相斟頻年遊宦官難得令節思
鄉意轉深身事但憑天位置不將名利更關心

其二

臘去春回斗柄東出門便旋逐和風閒身偶試朝
衫重衰頰初添柏酒紅萬戶燎光晴照耀連宵爆
竹響高空他鄉節物渾如昨獨有羈愁歲不同

其三

南隣鐘鼓到參橫寂寂雙扉似水清喜我客中來
叔寶余婿吳賓門除夕至京羨君門下有康成來詩有更憐入室有門生

世憲詩集卷十三

四

句新年無事分曹飲冷宦消閒共客枰三百六句
中蚤起惟當祝候補官例免朝參惟萬壽元旦隨班聖與朝正

綵燕

玉剪裁成錦翼斜雲鬟裝點及時花縱然體態輕
盈甚不得溫柔比趙家

祀竈

亦知善媚可通神暴富難期守拙人間散却輸孫
主簿無由祭竈請比隣

藏鈞

漢武親披鈞弋拳藏鈞從此後人傳忽然探得驪
珠手賭勝懽聲動四筵

大饘

逐疫爭看百隸驅燕山風景近三吳玉堂貧鬼常
相守可倩儂人逐得無

土牛

東郊綵仗詔迎春立土爲牛示兆民間道內府耕織圖特許詞臣刷印至尊
勤稼穡繪圖特許賜詞臣

桃符

仙木雙懸刻作圖當開辟鬼畫神荼新來面目仍

世憲詩集卷十三

五

如舊却傍高門耀五都

臘鼓

臘鼓逢逢震四鄰細腰八面打千巡驅災除厲尋
常事要取單于釁血新時王師西征

梅蕊

火逼盆梅凝未開競從廟市買芳回吳儂一笑掉
頭去鄧尉山前曾看來

翠柏

碧幹嚴霜色不凋歲寒人始識孤標曾經桃李芳
菲節肯向春風闕舞腰

辛盤

飴錫適口世情貪薑桂由來近不堪聞說五辛通
臟氣厥功應自勝肥甘

爆竹

爆竹曾聞可辟兇區區山鬼伎終窮先聲直震天
山外欲占春王第一功

紅椒

盤格椒花又開新天涯節物紀元辰老鰥獨對梁
鴻案腸斷當年作頌人

屠蘇

歲朝少長團樂會柏酒辛香體節和老至不辭從
後飲一杯小戶已顏酡

雪獅

霏霏六出舞高低妙手裝成一後倪豈有銅頭驚
百獸土龍鹽虎並堪題

新正五日同人小集寓齋華隱東川雷岸以

事阻廿三日又集公凱齋公凱作絕句十

首次韻酬之

臘酒春盤巧闢新却慚麕羈待嘉賓眼前舊侶無
多在十九年前五十人

世澤詩集卷十三

六

其二

八斗爭言子建才翩然命駕蹋荒苔坐中正少談
諧客共喜車公不速來曹夢懷偶至留飲

其三

徐公吾黨信高賢每遇開尊必惠然今日玉堂偏
上直夜深鈴索聽傳宣

其四

新年無事好招邀龍子何緣滯玉鑣知己晨星良
會少春風虛度可憐宵

其五

汪倫豪飲興偏多何事今朝也未過冷澹輸君家
宴樂叢娘按拍膽娘歌是日東川生辰有家宴

其六

龐公飲量無三合堅坐看人吸百川只恐明朝千
騎出淒涼朋舊帝城邊

其七

相法如今大不同周郎具眼決窮通樂安自有封
侯骨猿臂何須笑下中時蓉湖談相

其八

新詩句句夜珠圓一笑當筵出錦箋斗酒百篇豪

世澤詩集卷十三

七

興發風流真是李青蓮

其九

五日過來又二旬李君折簡召同人狂來雜坐無
賓主最是吾曹意氣親

其十

扶風門下舊時人重遇郎君露冕新五馬却看馳
粵嶠章家相業最嶙峋益都馮躬暨在座
新授廣州郡守

送馮躬暨之任羊城

安昌門下老彭宣知己情深二十年今日燕山逢
謝鳳西州重到欲潸然

世澤詩集卷十三

八

其二

五馬雙旌上五羊風流重啟蓋公堂放衙欵坐看
么鳳卧閣閒眠對佛桑

其三

二月金溝柳色新軟風遲日水鱗鱗聊憑白髮梨
園曲漫作青門勸酒人

題李公凱畫冊

閒跨烏犍任所如雨簑烟笠混樵漁清風自在眠
牛背不學英雄掛漢書

題畫

屋宇無多不礙雲琴書靜對遠塵氛風流直溯歐

陽子畫舫齋中割半分

萬壽節朝集午門紀事

玉珮鏘鏘賀

聖歡春風 雙闕五雲盤獨憐潦倒燕臺客三度

呼嵩未得官

送少司馬李厚菴前輩視學 畿輔

先生名德冠崇班啟沃功高日月間舊學久聞傳

禁闥 新恩今見起東山先生方
侯補風流入美笑

蓉幕雨露春開桃李顏模楷一時推北斗龍門千

世澤詩集卷十三

九

載重追攀

其二

天官將相近文昌司馬衡才玉尺量帳放扶風方
籲俊羣空冀北不留良冰壺映處同秋月鐵網搜
來盡夜光回憶鸞坡曾得御青門折柳意難忘

次龍雷峴晚春韻四首

衰頽感物易思鄉愛惜春光喚索郎放意且欣無
職守浣花常笑諫童忙游仙欲控蘇耽鶴挾策真
同穀氏羊肯逐風塵孤麗景狂來闌入少年場

其二

板楔光風轉蕙蘭桃花歷亂李花殘韶華一歲惟
三月哀樂中年有百端來詩有喪明之痛畫舫遊山聞戲
鼓黃魚貫柳話春盤歸田事事俱堪賞何必麒麟
姓氏刊

其三

三年作客賦閒居未肯隨班到石渠趨省君推何
水部封侯我愧李輕車靜看鳥啄花間藥倦引風
翻案上書門外紅塵高十丈蕭然一榻自清虛

其四

柳綿吹盡又殘春撻伐天威暢此辰露布行間

世恩詩集卷十三

十

平冠日會觀

闕下獻俘人

時俘噶爾丹子入京

兩番韶序

拋燕地一片鄉心在御濱賴有芳菲簷外朶數枝
香雪小橫陳

三月廿二日俘獲噶爾丹子入京會觀志慶

六飛三駕耀元戎乳臭先擒奏凱功表尚頭方行
塞外隗純頭已繫車中千官喜氣班聯溢萬姓歡
呼巷陌同早晚究渠看就縛流沙西盡沐皇風

和雪崖酬梅耦長韻

龐公真雅士梅福更高人意氣憐同調詩才妙絕
倫感時驚把袂懷舊欲沾巾謂愚山先生也回憶平生友

春風又幾巡

其二

閉戶安吾拙端居任物情自憐常樂託且喜簡逢
迎舊事徵芸帙新詩快友生百年已強半那忍戀
浮名

贈單山舍

秦皇山頭瑤草綠下有幽人結茆屋族望崔盧喬
木存上承名父稱耆宿少小才華擅一時謝鳳荀
龍共追逐吾家渭陽舊名閥特選東床號冰玉君
年正少好乘龍我尚垂髫看花燭四十年來彈指

世恩詩集卷十三

十一

中幡然老大成兩翁滯我一官留冀北輸君高卧
隱江東稱觴正值月重五海榴照眼燒天紅更喜
求仙同鮑倩且看偕隱類龐公何須遍採長生藥
望海空勞笑祖龍山舍居秦望山下

閨上已

上巳欣逢閨今年春獨長洛濱重板楔曲水再流
觴好景拘京國良辰望故鄉聞吟聊度日不怨厄
黃楊俗說黃楊歲長一寸開進一寸

再咏獻俘即事

天威神武遠飛揚小腆遊魂遁北荒纓組已俘究

豎入塔鈴早卜醜徒亡未行菹醢存寬大速請
灰釘奉享王佇看獻琛來萬國休兵弓影掛扶桑

和雷岬獻俘凱歌韻四絕句

朔塞風高白鵲旗軍前累奏捷書時自從陳斬閼
氏後又覩生禽頭曼兒

其二

西戎乳臭一狂童頭繫長纓入檻中巢覆自然先
破卵犁庭奚止幕南空

其三

捐馬燒羊給大官天朝豢養古來難彼昏但識

世遠詩集卷十三

三

此間樂不念龍荒月窟寒

其四

萬馬騰驤首着青王師雷擊掃龍庭懸知逆賊
天亡候不待神僧解塔鈴

閏三月十一日偕前輩徐果亭庶子宮定庵

大銀臺同年張曼園少司馬戴負若黃門

家公垂廷尉弟薛澱儼齋遊萬壽諸寺

閒遊尋古寺步履意從容指點參天拍摩掌萬石

鐘鐘係明永樂年造徑長丈二內外刻佛號彌陀
法華諸品經滿年刻楞嚴咒相傳爲沈度筆見

長安斷碑經雨蝕畫壁半塵封僧話前朝事徘徊

到下春

由摩訶庵至昌運宮看松

問松過鶴觀騎馬出雙林幹可三人抱枝留一院

陰拾香收艾納命童子採
松皮歸脫帽對雲岑轉憶登西

嶽將軍樹萬尋余昔年登華嶽見大
松五名五將軍樹

郊遊四首和薛澱二弟韻

摩訶庵

平生結念屬烟霞每向林泉問麴車一逐風塵搔
短髻空拋歲月負春花齋厨飯熟抄雲子柳陌沙
輕趁玉騮冉冉韶光驚電抹聽鷄又看入東華

世遠詩集卷十三

三

元福宮宣德年銅贏

宣朝銅冶妙如神奚止莊嚴丈六身鑄就名駒超
駭耳牽來玉勒像騶人金仙辭漢知何在威斗亡
新那有真却幸長依獅子座不隨凡骨溷風塵

昌運宮松

綠楊深處玉驄穿忽踏元都別有天黛色龍從清
陰滿蒼姿天矯晚風前閒披苔蘚殘碑出愛聽松
濤白晝眠金碧未凋塵土沒勝朝遺蹟但荒烟

萬壽寺鐘

滄海曾經幾度乾靈鐘西應說長安摩挲薊子餘

銅狄歎息當塗泣露盤魏明帝移露盤盤折金狄或泣學士薤文

秋雨蝕鐘內外刻佛經傳空王貝葉野蒿殘六州

鐵盡難成錯白虎金鳴底事看鐘自永樂時製昔懸于樓天啟中訛

言帝里白虎分不宜鳴鐘遂卧于地見燕都遊覽志

送鄭珠江檢討給假還里

扶風門下十年過少壯論交髻已皤金闕曉鐘

同待漏玉河春水共鳴珂長公抗節居官少元亮

歸田樂事多聞說家園千樹荔綠陰深處坐高歌

閏三月十七日雪崖招同諸同年過天壇

常鍊師房看牡丹即事

世恩堂詩集卷十三

古

龐公折東赴靈臺千朵姚黃一色開騎馬昔年常

獨到余昔為奉常常至壇中看花今日又重來亭亭艷質臨

風砌冉冉天香墮酒杯轉憶小園三泖曲空教紅

藥閉荒苔

雪崖招看牡丹限七言古詩五言律余已作

七律一首再賦此應命

常年春光九十日今年閏月百二十故人招我來

看花走馬直過郊壇側種花道士亦雅人開軒坐

我亭之北花開已及八九分艷質亭亭遺世立東

園歷遍又西園魏紫方嬌弄顏色愛花頻把花枝

喚天香冉冉沾衣袖桃花一株間紅白海棠葉肥

紅已瘦有客同登百尺樓四壁琴書靜清晝忽見

江南九節蘭鄉物關心逢故舊李白汪倫興益豪

圍棋賭勝爭相高十千一局作進錢明朝壚頭買

香醪相約重來此看花食指已動我老饕須臾筵

開浮玉竿主賓雜坐衣冠卸流連不覺日沉山春

風此樂真無價算來人生須作達今日花開明日

謝斗大金章何有哉不如且醉花陰下

前詩偶及奕棋之約公凱戲答三章即次來

韻

世恩堂詩集卷十三

圭

瑤華驚授簡下里愧裁篇嘯侶餘春在看花逸興

偏賭思玄保奕酒憶阮宣錢小戶無三合追陪腹

果然來詩有蕉葉亦陶然句

其二

未解方圓勢時看賭墅回不知誰負進且喜得銜

杯來詩有錢唐席屢回句國手難居勝偏師亦易摧吳興中

正著妙論自天來

其三

白傅西明寺懷人兩地均白樂天西明寺看牡丹兩憶元九何如

鍊師室同醉牡丹春局外觀成敗筵前迭主賓豐

臺紅藥好不必待汪倫來詩有早為

送程清士之官新田

羣玉三湘第一觀鳴琴百里自民安文從鈞錚篇
中覓詩向春陵句裏看異績昔聞徵化雉良猷今
見集祥鸞政成報最應非遠五色 天書下玉鑾

初夏偶成

巷僻稀聞車馬喧數椽蕭寂類江村庭中碧草如
袍色閣後青山似黛痕賴有琴書消永晝時來鳥
雀護閒門從他觸熱爭蝸角栩栩莊生夢蝶翻

其二

世恩堂詩集卷十三

六

金馬陸沉原大隱閉門種菜亦英雄扶頭徐邀賢
人酒企脚陶潛北牖風花試新香憐芍藥燕尋舊
壘撲簾櫳如年長日空閒度世上誰知有此翁

題劉文起大行价人選郎小照

古來兄弟誰最強雙丁兩到相頡頏當今趾美有
二劉風流文采鬱相望科名奕世擅華閥不數重
光傳七葉弟先兄舉憶當年大羅余忝名同列癸卯
余與次公同舉分校俄看桃李稠吾家僧彌辱見收明春
孟公繼登第曲江又喜得同遊丁巳舍弟受知次公壬戌又與孟公
同登通門世好心莫逆孔李交情話曠昔彈指光

陰三十年老大頰毛種種白眼看孝綽卧雲松奉
母板輿樂不窮孝儀垂紳侍 金闕手持英蕩宣
仁風吾與次公相別久披圖如對淮南友金昆並
坐叶墳簾芝蘭玉樹爭先後人生何必圖麒麟不
如花茂田家荆一門七葉傳經盛絕勝黃金遺滿
籬

孟夏望前二日周蓉湖招同杜少雪崖雷岸

雪石欽借綠軒即事次雷岸韻

曲廊窈窕藥欄斜遶砌戎葵爛熳花三尺小桃垂
陰滿那能雙鬢不生華庭中一桃蓉湖十年
前手植今已成陰矣

世恩堂詩集卷十三

七

其二

花裏行杯樹底眠三蕉引滿我陶然世間難覓桃
源境何日歸耕卻上田時言家
居之難

其三

千寶搜神豈鑿空阮瞻無鬼論終窮如今怪事渾
常事即在青天白日中座客競
談鬼物

其四

竹馬鳩車戲鬢髻年華電抹髮空凋此生只羨將
軍腹何必便便學老韶東坡詩便腹從人笑老韶
時蓉湖雷岸以帶圍量腹

雪崖和初夏偶成詩再次酬之

誰說塵闌難避喧雙扉支石即山村道書靜悟參
同弊古帖閒摹屋漏痕稍剪蓬蒿留客徑懶依槐
柳掃朱門垂虹過雨斜陽外一盞醺人卧竹根

其二

散髮絺衣三徑中閒居樂事未爲窮棗花纂纂飄
香細榴火垂垂照眼紅斑鬢棲遲同騎省綵毫堆
璨得文通懸知天道時消息處世常思學塞翁

雪崖再和初夏偶成詩三疊酬之

鳴蛙兩部草堂喧絕似江南一水村樓外遠山橫

世恩堂詩集卷十三

六

夕照林中新月露纖痕喜無俗客來關戶自有清
風日到門老困撥書憑曲檻參差雜卉滿籬根

其二

春閨清和夏已中漸看花事藥欄窮風含細葛纖
纖舉果熟櫻桃顆顆紅孔李交因同調客羊何詩
付小奚通誰知身外名兼利鷗鳥相忘一海翁

蓉湖招飲即事再和前韻答雪崖

汝南名客共看花酒戶分曹大小差蓉湖請客分
善飲不義飲
者各十字欄干紅幾曲一庭新綠漾窓紗

其二

風景清和四月天小山裝點矮窓前袖中巧類奇
礪製拜石君真似米顛時蓉湖購二
石峯密可愛

其三

軒名借綠由來舊此日濃陰滿院中竹塢杉齋幽
雅甚令人不復憶江東

其四

美女西洋織得嬌壁間有西洋
紙織芙蓉畫曲房疎檻可憐宵
道南已築周郎宅雙槳還應載小喬時蓉湖新
葺寓齋

四月廿四日麗雪崖招同人小集崇效寺以
曲逕通幽處禪房花木深爲韻各賦一首

世恩堂詩集卷十三

九

分得處字

折簡促同游舊識遠公處喬林多涼風扶疎影盤
互棗花襲遠芬園葵泣朝露勝侶陪華軒觴咏愜
歡趣清談豁塵氛商推窮墳素有客賭圍碁迴轡
日已暮即事感疇昔槐陰酌清酤陸生拂衣歸馮
君解龜去歲月疾若馳相思緬江樹昔同諸年友
飲槐樹下今

孟夏命僮除圃草栽雜花作

呼僮理園莽耳目稍清曠空庭一何有薰風自來
飭砌花秀衆芳爛熳非一狀困來展踈簾北窓恣

偃仰寓形宇宙間托意義皇上三年不得官閒居
亦蕭放游心於六經翰墨時跌宕終當拂衣去五
嶽追禽向

四月廿八日汪東川招同杜少雪崖雷岸小

集寓齋即事

汪子要賓盡我儕藤蘿密葉覆高齋何妨酒戶人
同小時在座者皆不善飲且喜風光日復佳金穴多錢空屏
當雅音流水郵俳諧時論多藏之患及近來詩道之替劇談不覺
歸來晚日影西斜過柳街

贈孫赤崖

世憲堂詩集卷十三

三

喜見遼東卓帽還徵書時復下松關賢王玉醴陳
朱邸高士鸞音肅碧山零雨詩篇傳塞外遂初賦
草落人間只今七十如龍馬服食從來有少顏

午日偶成

三度客中逢五日閒看兒女潑蒲觴榴花葛葉憐
新節畫鼓龍舟憶故鄉朔塞喜聞銷戰伐中朝
何事起元黃思量只有江湖好鷗鳥無猜化日長

和龍雷岸賦得雨中惟睡好韻四首

雨中惟睡好六尺簾紋涼心跡雙清絕奇書堆滿
床

其二

雨中惟睡好羅帳薄于絲淪茗呼童子添香乞侍
兒

其三

雨中惟睡好不放畫簾開蝴蝶邀將去槐安夢覺
來

其四

雨中惟睡好睡起八窓虛綠柳添顰後青山捲畫
初

五月七日華隱公凱杜少雪崖東川蓉湖小

世憲堂詩集卷十三

三

集寓齋雷岸以事未至雪崖賦絕句六首

即和來韻答之

午日過來方二日新裁葵萸匝荒苔不嫌簾櫳聊
同醉博得今朝笑口開

其二

夙昔燕山傾蓋時共君把臂讀君詩廿年鬚髮俱
蒼白且盡花前酒一卮

其三

徐公齒爵雄吾黨車笠無忘意獨親日落紅墻方
下直猶能縱飲逐閒人

其四

李白汪倫並擅場奕棋誰復定低昂百錢一局常相賭買酒何時得共嘗

其五

袁絲古貌意偏真不識杯鐙是我倫獨有伯高難得致惜新時作送柴人

時雷岸官屯田郎每送柴炭至內府

其六

公瑾興豪傾四座探鈎賭勝出偏師只今髣亦蒼蒼在還似小喬初嫁時

竹醉日命童種竹于味歸軒前

世恩堂詩集卷十三

三

雨後新移竹數竿檀欒斜映粉牆寒雖然不及買簞谷聊作江東筠圃觀

其二

亭亭翠影可人憐恰伴芭蕉共綠天歌枕匡床諸籟靜聚花香動小窓前

其三

楚楚山花著雨新青青樹色過南鄰僑居愛竹常栽竹松菊家園恐笑人

小軒

睡起無聊倚小軒閒庭景物類山園芭蕉葉嫩抽

層籜綠竹新陰覆短垣觸熱畏隨冠蓋集消時惟把玉斂翻何年得遂江東隱林水追涼醉瓦盆

再疊前韻答雷岸

庾信園中三兩竿亭亭翠色暮生寒却從京國風塵外陰得檀欒一樣觀

其二

此君風致儘堪憐曲檻疎簾別有天企脚北窓忘世味不隨槐柳共爭前

其三

玉笋江東幾番

上新籜龍雷迸過西鄰

笋鞭逢雷則長力可

世恩堂詩集卷十三

三

穿山童劖得如纖指雪點茶香信可人

世恩堂詩集卷十三終

世恩堂詩集卷十四

華亭王項齡瑁湖

畫舫齋藁二之下

起丁丑五月
盡十一月

和雷岸夏日紀事韻

六師奏凱淨邊塵 天語臨軒誥誠頻
容易朔荒平劇賊艱難守令得賢人
龔黃自足宣王化桑孔何曾救國貧
但願諸公勤補過莫教聖主獨勞神

天語戒飭吏治不善輸爵流弊

其二

宜春別苑枕西郊侵曉趨朝街鼓敲
兩部蛙聲喧

世恩堂詩集卷十四

一

草際一條燈火拂林梢鋪揚軒績千毫
禿歌誦堯仁萬口交聖德謙冲辭大號
洋洋三詔

出螭坳

尊號不許時羣臣三請上

和雷岸喜令嗣至京用子瞻拄杖韻

聞風長雨街頭滑眼看又是三伏節拋却家園萬竹竿六州鑄錯難成鐵我友龍子雅好竒長篇慷慨石欲裂豐盈犀角有佳兒遏末封胡自超越生子居然千里駒阿翁莫怪顛毛雪老鳳何如雛鳳聲人間萬事俱堪歇一經遺子勝滿簾却笑銅山與金穴高歌酌酒且自娛那問身宮在磨蝎余家

諸子豚犬才大能典謁小髻髮他年若得附驥塵荀陳家世猶能說

偕諸公出東便門錢翁鐵庵大司寇于雙林

寺即事

司寇懸車返舊村諸公祖張上東門暑清雙樹濃陰合風動新荷翠葉翻寺中雙槐陰庭蓮花滿池甚有佳致未老投閒真樂事思鄉送客易消魂獨憐潦倒仍需次鐘鼎山林總莫論

答雪崖戲成韻

自笑支離七尺身藥爐茗椀漫相親恥持名紙隨

世恩堂詩集卷十四

二

殘客能到閒門有故人花愛萱黃滋北戶樹分槐綠過南鄰風光九夏真堪賞乞巧無心懶逐貧

題高江邨詹事畫冊

萬仞丹梯不可攀但聞飛瀑響潺湲空亭宴坐當秋曉只有青山共我閒

和韻答雪崖新秋紀興二首

梧桐葉落報新秋三伏將闌暑未收客裡光陰空自度閒中景物亦堪求紫薇色艷違華省早桂花香憶故丘獨坐西窓無賴甚科頭嘯咏不知愁

其二

袂衣秋爽一登臺幾朵芙蓉排闥來上客聯翩貽
白雪荒庭寂歷長青苔周南留滯嗟予拙天上
恩光美爾才新種綠蕉疎雨滴然香卧聽亦佳哉

題梅桐崖太僕撫琴圖小照

膝上橫琴意獨閒高山流水共追攀此中妙得無
絃趣自有元音十指間

其二

箏瑟哀怨雜新聲古調何人移我情欲佐南薰成
聖治先諧宮徵聽和平

秋霖連日耳澤前韻酬雷岸

世恩詩集卷十四

三

雨脚如麻泥滑滑朝來已是清秋節滴歷聲敲窓
外蕉飄蕭風打簷前鐵滿壁蝸涎兩部蛙藥欄沙
壓竹枝裂開關兀坐如窮山淖深沒骭難飛越忽
有長鬚來叩門投我長篇似春雪豁然懷抱抑塞
開吟諷迴環肯稍歇我愁君病畧相當且向殘編
事穿穴世事真同風馬牛那問五蠹與六蠹一年
春去又秋來誰知暗裏添華髮江東菰菜正當時
急歸好共溪翁說

和雷岸苦雨韻二首

空庭獨坐對廉纖夜半翻盆風色嚴舊雨人如同

命鳥新詩味底水晶鹽青蒿無客常封徑紅蓼經
時欲礙簷惟有西山來爽氣黛痕一抹萬峯尖

其二

濛濛林際濕昏鴉未得閒遊試小車客話燕山三
伏雨鄉心吳苑九秋花衝泥君日趨華省拄杖吾
還戀酒家轉憶綠簑圓柳曲圓柳乃三鱸魚網底
正堪義

和雷岸縱筆韻二首

雨中何事能消遣歌案攤書卧竹床歌案魏武制
卧以觀書
更有焚香時宴坐此心安處即良方

世恩詩集卷十四

四

其二

丘公官退才俱盡李蔡爲人本不奇慙愧沙場射
雕手來詩有纔是雲
中射雕手句封侯終遜里中兒

三疊前韻酬雷岸七月朔日喜晴之作

涼生冰簟琉璃滑秋光又到穿針節奏凱長清漠
北塵銷兵欲罷終南鐵況當久雨喜新晴霽旭穿
林黑雲裂小閣鳴琴坐清曉西山飛翠當窓越天
涯景物一時新紫李如拳藕如雪酒徒市上少荆
卿鱸魚浦口思黃歇松江有黃浦傳
自春申君所鑿三年需次鬢
增華浮名勾已同槐穴旅食無心博士羊夜卧惟

愁主簿劍南無主簿將蠅之任而有公卿之今呼為主簿蟲見唐國史補難學學神仙服食還思駐顏髮不爾恣為五嶽遊盧敖汗漫猶能說

送盧知荷之官鄒縣

秋風嫋嫋白蘋吹仙令循良出宰時綰綬初臨邛子國放衙晴對嶧山碑桑間馴雉仁心遠花下祥鸞化日遲鄒魯從來推聖里絃歌應自樂雍熙

初秋遣興

邸舍幽偏亦我廬綠葵紅蓼足園蔬門稀賓客新聞少性懶衣裳造請疎避事莫如千日醉破閒但

世恩堂詩集卷十四

五

有一床書三年羈旅思歸切盡道山中不易居

秋日過雪崖齋雪崖貽詩一章和韻酬之

幽居養拙避塵喧白晝常局雙板門得句呼朋聊共和消閒躡屐互相存從知懶性難諧俗只有忘機學灌園行樂城南秋望美夕葵紅蓼滿籬根

秋夜有感

數聲歸鴈碧天澄獨坐虛齋月一稜耿耿銀河垂屋角蕭蕭絡緯響秋燈三年京國人空老千里家山夢屢登欲采蓴絲江岸遠李鴈鄉思最驚騰雪崖以詩來索余近詩即和韻答之

龐子真佳士鄰坊共結廬庭中無俗客案上有奇書道氣松筠古端居造請疎經時不相見妙句近何如

和周礪庵洗馬過在平弔王北山座主韻

先生遊岱後古道至今存愛士南州榻留賓北海尊漬綿多友誼負土愧師恩相對談前事欬欬欲斷魂

送高江村詹事請養歸里

廿年簪筆倚雲霄密勿陳謨魚水調三扈鑾輿征塞北特膺綸綍領宮僚剛條孝綽聞梁代清

世恩堂詩集卷十四

六

節王恭重晉朝異數頻繁先鶴禁會看黃閣聽

鳴鑣

其二

一疏陳情著綵衣鳴騶親導有光輝起居八座金章麗拜謁羣卿絳幔依燕喜瑤觴娛壽母鸞迴紫誥出綸扉養堂舊說虞潭盛重見恩榮曠代稀

其三

三載京華跡共依驪歌忽送故人歸美君焜耀斑衣樂愧我棲遲旅鬢稀叢桂山中金粟滿鱸魚江上細鱗肥浮名却笑同雞肋便欲相隨傍釣磯

其四

浙水燕山雲樹遮秋風送別鴈行斜每思昔夢驚
蕉鹿愁對離筵剪燭花求侶鳴禽啼谷口失羣班
馬落天涯懷人此後憑芳訊莫使瑤華望眼賒

八月廿二日宛平相國招飲怡園時同周蓉

湖太僕莊丹生李寅谷兩明經家弟薛澱

即事八首

象緯三台正貂蟬奕葉光兩朝資彌亮一德頌明
良報國心常赤憂民髯欲蒼中書廿四考霖雨遍
遐荒

世恩堂詩集卷十四

七

其二

辭榮三疏切未許乞閒身隆禮優黃髮恩綸錫
紫宸精神龍馬健世德鳳毛新獻壽方開秩千秋
仰大椿

其三

秋敞平津閣風清綠野堂林巒當戶秀竹樹入窓
涼澗溜春寒玉巖花浥晚香渾疑遊閬苑逸興自
飛揚

其四

宛轉探幽洞招尋別有天涼亭空四壁澄沼咽流

泉蘭蒨秋堪佩芭蕉綠自卷相看滌塵慮日涉趣
悠然

其五

曲徑依山轉層樓矗漢斜登臨真曠蕩覽眺極幽
遐雙闕明霞麗千峯暮靄遮憑欄聊徙倚點點
數歸鴉

其六

獨樂園亭美無私門館閒膺舟欣接納謝墅喜追
攀高咏丹崖裏流觴曲水間時清機務少携客看
青山

世恩堂詩集卷十四

八

其七

山水清音妙箏琶雅唱妍段師稱絕藝賀老有真
傳舞袖鸞迴麗歌喉珠串圓平生驚未見相府曲
名蓮

其八

高門天尺五忝附始興宗夙好因先子微才托有
容吹噓憐爨木拂拭到枯蓬叨侍良宵宴流連起
暮鐘

送高江村詹事至張灣歸途口占十首

衣冠祖帳上東門宮尹新承畫錦恩總爲陳情烏

鳥切便拋華紱奉輿軒

其二

君恩親愛兩流連出處由來未易全何似孤忠
天自鑒封章將母至尊憐

其三

遙林一抹映秋嵐黯黯離懷那自堪不及潞河城
下水送君千折到江南

其四

秋風嫋嫋動仙舟執手河梁淚欲流折柳正逢搖
落候黃花白馬入離愁

世忠堂詩集卷十四

九

其五

相依南北六年中見面無多問訊通此日張灣分
手處伯勞飛燕各西東

其六

清風朗月最思君況是天南地北分霜落平臯黃
葉滿嘹嘹獨雁叫寒雲

其七

神武當年共掛冠重聽鳳詔入金鑾欣看八座
寧親日愧我方爲本分官

其八

交情自古斷金難況復同經滌瀕灘禽鳥尚然呼
共命一心須保雪霜寒

其九

三載閒居短髮催時相勞苦客顏開如今潦倒無
人問畫闔雙扉獨舉杯

其十

鋒車趣召五雲中奉母還朝晉國同遲爾春明應
不遠早看曳履日華東

送袁杜少宮允請假歸東明

樂賢妙選畫圖張賜出天章耀玉堂正是九

世忠堂詩集卷十四

十

重恩眷渥偏輕華紱戀漁莊

其二

馬鬣經營動孝思乞歸非是爲尊絲金臺舊雨晨
星少怕向離亭折柳枝

其三

追數交情二十年中間聚散兩茫然何當話雨燕
臺側又向西風悵別筵

其四

閒居三載斷知聞晨夕過從賴有君今日空亭應
寂寞何人載酒問楊雲

杜少賦五言古三章留別又賦此送之

季秋天氣肅黃菊揚芳蕤故人忽請急言歸衛水
湄眷茲同袍友酌酒前致辭結交二十載金石以
爲期宦遊多聚散往往天一涯托根蓬萊側晨夕
不暫移雖有交謫苦幸免離羣悲一朝分手去我
懷良淒其

其二

淒其柰若何相與發高歌蘇李有遺調折柳枝無
多峨峨白雲山湯湯雕馬河送君從此去秋風鳴
鴛鴦忠孝本一理陳情感夢我烏鳥既終養馬鬣

世忠堂詩集卷十四

七

增嵯峨純孝古所難高風激頽波

其三

頽波亦難挽久要世云鮮自我來京師子情獨繼
繼時還過吾廬古道相勗勉今子賦歸與寂寞歎
秋晚獨雁叫朔風班馬嘶峻坂何以慰相思願言
加餐飯

九日儼齋三弟招同萬季夏張長紱錢亮工

弟薛澱姪扶升彤文飲萬柳堂登高即事

漫賦

萬柳堂前樹色幽十年曾向此中遊相公遺事猶

能記謂益都公也剩有蕭蕭蘆荻秋

其二

危亭高聳出林丘九日登臨足散愁何必龍山誇
盛事白衣送酒亦風流

其三

瞥見池邊鴨背舩江南風景動人憐相將把櫂凌
波去一片湖光似鏡懸

其四

客中三度見重陽黃菊參差漫舉觴白髮滿頭羞
落帽強裁詩句和柴桑

世忠堂詩集卷十四

七

雪崖有詩東公凱及余即依韻答之

不見龐公又幾時清風朗月每相思新詩灑灑如
蘭雪舊侶依依似柳枝擁傳看君千騎出積薪愧
我十年遲李生意氣真同調煩語挑燈共和之

哭幼女十首

嬌女聰明實可憐一朝玉折恨纏綿茫茫天意渾
難問老淚龍鍾化紙錢

其二

牽衣嬉戲後堂前瞥眼俄驚隔九泉每惜嬌癡耍
我抱扶床猶記試行年

其三

閒居誰復慰愁顏
携幼登樓望遠山
今日白頭悲
少女桐棺三寸寄禪關

其四

分甘每憶先呼汝
著膝常時愛勝兒
未解皇天胡
忍奪寒霜一夜折瓊枝

其五

見爺寫字常求筆
學母梳粧戲畫眉
往事分明猶
在眼一回思想一回悲

其六

世恩堂詩集卷十四

三

讓棗偏能憐小弟
簪花也曉學諸姨
只看早慧真
堪惜重話平生淚滿頤

其七

次第求醫檢藥方
豈知二豎入膏肓
薜華易落堪
腸斷也算浮生過一場

其八

下殤殺禮古經傳
愛女情深詎忍捐
知爾嬰孩無
宿業香花隨俗供諸天

其九

小工言語欺鸚舌
更整儀容似玉枝
平日闔家多

愛敬一時媼婢涕漣漣

其十

年來傷逝淚常垂
暮景淒涼雪滿髭
元白詩篇多
哭女不堪千載有同悲

予去年長女歿今年幼女復殤

十月廿一日蒙

恩復充講官感賦

鵷鷺翩翩集鳳池承

恩還復點彤墀三年需次

官方得十載羈棲命獨遲
簪筆漸看同輩少趨

朝倍覺此身衰惟慚糜祿無能報
漫逐羣公紀

聖時

仲冬入直遇雪和雪崖雪詩韻

世恩堂詩集卷十四

古

待漏聽金鑰同雲籠月微
玉鋪文石陞花落侍臣
衣勤政寒猶御豐年雪
自輝白頭慚舊史廿載

奉彤闈

余官記注已十七年矣

其二

五鼓嚴城閉靈臺且暫棲

門側有道院羽士邀入避寒

藥爐紅

可喜月色曉猶迷
喔喔鷄聲唱霏霏
玉屑齊應爲

羽士笑空自老金閨

送京江張相國請

假省太夫人于里第

伊周德業重樞衡
十載調羹贊太平
報國從征三

出塞

上征虜爾丹三次赴從

思親拜表特陳情
衮衣舞綵

春風煖玉珮趨庭愛日明爭羨黑頭黃閣老養堂
歡捧萬年觥

其二

上苑風和日影長元公拜慶暫還鄉金經天賜

歸稱壽

上賜金剛經五部

柏葉春浮好奉觴北固山川原

壯麗南徐花月正清揚板輿樂事方無量飛詔

爭催曹相裝

其三

起居八座列長筵燕喜春風祝大年晉國宮中稱

福壽宣文帳下授遺編一門麟鳳同朝貴奕葉芝

世恩堂詩集卷十四

五

蘭接武賢盛事只今誰得似羣推母範重三遷

其四

莖榜曾隨季虎塵

余與哲弟同榜

掃門今復到平津蔡琴

斲後焦桐貴鄒律吹來黍谷春困頓每憐同涸轍

甄陶終自待洪鈞還朝衣繡知非遠翹首鋒車渴

吐茵

送張鶴峯之官衡山

鶴峯以庶常左遷

臘月燕山咏雪車漢廷才子去長沙幾看天祿藜

邊焰且種河陽縣裏花太史浮湘文自富騷人弔

屈賦堪誇他年治績褒三異應有徵書換玉麻

和麗雪崖立春行樂詞韻

蜡從迎虎去春自策牛歸雲物東郊麗風光北

闕輝辛盤羅脆甲綵燕颺晴暉青序看方轉顛毛

感漸稀

其二

咬春傳舊俗賜餅記名卿

明申文定有賜餅詩

共指農祥正

還聽青鳥鳴條風回刺臘淑氣兆初正冰署從來

冷今朝也向榮

其三

俗打迎年鼓

臘月中擊鼓四迎年鼓見北京歲時記

池開冰底魚益

世恩堂詩集卷十四

六

梅腮欲笑岸柳眼偷舒萬戶飄幡日千門祭竈初

燕俗廿三日祭竈

何當霏白雪剝啄到幽居

其四

三度長安歲淹留興益賒十年官不調兩鬢髮生

華殊俗宜春帖鄉心破臘花眼看時序換久客動

思家

世恩堂詩集卷十四

世恩堂詩集卷十五

華亭王頊齡瑁湖

畫舫齋蒙三之上

起戊寅正月
盡十二月

戊寅元旦早朝書事

十年拜舞赤墀中今日班仍近侍同

舊制翰林講
讀學士俱隨

班在

中和殿行禮後侍立

太和殿廊

內殿

嵩呼萬歲早嚴廊鵠立五雲東春風鳳曆朝衫暖

今年立春在臘
月歲朝特暖

日耀龍盤畫棟紅

殿新落成中間
金龍畫柱燦爛

目糜祿獨慚無寸補棲遲敢望積薪通

朝元歌六首和麗雪崖韻

世恩堂詩集卷十五

一

元會風和雉尾開千官鳴珮上蓬萊太平

天子

真神聖航海梯山萬國來

其二

香案東頭早闕班侍臣咫尺覲

龍顏分行恰傍

宮懸立身在鈞天廣樂

立處多
陳列樂器

其三

三駕躬清絕塞塵呼韓稽首盡稱臣化行青海窮

西域共識中華有

聖人

時苦苦腦兒台吉來
朝即青海蕃王也

其四

王公玉陛兩班分次第成行駕鸞羣五色繖開雙

扇合殿頭香氣結氤氲

其五

一官竿濫在冬前又荷

恩綸侍講筵逐隊隨行

來賀朔氈氈白髮已華顛

其六

拂拭朝衫意惘然故入多少見飛鸞頭銜不改冰

條冷虛度春風已十年

新正五日華隱公凱雪崖東田蓼懷蓉湖丹

壑小集寓齋東川芝田有他阻和雪崖三

日宴集韻答之

世恩堂詩集卷十五

二

常年歲酒君先舉籠羈辛盤我後隨令序風光仍

未改故人歡會莫教遲枝頭好鳥聲初換簾外春

暉景漸宜小戶也拚同茗芋逢時不樂亦何爲

其二

時清人樂踏歌齊禁徹金吾曉夜迷千點銀花光

滿路一痕春月印前溪周郎豪興雄杯酒沈吟詠

諧善滑稽時東田與蓉
湖互相善謔獨有汪倫與楊子同時養

疾悵分携

和答雪崖小集寓齋韻

年光四度客金臺家釀先因好友開賓主迭爲連

日飲笙歌又逐看人來盤餘臘味無兼品壁映春
燈似落梅未省周郎歸太急諸君漫作小喬猜詩來
有何爲周郎
頻問夜句

春王十日 暢春園早集

五更趨 別苑星斗爛城西馳道瞻龍尾春風信
馬蹄遠山千疊翠疎柳兩行齊鵲立宮墻下紅雲
咫尺迷

孟夏望後二日宛平相國招集同人看花豐
臺次少司成張寄亭韻

清和風物望中新早踏郊坰道少塵荷葉田田浮

世憲詩集卷十五

三

水面馬蹄得得看花人藥欄鋪錦燕山景櫻筍堆
盤吳苑辰誰似謝公開別墅不將獨樂却留賓

其二

十畝芳華眼底寬八窓疎豁一亭安高槐人映鬚
眉綠丹井泉流沆瀣餐露浥晨粧嬌玉砌風吹香
氣入雕闌翻堦不讓花王貌合佐元公清燕歡

其三

紅紫紛披天下無開尊那惜倒千壺朝霞映處光
同麗皓月來時影不孤消水風流差得似黃筌妙
手亦難圖鼠姑未許呼爲婢十二闌干護錦枌

其四

相公朝退却騶鈴爭擁籃輿過野庭一路山光如
罨畫十分花事未飄零舞裙色妬芳姿艷歌板風
回醉客醒何幸叨陪珠履後玉人麗草共娉婷

其五

山房疎野敞軒楹裴令原來有勝情密葉漸交雙
樹影流鶯初轉隔年聲名花盡日看難足好景當
前畫不成無那酒闌人欲散幾回惜別獨遲行

悼亡妾

薄宦相隨入 帝州羈棲八口共離憂三年需次

世憲詩集卷十五

四

多閒日賴爾敲枰忘客愁時與對奕

其二

玉折珠枯淚泣然此生難見月重圓朝雲何事悲
彈指天女終離塵垢緣東坡悼朝雲詩有彈指三生斷後緣句

其三

樹底殘紅滿綠苔傷心逝水去難回平生愛佩宜
男草那識明珠是禍胎以產亡

其四

簡靜韓公實我師鐵腸不作有情癡惟因老伴憐
通德難忘燈前擁髻時韓魏公盡遣女樂同列勸其且留公曰所樂能幾何

而常令人心勞孰
若吾簡靜之樂也

其五

留滯京華有五年時彈老淚泣啼鵲方悲嬌女還
孤櫬又痛清娛下九泉時方送殯女櫬歸里

其六

金釵十二豈無人偏我孤鸞命獨屯三娶單身嗟
已酷區區絡秀不長春王建詩云再經婚娶尚單身余則三矣

送令貽宗兄之官銅仁

葵榴花發景清和萬里之官去驛多棠蔭已看留
百粵前令琴聲還欲化諸維泉飛甘梗雙流別分

世宗詩集卷十五

五

清濁山登銅崖二水過山屹時大小銅仁江中仙令才華真
可美放衙無事獨高歌

午日同胡納言明經築巖叔圖焯圖娘兩兒

小飲畫舫齋

客中四度過重陽冉冉年華黯自傷畫鼓龍舟思
故里榴花菖葉儼他鄉五絲難續佳人命兩鬢空
添青鏡霜漫把一尊酬令節聊同親串話風光

夏至前二日同諸公齋宿院署即事

雙槐交影玉堂清夜靜稀聞鈴索聲劉井水泉仍
灑灑柯亭花氣自盈盈北郊典肅黃琮盛西省人

嗟白髮生十載幾逢陪祀禮喜同寮友話昇平

麗雪崖將之官建寧屬題梅華道人畫

梅華道人畫神品風流太守政清閒放衙暇茗時
相對身在丹山碧水間

送麗雪崖出守建寧

千騎南方去朱轡領上游丹山終日對香草四時
幽題柱聲名舊寨帷政績優閒來多著述數寄慰
離憂

其二

吾昔曾遊此無緣到武夷幔亭勞想像玉女恨差

世宗詩集卷十五

六

池良友今分守名山得主持時清公事簡杖策日
應之

其三

君有王濛癖常看七碗時郡山多茗薜鈴閣開槍
旗治行應無忝風流已在茲遙知閩嶠上到處滿
題詩

其四

宦游同作客四載望衡居刻燭時分韻看花每並
輿離雲多黯澹去馬亦躊躇欲慰相思渴休令魚
鴈踈

長夏苦熱偃仰殊歸軒中思故園作

何處能忘暑佳床竹塢安門閒車馬少地僻藥闌
寬白日科頭睡青山對面看故園饒水石消夏有
漁竿

送朱柯亭之官襄陽郡丞

故人佐郡楚江隈勝地分符實壯哉醉酒每扶山
簡馬呼鷹時上景升臺池荷照眼迷征旆亭柳如
眉映客杯治行他年應第一鋒車早覩入蓬萊
勞書升銀臺以次君竹馬紀年冊索詩即次

高江村簷事原韻

世尊詩集卷十五

七

慶協充閭自帝鄉德門奕葉覩重光前身作佛
稱金粟早歲能詩詠鳳皇跨竈定知推法護將車
已見亞元方靈均當日庚寅降千載同符蘭蕙香

仲君庚日生小字庚屈子
庚寅降王逸章句謂日也

其二

我來京國送君歸惆悵三年踪跡違余甲戌冬入
都銀臺乙亥

春南還賦喜覩雙旌當久別相看兩鬢又驚希頭

詩送別龍分虎南方去時長君出
牧象州老鳳將雛碧落飛最是

謝公庭樹美人間那復有芳菲

咏白鹿應令并序

青宮有白鹿一高數尺領小白鹿二其一即所產
也圖之於扇濯濯松石間傳

命詞臣賦之敬作七言近體古風各一章

瑤光散彩耀天衢瑞獸金方皓質殊色映雪花千
歲壽角含瓊玉七星符食革共聽呦呦響求友爭
看濯濯趨聞說聖朝崇孝治先呈白鹿應禎圖
嘗聞盛世多禎祥麒麟鳳鳥爭游翔又聞至德及
禽獸白鹿麋麋在靈囿此事由來艷簡編天庥協
應非徒然我

皇聖澤暢九垓萬姓樂育登春臺四靈為畜百獸

世尊詩集卷十五

八

舞昆蟲咸若無驚猜青宮仁孝頌

元良重潤重暉播樂章因之和氣感庶類瑞鹿呈
祥毛質異玉角高騰七曜文銅牌細勒長生字儵
儵羣友行追隨白石青松恣游戲銜草鳴麗娛上
林天 and 地德被恩深應同王母輪環使來獻禎符
億萬春

七月十七日雨後新涼偶作

三伏行將盡秋容漸可觀天涼人意爽暑退綰衣
乾紅蓼高於屋黃花蔓出欄四年嗟旅食空自老
長安

其二

獨坐小亭中亭虛對碧叢亞檐垂聚實傍砌響秋
蟲素月娟娟淨生衣楚楚同眼前新物色不覺又
涼風

閒窓

蕭寂寞同野老屋竹床柴几興悠然閒窓景物清
秋麗小雨亭臺白晝眠滿地黃花金縷合一庭紅
蓼珊瑚鞭還思此際鄉園裏早桂香浮絕可憐

仲秋感興

閒治小圃任生涯戲蝶娟娟撲慢斜爛熳秋花緣

世堂詩集卷十五

九

石砌菁葱樹色過鄰家思鄉獨對南樓月懷古空
談萬里槎十載棲遲東觀老鬚髯衰鬢冷霜華

羅繼峰大銀臺寓齋秋蘭一幹十枝一朶九

瓣作瑞蘭詩十首出以見示即和原韻

服媚由來重國香紫莖綠葉汎晴光曾從太傅庭
中見又向銀臺室內芳

其二

約綽嬌姿淺澹粧花敷六出冠羣芳應知不作幽
人佩獨秀當爲王者香

其三

都梁嘉種自芬芳那有奇葩煥九章堪與黃筌作
圖畫芝蘭奕葉表重光

其四

蘭林曾見陶潛賦藝苑先傳屈子章奏事更聞來
漢殿尚書握裏有餘香

其五

吾家摩詰輞川莊綺石栽來異草芳千載風流誰
得似高懷今復有君章

羅含庭中忽蘭菊叢
生人以爲德行之感

其六

騷人咏物費平章秋菊春蘭各擅場記得誠齋詩

世堂詩集卷十五

十

句好紅牙亂吐碧花香

楊誠齋詩云雪徑偷開淺
碧花冰根亂吐小紅牙

其七

重臺旖旎出都房襲襲清芬獨遠揚從說並頭猶
異朶同心那比此花芳

其八

秀質堪登君子堂清辭蘭蓀一時芳滋培不忌當
門種擁護常留入室香

其九

任公臺裏實僚聚內史亭邊泛曲觴佳話只今誰
繼美名花有意耀瓊芳

其十

茁茁蘭芽映錦堂龍孫鳳子慶方長當年七穆徵
佳夢應親充閭兆此祥

秋日同曹蓼懷史胄司兩學士周礪巖洗馬

徐子貞諭德萬柳堂偶集即事二首

相公遺構有莎廳嘯侶重來柳尚青縹緲層臺凌
絕磴沿洄一棹入幽汀壺觴自具無賓主身世休
論任醉醒日落西山始歸去六街燈火已熒熒

其二

孤亭突兀倚山椒一徑陂陀接畫橋搖蕩荻花看

世恩堂詩集卷十五

上

舞雪空明藻影滑游鱗僧寮坐久諸天靜鴈字書

成碧落遙選勝正當秋景麗城南還擬重聯鑣

和周礪巖洗馬萬柳堂秋集韻四首

騎馬城東陌秋光更不同愛閒餘我輩選勝托諸

公流水斜陽外荒亭萬柳中相看幽意愜切莫去

匆匆

其二

潭水明如鏡烟波興未賒懷鄉憐棹曲

時談江鄉舟子夜唱

棹歌聲為之神往

隨地飯松花豈是愚公谷還同野老家

吾廬東海畔幽趣亦堪誇

其三

停橈依絕巘攀枿上孤亭朔鴈一行白西山數點
青壺觴欣偶集談笑信忘形莫惜樽前醉空教眼
獨醒

其四

巖鳥緣高下溪魚任泳游逢時開笑口散步得林
丘人指平泉木天橫白露秋吾徒真好事還作入
山謀

時有西山之訂

和史胄司學士萬柳堂秋集韻八首

得得霜蹄活活泥一壺清酒小童携秋光絕與閒

世恩堂詩集卷十五

上

官稱直引遊踪到柳蹊

其二

行厨僧舍草堂鄰佳味登盤出錦鱗

時蓼懷礪巖各携嘉魚

飯罷臨流閒弄楫此身原是五湖人

其三

綠野蕭條景物涼曾隨謝傳到山堂不堪重踏西

州路衰柳依依出短牆

憶馮益都師也

其四

蘆荻花飛淺水濱櫂頭船載玉堂人秋波照影鬚

眉綠不染元規半點塵

其五

放眼平岡遠岫分空林暮靄望氤氲摩霄獨鶴凌
風健萬里青天無片雲

其六

溪流曲曲兩山間只少漁莊足往還何日歸帆向
南浦一竿疎雨蓼花灣

其七

醉眼迷離日又斜老僧揖我餉清茶劇談酒醒蒲
團上落葉蕭蕭噪暮鴉

其八

世學詩集卷十五
三
清泉白石致原幽世事空嗟肉食謀紫螭堆盤黃
菊綻西風側帽作山遊

和徐子貞諭德萬柳堂小集韻

仲秋霜露零雲物致澄爽聯轡戒晨策林杪日初
上木葉既微脫天氣一何朗振衣躡高臺長嘯空
輒挾江爽搖洲渚巖雲蕩書幌雙童理輕舸湖光
亦滂泱田權礙曲池舟橫亂蒲蔣游魚穿藻影宿
鳥驚林響宛在蒼霄間烟波出蘭棹携壺陟崇丘
素心愜幽賞感時共懷古高談闢榛莽脫帽藉草
眠聊且恣偃仰胡爲風塵中終日意恂恍尊鱸三

江肥及時鳴五兩

送同年荆念仁侍御假還丹陽即和留別原
韻

送客秋高紅蓼天曲江同醉憶當年桓驄行處人
爭避陶徑歸來菊自妍北固江山朝對酒南徐花
月夜鳴舷懸知聖主虛前席谷口鋒車聽早傳

九日携兒子圖焯圖娘圖耀登慈忠寺高閣
時圖耀方三齡

令節他鄉無伴侶却携稚子上層樓繡幢焚夾諸
天靜白鴈黃花滿眼秋但有山川聊極目總無風

世學詩集卷十五
古
雨亦堪愁奈師竹馬能從我少長同爲半日遊

季秋同諸同館遊黑窑廠慈悲庵因至黑龍
潭祝家園即事三首

城南多勝地幽寂是西偏野寺兼葭外秋山夕照
邊眼中無俗客袖裏有新篇座客出新
詩傳觀酌酒風亭

上烟光倍可憐

其二

龍潭遺跡古步屨且盤桓廢井銀牀塌荒池玉甃
殘佩壺來野客祈雨宿祠官宗伯祈
雨宿此何處堪登眺

危樓怯倚闌

其三

更與探幽去前林有祝園面城惟水閣藉草得高
原拍拍飛鳬起嘹嘹白鴈翻流連貪野趣絕似在
江村

少宗伯韓慕廬前輩出示所

賜御書篤志經學四大字命賦恭跋卷後

薰風藹藹動椒除綈几瑤編自卷舒聞道 至尊

崇澹泊臨池惟愛永和書苑中齋名
澹泊為德

其二

西清黃繖五雲中聽政餘閒染翰工鳳翥龍螭驚

世恩堂詩集卷十五

五

墨妙淋漓絹素寫屏風唐太宗有
屏風書

其三

雲烟落紙動盈箱 御墨流傳遍八方義畫禹書

高萬古不教能事數鍾王

其四

奎章寵錫有輝光四字榮題下玉堂共說春卿稽

古力何須常侍笑登床

其五

江都正學尚沉淪楊子談經遇亦屯漫說西京文
治盛親揮宸翰賜何人

其六

典禮崇班 簡命膺頭銜還帶一條冰品題最得
君王眷不數明經有戴憑

其七

歐陽飛白紀恩隆元祐眉山賜翰同佳話千秋猶
在口遭逢今復有韓公

其八

雲漢昭回日月華無雙經學 帝心嘉石湖空有

淳熙筆但說山川未足誇宋孝宗書石湖二字賜
范文穆公成大不過表

其鄉里山川未若先生以
經學受知為可榮美也

世恩堂詩集卷十五

六

其九

金榜新懸在畫堂雙鈞 御筆供中央還將墨本

藏高閣應有榮光燭九閭

其十

韋公相業一經長此後 恩波未易量行見 天

書題署徧堂名舊學閣明良宋孝宗賜史魏公浩
書堂名舊學閣名明

良慶
會

和史胄司學士慈悲庵諸處遊覽韻

選勝郊遊瘦馬遲西風木落鴈來時酒徒聊共荆
卿飲秋氣遙含宋玉悲黃菊再逢青鬢短白雪常

負碧山期間齋獨對寒燈影手剔殘煤自咏詩

其二

城隅聯袂踏莎行段渚蕭蕭狎鷺盟泉冷龍湫僧

院廢園荒金谷蔓烟平秋杵落子聲逾靜時蓼洲芝田對奕

玉笋飛觴氣自橫樵唱夕陽牛背笛林間餘響

尚丁丁

大烝陪祀恭紀

穆清 九廟雉門東禮備冬烝盼蠻通 鑾輅謁

陵鷄塞遠上公攝事駿奔同上東巡遣官恭代

舞干合樂陳丹陛蕭火升香繞閤宮侍從廿年慚

世恩堂詩集卷十五

七

竊祿潔齋劍佩共趨風

午門頌曆恭紀

蒼龍闕下集簪裾鳳曆頒來拜捧初欽若早聞義

叔命始和還布大橈書璿璣測驗依天紀玉琯推

移得閏餘慙愧白頭金馬客廿年待漏冷銀魚

題史耕巖學士下直讀書圖

竹梧池館畫簾虛挿架牙籤校勘餘謾說風流誇

小宋但圍紅袖著唐書

其二

退食從容下直廬一池花影漾芙蕖已窺延閣琅

函遍還讀家藏舊賜書

其三

阮何風貌黑頭公紫几丹鉛滴露紅穎士奴猶親

博與捧書侍立畫圖中

雪後携幼子圖耀負暄窓下

炙背南榮暖勝綿閒携穉子戲窓前呼童掃雪開

三徑乞火烹茶過二泉隣樹葉凋巢影出簷花霜

落竹枝鮮水仙本是江鄉物挿向銅餅映日妍

題同年李公凱松陰讀書圖

奏賦 彤墀識面初廿年朋好半凋疎披圖依舊

世恩堂詩集卷十五

六

髯如戟一卷松風鶴夢虛

其二

同直金鑒已十年一官不調互相憐知君晚福徵

豐下愧我衰慵似柳眠

同州守金道騶之官徵詩贈之

聖主求寧西顧憂循良 特簡牧雄州上念秦晉要地自州郡以

上官皆 特簡地當馮翊推三輔同為漢人擁朱

轡領上游民氣漸看榆社樂吏呼應免石壕愁知

君奏最牛車集爭誦兒寬治績優兒寬為左內史即同舊治也

入朝口號

月白城頭鴉未啼馬蹄得得趁朝鷄廿年簪筆慙
無補三字冰銜冷自題潘岳鬢周安拙宦嵇康性
懶愛幽棲只應歸老南山下抱犢江村把一犁

臘月曉入直

禁城初啓接輪蹄街鼓聲稀曙色迷幾點疎燈龍
尾上一規涼月鳳樓西口脂面藥承新澤紙帳梅
花憶舊蹊濫侍螭坳幾廿載卽當衰髯尚羈栖

歲暮感懷

潦倒冰銜已十年宦情懶似柳三眠鷄知斷尾難
登廟鼠爲拖腸不到天老去田園新活計閒來翰

世恩堂詩集卷十五

元

墨舊因緣曆頭檢盡成何事又覩椒盤臘味鮮

臘月杜少書來并示見懷之作賦此奉答

不見衣生已一年雙魚千里托瑤箋懷人詩有停

雲妙引疾心因誓墓堅書中有轉假語冰雪他鄉驚歲晚

笑談良友憶尊前五湖余亦思歸切此後山川益

渺然杜少家東明去雲間二千里

對燭花感賦

燈花太喜此黃昏豈有春風到雀門久笑抑揄從
路鬼肯將得失問乾坤乾螢伏案嘗相守宿火圍
爐且共溫寄語天公休簸弄廿年消盡杖藜痕

送李天閑之祁王乃明之汾陽令任

聯翩出宰去京華還憶當年擁絳紗荏苒霜毛愁
點鬢參差花影喜排衙并州山色塞帷落汾水秋
風蕩梁斜知爾政成同保障行看鳳紙錫天家

歲將除矣獨坐亭中慨然有作

獨坐危亭見遠山悠然意與境俱閒誰家爆竹驚

殘臘且酌屠蘇醉客顏醜歲他鄉看節物吳蜀風俗晚歲

相與醜問謂之醜歲買貳老子任癡頑范致能有一年過眼

嗟何易難得官成似九還

其二

世恩堂詩集卷十五

三

他鄉風景逐年殊守歲京華五載徂冷宦迎春無

煖意舊桃錢臘換新符家家擊鼓通宵樂院院燒

燈萬戶娛養拙不求如願事灰堆隨例打來無中吳

風俗除夕持杖擊壤以祈利市謂之打灰堆本彭蠡清洪君如願故事

除夕獨酌對盆梅

閒門度歲似僧關賴有寒梅伴客顏臘酒細澆生
菜甲春燈低映小屏山天涯節物頻仍換故里鶯
花取次斑留滯一官嗟晚晚五湖孤負舊烟鬟

世恩堂詩集卷十五

世恩堂詩集卷十六

華亭王頊齡瑁湖

畫舫齋藁三之下

起巳卯正月
盡五月

巳卯元旦 太和殿朝賀恭紀

鳳紀億千萬歲曆龍飛三十八年春小臣何幸逢
昌運元會同來拜 聖人丹陛日華迎綵仗玉階
仙樂動韶鈞獨憐廿載螭頭客幾度青陽白髮新

春正三日東川招同年小集漫賦

辛盤歲歲老龐開

每年三日雪崖置酒招同年團拜

此日君先召

客來一室團樂仍舊侶三朝節物逗春梅藏鈞奪

世恩堂詩集卷十六

一

馬爭離席北酒南烹笑舉杯到處爲歡萬事足踏
歌還逐看人回

元夕前四日華隱招同人集飲漫賦

上元節近放金吾良友開尊倒玉壺四壁花含千
樹白三杯酒賭滿盤盧春宵踏月攔街唱醉眼看
人脫帽呼小戶却輸無半合猶能堅坐伴君娛

元夕 暢春園東門早集恭紀

晨鷄初唱月猶高元夕簪裾集衆曹四野星光聯

御苑一條燈火接林臯傳柑咸里開瓊宴走馬

天街簇錦袍

是日皆衣蟒服

時際昇平多樂事九衢簫管

徹雲璈

送宮贊宋葑洲扈從 南巡閱河

禁城春色正芳菲嚴馬風流從 六飛紫塞轉輸

來

錫命先以運餉塞外優叙

宣房扈 蹕有光輝時依鳳

帽穿花渚每傍 鸞輿歷翠微應 詔定知多著

作雲烟落紙不停揮

送薛澱二弟扈從還吳

年來屢發田園興日日思歸未得歸喜爾 新恩

隨豹尾引余舊夢返漁磯青山到處陪 金輦春

晝還鄉耀錦衣莫羨枚臯才思敏摘毫應 詔手

世恩堂詩集卷十六

二

如飛

春日偶咏

咬春過後逢燕九又見他鄉節物新留滯一官歸

未得梅花虛度故園春

首春即事

春城又遇落燈天御柳禁寒怯逞妍詞客紛紛誇

色從羈人黯黯獨愁眠無能且喜居閒地行樂還

思逐少年祇有 君恩難報答遲迴未得賦歸田

廟市買紅桃歸作

天桃約綽傍香臺早得花師著意催紅暈半嬌如

有恨絳唇一點爲誰開渾疑西子朝酣後絕似楊妃春睡來無計消愁聊復爾南窓還有兩株梅

其二

北地風寒草未芽小園桃杏尚含葩人工欲奪天工巧正月先開二月花若比紅兒應不媿即看絳樹亦同誇魏文帝與繁欽書曰今橫陳四壁供幽賞春色江南未覺賒

懷歸

冷署浮沉二十年毵毵白髮已盈顛倦禽無力惟思退老馬安驅自不前楊子談玄原寂寞嵇生好

世遠詩集卷十六

三

懶托神仙算來長策歸耕好尚賴先人有薄田

仲春陪祀 文廟恭紀

上丁釋奠 命元臣濟濟衣冠列搢紳殿上御書瞻鳳藻庭前古柏作龍鱗文留石鼓千年舊聲協金絲萬代新憶自曲江初解褐忽過二十四番春

社稷壇陪祀恭紀

先師方釋奠 社稷又春祈五土封猶古三牲禮不違栢松壇樹迴風雨地靈依億載馨香遠豐登遍九圍

二月九日曉入直廬遇雪

春雪悠揚下玉墀直廬曉入點霜髭 六龍親歷

金隄上萬姓欣瞻 翠輦時聖駕閱河南巡 聖

政紀來高二典瑤函捧處仰疇咨小臣何幸叨簪

筆只恐無文愧職司時同少詹徐果亭前輩修起居注

花朝前三日竹窓偶作

雪後春寒風色驕眼看佳節又花朝丁香嫩紫猶含蕊楊柳嬌黃未上條木榻清虛聊偃仰竹窓幽雅漫逍遙遷除懶問朝中事頻喚樵青灌藥苗

探園中桃李

世遠詩集卷十六

四

問訊園中桃李顏偶移步屨啓松關春風綠染庭前草霽雪青浮閣外山懶性日惟支兩板麗詞或可付雙鬟此生最好是閒適未信人情不愛閒

花朝

花朝燕地尚無花兀坐荒齋興轉賒風動綵繒寒料峭是日俗以五鳥啼簷樹語周遮閒摹古帖消清晝獨上層臺望落霞眼底三春歸已半宦游那得不思家

稍喜

稍喜居幽僻喧囂遠市聲抗懷成獨往懶性畏將

迎薊北花遲放江南草怒生遙思故園裏春鳥正飛鳴

春分前三日風雨連朝獨坐偶作

東風料峭簾旌下小雨霏微齋閣前來日正看朱
鳥宿今朝已是落梅天愛閒官職何妨冷養性琴
書自有緣買得幽蘭香滿袖軒窓几席盡芳妍時買草蘭種磁斗中置八案

其二

春光九十去逾三惻惻輕寒柳未乾短髻生華淹
薊北畫船聽雨憶江南看花有興聯遊騎時約友西山看

世恩詩集卷十六

五

花中酒無聊類卧蠶何似抽簪歸舊業黃鸝啼處
把雙柑

春分日口占

一望青畦剪剪齊和風拂處酒帘低庭前桃李經
時綻牆外鄰鷄向午啼聞草人歸逢社雨穿簾燕
去落巢泥春光過半無聊甚獨檢詩牌信手題

大風雨沙春意索然率賦

檐外桃花紅破萼堦前草色綠欺袍社公不放春
田潤社日雨名颶母空聞白晝號聊凭熏爐看睡
鴨閒披絹素點霜毫忽思峯泖遊人集畫舫青簾

水沒篙

見稚兒爲竹馬戲

窓前嬉戲我驕兒截作簣當學衮師見爾聰明開
笑口不妨老子髻成絲

此日

此日江南鶯亂啼青山繞戶野軒低裙腰草沒桃
花畔鴈齒橋平楊柳溪幾處吳蠶方上簇誰家海
燕正銜泥若爲留滯不得去拋却春光谷水西

春山竹枝詞八首

泥金衫袖水沈熏蟬翼輕分兩朶雲齊上游山春

世恩詩集卷十六

六

艤子青油簾裏隱紅裙

其二

幾曲紅橋映柳堤清歌檀板咽前溪泥車瓦狗堆
山店買得歸來日已西

其三

紅花獵獵菜花黃正是江南春晝長燕子雙雙鶯
作隊相邀女伴去燒香

其四

玉筍山頭帶土黃新茶廟後摘來香至今粧妝眉
公印誰識頑仙宅已荒頑仙微君廬名

其五

蕭相藍田有舊莊少時曾記繫游航回廊千尺依

山轉怪石亭前樹百章

余山有徐文貞別業亭名怪石供

其六

干將石上紫苔蒼猶是吳王射雉鄉桑柘陰中春

社散紙錢飛過乞花場

陳徵君結茅小崑山祀二陸乞四方名花植于堂側

名乞花場

其七

平原村下水灣環名士堪悲唳鶴閒黃耳塚邊青

草沒

相傳有黃耳塚

春風依舊陸機山

其八

橫雲石壁削青蒼

石名小赤壁

內史家山草又長

橫雲山有

陸雲故宅

重向麗秋堂下過已將伎館屬空王

山下向有李氏

園堂名麗秋今已廢為僧舍

題錢太僕再亭寄園圖

園為太僕婦翁吳公舊業已再易主太僕

規還加葺繪圖索賦

季子當年巖壑成名園復反似初營冰清玉潤相

輝映紫燕黃鸝自送迎崇讓尋春花再發蒿丘懷

舊月重明披圖恍對湖山面應識湘靈有勝情

讀白少傅集有感口號

集賢滌倒一緋衫

唐制五品官衣緋

白髮蕭蕭瘦似嚴何

異樂天嘲太祝十年不改舊官銜

余官講學已十年矣

其二

曼容自免六百石陶令居官不半年最愛白公詩

句好緋袍着了好歸田

上已前三日偶作

連朝撲面有風沙未放庭堦一朶花頭上素絲千

丈落眼前春色二分賒冷曹似水安心竟美酒如

油醉態斜高卧不知遷轉事朝中若箇聽黃麻

西窓

世恩詩集卷十六

八

門冷無殘客官閒似散人擬將詩送老兼賴酒消

春雨潤桃花嫩風搖蕙草新猶愁鷄肋絆未得採

江蓴

念吳越山水

桂子三秋誇越郡紅橋四百說蘇州少牽場屋無

由到老作官身不暇遊千里家山空對月數年踪

跡倦登樓何時拋却朝衫去蹋遍江南水與丘

清明前三日雨雪交作獨坐無聊閒吟遣懷

泰娘橋外綠蕪平蘇小門前柳喚鶯如此風光竟

拋却蕭蕭雨雪近清明

春日懷鄉中景物

潑刺黃魚初貫柳，嫩嘗綠蟻正盈缸。
梅花過後桃花艷，又聽交交鶯語雙。

題家虹友寫真

門傳銀鏤相公家，滿座貂蟬七葉誇。
最愛當年何幼道，名高第五謝紛華。

其二

十子江東舊有聲，杜家中弟最知名。
錦囊裝得詩千首，不羨通侯萬戶榮。

其三

世恩詩集卷十六

九

六尺簾邊無長物，數枝菊影有餘姿。
旁畫奚誰能奴猶菊詩會得先生意，只詠西田穫稻詩。
陶公有西田穫稻詩虹友家有西田

別業

其四

天寶詩篇推杜老，襄陽耆舊數龐公。
藥爐茗椀風流甚，更有何人似此翁。

其五

方瞳綠髮地行仙，一幅生綃顧陸傳。
白恰蕭閒名士態，那知褒鄂畫凌煙。

寒食

禁烟節物又今朝，細柳搖風過板橋。
榆火一年逢熟食，杏錫三市聽吹簫。

西山紅蕊開猶懶，東觀青綾冷未消。
遙想江南爭望幸，花光草色十分饒。

清明日作

帝城風暖弄晴暉，九十春光大半歸。
楊柳村中帘影颺，馬塍花下紙錢飛。

出署偶作

春色行將老人間，事日多灌花呼便了。
便了見對月飲無何，素種謂盛日南方卑濕絲能日飲無何而已答颯安時命。

世恩詩集卷十六

十

謂鄭鮮之曰卿與傳謝俱有功關洛卿居僚首今日答颯去人遠遠生真草草我意在巖阿，疎慵任嘯歌浮。

齋前山桃二株盛開是余三年前手植

兩株桃樹一番新，來伴西窓孤客身。
幾度花紅似人面，不堪人老對花神。

季春望日偕同年李公凱汪東川曹夢懷沈

東田同館史胄司徐子貞興勝寺看杏花，春光暖艷麥畦斜。
結伴來尋古寺花，柳葉陰中聞布穀。

杏林深處飯胡麻，摩挲銅狄趨仙觀。
元福宮看宣銅

鑄披拂松風坐軟沙昌運宮歸去一鞭西日下青
山數點暮雲遮

其二

三年前在此銜杯轉眼春風過幾回乙亥三月陳乾齋庶子招

飲于紅杏一林依舊笑青絲聯騎又重來韭花鷄

臞隨人具自携具茗粥香醪到處陪茗粥見茶錄那有

閒情如我輩僧寮羽觀儘徘徊

暮春偶感

浴堂十度見花紅依舊頭銜鬢已蓬自分支離如

散木安能屈曲學屏風春貪社酒千場醉老覺浮

世憲詩集卷十六

士

名萬念空更喜青山時入夢五湖烟水浩無窮

示稚兒圖耀

官閒退食坐窓東聊弄陶家小阿通搏鳳蠟珠思

自巧塗鴉紙筆費將空抱兒置膝王懷祖折齒爲

牛齊景公何日南還樹桑果分甘割味樂無窮

和汪同年興勝寺看花五十韻

錫粥清明後新茶穀雨前江南好風景薊北正芳

妍步屨西郊路聯鑣曲水羈綠楊枝嫵娜翠羽影

踟躕繡陌平如掌周行直似弦風輕搖細麥沙軟

趁連錢屋角花光颭壚頭酒旆懸誰家茅屋淨幾

處槿籬偏流水平橋外遙山別苑邊晴雲浮絮
白曉露濕花媚路口三义出莊名八里沿紆威來

古寺取次謁諸天興勝精藍舊園林紺宇連入門

迎野衲解帶愛逃禪杏圃葩千樹山亭突一拳馬

嘶鄰院柳犬吠隔溪烟盤礴憑欄憩流連藉草眠

林間遲友至門外喜車闌把臂逢中散登樓有仲

宣人俱金馬舊數恰建安賢席地花茵軟開尊酒

色鮮肴陳黃頤臙盤列縮頭鱗米糲虞棕法萍蠶

石尉傳牢九開士餉蟹眼小奚煎玉筋抄雲子銀

瓶嗽井泉相將登遠阜更與踏前川興極探幽勝

世憲詩集卷十六

士

情高愜靜便勝朝留鶴觀昌運托金僊昌運觀名敗壁

蝸殘粉危簷雨壞椽但餘松百尺且喜種千年艾

納霜皮裂龍從翠蓋圓風翻濤鼓盪龍攫勢飛驚

泰華神曾聳昔遊泰山見五大夫松華山見五將軍樹皆奇絕幽燕意復

遷剔苔看石碣携手話桑田客說摩訶好摩訶車庵名

田稻壠穿已公庭自潔般若語尤玄留客開茶竈

看花踞壠巔千株香並艷萬朵雪堪憐洗盞長瓶

倒臨風短髮卷笑談悲世態恨事感遺編自昔烹

宗季惟聞常侍專生前狐假矣死後塚壘然此是

維摩地何來張趙阡岡下多明季太監墳不須論朽骨且共

醉春筵斜日光將歛諸公興尚顛更尋元福觀再
拍化人肩金狄摩挲久銅鑪宛轉牽銅鑪人牽一
間加藍存舊物金粟悟前緣去去衝鴉陣行行策
馬鞭三春多笑口屬和寫新篇

丁香花下作

九十春光漸漸賒雀羅門巷靜無譁睡貪紙帳三
竿日起對晴窓百結花人呼丁香翠朵西山呈萬
狀梵音鄰院聽三車閒中景物差堪會不羨鳴騶
列戟華

和沈東田庶子興勝寺看杏花用東坡和蔣

世恩堂詩集卷十六

三

夔寄茶韻

吾生大有山水緣一丘一壑性所便東華軟紅非
不香自愛雲霞致澄鮮三月正當月三五約訪古
跡來林泉杏花千林十分放況有好鳥聲清圓風
光駘宕地閒美景物何異遊斜川共藉芳草陳蠻
榼奚必水陸張華筵長腰白飯花豬肉足令僧雛
流饒涎餘興騫騰猶未已祇林鶴觀恣搜研贊公
房後土岡上俯視花海開年年安得徐熙圖落墨
并使弄影歌張先對此令人不肯去賞酒尚有青
銅錢咄嗟世人徒碌碌蠅頭名利相微纏當前豈

無四難并此生安用百憂煎何如花時一杯酒聊
復中之追前賢心似古井無波瀾眼同不夜消娃
妍及時行樂適我志不勞肝腎空雕鐫

再疊東坡韻東東田庶子

風塵汨汨羈俗緣誰其灑落得靜便劉伶曾爲荷
鍤飲陸生解橐數擊鮮不爾且爲蠟游屐上蹋怪
石啜清泉城西古剎有興勝杏花作團樹影圓携
壺共醉芳顏下豪飲直似鯨吸川雄談快論空萬
古何必絲管張玳筵萊鷄真韭共縷切調齊醢醢
酸生涎席上有真韭更看寒具重羅麵雪白塵飛

世恩堂詩集卷十六

古

萬杵研昌運宮中松五鼠種來已是幾百年聞之
遊興更踴躍驅車穀擊相爭先眼前佳景無不有
清風要買何須錢但得勝情無俗韻閒從布韞青
行纏摩訶庵中僧解事龍團餉我活火煎屋後杏
林花似海相與共賞追七賢藉地傳觴日欲落花
光嬾嬾增芳妍手磨岡頭一片石題名共揭青瑤
鐫

四月二日李孟績農部招同同年汪東川祭

酒劉元嘆樞部卜芝亭憲副飲寄園和芝

亭韻

綠肥紅瘦餞春時天氣清和日景遲黃鳥多情求
故侶白頭無地報恩知醉來思卧平泉石興至頻
吟水部詩最愛藏鳥舊楊柳小闌干外一絲絲

再疊前韻東孟績農部

草木扶疎首夏時紫藤初發未嫌遲西園公子多
才思北海尊疊有舊知飛絮亂飄簾外柳拂塵重
讀壁間詩壁間有
余舊句安昌門下彭宣老廿載羈棲兩
鬢絲

送熊大司空蔚懷請告歸江右

辭榮年未及懸車爲愛林泉賦遂初囊有賜金疏

世恩堂詩集卷十六

五

太傅池多脩竹白尚書滕王閣上時携屐孺子亭
邊好結廬盡說東華香土樂西江風月又誰如

三疊前韻和東川心遠堂感舊作

曲江宴罷綴行時玉筍班中駕馬遲曾荷噬枯膽
帝笑却因捷足負師知子丙辰選館引見時
文勤師奏薦以起立稍
遲故吐茵每醉平津閣玩景常吟綠野詩重到山
亭花似昔不堪話舊雨如絲

四疊前韻酬孟績農部

心遠堂中話舊時飛英滿院悵春遲西州醉起羊
曇恨楚相廉爲優孟知花下過從惟故客尊前酬

和有新詩折腰小草君應懶我亦思歸把釣絲

四月九日第五子生漫賦

充閭佳氣慶蘭枝慙愧義之又有之家乏李衡千
樹橘生同陶令五男兒筵開湯餅金錢浴門設桑
弧繡祿垂養子誰云萬事足經營婚嫁畢何時

其二

愧非老鳳又將雛繡祿擎來掌上珠第五聲名須
不負小同降誕本無殊與余生
同月洗兒先祝安愚魯
跨竈何心望過胡他日歸與三徑在候門稚子不
愁無

世恩堂詩集卷十六

六

東川感賦牡丹詩索和五疊前韻酬之

奇薦無雙擅一時東風何事獨開遲天香自被東
君賞國色曾邀世主知粧鏡臺前妃子印金花箋
上謫仙詩洛陽名種姚黃進莫漫憑闌感素絲

六疊前韻酬東川思歸作

卓犖君應佐聖時才華况復似丘遲頻年京洛閒
居過樂府旗亭畫壁知花月銅街多勝日倡酬金
谷有新詩宦遊我亦風塵倦同向秋江結網絲

余既和東川思歸詩復疊前韻以廣其意

吾生富貴待何時及至來時亦不遲大倚伏中多

物變小迴翔處少人知一官難似三山草余需次萬戶輕於千首詩且共逢場聊作達莫教空化滿頭絲

八疊前韻感舊貽東川

曲江何幸得同時廿載風塵退鷁遲遊宦略如牛
馬走校書曾被 袞龍知余與東川同被命從
燒燈泥飲頻衝黑側帽看花共詠詩此日居然
成二老飛綿又見柳如絲

九疊前韻訓東川 天壇道觀看牡丹因憶

往事有感

世堂詩集卷十六

七

故人招我看花時鶴觀紆威去馬遲

前年臘雪崖招看常鍊師

東園

兩度春光真可惜一欄紅藥有誰知因君忽

憶朱陳舊

來詩有念座主沈文恪公和韻新傳皮句文恪與余有秦晉之好

陸詩猶記聽琴依藥竈廿年贏得髻成絲花主人高鍊師

善琴二十年

十疊前韻訓東川重過高鍊師山房話舊作

昔年曾忝奉常時每宿齋宮聽漏遲香篆爐烟秋
院靜月移松影夜窓知春風幾換顛毛雪塵土應
埋敗壁詩潦倒不堪重問舊漫拈湘管寫烏絲

十一疊前韻酬東川念座主沈文恪作

休文愛客著當時獎借人倫意恐遲有子已如蘇
許國薦賢真似魏無知進來家帖龍蛇筆賜出
宸章蘭雪詩上南巡時文恪季君恪庭庶常進公墨蹟特賜清風閣雪四字

猶幸康成同話舊山房重到淚垂絲

四月望後二日沈東田庶子招同人泛舟東
便門新河雨阻汪東川祭酒作詩索和即

次來韻

頻年夢想釣魚舟聞鑿新河接 御溝準擬携壺
同泛淥何來急雨欲生愁望晴且喜聽簷鵲擊汰
還思倚舵樓至竟不如歸去好烟波自在五湖遊

世堂詩集卷十六

六

送同年徐華隱閣學請告還里即次留別原

韻八首

學士抽簪返舊磯河橋折柳思依依草麻 北闕

留椽筆祖帳東門對夕暉栗里孤松陶令去鑑湖

一曲季真歸青山到處濃於黛脫却朝衫入翠微

其二

絲綸閣下耀華簪舊日飛揚翰墨林西省吟成紅
藥放南湖歸去碧波深懸車優老君臣分贈策歌
驪寮友心獨有白頭供奉客十年金馬尚浮沉

其三

鳳池同日荷 皇恩珥筆相隨躅 禁門我滯土
牛安守拙君叅釣軸被春溫曉鐘每見披星入夜
雨常偕剪燭論最美東還如內史分甘膝下繞兒
孫

其四

問事長頭每有徵當今博物讓君能詞壇虎視千
夫避筆力龍文百斛勝七子鴻篇推祭酒徐幹爲
軍謀祭
酒榘六朝麗藻數徐陵惜分無限離羣感析義何
由得面承

其五

世遠詩集卷十六 亢
憶昔蘭臺共校書才驚班馬志河渠西清香散芸
編裏東壁光分藜火餘命薄平生悲墮溷宦成此
日美焚魚看君料檢歸裝少襍被蕭然意晏如

其六

若論致事尚須年請急還山意確然少伯藏名思
泛宅張衡久宦賦歸田巖花林鳥新求侶酒醖茶
鐺舊有緣谷水鴛湖原接壤便期同上采菱船

其七

五十人同拜 紫宸簪裾聯袂一時新銅街並馬
看花晚 金闕朝天待漏晨分局校讐趨走密擘

箋題詠笑言親頻年聚散參商隔感舊當筵倍愴
神

其八

葵榴花發正端陽三徑遙知未就荒送客綠楊千
縷結懷人明月一庭方思錫宅
諸子也裴休宅畔聽僧粥
陸贄橋邊繫野航赤日東華塵袞袞何如跂脚傲
羲皇

華隱治裝未發再疊前韻八首

舊業南湖有釣磯宦遊京國廿年依芙蓉闕下拋
華紋烟雨樓前弄夕暉尊酒若爲千里別林泉真

世遠詩集卷十六

三

見一人歸八騶衣錦還鄉樂携得天香出紫微

其二

西清學士解朝簪倦鳥翩然返故林戀闕祇因傾
日切結廬惟愛入山深辭榮辟穀留侯志知止懸
車疏傳心舒卷浮雲殊自得不從簾肆問升沉

其三

六載樞機荷 聖恩常時奏對浴堂門叅知黃閣
絲綸重 顧問彤扉 笑語溫筆灑珠璣天上落

黨分洛蜀席前論

學士奏對甚悉
上問洛蜀黨事

西京遺事

誰人記書補龍門褚少孫

其四

海內賢良特 詔徵博聞強識美君能五行志失
心成誦三篋書亡對自勝掉鞅詞壇才跋扈舉旗
文墨氣憑陵蘭臺史筆推宗匠班馬於今有繼承

其五

學士祖尚書公舊第在湖
上令嗣今官內丘令并賦

駕湖甲第數尚書奕世聞孫領石渠有子才堪三
輔長傳家澤自百年餘日邊已覩徐卿鳳池上還
觀范蠡魚轉眼花封褒異績生兒真是仲謀如

其六

虎觀追隨二十年知君宦橐本蕭然平生不種江

世恩堂詩集卷十六

三

陵橘歸計誰謀陽羨田笑引溪山爲勝侶閒携琴
鶴作良緣綠簑倘許同垂釣好趁秋江鴨嘴船

其七

春秋休沐下 楓宸到處閒遊物候新道觀每偕
吟月夕僧寮常共看花晨朋因耐久情偏洽交爲
忘形意獨親手折將離方贈別蕭蕭班馬欲傷神

其八

歸旆飛翻襯夕陽青門祖道野雲荒丹榴紅藥花
交映薊北江南水一方進退士林關大節往來茗
雪有輕航故園松菊應無恙粟里淳風似上皇

聞棗花香偶作

數弓闌藥足徜徉小院深深夏日長跛脚北窓空
萬慮風來一樹棗花香

五月六日余媚洲潘雪石宋谷懷三同年招

陪徐華隱閣學於趣園適以他阻未赴賦

此志謝

名園祖席集朋儔牽率偏余阻獻酬未得追陪良
宴會空教悵望好林丘愧非武子虛賓坐最惜南
皮負勝遊聊托短箋期後約他時有酒笑髭留

仲夏十日小窓獨坐作

世恩堂詩集卷十六

三

綠樹濃陰滿院風匆匆節序過天中賣來芍藥街
頭少又見榴花照眼紅

南窓睡起有作

南窓晝永小如年高枕華胥一晌眠庭樹漸移西
日影茶聲初沸北山泉舊書有味還堪讀故友云
亡絕可憐時聞義山之逝何待槐安當夢覺方知名利等

雲烟

世恩堂詩集卷十六

世恩堂詩集卷十七

華亭王項齡瑁湖

畫舫齋藥四之上

起巳卯六月
盡庚辰五月

苦雨

霖雨愁三伏空堦滴瀝聞巷窪知路斷衣潤費爐
熏活活泥深尺昏昏晝不分漏痕看滿壁疑是換
鵞羣

雨後

雨後尋荒圃牆頭竹露梢衣牽稚子戲詩付小胥
鈔白日閒中過青山閣外交江東鮭菜賤歸思滿

世恩堂詩集卷十七

衡茅

其二

居然宮一畝亦有樹周遭曲徑苔衣滑緣牆辟荔
高繡羅嬌石菊香草折青蒿長夏聊棲托閒情讓
我曹

露坐

露坐空庭寂悠然心跡清疎林纖月上高樹晚蟬
鳴割味分童稚閒吟寫性情濁尊聊自遣萬事一
毛輕

秋雨

秋雨一庭幽涼颼暑氣收槐花垂屋角棗實挂牆
頭性嬾同眠柳官閒似野鷗無聊成獨往徒倚對
山樓

和同年汪東川祭酒韻送張毅文同年歸淮

安

白露溥高秋策策風鳴紙柳條折尚青執手行復
止舊業小山傍幽香落桂子河魚忽大上沸鬱沈
井里讀君三大賦規畫鏡終始分手上河梁長歌
托蘇李

時有河患毅
文作三河賦

其二

世恩堂詩集卷十七

聚首不數月胡爲遽脂輟敝屣進賢冠相將入愚
谷我居長安中鬱鬱傷局促羨君歸楚山眼前皆
麗鵬美酒恰如淮拍浮償我欲有時賦新詩挾藻
驚潘陸

次韻酬汪東川同年見贈之作

閒倚薰爐沈水添西山爽氣透疎簾靜看秋藥花
猶爛幸免冬烘夢亦甜愧我和歌同下里多君才
調似江淹林泉鍾鼎蹉跎過歲月空增華髮兼

書懷疊前韻東東川

白髮蕭蕭兩鬢添一庭紅蓼鳥窺簾身依冀北風

鹿倦夢入江南橘柚甜鄉信東吳雙鯉斷宦途西省十年淹市朝非隱官仍冷何似山中勝事兼來詩
有市朝塵俗林泉冷高致如君吏隱兼之句

秋興三疊前韻答東川

景物東籬漸漸添曉山飛翠欲鉤簾逢時最愛秋容澹回味方知諫果甜楊子談經鉛槧老潘仁拙宦歲華淹人生何必封侯達才命從來未得兼

畫舫齋即事四疊前韻東東川

畫舫齋中幽事添一籬黃菊半垂簾自知宦況如冰冷且喜光陰似蔗甜愛客有情常落落悲秋無

世遠堂詩卷十七

三

病亦淹淹人生只合時行樂將相神仙那得兼

思歸五疊前韻酬東川

倦客經秋歸思添搢頭曲几倚湘簾九山菊影疎而秀三泖蓴絲滑更甜老態鬢毛因歲減鄉書鴻雁過時淹街南幸遇同心友詩句清新庾鮑兼

遣懷六疊前韻酬東川

秋雨空堦涼意添閒門如水畫簾老生文筆思薑辣小戶香醪愛蜜甜鴻雁天邊人作字蟹螯霜後酒新淹古來達士陶元亮二晉風流出處兼

感事七疊前韻東東川

風雨重陽節序添杜門渾似下嚴簾鴻離弋者冥天遠魚上釣兮芳餌甜童子不因先爨熟潛郎甘受白頭淹惟思三泖秋光好蓴菜鱸魚色色兼

東川以元唱書扇頭見贈八疊前韻志謝

霜落秋高衣乍添紙窗燈火碧油簾老知風月增愁恨詩愛推敲闕苦甜絲筆生花江令美帶圍移孔沈郎淹何當便面勞相贈三絕君真一手兼

僉憲公垂兄移居同人携尊宴集即事

曲廊窈窕畫簾深高架藤蘿滿院陰丘壑眼前呈勝槩琴書靜裏見清襟客隨賀燕車方集花發東

世遠堂詩卷十七

四

籬酒共斟自是輞川多逸興却慚裴迪廁華簪

九月三日偕胡南荅閣學李公凱少詹曹參

懷沈東田兩學士汪東川祭酒家弟薛澱

泛舟東湖即事

秋光澹蕩御河湄一棹夷猶任所之交比竹林欣

把臂同遊者遊同赤壁共銜卮白衣人送王弘酒

大通橋部使者陳大兼遣人餉酒果黃菊花催陶令詩莫笑吾徒偏

好事閒情惟有野鷗知

重陽獨酌

九日他鄉秋氣高偏當佳節意蕭騷酒誰來送閒

門寂糕尚能題詩興豪白髮多情風落帽黃花無
恙手持螯龍山難覓登臨伴獨坐空齋首重搔

東川和九日獨酌詩見示再疊韻酬之

清秋雁影碧天高無事端居讀楚騷彭澤田園情
不淺元龍湖海氣猶豪重陽詩句多風雨爾雅箋
疏到蟹螯黃菊一尊聊獨遣把君新詠手爬搔

東川訂同人九日寓園登高不至有作依韻

酬之

未遂登高興兼孤泛酒杯園知三徑開花自一籬
開肅侶愁無和時約東田同往以事未米提壺懶獨來荒齋空

世遠堂詩集卷十七

五

寂歷遙望讀書臺

喜炳兒秋闈獲雋

乾鵲簷前噪泥金喜報頻科名三世接堂構一時

新遺硯還思祖炳兒少時大人極愛之先傳經幸有人賢書

進身始努力慰衰親

其二余元配李淑人生炳兒一人平日督課甚嚴庚申春淑人歿于京邸時炳兒年

一十

成名忻子遇感舊憶妻賢斷織情常苦九熊意可
憐將雛隨遠宦失母自髫年廿載傷心事今朝倍

黯然

聞婿李曰堅登山西榜志喜

鎖院棲遲久相期意自深三秋看折桂十上遇知
音曰堅九入棘闈玉潤名何忝鶯飛喜不禁轉生亡女恨
未得覩泥金亡女歿已四載思之愴然不覺破笑爲涕

送胡納言下第歸浙江

耗情何限秋風送客歸無媒嗟按劍懷玉淚霑
衣鳩杖雙親健銀鱗三寸肥天池聊暫息終見大
鵬飛

夢中得紅杏二句醒而足之

紅杏牆頭春意催綠楊枝外裊晴絲黃鸝紫燕雙

世遠堂詩集卷十七

六

雙語正是江南三月時

十月二十一日侍直 乾清門蒙

上垂詢臣項齡年幾何臣項齡跪奏云今年五十

八歲

上領之自愧謏薄濫廁 講筵將及廿載忽荷

聖恩下問馬齒不勝感激恭紀

日影瞳眈香案前忽蒙

清問小臣年螭坳廿載空頭白馬齒偏邀

聖主憐

其二

珥筆 彤廷近 御筵 重瞳迴顧 玉音宣自
慚虛薄遭

明聖遠勝郎潛白髮年初上班時
上即注視後問故二句及

其三

南人三十已爲衰梁武問顧協年張率言三十五
帝曰北方高涼四十強仕南方

聖恩優侍從頽齡那得 九重知

其四

自古漢文稱有道馮唐老去尚爲郎西清忝竊真

世遺詩集卷十七

七

何幸莫笑冰銜已十霜

送劉海觀以編修出守揚州

東方千騎擁華旌十載蓬萊舊有聲自是淮陽須
汲黯非關嚴助厭承明竹西亭畔聞清吹文選樓
邊聽早鶯他日政成還玉署歐蘇前事記蕪城

冬至院署齋宿感賦

十年齋宿第三廳玉漏沈沈倚枕聽宦興已同飛
鳥倦婆娑槐影照空庭

十一月八日蒙 恩遷少詹入署即事

十年前忝備宮僚余自癸亥爲宮
贊今十七年矣歲月星流華髮

凋此日承 恩趨鶴禁書圖孝綽笑剛條
其二

玉河橋下樂賢堂府署在玉
河橋南白髮重來意慨慷風

景不殊廨舍改依稀猶記舊春坊余爲贊善時署
尚庫監後經重
修又十
餘年矣

輓錢唐項博菴應徐少司寇浩軒前輩汪祭

酒東川命

藝苑爭傳說項斯獻書十上數偏奇一門麟鳳多
才子三竺雲霞入麗詞星隕少微名士厄心傷白
馬故人悲謂徐汪
兩公也挽歌却愧中郎筆誅德難題有

世遺詩集卷十七

八

道碑

立春日出署遇雪即事

瑞雪飄殘臘青旗颺早春豐年欣有象鳳曆喜方
新旅客添華髮 儲闈忝列紳還思故園內梅柳
漸含顰

庚辰元旦早朝 太和殿書事和東田沈學

士韻四首

元日和風繞建章燭天燎火玉堦長西清黃繖飄

飄舉 北闕爐烟燄燄香 三殿曉鐘移 鳳輦

千官鳴珮接鵷行 鑾回堂子朝

寧壽先進

慈闈萬歲觴 皇太后宮名

其二

霽霽紅雲擁日邊

一人有喜近臣傳班隨丞相呼萬早 先請中和殿行禮後侍

班左 鵠立巖廊執戟前扇影徐分天北極宮

懸只在殿東偏 樂器陳列庫左 萬年

天子神堯聖白獸尊開五色氈

其三

樂奏韶英出鳳簫鳴梢前殿徹重霄羣工拜舞趨

世恩詩集卷十七

九

元會四海昇平賀 聖朝雲日欣瞻

天表近衣冠猶識外蕃遙 時朝鮮國陪臣來朝 廿年侍從

空縻祿獨對春風白髮飄

其四

朝正大禮慶方伸 賜坐王公列錦茵八餅茶分

瓊液細九旒風動綵旗新璿璣自協三元節日月

重開萬國春從此億年歸有道詠歌長作太平人

寒食病起看山桃花有作

杏粥榆羹節物新數枝紅綻小桃勻老夫病起西

窓坐忽忽春光過一句

清明日口占

三市吹簫聽賣錫回思掃墓入溪行六年不上先
人塚空斟椒漿淚欲橫

閉關

閉關聊乞假因病得閒身寒食春風半山桃數朶
新憐兒當罷耗歎老在風塵何似東江畔漁樵共
作鄰

三月望前二日兒子圖炳以迴避不得與春
官試塔曰堅賓門下第同歸江南詩以送
之

世恩詩集卷十七

十

丁香過後海棠殘燕子鶯兒又作團綠酒臨岐情
黯淡春風下第淚沈瀾時窮親戚憐同病裝冷關
山話大難我夢不離滄海畔翻憐留滞在長安

三月十九日 臣項齡蒙

恩充 殿試讀卷官隨閣臣等至 暢春園擬題

進 呈恭紀

集英春殿問天人謬荷

皇恩及小臣苑柳青青隨玉珮禁鐘杳杳候 絲

綸 進呈策題時 御題三策朱書定 策題清吏治

防三條皆定 官燭雙搖黃紙新曉對 彤墀雲五

色銀袍三百兩行陳

是科三百人蔡持正詩有銀袍三百玉階前之句

二十二日夜讀卷諸臣奉

召入

乾清宮

西暖閣恭候

聖裁親定甲第而出

深宮夜靜漏聲清蓮燭光騰綈几橫

盛世網羅

須俊傑

至尊甲乙最分明珠璣讀盡千行字龍虎填來一

榜英歸到直廬爭感頌始知

聖主重科名

二十三日

太和殿傳臚恭紀

世恩堂詩集卷十七

士

鴻臚三唱徹雲霄榮榜前頭黃繖飄

聖帝臨軒光

盛典英雄入彀慶

熙朝大羅仙

客霓裳詠千佛名經淡墨標曾憶廿年塗抹後不

堪華髮已蕭條

二十五日

恩榮宴即事恭紀

賜筵瓊液泛霞杯都尉承

恩主宴來

遣尚額駙

宴餅啖紅綾黎腹飽花簪金字帽簷開參軍舞處

同垂手銀管調成有落梅聞說曲江車馬盛何如

禮樂備容臺

初夏同館集耕雲山房看牡丹得詩字

鶴觀名葩盛一時絕勝崇敬牡丹期卷中題句思

家令

高鍊師出示沈文恪舊題詩冊

花底鳴琴遇穎師

聽羽士曹天全彈琴

不負勝遊惟痛飲爭傳樂府有新詩韓公自是風

流宰獨賞姚黃歸去遲

時少宰慕廬前輩晚從暢春園來劇飲至暮

再詠牡丹疊前韻

重向花前泛酒卮金庭羽客是花師競看魏紫無

雙種誰賦天香第一詩

明皇問程修己曰京師有傳唱牡丹詩者誰稱首對

曰李正封詩云國色朝酣酒天香夜染衣

窈窕似憐飛燕態鮮妍初印

太真脂

太真勻面口脂在手印于花上來歲花開上有指印名爲一捻紅

却思鄉

國開猶早正是春風穀雨時

世恩堂詩集卷十七

主

遊大慧寺同汪祭酒東川曹少詹參懷張司

業寄亭宋侍講葑洲

佩壺來古寺磨碣認前朝土木連雲壯莊嚴妙手

雕庭中松偃蓋臺上草蕭條寂寂刑餘塚當年氣

燄驕

寺後多前明內監墳寺即內監張雄所建也

清和朔日偕曹參懷少詹招同館諸公飲寄

園心遠堂中分得眠字

謝公有別墅乃在城西偏會茲林壑趣不受世網

牽我師燮理暇偃仰樂靜便常從侍杯酒緒論及

詩篇竭來二十載人事幾變遷良辰嘯儔侶復此

張芳筵亭臺不改觀松柏高參天楸花紅婀娜藤
花紫連卷俯仰話疇昔白髮垂垂有勸君且沈飲
不醉亦徒然小戶顏已酡藉草思高眠

初夏和張司業寄亭豐臺花前即事韻

諸公衮衮散人閒贏得豐臺紅藥看綠野平泉丞
相墅山有林藪腐儒餐

其二

莫笑書生得事遲一尊且喜及花時世人但識南
牀貴

天子猶然惜鳳池

時用史官作臺省
上為翰林惜人才
命劉臣酌

世意堂詩集卷十七

七

之

清和望日偕同館諸公豐臺看花即事

殿春紅紫繞高齋共賞平泉景致佳十畝藥闌花
似海千鍾玉蟻酒如淮穠華色奪何郎粉錦幄香
分謝女釵一枕黑甜方醉醒綠莎廳畔聽鳴蛙

宋荊洲侍講卧榻
上與諸公縱譚

花下再賦絕句十二首

婪尾花同錦繡鋪當年曾此聽吳歎只今花貌還
如舊但少歌喉一串珠

其二

已字欄干白粉牆花光澹蕩襯斜陽水晶簾裏紅
粧兒綠玉盤中火齊裝

其三

冰肌玉骨淡梳粧一陣風來滿院香疑是姮娥三
五夜廣寒宮外舞霓裳

其四

白白紅紅總斷腸趙家姊妹更同房沈香亭北關
干外不分姚黃獨號王

劉行簡詩云姚黃花
中王芍藥為近侍

其五

花容最好映晨曦約綽新嬌玉露滋無奈催人魚

世意堂詩集卷十七

西

鑰上不能坐待曉粧時

花容清晨最
妙惜不能待

其六

謝娘容與泰娘嬌國色天香足並標誰說將離堪
贈別不須攀折已魂消

其七

傾國妖姿消水傳玉環豐艷有同妍縱然強欲名
花婢猶似當年馮小憐

小憐北齊大
穆后從婢也

其八

八窓清絕少塵埃窗外垂楊間綠槐萬本名花香
撲鼻迎風含露向人開

其九

曲廊窈窕一山房几榻清真枕簟涼高卧不知塵
世事宛然身在水雲鄉

其十

一天濃綠蔭前汀嘯侶尋芳過野坳莫惜杖頭頻
賞酒愛閒時到右軍亭

其十一

翻堦曾詠謝公詩正是中書上直時我輩喜逢休
澣日更無拘束對花枝

其十二

世恩堂詩集卷十七

五

朱門深鎖付園官縱有名花亦自殘獨喜風流王
相國肯將蘭藥與人看

端午

風前菖葉舞雨後棗花香時序逢端午衣衫試綌
裳賦騷千古恨續命五絲長獨倚閒窓坐龍舟憶
故鄉

夏至陪祀 方澤壇恭紀

北郊祀典重趨鏘三日清齋學太常九陌亂飄菖
葉雨千門競結艾人裝是日瘞埋禮備冠裳肅警
蹕聲傳鹵簿長却愧宮僚空竊祿駿奔猶自綴鵷

行

疊前韻酬汪東川同年午日之作

角黍包金嫩仙蒲泛玉香辟兵看綵縷結艾儼冠
裳節自天中舊時逢夏至長是日怪君詩思健大
半是懷鄉

五月十日周容湖通政招飲借綠軒適太夫

人迎養至邸登堂拜見即事奉柬

雨後新涼細葛單周郎招飲卸銀鞍陰森密葉藏
深屋爛熳戎葵繞曲闌笑把青萍誇座客出寶劍

醉呼羅酒喝殷盤以羅酒更看家慶方迎養共拜

世恩堂詩集卷十七

六

簾前壽母歡

汪東川祭酒依韻分題遂得十章枉示各疊

前韻奉答

衩衣穩稱越羅單喜就嘉招且駐鞍房杜賓朋心
自愧范張鷄黍夜將闌林梢露月光臨戶花下敲
棋子落盤老去不知名可貴醉來惟覺酒為歡

思歸

年來每歎數奇單驚乘何由及駿鞍幾見青雲華
秩貴自傷白髮宦情闌縱無郭況金為穴尚有愚
公谷可盤且醉故人花下酒些些談笑盡君歡

遊仙

燒尾華筵說食單名駒千里被雕鞍彩雲五色黃金闕阿閣三重白玉闌子晉吹笙聊戲弄蘇耽控鶴任游盤人間亦有神仙樂何用勞形自寡歡

解嘲

朱戶雕甍自不單千金裘並五花鞍屋頭炙手人爭熱槐路齊肩我意闌龜爲刳腸愁入筍鷄知斷尾免登盤守元尚白俱饒舌且得閒身博笑歡

對酒

五行奇偶有雙單那美輕肥年少鞍但使青衫露

嵩堂詩集卷十七

七

綠酒不思金谷倚雕闌顏師手指琴三疊靜婉腰肢舞七盤即此便爲吾事足更於何處再求歡

閒適

綠槐風透紵衫單畫闥雙扉馬解鞍行飯繞廊閒信步追涼坐月愛凭闌小胥詩寫金荃集穉子甘分玉芡盤禍福世間如轉轂不知誰悶又誰歡不歸

白鶴雲中影自單風塵何事老征鞍無才只合書牛券有夢時隨鷓鴣闌空著進賢難報國但看首蒼漫堆盤田園大有淵明興牽率常孤松菊歡

憶昔

年少橫行八極單珠銜玉勒錦爲鞍聽歌伎館情難歇醉蹋花溪興不闌幾度觀濤奔萬馬也曾登嶽上千盤平生回憶多豪舉局促仙班意少歡

送客歸里

送客江南去騎單風回細雨濕征鞍祖筵郊路依沙店折柳河橋倚石闌水溜長淮帆影疾雲生泰嶽馬頭盤因君也作陽關疊觸動鄉心便不歡

送大宗伯杜遇徐先生 予告歸里

銅龍曉闕響金魚履曳星辰上玉除隻手獨持三

嵩堂詩集卷十七

六

大禮廿年四領六尚書久諧物望需調鼎忽動高懷賦遂初翻笑漢廷疏太傅何須篤老始懸車

其二

宸藻輝煌特寵行華林 錫宴動公卿烟霞恰遂青山志耆舊偏深黃髮情先生瀕行賜御書榮烟霞耆舊四字扁額過賜金娛退傳寶同拱壁重連城遙知此後胥山上應有奎光亘太清

其三

五湖歸去狎鷗盟勇退真看爵祿輕此日青門惜賢達他年洛社重耆英鷄頭菱角鄉中物碧樹紅

泉世外情哄道騶呼塵欲合何如策杖去聽鶯

其四

駕鶯湖上采蓮舟致政歸來樂事稠綠野春風唐
晉國赤松仙侶漢留侯尊鱸興共秋江遠絲竹時
從別墅遊獨有絳紗諸弟子東門祖帳起離愁

樹下追涼

樹下追涼境地清蕉衫草履有風情官因閒散身
容懶不向東華觸熱行

東川病足余亦患腹疾浹辰不相聞問詩以

代柬

世遺詩集卷十七

九

自別汪倫旬日多問君足疾近如何連朝我亦河
魚苦未得花前共嘯歌

閒窓遣懷

一盞香茶一卷詩閒官氣味自相宜日長更有消
閒事窓下軒渠戲穉兒

疊前韻酬東川

伏雨闌風愁病多好憑碧盃飲亡何煩君七發投
佳句小疊蠻牋寫和歌

東川祭酒枉詩見存即次來韻賦謝

蕭然養疾類幽居瓊報何當明月珠已病不須尋

石散消憂真可抵萱蘇閒中吟興隨時發老去交
情與俗殊他日兒曹婚嫁畢山遊得似向禽無

書懷三疊前韻東東川

人生開口笑無多子野情深喚奈何且喜官閒少
拘束花前有酒得高歌

論詩四疊前韻酬東川

藝苑當年作者多爭誇沈謝與劉何別裁偽體親
風雅此是人間白雪歌

其二

風騷漢魏我師多六代三唐更若何一自南薰彈

世遺詩集卷十七

三

瑟後白雲黃竹已成歌

其三

李杜文章光燄多虬螭撼樹奈人何剪繒刻楮無
生意寧聽吳儂欸乃歌

其四

俊逸清新品藻多芙蓉初日麗如何要須味在酸
鹹外音到希聲絕代歌

雨窓即事疊前韻貽東川

盡說金門不易居爨薪如桂米如珠雨聲夜滴承
塵破暑氣初從涼簟蘇杜德機中藏列子安心竟

後伴文殊廿年前事同春夢識得元關夢也無

世恩堂詩集卷十七終

世恩堂詩集卷十七

三

世恩堂詩集卷十八

華亭王項齡瑁湖

畫舫齋藁四之下

起庚辰六月
盡辛巳四月

六月十七日

上召翰林詹事諸臣集 暢春園澹寧居

命擬擬

皇太后萬壽無疆賦并序一篇限萬壽無疆賦五

字爲韻

賜茶飯果餅次早復

召入 賜如前又 賜

世恩堂詩集卷十八

一

御書各一幅 臣項齡得唐人王維雜詩絕句其詞

云家住孟津河門對孟津口嘗有江南人

寄書家中否下有臨董其昌四字感

恩述事恭紀十首

宜春奏賦愧三都鳳髓龍團出 御厨更荷

天章驚拜賜光搖二十四驪珠

其二

聖母璿宮燕喜時

文思天子介瑤卮小臣蠡管難稱述願比南山作

嘏詞

其三

禁籞涼生暑氣收
泥金鳳紙寫銀鈎
時平

主聖忻遭遇
鈴索無聲水殿幽

其四

義畫天開萬世模
龍章鳳篆法河圖

聖人清讌無他嗜
消暑惟將翰墨娛

其五

淋漓

天藻煥奎光
鳳泊鸞飄筆力強
豈獨帝書爲第一

便應奴僕命鍾王

世尊詩集卷十八

二

其六

聖翰流傳寰海多
家珍拱壁笑籠鵞
人同常侍登

牀乞日費雙龍脊
萬螺

其七

鶴禁龍樓愧濫竽
今朝何幸捧明珠
淳熙御筆無

多字榮過當年范
石湖

宋孝宗賜范成大石湖二字

其八

唐宋名賢主眷殊
玉堂佳話記歐蘇
擣才也得叨

恩遇感涕真同泉
客珠

其九

野鶩家鷄論競譁
柳家新樣陋薑芽
自慚拙筆塗

鴉似曾荷

天顏一笑嘉

去歲上命詞臣寫絹素進

呈拙書特蒙

採擇

其十

虛忝鸞坡二十春
青山綠水夢時親
他年歸老江

南去應是王維句
裏人

同年沈度汪宮諭
以詩箋見贈即次
元韻奉

答

大隱金門歎陸沈
追隨猶幸挹清襟
居鄰慧曉池

世尊詩集卷十八

三

邊柳

時餽舍比鄰

賞愧中郎爨後琴

拙集謬叨獎借

奏賦長楊

連騎入

御試時同應

論交雁塔廿年深
羨君兄弟真

雙壁才藻飛揚翰
墨林

其二

詩題紈扇墨花香
小字黃庭骨力蒼
佳句吟來神

自王仁風揚處意
偏長晨星舊好稀
東觀

丙辰館選最盛

今已落宿草新悲
在北邙

馮懿生方若韓高素最是侯諸同年並時即世

陽春難屬和砧砑
何以答琴瑯

和周啓湖通政雙劍歌

五山之精歐冶靈
鍊爲神器元霜凝
綴以驪珠錯

以玉豪曹巨關傳嘉名以揮晉鄭頭畢白剗犀斫
兕何足稱張華已死牛斗閭遂使劍氣銷豐城晉
陵周郎豪俠士少年意氣凌蒼旻元龍湖海踞百
尺伉爽不與時俗爭翩然客游之間嶠却愛山水
來延津此地雙龍曾合化此時高興披雄襟乃召
良工鑄利劍商量鑪鞴窮精英雷公鼓橐帝裝炭
此語母乃非虛聲惜哉懷歸志未果中心霍霍難
遽平一朝龐子出典郡首以此事屬良朋三年劍
成遺京邸周子黃色呈天庭七彩寶玉琢華飾暴
公櫛具何崢嶸或云四海一侯尉時無千紀方銷

世恩堂詩集卷十八

四

兵雖有長劍亦無用我聞此言笑不謗丈夫濟世
在謀畧區區一劍將安任周郎佩此當有意俗士
豈足知其深酒酣為我一起舞天風颯颯搖窓櫺

種竹

新種琅玕一百枝檀欒雨過影節節敬容殘客無
心對企脚閒窓自詠詩

送周礪巖洗馬乞假還雲間

洗馬風流擅一時抽簪忽下鳳凰池扁舟載得
天書去

洗馬頻行特賜御書

賽過青門賀監詩

其二

臣書第一 九重知特 詔龍蛇起墨池 命進平
書數 自是 聖明高萬代僧虔拙筆不須為 日法

其三

紅蓼灘頭雁影回錦帆秋月畫船開琴書共載滄
洲遠卧聽吳歌歸去來

其四

卜居雅志洞庭傍林橘千頭霜後黃三寸鱸魚如
雪白長腰初熟滿盤香

張寄亭洗馬招飲碧山堂雙桂下率成三絕
句時中秋後六日

世恩堂詩集卷十八

五

碧山雙桂九秋開洗馬風流名客來地主更逢徐
孝穆陶然共醉掌中杯

其二

金粟風飄琥珀紅飛觥露飲月當空酒人愛傍天
香坐又共移鐙向桂叢

其三

一年好景是中秋勝地名花竟日留青桂一林拋
谷水鄉心勾引到滄洲

碧山堂看桂張寄亭洗馬用桂子月中落天
香雲外飄為韻作詩十章見示即和酬之

淮南有小山秋香發叢桂碧葉紛巖阿金粟園枝
細一自牽塵纓邈然在天際

其二

三秋多佳日華堂集數子芳香襲衣襟樽中酒且
肯忘形得素交談笑風靡靡

其三

蕭辰氣次寥衆芳亦已歇賴此賁禺姿聊以陶嘉
月爲樂須及時相看半華髮

其四

華髮不再黑愛茲綠酒紅相携對名花花香落酒

世說新語卷十八

六

中金門亦大隱何必訪八公

其五

屹然雙樛枝著花金錯落入門香冉冉解帶任盤
礴秋鷹天外來橫空鳴霍霍

其六

虛堂軒以豁宛然一洞天幽蘭被芳砌丹桂含輕
烟光景洵自佳逍遙同列仙

其七

列仙在人世不必居金堂即此堂中桂紛敷芸其
黃何須月殿側然後聞天香

其八

天香何秘醇蘭芷同幽芬蕭艾豈不榮終遜此氤
氲鼻觀更手弄高懷寄秋雲

其九

天邊有異種植幹塵壒外吳質長不眠霓裳更絳
繚詎意來高齋彷彿羣仙會

其十

盍簪履交錯銜杯度良宵金波漾未定華燈復高
燒酒闌策馬去吹面涼颼飄

重陽小閣登高同蔡仙問明經三子圖

世說新語卷十八

七

佳節重陽好秋空野眺宜登樓同戲馬酌酒賦新
詩黃菊開何晚今年菊尚未花青山去未遲江鄉魚蟹賤

吾意在南陂

其二

宦情衰柳淡老髻菊花羞且向東籬醉同登西爽
樓天高風落帽地濶雁橫秋賴有中郎筆良辰得
唱酬

秋日感懷

潦倒生涯莫問天積薪空歎髮華顛久知樗櫟宜
閒散不與騁駟競後先濁酒澆胸聊獨遣黃花插

帽且隨緣看他衮衮趨綸閣博得閒身自在眠

其二

霜天踏月 鳳樓前曉直趨 朝二十年老去筋骸增我懶時來官職看人遷千將石畔千頭橘滬濱江邊二頃田干將滬濱俱雲間山水名學圃學農無不可此生只合住林泉

九月二十二日 經筵侍班恭紀

文華秋敞講筵開黃繖西清 步輦來二帝心傳同祖述六文精義識風雷見日講中庸仲尼祖述於其道而天蟻眉班接冠裳肅龍腦香携袍袖廻下化成句

世恩堂詩集卷十八

八

更荷大官陳 賜宴黃封拜捧愧非才

十月初三日 臣項齡蒙

恩充武 殿試讀卷官恭紀

射策 彤廷集眾英關門 聖世重千城熊羆入

選恢天網棟蓐承 恩愧玉衡余與仲氏同綵筆

光搖黃石秘琬弓聲動餓鴟鳴書生何幸逢明盛

喜見鷹揚佐太平

初五初六二日

駕臨西苑紫光閣閱諸進士騎射技勇

上親射數圍連發中的觀者無不驚服

聖武天授亘古未之有也退而恭紀

苑西校武肅鈞陳親見

天王射若神破的風生穿七札彎弧月滿挽千鈞

上用以發矢連中絕不經意十二力勁弓諸進士不能開張羣材角力看

投石駿足騰空試絕塵上命取上駟院快馬與入選進士馳騁以試其能

却笑華林徒作賦未聞一發便驚人

閣

初六夜讀卷諸臣奉 召入 乾清宮西暖

上親定一甲三名二甲二名

世恩堂詩集卷十八

九

命大學士 臣英書於卷前又 發校射時所定諸

進士甲乙冊

命以次登榜諸臣承

旨而出恭紀

宮門夜啓上雲衢玉漏丁丁響滴壺蓮炬光中瞻

日角金鑪烟裏拜紅旂宰臣執簡書高第

天子呼名到武夫上呼前五人姓名令諸臣檢出

謾道漢文思頗牧何如親自拔孫吳

初七日 太和殿傳臚初八日 賜武備宴

於樞部初九日 午門前頒賞恭紀

典重翹關拔異材臚傳 丹陛瑞雲開大官玉醴

酤顏出內府朱提耀日來拜 賜班隨丞相後謝

恩宴罷上公回時主席者內大臣公也共欽

聖主歌風意貌虎爭趨自草萊

治圃作

初冬風日美閒步款柴荆除架治後圃開軒坐前
榮此亭聊可喜有酒還自傾脩然吾意足不復問
浮名

仲冬同人偶集汪東川祭酒高齋出移居詩

見示即次原韻

蕭蕭竹塢有清音我友移居曲徑深問字人來楊

世恩堂詩集卷十八

十

子宅讀書聲伴處宗禽東川令孫書聲徹戶外開尊遣興時

分韻對月多情每弄琴突兀小亭真可喜絕勝高

會在山陰

其二

陶令幽偏好卜居風流今復見君如千場豪飲歡
無底一畝寒花樂有餘案上琴尊塵不到天涯水
雪歲將除英雄種菜聊閒度拭目雲中下 紫書

其三

遊宦真同行脚僧一瓶一鉢萬山登我廬可愛思
元亮溪水流香憶慧能家釀細傾消漏永朝鷄懶

聽罷晨興白頭朋舊年來少且剪西窓話雨燈與相

屈指同舉五十人僅存三之一

其四

廿年蘭臭舊交知爲說升沉感昔時旄節縱令輸
謝掾文章還許屬丘遲蓬池膾炙真堪戀三泖尊
香亦可思三泖紫最最美公等大才能柱國我懷小隱托
鷺枝

十一月二十八日拜宗丞之 命感 恩恭

紀

簪筆廿年趨 禁闥承 恩今日備宗卿天潢派

世恩堂詩集卷十八

十一

衍金枝盛行葦仁深玉露盈樂善東平高漢代賦
詩梁苑愧枚生却憐白髮鸞坡客縱換頭銜一樣
清

其二

栖遲玉署二毛侵忽荷 絲綸出禁林自笑孤踪
逢世拙不由啓事沐 恩深是缺非詞臣應陞弟
兄八座同叨冒節序三陽又漸臨却愧賢王能薦
醴穆生詩學力難任

錢臘

流光荏苒曆將窮又見千門錢臘同祭竈比鄰喧

爆竹逐儺九市鬧兒童廿年舊史虛臣職三品新
銜荷 聖聰甲子明春成六十已嗟慚愧黑頭公

除夕

婆娑老子已華顛節物驚看歲又遷燃炬換符過
舊臘擊鮮醢酒入新年弟兄 恩喜同時拜余與仲氏俱於是年遷秩兒女情憐兩地懸時兩兒女在南夙戒五更趨待漏趁班龍尾去朝天

白樂天除夕詩有火銷燈盡天明後便是平頭六十人之句余新年六十矣用白詩作起句輒成八首

世恩詩集卷十八

三

便是平頭六十人廿年史館度青春毵毵華髮看垂領始得叨爲三品臣

其二

便是平頭六十人春盤臘酒簇時新官閒博得身猶健早趨鵷班賀 紫宸

其三

便是平頭六十人宦遊京國六年春團樂少長屠蘇會歲酒遲拈合有因

其四

便是平頭六十人地爐火活暖生春脩然一榻橫

琴坐獨有寒梅瘦影親

其五

便是平頭六十人冷官雅稱苦吟身文書判押經時少風味依然一史臣

其六

便是平頭六十人已周甲子杖鄉辰時開笑口猶嫌少可爲浮名絆此身

其七

便是平頭六十人尚平婚嫁累方頻何時得遂東還願割味分甘樂事真時爲二兒娶婦

世恩詩集卷十八

三

其八

便是平頭六十人勛名敢望畫麒麟餘年但乞湖山長鷗鷺爲羣鹿豕鄰

辛巳元旦

鳳曆祥開四十春朝正率土盡王臣九霄彩旭輝三殿元會和風協五辰昔日文章思報國今朝天府愧垂紳 聖恩高厚真難稱虛點鵷行白髮新

新正二日汪東川祭酒招諸同年小集賦謝

常年歲酒是君先臘味春盤色色鮮老去追歡惟

舊伴客中行樂在新年華燈光照同三五美醞香
浮有十千子建 綸扉催晚直青綾被冷不成眠
時夢懷當直早去

虛室

晴日油窓樹影斜小盆山養水仙花蕭然虛室無
塵事白定甌翻廟後茶吳中芥茶以廟後爲佳

人日邀同年李公凱太常汪涵齋少廷尉汪
東川祭酒周蓉湖通政曹琴懷閣學沈東
田學士張貞臣少詹潘雪石宮贊小飲寓
齋率賦

世說新語卷十八

古

人日邀賓話草堂盤餐麓糲愧家常春風吹綻山
桃藥新月晴搖燭光剪綵鏤金花耐冷落梅挑
菜野生香莫愁雙鬢添華易且醉尊前柏葉觴時容湖戒飲

南窓

坐卧南窓下悠然忘世味直擬托羲皇何止忘漢
魏

新春漫詠

官冷原無事况當鎖印時時值封印笙歌隨近舍梨棗
弄嬌兒臘酒開泥甕春盤薦野麋老夫興未淺剪

燭自哦詩

閒步後園偶成

職事雖然謝石渠清寒官况本相如紅梅花下香
粘酒白紙窓前手勘書行飯小園春晝永支頤高
閣碧天虛年光隨處俱堪賞但任閒雲自卷舒

上元節近追舊述懷

三五清光闌幕紗上元風俗記京華看燈士女香
塵接戴面兒童畫鼓擲騎馬昔曾穿夜市開闌今
喜對梅花老來省事惟端坐不把殘編即潑茶
獨坐一室偶咏

世說新語卷十八

五

山字屏風白紙糊寒梅香雪足清娛何須綺幕朝
開譙那用紅粧夜擁爐虛室自來無長物讀書猶
幸有工夫腐儒福命生原薄麟閣雲臺不願圖

其二

料峭東風尚薄寒撲燈三市燭花園拙思閒地心
方穩老逐歡場興易闌重理舊書爲日課時摹古
帖當奇觀從來清福難消受此樂知應勝熱官

元夕前二日沈東田學士招同諸同年小集

賦謝

宣武門前駐錦羈盍簪又遇試燈天周郎有母懷

香橋曹子因師赴別筵時荅湖懷橋獻太夫人夢懷同座主韓宗伯有他赴
遼海嘉魚初作鱠索郎美酒早流涎新年排日多
懽會肯使春光負眼前

元夕前一日周荅湖通政招同諸同年飲於

有綠軒賦謝

有綠軒中笑語和華燈四照耀金波崔邠祿養慈

闌喜時迎養太夫人北海尊開坐客多二妙奕棋消白

晝公凱東三過畫鼓當清歌平頭金主人投轄情

偏重小戶其如欲醉何

元夕率兒子圖煨輩飲於畫舫齋

世遠詩集卷十八

去

客裏過元夕張筵復試燈傳柑老子興博蠟稚兒
能爆竹聲連震銀花落萬層團樂當此夜醉欲曲

吾肱

元夕後一日汪涵齋少廷尉招同諸同年小

集賦謝

上元過後煖風吹爛熳春盤集舊知五夜共浮婪

尾酒六街猶舞鬧蛾兒清談玉屑追元始細寫烏

絲出麗詞廷尉出新詩見示更羨鳳雛丹穴滿一門七業

擅當時廷尉有七子是日三小郎君出揖客昔劉殷七子各授五經史漢故時有七業俱成

語

元夕後三日下令之少司寇招同少宗伯李

山公前輩少司馬張曼園太常李公凱祭

酒汪東川家弟薛澱同觀家樂成斷句四

首

春風拂面綺筵開共醉秋卿鸚鵡杯不是主人能

愛客何緣得覩柘枝來

其二

飄蕭脆竹雜青絲弟子傳頭出段師一曲嬌歌珠

一串帶人腸斷轉喉時

其三

世遠詩集卷十八

去

鶯鶯燕燕度芳春惆悵當年記會真樂府流傳王
實甫更看巾裹是唐人時演北西廂裝束俱仿唐人

其四

撲燈天氣月娉婷白面叅軍立畫屏賀老琵琶幡

綽板夜深低唱牡丹亭時演牡丹亭諸劇

正月二十七日李公凱通政招同諸同年小

集賦謝

燕九過來又一旬東風欲變柳條新每逢舊雨多

情話共把芳尊中聖人感慨升沈談往事時東川祭酒談

事流連光景對初春銀臺開宴方承寵獻納真

同侯舌親

時公凱初拜銀臺之命

撫起偶咏

絲綸閣下聽晨漏金馬門前蹋曉霜紅日一窓春
睡美冷官意味覺差長

送牧堂和尚掃笑巖祖塔兼遊五臺

瓶拂相逢冰雪期當年曾賦碧雲詩

數年前曾作詩送牧公北

上干巖飛雪西行日五祖傳衣南去時

五祖告能大師曰汝

緣在南方宜性教授持此異法以爲法信

山是清涼初地淨佛因師利

一燈垂

五臺是文殊師利所居

松枝此後應東向早慰茸城

弟子思

世尊詩集卷十八

六

仲春八日曹參懷閣學招同諸同年飲於忝

齋賦謝

雪後春寒尚擁裘故人招飲忝齋幽

學士新齋名相君

書法無雙妙宗伯文章第一流

系齋桐城相國題榜韓宗伯作跋

小宛有懷千古合

齋名學士取小宛無系所生之義

大山作賦八

公遊

時同席者八人

酒闌說鬼兼談笑

座中有談怪舊事歷亂觥

籌醉不休

春半口占

二月春光半餘寒尚毳衣窓明殘雪映風卷濕雲
飛官冷容吾懶門閒任客稀攤書消永晝蕭散自

忘機

山桃初放

柳葉如眉草茁芽小庭幽事亦堪誇山桃紅粉新
粧面特試春風第一花

清明前二日張隨齋宮詹招諸同人飲周蓉

湖通政有緣軒白桃花下和汪涵齋廷尉

韻

蛾眉淡掃倚新粧月下燈前態更芳香雪亂飄花

影漾春風醉舞酒人狂投壺命中雙飛矢對局爭

奇共賭觴賢主開尊逢勝地嘉辰談笑且相徯

時諸

世尊詩集卷十八

九

同人分曹投壺對奕

前題和汪東川祭酒韻

自我入門來花容笑可掬約綽舞春風恰對三間

屋展席倚前榮懸燈爛銀燭艷質亭亭妍芳菲炫

人目不與凡卉爭邈然守幽獨同心有數人得暇

相追逐高論及三古命意不偶俗爾歌我更和敢

附陽春曲三春多佳日復喜逢休沐嘯侶來花前

相與醉醺醺昔人愛夜遊惟恐白日速醉倒欲高

眠即事意良足

題張少司馬曼園寫真

銷夏桐陰倚片雲松溝設設靜中聞科頭禿袖攤
書坐千尺溪流皺澱紋

其二

中樞謀略贊清時退食從容繞碧池玉骨珊珊秋
水致曲江風度九重知

其三

宴錫紅綾舊日陪黑頭君已偏三台衰頽蒲柳班
行末慚倚天邊玉樹來

清明偶詠

七兒皇都槐火新桃花手種陰南鄰焚香掃室銷

世憲詩集卷十八

辛

長日載酒聽鶯度晚春一載龍樓虛竊祿十年浴

殿濫垂紳只今叨簪銀潢籍飽煖何心冷自親世傳

京師謂光祿爲飽卿衛尉爲煖卿宗正爲冷卿東坡送魯元翰有冷卿當復溫之句

咏庭中紫丁香

窓外丁香初放花輕盈嫵娜闌芳華紫絲自綰同
心結閒倚春風到日斜

萬壽聖節曉赴暢春園偶占

北斗闌干月漸低呼嵩齊出鳳城西一條燈火朝

天去楊柳村中聽曉鷄

憶家園牡丹

含暉堂後牡丹花手種於今七歲華此日藥闌應
盡放春風空鎖綠窓紗

新綠

參差新綠覆簷牙鳥語蜂聲靜不譁曲檻坐消春
晝永八窓交映數株花

咏雙紅碧桃

小桃何灼灼艷質儼名姝霞頰初施的檀唇薄點
朱淺紅非一色花萼本同敷安得徐熙筆丹青寫
作圖

哭五兒燦

世憲詩集卷十八

三

生汝才三歲何爲遽棄余悲懷同白傅老淚灑倉

舒紫鳳拋箱冷鳩車卧壁虛不堪覩遺物一見一

歎歎

其二

早慧真堪惜追思意轉悲喜看兄上學笑乞姊分
梨薄命同朝菌傷心欲綆縻老懷難遽遣含淚寫

新詩

其三

嶄然頭角異宛似掌中珠學語時依膝呼名輒挽
鬚未能辨南北早已識之無誰料三靈譴芝蘭一

夜枯

其四

余生原薄祜殃疹及嬰孩金鹿前年恨

予丁丑歲幼女痘殤

童烏今歲災經行心易感入夜眼常開夷甫鍾情

語思量絕可哀

初夏新綠蔭庭長日獨坐率然成詠

地以幽偏隔官因冗長閒濃陰成翠幄遠岫作烟

鬟欄藥自開落山禽任往還懶同車馬逐塵土損

朱顏

長日

世說詩集卷十八

三

長日無慘甚焚香與啜茶閒看兒識字忙課僕澆

花畫壁滄洲遠湘簾綠樹遮更求消遣法隨意讀

南華

四月八日同人雅集寄園分賦限韻拈得真

字成五言排律四十韻

名園當雅集勝賞在佳辰嘯侶來冠蓋邀賓及隱

淪朱櫻宜早夏芍藥殿芳春地有千弓竹人披三

徑榛築坡同庾信折簡到王筠宿露滋金草光風

汎綠蘋疎林荆浩筆文石巨然皴几榻橫陳雅書

籤觸手勻雜英何愛愛曠莽亦昀昀大隱師方朔

狂吟托季真花香風冉冉酒盞玉鱗鱗靜裏調琴

軫閒來理釣綯有窓皆窈窕無岫不嶙峋閑後山

容好檐前鳥語新鶴胎孫又長魚躍子方娠正值

鳴鳩侯偏當浴佛辰盞簪人烏奕揮塵話紛綸晝

漏初移午斜陽漸轉申長篇依擊鉢大雅羨扶輪

顧予真無狀浮生笑此身泛溪曾浙越登嶽記遊

秦相士收梗梓論交接鳳麟婆娑顏面醜潦倒姓

名陳哀樂中年集緣牽夙世因有情傷弱息無分

醉花茵

時余因幼兒殤未及赴

淚灑童烏恨詩慚杜甫神遙

思金谷友懸想玉山人接席皆和璧揮毫盡楚珍

世說詩集卷十八

三

辭華尊哲匠俊及走羣倫柳巷多停轍桃源好問

津分題應紙貴鍊句苦才貧潘岳黃門彥昌黎國

子臣采芹多髦士下榻有嘉賓便腹詠嘲懶奚囊

唱和頻陶潛欣對字王翰忝比鄰

余遇與寄

劍咏

閒門雀支離蟠木困南垞常把臂

北闕共垂紳

冠劍聯高步輜駟逐軟塵人求大官醢我夢江湖

尊欲慕冥鴻樂寧思尺蠖伸

庭中新栽芍藥數本詩以遣興

園林清陰滿芍藥斬新開意懶門常闔忘機鳥不

猜消愁書一卷樂聖酒三杯欲識閒中趣無如此

地來

青城韓節婦年二十五而嫠八十七而歿及

見五世孫大司寇阮亭前輩為之徵詩賦

此以應

黃鵠歌來六十春貞筠翠栢節常新名垂史冊千秋事眼見曾元五代人截髮咄嗟供客腴斷機辛苦課兒頻舍毫難擬安仁賦欲寫水操淚滿巾

四月二十二日洗馬張寄亭招集豐臺看芍

藥花即事和洗馬韻四首

首夏風和野樹明豐臺樂郊體輕盈馬蹄騰達沙

世恩堂詩集卷十八

五

偏軟山色模糊雨欲生香染客衣紅粉艷柳垂畫檻碧簾清年年到此心常醉花事今番分外榮

其二

盍簪郊外興驚騰重到名園似未曾樹繞鶯聲歌嘒嘒風翻麥浪翠層層欲窮金谷花千品先飲公明酒數升更有胡麻來餉客匙抄玉粒愛香凝

張凌秋明經李寅谷先具晨餐

其三

白白紅紅花影翻紫霞千片映朝曦太真豐艷名堪比花名楊妃吐舌合德溫柔香自繁小立腰肢風約綽

淡粧梳裹月黃昏無情有思欄干外惹得遊人欲斷魂

其四

山含雨氣白雲封殷殷雷聲掛玉龍風颭千枝花窈窕香飄百和意惺忪投壺妙手天應笑坐客或對奕對奕仙人橘可容巴園人收得兩大橘投壺或變對奕斜日裏小橋流水響淙淙

世恩堂詩集卷十八終

世恩堂詩集卷十八

五

世恩堂詩集卷十九

華亭王項齡瑁湖

畫舫齋藥五之上

起辛巳五月
盡壬午三月

午日同蔡仙問明經叔維在兒子圖煥圖耀

飲畫舫齋

菖葉含風細榴花帶雨鮮客中逢令節暗裏度流

年龍舸吳兒戲釵符薊女懸聊同親串輩共醉午

窓前

其二

是日大雨

梅雨急翻盆牆垂屋漏痕藥闌疏土潤蒲酒瀉杯

世恩堂詩集卷十九

渾少長有歡趣談諧無俗言小酣吾欲睡栩栩蜨

同論

送大司寇阮亭前輩請假遷葬還新城

鳴騶八座出 皇畿 詔許尚書上冢歸喉舌九

霄虛席待 上命不必
開缺松楸十載寸心依牛眠早卜

三公貴馬鬣重封萬象輝自是 聖朝崇孝治還

因名德奉 恩暉

其二

海沂碩望重朝堂 天語親褒德器良 上稱司寇
為人

和平與
物無競舊學三墳資啓沃新 恩九棘賴平章暮

謀溫室持堯日出入彤闈補舜裳大雅只今推哲

匠更將餘事敵班楊

夏至前三日府署齋宿

齋宿宗卿署連宵一榻清迎陰昭鉅典陪祀凜精

誠伯趙聲初響永蟾彩正盈

時月初望却憐衰髻短天

府媿影纓

送張鶴峰之任政和

出宰山爲縣鳴琴蘭作林甘棠留楚澤 舊爲衡
山令

雉滿桑陰環自天書賜 鶴峰因前任事註
誤特 詔復官 恩從玉

世恩堂詩集卷十九

六月二十二日隨諸臣赴 暢春園請

皇太后安 賜茶恭紀

濯龍門外曉雲開齊請 璇宮萬福來遊豫九天

鸞馭出 時
聖駕北巡 問安中使日邊回 上孝思純
篤問

安之使相
望於道 含飴長樂山同壽避暑華林錦作堆

文母徽音今再覲更欽 聖孝並崔嵬

其二

瓊液醍醐下九天羣工拜捧苑門前香分八餅頭

網細甘勝三漿玉盃鮮敬問 起居先上宰 請安
例由

首揆
致詞 感 恩舞蹈溢班聯却慚廿載螭坳史 賜

飯曾蒙 長信宣 余壬戌歲爲講官曾隨諸臣請
年二十 兩宮安賜飯於 宮門前

宋葯洲侍讀枉贈詩箋過弊拙集即步來韻

志謝

蘭臺文采雲霞麗紈扇親題七字詩白雪吟來清
入骨飄飄兩袖動涼颼

其二

西清載筆同朝日 余與侍讀同直
時 余丙辰受知 文恪師 記注者三年 東閣談經立雪
孔李交情投分早自憐衰髻已如
絲

世宣詩集卷十九

三

其三

景龍風格元和脚墨妙詩才事事幽更扈 六飛
征絕漢勛名早著海西頭 侍讀丙子從
征噶爾丹

其四

玉堂下直焚香坐黉燭修書樂事多小宋風流佳
話在好憑紅袖擘箋哦

其五

柯椽忽辱中郎賞巴唱難追郢曲高揮汗然髭聊
屬和媿無佳句答風騷
和侍御呂星石答友韻

身遊朝宇狎樵漁幾身霜稜侍 玉除漫興詩因
良友得高懷跡與俗人疎巨時雅負澄清志憂國
常陳痛哭書餘事擘箋傳麗句驪珠驚捧到蝸廬
和侍御呂星石夏日咏蘭韻

九畹移栽蒨漸舒謝家玉樹竝階除香攜漢殿郎
官握名播山陰逸少書高士佩來芳自在光風汎
後意何如任君原號蘭臺聚臭結同心實起予

讀史作

亂頭粗服丘明士緩步遲行褚彥回如此風流今
頓盡六朝人物總蒿萊

世宣詩集卷十九

四

其二

讀史空悲修栢賦齊明何事削金枝玉奴自解亡
人國枉殺無辜高武兒

七月初六日同維在叔賦得牛女今宵正隔

河

牛女今宵正隔河鵲橋初駕意如何一年悵望銀
潢水離緒歡情那較多

其二

牛女今宵正隔河合懽尚欠一分磨人間乞盡天
孫巧靈匹無由得早過

其三

牛女今宵正隔河停梭倍覺夜長多粧成猶待來朝會月地雲階冷若何

七夕同維在叔作

瓜果庭中設家家乞巧過不知天下事拙勝巧時多

其二

靈鵲初填石雙星夜渡河橋成微步穩天上少風波

其三

樓上穿鍼女含情望七襄手持五色線縫作合歡裳

侍御魏偶亭喪子徵詩奉輓

烏臺雛鳳感摧殘爲說平生淚不乾黃土那堪埋玉樹秋風何意敗叢蘭傷心庾信沈珠恨思子潘仁落葉嘆最是鍾情惟我輩可憐羸博有同酸

余幼子亦殤

侍御張遠若以請毀魏忠賢碑墓疏稿見示

賦贈

我昔遊西山至止碧雲寺忽見節甫塋僭擬王侯

制憤氣填心胸髮監目裂皆安得聞昌言汗猶蕩凶穢感慨發浩歌空懷寄天地余已未秋遊西山曾賦魏忠賢墓歌鬱勃二十載幸遇驄馬使上殿陳封章侃侃申大義白筆凜秋霜正論殛妖魅天子爲動容曰俞司直議赫然下明詔亟仆兇奄碣耳目頓清夷山靈絕纖翳踴躍再作歌一吐平生氣

讀北史偶咏

薇花新發映簾櫳讀史研朱硯北翁僕射何如飲酒樂風流常憶李元忠

上開府李厚菴前輩五十韻

世宗詩集卷十九

六

岳瑞鍾人傑星精毓世賢玉麟初紱角彩鳳早騰肩仙李盤根遠芝蘭挺幹妍楊梅誇捷對芍藥賦爭傳學海包潘陸詞峰壓混玄龍池驚拔藻虎觀豔題箋經術江都正精微鹿洞詮綱常扶日月大義凜冰淵猷猷氛方熾松筠節愈堅蠟書馳北闕露布捷南天報國丹心苦褒忠紫綬遷趨朝鐫玉珮歸院撤金蓮易講飛龍卦詩賡鳴鳳篇黃鐘陳黼座太極闡經筵桃李春風滿冰壺皎月懸無私門館靜有道斗山虔常伯元戎倚中樞九伐先文昌連將相多士荷陶甄選駿金臺

側持衡易水邊羣空冀北馬材盡豫章梗水鏡瑩
無翳青天路絕緣四知臣節厲一德 主恩偏

帝念皇畿重官崇開府權建牙三輔壯敷政六條
宣分陝東西寄釐郊師保全羊公遊峴日陶侃鎮
荆年吏牘苞苴絕花邨雞犬便閭閻刀化犢園土
草生烟輿誦流傳速 天心眷倚駢渾河湍迅悍
甸服苦顛連廬舍曾無托桑麻那有田磬磬棲澤
雁跼跼墮溪鳶肝食勞 宸慮宵衣動 主憐屢
咨瓠子使空費水衡錢捷竹嗟徒爾安瀾竟渺然
重臣憂 國切 天子命官專荒度除洪水平成

世忠堂詩集卷十九

七

莫大川無煩沈玉璧自見順流泉溝洫資高下倉
箱獲萬千元圭膺寵錫黃閣待高騫賤子姿同櫟
先生筆是椽龍門蒙賞遇 螭陛幸周旋儉府欣
依淥膺舟羨竝舳吹噓憐櫪馬拂拭到寒氈凡品
洪鈞鑄深仁琬琰鐫恭惟申甫誕正值菊萸鮮平
格同君黃遨遊友偃佺黑頭天下宰丹輔地行仙
海見籌添屋盤堆藕似船願持南極頌百歲譜鵠
絃

中秋前一日畫舫齋即事

蕭爽清秋節平分此月中乘槎思漢使剝棗繼幽

風蘭箭從新茁薇花也自紅悠悠北窓下萬慮一
時空

去年買蘭二缸花甚盛今夏寂然或云市者
新分故爾意已無望至秋半發一筍開時
香氣反倍所謂物以少爲貴耶詩以紀之
薇花開後蓼花殘獨坐南窓對藥闌怪得幽香清
入骨盆中新放一枝蘭

同年龐雪崖建州守罷歸以茗石新刻見惠

賦此奉懷

龔黃爲政世稱賢語詠蛾眉絕可憐莫笑鬱林空

世忠堂詩集卷十九

八

載石何妨彭澤早歸田趨庭鶴髮人難老繞膝鵷
雛勢欲騫負米讀書原不惡朱轡熊軾等雲烟

其二

閩山文石建溪茶珍重封題意自嘉八餅香分湯
沸鼎雙螭光發眼生花媿無玉案酬金錯喜味陽
春到月華何限離情憑去雁吾丘臺迴暮雲遮

送曹玉少倅象州

萬里山川水共雲行行蠻府作參軍此中名宦傳
劉柳疋馬西風又送君

其二

誰言州縣職徒勞參佐風流自昔豪
棘難栖鸞鳳翼蕭何原是漢功曹

同年周蓉湖太夫人八十詩以賀之

君不見崔太常母與親導何輝光
又不見宋宣文授經隔幔生徒紛
古來賢母得令子象服魚軒娛
暮齒公卿競拜養堂前鶴髮婆娑
耀金紫我友周郎莞納言風流文采
比瑤琨九熊少受高堂訓遺肉常承
錫類恩翟車迎養來官舍五色金萱
愛日溫幸遇君王賜孝經天章拜捧
奉慈親堂中題榜昭榮籠膝下斑衣
得鳳麟閒來疊石更開池

世遠堂詩集卷十九

九

扶杖欣看丘壑奇琪花瑤草承顏笑
青鳥文魚佐燕嬉崑丘即在銀臺側
壽母含飴對春日家慶君恩樂事多
七貴三公寧足匹臘月風和設悅辰
鸞笙象管壽筵新忝子蘭譜稱猶子
登堂拜母情尤親甲子喜逢開八秩
麻姑天姥同青春行看八座朝興慶
不數清河福壽人

張齊賢母孫氏年八十餘封晉國太夫人

每入謁禁中上其福壽有令子

贈川陝制府華公

中丞分陝著元功樞府新恩節制崇地擁山川
聯益部門高檠戟鎮關中勛名直壓蕭丞相謀略

真同李衛公此日躋堂環父老稱觴介壽潑醅紅
送桐城張相國予告還里

領袖蓬池三十年全家常住五雲邊密參廟畫
留溫室坐論幽風重講筵弘閣頻開勤下士膺
舟共泛羨登仙扶陽濟美元成在未了經綸付後
賢

其二

宰相歸田見史書主恩終始嘆誰如似裝命
待春風發

上命相國至春和就道

賜第留爲令子居

命嗣君居之洛社溫公姿嬰鏢香山白傳意高疎

世遠堂詩集卷十九

十

也紅亭下櫻花滿

先生園中紅亭有也

不愛黃扉愛我廬

其三

龍眠翠朶似烟鬟一疏辭榮袞繡還綠野春風裴
相樂東山基墅謝公閒芙蓉谿畔秋光好來鶴亭
邊石子斑

芙蓉谿來鶴亭皆園中額名

年未懸車先致政不須
辟穀自朱顏

其四

歌唱驪駒酒滿樽群卿祖張上東門賢同疏傅年
猶少節比陶公爵更尊頻歲乞歸原素志今朝
予告是天恩獨憐四海蒼生望軒蓋何時入

帝閭

和桐城張相國芙蓉谿詩韻

垂雲汧

白石何齒齒青山界沙渚長嘯發天風高談對支許

芙蓉谿亭

侍輦芙蓉苑身住芙蓉裏今看江上花心愛空明水

南莊

小雨滋桃頰春風吹柳綿明農深有意看種南山

黃寧詩集卷十九

十一

田

觀穫亭

穠稔香千頃新秔不膠齒茅檐婦子歡官租賴有此

秋妍館

叉魚香鯽美滑箸紫蓴鮮物色三秋好風光澹更妍

桂叢

不知綸閣貴惟愛小山幽八公如可作鸞鶴下巖頭

來鶴亭

鶴頂千年紅龍鱗百尺老汲得丹砂泉來種紫芝草

千巖萬壑之樓

流水心無競青山意自同黃庭經一卷偃仰此樓中

傅恭堂

考父牆尤謹登堂識此情浣帚與舉策萬石著家聲

溪光嵐翠亭

黃寧詩集卷十九

十二

翠岫接遙汀溪山入此亭飛鴻良有意自在向青冥

雙溪草堂

二水天然合晴光漾玉沙閑來弄小艇時颭白蘋花

曲廊

花信幾番風蕙帶連朝露行飯過迴廊窈窕通幽處

垂竿石

渭水垂竿叟鷹揚豈少顏何如黑頭宰已捲釣綸

閒少去

艤舟亭

巨海千層浪長風萬斛舟濟川功已畢高住小溪頭

佳夢軒

栩栩莊生蜨穿花花似錦攤飯午窓涼側琴聊作枕

梅岡

巡檐常索笑瘦影月中斜閑却調羹手南岡自灌花

世恩堂詩集卷十九

五

蓮渚

冉冉藕花紅盈盈溪水白疑遊王儉府清香襲咫尺

綠楊橋

卧柳板橋西沽酒江村路拖杖出柴荆前溪聽鶯去

稻香亭

露浥稻花香東臯滿耘耔不羨金谷園錦障圍蘭芷

桃花流水扁舟

一棹入花間桃源雞犬閒竹枝歌唱罷明月滿前灣

秋水軒

露白蒹葭淨浮雲捲絳河鷺拳沙渚宿纖羽映清波

鶴棧

白鶴雲中姿林泉偏顧眎豈爲稻粱謀鷄鶩非倫輩

松堤

謾謾風濤響華陽館已成閑來憑百尺天半落松聲

世恩堂詩集卷十九

六

竹圃

千竿古牆下簾陰檀欒綠惟覺此君賢歲寒伴幽谷

放舟亭

溪影落亭中蒲帆送遠風扁舟范少伯烟水五湖通

大溪

淼淼波光白觀濤滄海東當年鑑湖曲彷彿此溪中

入署大風

喔喔雞三唱狂風捲屋茅披衣燈影淡出巷市聲
交署冷文稀判才踈客免嘲獨欣陪 帝子玉乳

出行庖

每日王賜茶郡

第六子生時年六十

年垂耳順逼桑榆湯餅筵開意不圖豈是靈椿榮
五桂居然老蚌出明珠多男餘慶思前蔭七業傳
經望後徒爭奈又添婚嫁累名山志願幾時符

小除

一歲堂堂去無端又小除漸看兒女大轉覺鬢毛

世尊詩集卷十九

圭

踈糜祿慚無補消閑賴有書冷卿君莫謂吾意在

田廬

宋人呼宗正爲冷卿

除夕桐城張相國分餉 御賜荔酒白魚賦

謝

御賜頻繁出上台黃封分餉故人來開嘗絕勝醅
酬味細酌還傾柏葉杯鱸羹蓬池銀作縷魚嘉丙
穴玉爲頤椒盤爛熳圓樂飲少長歡呼醉百迴

祈穀陪祀齋宿府署

齋宿寒廳冷似冰擁爐兀坐一山僧祈年典禮
天家重襍被清宵夜漏澄却媿宗盟司玉牒從來

拙宦笑聾丞東郊又見春旗簇 聖主勤民耒耜

時遇興立春

餞臘

餞臘南窓下江梅小放花偶閑因鎖印久客易思
家餽歲看蠻榼團年感鬢華癡兒強解事索紙漫
塗鴉

壬午新年六十一歲俗謂元命作詩自貶

歲華冉冉攝提遷正值吾生本命年屈子庚寅追
始降絳人甲子紀初躔黑頭公已知無分白髮翁
猶幸有緣早辦吳江買漁艇釣竿長拂一溪烟

世尊詩集卷十九

六

仲春咏懷

三春又去一分春六十過頭白髮新時把詩書緣
結習空辜風月爲官身宵攜稚子支孤枕晨對青
松作比鄰何事風塵常碌碌幾人名姓畫麒麟
二月七日潘雪石宮贊招同人飲於寓齋即

事

潘仁美酒瀉如油畫燭銀屏爛不收愛聽周郎談
昔夢燕山神女月中遊

聽周蓉湖談夢遊西山月下遇天姥神女事

壽浙江方伯郎紫銜五十

畫戟朱轡領上游新膺 寵命布 皇猷勲高鹽

英書屏久德著平反棠蔭留岳牧昔曾尊九伯藩
宣今見表諸侯歌松共喜逢生甫海屋初添第一
籌

二月二十七日偕同年飲有緣軒白桃花下
桃花依舊去年白人面何由仍歲紅聊借花前一
杯酒好添春色對東風

咏齋前白桃花

手種山桃已七年今年花發倍芳妍春風搖蕩腰
肢弱月下霓裳舞衆僊

和同年汪東川祭酒有緣軒看白桃花韻

世恩詩集卷十九

七

約綽仙姿白雪膚共攜蠻榼出行厨高燒銀燭星
疑落時懸燈數
蓋於樹杪獨對清光月竝孤半勺飛泉同弱
水一拳奇石儼方壺軒側有小山
飛泉之勝來遊百遍何曾
厭况是高陽舊酒徒

寒食

他鄉逢熟食小雨潤庭莎已見蜂爭蕊還看雀啄
花吹簫錫粥擔闌草碧油車獨坐空齋裏閑吟到
日斜

晚春遣懷

署冷稀文案官閑得靜便心中無一事架上有陳

編春困三眠柳香回半篆烟懶朝甘世棄拙政肯
爭先

和同年汪東川祭酒咏時物韻二首

白桃花

三間茅屋倚平臺桃杏丁香色色裁閑凭南窓聽
鶯語一杯濁酒一花開

清明

春風撩亂惱心情紫燕黃鸝隊隊行油壁車輕酥
雨滑賣花聲裏過清明

題五十三參觀音像

世恩詩集卷十九

大

色即是空空即色菩提無樹鏡非臺億千現出觀
音相參得來時在善財

暮春望前二日邀宮詹諸公小集寓齋適紫

丁香花開洗馬張寄亭即事有詩依韻和

答

常日追隨鶴禁臣量移經歲隔音塵諸公念舊
能相訪雞黍茅堂媿主人

其二

車騎紛紛委巷來艷陽風暖好銜杯今朝百結丁
香蕊應爲嘉賓特地開

是日丁
香初放

其三

海燕翩跹喜得泥垂垂細柳坐黃鸝石家異味曾
馨發豆粥香中出韭齋洗馬厨
饌甚精

其四

義山詩咏丁香樹才子從來愛此花千載風流張
洗馬西崑佳句竝名家

和同年汪東川祭酒晚春遣懷韻十首

上巳清明取次過春光九十漸無多客懷懶似三
眠柳草色青於一帶羅遺興且爲犀首飲逢場同
聽順郎歌劉禹錫有與歐
童田順郎詩耦耕預訂還山約長沙

世忠詩集卷十九

五

駕湖共結蓑

其二

閑門蕭寂閉雙扉開謝丁香紅杏肥命酌欣然成
獨笑談諧率爾共忘機素絲染髻愁難變南鳥依
巢倦欲歸紫陌光風修禊後作團蜂蝶滿園飛

其三

小雨霏微濕李花一欄紅藥野人家未拋鷄肋還
惆悵敢羨蠅頭起怨嗟信馬溪橋官柳細杖藜村
店酒旗斜他年若遂幽棲願只在山巔與水涯

其四

粥香餠白又清明萬紫千紅費品評濁酒儘堪澆
塊壘才人奚必論功名嵇康好懶因增放東野能
文易不平何似江邨茅屋下南華新註一編成

其五

細草青青望滿阡棠梨花發艷陽天采蘭綈袂聯
油壁啄肉烏鴉噪野田先冢掃除違數載春風露
灑痛當年却慚誓墓吾家事牽率無由化紙錢

其六

又向春風試袂衣十年作客倦思歸江東米價如
泥賤世上錢神似翼飛內史山邊龍筍熟春申浦

世忠詩集卷十九

六

口鰕魚肥抽簪此日猶非晚不負平生舊釣磯

其七

社公微雨潤芳菲丁字簾垂人不知賜火已看過
熟食殿春又見試將離銜泥海燕爭窺戶撲面楊
花散滿池記得江鄉當此際吳蠶浴罷採桑時

其八

屬玉銜魚立釣汀芳塘水白渚蒲明酒旗戲鼓村
人樂瓦狗泥車廟市成瓦狗泥車戲弄之
具出王符潛夫論鬪草兒
童隨意集踏青士女可憐生無端留滯風塵客拘
束官身未得行

補 5—213

其九

呼萬朝罷趁閑遊嘯侶尋芳出杖頭千樹杏花連

禁籞一犁春雨足橫由

東西耕曰橫南北耕曰由

亡羊本是

同臧穀懷古惟當付貉丘自識安心今已竟冷吟
閑醉日休休

其十

眼底堂堂去矣春風光三月到中旬莫思世上升
沈事且樂尊前強健身揚子鴻飛誰可篡嵇康龍
性本難馴若爲參得無生法消盡人間萬劫塵

見齋前紫丁香憶家園舊種花作

世憲詩集卷十九

三

紫袖翩躚簾外垂香含百結未開時江村老屋花
猶在落盡春風總不知

暮春家六翰宮諭招同署諸公讌集寄園吳

鶴臯宮允見余壁間舊題即事和韻再疊

奉酬

平泉花事未曾闌同倚春風帶笑看人侍龍樓皆
舊好杯擎鸚鵡共清歡莓苔雨過層巖碧金粉塵
埋畫閣丹獨對海棠談往昔雕梁初落燕泥乾

其二

滿園新綠罨溪濃獨上巖頭眺遠峯千樹桃花方

結子一欄芍藥正含茸酒波潋灩香浮蟻烟景迷
離日下春粉壁舊題重和荅平章風月未全慵

小園

數弓欄藥避塵喧庾信當年有小園虛室琴書惟
寂歷閒庭鳥雀任飛翻官無判押端居樂客少將
迎養拙尊獨守陳編消永日又看牆角竹生孫

寄園讌集時海棠盛開彭萊洲學士即席成

咏再次原韻

結伴看花憶往年每來一度一悽然後堂曾許彭
宣入舊德還思文靖賢斜捲畫簾雙燕語三眠楊

世憲詩集卷十九

三

柳半池烟惜春無計留春住且醉芳醪共放顛

其二

嫩綠參天春欲殘海棠雨過雪漫漫絳脣初點新
粧靚玉頰微酡丹的寒共賞名園真秀野却憐老
態已槃跚仲先題句猶留壁但少紅裙拂袖看野
詩有但使常將紅袖拂也應勝似碧紗籠之句

學士彭萊洲復枉示同署小集畫舫齋詩四

律次韻奉酬

盍簪來上客開醞酌賢人麤糲無兼味支離笑此
身相逢皆舊雨歡會不盈旬同作池邊鳳巢移一

樣貧

其二

稍喜居幽僻空庭淨絕埃樹沿三徑曲花傍一籬
開嘯咏憑風檻登臨上月臺不嫌村酒薄或肯愛
閑來

其三

老屋三間後迴廊隱曲房淺茅紅芍藥細纈紫丁香
飛酌杯三雅留題筆一牀南榮多古木借綠過
鄰牆

其四

世恩堂詩集卷十九
良辰逢好友勝事喜相兼茶媿頭綱細觴嫌大戶
甜和詩慚後勁險韻畏先拈三復陽春咏冰蟾照
屋檐

席間分遺同署諸公鳳尾茶學士彭萊洲作

詩紀之即次原韻

雀舌茶經辨得真烹來蟹眼賽奇珍君家自有頭
綱餅反賞名山鳳尾新宋時賜學士頭綱
龍茶一斤八餅

其二

乳花似雪氣如蘭好事於今鑒別難倘若不憂逢
水厄何妨七椀試龍團王濂好茶人至輒飲之客
欲候濂必云今日有水厄

其三

未能盡醉倒長餅玉茗分攜客尚醒慚愧封題才
數餅何由兩腋起冷冷盧仝詩有惟覺兩腋
習習輕風生之句

其四

寄茶詩句憶髯蘇北苑沙溪世共呼新銙旗槍相
鬪罷香生舌本一愁無茶有名
賀新錡

世恩堂集卷十九終

世恩堂詩集卷十九

吉

世恩堂詩集卷二十

華亭王項齡瑁湖

畫舫齋臺五之下

起壬午四月
盡癸未八月

四月初六日蒙

恩賜臣項齡世恩堂三

大字匾額至 暢春園祇領謝

恩恭

紀十六韻

聖藻龍飛舞

天章鳳翥鸞昭回雲漢麗烜爛日

星懸寰海榮光滿朝臣錫予偏登牀笑常侍正筆

許公權自顧才無補兼慚職有愆敢希飛白寵竊

冀 賜書傳至止芙蓉苑行來御宿川幸隨元老

世恩堂詩集卷二十

珮欣竝列卿肩

別殿揮瑤管重霄落綵箋驪珠

三的燦玉璽一盤旋鸞泊銀鉤美蟬聯鐵畫妍

兩朝霑澤厚

先子曾為
世祖朝侍御

奕世感恩專更喜家

門內同叨雨露鮮

兩弟同蒙
堂名匾額時以為榮

恩賜鏤題瞻壁

采璿榜象奎躔寵過誠齋額榮逾玉署鐫宋光宗
賜楊萬

里誠齋二大字太宗賜
蘇易簡玉堂之署四字

弘慈難報稱誦德託詩

篇

家中齋樞部移居白門歸省相國出送別詩

索和敬次原韻

陶令移居詩數篇青溪卜宅已年年送君此去江

南道觸撥羈人意惘然

其二

蓬矢懸時志四方丈夫何必戀維桑從來建業稱

佳麗金粉山川櫻筍鄉

其三

綠野春風數載違惟愁江上鯉書稀相公愛弟頻

延佇只望南雲雁北飛

其四

陌上王孫草又青蕭蕭班馬動離情白門楊柳藏

烏小幾度城南去聽鶯

世恩堂詩集卷二十

其五

首夏風翻紅藥遲客懷如絮轉淒其看君暫返金

臺日正我思歸白苧時

其六

猶憶烏衣裙屐年尚書少子最相憐不思蘭省含

香貴第五名高驃騎前

其七

幕府山前好結鄰清溪白石自相親買田陽羨東

坡志是處林泉可寄身

其八

神仙服食玉爲餐
泛宅浮家總不難
白下雲間原咫尺
願隨雞犬事劉安

恭題孝感相國熊公

御書澡修堂跋後

聖人端拱明光宮
雲門日奏調薰風
左周右召亮天功
斟酌元氣歸鴻濛
猗與我師今元公
濟川霖雨將無同
學宗濂洛開愚聾
尼山道統日再中
海內想望如華嵩
上佐邳治登帝鴻
扶杖觀化來罷癘
君臣魚水遭遇隆
一日別殿梨花紅
萬幾清讌時和豐
親揮寶附銀鉤工
龍翔鳳泊盤晴空
萬鈞弩發腕力雄
波磔健舉神冲融
紛紛乞

世憲詩集卷二十

三

書小苑東

天心特鑒元輔忠

御題澡修名義

崇厥惟伊川與晦
翁新傳千載相流通
品藻允合仰聖聰
我師拜手心彌冲
長篇紀恩述厯洪
高懸廳壁光熊熊
更鐫貞石傳無窮
長安歌誦聲淪淪
鋪揚勲德何穹窿
自憐弱植同飄蓬
夙荷函蓋如帡幪
洩勃乃得儲藥籠
感激欲寫慚雕蟲

午日小飲微酣醒而賦此

棗花纂纂東牆下
芍藥翻翻畫檻前
三葉蒲觴肢體倦
黑甜一枕北窓眠

恭題侍讀宋葑洲

御書文學侍從匾額

乃扈 駕南巡所賜也

風流小宋重金華
扈蹕曾浮貫月槎
賜出龍章輝日采
捧來鳳紙燦雲霞
鄒枚文學西京傑
顏謝詩篇六代誇
自是聖恩優法從
榮光常繞侍臣家

恭題侍讀宋葑洲

御書凝遠堂匾額

廣平華胄宰臣家
尺五城南當代誇
世美公侯知復始
奎章鸞鳳勢橫斜
前勞常荷君王眷
賜文恪師篤念
前勞匾額令器今看
天子嘉相業他年應
繼武已驚綵筆賦梅花

世憲詩集卷二十

四

五月二十五日早

上召內閣大學士學士部院府寺堂上官翰詹編
檢以上科道諸臣於

保和殿各

賜御書一幅臣項齡得絕句其詞云青天蜀道不
難攀思入微茫杳靄間稍著一區楊子宅居
然秀甲九州山下有臨董二字越三日諸臣
合詞上表謝

恩恭紀

金殿霏微曉日融
御書擎出建章宮
登牀常侍

爭先乞

時諸臣惟躍競前

飛白文皇恨未工手

詔輝煌瞻舞鳳

上手書諭旨示諸臣即分賜大學士各一幅

恩綸

溫鵠被薰風

諭時當齋戒未及賜飯諸臣莫饑否

聖心體恤周至聞之莫不感激

小臣何幸叨

天寵奎寶傳家

奕世崇

其二

叨司瑤籍佐銀潢拜捧

天書到草堂奎寶輝煌

盤鳳紙驪珠的爍吐龍章通英賜翰眉山寵玉署

題名易簡光慚愧樗材蒙雨露惟搖班管頌無疆

通政周蓉湖同年喜拜

御書之賜同日

世恩堂詩集卷二十

五

東川祭酒饋以雙鯉有作索和賦荅

奎章雲漢共昭回拜捧歸家笑口開良友雙魚同

日至烹鮮先介北堂來

時太夫人迎養在邸

其二

有綠軒中酒號賢素馨潑刺味尤鮮朶頤食指時

時動縱得焚枯也躍然

送農部郝子希銓部施覺菴典試貴州二君

與予有淵源之誼

山川形勝古黔中使者乘軺萬里通太史占星參

井動孫陽相馬驥騶空鳳凰山上秋光好文筆峯

前翠靄融到日諸侯爭負弩頓令荒徼沐皇風

和同年汪東川祭酒協理方畧館總裁新

命作即用蓉湖同年韻

北伐神功三駕回史臣編纂石渠開書成須待龍

門筆推轂黃扉啓事來

其二

蘭臺著作領羣賢特荷新恩詔墨鮮還憶昔年

同被

命共修金鑑夜黎然

庚午歲被命同事通鑑講章

長夏憶家園集唐人句即用前韻荅東川同

年

世恩堂詩集卷二十

六

爲言相憶首長回一一軒窓向水開睡到午時歡

到夜坐禪僧去飲徒來

其二

憂國朝廷自有賢對君銀印最相鮮誰能頭白勞

心力忽憶閑居思浩然

再用前韻集唐次首爲東川方有事史館而

作

應掛雲帆早箇回一亭臨澗四門開人生只有家

園樂萬里歸心獨上來

其二

卷中文字掩前賢綠翰搖風絳錦鮮盛德好將銀
筆述煖香紅燄一時然

輓汪貞女

雖諧秦晉猶稱女未拜姑章即殉夫大節直同孤
月皎三綱竟賴少姝扶相從地下成連理豈獨人
間表義姑佇觀烏頭雙闕麗名垂彤管一時無

消夏作

簾紋如水照人光支枕松陰午夢長百計任他西
府熱一絲輸我北窓涼何妨鄧禹啜寧朔常見劉
班誤義康更有破閑消夏法研朱點易坐匡牀

世恩堂詩集卷二十

七

其二

赤日炎歊三伏天涼颺習習憶林泉哀顏媿我頭
頰白仕宦看人歲屢遷退鷁有風飛自後土牛無
力策難前惟思投紱安余拙消夏灣邊聽暮蟬

露坐

露坐閑庭寂蕉衣自在涼晚蟬千樹合返照一林
黃仕宦甘人後詩書引興長掃門愁觸熱不逐馬
蹄忙

房師蘋村徐公八十賦詩奉柬

高名海內斗杓崇舊學槐廳帝眷隆賜物桓榮

稽古力解頤匡鼎說詩工斜簪坐倚園橋秀寶炬
光移浴殿紅一自輞川憑嘯咏蒼生引領望江東

其二

玉樹森森謝傳庭扶陽濟美有傳經鳳池珂珮欣
相和鸞掖文章羨寧馨夫子長筵開八秩郎君高
坐第三廳絲綸世掌於今少更看龍孫起北溟

其三

水北花南信所之風光澹蕩映橫眉投竿愛把元
真釣題扇吟成柳惲詩人去西田多種秫客來東
墅共圍棋精神龍馬身強健長主湖山樂不支

世恩堂詩集卷二十

八

其四

憶侍扶風廿載前後堂絲竹到彭宣喜逢醉酒香
山日正值垂綸渭水年火棗冰桃天上果方瞳碧
眼地行仙白頭弟子恩難報惟咏崧高介壽篇

題查聲山太史花溪垂釣圖寫真

青規丹禁地深嚴午漏香傳翠羽簾大內南書房
故事午時香
申時奉詔日書金鳳紙墨花浮動鼠鬚尖

其二

千樹桃花紅簇簇一溪碧浪皺鱗鱗自從渭水鷹
揚後又有垂竿釣玉人

其三

玉堂見慣郭熙山又貌花溪水一灣只恐金鑾需
草詔江湖未許侍臣閑

其四

我家谷水有林泉留滯春明近十年一對此圖生
悵望樗材只合早歸田

端居偶咏

乾鵲林間噪鄰鷄屋後啼端居忘世味虛室見天
倪潘岳逢時拙莊生論物齊秋風蓴菜滑鄉夢五
茸西

世寧詩集卷二十

九

新秋雨窓即事

新秋天氣澄雲物致蕭爽閑齋耳目清琴書愜幽
賞雨霽晚霞明蘭芽茁盆盎閉戶謝人事取適聊
偃仰

其二

偃仰意有餘冷卿足放曠無勞紙尾署但厠需頭
狀宗人府例不盡題放
行惟本上列名而已帝子幸周旋玉乳日相

餉但媿孤朝恩素餐速官謗漢時重宗臣亮直
數劉向憂時拜封章嶽然蔚時望後來取充位官
司實冗長鯁生遇聖朝敦睦唐堯上周道尚親

親行葦歌莫忘天潢皆間平彬彬崇禮讓佐職喜
清閑高咏忘得喪

其三

得喪亦何有曼容吾師友六百即自免何況要艾
綬非不愛熱官祇恐負乘醜退食意從容一編常
在手花下呼良朋牀頭幸有酒追涼飲碧筒話雨
剪春韭高論溯羲皇清詞託陶柳會當拂衣去五
湖一釣叟

和荅龐雪崖同年用陶淵明庚戌歲九月中
于西田穫早稻韻

世寧詩集卷二十

十

故人處燕南觀面愁無端秋雲翔朔雁書問來長
安開城再三讀出入懷袖觀賢哉我龐公解官閩
嶠還載石著清節落落歸裝寒廉吏不可爲獲上
時所難何如南陔下采蘭心無干有子好詩書顧
之開歡顏即此天倫樂便可長鍵關慎勿慕遠遊
報章慰三嘆時雪崖有
出遊意

命園丁除草

園莽芟何快曠然耳目清秋高天自迴道勝意無
營剝棗收簷果聞砧攪客情栖遲憐拙宦倦羽急
歸耕

沈節母邵氏詩

婦人從一終大義固當爾奈何世道凋栢舟風飄
矣我聞沈節母霜操世莫比青年喪所天斬然嫠
婦耳上以奉尊章下以鞠孺子辛勤四十年克終
竟如始教子成鴻生晝夜親指視母也兼父道雖
生不媿死采風上輜軒烏頭表厥里共姜嘆再覲
大書光彤史

恭題學士陳乾齋

御書愛日堂卷後

我聞先正言忠孝本一原資父以事君求忠於孝
門斯言良不爽今古有同論美哉陳元方上有大

萬壽詩卷二十

七

椿存出身事 明主天路瞻鵬鯢奏賦浴堂殿扈

游御宿園文章鏗金石翰墨窮漏痕 天子眷彌

篤望雲心飛翻將父恐不遑靡鹽懷 君恩時當

萬幾暇鳳紙龍蛇奔驪珠吐的爍鸞翼光騰騫

學士適內直嘆詫驚心魂臣也有私願乞書叩

天聞特請愛日顏奉以壽嚴尊 天心爲感動

賜書寶璫璫裝以玳瑁函馳獻耀江邨四海頌

聖孝錫類同春溫百爾咸感奮竭忠交相敦

家信至聞焯兒生男志喜

六十年逾一今朝始抱孫詒謀慙薄德念祖望興

門逸少分甘樂升卿命字尊敦牂同我降繩武笑
顏溫余生亦壬午

重陽同蔡仙問孝廉叔維在兒子圖煒圖耀

小酌

落帽風前黃葉層花糕節物糝盤登又聽擔菊攔
街唱共醉籬邊酒數升

寶翰堂詩應

直郡王敎有序

寶翰堂爲

王收藏

萬壽詩卷二十

七

御書之所韓大宗伯炎作記以紀

王仰體

聖訓敬寶

宸翰之意

命在廷各賦詩以成

盛典頌萬一其榮幸爲何如也才學弁鄙乃得預應徐之末稍效颺

聖主詒謀裕 賢王樂善彰璿源疏派近麟趾賦

姿良勝拜聞詩禮趨庭稟義方親儒陳醴酒好學

寫巾箱北海工書妙東平作頌長析圭高五等分

玉冠諸王米邸承 恩渥丹宮 錫命詳淋漓瞻

聖翰炳煥仰 宸章舒卷烟雲滿飛鸞鳳張

龍書追宓帝鳥篆壓文皇藏弄充高棟臨摹出硬

黃 璇題珍 御墨碧落屬榮光 寶訓垂千禩

奎文耀十行竹池金簡秘蘭坂玉函香鐵畫瑤

裝軸銀鈎錦作囊敬觀同琬琰慎守比琳琅忠孝

親藩著 仁慈奕葉昌夔龍虔紀述鵷鷺效賡

颺 盛典逢熙皞輕材愧對揚 穆皇傳世美夾

輔慶無疆

十月七日雪後偕通政周蓉湖學士曹夢懷

世憲詩集卷二十

三

兩同年小飲汪東川祭酒寓齋即事和東

川韻

徑掃鷺毛雪推窓愛晚晴相將斟竹葉聊共熱松

明座喜團樂密詩誇競病成步檐閑徙倚寒月半

規生

其二

知己天涯聚謀消九九寒杯樂隨意具雪月逐時

看老去歡場少狂來醉眼寬會須長作達到處任

盤桓

汪東川同年餉以木瓜賦謝

封題梁苑至分餉故人來鼻觀香微觸眉端色乍
開明窓聊作伴殘菊尚堪陪但愧無瓊報風詩吟
幾回

疊雪後小集前韻酬東川

連朝滕六下今日喜新晴冷逼千山豔光凝一室
明蔡州軍氣壯灞畤客詩成乘興呼同調高談仗
友生

其二

四野瓊瑤滿千門瘁瘵寒花從謝莊落

宋大明中元日謝莊

下嚴雪集衣白上以爲瑞羣臣皆作雪花詩

簡授馬卿看閨閣烹煎韻

世憲詩集卷二十

古

兒童裝點寬豐年知有象鼓腹且盤桓

和東川同年曉起雪望詩十韻

我我朔雪高白壁動盈尺寒暑一歲遷狐裘換絺

綌遙嶺成玉山枯槎似霜戟清溜滴檐楹平疇失

阡陌呼僮掃庭除差容履綦跡緩步涉小園恍疑

元圃積飄飄鶴氅衣便與塵喧隔空明滌氛滓清

涼沁心魄如遊冰壺中頓令煩惱釋况承白雪唱

吟到松窓夕

和東川同年約同人黑龍潭看雪風大不果

集飲寓齋作

相約城南去登臺望玉龍那知石尤起未得杖藜
從話久燈花落香開缸面封高齋共斟酌何必眺
雲峯

送大銀臺李公凱同年扈從

閔河

河魚沸鬱吾山平攀茭負薪民弗寧 聖人廟畫
指授明 鑾輿三駕臨淮陰歲惟壬午秋禾登河
臣疏請觀厥成一時扈從盡豪英銀臺李公本淮
人叩閭特乞隨南行據鞍顧盼生精神馳騁不讓
年少能屬車千乘聲赫赫中有一人髯且頰側身
豹尾依霓旌爭羨還鄉衣錦榮知君素切桑梓情

世憲詩集卷二十

五

應有嘉謨似賈生

御試 南書房內直翰林題梅須遜雪三分白敬

和

疎影瑤姿足竝芳漫從色相較低昂阮何雙絕原
無匹邢尹相看欲自傷且向羅浮矜冷豔不隨梁
苑闢明光憑他品第猶相亞未許飛翼獨擅場
御試 南書房內直翰林題芳氣有無中敬賦
西府名花擅芳華欲弄輝洛妃乘霧去巫女作雲
歸鼻觀微茫會山窓香靄依彩霞天外散彷彿是
耶非

仲春十三日同汪東川祭酒曹蓼懷學士飲
于周荅湖通政有綠軒白桃花下東川即
席首唱遂和其韻

暖風不動六街塵有綠軒中景物新早似梨雲搖
素月遲疑梅雪舞青春久知世態先民古時談前輩舊事
漸覺交情老友真但願白頭常健在年年來作看
花人

再疊前韻咏白桃花酬東川祭酒

姑射仙姿迥絕塵綠窓相對晚粧新輕飄縞袂斜
侵月澹掃蛾眉獨占春不關繁華留色相却標風

世憲詩集卷二十

六

韻見清真輦紅袞袞空頭白欲作桃源問渡人

三疊咏花前韻東川祭酒

綠莎芳徑淨無塵物色年光一樣新座上漸看同
輩少眼前又過二分春酒依金谷青尊滿花似何
郎粉面真茂苑忽傳亡友信黃公壚畔最愁人時傳

東田已
歸道山

四疊前韻酬東川祭酒

天街小雨浥輕塵寒食青青柳葉新獨對好花過
永晝忽傳佳句到陽春交遊十載憐同調風雅千
秋幸有真莫訝詩筒數來往可知我輩是閑人

東川祭酒招集同人看花小飲病未克赴賦

以志謝五疊前韻

東風狂卷 帝京塵卧病偏當桃李新未得追陪
花下飲空教孤負客中春眼前時序無端過夢裏
家山那是真遙想諸公歡賞劇興飛爭奈擁衾人
病起東川祭酒重訂看花之約六疊前韻

簾捲輕陰散麴塵文園病起草芽新看花重訂南
皮集載酒先拈竹葉春景物當前供逸賞杯盤率
意任天真停觴却憶于思客無限離情兩地人同
年李公凱
處從南行

世恩堂詩集卷二十

七

穀雨日薛澱弟招同蔡仙問錢天槎二孝廉

暨兒子圖炳姪扶升飲於妙光閣後阮園

花下即事

穀雨芳郊草似袍惠連招飲過蘭皋危亭極目登
臨遠細路緣巖曲折高天放晴和花窈窕酒澆能
耗醉酩酊時諸子
方下第世情翻覆君休問自古才人合

賦騷

對花有感

千結紫丁香垂垂映綠楊兒曹方下第客子正思
鄉白髮悲搖落青雲事邈茫消愁憑酒盞歸興水

天長

三月廿二日周蓉湖通政招同李公凱通政

汪東川祭酒曹蓼懷閣學飲于似山居次

東川韻

銀臺初下紫宸班招客來看大小山瀑水淙潺流
石罅孤松天矯陰僧關直疑身在義皇上宛似神
遊濠濮間一局枯碁消永晝那知仙境在塵寰

其二

啜茗清談總勝流滿庭新綠上簾鉤梳翎白鶴階
前舞啞藻朱魚水面遊一枕繩牀同栩栩三杯濁

世恩堂詩集卷二十

六

酒自悠悠濟時衮衮多賢達吾夢常依杜若洲

和汪東川祭酒送春詩再疊前韻

風塵倦翮早知還三畝家園內史山橫雲山因戶
陸雲得名

外流泉鳴瀲灩簾前春鳥語關關常思高寄烟鬟

裏何事浮名蝸角間小詠遊仙詩百首三千弱水

隔人寰

其二

春去無端似水流焚香獨坐下簾鉤一天柳絮隨
風落滿院蟲絲撲面遊案有遺經胸浩浩門無殘
客意悠悠自知骨相難圖閣學道還須到十洲

四月二日送兒子圖炳圖煥南歸時炳兒方下第

四月旗亭又聽鶯客中送子返江城憐予老不堪
時用怪汝文難與命爭炳兒文已入報國惟知投選忽遭斥落
赤棗傳家那得有金籬西田好種陶公秫待我東歸醉滿罍

雨後閑居

雨後閑居坐草亭數枝芍藥映疎櫺不知門外塵
千斛自愛花間酒一餅幾疊鄉心如轉轂半生宦
跡似浮萍扶蘇夏木窓前景消受濃陰綠滿庭

世忠堂詩集卷二十

九

初夏雜咏和汪東川祭酒韻

綠樹陰濃晝遲風翻紅藥兩三枝只看海燕爲
巢日正是江梅欲熟時白定甌中聊闕茗冷金箋
上偶題詩世人那有閑于我何必麟臺與鳳池

其二

飯罷閑行繞曲廊靜中日似小年長兩山罨畫朝
嵐爽一枕支窓午夢涼拙宦自甘居散地駐顏何
處覓丹方鄉心但逐東流水倦鳥知還不願翔

其三

企脚南軒納遠風簾紋如水浸虛空薰衣遣婢燒

銅鴨灌藥呼童汲水筒麥浪層翻平野綠櫻珠顆
瀉玉盤紅冷卿却笑無多事退食常先也自公

其四

參差榆柳幾重遮小雨初收晚照斜近舍啾啾多
野雀遠池閣閣有鳴蛙濁醪漫過牆頭酒箸裹新
開廟後茶棐几湘簾安筆格膽餅供得數枝花

其五

廿年曾忝鳳皇池卧看春山一枕支蘭殿揮毫書
玉管桂宮陪宴飲金卮迴思香案成前夢佐筵銀
潢又一時樗質愧叨恩遇渥更容閑散任頑癡

世忠堂詩集卷二十

十

其六

八窓疎豁虛亭敞禿袖單衫四體輕椿木自生雙
蔭合棗花親種十年成薰風拂處琴書靜好鳥啼
時耳目清惟有春花與秋月冷吟閑醉不勝情

其七

扶疎夏木影交加深院凝香靜不譁安石榴開千
樹火將離人贈一枝花丘遲才盡官難進潘岳情
多髯易華蕭散但憑書過日飛鳥不覺又西斜

其八

衰慵猶點列仙班夢裏尋常到故山楊柳千絲飄

雨線芙蓉九朵對烟鬟鮓魚入饌同香玉蠶豆供
厨似碧環只爲戀 恩歸未得乞身須待健時還

其九

碧鮮成斑滿徑苔雙扉晝掩不曾開堆牀舊帙從
頭讀得意新詩特地來稚子學書如畫紙老人引
睡且銜杯鼠肝蟲臂由天付呼馬呼牛任世猜

其十

裊裊空庭百尺絲纍纍青杏薦盤時菖蒲似劍搖
方渚荷葉如錢漾曲池久宦祇添雙鬢老讀書還
恨十年遲會須擺脫名輟去人世升沈總不知

世忠堂詩集卷二十

三

其十一

忘名獨坐即空山炙手張羅一瞬間杜德機中無
世法安心竟後總仙寰曼容祿薄猶知退陶令園
蕪便乞還自古賢豪皆曠達高風千載欲追攀

其十二

畫圖一幅愛浮嵐硯北琴書對水南幾曲蝦鬚穿
乳燕三眠桑葉熟吳蠶浮家漫擬張融屋學佛還
同彌勒龕他日誅茅峰泖畔何殊杜老百花潭

送揆凱公學士奉 使冊封朝鮮王妃和張

寄亭洗馬韻

箕子當年啓舊封 聖朝德化被恩濃 龍書上

映星辰麗 鸞詔新銜 冊命重鳴綠江清開錦

纜鳳凰山翠削芙蓉遙知使節留題徧學士文章

一代宗

其二

玉節飄揚出 帝京樂浪古郡一巖城東藩嘉禮
方承寵 天使詞林舊有聲夾道鳴騶高唱入前
驅負弩望塵迎皇華早盼乘輶返無限河橋折柳
情

夏日邀同人集青霞居棗花下限微字

世忠堂詩集卷二十

三

露坐山窓下開尊到夕暉棗花香澹澹梅雨晝霏
霏棊響人聲靜風飄爐篆微分題聊唱和麤糲博
珠璣

和周容湖通政倒疊前韻一首

當年同應 詔春殿賦璿璣白鳥江湖夢青雲志
力微好花金粟細密葉露珠霏盡醉休輕別西山
又落暉

送郭鑑雲歸耀州時以庶常散館出爲縣令

海榴花發送將歸燕樹秦雲兩地依巖助承明曾
乞外陶公彭澤未全非車箱路迴天無暑玉井蓮

開竊正肥回憶舊游同昔夢送君西去興猶飛

夏至日蒙

恩賜龍補綴蟒緞素緞各一疋恭紀

長夏風清綠作苔驚看 賜紵自天來龍章藻耀
瞻華袞黃紙封題出上台中外霑 恩懼普被迂
疎竊祿愧非才 盛明黼黻知難稱惟咏南山獻
壽杯

長夏書懷

長夏空齋幽興添盆蘭馥馥透疎簾八窓樹色交
清影一枕松風到黑甜舊鴨香飄銀葉細新蟾光

世遠詩集卷二十

三

吐玉鉤纖衰慵得就閑官好不調何妨張季淹

五月廿六日曹蓼懷學士招同李公凱周容

湖兩通政汪東川祭酒集飲即事漫賦

雨歇風清暑氣微主人投轄闔雙扉葡萄蔓引新
條綠白玉盤堆黃雀肥露坐空庭涼氣爽高談皇
古俗情稀汪倫買宅思君里地近吳淞共釣磯

祭酒欲卜居嘉善
距松江四十里

六月初三日拜少宗伯之

命感 恩

恭紀

三載天潢署裏來忽蒙異數佐容臺秩宗 寵命

驚叨冒常伯崇班愧濫陪 聖主深恩同浩蕩小
臣無地報涓埃惟將冰檠酬 高厚夙夜寅清竭
謏才

疊前韻東蓼懷學士暨在席諸同年

照眼紅榴帶雨微叅知退食下黃扉香醪共醉烏
程美佳果分嘗仙杏肥瀟灑軒窓碁局靜清幽曲
巷市聲稀停杯細語江湖樂一片鄉心落釣磯

周容湖通政招飲有事不克赴再疊前韻志

謝

似山居上景清微白晝科頭靜掩扉石罅青松知

世遠詩集卷二十

四

漸長盆池朱鬣定應肥碧甯有約羣賢聚小戶無
緣高會稀壁後長瓶休盡倒來朝索醉坐苔磯

苦雨書懷

展破苔紋滑牆垂屋漏痕昔邪生瓦曲蓼草秀雲
根騎怯銀鞍險香留金鴨溫攤書消永晝聊喜息
塵喧

夏景

蕉衣團扇受風斜小立欄干對晚霞翠色籠烟君
子竹清香撲鼻女兒花

題徐虞門給諫宣沙視牧圖

仙令雄才收政修短衣跨馬歷邊陲黃沙白草千山外雲錦成羣指顧收

其二

居庸關外朔風寒馬踏層冰霜滿鞍莫謂書生知筆硯別羣辨色勝奚官

其三

三尺驚溪妙寫真徐卿豪氣迴無倫弓刀小隊衝寒出不學黃紬被裏人

七夕

又遇穿鍼節重逢結綵天雙星情脉脉新月影娟娟

世尊詩集卷二十

三

娟靈鵲橋初駕瓜筵喜自緣無心來乞巧守拙性安便

大宗伯杜遇徐先生七十詩以賀之

流水青山獨樂園靜研柱下五千言息機高卧烟霞裏一代耆英德業尊

其二

記得青門祖帳時二疏賢達不難追東山杖履聞強健龍馬精神海鶴姿

其三

鴛鴦湖畔水連天景物秋來致更鮮主管溪山成

獨笑逍遙真是地行仙

其四

百歲今方開七秩長筵絲竹介瑤觥城南尺五家聲在濟美還看雛鳳鳴

秋容

紅蓼高於屋秋容正自佳地幽稀過轍興至檢詩牌啜茗清塵慮攤書遣客懷疎慵人事少端坐有虛齋

中秋前六日汪東川祭酒招同李公凱周蓉

湖兩通政曹夢懷閣學小飲即事

世尊詩集卷二十

三

旅館無聊甚良朋折柬招佳肴螯共擘秋藥錦同標庭中錦西露坐添衣數鄉心去雁遙他年耦耕

約款款話今宵

時訂歸田之約

少宗伯羅公出示

御書清慎勤三字匾

額敬題卷後

三字官箴清慎勤淋漓宸翰氣氤氲九霄共識奎章麗五色爭看鳳藻分賜出天門驚虎卧裝成玉軸陋鷺羣遙知此夜華堂上應有榮光接慶雲

其二

典禮容臺寵眷新嶙峋才望冠朝紳樞機慎密張
安世職守清勤第五倫似水臣心堅一節如龍

天筆挽千鈞春卿遭遇明良會墨寶傳家奕葉珍

中秋後四日周蓉湖通政招同李公凱通政

汪東川祭酒曹蓼懷閣學飲有綠軒作歌

紀之

中秋之月秋光嘉故人招我看秋花紫蟹輪困脂
滿腹況有鶯炙肥堪誇深杯細酌日將落庭中碧
樹枝交加小山盆池魚戢戢其上更有青松遮酒
半主人拓金戟小支方眼雙丫又平時舞弄當戲

世園詩集卷二十

三

綵慈親燕喜顏生華

蓉湖近買畫戟一枝
常手舞以娛太夫人

人生富

貴亦何有一尊濁酒勝黃麻談仙說鬼月稍出林
間宿鳥啼啞啞大笑相揖出門去東西各上來時
車

八月廿一日 暢春園請

皇太后安

賜茶恭紀

請安齊到濯龍門坐倚宮槐秋樹根

聖母萬年

方燕喜 賜來玉乳盡霑恩

其二

清秋 別苑露華濃遙望西山黛色重一道玉堤

平似掌起居長樂馬如龍

其三

五更踏月出城陰歸路郊壇古樹深終日軟紅空
袞袞不知秋色在平林

八月二十六日李公凱通政招同汪涵齋光

祿汪東川祭酒周蓉湖通政曹蓼懷閣學

潘雪石侍講飲恪素堂即用前韻

龍山落帽思孟嘉東籬黃菊猶未花銀臺李公招
客飲羅列珍味誠堪誇圍碁賭勝白晝靜散盤喝
采聲交加劉章行酒以軍法有進無退難要遮時

世園詩集卷二十

三

湖行軍法
進退令

觥籌歷亂爵無算七箸不暇盤中义眼

前有酒即醉倒誰能兩鬢無霜華爲官何必至將
相愛與野老談桑麻五湖紅樹秋山好櫓聲軋軋
聞呶啞暫時留滯未得去勸君急覓遊山車

重陽前六日邀諸同年小集畫舫齋三疊前

韻

重陽節近景最嘉紅茱交映千黃花催租不敗邠
老興題糕豪致相矜誇茱萸酒愧嘉客盤餐粗
糲寧有加同心素友喜脫略談諧衝口誰能遮登
樓放眼西山近千林紅樹枝交叉周郎爲我書樓

榜學窠大字浮墨華荅湖爲余書致爽二字樓額子建山遊興
轉劇不顧綸閣期草麻夢懷訂遊西山吾徒自愛文字飲
何用絃管紛嘔啞君不見六龍晝夜無頓轡誰人
有力回天車

世恩堂詩集卷二十終

世恩堂詩集卷二十

无

世恩堂詩集卷二十一

華亭王項齡瑁湖

畫舫齋臺六之上

起癸未九月盡甲申十二月

送少司成魯留耕給假祭祖

國子先生歸去來生徒六館重徘徊解頤匡鼎誰
能似折角朱游未易才丹詔恩榮推祖德錦衣
爛熳動蘭陔勸君莫滯東山轍早望鋒車郭隗臺
孟冬李公凱通政以有緣軒看晚菊詩見示
索和余以未得與雅集爲悵依韻酬之

未得陪良宴空懷對菊餐晚香籬落景薄日草堂

世恩堂詩集卷二十一

一

寒白雪尊前唱青萍醉後看荅湖有雙劍遙知小山畔

盤礴有餘懽

其二

菊色霜華重山光日夕佳銜盃悵無分得句喜相
偕曼倩詞多隱文開事必諧何時洗新杓走馬到
西街荅湖寓在西街

家少傅文靖公挽歌二首

兩朝耆碩望崔嵬廿載中書仰作梅一代經綸留
汗史千秋圖畫在雲臺長悲箕尾歸何速共嘆台
星圻可哀惆悵平津舊東閣春風深鎖滿蒼苔

其二

元公勲業感 楓宸 帝子臨喪 寵命新上特

皇長子直郡王奠茶前此閣臣所未有真異數也 北闕長辭無限恨東

堂哀贈有誰論韋侯經術多繩武丙相賓僚絕吐

茵最是羊曇懷舊德西州重過淚沾巾

冬至前二日奉

命省牲恭紀兼呈勞書升馬衡原兩太常

聖朝祀典本精誠奉 命郊壇去省牲肥脂定知

歆 上帝濟蹕還喜對清卿是日勞書升馬衡原兩太常相陪 葭

灰緹室青陽起雲物靈臺瑞靄明回憶昔年趨走

世恩堂詩集卷二十一

二

地不堪華髮滿頭生余初任常博時至牲所今已二十餘年矣

題畫

雲山萬疊樹千尋老屋三間寄一林何必桃源堪

避世此中佳致最蕭森

閣學張樸園以 予告歸田詩寄示索和依

韻奉答

一疏辭榮返舊關遂初早下紫宸班暫拋朱紱裁

荷服不戀黃扉愛碧山鷗鷺有盟雙漿狎菊松無

恙一籬閒乞身正喜當強健畫錦堂邊最好頑畫堂在彰德府

其二

潞陽名勝樸園寬樸園學士歸田髻未班鈴索

不驚鷗鳥夢林泉那讓玉堂山宋時玉堂壁有常

留半塢凝雲懶高卧三間老屋閒回首東華塵撲

面一絲吹不到松關

臘月八日曹蓼懷學士招同李公凱通政余

嶺州學士汪涵齋光祿汪東川學士周蓉

湖通政潘雪石侍講飲錫類堂次公凱韻

學士延賓坐東閣臘盤春釀深深酌酒糾令肅三

章約老友談嘲興如昨酣呼脫帽意疎略華燈四

世恩堂詩集卷二十一

三

映同輝萼君不見印累累今緩若若苦向風塵受

羈絡何似南萼羹北酪上窮墳典下丘索終日高

談資盟噓丈夫官被微名縛夜深簾外雪花作豐

登有象民無瘼粥錫溫香滑匙落堅坐良宵愛盤

磚主人情多頻洗爵李侯佳句振寥廓

臘月十二日周蓉湖通政招諸同年飲有綠

軒次公凱韻

周子湖海士英傑最軒達開尊延故人相與敘間

潤庭樹亦已凋八窓更踈豁灤魚薦玉盤佳果手

可掇雪後月光寒夜坐如水潑轟飲興益豪燒燭

幾見跋

其二

舊交纔數人聚飲必盡興小戶不勝酌嚴苛苦觴
政高論義皇前俗語齒牙屏卑禽步前除引吭豁
清聽把酒且高歌吾生自有命推簾月如水空明
天宇淨

其三

四序有代謝堅冰天氣肅寒谷春將回吹律轉地
軸眼底光風來童冠成春服行樂須及時何爲苦
拘束古人愛景光托意在秉燭敢以告僕夫此義

世憲詩集卷二十一

四

共相勗

臘月十七日潘雪石侍講招諸同年飲有緣

軒次公凱韻

雪後風光意浩然同人雅集地幽偏庭中野鶴蹁
躑舞牆外霜條低亞連金谷酒尊長自合柴桑籃
輦竟難前時公凱足疾不至陽春欲和無佳思燈下撚髭
未得眠

同官羅少宗伯出示 皇十四子壽羅公詩

敬和元韻

瑤管瓊笙拜慶時欣逢嶽降甫申期光分戚里門

相迴望重容臺 黼黻知北海翔鸞工染翰臨淄

繡虎善吟詩驚看玉軸天人妙懸在華堂百歲宜

馬仙菴大叅 賜謚忠勤並 賜匾額徵詩

賦此以應

大節真同日月光捐軀罵賊殉封疆睢陽嚼齒孤

忠烈溫序銜鬚一劍張卹死易名昭 國典褒勤

賜額煥 天章千秋遺愛桐鄉祀又見傳家玉

樹芳

謂令嗣雋伯憲副也

立春日詣 毓慶宮進

皇太子春恭紀

世憲詩集卷二十一

五

節啓三陽玉管催 承華門外進春來土牛鞭後

農祥正綵燕裁時斗柄回 鶴禁重光朝日麗

龍樓問寢曉雲開

時皇太子將詣乾清宮請安

秩宗叨冒

真縻祿勉效趨跲媿謏才

甲申元日 太和殿朝賀恭紀

鳳曆初開淑氣新懽呼 陛下萬年春龍旂五色

依 琬輦驚序千行拜 紫宸南詔朝正荒服至

東藩貢贄遠人賓

是日安南朝貢二國來朝虞廷典禮方承乏

慙媿駑駘廁列紳

新正三日汪東川學士招同李公凱周蓉湖

兩通政汪涵齋光祿曹夢懷閣學潘雪石
侍講集飲即事

年年歲酒首君家又見春風轉物華芳樹霏霏弄
晴旭青尊細細酌流霞千層薄夜誰能說三寸黃
柑洵可誇席上有薄餅廣柑獨羨周郎每懷橘白頭有母
樂無涯謂蓉湖通政也

新正四日曹夢懷招諸同年集飲即事

入春才四日風景已暄和老友時相聚辛盤旨且
多方看進椒酒又見撲燈蛾共惜流光易懽場趁
笑歌

世憲詩集卷二十一

六

祈穀壇奉

命看牲恭紀

聖主勤民旨重農上辛祈穀禮春容看牲漫策南
郊馬齋宿先聽午夜鐘先一日在署齋宿備物祠官崇繭
栗明禋大享協笙鏞却慙足疾蹢跚甚未得趨
蹠裸獻從時患足疾不得陪祀

入日諸同年小集畫舫齋和東川學士韻

七日爲人景漸妍丁香蕊綻閣西偏老來朋舊欣
投轄客裏盤餐媿擊鮮剪綵俗傳歲時記鬧蛾人
樂太平年勸君引滿休辭醉取次鶯花到眼前

新正十一日周蓉湖通政招諸同年飲有綠
軒奉柬

公瑾開筵近上元團樂卜畫坐南軒紅泥瓶瀉梨
花酒白鶴翎梳春樹根媿我蹢跚應笑雙多君款
洽每留髧匆匆欲別偏惆悵未得從容醉月昏時有他席早別

元宵前二日汪涵齋光祿招諸同年小飲奉
柬

光祿多佳醞當年號飽卿宋時謂光祿爲飽卿今來共茗芋
真足快平生皓月中天白金花落地輕謂放花炮主人

世憲詩集卷二十一

七

情不竭堅坐欲深更

再和東川學士集飲有綠軒韻

美哉有綠軒前後多佳木入春蕊含苞長廊接深
屋主人一世豪結交皆老宿嘯侶來我徒相與泛
醺醪清談玉屑霏何必奮絲肉奕棋間六博一一
隨所欲盤礴坐雲根古苔繡青綠人生行樂耳惟
苦白日速知足在當前得隴那望蜀有花共流連
有酒相徵逐倚伏本至理禍福同轉轂宦遊三十
年往事多在目作達且逍遙安用自拘束常憶少
游語衣食裁取足願爲無事飲香醪置千斛好友

時過從賦詩同刻燭

正月二十四日李公凱通政招諸同年集飲

余因宴客先別翼日公凱貽詩即次東川

學士前韻易以七言再疊奉荅

落燈時節好風光淑氣春浮薰草木李侯折東舉
春盤恪素堂中書滿屋老友追隨三十年相逢四
座皆尊宿余也今朝亦請客先行未得露芳醪越
日長鬚來叩門新詩貺我如梁肉長篇爛爛吐珠
璣筆底瀾翻隨所欲謝監山頭幾點青賀公湖畔
波光綠如此家山不得歸浮生碌碌義車速倦遊

世忠詩集卷三十一

八

我類長卿梁賦才君似左思蜀眼前有酒且高歌
五陵裘馬隨人逐人生將相會有時那羨文茵與
華轂達人曠觀六合外俗士方隅等牛日子陽尊
大井底蛙枉爲紛華自羈束花前月下酒杯中偃
仰拍浮意良足君不見穆之貧時親戚輕富貴櫛
柳遺一斛五官竝用敝精神何似閑遊勤秉燭

二月初三日蒙

恩轉禮部左侍郎仲弟薛澱陞補右侍郎同日拜

命受事感 恩恭紀

忝佐秩宗方八月 新綸轉左出 黃扉 朝廷

異數恩誠渥兄弟同官事更稀拜 命齊肩依雁
序坐衙連袂似鸛飛遭逢何幸傳佳話但媿才庸
報荅微

其二

此日容臺同典禮當年簪筆共金扉 聖恩不使
荆枝別盛事因傳簡冊稀每愛池塘常入夢漫吟
風雨惜分飛他時歸老還偕乞耕鑿歌堯雅願微
宋公序寄子京詩云惟有弟
兄歸隱志共將耕鑿報堯仁

仲春十日潘雪石侍讀招諸同年集飲寓齋

次公凱通政韻

世忠詩集卷三十一

九

漸看草色媚庭階良夜開尊興自佳縹緲爐香凝
燕寢清幽茗椀話蕭齋竹林曠達襟期豁曼倩談
嘲意氣諧有客淋漓傾百盞醉鄉廣大比無懷
川蓉湖巨
就豪飲

再疊前韻酬周蓉湖通政

柳芽初綠齊生階天氣晴和體復佳舊雨又逢良
宴會春風時到讀書齋殷仲堪有
讀書齋浮名直等槐安

夢妙句渾如韶濩諧爲訊山桃何日放急湏買酒

散塵懷來詩有計日蓬
軒桃蕊綻之句

二月望日張劬齋中丞招飲寓齋即事漫賦

春色平分此日中

是日春分

南司招飲過坊東藥欄竹

篠娟娟月幾几油窓淡淡風點鵝杯深雕玉巧葡

萄酒醺映頰紅周郎更約花前醉絕喜歡場到處

同蓉湖約白桃花開相招

仲春九日都憲李木菴前輩招看家樂賦斷

句五首

子夜新翻度玉簫春風明月可憐宵歌喉宛轉珠
成串舞袖踰躑柳作腰

其二

宣武門前亞相家鴟絃鐵撥奏琵琶幼興任達忠

世憲詩集卷二十一

十

心在譜出粗豪疊鼓擗是夕演謝鯤投梭傳奇

其三

玉面參軍宮樣粧夜深低唱小秦王廣場人壓甌
觥滿愛聽新聲到順郎劉夢得有與田順郎歌

其四

康王北調已無傳梁魏南音亦邈然忽聽當筵紅
豆曲不須重憶李龜年康對山王漢陂北曲擅場梁伯龍魏良輔崑腔之祖

其五

幾度銅盤剪燭花闌干星斗月西斜主人酷似周
公瑾顧曲曾無一字差都憲精音律曲稍誤即正之

題少司寇陳丙齋前輩池塘春草圖寫真

楊柳灣頭水拍堤閒攜雛鳳板橋西玉壺酒暖雙
柑美去聽流鶯幾箇啼

其二

生綃一幅寫林湍丘壑難忘竝謝安只恐延登需
作相平泉祇付畫圖看

之

讀廖蓮山侍御舊羅衣倡和詩即次原韻酬
晏子狐裘三十年流傳史冊話猶鮮繡衣清節真
同調一領羅衫萬縷烟

世憲詩集卷二十一

十一

其二

疊雪輕羅閱歲年牙冠驄馬映來鮮著簪不棄平
生物常惹麒麟殿裏烟

周蓉湖同年早訂看花之約及期而不見召

詩以調之

聞道高齋桃已開何時召客共銜杯妒花風雨尋
常有莫待飛英滿綠苔

題廖蓮山侍御寫真即和原韻

臨水天桃照眼光科頭兀坐日方長薰爐茗椀多
閑致幾几風迴半篆香

其二

六曲闌干紫邏偏松濤謾謾小山邊抱琴喜得奚
童至始信人間有洞天

其三

草綠裙腰三徑春頰毫寫照虎頭神端公道貌何
蕭散即是埋輪破柱人

二月二十七日有綠軒白桃花下即事次東

川學士韻

作客長安十度春看花又喜遇芳辰共攜蠻榼謀
沈醉賓主都忘是故人

世遠堂詩集卷二十一

三

其二

含章簷下梅花朶后土祠中瓊樹枝堪與仙姝爲
姊妹消魂正在夜深時

其三

白晝看來膚勝雪紅燈映處臉生霞
時懸紅燈數盞於樹杪
暖蒸嬌態薰人醉兩眼迷離似隔紗

其四

瑤華掩映酒杯前細數春光又一年脂粉不施眉
淡掃冰肌玉骨自芳妍

其五

袞袞東華蹋輦塵今朝休沐得閒身坐中盡是江
南客共話漁郎洞口春

三月望後一日同人偶集周蓉湖通政有綠

軒丁香花下即事

故人招我看花來三徑初開掃石苔添得粉牆襯
新綠丁香枝下共銜杯

其二

花似嬋娟酒似泉各攜三百杖頭錢主人又赴鄰
翁席自命中厨早擊鮮

其三

有綠軒前草色妍閑窓闌奕日如年我來徑入龐
公室數子風流似昔賢

其四

暖日烘花鶯燕忙白桃開謝又丁香藥闌乘興時
來往老友他鄉話故鄉

三月十一日同徐果亭李公凱曹蓼懷三閣

學郊外看杏花因至萬壽寺即事

別苑朝回白鼻駒春風聯轡踏晴沙世人那有閑
於我黃土岡頭看杏花
登高岡望果園杏花如紅雪

其二

世遠堂詩集卷二十一

三

金碧莊嚴佛寺開洪鐘新洗土花來寺有大鐘向埋土中今重

送劉雨峰出守真定

燕南趙北古巖疆形勝幽并接太行恒嶽峻嶒山勢壯漳流浩渺水聲長符分大郡雄三輔爵比諸侯鎮一方折柳青門當淺夏行看報最入明光

午日獨酌青靄居聚花下

泛蒲同切玉對粽似團金獨酌楓窓下閑吟棗樹陰榴花紅欲吐石竹繡堪簪一枕遽然後羲皇味可尋

世遠詩集卷二十一

古

送溫益修明府之官鄆城

分符膺百里鄆子古名疆麥秀千村樂花深一縣香馮君歌大小漢殿重循良報最應非遠徵書出建章

題同年汪涵齋光祿竹林觀水圖

翠篠清泉映碧虛紅闌幾曲一牀書小童竹裏安茶竈正是湯翻蟹眼初

其二

江梅紅綻一林香園筍新抽欲過牆靜裏知聞惟鳥雀更添請業到諸郎

五月二十一日奉

命禱雨延福宮次日晚甘霖大沛喜而恭紀

九重憂旱切特命禱甘霖主璧三元薦廟像為三元大帝

帝風雲萬象森呼雲童率舞走望禮求陰喜見滂

沱沛焦勞慰聖心

延福宮即事

宮自何年造流傳明憲宗莊嚴慈后命祈禱列朝

從碑記鄉先達內一碑世宗朝重修紀成吾郡徐文貞相國撰文時文貞官大宗伯

神留廟古容吾來尋舊蹟徙倚立長松

六月二日汪東川少詹招同張涵白副憲汪

世遠詩集卷二十一

五

涵齋光祿周蓉湖通政曹夢懷閣學潘雪

石侍讀小飲寓齋即事

我愛汪詹事交情久不忘盍簪傾鑒落把袖挹蘭

芳盆蘭盛放天道多災癘朋儕易喪亡時初聞錢京兆歸道山何

如一尊酒猶幸此身強

周蓉湖通政以和章二首臨聖教序法書數

紙惠教復疊前韻奉酬

逃暑林間卧過從匝月忘偶因河朔飲同賞玉蘭

芳匡鼎頤堪解元和脚不亡締交逾廿載齒髮讓

君強

三疊前韻貽東川諸君子

解衣任盤薄客至禮俱忘酒識餘杭美蘭傳楚曉
芳聖朝多假貸郡邑集流亡休沐謀歡讌浮生
有底强

七月三日房師顧公招陪總憲李木菴少司

寇陳丙齋兩前輩副憲張涵白孝廉李吉

四家仲薛澱集飲陶然亭和總憲觀水原

韻率成斷句四首

殘暑初消雨乍晴遥青一抹暮霞平憑闌指點溪
山勝萬樹吟蟬不斷聲

世憲詩集卷二十一

去

其二

空明池沼滌煩襟那放炎歊一點侵赤棒傳呼頻
到此方知如水是臣心

總憲雨後
時來觀水

其三

小築軒窓遠市塵金門不少愛閑人籃輿幸得陪
觴詠官使風光負此辰

其四

禪關寂歷對雙槐消夏無如曲水隈我意更貪秋
望好佩壺還擬此間來

擬邀諸同年遊陶然亭汪東川少詹以足疾

辭詩以訊之

陶然亭在黑窰
殿南右安門北

陶公脚疾知良已問訊何時始出門擬向秋原尋
勝地因招好友共芳尊冶南蘭若添亭榭城北蘆
汀似水邨座上可無車武子遲君同醉倚雲根

臂痛仿白香山體

耳聾自前歲臂痛復經時老態紛紜集衰年患苦
隨曲肱已無樂繫印又奚爲只合林泉裏逍遙養
病宜

汪東川少詹墜馬傷足余無故忽患臂痛逾
月未愈雖同病而衰健異矣賦此志慨并

世憲詩集卷二十一

去

以貽之

君因墜馬聞傷足我但端居患臂酸豐饒尚傳飛
韉健支離應笑曲肱難久疎酒伴心情惡賴有詩
懷唱和歡爲寫蠻牋博瓊什聊當七發勸加餐
往看周蓉湖通政聞人以傷足謝客詩以訊
之

不見周兄久來尋有綠軒那知因卧病未得共清
言洗足憐雙女

蓉湖以洗足致
傷故用沛公事

扶頭醉一尊何時
能健步秋色滿前村

胡南荅前輩和余陶然亭詩再疊前韻奉酬

慈悲菴後新亭子千尺雙槐綠遶門消夏我曾聊
策杖迎秋君復此開樽川原信美真成畫葭莢蒼
涼別有村惟待汪倫同步屨相將共醉小山根

再疊前韻酬東川少詹

眼昏每恨看花懶齒軟先愁食果酸老去形骸多
是累興來杖履弗辭難金章肘後知無分籃輦山
間且共歡嘯侶城南期攬勝莫因羸癯笑盤餐

晏起

趨朝日日因公事無事今朝得晏眠首過幼安應
不免怨余六十又三年

世恩詩集卷二十一

六

生女

特年六十三

暮年生女喜兼悲婚嫁何時是了期繡祿且裁包
弱質蘭湯渾似浴驕兒文姬尚被中郎念織素猶
傳左氏詩更有誇張年少處珠生老蚌未甘衰

東川西白兩同年以道澤命改陶然亭遊期

朝喜晴霽再以訂之

泥途滑滑愁深尺上客高居懶出門已勅行厨方
治具忽停軒蓋罷開樽今朝霽色穿林隙從此秋
光滿蓼村幸莫再辜雞黍約相期盡醉野亭根

中秋對月

今夜燕山月清光迥不同冰壺疑濯魄玉鏡正當
空露溼天邊桂香飄院落風戲看小兒女學拜廣
寒宮

送李吉四孝廉省覲南歸

驪歌一曲悵離筵無計留君意惘然只爲望雲心
轉切秋風吹送孝廉船

其二

亞相堂中奏管絃新翻樂府萬人傳旗亭畫壁誰
多少爭似涼州詞最妍總憲先生家樂茂陵春技
後記諸傳奇牛山孝廉手筆

世恩詩集卷二十一

九

其三

一路秋光橘柚天重陽風景絕堪憐捧觴歸介高
堂壽紫蟹堆盤色色鮮

送徐虞門給事請假還里即和留別原韻

掖垣梧竹翠氤氲拜捧天書散紫氛青瑣深嚴

三殿接夕郎丰采九州聞忽因請急辭金闕

共惜離羣對暮雲引領鋒車須早入莫貪鱸膾戀

鄉枌

九日同李公凱曹蓼懷兩閣學張涵白副憲

汪涵齋光祿周蓉湖通政潘雪石侍讀遊

黑龍潭即事

冶亭東去黑龍潭九日登臨喜蓋簪落帽風高蘆

荻短射鵰人健箭聲酣時容湖挾一尊共醉斜陽

下二子圍碁秋水南公凱與涵獨少汪倫生悵望

座無車武阻清談是日東川他赴未至

再疊黑龍潭韻柬諸同年

千年龍去尚名潭林外山橫碧玉簪黃葉聲中秋

漸老白蘋風裏酒初酣葦花蕭瑟方塘曲雉堞平

臨古廟南佳節閒遊還感舊不堪往事共君談時懷學士談昔年世江東田遊集事

世憲詩集卷三十一

三

送總憲李木菴前輩 予告還揚州

亞相威稜聳百僚銅街赤棒拂雲霄風生臺閣

天書煥先生有臺閣賜額獄賴平反怨氣消先生于法

所平 予告 聖恩真浩蕩乞骸身健好逍遙東

山自有陶情處廿四橋邊弄玉簫先生家樂最妙東山正不寂寞

也

孝感相國熊公七十賦詩奉柬

南嶽靈鍾海鶴姿風雲五百應昌期黑頭蚤作

熙朝輔黃髮今為 聖帝師筆駕韓歐追典誥學

宗周孔見情思不須服食猶龍健七十渾如少壯

時

其二

再入綸扉 帝眷崇從容坐論契 宸衷爭傳

北闕徵曹相未許東山樂謝公酒泛長筵瓊液滿

春回綈室瑞烟融從來天壽因平格保乂羣歌元

老功

冬日感懷

推枰斂手敢求先巧奪由人只信天讓路一生能

幾步安心萬事總隨緣快轅每為爭馳債散木都

因無用全數卷舊書聊自遣薰爐茗椀過殘年

世憲詩集卷三十一

三

題孫樹峯少宗伯東籬漉酒圖

與公逸致類淵明嘯傲東籬對落英率子抱孫多

樂事漉來新釀撤嘗清

其二

新樣元和法自精墨雲 奎寶錫嘉名披圖縱有

田園興直待中書令後行

送中丞李靜菴開府八閩

帝念巖疆倚重臣中丞奉 詔出 楓宸風生柏

府埋輪舊春滿榕城按部新郁伯雨膏欣有頌羊

公鈴閣靜無塵保釐奏績應非遠佇觀鋒車趣秉

鈞

冬至齋宿公署即事呈大宗伯李醒齋少宗

伯胡南荅兩前輩

陽回玉琯景初長有事 南郊典禮詳齋宿容臺
鐘漏永備官春署髣毛蒼寅恭何幸逢先達交泰
相將奉 聖皇但媿濫竽空竊祿報 恩無地勉
趨蹌

大宗伯李醒齋前輩以至日齋宿詩示教即

和原韻奉酬

龍門舊喜接芳塵南省今宵唱和新金石詩篇開

世恩堂詩集卷二十一

三

寶上風流前輩笑談親霜寒擁被更三點槐影穿
窓月半輪官舍清齋無一事又看葭管欲回春

臘八日同人訂集李公凱學士齋適抱恙未

赴詩以代柬

佩壺曾有約二豎忽來侵藥裹愁相伴香醪懶共
斟掩關非示疾搔首托長吟轉眼春明至高齋擬
重尋

送崔青峙出守長沙

崔陵簪紱舊傳家題柱聲名世共誇此日仙郎辭
北闕當年才子出長沙帷褰嶽麓層層秀帆轉

湘江面面嘉早識龔黃多善政 璽書褒寵十行
斜

十二月二十八日蒙

賜御製詩集一部恭紀

賜出 天章下玉坡羣僚拜捧荷 恩多遠追古
帝薰風奏近陋西京汾水歌細把雲霞千片麗高
吟金石八音和擎歸競喜同瓊寶萬禩流傳永不
磨

世恩堂詩集卷二十一終

世恩堂詩集卷二十一

三

世恩堂詩集卷二十二

華亭王項齡瑁湖

畫舫齋臺六之下起乙酉正月
盡十二月

春王二日同人小集寓齋李公凱閣學佳咏

先唱即次元韻奉酬

軒窓小闢膝容安老友辛盤話歲寒柏葉一尊謀
共醉春燈四照喜同看人生樂事無如健客舍新
年且劇歡勇退青蓮留不住欲將簪紱換漁竿時
士將歸來詩有釣臺
歸去老漁竿之句

初六日汪涵齋大京兆招集同人小飲復疊

世恩堂詩集卷二十二

前韻奉酬

至尊祈穀不違安瑞雪飄颺料峭寒是日
上親詣祈穀

天忽降雪咸頌誠感齋罷太常張口飲蓉湖太常齋禁
甚嚴是日豪飲印封

京兆畫眉看紅燈白髮尊前映綠酒黃柑眼底歡

行樂及時拚盡醉何妨高卧日三竿

立春日 寧壽宮前進

皇太后春恭紀

瑞雪紛紛雲外飄是早
微雪進春 寧壽早趨朝和風

初轉三陽候淑氣先回萬柳條長樂鐘聲傳曉漏

東郊樂舞備雲翹濯龍門外祥光滿藹藹青旗玉

管調立春日以竹
管葭灰候氣

春王十二日曹蓼懷少司馬招同諸年友小

飲三疊前韻奉酬

條風十度試長安又遇春回黍谷寒綠蟻尊浮連
日醉鬧蛾人擁六街看逢時性懶新知少耐久情
親古處歡魏元同與裴
炎為耐久朋促席談諧忘漏轉月移竹
影兩三竿

元夕前一日張劬齋少司寇招飲曹蓼懷少

司馬四疊前韻枉教即次酬之

佳句風神似建安婉予才盡類蟬寒三搥畫鼓從

世恩堂詩集卷二十二

天下千點銀花倚閣看時於平臺上擊鼓放花
客從小閣憑欄而觀戚

里傳柑元夕盛銅街踏月萬人懽明朝 別苑朝

天去紅映西山日一竿

春王十七日李公凱閣學招同諸年友小飲

五疊前韻奉柬

一間書屋意能安學士齋名
一間書屋坐擁紅爐不覺寒萬

軸牙籤新未觸昌黎詩新
若手未觸千秋史筆妙同看學士
出示

論史
諸作春盤連醉三杯醖老友相逢一笑歡有子英

英行繼武何妨嘯傲拂綸竿時令嗣法
護在坐

二十日汪東川閣學招陪諸同年小飲六疊

前韻奉東

春來幾度醉雲安杜詩有聞道雲安縣米春之句無那春風寒臘

寒連日大風甚於臘東閣主人呼伴飲西郊花事約同看

夢懷少司馬相訂西郊看花撲燈節後香車斷賭酒聲高綺席

懽燕九時光輕過眼湔裙又見水盈竿十九日京師士女遊

白雲觀謂之燕九玉燭寶典記晦日婦人臨河湔裙度厄

送李公凱閣學致政歸山陽四首和曹夢懷

少司馬韻

半載綸扉便乞休多君勇退不能留幾行新柳添春色十幅輕帆漾別愁是處堪攜靈運屐何人同

世遠詩集卷二十二

三

上李膺舟眼前漸少同心侶無限離情潞水流

其二

建禮門前獻賦年槐廳聯袂又周旋歡場醉酒曾攜手古寺尋花亦竝肩歲月漸增都老大風塵空逐幾推遷羨君此日先歸去正值鄉園玉笋鞭

其三

瓠子功成水患除草堂從此得安居銀魚焚去真歸矣籃輦乘來亦晏如南垞聽鶯春柳曲北窓攤飯午鐘餘無邊佳景堪行樂莫忘京華芳訊疎

其四

送君南浦潑紋波膝下橋邊衣錦過退比香山七

十早白樂天達哉行有七旬纔滿冠已掛之句書成柱下五千多傳經

不羨金籬富服食能令玉頰酡衮衮東華塵撲面

何如林水任婆娑

二月初十日奉

命遣祭三皇恭紀

春秋祀典重醫王施德由來食報長奉命趨蹌

嚴對越齋心裸獻薦馨香活人古聖傳方脈救世

今皇錫壽康但願普天瘡痍滌萬年保佑慶無疆

世遠詩集卷二十二

四

正月二十九日蒙

賜御選古文淵鑑一部恭紀

萬卷琅函出石渠承恩盡拜紫宸居夙慙曹氏

多藏策今喜班家有賜書老眼摩挲忘寢食牙籤

裝潢比璫璣金籙雖少遺經富竊幸兒孫讀有餘

題杜樊川雲水圖寫真

城南書記本翩翩小杜風流憶往年今日披圖對

雲水一般名字署樊川

其二

三泖波光九點雲芒鞋竹杖往來勤莫論詩是君

家事更有書傳垂露文樊川能書故云

周蓉湖太常齋前白桃花放每歲觴飲其下

春仲同人偶集而花已落曹夢懷少司

馬卜三月初當放太常言湏中旬因各賭

酒未幾花開而太常之招不至詩以調之

問訊桃花開也無如何不見有招呼前朝賭酒盟

猶在若箇輸贏早示吾

疊前韻答周蓉湖太常

不問君家酒有無花前啜茗亦酣呼諸公高戶青

銅費不識杯鎗只有吾余酒量甚窄止飲涓滴

世遠詩集卷三十二

五

附原作 花已將開酒却無徘徊花下阻歡呼先生果有尋花興挈榼携樽且就吾

題畫雞

五德司晨冠距雄祖生起舞建奇功自從妙筆梅

鷄後又見周生畫法工梅行思畫鷄最工世號梅家鷄

三月六日飲有綠軒白桃花下三疊前韻東

蓉湖太常

玉骨冰肌脂粉無藐姑仙子漫同呼年年共向花

前醉惟有花神不負吾

蓉湖太常庭中多畜珍禽異獸以供玩弄見

之令人解頤四疊前韻以資一噓

雕籠鸚鵡念南無鶴唳猿啼共嘯呼更有武陵鷄

天在先生一笑亦忘吾

南窓獨坐對花偶作

青青垂柳拂檐斜鳥語蜂聲靜不譁閑凭隱囊窓

底坐一闌紅雪對飛花

三月望前一日再飲有綠軒白桃花下五疊

前韻東蓉湖太常

玉蕊唐昌得似無又勞折簡故交呼婆娑共坐花

陰下猶有閑人卿與吾

余前歲買盆梅二株移植牆陰閱二冬無恙

世遠詩集卷三十二

六

去年開花今歲特盛見者異焉詩以紀之

從來北地少梅栽縱有盆中火逼開移種何期花

爛熳清香透鼻自然來

種花偶作

行香事了便還家萬壽節禮部堂官例至各寺行香始信閑官

味亦嘉性懶逢迎車馬寂呼童自種一闌花

看杏花作

行飯逍遙自潑茶風迴香篆透窓紗驚群寫罷無

消遣丁字簾前看杏花

三月二十七日汪東川閣學招同諸同年飲

寄園花下時座主李文勤兩令孫在座

春遊又賞寄園花萬紫千紅爛若霞白首相知三世好綠陰同翫一溪沙飛香撲酒觥心凸暮靄橫林醉眼斜容易肯拋芳徑去幾回步履往來賒

四月六日少司馬曹夢懷招陪諸同年飲忝

齋看藤花即事

宣武門前司馬家藥闌新放紫藤花共傾薊北葡萄酒轉憶江南日鑄茶時世漸趨胡伯始文章猶說賈長沙時案上有葉文敏公急論三篇牡丹最數常家好又定懽場載麴車周容湖上常約看常鍊師家牡丹

世憲詩集卷三十二

七

四月十二日汪涵齋大京兆招陪諸公至天

壇道院看牡丹和壁間李西涯先生韻

疋馬尋芳泰時遙薰風時動酒旗搖名花窈窕圍雕榭綠樹陰濃隱畫橋還憶舊遊迷曲徑只看新柳作長條清和令序晴光好況有良朋折柬招

其二

藤花鄰院又招尋啜茗臨風話自深時至鄰院看紫藤茶話近拂秋枰依藥檻遠移步履訪松林時勞書升廷尉往先農壇看天香國色才人句白髮青尊旅客心日暮一鞭歸去晚燈前屬和費長吟

再和勞書升大廷尉看牡丹韻四首

尋芳來羽觀蘭藥映晴暉富貴花連幄牡丹號富貴花神仙玉作扉道家白玉白疑妖女面紅似大夫緋牡丹有紅白二種瀟灑塵壒外逍遙悟道機

其二

鄰屋藤垂紫還同步屨觀一欄紅雨落千朵翠雲蟠笑口時應展軒眉不欲攢尚須遊秉燭無計挽雙丸是日借諸公往看魏鍊師房藤花

其三

把盞消長日談諧意豁然柳綿方撲面榆莢又飛

世憲詩集卷三十二

八

錢人健逢天朗花深喜地偏迴思舊遊事風景自

年年丁丑春偕麗雪崖諸同年看花于此

其四

花前宜對奕竹下快飛觴曠蕩供遊目酣呼入醉鄉曲廊分小徑高柳出鄰牆日暮猶盤薄休嫌調笑狂

紀恩詩并序

粵稽虞書有巡狩之文大易著省方之訓春遊秋豫展義陳詩帝王之大典也我皇上深仁厚德徧覆無垠時際雍熙中外禔福天

下莫不喁喁然延頸企踵思近

天子之光非一日矣康熙四十四年春二月以河

工告成尚有善後事宜載

命鑾輿親臨指授

俯順臣民之請浮淮濟江至於吳會將

幸溯焉松江僻處海濱非

輦道所經向未得邀

巡幸茲者

翠華蒞止

駐蹕五日黃童白叟瞻仰

世憲詩集卷二十二

九

天顏懽呼載道

臣項齡

先是請

扈從未獲

命不得與鄉邦父老蒲伏迎

鑾方切惶悚乃於三月二十九日忽聞

聖駕臨幸小園登陟林丘品題草木

天顏有喜萬物皆春游覽甫畢

御小軒對藤花

親揮寶跗

御書蒸霞二大字匾額深林人不知明月來相照

對聯

聖製舟泊三江口五言律詩扇

賜

臣項齡

四月二十二日家人賁捧至

京驚喜

過望伏念

臣項齡

本以謫薄素沐

恩私既不得追隨 豹尾稍効馳驅猥荷

天恩寵臨荒圃又蒙

御筆留題

龍章輝映於巖扉

鳳藻光騰於礪戶傳諸史冊爲園林之美談播之

里閭詫家門之盛事

臣

何人斯被

澤至此不勝榮幸感激恭賦五言律詩十章敬識

高厚俾世世子孫無忘

世憲詩集卷二十二

十

聖恩云爾

河工方底績 聖慮復周詳水土勞荒度川原費

測量萬家登衽席億載樂耕桑鼓腹歌堯日安瀾

奠禹疆

其二

仙蹕臨吳會 鑾輿指越川江山供麗矚桃李競

芳年順動 皇心豫游歌 聖藻妍更聞 恩澤

沛犴狴荷生全

其三

繞道紆 金輅觀風及亭城九峯翔鳳起三泖躍

龍迎野老瞻 雲近村農獻曝誠華遊懽祝壽耕
鑿見昇平

其四

豫遊當淑景 翠蓋幸園林草木榮光潤禽魚化
育深留題瞻 御筆激賞動 天心異數由來少
銜 恩托短吟

其五

好花爭笑日芳草正迎薰金銓籠佳氣珠旗颺彩
雲小山同陟舁細水當橫汾自恨留京洛無由獻
野芹

世恩詩集卷二十二

十二

其六

惠風依 帳殿淑氣轉樓臺鳥語千林靜山呼
萬歲來霓旌巖際出雉扇竹間開處處恩光滿歡
聲響似雷

其七

安榴一株樹寂寞閉松關忽荷 天顏霽還經
御手攀恩輝照幽谷湛露滿春山無限長楊木偏
憐小草閑 庭中有千葉榴花一株
天語贊賞以爲上林所無不意小草
得被恩光

其八

真嘉話也

爛熳藤花紫偏邀 萬乘歡淋漓揮 寶翰的皪
落珠盤 聖製同謨詰 天書舞鳳鸞小臣遭遇
渥祗媿報 恩難 御座設於堂中至是
上命內侍移至花前揮翰

其九

名花亦望幸一昔牡丹開 牡丹含蕊未綻及
聖駕臨幸一夜大開若
有神 喜值天香滿欣逢 玉輦來周遊到巖谷遠
眺及樓臺 聖澤深如海惟慚襪線才

其十

時巡思扈 聖未得從金根稚子迎 鑾喜 天
顏顧問溫 時臣子三人在家迎 駕並蒙
天語賜問

世恩詩集卷二十二

十三

蘿咸藉寵舅弟並承 恩 時
聖駕並幸臣弟鴻緒園

中同被
御書之賜 史冊傳佳話非徒耀一門

四月二十六日偕汪東川閣學周蓉湖太常

曹蓼懷少司馬潘雪石學士遊豐臺文靖

公別業看芍藥即事

午橋莊畔冶遊人婪尾千堆獨殿春再到客如逢
故舊初開花亦有精神雙槐交舞濃陰合萬豔爭
嬌粉面勻如此風光忍拋却日斜芳徑尚逡巡

其二

曲檻疎窓似畫圖各攜蠻榼更提壺當年小相開

金帶芍藥有名金帶圍者出則當有宰相韓魏公守廣陵日一出四枝選客賞之王岐公王荆公爲伴屬皆在選尚關其一欲以過客當之適今陳太傅秀公來同集折花插之後四公皆爲相今日尋芳對玉盃之花正圓如覆盃下有葉承自拗之如盤名玉盤孟見東坡詩花枝斜插帽頻飛酒醖共呼盧醉來兩眼醺醺甚欲倩堦前紅袖扶

荅任丘龐雪崖同年即次來韻

芍藥將殘已餞春葵榴初放滿庭勻客居燕市逢梅夏書到吾丘有故人花月一尊還憶舊關山千里謾勞神何當佳句驚投贈灑灑清辭蘭雪新

閏四月望後一日潘雪石學士招飲病未克

世遠詩集卷三十二

圭

赴賦以代柬

偃卧西窓藥裹親起看濃綠一庭勻每因多病疎良會未得銜杯接故人余因病不得與同人之招凡有三矣笑口難逢憐薄命流光易轉感芳辰何時再卜南皮飲莖葉榴花取次新

送陳介石庶子還晉江

經術才華世所稀抽簪忽賦遂初衣朝堂共惜高賢去林下真看樂志歸紫帽峰頭雲氣涌洛陽橋畔水容肥閒來玄對舒清嘯誰識先生杜德機六月望後一日汪東川少司農招陪諸同年

飲阮氏別業

阮家亭子百花叢小閣峻嶒面面風簾外紫薇開爛熳巖頭飛瀑響丁東追涼露坐須明月愛客連巡勸碧筍夏去秋來如電抹隨時行樂幾人同

廖蓮山館卿扈從南巡至松江遊小園枉

贈詩章即次原韻奉酬

地類愚公谷名慙庾信園扈從來上客選勝到閒門逸興留花嶼清談坐竹根蓬頭憐弱子鷄黍闕山村

其二

世遠詩集卷三十二

古

仙蹕行如水從官爛若霞繡衣隨野鶴驄馬映山花時館卿尚以侍御扈從古洞牽蘿入樵青引徑斜草堂題句在光氣未應賒

再疊阮園燕集韻酬周蓉湖太常

苦憶淮南青桂叢早秋香透一簾風空銷髀肉雙丸裏輕撤鄉園三泖東適興每思尋酒伴遣懷還賴有詩筒筒簡通用怪君佳句頻酬唱應笑閒官氣味同

七月望前一日汪涵齋中丞招陪諸同年飲有綠軒即事三疊前韻

中丞載酒碧山叢秋樹陰森滿院風激灩金波明
屋角婆娑老友半江東雞樓官轍憐衰髻鱸膾鄉
心憶釣筒且共放懷爲痛飲他年此會與誰同

七夕張叻齋少司寇招飲思永堂觀劇即事

四疊前韻

唱得涼州盛小叢鵲橋初駕動秋風高懸鳳藻

華堂上新吐蘭蓀別院東是日新懸御書堂似

水冰蟾流碧落如淮美酒醉蓮甯主人愛客留髡

住且喜諸公意亦同酒半少司寇留座客再飲

駕幸天津賜原任少司寇勵近公諡文恪遣

世忠詩集卷三十二

五

官奠酒令嗣令式太史徵詩敬賦

六龍巡幸過瀛東追念勞臣啓沃忠特渙恩

綸加美謚兼頒御酌灑幽宮恪勤自沐天心

眷俎豆還看士論同時有公舉崇祀卿賢之請更羨鳳毛能濟

美韋平世業並無窮

七月二十七日曹夢懷少司馬招飲看畫蓮

屏五疊前韻

滿院秋光漾碧叢畫屏點染藕花風亭亭嬌映雕

闌畔冉冉香分綺幕東坐倚紅粧羞白髮酒擎翠

盞瀉耶筒蜀縣出大竹截以盛酒閉以藕絲華包以蕉葉信宿香達于外曰耶筒酒華

山十丈應如此移向燈前更不同

送許秀山侍講乞假還雲南省觀

侍臣愛日戀庭闈烏鳥陳情萬里歸一路黃花迷

去驛千林紅葉點征衣龍湖蕩漾紋成澈鳳嶺參

差翠映扉綵服輝煌趨拜慶天倫樂事古今稀

八月二十日周蓉湖太常招飲有綠軒即事

六疊前韻

紅闌幾曲菊花叢庭前新栽菊數十本黃葉初飄少女風調

鶴獨依秋樹下庭中一鶴時往來樹下持螯同醉小山東盤中蟹甚肥美懶情絕似蠶眠箔睡味惟思簞展筒詩杜

食之不竭

世忠詩集卷三十二

六

有風前捲未得汪倫並談笑寥寥舊友且難同時東

川上試京聞

九日汪涵齋中丞招飲寄園登高即事

月張園裏秋光好九日登高喜盞簪落帽風來人

欲醒題糕句就客長吟晚峯返照千層紫黃菊飄

香滿地金餘興驚騰思秉燭幾回難別是雲林

九月十八日五鼓暢春園啓事道中口占

五更趨別苑一道石堤平四野鷄聲應中天月

色明霜寒青蕤薄風吼白楊鳴拙宦勞生久應憐

倦鳥情

七疊前韻酬汪涵齋中丞寄園登高之二

碧山吟眺菊千叢又遇重陽落帽風白酒儘堪澆
塊壘征鴻何事苦西東不才豚犬難攀桂時焯兒京闈下第
有感詩篇易滿筒猶喜故人能愛客他鄉佳節
一尊同

九月下浣集有綠軒看菊再疊寄園前韻

有綠軒中秋信美偶逢休沐卸朝簪眼前老友多
華髮酒後狂歌托短吟語鳥呼名搖翠羽架上鸚鵡時呼
菊花弄色比黃金青銅三百尋常會莫說風流
但竹林

世恩堂詩集卷二十二

七

二十二日 暢春園啓事途中口占

五鼓朝天 別苑西晨鐘初動曉星低一輪霜月
溶溶皎四野荒雞喔喔啼自覺衰年愁早起却因
久客感羈棲何如野老茅檐下擁被高眠聽馬蹄
二十六日早赴 暢春園啓事道遇大風即

事

霜清上苑集簪纓街鼓寥寥正五更簫栗風聲號
古木闌干星斗挂高城千林遠火螢光亂十里長
堤鏡面平只爲 主恩難報答敢因衰朽厭承明
冬至前六日諸同年各攜一簋集飲寓齋即

事

圍爐尊酒共消寒坐久談諧蠟炬殘緹室葭灰回
薊北故人書札到淮干時同年李公凱書至各攜蠻榼誰賓
主便擬侯鯖劇笑歡休沐暫時須痛飲驚心歲序
又將闌

長至 郊祀移疾未入齋宿辱大宗伯李醒

齋前輩枉示佳章次韻奉和

有事 園丘共致齋緹灰乍動律初回索居未接

尚書履移疾先經御史臺典禮常欣依北斗宣林

早卜聽南槐

時夜卜之命將下

獨憐難解文園渴擁被

世恩堂詩集卷二十二

六

西窓霜色皚

寄懷同年李公凱于山陽

停雲延佇意何如忽得淮南尺素書北闕正逢添
線候東山應是賭棋初座無車徧常思子地隔羊
璿孰和予吾亦知還同倦鳥耦耕有日賦歸與

送潘雪石學士 假歸濟寧

碧山學士賦歸與勇退高風綽有餘北闕陳情方
愛日南池奉母且閒居秋原別藪秦碑古春野尋
花魯殿虛惆悵舊交京洛少好憑芳訊寄雙魚
其二

東郡南樓蹟未磨歸來三徑足婆娑乞身未老登山健舞綵方長樂事多花信任城應更早酒徒燕市與誰過離亭柳盡愁難折送客霜天意若何

十二月二十二日蒙

賜皇興表一部恭紀

琅函焜燿出 璿宮一統興圖在眼中禹貢山川如指掌周官封域想分桐野王二記篇章陋太史千年表體同却媿學疎迷邠國捧書拜舞日華東其二

廟謨廣運拓山河北伐南征事幾何萬國梯航王

世恩堂詩集卷二十二

九

會遠九州土宇職方多列朝沿革圖書在一統規模卷帙羅不是 聖心勤考訂那能地理得無訛

世恩堂詩集卷二十二終

世恩堂詩集卷二十三

華亭王項齡瑁湖

畫舫齋橐七之上起丙戌正月盡丁亥四月

正月十一日陪祀

祈穀壇齋宿道院即事

幽偏道院竹窓涼齋宿來尋羽士房 聖主祈年虔祀典羣公執事凜趨蹌容臺三載虛糜祿泰時新春喜奉璋 上帝居歆明德薦懸知大有兆農祥

元夕 暢春園朝集

世恩堂詩集卷二十三

一

元夕風光好鳴珂 別苑來笙歌連太液燈火映蓬萊百戲魚龍舞千層樓閣開烟火中現樓閣諸景 今宵天上月光照萬年杯

丙戌春日禮闈知貢舉即事呈同事諸公

聖朝選士集英賢奉 命南宮夙夜虔千丈文光騰斗極三條官燭映星躔堂中牙繡皆同調簾外麻衣絕可憐回憶卅年辛苦事春風五度此盤旋

鎖院偶成

席帽衝寒記昔年幾回得到大羅天今來鎖院清宵坐親見霓裳舞衆仙

入闌一月出見白桃丁香開將盡矣感而賦此

三春花事忙中過只爲官身未得看楊柳作條桃結子一年孤負此花欄

三月初十日奉

命祈雨延福宮敬賦

重來祈雨趨仙觀甲申夏祈雨於此正是春深事麥田

當宁勤民憂膜切祠官奉職望雲專十行 詔勝

桑林禱三日齋過圭璧虔下詔修省齋宿別殿惟

願天公甘澍速四郊霑足 帝心便

世憲詩集卷二十三

二

十一日陰雲四布靈雨忽零喜賦

綠章連日召雲龍小雨如膏潤物濃 聖主精誠

孚 上帝青郊安穩事春農詩憂旱魃咄周代詔

托乾封陋漢宗藉手明朝報宣室雲壇喜舞漫哦

松

十四日奉

命再祈雨十五日甘澍隨降恭紀

農事三春望澤殷載承 異命禱甘霖陰雲似益

當頭黑小雨如酥入土深此日麥苗知有慶他時

蠶螟喜無侵微臣藉手邀 天貺仰慰 齋宮憂

早心

十七日三奉

命祈雨十八日甘霖大沛恭紀

聖主勤民三命誠零壇祈禱各分行舊例滿漢堂官分廟祈雨

清齋罷舉 長春節時值萬壽聖節諸臣請過節祈雨不許靈雨歡

流萬戶聲是處青苗看怒長從今黃犢好深耕秋

成鼓腹忘 堯力誰識 萬宮此日情

齋宿延福宮口占

一句齋鶴觀三度禱靈壇羽士符章疊衰年拜跪

難呼龍龍性懶乞雨雨師聞可歎春卿佐趨蹌逐

世憲詩集卷二十三

三

道官

十九日延福宮祈雨聞讀卷之

命即趨受事恭紀

祈雨零壇事未終忽聞 寵命出瘡宮晚趨別

苑依精舍暢春園格奏策題夜宿僧舍晨拜彤墀接上公十二

日早隨政府諸公 鳳閣幾聽宵漏滴廿二日晚西暖閣

讀卷時聞 鴻臚三唱朵雲紅廿三日早傳臚至尊籲俊

心加切甲乙分明頌 聖聰上閱諸呈卷評論精詳無不欽服

四月初二日余方禱雨延福宮初四日季子

圖耀來省并攜櫻桃餉余因作

四月櫻桃熟登盤顆顆紅寧親來稚子懷果到元
宮望雨情方切嘗新意不同祇驚時物換歲月感
衰翁

送少司農汪東川歸錢唐

我滯雲壇禱雨師適當君去掛帆時一尊未祖東
門帳兩地空懸南浦思世事渾如蕉鹿夢交情還
與雪霜期餘杭花月良堪友莫忘春明有舊知

其二

折得將離起別愁潞河千轉送歸舟人思燕許留
文筆我惜羊何少唱酬東川年來與余時相唱和幾共看花尋

世恩詩集卷二十三

四

杜曲每同聽樂按涼州一朝分手情無限越水吳
山道阻修

延福宮即事以白樂天詩作起句

行香拜表爲公事白傅詩傳長慶中今日齋壇風
景似頭銜合署水精宮趙吳興自號水精宮道人

其二

香氣氤氳鵲尾爐連旬齋宿古元都綠章新換青
詞樣道士表章但俗另爲之可勝黃冠召雨符

禱雨壇中聞寓園棗花已放偶成

浹旬齋後禱龍王長日如年羽士房聞說棗花初

放蕊綠窓深鎖一園香

自三月初十日禱雨浹旬時雨時止未甚霑
足

上命四月十三至十八日連日祈禱十八日午後

雷雨交作甘霖大沛十九日啓奏

命以牲醴報謝朝野相慶恭紀

閔雨天心切呼零臣職當靈壇勤奠瘞羣望効

趨踰感比桑林捷陰占月畢祥甘霖欣大沛報賽

禮東皇

送董文山太史 假歸臨安

世恩詩集卷二十三

五

阮何風貌玉堂仙太乙方吹藜杖烟校士閩山水
鏡澈思親洱海綵衣鮮榴花紅映桃花馬莒葉青
搖杏葉鸛盡說碧鷄丘壑勝鄉園休戀早朝天

宋牧仲太宰入 都相見話舊日祖園遊讌

唱和事屈指已三十年爲之慨然率賦奉

柬

相遇金臺紅藥天舊遊重話記當年山公位望於
今重羊傳勲名到處傳白髮朱顏驚易換江湖廊
廟幾推遷延登早願持釣軸倘念遺簪待化甄

附和章 一去江湖隔遠天舩後清夢自年年蓬山故舊

還重伴梓澤篇章記昔傳入省各饒烟月好關
心同惜鳥花遷興來強欲隨詩主旗鼓能當左

送房師顧公調任奉天京兆即和留別原韻

陪京佳氣鬱葱傳虎旅分屯左右甄校士特膺京
兆命化流豐鎬絕黃緣

其二

綠野逍遙特賜環觚稜重入闔蛾班尹郊此去
留臺重名在張王薛趙間

其三

借才曲浦趨裝忙竹馬來迎潘水陽攬轡巡行形

世憲詩集卷二十三

六

勝壯高山天作杏松長

其四

誰說金州道路難時平鎖鑰北門寬保釐東國敷
文遠不數辰韓與馬韓

其五

擁傳方當梅夏時不辭况瘁獨登巖遙知官閣多
清暇卧看三山似列眉

其六

地重龍興需上尹賢良特簡暫東遊鋒車轉盼
還朝速袞繡行看入帝州

哭女四首

左家嬌質絕堪憐一病誰知竟溘然頭白那堪還
哭女闌干老淚灑秋天

其二

耿耿銀河牛女懸傷心金鹿潘岳女名金鹿隔重泉彭殤
椿菌尋常事痛汝生來性格賢

其三

十年薄宦滯長安八口羈栖旅舍寒愛女一朝悲
下世殍華零落淚珠彈

其四

世憲詩集卷二十三

七

三春官事不遑安女病無由得一看誰料膏肓纏
二豎恨無靈藥救金鑿金鑿白樂天女名

送吳匪庵總憲假旋石門

亞相威稜聳百僚槐廳兼領署冰條風霜白簡生
臺閣象緯文昌近斗杓一疏辭榮雙闕迥扁舟

逸興五湖饒爲思舊學君恩重又見庭蘭拂九

霄時令嗣新選庶常

送少司空彭萊洲歸溧陽

最愛文昌詩句好朝衣暫脫見閑身山高石屋堪
移宅水滿洮湖正採蓴塞馬浮名原是夢晨星老

友欲傷神送君況值清秋節無限離情對白蘋湖濱水名屋

八月望前三日麗雪崖同年寄瀛桃五十枚

賦謝

常想綏山實無由得自豪遠勞故人餉甘逾水晶
荀包匭情何密開籠口已饗奚時報瓊玖碩果愧
徒叨

中秋夜憶女

去年八月中秋夜嬌女深深拜月中今夜清光依
舊滿傷心蘭質奏秋風

世遠詩集卷二十三

八

同年張毅文太史見拙集贈詩即和原韻奉

荅

早年文采動公卿洛下三張雅擅名獻賦憶同趨
北闕校書曾共集西清驚心老友晨星似話舊秋
窓落葉平却愧衰慵才欲盡新篇投贈夜珠明

十月朔日少司空周蓉湖招同諸同年集有

綠軒看菊賦此代柬

司空亭館本清幽遍插黃花三徑秋召客共傾新
筍下卷簾惟愛舊林丘晨星老友霜侵鬢難助浮
名雪滿頭李白汪倫江海去尊前相憶話離愁謂公

凱東川
兩同年

再疊前韻東蓉湖少司空

江鄉景物小山幽橘綠橙黃正晚秋佳興無過對
籬菊人生只合有糟丘老饕不放持螯手賢主何
心惜杖頭休向花前談世事及時行樂莫言愁

三疊前韻酬蓉湖少司空

紙窓竹屋自然幽霜露淒清送暮秋愛客頻時書
酒券蓉湖有白覺亭看花隨處有僊丘天邊健鶻排
風翼閣外青山見佛頭亭後有小白雪高吟連
屬和挑燈細讀谿人愁

世遠詩集卷二十三

九

十月九日邀集汪涵齋少司農曹蓼懷少司

馬張劬齋少司寇周蓉湖少司空張毅文

太史寓齋看菊四疊前韻

渠几油窓亦自幽盞簪同對菊花秋養生共說調
鉛汞論古常思辨索丘時有言服食修書事薊北尊開憐馬
乳江東魚美憶槎頭莫嫌粗糲湏沉醉一盞能消
萬斛愁

十月十二日張劬齋少司寇招同汪涵齋少

司農曹蓼懷少司馬周蓉湖少司空張毅

文太史寓齋看菊限歡字

秋卿宅裏藥闌寬黃菊經冬尚未殘燈影照來粧
淡淡寒香拂處骨珊珊鴨爐茗椀陳烏几鷄臙魚
鯖滿玉盤樂事長安今漸少不辭泥飲盡君歡

孟冬望後五日曹蓼懷少司馬招同諸同年

忝齋看菊即事

排日同人通舉觴忝齋幽雅似山房秋英弄影留
餘馥黃雀登盤儼故鄉消瘦沈腰憐善病謂蒼蹒跚
趙健強趨踰時余不如且醉花前酒眼底風光
笑一場

和汪涵齋少司農忝齋集詩韻

世世詩集卷二十三

十

古藤葉落觀斜陽紅燭青尊夜未央六子清談無
俗韻一籬黃菊有餘香勞勞仕宦催人老浩浩江
湖引興長謾道少微君獨占耦耕相約泖峰傍教
前詩有奎聚偶聯少微燦之句故云

前題再疊韻東蓼懷少司馬

時清退食好飛觴木落霜寒日在房十月日在遣
興無過花作伴消愁惟以酒爲鄉客中風月供題
詠闕下衣冠見濟蹠最愛竹窓瀟灑甚頻年作
達笑千場

再疊汪涵齋少司農前題韻

絕喜書堂暖向陽花南硯北坐中央秋英綽有嫵
娟態細帙濃熏班馬香寒月窺窓人既醉清宵剪
燭話偏長相看藤榦明春發買酒還來錦石傍

行藥

足疾因行藥蹒跚度竹廊霜寒木盡脫屋暖菊猶
黃衰病愁奔走棲遲重慨慷會須賦歸去高卧赤
松傍余居赤

消寒

九九消寒夜漏長地爐撥火話他鄉挽鬚小女求
梨棗笑指灰中煨芋香

世世詩集卷二十三

十一

冬月病足後又患肺疾感賦

脚痛欣良已旋愁肺疾連病多身轉累老至藥無
權官事紛難了卿心暗自牽恩深慙報稱只合
早歸田

十二月二十三日偕九卿詣乾清門請

駕閱河蒙賜野鷄三隻恭紀

旭日觚稜曉霧開金門請駕列卿來承恩

特賜園中雉拜舞天街親捧回時上以行圍所得

野鷄
頒賜

其二

正值嘉平臘祭時敬將 賜物奉先祠輝煌俎豆
非常品仰藉 君恩慰孝思

其三

薄宦常愁交謫言珍羞那得薦盤殮分甘婦子欣
同飽感頌 天恩到一門

趙价人明經索東籬詩率賦應之

東籬有佳色吟賞豁雙眸花愛陶徵士詩傳趙倚
樓冷官書幾束窮鳥賦千秋今古堪方駕風流迥
莫儔

元夕前一日招汪涵齋少司農曹夢懷少司

世恩詩集卷二十三

三

馬張劬齋少司寇張毅文太史小集寓齋

漫賦

春酒初澆臘味鮮開蛾風景上元前笑談燈影杯
光裏消受梅香月白天小齋盆梅大放老友稀同星幾點
宦遊倦似柳三眠莫愁銀箭趨 朝促且醉麝盤
一放顛 元夕早諸卿例赴暢春園齊集

再疊前韻酬張毅文太史

新春景物致芳鮮桃柳欣欣畫檻前良友尊開明
月夜太平人樂撲燈天茂先扈從脂車近謂劬公
瑾清羸怯冷眠蓉湖是日因風厲不至着膝稚兒君莫怪分

甘娛老任華顛來詩有逸少擁兒同嬉笑之句

三疊前韻酬汪涵齋少司農

一輪蟾魄碧雲鮮躍馬看燈廿載前九陌香車輕
踉月千門火樹上薰天衰年懶出思閑坐 別苑
隨班戒早眠何況酒徒今落落欲求顛處與誰顛

四疊前韻送張毅文太史歸山陽

江南青草似袍鮮花亂鶯啼去馬前別是收燈元
夕後到應修禊艷陽天張兄久客思歸切李大開
居謝病眠懷公凱獨有衰慵尚留滯風塵空老雪盈
顛

世恩詩集卷二十三

三

窓前山桃兩株十年前手植今春花開更盛

賦絕句一首

十年手植兩株桃歲歲花開醉濁醪獨有今年花
更盛紅霞千片拂雲高

春分後三日作

獨步閑庭日正遲蜂聲滿院蝶相隨柳條漸綠桃
初放又是春光一半時

二月二十三日招汪涵齋少司農曹夢懷少

司馬飲桃花下少司馬感舊交零落即席
首唱依韻奉答

十年種桃枝交張

余種此桃已十餘年矣

桃花爛熳蜂聲狂

折簡招賓坐其下高談引滿樂未央正是春分後
五日條風邊日景物芳飛來花片墮杯底勸君且
盡花前觴有時天風吹花面儼如仙子舞霓裳追
溯舊遊今零落停杯感歎摧肝腸荆高一去酒徒
散只今燕市誰飛揚細數不過十年事歷歷在眼
安能忘人生聚散各有時東西南北天一方齒牙
已缺髮垂耳薄宦猶然滯帝鄉去不能兮住復
苦金門索米徒嗟傷不如無事即飲酒胡爲勞攘
空茫茫相期盡醉倒花下已見飛英下夕陽

世說詩集卷二十三

古

再疊前韻與汪曹二同年

自古作者推班張讀君新詩喜欲狂開來沽酒對
花飲三人圍坐亭中央白桃如雪紅如霞一闌花
藥多芬芳眼前春光去已半會須一飲累十觴昔
賢酣飲稱八達往往裸袒卸冠裳嵇阮云亡酒壚
在過者不免迴中腸只今舊友如晨星曩時意氣
何飛揚豪放不顧尚書期談諧調笑形骸忘汪李
二子歸海畔周郎卧病無良方感今懷昔不能飲
愀然未得遊醉鄉子建當筵發高歌者不惜聽
者傷其時月黑花影瘦仰天四顧空茫茫不如酩

酩倒接離酒徒千載思高陽

三疊前韻與汪曹兩同年

小圃原無錦幘張惟有藉草恣清狂八窓疎豁繞
竹木一亭突兀安中央十年種得兩株花三徑無
人亦自芳退食歸來欣獨對客至便與陳壺觴恍
疑解后遇仙子雲爲帔兮霞爲裳岸幘雄談溯皇
古詩篇往復搜枯腸自知疎懶倦造請出門每愁
塵土揚遣興聊復手簡策泊然與世將兩忘對花
飲酒乃至樂安能舍此求丹方不爾高卧北窓下
栩栩引入黑甜鄉吾生有命但信天不爲公相庸

世說詩集卷二十三

古

何傷慷慨高歌還命酌西日欲落花茫茫明朝更

擬尋芳去杏花已滿西山陽

時訂西山看花之遊

三月望前二日薛澌二弟招陪諸同人飲怡

園花下漫賦三首

綠野園中十畝花春來開遍爛如霞攜壺重到經
行處還憶東山侍絳紗

其二

新綠穆穆覆石臺海棠初放牡丹胎座中半是登
龍客閑話平泉結構來

座中有談怡園經始落成始末

其三

竟日留連竹樹根酒闌待月更開尊迷離醉眼慵
難舉一片花光月下翻

三月望日詣暢春園請

皇太后安隨往萬壽寺行香因偕汪涵齋少司農

曹蓼懷少司馬王恒麓閣學至昌運宮看

松歷摩訶庵元福宮而返

長樂請安偕宰執行香萬壽一人從萬壽節前後

七日禮部堂官分往各寺行香迴車漫訪伽藍蹟挈伴同尋鶴觀

松拂拭莓苔看古碣摩挲銅狄話宣宗元福宮神像及銅甌

皆宣德時鑄僧寮清寂堪銷晝不覺斜陽到下春

世憲詩集卷二十三

六

再疊前韻酬蓼懷少司馬

出郭尋芳多野趣聽鶯策馬敢辭從一溪水抱千

行柳萬斛濤生五鬣松香火前朝由官寺諸寺觀皆因明

時內監建立鐘魚今日見雲宗僧談往事頗悉和章雅調流洪

響如聽長江巨浪春少司馬有和詩

三疊前韻貽涵齋蓼懷兩同年恒麓閣學

春光已去三之二今日郊遊興樂從帝里重來

新社燕故園還憶舊雲松天呈景慶千秋節庭列

魚龍百戲宗時昌運宮演扮臺閣騎馬欲尋芳徑去玉泉山

下夕陽春

初夏畫舫齋中作

丁香開後又茶蘼正是春深夏淺時小院無人清

晝永一雙蝴蝶戲花枝

四月四日曹蓼懷少司馬招同張景峯少宰

汪涵齋許時庵兩少司農家弟薛澂飲紫

藤花下

宣武門西司馬家春深初放一闌花醉來香氣氤

氲甚疑是仙妃曳紫霞仙家有紫霞裾

其二

小圃江東亦有花曾經御筆署蒸霞乙酉歲南巡駕

世憲詩集卷二十三

七

幸小園對紫藤花題蒸霞二大字留御十年遊宦無由看對此如

何不自嗟

庭中刺梅盛開因賦

黃裳道貌似仙家搖曳春風檻外斜綠葉陰濃當

淺夏一叢新發刺梅花

其二

江南四月盛屏花白白紅紅爛若霞北地薔薇種

原少客窓相伴與非賒

孟夏望前二日偕胡南若同官曹蓼懷少司

馬泛舟西湖至玉泉山飯於功德寺抵暮

而返成斷句八首

湖光澈灩白鷗閑鳳艗巡遊數往還一自宜春成
下苑五雲時繞玉泉山

其二

天氣清和好泛舟青山如黛水如油荇花菖葉湖
中景一片空明鏡裏遊

其三

玉泉遊展記當年曾向華嚴洞裏穿今日重來苑
牆下千株高柳半青天

其四

世憲詩集卷二十三

六

綠樹深藏野寺門水田一色似江村桔槔忽聽前
溪響觸撥鄉心到酒尊

其五

泉聲瀲灩瀉珠盤手掬甘香沁肺肝借得一瓢飛
騎取僧寮同試小龍團

其六

弔古踟躕到夕曛金元舊事等烟雲披榛誰識美
蓉殿下馬難尋耶律墳

其七

宣宗遺蹟久荒涼古寺空留老柏僵一代已多興

廢事不須知火恨滄桑功德寺創于明宣德二年于此後因世宗見金剛像怒目猙獰憐而怒寺遂廢

其八

順流曲折下高粱回首西山夕照黃風起楊花如
捲雪一塵不到意清涼

紀

恩詩并引

康熙四十六年春二月

聖駕閱河南巡三月二十四日

駐蹕松江二十五日

世憲詩集卷二十三

九

幸臣項齡秀甲園賞玩彌時遊覽殆遍

天顏有喜

顧問頻加凡卉木之微禽魚之細無不仰被

恩暉伏念自乙酉至今三年之中兩荷

鑒輿臨幸驚喜過望昔者有唐文皇曾幸元齡之

第越在高宗亦至游巖之宅傳諸史冊以爲

美談臣項齡德愧房公高慙田子遭逢

堯舜之主遠邁貞觀永徽之代何幸身叨

異數比跡兩臣稽古同榮撫躬增惕戴被

高厚報稱良難是用敬賦詩章永矢感誦托諸圖

繪傳示後人俾世世子孫無忘

聖恩云爾

玉輦時巡谷水灣 翠華兩度到園林 巖邊蘭草

滋榮色枝上春鶯啼好音花藥品名承 顧問上

問園中花 溪流曲折昇 宸襟上極賞園林 微臣

何幸叨 天寵重疊恩暉耀碧岑

其二

十年小築刷雲根亭閣無多竹木繁豈意頻煩

天子駕共傳重幸浣花邨 霓旌搖颺穿林岫

鑾輅威遲出水墩留滯周南虛扈從欣逢稚子沐

世恩詩卷二十三

三

天恩 長子圖炳獻詩蒙 召試 行宮 天

其三

青宮侍 輦下雲霄龍種欣瞻隆準超 時 皇太

子俱隨 駕至園 池上游魚俱望幸林中飛鳥亦來朝平

泉未說雕輿至綠野寧聞翠蓋飄海角荒園真忝

竊屢邀 玉趾到山椒

其四

賜額高懸 宸藻光 前 賜蒸霞二字 御筆已懸堂中 至尊凝

覽自徜徉日斜花徑方回 輦路入幽巖每 御

冰笑語時聞 天意悅優容更恕野芹荒 深思

似海慚難報嘉話流傳奕葉長

其五

坐憑水檻看流泉 上御秋水軒凭欄 觀水良久 紅藥遲開

聖主憐 年紅牡丹每年先開今 獨遲故得未謝 天假風光將入夏

帝詢疏築是何年 上問此園造 有幾年 神龜出水浮蓮葉

小龜浮于岸 側盛盆以玩 玉筍穿泥長碧椽 見新筍出總是 駐觀

仁恩同化育四靈萬彙荷生全

其六

郊園落落類山家一路香傳黃菜花駐 輦漫看

春陌景重農還愛麥秋嘉 駕未入園時見 御道 兩旁菜花甚茂駐

世恩詩集卷二十三

三

輦而觀并取 麥枝把玩 野庖難具 天王膳茗椀惟供吳苑

茶共頌 聖慈真浩蕩恩榮里巷競相誇

四月二十一日攜兒子圖焯圖燿圖壽輩至

豐臺遊文靖公別墅看芍藥適宋太宰牧

仲亦至口占四首

綠野園中芍藥花佩壺獨對日西斜當年曾與東

山宴妙舞清歌擁絳紗 文靖每年花開時 宴客出家樂侑觴

其二

高會曾經醉習池當筵陳子賦新詩酒人詞客今

雲散花貌仍看似舊時 庚辰四月之望同館宴集 於此與宮詹陳乾齋賦詩

和倡

其三

常年花放滿園枝今歲天涼開獨遲半吐正如年
二八新嬌約綽向人時

其四

風流前輩遇蘭臺解后籃輿花徑來消水名葩開
更好平泉萬本一時栽太宰欲于家園種芍藥萬本

初夏張寄亭宮庶招飲怡園李寅谷孝廉出
示和韻詩即次酬之

名園傳綠野卜畫共追歡冒雨登高榭移尊向牡

世憲詩集卷二十三

三

丹不愁塵土入更喜藥闌寬疊石成千尺當年結
構難

其二

齋形同畫舫彷彿泛扁舟昔侍平津坐今來金谷
游鶯花仍刺眼歲月等浮漚喜聽西窓雨郊田正
麥秋

其三

曲磴梯雲上高臺四望通楸花何窈窕槐葉本青
蔥酒戶愁余小詩才讓爾雄十年同作客彈指已
成翁

其四

風流張庶子俊逸李青蓮雅會成真率衙孟別第
聖賢蝶捎花墮粉雀啁柳含煙醒酒平泉石時時
醉欲眠

送武陵丞杜樊川之任

僊境人間羨武陵況爲僊吏樂難勝放衙掩簿哦
松下却笑崔君不負丞

其二

潁川賢吏著循良書法君今更擅場部老如逢張
長史紛紛乞判到公堂樊川素善書法

世憲詩集卷二十三

三

四月二十九日江補齋副憲招同諸公至豐

臺文靖公別墅看芍藥和宋太宰牧仲韻

芍藥最數豐臺奇千紅萬紫雲霞披今年樂事勝
往年看花連日車相追數日中兩至豐臺太傅園中花萬

本盡含玉露迎晨曦紅闌曲曲圍姝麗明粧列侍
同僊姬中丞召客開廣譙正當別苑迴車時是早

請暢春園投壺對奕分曹偶窮日玩賞恣游嬉銀

瓶絡索柳陰下綠槐當戶枝交垂宋公愛花作遨

頭紅藥爭傳絕妙詞太宰先有看芍藥歌我徒及時須行樂

毋爲碌碌花神嗤醉踏軟沙趁歸路明朝再訂遊

山期時坐客訂遊西山

世恩堂詩集卷二十三終

世恩堂詩集卷二十三

西

世恩堂詩集卷二十四

華亭王項齡瑁湖

畫舫齋彙七之下起丁亥五月盡己丑六月

午日雨後同路瀛山明經及兒子輩飲于青

靄居即事

涼雨霏霏潤物鮮
蒲觴細泛竹窓前
天涯絳縷驚新序
鄉國龍舟憶往年
榴火經時猶未放
戎葵初種亦多妍
客中花藥渾無賴
喜得官閑地又偏

五月六日同官胡南荅招同諸公陶然亭宴

飲即事

世恩堂詩集卷二十四

一

陶然亭子信幽偏
不到雲林已二年
爛熳葵榴方藻夏
逍遙冠蓋會澄川
雙槐交映參天綠
千堞高懸一字連
更喜醴陵添布置
欲將花藥闢平泉時江補齋副憲方于亭北置屋將種芍藥于下

其二

聯翩躍馬過城南
竟日歡遊劇笑談
絲竹風傳三邵樂時聽度曲
酒杯香泛百花潭
遙瞻雙闕浮佳氣
近挹千山送夕嵐
還傍精廬聞妙梵
一燈佛火禮瞿曇亭近僧廬

再疊前韻柬南荅

水雲多處是西偏卜盡閑亭日似年來浪層層翻
近瀧激紋細細皺平川烏程酒美妖童勸杜曲花
深寶馬連投轄主人情意重欲邀明月醉林泉

其二

水邨花塢似江南四座清風揮塵談良會共澆青
竹葉昔遊還記黑龍潭亭近黑龍潭向
嘗遊宴于此臺因地潤
臨平楚山爲烟凝見紫嵐歸去驂驪西日下滿堤
春草醉羊曇

宋葑洲閣學扈從至松江遊小園贈詩次韻

奉答

蕭雲詩集卷二十四

二

數弓敢擬習家園竹塢松寮且避喧豈意 鑾輿
臨野谷漫勞軒蓋訪桃源愧無供具留嘉客但有
謳歌頌 聖恩白雪贈來難屬和空持布鼓過雷
門

新秋二日偕同官胡南若少司馬曹夢懷遊

祖園水亭觀荷即事

將軍亭子一池蓮把酒臨風曲檻前迴憶舊遊經

升載故交零落景依然戊午年同宋太宰牧仲高
太常設園曹郎中升六葉

進士元禮柯中翰寓輓路孝廉湘舞小飲於此今
已三十年惟太宰與予在餘皆下世爲之慨然

其二

翠蓋亭亭映月波水鳥拍拍戲清漪藕枝如雪蓮
房嫩手摘同嘗似玉飴

其三

閑步危亭三徑荒古藤作屋荔爲牆幾回欲去頻
搔首夜合花前正夕陽亭旁夜合花開正
盛留連久之而去

其四

嘯侶聊爲物外遊衝泥策馬興難留欲修秋禊追
前哲少長觴同曲水流時兒子圓
炳亦侍坐

前題和曹夢懷少司馬韻

玉泉山水源頭活流下千溪勢難遏壅作陂塘種

蕭雲詩集卷二十四

三

藕花祖氏亭臺最軒豁新秋嘯侶出南城一路山
光翠如潑官事何時是了時且向花前同作達佩
壺挈棹長隨隨缸面蒲陶喜新撥昔年曾向華山
遊玉井如船記采掇今來盤薄坐磯頭魚跳波心
驚蹴刺曾然山水有清音何用笙歌沸天聒兼旬
伏雨熱叵耐追涼林樾愁城割不堪重數舊遊人
黃壚嵇阮增怛怛對花聊吸碧筒醉循堤緩步同
盤饗

七夕偕陳昨嵐文學路瀛山明經塔李曰堅

兒子圓炳圖燁圖耀飲畫舫齋昨嵐首唱

即次元韻

懶朝無意逐鳴珂佳節尊開綠蟻和天上女牛良
會少人間鍼線巧思多龍梭扎扎停今夕鳳駕飄
飄渡淺波移席庭除延素月參差星斗爛銀河

其二

扶疎樹影入窓遮靜裏知聞鳥雀譁似逐真人來
設酒蔡經事見列仙傳思同僊客去浮楂追涼漫擬沉甘
李守拙何心事縷瓜劇喜尊前吟白雪燕髭無計
報瓊華

陳昨嵐文學再疊前韻和荅

世漢詩集卷三十四

四

鳴珮鏘鏘應玉珂雙星月帳麝香和七襄杼袖天
章巧八斗才華錦字多冶就赤龍冲碧漢陶安公事見列仙傳橋成鳥鵲駕銀波清言四座如霏屑一片晴雲
卷絳河

其二

新月如鈎薄靄遮迢迢清漏夜無譁風流客盡青
雲彥粗糲盤空漢水楂楂頭縮項鰭出漢水東坡有舊將歸釣漢江楂之句
竹徑調水同雪藕山窓切玉共浮瓜驪珠滿幅思
藏弄驚坐才名羨國華

三疊前韻東陳昨嵐文學

伏雨連旬潤珮珂秋風初試綺羅和亦知塵世歡
難偶不信僊家巧更多月姊長愁空倚桂宓妃應
笑欲凌波良宵莫謾輕離別惆悵明朝又隔河

其二

檐前烏鵲話周遮何事今朝語不譁俗云鵲填河是日無聲
愛客且從澆白酒游僊漫擬泛靈楂無心太守千
頭橘好種東陵五色瓜行樂及時須盡醉莫令華
髮再生華

秋日得麗雪崖同年書兼荷詩箋之贈即和

元韻奉酬

世漢詩集卷三十四

五

故人久言別延佇意徒勞忽捧瑤華札如投金錯
刀綵毫垂玉露紈扇湧秋濤下里慙相報因風寫
鬱陶

九月六日蒙

恩賜松花江魚三尾恭紀

喧傳行在有溫綸首進慈寧赤玉鱗長樂

含飴尊養備濯龍流水起居頻晨昏絡繹馳中使

甘旨封題入紫宸更沐恩波及臣下一時光

寵動簪紳

其二

環珮鏘鏘集 禁廬絲綸閣下 賜嘉魚細看素
鬣非凡品競捧銀鱗自 玉除美味不須思丙穴
珍羞寧復憶王餘從來此腹安藜藿今日承 恩
笑口舒

其三

龍墀拜舞出 金扉珍重相將等玉璣熟薦 二
親登俎豆甘分一室飽鮮肥頻年每飲 天庖美
去冬蒙 賜野雞 今秋又荷 賜魚同氣均沾鴈序稀還喜稚兒新
內直叨 榮也捧 賜魚歸炳兒在南書房亦蒙 恩賜

其四

世遠詩集卷三十四

六

需頭拜進謝 恩章稽首遙天感激長喜氣滿
廷同鼓腹歡聲聯 陛共鳴璫賜臬漢室猶常制
投棗梁朝未徧嘗何似 皇仁深雨露數千里外

念冠裳

奉酬澤州陳相國寶雲寺見懷四首

嵯峨黃閣倚丹墀赤舄從容論道時龍馬精神四
海羨華嵩標格百寮師均調獨得鹽梅味經緯皆
分繡袞絲南國恩膏新浩蕩總煩元老繪幽詩

其二

餘事還登風雅壇掣鯨碧海盛波瀾元音渾噩規

姚似寶燄摩騰駕杜韓天上七襄方是錦鼎中九
轉始成丹立言自足兼功德益信陽春欲和難

其三

琅頤同朝地望崇相門經笥見家風隔屏咫尺雲
霄上隨輦三千驛路中興寄山門玉帶鎮詩題湖
寺碧紗籠卷阿獻納偏餘暇爲愛蓮花訪遠公

其四

珥筆當年忝後塵至今吐握荷平津從公近接台
階象懷我閒宜蘭若春雲海戲鴻書煥爛見蘇子瞻寶雲寺詩畫船微雨句清真見唐彦猷詩沁南亦有精藍結

世遠詩集卷三十四

七

歸夢漁磯狎釣綸

附原唱 官橋鄰淨宇川路接遙天潮送春溪
水鐘流遠 樹烟清華江左貴文字禁林傳衰晚
雙峯寺難 求七祖禪

九日偕胡南荅同官曹夢懷少司馬家弟薛

澱公讌張劬齋少司寇阮于岳少司空江

補齋副憲宋堅齋宗丞宋葑洲閣學徐子

貞學士于陶然亭即和劬齋來韻

衣冠洛下數趨陪佳節登高聯袂來落帽清秋人

爽健盍簪初夏景恢台孟夏南荅曾招飲于此選聲共賞王

郎曲醉酒同傾陶令杯徙倚漸看纖月上一條燈

火夜遊回

送少司空李貞孟先生致政歸里

聖主初登大寶年先生名唱五雲邊先生甲辰楷

模人仰龍門峻弟子經傳馬帳懸先生乙酉京闈主考得人最盛

最喜乞骸身正健偏當去國衆稱賢優游出處如

公少疏傳知幾足並傳

其二

秋高黃菊映離尊唱罷驪歌鴈影翻邈矣耆英歸

洛社惜哉賢達去青門關西清節當官著明道春

風座客溫更羨抽簪多異數特還章服是君恩

世憲詩集卷二十四

八

先是先生因註誤褫職留任
請告疏上特旨復還原品

十一月二十九日

賜漢尚書侍郎松花硯各一方永紀二十韻

令節逢長至是日冬至恩綸下玉除傳宣趨殿陛

次第集簪裾日射觚稜直風飄刻漏徐榮依三閣

老班亞六尚書寶硯陳瑤席中官出禁廬分頒

沾帝澤擎捧拜宸居奇石松花產良工內

府儲溫文同美玉巧作類雕琚鳳味休相詫龍鱗

詎足譽鴻章瞻御製鳥篆逼秦初制自軒皇肇

黃帝得玉一紐治爲墨海
其篆文曰帝鴻氏之硯靈當聖代舒右文

親翰墨 好古樂清虛爰法方圓象因教礪琢如

含毫裝翡翠滴水潤蟾蜍樸雅供 綈几晶熒映

石渠推 恩加宰執荷 德及山樗竊被張華寵

張華博物志成晉武賜以青鐵硯翻憐米芾疎米芾奉命書屏書成捧硯請曰此硯

經賜臣芾濡染不堪復以進御上大笑着賜之叨光連九錫結伴過三餘

老學全資爾閑吟或起余還當勗孫子什襲等璫

余所得者天然硯杏根爲匣硯背有御銘銘云壽古而質潤色綠而聲清起墨益毫故其實也下鐫康熙御銘二小璽

御銘二小璽

臘月望後二日對盆梅作

臘梅香動小窓閑坐擁紅爐靜掩關劇喜冷曹公

世憲詩集卷二十四

九

事少逍遙容我學癡頑

除夕二首

歲除當此夕風景諒晴和日月看逾邁孫枝喜漸

多今年得兩孫春曹藏拙易白髮感時過斟酌憑椒酒

朝 天聽玉珂

其二

曆盡星移次春遲臘入正新歲十三日始立春交臘在正月初衰年

驚改歲拙宦急歸耕喜遇兒曹聚適大兒來京度歲愁逢

子舍傾時有次媳之戚感時兼觸緒哀樂總關情

正月初十日陪祀

祈穀壇齋宿署中即事

初正又遇太常齋

初八日孟春時享太廟

節近元宵月

影佳數載容臺甘冷寂新年春色費安排

十三日立春進

芒神事

隸禮部

重農親祀傳

清蹕典禮趨陪傍燎

紫老去筋骸惟愛懶多情尚欲檢詩牌

其二

襖被清宵倚竹牀火爐無燄紙窓凉古槐月襯蕭疎影虛室燈搖黯淡光隱隱歌鐘聞戚里迢迢宮漏出紅牆衰年永夜愁無寐枕上詩成得幾章

十二日齋宿

天壇孫鍊師房

世憲堂詩集卷二十四

十

郊壇樹色鬱蒼蒼齋宿重來羽士房猶記故人同

下榻不堪思舊賦

昔年同山陽李公凱齋宿於此今公凱已遊道山余

獨來不勝愴然向子期賦山陽屬河內郡適符其名

元夕

客中十四度元宵歲歲辛盤燭影搖且喜團圓對

兒女聊憑尊酒答星橋朝天金苑歡爭逐踏月

銅街興已消猶憶蓬萊曾侍宴九華燈裏奏雲韶

壬戌癸亥兩年元夕賜宴乾清宮燈火最盛音樂並作余以講官得與今思之如在鈞天也

送閣學宋葯洲奉

御書之南嶽立碑

暨辭綸閣去浮湘手捧

天書出建章岫嶺千年

符聖蹟祝融三月燭榮光盪胸雲海誇奇觀放棹

鄱湖泛淥觴

鄱湖水綠色取以釀酒極佳即鄱縣也

七十二峯題詠

徧龍門文筆更汪洋

司馬子長浮沅湘歸作史記謂得江山之助

閣學宋葯洲示

使楚詩次韻酬之

終歲勞勞金馬扉羨君遊獵興遄飛朱陵洞口堪

攜展天柱峯頭好振衣況奉簡書乘使傳兼逢

春日藹晴暉齊聲共祝神堯壽南極星光耀紫

微

其二

三湘七澤楚天南竹杖芒鞋恣意探筆駕風騷神

世憲堂詩集卷二十四

十一

自健氣吞雲夢興猶酣祝融居下飛青旂朱鳥星

前看紫嵐定有懶殘能卜相再傳煨芋乞僧龕

有火邊煨芋誰相啖好向巖前謁懶龕之句

送楊楷人閣學還里

故人去國太匆匆不及歌驪送玉驄翻枉雙魚津

水上萬千心事感飛蓬

其二

君去應愁我住難蛻變相對淚空彈秋風不負尊

鱸約三泖相從把釣竿

二月十三日蒙

恩賜人參二斤恭紀

宣賜趨闈闔 經筵侍講餘是早經筵紫團含玉液黃

紙下 椒除包貢遼山產封題 內府書不須愁

渴疾應笑漢相如

其二

仙草三桎秀靈根五葉奇養生逾石髓益壽等神

芝 殊錫恩施渥庸材忝冒疑自憐蒲柳質扶老

正相宜

十五日 暢春園謝

賜參恩遇雪即事

世憲詩集卷二十四

三

五鼓朝天 別苑東雪花冉冉裏晴空 君恩深

重同山海拜舞呼嵩銀界中

其二

西山積雪玉山同大有堪徵歲事豐上藥 賜來

無疾苦願推 天澤惠疲癯

寒食前二日齋前紅白桃花初放口占二絕

寒食春風柳茁芽開來問訊小園花白桃新吐渾

如雪姑射仙人駐玉車

其二

手種山桃十四春年年花發錦爲茵紅霞一片晨

曦射身是桃源洞裏人

汪涵齋少司農張劬齋少司寇勞介巖僉憲

孫樹峯大司成朱近菴少京兆年登七十

同朝公宴于陶然亭和孫大司成用杜句

起韻賦贈

人生七十古來稀開宴芳亭鶯亂飛五老衣冠同

授杖三春景物藹晴暉梨園合奏霓裳曲是日演

奇傳芍藥新栽金帶圍亭下新種芍藥數百本大斗勸酬斜照

裏六街爭看醉人歸

立夏前二日張克繩太常招同諸公飲常鍊

世憲詩集卷二十四

三

師道院看牡丹即事

太乙壇邊羽士家年年開遍一闌花西明崇慶當

時盛唐時西明崇慶牡丹最盛魏紫韞紅此地嘉休沐聊從寮

友飲談諧直到日車斜勝遊更喜逢賢主樂部還

聞畫鼓過時聞度曲古太常有四部樂

初夏畫舫齋宴坐

獨坐閑亭柳葉齊落花深院午雞啼日長閉戶無

些事蝴蝶雙飛過竹西

陶然亭芍藥詩應江補齋副憲命

中丞小築愛華滋紅藥新栽色色奇近與豐臺誇

麗蕊遠同消水播風詩散花天女依香界步襪靈
妃感洛湄亭連僧舍水池綠野閑情誰得似愧無小謝五
言詞

四月初四日奉

命祈雨白馬關帝廟即事

紅牆古廟倚高槐奉 命靈壇祈雨來白髮黃冠
應笑我六年不改舊容臺

其二

當年白馬顯靈蹤古蹟流傳自慕容
欲讀斷碑來剔薛莊嚴廟貌紀明宗

見元氏混一方輿勝覽一碑紀成化十三年重修商

世憲詩集卷二十四

古

文毅奉
勅撰文

其三

行香拜表盡科儀沃水呼雲事事爲願假神威驅
早魃急將甘雨救蒸黎

送太宰宋牧仲 予告還里

兩朝黃髮百寮尊抗疏辭榮荷 聖恩入羨耆英
歸洛社詩傳 御製錢青門

上特賜詩寵行 聖恩入羨耆英

漿玉饌鈞天饗賜宴澹寧居 秀竹香花獨樂園更喜鳳

毛金馬客綠衣侍奉返江村

令嗣山言太史給假送親

其二

廿年旄節領尚書 天語親褒眷執如南國尚餘

棠蔭在東曹猶識履聲初交情奕世欣忘分

先子爲文

康公門人余與余初任京曹與遊宦當年幸比廬

太宰比鄰而居

祖帳東門看去旆將離折贈意躊躇

畫舫齋對棗花作

退食憑闌藥閑曹趣味長日移椿樹影風度棗花

香假寐食高枕清吟發短章 朝中有除拜吾意

在滄浪

比來頻有除拜

上巡幸所至見嘉禾一莖五穗傳示在京王公大

臣恭紀

世憲詩集卷二十四

五

嘉禾傳示 午門前 聖世祥徵大有年昔託兩

岐標漢史今看五穗樂堯天扶疎綠映 行宮側

錯落黃垂 魏闕邊 帝德重農天意祚屢豐應

慶萬方連

兒子圖炳扈從口外蒙

賜嘉禾二本奉

旨寄與家人觀之感 恩恭紀

清暑兒曹從 玉鞍家書一紙報平安連莖拜

賜欣初覩炳兒初次隨駕故爾得 賜合室承 恩許共看珍

重封題同拱璧流傳圖繪比琅玕無才敢擬嘉禾

頌聊紀 天恩似海寬

二月十六日奉

命祈雨東嶽廟口占四絕句

奉 命呼雲到嶽宮 詰朝雨雪四郊同 天知

聖主勤民切特降甘霖報歲豐

其二

糜祿容臺七載中 四番祈雨宿齋宮 白頭羽士猶
相識一種郎當氣味同

其三

香氣氤氳鵲尾爐 精誠應已格清都 雲興泰岱維

世遠詩集卷二十四

六

神職莫使郊田二麥枯

其四

龍鍾力疾赴郊宮 時患稚子前來看老翁 兩少子來問安

衰病自知應早退乞身準擬待秋風

得友人書

江東烟樹邈愁余 忽枉雲中尺素書 小鳳清聲娛
几席蒼髯老友話樵漁 都門頻送楊臨賀 丘壑常
懷謝幼輿 此日 彤廷行慶典 先生報國志方舒

卧病半月園中丁香盛開稚兒折取供小瓶
中聞刺梅尚含蕊開時料可出而賞也感

而賦此

旬餘卧病閉莎廳 折得丁香供膳瓶 問訊刺梅方
結蕊猶堪待我賞芳馨

刺梅已開病軀未能往觀口占遣懷

園中已報刺梅開 足弱無由步履來 轉憶去年花
下坐一家老幼共銜杯

初夏病起

清和時候試薰風 養疾猶居一室中 眼看花開又
花落無緣把酒對芳叢

煨兒下第歸里值余病方瘳感賦

世遠詩集卷二十四

七

豚兒下第返江東 拙宦栖遲一病翁 瘦骨不勝拖
鵲綬惟思歸去賦陶公

送房師顧公 予告還吳

崇班峻望重宗卿 忽賦歸田一葉輕 年未懸車先
勇退人當祖帳惜賢聲 五湖魚鳥親顏色 滿路鶯
花繞旆遙想東山多樂事 閒攜尊酒拂棊枰

其二

扶風門下老康成 三十年來立雪情 幾度後堂容
聽樂忽聞班馬話歸耕 支離病骨艱趨走 惆悵行
旌闕送迎 時抱恙不克躬送 聊托短章當折柳 江雲吳樹

夢時紫

對芍藥作

攔街芍藥一時新
買供銅瓶伴老人
長日綠窓聊自遣
翻因善病得閑身

即事

細雨如絲四月天
將離紅映小窓前
濕雲解駁光初漏
新柳搖晴色更妍
病謝官書笥紙尾
閑看香篆裏爐烟
窮通靜裏參來透
不費君平簾肆錢

臺看芍藥作

四月二十二日攜兒子圖炳圖耀圖壽至豐臺看芍藥作

世憲詩集卷二十四

六

三旬卧病掩雙扉
今日看花錦繡圍
兩岸綠陰迎馬首
遠山雲氣卷朝暉
簿書暫屏閒情稱
少長從游俗客稀
行樂及時聊作達
清和節物正芳菲

其二

名花似海動長安
借得平泉盡日看

文靖公點就別業

絳唇紅萬顆
粧成粉面玉千盤
清香撲鼻蜂聲鬧
嬌態依人酒量寬
亦有小園三泖曲
藥闌空閉自開殘

雨後宴坐一室

小雨庭花潤微風
爐篆香閑招清聖
伴嬾愛黑甜

鄉守拙名心澹
年衰歸思長
會當拂衣去
息影憩南岡

思歸

力微難報國恩深
牽率無由返故岑
豈有神仙兼富貴
莫貪鍾鼎失山林
宦途味已同嘗蠟
懶性時猶學弄琴
不爲鱸魚鄉思切
衰慵端合謝朝簪

長夏書懷

梅炎藻夏景清
虛芍藥紅稀榴火舒
棐几疎簾閑闌茗
隱囊紗帽坐觀書
門無殘客心常泰
膝有橫琴意自如
莫笑冷官風味淡
平生懶性喜蕭疎

世憲詩集卷二十四

九

遣興

清和時節雨霽
巖樹色陰濃
畫檐綠蔓葡萄初
上架紅襟小燕正
穿簾閑官事了
衙初散險韻詩成
口自占如此風光
堪獨遣任他白髮
與蒼髯

退食

退食終朝守一編
虛齋生白坐青氈
霏微雨點滋蘭藥
臍膊蒸聲驚晝眠
參徑椿花無意掃
爭泥燕子有情憐
寂寥雅興閑官稱
銅鴨焚香讀太玄

五月朔日少司寇張劬齋新闢東軒栽花累石
招同曹夢懷少宰汪涵齋少司農胡南

若同官家仲薛激集飲其下率賦奉東

故人招我飲東軒疊石栽花且避喧新種芭蕉聽
雨滴細牽蘿蔓補雲根其聲響度湘簾外酒醖香
黏羅袖痕此是吾廬堪自愛何須金谷始爲園

端午前二日同曹夢懷徐子貞兩少宰張劬

齋少司寇至萬泉寺因遊郊外諸園即事

結伴閑遊到上方因憑野衲訪雲莊長松落落巖

頭出荷葉田田水面香美酒千鍾西日下清歌一

曲曼聲長少司寇攜家樂度曲良辰及早須行樂却笑人生

有底忙

世寶齋集卷二十四

三

歸途過祖莊復坐湖亭小飲

歸騎行行且復停攜壺重上水邊亭白楊樹古麒

麟塚金粉香消芍藥廳園中亭觀已成丙舍世上熱官思爛

熟眼中舊友歎凋零追溯昔年亭中舊遊之友不勝黃墟之感尊前幸

得身猶健選勝追歡任醉醒

午日偕壻李曰堅兒子圖炳飲於畫舫齋

榴花艾虎一時鮮節物驚心藻夏天角黍團金菰

葉裹香蒲切玉珀杯傳客中親串同情話鄉國風

光憶往年歲歲有詩題令序漫抽斑管托蠻牋

端午後一日邀曹夢懷徐子貞兩少宰汪涵

齋少司農張劬齋少司寇宋堅齋副憲家

弟薛激小飲畫舫齋少司寇再和軒字韻

在教復疊酬之

荒亭寂歷在高軒市遠曾無車馬喧椿樹綠分鄰

屋陰聚花香吐小山根風窓把醺傾雲液露坐圍

棊待月痕慙愧腐儒粗糲味更無鐘鼓樂林園時

司寇舍優賜來赴

壽嵇松友太史母夫人六十

盛代旌揚彤史榮一門忠烈著芳聲相夫早殉臧

洪節松友尊人從范忠貞殉難閩中教子終成陶侃名方覩冰桃

世寶齋集卷二十四

三

來閨苑旋看鳳詔出瑤京起居八座承天寵

綵服趨庭介壽觥

夏日畫舫齋即事

茅亭坐清晝三徑客來稀積雨苔紋綠深林暑氣

微鳴蟬時響蒼檐雀互翻飛徙倚南窓久涼風習

習歸

六月十日午窓聽雨

急雨翻盆三伏天紅榴吐艷午窓前熏爐香費生

衣潤積水溝分花徑穿竹色翠添牆角下山容青

送閣西偏蕭然閉戶如枯衲喜得官閑清晝眠

苦雨

連朝伏雨斷知聞晏坐閑將金鴨焚蛙響一池同
鼓吹漏痕滿壁似蝌文堦除積水愁難越天際霾
雲苦不分寂歷小齋無一事漫憑斑管寫鵝群

露坐

露坐清宵久閑庭靜不喧鐘聲來近寺月影下前
軒螢火飛難定風燈閃欲昏逍遙忘溽暑宛在水
雲村

仲氏薛澱屬題三鳳朝陽圖成長句二首

推梨讓棗少時親及至垂紳並致身香案螭頭同

世恩堂詩集卷二十四

三

載筆

余初與三弟同爲記注官後又與二弟同直

春卿署裏喜聯茵

甲申歲

余轉禮部右侍郎同日拜命

銅龍待漏聽雞

早金馬朝

天握手頻還憶書窓燈火夜對牀共

被此三人

其二

老去追思童稚年弟舅鴈序本隨肩嚴親游宦離
家遠慈母九熊看意憐祿養恨違鍾鼎報朝榮
幸荷棣華連披圖不是誇纓綬欲繪君恩奕禩

傳

世恩堂詩集卷二十四終

世恩堂詩集卷二十五

華亭王項齡瑁湖

畫舫齋彙八之上

起已丑七月盡庚寅七月

七月二十九日同曹蓼懷徐子貞兩少宰汪

涵齋少司農張劬齋少司寇家弟薛澱祖

氏水亭觀荷次涵齋韻

秋郊爽氣襲衣裾水閣殘荷香尚餘遠岫浮青堪
挂笏澄潭凝碧好叉魚酒杯色膩驚黃瀉茶鼎風
翻蟹眼舒策馬更尋芳徑去亭亭夾岸盡紅蕖

再疊前題原韻東汪涵齋少司農

世恩堂詩集卷二十五

一

林亭秋敞集簪裾正值蓮房墜粉餘宦況但思澆

玉蟻鄉心頻動為鱸魚一池荷蓋青黃繞二客楸

枰黑白舒

時汪張二公對奕

更向平泉同訪勝鷄冠花爛

賽芙蕖

復往豐臺訪文靖公別業見鷄冠盛開

少宰曹蓼懷邸中

上賜哈密葡萄種結實分以餉余賦謝

故人餉我水晶萄異種由來天上高馬乳舊傳西

域產龍珠曾說貝丘膏分嘗却笑兒爭乞細嚼還

嘗老亦饕猶怪朶頤難自禁明年此際首重搔

丘之南有葡萄谷出雜俎

重陽即事用杜詩起句

重陽獨酌杯中酒風景蕭條嬾上臺聊共尊前小
兒女花糕節物滿盤堆

其二

邠老催租敗詩興劉郎開筆怕題糕如何佳節無
佳思欲續蘇公一和陶

宿高麗營旅店

茅簷聊信宿襆被一燈孤脫粟差能飽村醪不易
沽衰遲愧章服浩蕩憶江湖僕僕風塵裏勞新枉
自吁

世憲詩集卷三十五

二

九月二十八日 暢春園奏事後蒙 賜部

院列卿榛子恭紀

奏事下明光佳榛出尚方叨 恩過投棗拜賜荷
承筐饋食傳籩實芳飴勝玉漿分甘來稚子合室
喜均嘗

臂痛

臂痛經三月支離苦不勝筋骸今昔異衰病歲時
增豈有楊生肘惟愁枕曲肱行當謝章綬蕭散意
騫騰

聽歌天寶遺事

白面參軍田順郎仙山風水奏霓裳當筵紅豆龜
年曲一串歌珠繞畫梁

其二

樂府新翻長恨歌傾城傾國爲情多長生誓罷雙
星笑難保今生遑問他

行飯

東籬菊蕊漸舒黃行飯逍遙過竹廊老困撥書無
一事閑看穉子捉迷藏

夢中忽得杜鵑聲裏夕陽遲之句醒而枕上
足成之可見歸思之濃不覺徵諸夢寐矣

世憲詩集卷三十五

三

楊柳枝頭春意暖杜鵑聲裏夕陽遲分明夢也催
歸去故遣吟成七字詩

冬夜偶詠

冬夜迢迢宵漏長猶餘殘菊伴昏黃溫磨湯鼎煨
芋熟兒女圍爐取次嘗

至日即事

客中十六逢長至白髮蒼顏映綠尊緹室葭灰迴
玉琯泰壇燿火燭天門眼看兒女他鄉長耳聽親
知笑語溫化日漸舒宮線永瑞雲書罷氣網緼

南薰殿纂書高植客以冬日 體仁閣賜紵詩

枉示次首及昔年

御試博學鴻詞 賜宴閣下事即和來韻酬之
夾城紫閣日華東三服齊統貢 禁中 帝念校
書勞績茂承筐 賜出鶴綾充

其二

落紙樓頭沈宋傳春風閣道 錫瓊筵惟餘一老
金門隱猶記釣天共饗年是時同被命入翰林
尚在朝列念之慨然

哭薛潏弟五首

共氣同根棣萼敷無端荆樹一枝枯巫陽欲問魂

世說新語卷三十五

四

何在老淚霑襟對藐孤

其二

騎竹嬉遊在眼前同時待漏又年年白頭拋我歸
何處腸斷西風泣杜鵑

其三

舊雨書齋研席同黨慙雪案幾春風秦淮燈火燕
山月四十年來一夢中舊雨齋少
時讀書處

其四

宦游踪跡對牀眠常約歸耕三泖田豈料鴈行驚
忽斷柳車相送洛河邊

其五

聖朝恩禮始終優生死哀榮未易酬爾定在天圖
冥報我方淚盡感還流優旨賜卹
弟遺疏上荷

白桃花初放遇雨喜晴有作

寓園桃李舊時栽歲歲春風長養來拙宦甘從閒
處老好花無那雨中開新粧幾見朝曦映玉面還
疑白雪暄鄉思縈紆歸未得聊尋芳徑一徘徊

朝鮮貢使來朝 賜宴於禮部一堂官主之

此故事也詩以紀之

東藩職貢歲來王 錫宴容臺有舊章勝代衣冠

世說新語卷三十五

五

存屬國朝鮮章服
猶存明制 皇朝恩禮及遐方三杯共醉

黃封酒一觴分嘗尚膳羊慙愧 賜筵常伴食十

年冰署漫趨蹌

庭中桃花盛開對之有感

卷簾紅雨濕鮫綃舞盡東風萬柳條白髮垂垂春
又半一官留滯故園遙

對落花感賦

脊令原上草蕭蕭縱有春風恨不消無限傷心對
花柳落紅依舊向人飄

安南國貢使來朝 頒賞 午門前侍班恭

紀

日南交趾本要荒奉賫來王曰是常柔遠 天朝

弘錫賚赫聲屬國盡梯航象胥宣譯鴻臚贊行禮時鴻臚贊皆

通事傳語蠻服欣披 賜紵光賜物表裏皆內紵濫佐容

臺陪典禮欲圖王會紀殊方

上巳日出右安門接 駕道中即事

出郭天初霽風光上巳辰苑牆溪柳直邨店酒旗

新贈藥傳漆洧流觴憶晉人禁烟時又近莫負陌

頭春

清明日憶故園作

世恩詩集卷三十五

六

三月春光陌上饒杏花暈頰柳垂腰畫船士女遊

山去人影衣香度板橋

其二

鹿眼芭籬人面桃花如錦草如袍江南此日風

光好綠水鱗鱗沒半篙

唐渠門外送亡弟薛凝櫬歸

薤歌聲裏淚頻揮正是春深花亂飛十載宦游歡

共被不堪執紼送將歸

其二

卹典輝煌賁九泉依依牆裏郭門前人生死亦尋

常事難得 君恩終始全

初夏朔日從廟市買蕙蘭數莖種小缸中香

滿一室喜而賦此

令序逢初夏芳蘭箭茁長買來樹盆盎宛爾到江

鄉喜結騷人佩欣披王者香故園山脚下九畹未

應荒

暮春索居有感

雁序分飛南北翔前春季弟南還死生契濶恨偏長今春又送

仲氏歸憫春風獨作羈栖客夜雨常思對寢牀驛路千

盤愁去櫬天涯一老痛霜寒冷官滋味真如蠟何

世恩詩集卷三十五

七

似相將返故鄉

對刺梅有作

刺桐梅下月如輪嫵媚春光景物新獨坐草亭方

啜茗相看紫燕又窺人客懷擾擾天邊絮宦轍勞

勞車脚薪爭似江東茆屋下高眠閒弄水鷗親

再疊暮春索居原韻

飛鳥游魚自泳翔焚香宴坐意何長年衰行飯聊

拖杖午倦拋書漫倚牀葵藿有心傾舜日山龍無

采補軒裳歸來時詠柴桑句耕鑿惟思老一鄉

再疊韻詠刺梅示炳兒

長繩難繫是羲輪
鶯老花飛綠又新
天上黃裳唐貴主
唐會要公主度爲女道士者十四人
鏡中金粉漢宮人
門承通德思遺研
詩是吾家有荷薪
道貌雅宜梅共姓
即看風味亦相親

三疊暮春索居對刺梅花二首韻酬路瀛山

明經

文藻繽紛藝苑翔
交稱耐久意偏長
開筵每待車公坐
點易常親王湛牀
五色彩毫書鳳紙
三霄雲袖舞霓裳
他年搏翮扶搖上
應見駉鸞入帝鄉
花時同醉月華輪
五字吟成濯錦新
天上終須攀

世堂詩集卷二十五

八

桂手溪邊聊作浣
紗人玉知楚國雕
前璞琴識中郎
幾後新最愛絳紗
聽受業祇慙醴
薄獨相親

四月五日曹夢懷少宰招同李曲江宋堅齋

兩少司馬胡南荅同官飲紫藤花下即事

奉柬

蟻泛盈尊酒藤垂滿架花
清談無俗客老眼送年

華話舊西州感

南荅言及李文定昔年在此集詩事

憂時東國嗟

有談東南民苦饑疫者

一鈎新月上掩映綠陰遮

浴佛日偶詠

楊花似雪當春晚
榆莢如錢正夏初
河渚蒲裙逢

士女僧寮浴佛響
鐘魚蕭條宦況三
杯酒落托心期數
卷書退食掩關支
枕卧翩翩新燕掠
庭除日

初夏即事

芍藥新開三兩叢
折來供養一餅中
田家欲上秧針水
花信方過苦棟風
紫燕呢喃窺繡戶
朱櫻的皪瀉筠籠
清和景物江南好
鄉思迢迢托鴈鴻
和胡南荅同官飲
曹夢懷少宰齋前
紫藤花

下韻二首

世堂詩集卷二十五

九

三春愁裏過今夕
得眉軒樹影搖書
幌花香入酒尊天
涯良會少老友幾
人存愛客逢賢主
何如醉習園

其二

停杯忽惆悵話舊
重流連聽樂平泉
石飛觴家令筵
李文定相國沈東田學士昔寓於此余常來游燕
前遊蘭藥畔往事
燭花前爲憶南皮
會追歡亦黯然

初夏望前三日閑窓感賦

黃紙聯翩下紫微
漢廷除拜有光輝
十年不調惟安拙
三徑將荒欲乞歸
芍藥斬新花自好
丁香罨畫葉初肥
清和景物聊堪賞
喜得閑曹官事稀

其二

十年潦倒一祠官笑比鮎魚上竹竿
衮衮東華看仕宦
栖栖南省耐酸寒
鳥因倦翼飛難進
蘭畏當門退
始安身本無才
寧辨命惟思歸
權五湖寬

四月二十二日宋堅齋少司馬招陪大司馬

家顓菴前輩胡南荅同官曹夢懷少宰李

曲江少司馬左界園宗丞李彥繩館卿集

飲豐臺亭子看芍藥即事

良友招邀過柳塘
風光藻夏足徜徉
吟詩偶出松篁裏
載酒閒尋雲水鄉
金帶圍中堪卜相
用韓魏公守席

世憲詩集卷二十五

十

陵賞芍藥事玉盤盂底各飛觴
用蘇文忠詩東武事日斜更坐平

泉石餘興騫騰樂未央
酒散復至文靖公別業看花

讀史有感

風塵吾意倦歲月感飄流
仕宦車生耳行藏命壓頭
鳶肩誰早貴猿臂不封侯
自古天難問高懷寄鷺鷗

過高梁橋作

高梁橋畔盪輕舟
曾向西湖半日遊
從高梁湖流至西湖與曹

少宰夢懷胡少宗伯南荅同遊丁亥年事也忽忽四年彈指過
青山依舊水長流

舊水長流

四月二十八日偕大司馬顓菴前輩曹夢懷

少宰胡南荅同官李曲江少司馬邀宋堅

齋少司馬左界園宗丞李彥繩館卿于文

靖公豐臺別墅看芍藥即事

平泉莊上共聯鑣
芍藥翻堦影動搖
白酒濃香傾百醖
妖紅狂粉闌干條
虛愁飛燕風前舞
不分楊妃醉後嬌
解帶流連忘日暮
歸途那惜馬蹄遙

出郭

出郭尋紅藥
行行到水南
川原信閑美
風日又清酣
拈碧浮香蠟
紫青結晚嵐
夕陽疎樹裏
得得競

世憲詩集卷二十五

十一

驂驪

午日偕瑁李曰堅兒子圖炳小飲畫舫齋

江鄉簫鼓賽龍舟
畫舫青簾載莫愁
散誕酒場成昔夢
踰躑裙屐記閑遊
榴花照眼逢端午
白髮盈頭滯薊州
漫把一尊消旅況
聊憑親串話林丘
時將歸

送瑁李曰堅 假歸維揚

倦鳥思巢每欲還
欣看玉潤上蓬山
手提五色江郎筆
校勘天書不得閑

其二

旅邸蕭閑喜過從一尊情話到宵鐘門前忽聽驪
駒唱無限離懷江上峰

其三

請急惟陳烏鳥情綵衣歸舞錦衣榮遙知拜慶慈
顏喜親捧黃封介壽觥

其四

安仁親御板輿輕婚嫁還看畢尚平將爲外孫完婚早望
趣裝來北闕須知天祿待書成

呈京江張相國

文昌政本百僚先夾輔功高周召前黼黻舜裳成

世憲詩集卷三十五

三

五色捧持堯日正中天鑄來弟子三千士坐領中
書二十年龍馬精神姿海鶴黑頭公相地行僊

其二

燕許文章重禁庭曲江風度儼儀型修書午夜
然雙燭代草黃麻似六經清減從騶京北騎儉容
旋馬相公廳更看吐握勤延接時坐春風聽閣鈴

其三

崔盧甲第世咸尊棣萼瑤環映一門韋氏扶陽真
驥子謝庭靈運有龍孫賜書綳帙連牀富御
札瑤函插架繁共說家風同萬石恂恂舉策荷

朝恩

其四

孔李交情奕葉濃更慚蘿藦附喬松幾桐每荷中
郎賞鹽輒偏蒙伯樂容十載棲遲甘拙宦一言嘔
拂到孤蹤感恩無地酬知己燒燭吟詩到晚鐘

呈澤州陳相國

紅牆銀漢界天居玉斧沉沉畫漏舒黃閣延登三
相國黑頭徧領六尚書詔裁鳳紙趨丹禁手定
龍文上石渠更羨郎君同內直屏風隔坐侍椒
除

世憲詩集卷三十五

三

其二

太行山色插清河嶽英靈間氣生裴度威名天
下重王商秀格遠人驚詩篇雅與風騷匹史筆堪
同典誥爭門館無私春晝永欲將稽古答昇平

其三

憐才那惜齒牙芬吐握風高下士勤班秩朝尊周
太傅畫圖人識漢三君衮衣錫賚心爭羨溫室論
思語不聞精采何須靈壽杖愛吟花藥策詩勲

其四

當年御李到槐廳載筆常隨侍闕廷剪拂駕駘

憐伏櫪搜揚椽竹到柯亭於今天上瞻台曜猶向
人間惜倦翎忝竊山公登啓事白頭喜遇眼常青

呈安溪李相國

昌期五百毓祥麟驚代才華天廟珍風動索鈴書
鳳紙身依玉斧侍 楓宸持衡畿輔菁莪盛開府
幽燕榮戟新却羨文通兼武達保釐爭說有君陳

其二

建牙十載坐堂皇盡說民間有蓋藏自昔家歌郇
伯兩至今人愛召公崇天卿特擢班資貴岳牧仍
留治行良神爵漢廷方報政 詔書特趣舍人裝

世忠堂詩集卷二十五

古

其三

中外同持造化權勲高二伯映台躔曹參入相來
齊國黃霸爲公自潁川 帝念治安資舊學人推
濂洛有真傳文章事業光霄漢天祚 皇朝得大
賢

其四

載筆曾依 香案傍直廬幸得侍龍章長離苞彩
層霄爛斥鷃蓬蒿數仞翔守拙十年甘不調荷恩
片語喜生光挑燈漫賦巴人句聊擬傾葵向太陽
送李鹿山出守重慶

清郎名冠白雲司冤獄平反張釋之蘭省含香辭
橐筆巴江按部出褰帷訟堂畫靜攤花簾卧閣風
來熟荔枝神爵政成行報最 璽書早晚下 彤
墀

五月初十日左界園宗丞李彥繩館卿招同
大司馬顥菴前輩曹少宰夢懷李曲江宋
堅齋兩少司馬集飲怡園即事

怡園戎葵開爛熳賢主招邀來賞翫疎簾窈窕畫
凝香夏木扶疎盡清漢當年太傅樂林泉金谷春
風恣遊宴參軍白面舞氍毹不數歌喉珠一串重

世忠堂詩集卷二十五

五

來亭閣景澄鮮又向花前共酬勸舊德 君王眷
老臣奉誠不似唐時獻況有賢郎保家主平泉花
木依然爛吾曹自昔侍東山喜見烏衣堂上燕坐
久雲興西嶺來未幾雨電飄珠濺正苦東臯二麥
枯忽逢時雨旌乾暎上慰 郊宮雲漢心涼颺兼
得停揮扇不須銀燭照華筵新月娟娟映林巘

五月十三日祈雨東嶽廟即事

祈雨來琳觀清齋羽士房戎葵花滿砌翠竹影捎
牆二麥關民命甘霖乞彼蒼只愁筋力憊拜跪愧
難將

又賦七古一首

八載容臺五祈雨祠官竟與黃冠伍綠章蒲伏叩
元都鵲尾爐烟紛道左鳴鼓興龍靡不爲呼零走
望神咸舉我 皇憂旱邁成湯微臣無術能小補
惟願天公鑒薄誠甘霖大沛蘇焦土

十七十八連日得雨喜賦

甘澍連朝降原田麥有秋瞻雲霓 聖慮驅魃伏
神謀牲璧曾靡愛倉箱自可求微臣藉手報喜雨
志天庥

十八日晚刻雷電交作甘霖大沛又賦

世說新語卷二十五

夫

奮雷方出地急雨似翻盆四野流膏渥三農笑語
喧天心憐菽麥 帝德格乾坤從此西疇美豐年
慰至尊

史耕巖少詹屬題漂陽溪山圖

大坏蒼翠聳烟鬟一幅生綃點染間鄉國卧遊聊
讀畫浴堂視草且看山紫萼千里牽絲滑黃雀洮
湖入饌斑洵美家園無限景 君恩未許乞身閒

其二

山川靈淑甲神州閱閱西京冠五侯三世玉堂司
鳳詔十年宮相待 龍樓畫圖漫托長康筆丘壑

難忘謝傳謀他日平章軍國了歸來應記少時遊

夏日偶作

退食閒官早逍遙味有餘空庭搖白羽密藻唼朱
魚花落瓶中辨風翻案上書元黃何事起廷辨忽
紛如

六月二十六日偕少宰曹夢懷同官胡南荅

由祖園至萬泉寺觀荷還集池亭小飲聽
范鄭二生度曲兒子圖炳亦待坐

夏木扶疎蔭遠汀追涼步屨踏郊坰風前水鷺雙
飛白雨後烟鬟一抹青愛聽新聲歌子夜閑憑野

世說新語卷二十五

主

納問中冷時向寺僧汲取泉水歸來重到荷亭上扣取蓮筒
醉淥醺

其二

韋曲亭臺枕碧池白頭重到話當時看花曾醉同
年酒對景還吟公謙詩余三十年前與同門公會賦詩于此今爲南荅誦其
舊地過黃墟偏易感歌傳紅豆本相思青山綠水
依然在不飲徒爲造物嗤

祖園荷亭遊集和曹少宰五言古詩韻再賦

一首

終朝困簿書形神歎拘束安得十里荷消暑過三

伏嘯侶涉郊園談諧水一曲池面涼颺起荷香送
芬馥有客擅新聲清商間絲竹忽動黃壚感嵇阮
遊難續互詠舊題詩日月去何速驅車向前溪沿
陂三十六飛鷺浴磯頭波光蕩心目登閣一憑眺
垂柳當門綠風雨霎時來聊解炎曦酷共飽青精
飯鱖魚味鮮郁南茗挹鱖魚作具盤磚小亭中榴花紅簇
簇亭前皆植榴花妙音自天來笛聲響空谷更與尋山僧
商量到珠瀑乞泉留竹籤水遞轉車軸余以竹籤留僧處取
水作符驗吾徒真好事祇堪作茶錄餘興猶未愜還至
蓮池澳呼童具壺酌盤飮雜溪荻羽觴不暫停碧

世尊詩卷二十五

六

簫勸相屬西山日欲沉霞光照林木此樂經年無
安忍遽旋轂若無當關限相期秉遊燭

七夕偕路瀛山明經兒子輩飲壽硯齋即事

瓜果紛陳乞巧筵鵲橋鳳駕兩情牽針樓有意人

穿線銀漢無聲月上弦雨洗晚粧珠淚濕七日有雨謂織

女洒淚雨見歲時雜記風清錦石玉梭懸旅懷秋思俱無賴

聊對星娥醉十千

其二

露盤花水自泠泠月地雲階會匹靈令節賓朋娛
此夕他鄉兒女話雙星安心不乞天孫巧混俗都

忘楚客醒眼底秋光欣暑退芳蘭新茁一枝馨時盆蘭新茁一箭

消夏

容臺退食日方長行飯逍遙步曲廊急雨乍清三
伏暑芳蘭正吐一枝香盆蘭初放開摹古帖書蕉葉漫
酌山泉試茗槍莫問世間蠻觸事且謀消夏北窓
涼

苦雨疊前韻

伏雨開風白晝長昔邪常戶薛生廊泥深人怯銀
鞍險衣潤爐薰艾納香翻快蟬魚防蠹簡潑茶蟹

世尊詩卷二十五

九

眼辨旗槍愁霖天意渾難問且就西窓一枕涼

喜晴三疊前韻

蕭蕭簷溜雨聲長忽覩晨曦射曲廊乾雀噪來朝
氣爽亂蟬吟處晚荷香螢光熠熠珍珠顆竹影亭
亭綠玉槍濁酒一杯聊獨酌醉眠筒簟夢魂涼

初秋雨後新涼偶詠

積雨長林水沒堤斷霞明滅竹窓西紗幮如霧桃
笙滑一枕清涼到曉鷄

憶二薇亭前薇花

二薇亭上看薇花錦覆千枝爛若霞局趣駉駒緣

底事一官滯我落天涯

新秋即事

雨過濕雲卷飄搖一紵衫鳴蜩聲嘒嘒涼月白
摻氣爽庭無暑心閒境不凡步檐聊徙倚星斗挂
前巖

秋霖積旬一室獨坐賦以遣懷

爛雨道成湖商羊舞自都泥深人沒骭蘚積石生
膚閣閣池蛙響陰陰鳩婦呼陽烏時隱見天意欲
何圖

盆蘭連放五莖香滿一室足以消暑喜而賦

世恩堂詩集卷二十五

三

此

秋蘭連吐五枝香一室清芬坐竹牀喜得同心堪
伴老愛渠孤潔自流芳朝天馥滿尚書握紉佩馨
留騷客裳不是閑官無箇事安能永日對徜徉

其二

九畹移將磁斗栽幽香藹藹襲人來援琴曾動尼
山操袂襖還流曲水杯綠葉風翻披北牖紫莖箭
茁采南陔江東大有蘭林在未得辜芳嗅幾回

種花作

公餘無一事課僕種花忙遣興聊因物消閑亦有

方東籬秋色滿西瀼藥闌芳何必平泉野名葩貢

遠疆李衛公平泉莊時有言
南太守貢名花之語

世恩堂詩集卷二十五終

世恩堂詩集卷二十五

三

世恩堂詩集卷二十六

華亭王項齡瑁湖

畫舫齋八之下

起庚寅八月
盡辛卯八月

閑窓偶詠

檀欒數弓竹瀟洒一闌花虛室琴書靜清言風味
嘉破閒惟點易消渴且烹茶世事何須問逍遙領
物華

送張景峰大司寇還里

欽恤虞廷大化成秋卿持齋衣清時排群議爭
冤獄惟矢孤忠答 聖明省釋袁安甘自坐平反

世恩堂詩集卷二十六

寒朗欲求生活人應食封侯報奕世于門駟馬盈

其二

曲江風度重巖廊縞紵交情舊雨長數載螭坳同
珥筆列卿鴈序接鳴璫開尊燕嶠人初別懷友龍
門天一方轉眼 九重思舊學東山未許久廻翔
過亡弟舊寓有感作

曲巷東頭野草荒戟門空閉冷斜陽廻思花月過
從數轉憶春秋笑語長和藥熟鬢餘涕淚彈琴絕
響斷肝腸重來梁燕知誰主依舊銜泥掠短牆
時維秋矣偶適郊原草木變衰山川清越旅

懷蕭颯鄉思騫騰聊托短章以書所見

終歲勞勞簿領忙今朝郊外見秋光溪橋流水波
千澌鴈影遙天字一行幾點青山堆晚翠滿林黃
葉下斜陽旅懷衰鬢俱增慨何日歸與卧竹岡

秋窓即事

冷署逍遙似散僊從容退食意蕭然笙歌陶寫原
無分書卷消磨但有緣一徑秋花紅簇簇數竿修
竹影娟娟暮年差喜身閑健不羨三臺歲屢遷

倦遊

倦遊思唱望江南用仁王寺僧事內史山前草縛菴底事

世恩堂詩集卷二十六

白頭淹冀北夾城衮衮競驂驪

聽雨偶作

秋霖滴瀝響窓紗聽雨空齋自撥茶遙想家園當
此際一林早桂正開花

秋日偕同官胡南若宴客陶然亭即事

孤亭秋望美把酒對晴川遠岫平林外高城落照

邊黃壚成昔夢紅藥沒荒烟

江補齋副憲種芍藥
數十本于亭下今已

無有老衲精廬近憑參不二禪

八月三日偕路瀛山明經及兒子輩飲壽研

齋桂花下和瀛山來韻

叢桂秋風滿樹金一尊開話小山陰清香似得賁
禹種佳句如題漢上襟丹粒團團含露潤碧枝矯
矯傲霜深幸逢良友同幽賞欲和陽春剪燭吟

其二

吳山丹桂色如金移種花磁翠葉陰冷沁幽香通
鼻觀醉拈重碧濕衣襟薰爐茗椀人堪老白露蒼
葭秋漸深賴有羊何時唱和蕭蕭絡緯伴微吟

瀛山復用前韻見示再疊韻酬之

新詩句句似敲金哦對山窓秋樹陰鴈影長空書
碧字天香滿座拂幽襟裝綿人覺生衣薄搗練風
傳鄰院深但恨丘遲才盡日撚髭無計答清吟

其二

風動清商序屬金雲籠澹日弄秋陰蟾宮香落姮
娥佩丈室花飄天女襟昏月漸高桐露冷良宵莫
厭酒杯深殘煤手剔搖青管戶外惟聞蟋蟀吟

題鄒念尊明經移尊圖

萬頃波光烟艇橫芳進獻作尊羹誰知張翰鄉
中味寫入虞淵草木名

上林令虞淵得朝臣所上草木名二千餘種見西京

雜記

其二

脆滑尊絲蔬譜珍涉江小摘爲情親風流處士傳
圖畫綈錦裝成貢 紫宸

其三

翠釜調來風味新未須鹽豉損天真大官已厭駝
峰臍愛莖江東雉尾尊

其四

吳淞江上四腮鱸三泖龜尊釵股殊每遇秋風鄉
思動還應二美并成圖

瀛山三疊韻見示依韻酬之

黃似佳人纏臂金香同荀令坐清陰疎雲澹澹河
斜角涼露霏霏月滿襟鱸膾秋江思自切風塵短
髻懶逾深登樓便欲舒長嘯且向燈前倚醉吟

其二

結交何事重黃金抱甕忘機慕漢陰難挽飛鳥憐
白髮自來秋燕識紅襟小山招隱樛枝老大雅名
篇學海深邠桂明年君定取霓裳還聽衆仙吟

秋仲蘭桂並開香滿一室喜而賦此

同時蘭桂喜聯芳冉冉清芬一室香楚畹紉宜騷
客佩淮山枝映列仙裳閑官冷澹神相似拙宦蕭
疎交自長竟日盤桓花下坐不知公相有槐堂

瀛山四疊前韻見示仍依韻酬之

葉如碧玉粟如金有客同依芳樹陰燭跋香消還
命酒兎寒蟾冷漫開襟梧桐影裏花光澹刀尺聲
中秋氣深興極且謀良夜醉唱酬聊托短長吟

其二

漢宮黃額似塗金坐對名花翠葉陰天上白榆方
送影人間青桂欲流襟安仁宦興三秋減子建才
華八斗深醉眼迷離容散誕何妨千首費閑吟

中秋對月飲蘭桂二花下

沈寥天氣九秋中玉宇瓊樓湛碧空皓月光搖青

世忠詩集卷三十六

五

桂影清飈香散紫蘭叢觀潮筆挾風濤壯犯斗槎
疑雲漢通愧我衰慵才又盡但憑綠酒映頰紅

仲秋望後三日偕曹蓼懷少宰胡南荅同官

史耕巖少詹祖氏湖亭遊眺小飲即事

秋林宜野望相與步芳塘風動枯荷響天清晚稻
香結交思管鮑話舊感元黃萬事同春夢何如一
醉鄉

其二

未愜梁園興初擬遊目耕園適有他阻因為濠上游長林留晚
照一水澹清秋蟹愛團臍美觴浮缸面流醉來還

說餅一飽更何求

讀史偶感

人世無常是愛憎前魚恩寵總難憑遠山眉黛笑
蓉臉何事相如愛茂陵

九月五日偕曹蓼懷少宰胡南荅同官史耕

巖少詹遊萬柳堂即事

嘯侶閑遊萬柳堂秋光最好近重陽曾陪謝傅來
棋墅又見維摩作道場昔爲馮相國別業今作僧舍日暮遠山

凝紫翠風高落葉半青黃不堪舊事從頭數且共
登臺醉索郎

世忠詩集卷三十六

六

九月七日

皇太后避暑回鑾內閣九卿諸臣詣暢春園請

安恭紀

玉輅新從清暑迴問安秋曉濯龍開天漿賜出

金莖露最解相如渴疾來

重陽日石槽迎駕道中即事

暮嶺軍都名山紫翠勻迎鑾恰喜遇佳辰客窓不

淺題糕興野店誰爲送酒人衰柳一行斜日澹黃
花數朶短籬新自憐蓬鬢因年減辜負秋光笑此
身

高麗營曉起作

大駕初回道左迎歸來仍宿舊柴荆荒村那有繁
繁鼓月落聞鷄趁早行

九月十八日未刻 召至 暢春園 賜榛

子恭紀

鳳紙宣傳到 苑門日西趨召疾如奔 賜來榛
實甘如蜜拜舞天街謝 聖恩

其二

珍果連年錫賚豐 去年九月蒙 賜榛子 祇慙叨忝荷

恩隆山榛亦是尋常物 賜出天家便不同

世宗詩集卷二十六

七

大風入 朝啓事口號

啓事趨 丹闕狂飈振遠空雞聲方喔喔月色正

朦朦蕭寺鐘初動蘭臺鼓乍終何年謝纓紱高卧

五湖東

暮秋偶感

暮景棲遲近古稀戀 恩猶未脫朝衣田園彭澤

心常切僕射元忠志已違閑倚黃花舒獨笑醉憑

綠酒送斜暉却嗟衰髻同蒲柳倦鳥知還懶更飛

孟冬二日 先大夫諱

風木銜哀二十春龍舒棄養痛茲辰空慚季路重

苗坐誰爲王修罷社人淚灑几筵陳 賜果 適奉

榛陳之 祖豆 感深霜露對蕭晨棲遲薄宦違 先塚誓

墓當年愧我 親 先大夫親亡後 即誓墓不出

奏事入 朝書所見

隨班奏事建章宮待漏趨 朝逐曉風朝旭霞明

雙闕表曙鴉啼散夾城東終年僕僕勞薪似暮景

栖栖老馬同屈指懸車在明歲鄉心早已托歸鴻

十月十九日五鼓詣 暢春園奏事遇雪口

號

五更趨 別苑踏雪出西郊譙鼓繁繁響荒雞喔

世宗詩集卷二十六

八

喔交月光同水鏡燈火亂林梢此日山中叟高眠

一把茅

十月十六日

上諭大學士同在廷諸臣查康熙甲辰至丙辰五

科進士現任及在籍存者尚有若干人繕摺

具奏 臣 項齡忝預丙辰榜亦得廁名其中奏

上共一百零四人

上曰也就如此少了

聖心眷念科目舊臣特加 垂問感激歡忭不止

一人也恭紀五首

聖世崇科目 臨軒問老蒼臣年方燭武 帝念
及馮唐求舊 天心切憐才士氣昌微名何忝竊
也得奏明光

其二

憶與紅綾宴相將四十年丙辰距庚寅三十五年 登朝方壯
歲余通籍時年三十五 久宦已華顛 講幄星頻易余爲講官共十年 容臺席幾穿余任少宗伯已及八年 何當承 顧問感激涕漣漣

其三

君王寧好老科第合推先碩果懷耆宿蓄簪忍棄

世宗憲詩集卷二十六

九

捐潛郎憐暮齒服袞讓華年念舊 恩難報何湏
歲九遷

其四

世俗矜華少 朝廷惜舊臣識途存老馬更事許
陳人黃髮思秦誓耆英記洛濱他年垂國史 聖
意實淵淳

其五

淡墨書名後勞薪袞袞忙一官鮎上竹兩髻鏡飛
霜溫室 諮耆舊桑榆意慨慷田光感知遇精氣
恨消亡

病起至後一日作

病起西窓夕照殘地爐松火且消寒三冬此日初
交九冰雪年光歲又闌

其二

冱寒冰結曆將窮養疾閑居一老翁記取鄉園當
歲晚山茶雪映數枝紅

其三

寒雀枝頭凍不飛一旬移病闔雙扉峻嶒瘦骨羞
窺鏡遮莫休文帶減圍

病後風雪中詣 暢春園奏事有感

世宗憲詩集卷二十六

十

五鼓趨 西苑衰頽一病翁衝風行雪裏擁被卧
輿中筋力經時異芳華感歲窮引年歸計決準擬
待冰融

看演蟒式感賦

菊部年年奏伎看九功七德奉 宸懽不堪八載
容臺老白髮梨園對舊官

其二

供奉梨園色藝該魚龍角觝廣場開看人爭擁觀
天樂潦倒祠官見慣來

陳健夫贈詩依韻酬之

詩名直與少陵班負郭幽居十畝間檻外寒花依
曲徑窓中爽氣落西山青春載酒聽鶯語白晝攤
書掩竹關忽枉瑤華冰雪裏挑燈屬和媿難攀

送許時庵大宗伯 予告還海寧

風標嶽立冠崇班典禮容臺夔契間共識臣心清
似水獨持廷議重如山青門詩送知章去祖帳人
賢疏傳還只有舊時寮案客不堪話別聽陽關

其二

藝苑珠盤舊主盟交情卅載結平生槐廳曾記聯
茵坐戊寅余轉翰林院侍讀學士大南省今陪曳

世憲詩集卷二十六

士

履行清節雅聞甘茹藥高懷常聽說歸耕年來我
亦思鄉切去看東山賭墅枰

十二月十七日立春詣 寧壽宮進

皇太后春 賜茶恭紀

春卿歲歲進春來 寧壽宮前淑氣回禁漏曉傳
長樂永青旗風動濯龍開金莖露解相如渴八餅
詩慚蘇軾才從此陽和滿天地不妨清冷獨容臺

大宗伯許時庵與澤州陳相國前後 予告

以詩見示賦此奉柬

聯翩致政日華東勇退高懷世並崇沂水春風師

友共午橋烟月宰卿同白尚書有和裴令公午但
留勲業雲霄上相賞行藏衣鉢中大宗伯爲相讀
罷新詩生歎息賢哉寧數二疏公

時庵大宗伯辱和余詩再疊前韻奉訓

辭榮歸卧五湖東華履聲猶識鄭崇堂陞泰交接
紋易公卿高尚引年同番番黃髮班聯上落落蒼
英圖畫中欲使 聖朝全進退便將四皓換三公

三疊前韻訓時庵大宗伯再和前題并述鄙

懷

每憶鄉園三泖東何心槐棘秩尊崇散衙共話歸

世憲詩集卷二十六

士

田樂去國無由匹馬同此日和詩燕市裏他年結
伴越山中春明暫別情無限古道于今獨有公

元旦朝賀恭紀

鳳紀三元始 龍飛五十春中天符泰運萬象樂
昌辰執玉梯航集呼嵩 殿陛新自慚衰朽質舞
蹈廁華紳

七十自述

少日疋羸善病身今年幸滿七旬春頭銜三品叨
非分膝下多男有後人負郭薄田堪種秫綠溪小
築可垂綸若爲未得抽簪去猶自東華踏軟塵

其二

不才散木類山樗自付蒼蒼實庇余老比樂天無
廢疾年慙庶德未懸車亦知止足遵前戒肯戀榮
名忘遂初强健乞身方是樂東江南泖好叉魚

祈穀陪祀齋宿署中即事

至尊祈穀宿齋宮誓戒先申百執同襍被宵眠清
署冷雪花春暖禁城融豐年有象寬宸慮災厲
無憂念帝功歲歲容臺虔職事祇慚七十白頭
翁

十一日海子南紅門接駕即事

世宗詩集卷二十六

三

一出城闔眼便明春風搖颺酒旗輕村前流水澄
泓碧樹杪青山翠黛橫飛放泊中泉脉遠仁虞院
裏羽毛盈迎鑾鵠候紅門外秉炬歸來欲一更
海子中飛放泊仁虞院皆元時舊名也

二月望前二日同路瀛山明經及兒子輩飲

白桃花下

東風吹綻碧桃花小飲軒窓對物華白髮任他添
鏡裏青春伴我落天涯衰年雅識閑曹味拙宦難
禁卿思賒聊與親朋共談笑不知世路有三義

題張景峰大司寇皆山園圖

我昔使秦關拄杖玉女峰足躡蒼龍峻手攀仙掌
雄至今快遊目奇觀蕩心胸王程期敦趣匆匆馬
首東未得登龍門夢寐猶相從今披皆山圖四面
紫翠重烟巒接几席樓閣倚龍從平疇布方罫瀑
水聲潺淙澄懷日元對萬事等虛空遠數平泉莊
土木侔天工主人不得歸猿鶴怨何窮先生早挂
冠泉石恣遊蹤回首東華塵何如小山容

送澤州陳相國予告還里集唐八首

召公爲保及清時盛德雄名遠近知濟物便同川
上楫解顏惟有袖中詩珊瑚筆架真珠履龍馬精

世宗詩集卷二十六

古

神海鶴姿臺下鵷鸞爭送遠賦成傳寫徧坤維

寶常張籍韋莊獨孤及

羅隱李郢錢起姚鵠

其二

身是山河應數生果然臺閣冠公卿璫簫暫下鈞
天樂金榜三開日月明鳳詔佇歸專北極頽波今
見走東瀛葦陂竹塢情無限始信幽人不愛榮

方干金厚載韋元旦金厚載

盧肇林滋鄭谷盧綸

其三

策名飛步冠群賢彩筆曾專造化權五色天書詞
煥爛九流人物待陶甄心遊目送三千里紫綬金
章五十年願與吾君作霖雨却思平子賦歸田

劉禹錫 姚鵠 楊巨源 薛逢

溫庭筠 薛逢 張蟪 錢起

其四

恩深闕下遂高情相送河橋羨此行聖代即今多
雨露至公依舊振寰瀛時調虞瑟風初變但覺堯
天日轉明華構便將垂美號謝家雙植本圖榮

白居易 李郢 高適 樊驤

世說新語卷二十六

五

崔峒 錢起 劉禹錫 張祐

其五

次第儀刑漢上公捧持堯日慶雲中能將盛事添
元化更用文篇續國風堰水靜連堤樹綠曉霞先
染繡衣紅再三陳乞爐烟裏已許滄浪伴釣翁

楊巨源 王建 方干 韋莊

朱慶餘 許渾 王建 許渾

其六

綠蘿門外有朱輪收得夔龍強健身九陌華軒爭
道路十年紫殿掌洪鈞朝廷有道青春好霄漢無

雲日月真明日獨歸花路遠千官齊出拜行塵

韋莊 白居易 楊巨源 李德裕

薛逢 方干 李紳 張籍

其七

辭榮戀闕未還鄉花下圍棋日月長四野山河通
遠色一川桑柘好殘陽金丹疑駐千年貌玉醴還
分萬壽觴功遂心閒無一事盛名天下挹餘芳

張籍 李中 錢起 韋莊

韋應物 張說 韓翃 皇甫冉

其八

世說新語卷二十六

六

道尊翻向宦途閑却與禽魚作往還明月清風宗
炳社碧雲歸鳥謝家山勝遊恣意烟霞外詩卷長
留天地間致却垂衣更何事已拚名利不相關

姚鵠 方干 貫休 韋莊

蕭祐 杜甫 薛能 封敖

暮春畫舫齋獨坐有作

刺梅花下日方長新綠毵毵蕙草香滿徑榆錢閑

不掃翩翹小燕語雕梁

陳健夫屬題宋少司馬畫倪元鎮小景

當年高士蕭閒館倪元鎮有今日騷人半野亭風

雅蘭臺偏好事蒼崖古木寫遙青

其二

朝來翠挹雲峰爽雨後苔生繡石紋
讀書看山皆韻事新詩更敵鮑參軍

初夏命童灌花偶占

斬新芍藥又攔街節序清和四體佳
誰說閑官無箇事平章花木費安排

送程南洲出守東昌

魯連臺畔古聊城熊軾新憑五馬行
兩鹿夾車微異績雙岐垂穗布循聲
潤河遠被張君澤飲水爭

世恩詩集卷二十六

七

傳鄧守清他日政成看奏最
鹽書應見出承明

四月十六日奉

命祈雨城隍廟即事有感

三宿清齋羽士房爲祈甘雨潤驕陽
却憐白髮春卿佐六度靈壇拜綠章

其二

綠樹扶疎蔭滿庭鐘魚聲裏一燈青
呼龍驅魃需神力翹首西疇雨零

題王石谷溪山深秀圖卷後

石谷老人來 京都爲畫 大駕南巡圖圖成進

御歸 內府翩然一棹返江湖瀕行贈我一卷帙

乃是生平山水得意筆尋常珍秘不示人
一旦真跡爲吾得羨君能事妙天下
荆關董巨乃其匹盛名由來五十年
寸縑尺蹠同璣璫往者西田王太常
精研畫理難其傳獨許王君得神髓
以茲海內絕比肩聞窓花下一展卷
烟雲滿紙開生面神品今歸書畫船
暮年把玩真堪羨子孫守此期弗失
可敵鄴侯箋三萬

送徐靜園大司空請 假歸養四首

世恩詩集卷二十六

六

白雲南望戀庭闈一疏陳情下紫微
九十高堂歡拜慶袞衣換得綵衣歸

其二

漢廷新拜大司空乞養旋聞感 聖聰
總爲白華歸志切不將愛日易三公

其三

洛社香山多盛事不聞膝下有夔龍
只今茗雪耆英會添寫尚書曳履從

其四

扶風門下愧康成三十年來立雪情
相送元方歸侍養 國恩家慶並時榮

五月初十日再奉

命祈雨至三官廟即事

祈雨重來羽士房楸陰避日屢移牀

庭中有兩楸樹合抱交蔭

可以

盤礴回思七八年前事不改頭銜髻益霜

余初爲少宗伯

時祈雨於此今已七年矣爲之慨然

十一日夜齋宿道院喜雨作

卧聽淙淙檐溜聲西疇甘澍喜方盈幸寬

聖主

瞻雲念聊慰村農望歲情病骨支離艱拜起衰年潦倒愧簪纓何時得遂歸田願量雨占晴畢此生

十二日晚雷電交作甘霖大霑喜賦

世恩堂詩集卷二十六

九

情切呼雲雲氣陰忽來雷電溥甘霖靈臺側枕宵無寐喜藉天庥慰聖心

長夏獨坐一室盆蘭初放即事有作

蘭花新吐數枝香坐倚南窓笛簟涼老去但知閑是好倦來聊借睡爲鄉琴尊瀟灑虛堂靜書卷消磨夏日長如此生涯良不惡何須愛作熱官忙

祈雨東嶽廟道院即事和同官胡南荅韻

永晝齋居道院深戎葵滿砌栢枝陰呼雲聊盡祠

官職喜雨真寬聖主心幸遇良朋同鶴觀共尋

古碣到元金

時同觀金元諸舊碑

岱雲膚寸流膏遍還冀神

功三日霖

其二

此地曾經三度過牆陰依舊翳青蘿垂簾宴坐塵

緣淨拜表行香公事多佳句唱酬慙和雪勝遊歡

賞憶觀荷

昨歲此時有祖國之遊

却憐老鳳清聲少撚斷蒼

髯空自哦

來詩有長日知公耽筆硯應借雛鳳發清哦之句

憶爲翰林時蒙

恩賜宴乾清宮陪宴景山追賦二首

驚掖承恩賜宴來甘泉宮裏御筵開莫嫌小

戶無三合曾醉君王七寶杯

蒙賜御酒兩巡

世恩堂詩集卷二十六

三

其二

萬歲山前宴外藩六龍雷動駕臨軒侍臣載筆叨

陪從賜果雙擎拜

聖恩

陪宴時蒙賜御筵金盤珍果

恭和

御製輓京江張相國

廿年黃閣掌絲綸金鼎和羹翊紫宸扈從天山勞

績懋弼諧帝載主恩新文章燕許原無匹相業

韓歐自不湮何意中台星忽圻東堂又見悼元臣

晉元帝與王導于東堂見晉書

輓京江張相國和大司農張運青韻

紫殿疑丞論道頻丹心夙夜贊經綸 帝思黃髮
樞衡舊人念洪鈞陶鑄新竹帛芳名垂奕禩龍蛇
厄歲痛茲辰哀榮禮備公何憾只爲蒼生惜此人
午門聽宣和大司農張運青韻

闕下宣傳 聖製詩在廷感泣涕交垂人同傳說
騎箕日 思勝文皇輟殿時魏徵疾甚家初無正
爲之營構今上念相國清貧特賜內帑千金助
其喪費更命內府辦理後事無不周備過太宗
遠矣自古君臣難末路從來魚水在深知願將小草
傾陽意仰報蒼蒼罔極施

六月二十二日蒙

世恩堂詩集卷二十六

三

恩賜哈密瓜三枚鯽魚三尾恭紀

銜 命中官天上來甘鮮頒賜及容臺僊瓜自是
兼三味銀鱠何須憶四腮同向掖門擎捧出還從
閤道謝 恩回常年清暑叨 天澤報稱深慚襪
線才

其二

芙蓉闕下集簪裾黃紙宣傳上玉除元圃綠沈原
異種蓬池鮮鱠本嘉魚群工拜舞露 恩渥闔室
分嘗沐 賜餘紫禁朱櫻多作詠較量 聖代恐
難如

孟秋望日作

雨後高秋爽生衣換熟衣蓮開千葉艷蘭茁數莖
肥冷署官書簡衰年宦興微臨池兒索字落紙墨
雲飛

中元夜露坐口占

秋宵宜露坐爽氣滌煩蒸人逐孟蘭會家燃蓮葉
燈客懷何落莫鄉思轉騫騰砌下莎蟲響涼蟾似
水澄

苦雨

老雨空階不斷流倚檐搔首濕雲浮秋霖未省天

世恩堂詩集卷二十六

三

公意夏旱徒煩 聖主憂對局破閒移日影薰香
防潤拂衣籌旅懷鄉思交縈繫縱少芭蕉也自愁

世恩堂詩集卷二十六終

世恩堂詩集卷二十七

華亭王項齡瑁湖

畫舫齋橐九之上

起辛卯十二月
盡癸巳十二月

南石槽接

駕隨至

行宮蒙

賜克

食羊恭紀

行宮門外集鵷行

賜出天厨六膳芳歸遺競携

方朔肉分嘗共飽大官羊珍饈何減駝峯美異味

真如麟脯香自分腐儒長藿食今朝何幸捧瑤漿

封印後趨

朝議事口占

冰雪年光歲又除白頭拙宦客中居終朝簿領勞

世恩堂詩集卷二十七

奔走廷議猶傳鎖印初

臘月二十六日蒙

賜文雉三隻次日詣

乾清門謝

恩恭紀

朝來聯珮集

金門

賜雉懽傳

詔旨溫異數

頻叨慙報稱

前歲曾荷
賜雉

白頭無地答

君恩

立春日

寧壽宮進春

賜茶恭紀

春官作對進春來

澤布陽和萬象開瑞雪飄揚

占大有瑤階銀闕是蓬萊

是日
喜雪

其二

青陽初轉濯龍門風動春旗景色溫 賜出瓊漿

浮玉椀金莖解渴荷 慈恩

五十二年開寶曆億千萬載奉王正風傳鳳管笙

鏞協影動龍旗日月明百辟纓紳趨玉陛八蕃鞮

譯集

神京容臺歲歲陳元會只愧衰遲廁列卿

穀日邀同郡親友小酌辱

南薰殿纂書高

槎客首唱投示次韻奉酬

旅舍逢佳節鄉心動早梅衰年淹拙宦華國羨雄

才高會慚龔羈春盤泛綠醅何當枉瑤什金石比

世恩堂詩集卷二十七

天台

上巳前二日偕朱旦平孝廉路瀛山明經暨

兒子輩小集白桃花下忽奉 內傳未得

與諸君暢飲和瀛山韻二首

冰雪仙姿迥不同蛾眉淡掃勝妖紅洛妃步襪凌

波見玉女瑤臺映月空桃葉渡頭人乍遇元都觀

裏氣初融一杯聊共春風賞黃紙宣傳急赴公

其二

露井溶溶曳晚霞水精簾外樹交花芳姿髮鬢霜

林苑

漢明帝時常山獻巨桃
核帝令植於霜林園

粉面嬌嬌白玉車無

分銜杯對西子獨憐騎馬向東華何年歸泛漁郎
棹醉卧桃源到日斜

二月十三日 暢春園奏事 賜飯恭紀

隨班 賜食苑門東禁鬱駝峯六膳豐 天饌飽

嘗藜莧腹 御羹香散柳花風蓬池膾美銀絲細

鳳髓漿流玉乳紅感激 聖恩深似海祇慙報稱

素餐同

三月十四日 上御經筵後 賜內閣

九卿松花硯各一方恭紀

經筵聽講後 宣賜集 彤墀鳳味瑠璃匣鳳味古硯

世憲詩集卷二十七

三

名余所得硯盛以彩漆匣龍文綠玉池硯池鐫硯銘同典誥硯陰

刻銘寶篆勒蛟螭下有二拜舞天街上歡聲動一

時

其二

未效元章乞米元章因宋主命書乞御用硯先邀壯武知晉武帝賜張華

青鐵硯荷 恩真忝竊拜 賜疊蒙慈余年來兩拜賜硯之恩

怡老資清玩傳家世寶持晴窓聊試墨龍尾恐難

追東坡有龍尾硯詩

三月二十日早

上御西苑覆試春闈諸進士

命滿漢大學士部院堂官侍班午後

召漢九卿至樓下出 西苑試士題各賦五言律

詩一首應制

禮闈關盛典

聖意錄真才魚目珠難混珊瑚網自開 闢門收

楚璞選駿集燕臺 上苑春方茂微臣幸忝陪

是日諸臣詩未脫稿中使捧

御製詩出示無不驚歎欽服及諸臣詩成進 呈

臣項齡特蒙

睿賞獎許並 傳問閣臣陳廷敬曰王項齡係博

學弘儒平日詩學何如閣臣以作詩多且

好覆

旨感 恩恭紀

群卿伏案正撚髭五色 雲章下 玉墀似鼓舜

琴歌解慍薰風習習滿西池

其二

汾水秋風漢帝詩柏梁賡和盛當時何如今日虞

廷上只詠明良喜起詞御製詩有余生萬民貴屬望和羹難之句

其三

上苑春深試士時忽傳九列 命題詩勿勿應

詔搜靈府五字偏邀

聖主知

其四

沈宋樓頭落紙飛
昆明佳話憶前徽
俚詞何幸叨天賞
慙愧龍門奪錦歸

三月二十二日

上召內閣九卿詹事科道至
暢春園閱諸進士

卷

命看海棠花

賜飯花下恭紀二首

世恩詩集卷二十七

五

淑氣流芳甸東風漾物華
忽傳金鳳紙許看海棠
花雨著胭脂濕晴宜錦幙
遮誰云霄漢迥衣袖拂
朱霞

其二

迢遞丹臺轉參差玉宇連
碧城樓十二弱水路三千
饌撤天厨美羹調尚食鮮
幾回花底立疑是夢遊仙

喜炳兒

欽賜進士復選庶常並簡內廷供奉恭賦紀恩三首

潦倒公車十二年
冷灰寧敢再思然
誰知聖主弘天網
燬後焦桐被五絃

其二

當年被選入承明
忽爲牽連墮玉清
一對天人蒙賞識
重趨丹地上蓬瀛

其三

兄弟聯翩點鳳池
今朝繼武有茲兒
玉堂本是清修地
須念青箱苦自持

三月二十三日奏事
暢春園

天語垂問臣頃齡年幾何
奏曰七十一歲又

世恩詩集卷二十七

六

問爾近視否奏曰臣近視

上領之意極溫藹感恩恭紀

奏事宜春香案前忽聞天語問臣年才頽靈鞠

官宜退老似馮唐主獨憐數載容臺添白髮廿

秋天祿見青烟余爲翰林二十餘載直陳馬齒非無意欲乞

君王早放還

四月二十三日

命內閣九卿遊西苑賜飯恭紀

紅藥翻階萬綠遮賜遊西苑共看花飽餐玉

粒流匙滑笑折薔薇插帽斜時諸臣各採花枝插帽竹粉成

林披紫纒秧鉞出水映青霞見苑中新竹碧色可愛牆外青苗方插
揭來頻荷 君王寵絕喜蓬山路不賒連遊西

午日

艾葉依然綠榴花故自紅十年嗟不調兩鬢已成
翁角黍團金細蒲觴切玉工聊偕小兒女節物話
天中

五月初八日拜吏部右侍郎之

命紀 恩恭賦

十年不調老容臺此日承 恩南省來澄叙敢忘

世憲詩集卷二十七

七

官守訓清通愧乏昔賢才止談風月思交勵但矢
冰霜志不灰獨有年衰難報稱異時還願乞蒿萊

吏部右廂有朱藤一株相傳有明吳文定公

名寬爲少宰時手植也先生有詩見家藏

集余忝厠佐銓視事日見此藤猶繁茂綠

陰滿庭謹次原韻以寫仰止之意

不記吳公手植年至今藤幹似虬纏扶疎綠葉緣
檐密爛熳朱花滿架懸嘯咏清陰容後輩風流嘉
話憶前賢散衙宴坐青絲幄掩簿焚香手一編前朝
自翰林爲少宰者日手一編坐別廂不理部務

賜遊避暑山莊感 恩恭紀并序

康熙五十一年歲次壬辰五月十有六日戊

戌吏部右侍郎臣王頊齡偕禮部左侍郎臣

王思軾都察院左副都御史臣王企靖通政

使司通政使臣崔徵璧大理寺卿臣孟世泰

因陞轉詣熱河

行宮謝

恩時奉 使視學江南左春坊左庶子臣胡潤請

訓旨亦至奏事臣俊子雙全轉奏出令謝 恩諸

臣行三跪九叩頭禮畢又傳

世憲詩集卷二十七

八

旨他們俱漢人今在翰林直房賜克食既而內臣

李玉衡

命齋食益出少頃內臣梁九功又以西麪等物續

賜出前後諸品豐腴優渥克食所不多見也拜

賜後內臣李玉又以

御製賜陝西將軍潘育龍福建將軍吳英存問詩

宣示臣頊齡臣頊齡伏讀再過奏曰

皇上聖學高深詩律精細從古帝王所未有今

賜二將軍詩字字工切無一泛語真如天造

地設自然神妙二將軍功績固高然

皇上御製流傳萬禩永遠不朽二將軍得附名以傳榮施靡極矣內臣又云有應斟酌更改否

臣項齡奏曰

皇上二詩美不勝言莫可思議真一字不能更易也奏畢內臣又傳

旨命諸臣入行宮觀覽云此非外人得到之地可飽餐前往歸與同僚言之亦見光采諸臣皆叩首而起飯畢內臣李玉梁九功引諸臣入同行者有工部左侍郎兼管翰林院掌院學士事臣揆敘侍講學士臣勵廷儀侍講臣蔣

世宗憲詩集卷二十七

九

廷錫洗馬臣張廷玉中允臣陳邦彥修撰臣

趙熊詔庶吉士臣王圖炳俱進行宮左門

西行至萬壑松風對聯雲捲千峰色泉和萬籟吟後臨大河長松謾謾風濤萬斛遙望東山石壁插天爲磬鍾峯西嶺平岡之上有亭相對夕陽映之霞光千片名曰鍾峯落照循石磴而下一亭翼然額名晴碧對聯峯回樹抱疑堆起路曲嶺盤似作成四面臨水倚欄而觀游魚千萬頭滑滑波間內臣云

皇上仁心育物不施網罟所以比年來日就蕃孳

西隄有閘水聲潺潺內臣云內河水大則瀉之水小則引之以故未嘗泛溢循磴復上夾水爲堤逶迤曲折則芝逕雲隄也由是北行折而稍東長廊廣廈綿絡軒敞門扁曰無暑清涼有石壁刊

御製詩詩云畏景先愁永晝長晚年好靜益傍徨三庚退暑清風至九夏迎涼稱物芳意惜始終宵旰志踟躕自問濟時方谷神不守還崇政暫養回心山水莊諸臣仰讀再過無不拜手而頌曰

世宗憲詩集卷二十七

十

皇上勤政日昃不遑乃於清暑之時猶不忘宵旰形諸吟咏古帝王惟幾無逸何以踰此長林之下見仙鶴斑鹿鸛鷖麋鹿並育在靈囿中此率舞咸若之化所由致也前行入一室石闌周之疏窓洞豁其形似舟而臨水宛如乘舟泛月爲雲帆月舫

御座後有石屏風刊

御製調太平時曰閣影凌波不動濤接靈鼉蓬萊別殿挂雲霄榮輝毫四季風光總無竭卧聞簫後樂先憂薰絃意蘊義父細繹後樂先憂蘊義

交諸語仰見

聖心無日不以勤民稽古爲念也 苑中有菜圃
一區凡瓜蔬之屬種種俱有內臣一一指示
名色

皇上玉食萬方而念及農圃爲庶民本業不貴珍
奇而尚藜藿意深遠矣至一處榜曰金蓮映
日庭植金蓮花枝葉高竦顏色華采絢爛奪
目自然可愛有花津果形似荔枝而小其味
甘潤而氣芳烈初未有名今名乃

上所賜也磁盆中種蛺蝶花內臣向

臣項齡云此

世宗憲詩集卷二十七

士

即

上南巡至松江臨幸爾園移來栽植每年花開甚
盛數月不絕

臣項齡是年未得扈從不知此

事語及方知小園凡草寂寞荒徑中荷蒙

睿賞得托根 上林與瑞木靈艸欣欣向榮並被

天澤何幸如之

臣項齡藉以叨沐

寵光

懽忭無地至觀瀑見楹聯四面浮青開日景
一泓澄碧見天心遙望巖頭瀑布千丈飛珠
濺玉琤淙不絕聲北有趵突泉噴薄數丈威
沸如雪真奇觀也於是登舟泛河者再沿洄

數里見長隄兩面夾湖中有板橋南北二牌

坊屹峙南勝曰雙湖夾鏡北勝曰長虹飲練

波平如鏡隄直如矢交相映也凡湖角皆植

蓮花葉已田田風來香氣撲人矣湖中一山

突兀四面皆水頂有平臺架屋三楹北即上

帝閣也直接層霄前有二額一曰天高聽卑

一曰元武威靈其下迴廊曲折室宇清曠顏

曰天宇咸暢不啻登金山望北固烟雲繚繞

若在塵壒之外循石徑而下有一井梁公汲

水分飲如食沆瀣中冷不是過也此外有滄

世宗憲詩集卷二十七

士

浪嶼環碧澄波疊翠北枕雙峰鏡水雲岑芳

渚臨流遠近泉聲西嶺晨霞石磯觀魚等處

水色清漣峰巒迴抱對之心曠神怡應接不

暇相與流連賞會盤礴移時他若崇山複嶺

幽谷懸崖內臣歷指其處惜未能窮其勝也

凡署額悉是

御書龍飛鳳舞力挽千鈞令人神驚目眩唐文皇

爲古來帝王書法之冠以視

御筆瞠乎後矣凡陟山磴內臣梁公時爲挽手相

扶有高峻處更令他內侍掖之而登想因

臣

項齡年齒衰老內臣體

聖意垂顧也念至此感而欲泣不能自已矣日將
晡內臣復傳

旨云尔等見此景致徘徊不能去今日晚膳也早
可食之而去少頃又 賜餚饌餅餌諸臣無不

厭飫日晚方出臣項齡等向內臣跪奏曰臣
等原爲謝

恩而來蒙 賜克食已極榮寵又荷

隆恩賜之遊觀 內苑徧覽奇勝遂致竟日如入
蓬萊閬苑洞天福地疑夢游仙不知所以自

世宗詩集卷二十七

三

揣何以得此感激涕零莫能名狀煩爲轉奏
因九叩首而出二內臣令至直房稍候抵暮
內臣復出將

御選唐詩中所寫杜詩一首疑有未全問臣項齡
臣項齡奏畢始散敬述梗槩并賦紀 恩詩

六章以志感激云

內使傳宣 寵命榮 賜觀 禁苑景天成共看

靈囿禽魚樂盡識長楊草木名苑內多奇花異

示水殿清涼花裏住龍舟蕩漾鏡中明歸來一覺

遊仙夢親到蓬萊頂上行

其二

藻夏瑤臺水木華頻繁拜 賜 聖恩加更番已
飽 天厨膳一日連看 上苑花萬丈珠簾垂瀑

布千巖朝旭散朱霞圃中尚有蔬香美 玉食難
忘菜味嘉

其三

散步平阜草色華溯流還復泛仙槎兩湖夾岸澄
明鏡一道長虹落彩霞語鳥雕籠呼 萬歲有鳥

哥能自稱名異花瑤圃發千葩往來更有長生鹿
麋麋林邊戲淺沙

世宗詩集卷二十七

四

其四

苑額輝煌盡 御書更看 聖製勒璠璣石壁上

製遊歌宛似卷阿日豈樂真同宴鎬初清暑不忘
崇政意薰絃即在玩文餘二語皆說微臣何幸

其五

正值葵榴色競妍昆明御宿得流連登山扶掖憐

臣老放棹夷猶荷澤徧 苑果摘來同錦荔禁花
開處是金蓮長楊扈蹕聞曾有 特賜遊觀豈偶

然

其六

荒園小草冷溪烟 別苑移栽說有年豈是姚黃
天上進宛同坊柳禁中遷用白樂天永豐坊柳事重霄雨露
滋培厚凡卉遭逢顏色妍感戴 聖恩真浩蕩愛
人花木亦生憐

古北口

千峯環北口一道扼雄關鎖鑰 神京壯橐弓斥
堠閒 鑾輿清暑出冠蓋謝 恩還不意年垂暮
來看塞外山 時至熱河謝恩還經此

其二

世恩詩集卷三十七

五

緣山多列障傳說古長城 聖德今無外邊烽久
不驚千巖青靄接一水白沙明假榻僧寮側鐘魚
佛火清

道中書所見

紅黃野蘼色斑斑羣翻巖頭自往還石壁青蒼紋
質古流泉瀲灩兩山間

其二

赤日風高滿地沙松棚底下且停車暫時解帶尋
三昧坐對青山自啜茶 昔人以休歌爲三昧

題汪荇洲學士把犁圖

楊柳村中布穀啼一犁春雨杏花谿經筵進講函
風後觸撥鄉心到水西

其二

傑直頻繙四庫書碧山莫便想焚魚會湏了却經
綸事閑跨烏犍任所如

七月二十六日遣家人賞摺至熱河請

安蒙

賜 御書金扇一柄恭紀

請 安行在拜封章 賜筵殊恩出尚方宮扇鈿

螺雕骨巧 有徐紫檀骨雕漫嵌加螺 天書舞鳳曳雲翔黃筌

世恩詩集卷三十七

六

畫手清秋景 背面畫芙蓉花 楊令詩篇爽氣涼 御書唐詩道初秋夜坐芙蓉花 楊令詩篇爽氣涼 中書令楊
應詔五言律 祇愧微才蒙 渥眷涓埃何以報
君王

勞介菴副憲以詩箋賀兒子春捷依韻奉答

嘯傲烟雲孰與倫逍遙花月興偏振詩傳白雪慙
龍子路隔青山托雁臣愧我櫪間羈老馬羨君林

下作完人何年得泛南湖棹把酒臨風岸幅巾

其二

相思兩地每愁余喜對郎君把素書 時令郎來都即余婿也

玉潤才華驚鶯鶯水清衰老樂樵魚鶯鶯湖畔沙

棠楫烟雨樓前簾筍興勝地勝情君兩擅祗餘籠
鳥幾時舒

日晚東廂口占

火消烟冷日西斜猶坐東廂未放衙試問當年山
吏部可曾堆案眼生花

和路瀛山明經壽硯齋看菊韻

秋高木落野雲荒題句猶看粉牆千里歸心尊
菜紫一尊情話菊花黃消磨歲月惟殘簡浩蕩乾
坤是醉鄉獨怪勞人真草草簿書迷目逼年芳

十一月十二日 暢春園東門

世恩堂詩集卷二十七

七

賜哈密瓜恭紀

異種來西域 宮門拜 賜瓜雲靈寧足比

武仙
藥有雲
靈瓜 冰谷未堪誇 有龍野瓜
生于冰谷 芳液馨流頰穠瓠

冷沁牙分甘到童稚喜極笑聲譁

十二月二十三日三家店接

駕即事

日西迎 駕荷 恩榮 宣至 行宮 賜御羹

秉炬歸來門鑰啟金吾鈴柝已三更

郊外偶感口號

力疾驅車度遠臯臘容春意又相遭倦禽未遂投

林願鎖印聊寬暑尾勞西日光陰難自有東華仕
宦看人高算來萬事同嘗蠟且酌村醪醉眼陶

康熙五十二年春恭遇

皇上六旬大慶萬國來朝紳士耆民萬呼祝

聖者麇集 闕下自西直門至 暢春園綵幃數

十里蟬聯不斷百戲交陳城以內建壇設

醮爲

天子祝萬萬歲者街填巷溢爲亘古所未有

皇上軫念耆老數千里跋涉而來特舉養老之典

於三月二十五日大

世恩堂詩集卷二十七

六

宴在京大小臣工及外來在籍諸臣舉貢生監

耆民年六十五歲以上者於 暢春園正

門外

命皇子視席皇孫賜酒

上復御門召官民九十以上者近前賜酒又

召諸臣入門內 賜七十以上者貂帽袍褂松花

石硯各一六十五歲至六十九歲者硯各

一並 賜耆老白金有差恭紀六首

呼嵩纔罷荷 君恩環珮鏘鏘集苑門鳳髓駝羹

天膳美分行 賜酒盡 皇孫

其二

宜春苑裏百花新錦繡高張豹尾陳野老欣瞻雲
日近黃封特賜九旬人

其三

既醉同霑大斗春又傳賞賚出 楓宸龍袍耀日
豐貂美拜捧穿來喜稱身 余得五爪團龍袍褂各一襲

其四

松花寶硯重瑤琨拜 賜曾邀兩度恩今日又蒙
天寵疊盤螭雙擁墨池痕 余蒙賜硯二次今又得雙螭虎池研一方

世恩詩集卷二十七

九

其五

朱提大賚 聖恩深耆老歡呼有 賜金歸到御
間飽煖足扶筇長得醉花陰 賜九十銀十兩八十銀八兩七十銀六兩六十五以上銀一兩令歸

其六

養老從來自有經何如 聖世兩膏零共將堯代
華封祝長慶吾

皇億萬齡

五月初十日蒙

恩拜工部尚書恭紀

去年此日喜遷鶯一載銓曹佐鑑衡 去歲五月八日調補少宰
豈意 聖慈垂曲木復承 寵命擢冬卿考工職
任周官重邦土經營禹績成力淺 恩深難報稱
矢將精白罄丹誠

其二

兄弟承 恩忝正卿冬官先後並影纓 余兄弟三書一為都御史余與叔弟前後為大司空
話洛京奕葉珥貂思祖德一門列戟荷 朝榮祇
慙駑鈍虛糜祿葵藿徒懷仰日誠

癸巳八月六日特開

世恩詩集卷二十七

三

萬壽科會試奉

命偕太倉相國李曲江少司馬沈心齋閣學為正

副考官

賜宴禮部入闈受事恭紀

秋高又見禮闈開晚歲承 恩校士來相馬敢云

空駿足持衡惟矢拔真才幾憐官燭三條短試詠

霓裳一曲裁 唐開成初以曲名賜貢院為題李祗義山詩有衆仙同日詠霓裳句

有冰心堪報 國相將郭隗上金臺

其二

聖朝籲俊典尤隆 賜宴容臺禮數崇甲乙幸陪
黃閣老衰顏還媿白頭翁一燈黯澹風簾下雙眼

摩挲雲霧中回憶春官曾五上初心寧敢負天公
初九日再疊前韻酬沈心齋閣學

文場再闢八紘開濟濟英豪應 詔來共喜作人

歌壽考須知輔世仗賢才驪黃媿乏孫陽識杞梓
全憑匠石裁猶記曲江陪後乘今逢選駿集燕臺

其二

南宮禮樂古今隆忝竊追隨 曠典崇敢謂識途

存老馬祇因承乏廁衰翁撚髭聲斷三更後閣筆

思窮五字中謂諸舉子也一樣昔年辛苦地麻衣幸脫

對群公唐劉虛白獻主文詩有猶著麻衣待至公句

世宗詩集卷二十七

三

初十日太倉相國辱和前韻三疊奉酬

桂子香飄鎖院開司衡喜遇相公來盟神共矢冰

霜操張網期收麟鳳才庾信清新文自美劉幾軋

苗體須裁剔煤把卷空宵坐斗轉星稀月下臺

其二

主司比昔數加隆 萬壽文闡典制崇但使才華

如李薦何愁賞識憾蘇翁大羅天榜雲霄上千佛

名經頂禮中秋夜唱酬頻燭跋於今大手屬燕公

九月初八夜聞事將竣獨坐口占

鐵網搜來滄海窮敢云樂顧馬群空謬司文柄知

非分幸免冬烘矢至公淡墨書成龍虎榜天香飄
下蕊珠宮狄門桃李非吾意報 國期收造士功

重陽聞中即事

佳辰此日遇重陽徙倚空庭鎖院涼未得登臺舒

眺望聊憑文卷費平章離邊黃菊無由采盤裏花

糕誰與嘗堪歎勞薪當勝景一年辜負是秋光

寒夜大風早出西便門詣 暢春園奏事口

占

大風號古木寒月掛疎林得得馬蹄疾淒淒霜露

深荒雞四野應譙鼓五更沉敢憚馳驅苦其如似

世宗詩集卷二十七

三

倦禽

冬至陪祀 天壇齋宿署中口占

律管葭吹陽氣回清齋夜坐意徘徊孤燈襖被中

宵永短髻霜華節序催宦海勞人同倦鳥天涯客

况類寒灰擁爐無事聊拈管窓外如鈎月上臺

冬日雜詩和沈恪庭太史韻

疎松

雨過青蔥色風來艾納香亭亭拂霄漢設設陋筌

簞偃蓋千盤出離披五鬣涼負暄簷下坐疎影落

山房

凍鶴

獨立風塵外，翛然貌不群。
梳翎光自潔，警露夜常聞。
丹頂疑紅雪，霜毛映白雲。
空庭閒飲啄，往往印苔紋。

苦竹

牆角修篁直，經冬亮節堅。
捎雲今邈矣，覆雪故依然。
不改檀欒陰，詎爭桃李妍。
子猷何好事，名共此君傳。

枯藤

曲蔓緣高架，霜催綠葉稀。
遊龍疑或是，紫蓋已成非。

世恩堂詩集卷二十七

三

非落拓閑情，古蕭條生意微。
遙思艷陽日，堪伴薜蘿衣。

霜鐘

宵永難成寐，風傳到枕邊。
聲沉霜欲下，夢醒月初圓。
粥鼓流清梵，蒲團裊篆烟。
頓令心地淨，蕭散愛逃禪。

除夕畫舫齋宴集

栢酒香風煖，椒盤臘味新。
宦遊驚改歲，嘉節遇昌辰。
兒女團圞會，親朋笑語真。
祇愁筋力倦，曳履逐朝臣。

炳兒携歸 賜筵諸品先薦兩親後分作椒

盤共享詩以紀之

有子依丹地，携將賜宴回。
珍羞欣果腹，御酒笑銜杯。
闔室分靈渥，椒盤爛熳開。
几筵輝俎豆，先薦二親來。

世恩堂詩集卷二十七終

世恩堂詩集卷二十七

吉

世恩堂詩集卷二十八

華亭王頊齡瑁湖

畫舫齋豪九之下

起甲午正月
盡乙未九月

正月六日陪祀

祈穀壇齋宿署中即事

聖主勤民事祈年禮上辛清齋官署冷鎖印簿書

頻歲月忙中度鄉關夢裏親何時乞身去高卧太

平春

工部封印後
時有判署

上元夜對月獨坐口占

上元京洛試燈風猶記樊樓說汴中獨坐蕭齋閒

對月六街懶逐鬧蛾叢

世恩堂詩集卷二十八

其二

九陌秧歌連臂從撲燈隊隊月溶溶金吾不禁同

民樂流水香車到處逢

其三

五鼓朝天 別苑西小東門外開班齊歸來獨酌

屠蘇酒漫檢詩籤手自題

其四

栢梁高宴繼西京蓮炬光搖龍衮明記得昔年

恩遇事上元

賜酒在

乾清

壬戌癸亥元夕前
一日兩蒙 賜宴

乾清宮詰朝
命諸臣各賦之又特

上首唱仿栢梁體
御製序文弁其首勒

之石人 賜
搨本各一

二月三日安溪李相國招同劉益侯總憲湯

西崖少宰阮于岳少司空集詩牌字各賦

五言律一首

花氣飄春仲壺觴法醞清輔時成至化研易集鴻

生

時相國奉
修易即家開局

命僊館梅香馥沙堤桃蕊晴吐茵

寬醉客御李素心傾

二月六日安溪李相國邸第同諸公集詩牌

字賦得王春度玉墀五言律一首

鮮條來引翠翹首五雲之碧沼波行暖槐街鶯尚

世恩堂詩集卷二十八

二

遲紅隨梅意覺綠漸岸邊知一德謳伊旦嘉謀譽

望推

二月十四日集飲畫舫齋白桃花下次韻酬

蔡仙問庶常

輕陰漠漠仲春天綽約芳姿倚檻妍玉蕊唐昌堪

並種冰肌姑射儼成仙銜盃共對無雙貌淪茗還

思第一泉惆悵年華流水度莫辭酩酊醉花前

其二

煖日晴烘粉面開直疑珠樹閨風裁婆娑聊伴金

門隱愛護常同露井培艷質穠于嘉慶李飛英點

似壽陽梅獨憐白髮垂垂短羞對名花雪作堆

再疊詠白桃花前韻酬路瀛山明經

小築居然別有天蜂聲鳥語日初妍宛同洛水思
要珮豈是天台得遇仙召客欲傾何氏釀題詩如
飲玉山泉淡粧合把銀燈照況在盈盈三五前

其二

玉樹瑤林帶月開十年前是手親栽扶持端藉天
公養灌溉常資人力培謝女且休吟白雪何郎不
分詠官梅勸君且醉花前酒來日飛英散作堆

三疊韻詠白桃花酬路瀛山叔東臯

世遠詩集卷二十八

三

麗日條風淑景天數枝斜搭畫闌妍蕊珠宮裏霓
裳舞白玉樓中鶴氅仙千葉相看花似雪百壺但
少酒如泉唱酬博得陽春句合在王楊盧駱前

其二

一亭疎豁八窓開無事閒將花草裁度索山頭千
歲實元都觀裏幾番培不施紅粉班仙杏只掃鉛
華伴古梅退食頻來軒下坐作團黃蝶錦成堆

四疊韻詠白桃花酬路瀛山

風光駘蕩蔚藍天雪作肌膚玉闥妍瑤圃月華良
宴會芝田春醉小遊仙蛾眉澹掃朝金闕素機凌

波步洛泉花藥一欄吾意足何須歌管出簾前

其二

小院深深春晝開一庭芳藹面軒栽花源流水漁
郎引玉洞仙根社雨培半鞦輕雲寧遜李偶飛香
雪欲欺梅挑燈屬和搖吟管往復詩筒錦繡堆

五疊韻詠白桃花酬路瀛山

輕雲絲雨淺春天灼灼天桃分外妍老去尚知花
有態開來惟覺醉爲仙禁烟競插青門柳賜火新
烹玉井泉還聽錫簫吹市上翩翩戲蝶撲簾前

其二

世遠詩集卷二十八

四

花信風催萬紫開碧桃和露倚雲栽啼鶯過樹求
佳侶新燕銜泥覓舊培閑寫來禽共青李轉看紅
藥又黃梅驚心節物身爲客書卷連牀任作堆

上已後一日小飲畫舫齋看紫白丁香花

楊柳千條線丁香百結花蘭亭修禊遠曲水泛舟
賒聊爾偕親串相將醉麴車良辰兼四美不省在
天涯

仙問瀛山示和紫白丁香詩再疊前韻酬之

艷陽三月景雅澹一闌花紫白紛交結風光興不
賒占雲霞宗石望雨阿香車時方祈雨珠玉所投贈君

才詎有涯

三疊咏丁香花韻酬路瀛山

生香心百結密葉樹交花紫袖臨風舞冰姿映月
賒宓妃川上襪神女雨中車且醉尊前酒吾生信
有涯

春暮畫舫齋偶咏

小葦茅齋倚綠陰榆錢飛盡已春深垂簾獨坐閒
觀史茗椀爐香也稱心

其二

禿袖青衫坐草亭數枝紅藥插銅餅柳枰蕉几消

世堂詩集卷二十八

五

長日閣閣棋聲儘耐聽

其三

簿書鞅掌數冬官退食逍遙凭曲欄老去但知泉
石好一尊花下且盤桓

四月六日奉

命九卿祈雨三日偕同官阮澄江崔方厓兩少司

空玉皇廟齋壇即事

城西羽觀景清幽祈雨聊從物外遊望澤欲滋薌
麥種瞻雲誰解廟堂憂鵲爐香繞旛幢動古栢
陰森鸞鶴留數載春官零禱慣今陪九列乞神庥

四月十一日再奉

命祈雨五日甘霖大沛次阮澄江少司空韻

雲壇載故近龍潭

玉皇廟距黑龍潭不遠

五日齋期又過三

夾道群卿擎鵲尾拜章羽士插瑤簪烏雲肆合雷
聲動山雨方來蟻戰酣聞道東臬耕未遍芄芡禾
黍已流甘

首夏齋中讀書

掩關人事少靜對一爐香桐葉當軒綠椿花滿地
黃雨肥山杏熟林茂雀巢藏檢帙牙籤故逍遙清
晝長

世堂詩集卷二十八

六

晚晴

久雨苔生砌薰衣費鴨香弄晴雙雀噪返照一林
黃萱草當階綠戎葵繞砌芳日長無箇事閒坐傲
羲皇

題阮澄江少司空羅浮香夢圖寫真

阮何風貌記當年香夢初圓別有天鐵石賦傳賢
相筆瓊瑤姿本散花仙洞連赤水金沙秀

山洞名

月映燕脂紫蒂妍

燕脂紫蒂梅花名

他日鹽梅調鼎

爾此圖并合畫凌烟

十月十九日蒙

賜松子榛子二種恭紀

賜果群卿集 苑門松榛歲歲荷

君恩每年口回

賜拜封題珍重貽親串分食歡呼到子孫休羨櫻

桃頒漢闕

漢明帝時太官進櫻桃以赤瑛盤賜群臣

漫誇朱橘出唐園

李德裕橘賦序上命中使賜宰臣等朱橘各三枚靈圃所植也素餐三復風人咏

愧乏涓埃答 至尊

送四兒還鄉就婚

驕兒隨母到南方嬌女依爺在 帝鄉婚嫁白頭

差不了宦遊車脚歎空忙故園山水拋雲外將作

文書滿案旁只爲 君恩難報稱逡巡遲拜乞身

世宗詩集卷二十八

七

章

十二月八日集 暢春園請

皇太后安蒙

賜茶恭紀

濯龍門上請 安來手捧瓊漿拜 賜回緩步苑

牆疎樹豁遙看翠嶺曉烟開鑿水晶晶銀爲杵積

雪裁裁玉作臺却愧衰頰筋力懶漫隨珂珮下蓬

萊

十二月十九日南石槽接

駕旅店即事

迎 鑿來野次大雪欵柴門竈冷炊難熟村荒酒

易渾飛花知歲稔戀日想春溫剪燭空宵坐題詩

老眼昏

歸途偶占

踏雪夜行程百里馬遲人懶意郎當何如高卧山

中叟爐火通紅煨芋香

十二月二十八日蒙

賜御纂朱子全書一部周易本義一部恭紀

玉笈琅函耀石渠隨班拜 賜出椒除韋編再啟

先天易鹿洞重光正學書頒布類宮昭日月珍藏

世宗詩集卷二十八

八

經笥等璫與摩抄老眼猶能讀開帙晴窓樂有餘

除夕集飲畫舫齋作

鎖印猶然判署頻終年難得有閒身歲暮工部事繁封印後文

卷批判耶憑薊北辛盤酒共話江南楊柳春白髮

再添新歲月青尊還對舊交親只愁衰老筋骸懶

又逐來朝元會人

元旦

太和殿朝賀恭紀

玉珮鏘鏘集 紫宸恰逢元旦是元春是日立春五雲

爛熳瞻 龍袞萬國梯航識 聖人仙仗風搖旗

蓋動簫韶樂奏祝執新時改撰 朝愧列鶴
班上白髮蕭蕭笑此身

正月十五日集 暢春園蒙

賜克食又 賜佩文韻府於諸臣余先年領過故
不及恭紀

五鼓朝天趨 別苑上元淑景柳條舒已看 尚
食頒珍味又見蘭臺出 賜書僚案同時霑寵渥
衣冠相慶拜 恩初腐儒此日邀隆典熬腹嘗來
樂有餘

正月二十四日蒙

世恩詩集卷二十八

九

賜羚羊肉一方越兩朝爲 先慈諱日熟薦几筵

感賦

蒙 恩分 賜大官羊先薦雙 親未敢嘗孝豈
王修傳罷社禮同季節輒辭觴雞豚不逮空追憾
俎豆欣陳藉 寵光獨念白頭羈薄宦何年歸老
墓田傍

二月初六日奉

命偕劉益侯總憲蔡方麓王恒麓兩閣學爲會試

正副考官入闈受事賦示諸公

南宮盛典荷 恩新老學荒蕪愧後塵相馬欲收

千里足空群敢許九方歎三條官燭思前事一領
青衫感舊身惟有矢公酬 寵遇不將砥石混瑤
珍

寒食日聞中口占

寒食東風御柳斜三分春色二分賒良辰鎖院匆
匆過未得携壺看杏花

揭曉前一日偶咏

伏案丹鉛費品題昏花老眼不停批頻年相士蒙
恩數祗愧眉山五色迷

畫舫齋即景

世恩詩集卷二十八

十

雜卉當階爛濃陰夏木重追涼聊露坐適興且哦
松盤瀉朱櫻顆瓶開芍藥茸山窓容嘯傲夕照下
西峯

午日步沈獅峯太史韻

客中逢令節醉酒北窓眠一覺江南夢龍舟記昔
年

其二

艾人當戶立榴火對牀眠節物仍如昨風光又一
年

和儼齋三弟午日韻

卿夢時繁谷水涯華亭有谷水廿年京國類浮家三了

角黍堆盤出一盞蒲觴醉眼斜頭白弟兄逢 闕

下心驚節物對榴花喜看詩句清新甚滿紙風華

散九葩

其二

不見龍舟競水涯宦遊白髮苦思家蒲芽沁酒當

杯馥艾葉臨風倚戶斜長命臂纏新結縷忘憂砌

發舊栽花撚髭疊和愁才盡愧乏清詞闢麗葩

四疊午日前韻二首貽儼齋三弟兼東沈恪

庭太史東皋叔

世恩詩集卷二十八

士

勞勞小草客天涯拋却園林遠在家古栢巖頭經

歲老野棠籬畔一枝斜無聊獨對昌陽酒有意還

憐芍藥花賴得篇章相和答時聞剥啄餉芳葩

其二

誰信人生亦有涯茅亭小築似山家新桐過雨娟

娟潤海燕穿簾故故斜招客共傾三雅爵呼童閑

掃一庭花何年得返江東棹萬紫千紅看艷葩

題王石谷瀟湘雨意圖

黃陵廟口竹雞啼碧玉捎雲萬個齊畫手今推海

虞叟湘江烟雨筆尖迷

六疊午日前韻寫懷二首貽儼齋三弟兼東

沈恪庭太史東皋叔

筆牀茗椀足生涯秦望山頭自有家雁齒紅橋雙

板直魚鱗綠水一灣斜聽鶯醉倚干將石腰筍晴

看鄧尉花干將鄧尉皆山名留滯春明歸未得田園蕪矣

菊猶葩

其二

向平婚嫁邈無涯稚子方今有室家時四兒就婚南歸旅

食艱難生愈薄簿書執掌日常斜聊因逸興時開

卷尚有閑情一種花豈是辛何聊屬和詩筒來往

世恩詩集卷二十八

士

發芬葩

喜炳兒陞補右春坊右中允

中允聲名摩詰傳杜詩有中允聲名久句豚兒此日荷 恩

偏迴思三十年前事曾備宮僚侍 講筵余爲宮僚今

三十三
年矣

其二

丹地趨承歷幾春常憂隕越負 恩綸今朝得拜

君王寵差幸衰年有後人

夏日畫舫齋即景

小院清幽景物華數弓闌藥爛如霞石榴舊結連

房子茉莉新開並蒂花去秋石榴連房結實今夏茉莉三花一蒂雨後
涼生桃竹簾風前香散月團茶老來惟有琴書伴
興至閑吟到日斜

苦雨喜晴

伏雨淹旬晝不分衣裳時潤費爐熏漏痕滿壁龍
蛇字積蘚盈階翡翠紋屋上昔邪隨處長樹頭鳩
婦苦常聞祈晴方聽傳明詔四野俄看散密雲
馬觀我太史贈以畫竹賦謝
畫竹昔傳蕭協律今時妙手數扶風高懸素壁琅
玕映如坐清陰暑氣空

世恩詩集卷二十八

三

其二

醉墨淋漓寫綠筠此君風格得其真至尊經進
頻欣賞何況尋常好事人

七夕招陳岫嵐徵君叔東臯堦吳賓門小集
畫舫齋

瓜果重開七夕筵風光猶記十年前丁亥歲岫嵐都適屆
七夕設酌漢廷推轂安車召賦筆凌雲聖主
憐時岫嵐以薦舉天上支機無客問人間乞巧有

文傳聊憑尊酒酬佳節已見新秋月似弦

岫嵐諸君枉示和章再疊前韻奉酬

麤糲盤餐愧綺筵一尊共泛草堂前瓜花荳葉新
秋景月地雲階兩意憐思似天孫機杼巧賦同庚
信古今傳庚信有七夕賦祇余衰老愁才盡巴里難調錦
瑟弦

其二

千門乞巧列芳筵銀漢迢迢鵲駕前竹葉浮杯香
欲散桐花滴露淨堪憐休文老幸王筠遇楊意名
因司馬傳謂岫嵐也三復和章清麗絕雅音疏越比朱
弦

新秋即事

世恩詩集卷二十八

古

斜日晚窓明新秋涼意生一林含雨氣萬樹接蟬
聲服食嵇康志尊鱸張翰情藥闌看不厭自覺俗
緣輕

夏日憶故園作

東江一曲野人家消夏山中景物嘉記得二薇亭
上坐亭對紅白薇花故名紅紅白白樹交花

其二

水北花南一草廬紅闌斜搭畫簾虛日長無事能
消遣紫几焚香讀道書

其三

水色山光事事幽閑來學弄小蓮舟若爲留滯長
安道赤日黃埃雪滿頭

乙未七月十四日炳兒扈從 避暑山莊蒙

賜御書扇復爲余請即蒙

賜 聖製詩扇一柄遣人賁至京邸感

恩恭紀

有子長揚扈 屬車朝朝染翰侍 椒除忽傳

賜扇天邊至一道榮光亘碧虛

其二

鳳泊鸞飄 宸翰數捧來五十六驪珠詩共五拜十六字

世憲詩集卷二十八

五

恩此日真難比曾笑登牀常侍無

其三

天章爛爛慶雲垂直接南風解慍詞堪笑宋朝諸

侍從一時空誦釣魚詩

其四

曾傳亮隔屏風紀亮爲尚書令子騰爲中書令每朝會詔以御屏風隔坐父

子蒙恩敢謂同何似代親求 御筆 天書黃帕

出行宮

初秋畫舫齋遣興

豆棚花下坐仿佛老農家天氣朝來爽山光雨後

嘉難書聊遣日養性欲餐霞秋色清如許閑吟到
景斜

中秋對月偶咏

秋色平分此夜中廿年作客類征鴻蟾光依舊清

如水嬌女深深拜月宮

恭和

聖製錢大學士安溪李公暫回閩省四首

經緯天人本鉅儒黃扉弼亮贊 訂謨鹽梅允

協調元任霖雨真從坐論敷疏傳高風應婉美鄴

侯仙骨有同符夢蕭錫謙 宸章麗萬丈榮輝

世憲詩集卷二十八

六

滿客途

其二

清忠報 國是真儒嶽立淵澄矢蓋謨百鍊剛由

臣節勵九霄 恩自 帝心敷 賜遊

內苑入還有 命坐肩輿 寵執符歸去華

堂開畫錦魏公名德羨同途

其三

經筵書倉命世儒丹忱密勿佐 皇謨圖疇聞

發先天秘禮樂修明文德敷周孔思息字情千載

合程朱理學一心符東山暫憩鵷行戀張飲簪裾

喜接途

其四

自笑迂疎一腐儒，卅秋御李奉高謨。
直廬舊接春風坐，時雨欣承小草敷。
元老槐廳虛席待，耆英洛社雅懷符。
兩年銀信爲期近，常倚沙隄望就途。

送蔣愷思視學滇南

點蒼萬里信奇遊，況擁雙旌出帝州。
絳帳馬融談禮樂，鹽車伯樂辨驕騮。
碧雞英俊收珠網，金馬文章入選樓。
佇看鋒車趨北闕，高懸卿月待前驪。

世恩堂詩集卷二十八

七

世恩堂詩集卷二十八終

世恩堂詩集卷二十九

華亭王頊齡瑁湖

畫舫齋棠十之上

起丙申正月盡戊戌十二月

恭和

御製上元前二日立春

桂宮初放九華燈，瑞雪飄揚玉樹凝。
淑氣漸回天苑柳，條風欲泮御河冰。

龍章藻耀高千古，鼠技虛傳笑五能。
但願陽春和聖澤，萬年長慶歲豐登。

其二

世恩堂詩集卷二十九

一

娉婷綠燕接蛾燈，九陌光風瑞靄凝。
香雪似飄楊柳絮，銀花交映玉壺冰。
堦留寶葉三朝滿，春逐鶯聲一轉能。
況遇南薰初奏後，熙熙樂國萬民登。

恭和

御製春寒梅遲詩

春光上苑百般宜，料峭風吹簾幕垂。
寒勒千林含玉蕊，香包萬朶挂冰絲。
未逢驛使天邊寄，空托江城笛裏知。
爲語東君須著意，催花御製有新詞。

三月望後一日招張漢瞻陳昨嵐兩徵君鄭

羽端孝廉蔡仙問太史張子容進士壻吳
賓門叔東舉集飲白桃花下漢瞻首唱二
律即次奉荅

粉面天桃約綽開招邀嘉客看花來喜逢蟾魄交
相映不負芳華老去栽余年六十餘種此花諺云
五十不種桃今看花已十
載差自寵纈盤餐惟野蔌清新詩句動官梅春光
九十行將滿盡醉還期傾百杯

其二

萬紫千紅爛若霞獨標玉貌冠群花依稀姑射仙
姝影影元都羽客家但有藥闌供賞玩苦無臺

世寧詩集卷二十九

榭鵬幽遐丁香紅杏看垂放還待清詞寫麗華

四月朔日蒙

賜松花石萍實池硯一方隨詣

暢春園東門謝

恩恭紀

一門荷

寵錫文房

御硯高擎出尚方壯武曾傳青鐵賜張華博物志
成晉武賜以

青鐵硯衛公常近結鄰光李德裕有硯名結鄰
言與硯結爲鄰也

弟兄拜澤

天施渥父子承恩

聖德長余與弟儼齋兒子圖炳
同日各蒙賜一硯什襲珍藏期世守

龍賓麟角共相將

再和儼齋弟先字韻一首

老去猶然守一編壁經與寶費鑽研忽蒙賜硯
瓊霄下應爲修書聖主憐雕鏤墨池萍實古輝
煌奎藻御銘鐫丹鉛鎮日相爲伴寶愛還當勝
米顛米元章有研
山平生寶愛

四月初四日家從彤文招同蔡中巖陳昨嵐
諸子宴集城南花塢看芍藥家弟儼齋首

世寧詩集卷二十九

唱四律即次來韻

始興別館有高臺風景清和婪尾開天爲惜花微
雨潤人遊勝地麴車來蘭亭少長流觴集金谷詩
篇浮白催劇喜惠連妍唱發掀髯吟管幾徘徊

其二

八窓踈豁對晴空習習披襟納遠風綠酒煖浮青
竹葉紅妝嬌映白頭翁天香國色何多讓金帶盤
盂儼自同更羨蒲輪來輦下清平詩句待諸公指
嵐諸君也

其三

小圃江東十畝閒花南水北一房山春來何處無
芳草老去應難有少顏鍾鼎林泉誰並享簿書經
卷肯教頑思量只是歸田好倦鳥猶知天際還

其四

帶綬難勝衰老身東華趨走過殘春汗青盼望知
何日水曲逍遙羨此人且喜蕭閑中酒聖直拚酩
酊蒼花神明朝還擬尋芳去繞陌憑欄又幾巡與園主相訂後日來遊

送裴蔗村庶常還慈溪

三年詞館賦初衣晚達如君勇退稀鑑曲扁舟容

世憲詩集卷二十九

四

嘯傲玉堂文筆動光輝朝廷有道能行意出處
無慚羨獨歸何日乞身成一老吳山越水共漁磯
近集梓成貽宮恕堂太史辱示二律過獎慙

愧即次來韻奉荅

敝帚真如蓬撞鐘忽聞白雪響秋空愧無奇句同
雌霓喜遇新詞繼國風濯濯清姿張緒柳泠泠雅
韻蔡邕桐高才跋扈雄壇坫美玉何須待石礪來詩有師門頻過待磨礪句

其二

詩名爭似賀方回玉局氷銜絕點埃日射觚稜鳴

珮入光搖蕤火校書來賞音苦乏高山操酬唱驚
看倚馬才重展烏絲吟往復頓令老眼一時開

馬觀我太史以畫竹扇相贈賦此志謝

秋暑猶然氣蘊隆忽來畫扇奉仁風此身似到簞
簞合祗愧洋州詩句工蘇子瞻記文與可畫簞簞與可常令余作洋州三十詠實簞谷其一也

其二

修竹檀欒寫照中多君妙染敵蘇公涼颺習習生
懷袖不羨梁園林下風

十一月十三日蒙

世憲詩集卷二十九

五

賜榛子恭紀

賜榛歲歲荷君恩此日承筐集苑門拜手攜
歸天上果分甘喜得到兒孫

湯山迎駕

駕

召入沁香浮玉前殿

面諭防海蠲賦諸事恭紀

溫泉道左翠華迎別苑新開召列卿何事頻

煩前席問端由

聖主爲蒼生

新春志感

廿年踪跡滯 金門臘味春盤酒一尊忙裏歲華
容易過老來意味總難論尚平空負雲山志元亮
徒聞松菊存幾度欲歸歸未得祇緣難報是 君
恩

元日兒子圖炳奉

賜筵歸寓拜嘗恭紀

歲朝又喜 賜筵來兒子承 恩笑口開尚膳豐
鮮陳水陸 御羹芳脆和切 鹽梅老人腹果駝
峯美童稚甘分梨棗回紫世忝叨 天寵渥矢將

世恩詩集卷二十九

六

勤慎荅涓埃

聞孫兒祖庚入泮詩以勉之

吾年十五賦芹香又見元孫後起良孫年方一硯

勉期傳祖笏用范喬魏五車勤讀繼青箱長文不

負興門譽靈運能為述德章努力秋風搏萬里莫

矜年少紫羅囊

初春即事

七日為人八日穀丁香包甲柳含青一年春事微
微動老子婆娑坐草亭

憶江南梅

鎖印聊逢旬日閒梅花舊圃憶鄉關何年一棹江
南去看遍西溪鄧尉山二處梅花最盛

丁酉正月十一日蒙

賜御纂周易折中一部恭紀

易學 清時重書從甲夜傳微言窮九聖知命絕

三編虎觀忝稽密鸛班拜 賜聯自大學士至主

老臣真忝竊父子被 恩偏時兒子圖炳

其二

帝城元夕近黃帕捧瑤鑄觸手牙籤重裝池錦縹

全賜大臣書 賜書傳世寶 御製冠前編刻

世恩詩集卷二十九

七

御製今夜茅齋上榮光應亘天

元夕對酒口占

四照華燈月一奩傳柑兒女笑相拈聊看爆竹金

花落且喜辛盤栢葉甜振觸鄉心逢令節摩挲老

眼檢書籤時將開館迴思年少當今夕競逐歡場

醉不厭

貽張漢瞻徵君雙柑荷在和章疊韻奉酬

新詩艷麗聞香奩韓偓有小果何當椽筆拈已愧

右軍三百贈右軍帖有贈子兼輸崖蜜十分甜干

株得入徐陵詠徐孝穆詩五字應排鄴架籤

蘇軾書劉景文藏子敬帖詩君家還笑昨宵龔

具未能醉客賦厭厭前宵適以開

再登前韻訓張漢瞻徵君

珊瑚作架翠爲奩高唱頻將險韻拈手摩黃金三

寸大杜甫詩園柑長成香開絳裹九頭甜黃庭堅詩絳囊

唯聚思盈斗竹畚香柑要百圍九頭柑乃貢品之最上者掀髯難和陽春曲

展卷時移丙夜籤欲把木桃博瓊玖却慚鼠腹尚

無厭

三登前韻訓漢瞻徵君

新詩藏弄不勝奩微君凡四重碧春醪喜共拈元

世憲詩集卷二十九

八

後三日集出郭聽鶯堪作伴用戴顒事抱孫割味且分

甜余三孫多君妙思花生筆愧我官書指似籤曹工

事冗書判甚繁范成大詩溫飽還憶上元曾侍

宴醉攜御果未能厭王戊癸亥元夕兩

四登前韻懷歸貽漢瞻徵君

蕩漾湖光鏡一奩圖書滿架手隨拈身留冀北風

塵老夢入江南蔗甜磊落堆盤分貢品封題包

匭報郵籤何年歸作山中叟日啖黃柑口不厭爲柑

閩帥所貽即貢餘也故五六及之

五登前韻訓漢瞻徵君

正值傳柑餉滿奩分貽良友喜親拈何如楚國香

橙美爭似吳山甘橘甜虎觀需才方待詔壁經

疑義藉題籤時徵君奉詔來京即薦分纂尚書詩筒來往休嫌數

手捧珠璣愧屬厭

端午節近草亭即事

薰風習習景恢台闌藥閑從小圃栽萱草色同蒲

酒綠合歡花向北窓開飛龍入漿思江岸艾虎雙

符殿鏡臺白髮蕭蕭滯京國眼看節物逐時來

送陳元之庶常請養歸海寧

六龍蹀躞集高門濟美中朝拜國恩烏鳥陳

世憲詩集卷二十九

九

情辭魏闕板輿奉母樂家園霞觴稱慶長筵列

綵服寧親八座尊獨有康成南去日河橋折柳黯

難論元之爲余禮聞所得士

七月十六日

傳集大學士九卿於午門前

頒示熱河穀穗高至七八尺五六尺不等豐登有

慶抃手恭紀

三春雨澤偶愆期

聖主憂心雲漢時誠格上蒼甘澍降祥徵雙穗有

年知午門頒示群工喜畿甸歡呼萬姓嬉老

眼摩望瞻瑞穀堯衢鼓腹樂雍熙

送壽兒赴闕里成婚

生兒有室恒人願旅舍經營意若何老去偏增婚
嫁累貧來翻苦子孫多聘錢愧乏羊公玉坦腹慙
依喬栢蘿送汝東山親迎去乘龍喜氣九秋和

康熙五十六年八月朔日畫舫齋前忽產黃

色芝草一本高六寸許其頂盤曲如雲光
彩耀日考諸瑞應圖曰芝英者王者親延
耆養老有道則生我

皇上愛養高年在廷多黃髮秀眉之佐海內百歲

世憲詩集卷二十九

十一

老人屢騰章奏是以觀茲瑞徵老臣亦與
有榮施從此

天子萬年臣民咸登壽域永永無極爲可慶也爰
賦詩以志忻幸云

煌煌三秀發靈葩舉室驚看笑語譁自是 聖朝
多上瑞祥光波及老臣家

其二

歌傳漢室有芝房何意茅齋神草芳齊祝無疆
天子壽人游化日萬年長

其三

華葉靈根 聖世祥蟬聯蟠錯煥文章衰齡喜觀
延年草駐景聊尋却老方

題馬觀我太史畫竹壽吳母圖

栢舟高節比貞筠畫荻九熊有後人乞得史公留
妙染清風燕喜北堂春

張道營魁京兆榜詩以賀之

才華入洛便相推並榜初登年少時共羨枚臯名
父子喜攀郗氏桂林枝江東早擅青霜譽日下爭
傳紅藥詞還看九霄聯步上馬蹄得得六街馳

出郊偶感

世憲詩集卷二十九

十一

馳驅短景日銜山昏黑柴門欲上關老馬長途猶
未息倦禽垂翅早知還江東鱸膾空勞想冀北風
沙但損顏那得書成上芸閣乞身歸去且投閒

十一月初二日蒙

賜榛子一袋恭紀

賜榛歲歲拜 君恩 御果分甘到闔門堪笑老

饕餮齒落未能細嚼只全吞

仲冬六日清河道中遇大風口號

積雪盈川凍不流狂飈動地使人愁宛同閉置車
中婦用曹景宗語却似浮沉水面鷗爰閣圍爐非我分

茅簷炙背且思休
淒涼野店寒燈伴
襖被聊爲一夕留

正月十二日詣湯山請

安恭紀

入春纔八日春意柳先知
別苑芳華早軍都山色奇
氣蒸丹溜暖土潤藥苗滋
願養天和集優游萬象熙

正月二十一日湯山請

安并啓事蒙

召見 沁香浮玉前殿

世宗詩集卷二十九

三

玉音琅琅

聖躬萬安喜而恭紀

請 安幾度到湯山
別苑芳華漸可攀
兩月未曾瞻 玉袞

曾瞻

玉袞

自臘月初旬詎今兩月未得進見

今朝始得覲 天

顏欣看 龍體乘春豫
又見陽和順序還
獨有老

臣衰憊甚乞骸何日返鄉關

四月十九日家弟儼齋招同諸友豐臺看花

京洛宦遊三十載
看花幾度到豐臺
紅粧依舊風前立
白髮從教暗裏催
遣興且憑尊酒醉
留賓直待夕陽回
人生萬事須行樂
得暇還應取次來

儼齋三弟投示和章再疊韻酬之

平泉紅藥看難足
更上看山百尺臺
醉眼何知天宇濶
鄉心不用子規催
經年簿領勞薪似
一日閑遊盡興回
也有小園三泖曲
明年準擬賦歸來

再咏芍藥一首貽儼齋

嫣紅嫩紫闌芳姿
國色天香擅一時
金帶廣陵同泛酒
白盂東武好題詩
金帶圍白盤盂皆芍藥名
笙歌曾記陪華讌
文靖在日每歲召飲花下
遊賞重來感髣髴
絲爭奈當關魚鑰上
無由秉燭對花枝

再疊前韻酬儼齋

世宗詩集卷二十九

三

錦繡叢中嬌艷姿
將離初放正當時
欲傾妃子無雙貌
同領清平絕妙詩
用沉香亭故事
飛酸簾前浮玉蟻
高槐亭外挂晴絲
瀕行不忍輕爲別
側帽臨風簪一枝

三疊前韻酬儼齋

白頭羞倚殿春姿
正是清和首夏時
聊借名葩澆濁酒
強陪仙客寫新詩
謂昨嵐溫君也
溫柔鄉裏原多韻
冰雪胸中不挂絲
無計留連看月上
任他遊蝶繞花枝

陳岓嵐徵君投贈和章四疊前韻酬之

名花國士競芳姿，燕賞風流並一時。
絕調翻階小謝有，新詩丹鉛書集千狐腋。
組織文成五色絲。時徵君分纂詩經老眼揩摩看直上，定知早折桂林枝。

端午後一日祀 關壯繆邀同鄉親友會飲

家弟儼齋首唱一律次韻酬之

社筵初舉集華簪，花艷葵榴瓜綠沉。
豈有香醪要客醉，漫憑檀板按歌深。
懷鄉共話尊鱸味，懶性難諧丘壑心得暇，爲歡須痛飲明朝又有簿書侵。

再疊前韻貽儼齋弟

世恩堂詩集卷二十九

五

蕭騷華髮不勝簪，留滯金門歲月沉。
一曲清歌消晝永，三杯濁酒話更深。
還山有約來鄉夢，汗簡無期感客心。
休沐乍閑聊作達，莫愁鈴柝六街侵。

三疊前韻酬儼齋弟

西山橫翠似瑤簪，小閣登臨暮靄沉。
寓舍後有樓可望西山

樂奏商音聲調烈，是日演雙珠傳奇酒逢大戶勸酬深。
蒲

芽抽白端陽景葵葢傾黃向日心，長夏如年佳會樂不知雙髻雪霜侵。

四疊前韻酬儼齋弟

華顛猶自點朝簪，廿載勞勞宦海沉。
清酒賽神鄉

社樂龍舟競渡野塘深，窺簾紫燕知人意。
照眼丹榴感物心，老去自憐筋力倦，故園松菊夢時侵。

五月二十日敬慎堂祀 關壯繆招同親友

集飲五疊前韻貽儼齋弟

纔出東華又盍簪，社筵鐘鼓響沉沉。
事傳吳越春秋古，是日演浣紗曲奏甘涼音律深。
少伯全身避烏喙，子胥報國罄丹心。
剛分福酒三蕉葉，已自醺醺睡思侵。

五月二十二日奉

命九卿祈雨詣 玉皇廟虔禱賦此

世恩堂詩集卷二十九

五

列卿奉

命禱甘霖羽觀陰，多綠樹森豈是周宣憂旱魃。
宛同商祖感桑林，是日晚即得雨十年宗伯呼雲數。
余爲少宗伯十年凡六次祈雨六載司空望雨深，祈雨四次自笑原非燮理職，却慚糜祿濫華簪。

又賦絕句二首

玉皇金闕鬱岩堦，禱雨頻來叩上霄。
白髮黃冠談往事，賜金重建自先朝。
碑記順治十四年帑金重建

其二

行香拜表盡科儀，鵲尾爐香夾道馳。
十載祠官曾

見慣頗哀老子尚難辭

閑窓偶感

廿載馳驅悔昨非五湖空羨白鷗飛沈腰瘦損頻
移孔陶徑荒蕪未得歸汗簡無期成白首官書難
了負初衣徘徊却戀君恩厚悵望南雲倚夕暉
喜得第四孫余時年七十有七

湯餅筵開笑語喧犀錢繡襦洗兒盆范喬捧硯無
忘祖丁顓藏書幸有孫此日分甘看着膝他年詒
厥待與門老來宦味如嘗蠟惟望雲仍奕世繁

偶咏白樂天詩借作起句再賦一首

世恩詩集卷二十九

六

梧桐老去長孫枝喜觀豐盈犀角兒羅薦蘭湯初
浴後桑弧蓬矢正懸時聞聲敢冀溫公賞桓溫生
未暮溫
嶠聞其啼聲
曰真英物也驚目爭傳蘇子詩子瞻賀子由生第
四孫詩云殊相驚
凡他日一經能世守何須富貴慰含飴

去歲八月朔日畫舫齋前產黃芝一本已作

詩紀其事今年七月二日又於舊地復產

一芝顏色如前再賦一律以誌聖世之

瑞非自夸也

煌煌三秀草忽又產庭除靈種盤根大金光耀日
舒無疆徵聖壽有道應圖書瑞應圖云王
者有道則生何幸

延年藥衰齡天錫余

孫生彌月為湯餅會適蘭開並頭喜而賦之

九畹移栽滿院香奇葩忽吐並頭芳同心臭結瑤
華蒞駢萼風搖紫玉光老去幽姿聊作伴閑來嘉
客共飛觴抱孫喜遇蘭蓀茂湯餅筵開遇此祥

家郵至知二兒近得一男兩月中連舉二孫

喜而賦之

秋來連喜舉雙孫祖德深慙裕後昆應是添丁繁
國齒敢期貽厥大吾門載車着膝荀陳會割味分
甘桑果存此乃某年真樂事並頭先兆有蘭蓀夏

世恩詩集卷二十九

七

蘭開
並頭

題指頭畫竹

獨坐修篁裏披襟納遠風檀欒多美蔭蒼翠拂高
空張馬頤情似王猷逸興與同人間推畫手十指擅

天工

對秋蘭偶詠

秋蘭數朶傲霜開滿室幽香撲鼻來靜對超然忘
世慮不知戶外有黃埃

九日偶咏

幽偏無地可登高聊向籬邊倒濁醪休沐愛閒惟

對菊衰頽才盡漫題糕白衣送酒風流甚落帽叅
軍舉止豪獨有冬曹人執掌明朝又苦簿書勞

九月十一日蒙

恩拜大學士恭紀

六載冬官白髮稀忽承

恩命到 綸扉散才敢望叅鈞軸朽質寧堪傍紫
微心似傾葵常向日手非調鼎仰 垂衣遭逢堯
舜身親見霖雨蒼生志忍違

其二

延登授策漢朝儀就第 宣麻重百司經術孔光

世宗憲集卷二十九

六

思往詰風流謝傳憶當時却慚衰老同黃髮那有
經綸補寸絲感戴

聖恩山嶽重矢將丹悃荅 天慈

至密雲

行宮謝

恩蒙 賜飯恭紀

謝恩九頓 宮門外玉饌中官捧出來藜腹欣嘗
天膳美朶願喜爲 御羹開食同麟脯人間少身
到鈞天夢裏猜過拙謬承 知遇渥深慚調鼎作

鹽梅

十一日到內閣任後至翰林院謁

至聖先師畢與翰詹諸公交揖遵舊例也賦詩以
紀

翰苑廻翔二十年螭坳簪筆侍 經筵銅龍下直

鴉初集金馬趨 朝月尚懸染翰鳳池叨 異數
談經虎觀對群賢回思往事猶能記顧影尋常笑
八磚

其二

名蹟前賢記彼都柯亭劉井未模餉瀛洲流水今
猶在屏上春山舊有圖宋翰林院有春山圖白玉堂中仙

世宗憲集卷二十九

六

自集黃金臺畔駿爭趨嗟余白髮叨前輩老馬何
曾果識途

十月十五日

殿試武進士承

命爲讀卷官十六十七十八三日

上御西廡閱諸進士騎射技勇復

命移 御座至堦下諸 皇子 皇孫分班同射

無不中的

上端坐而射矢無虛發仰見

天縱多能力強神王諸臣踴躍數服退而恭紀

拊髀思收頗牧才華林園裏射棚開穿楊屢聽鳴
髀響逐景驚看飛輕來大力彎弓環似月雄風投
石震如雷書生快覩鷹揚選

天子親臨講武臺

其二

期門小隊列弓刀豹尾前頭黃繖高 聖子挽強
神自暇 皇孫貫革氣增豪 赭袍端坐彎弧滿
赤羽凌風麗的牢共仰
天威呼 萬歲定知邊醜早驚逃
孝惠皇太后升祔

世宗憲皇帝卷二十九

太廟奉

命點主禮成恭紀

升祔諏辰啓闕宮叨逢鉅典遣三公姜任懿德周
家匹馬鄧徽音漢室同盟手恭題精意恪焚香肅
拜瑞烟融點主前先上香行一跪三叩頭禮共欽
聖孝齊虞帝合食千秋配享隆

十二月二十八日奉

命充

冊封密嬪正使禮成恭紀

金殿輝煌 冊寶陳九霄持節出 楓宸 徽音

脩美傳 椒禁大禮崇封渙 玉綸黃繖飄揚迎
曉日綵亭爛熳映青冥衰年叨筵皇華重盛典欣
逢拜 命新

十二月二十九日蒙

恩賜鹿一隻獐一隻風羊二隻鹿尾五箇白魚八
尾野雞十隻恭紀

承乏 綸扉值歲除大官珍味出 瓊廬椒盤喜
列駝峯美藜腹欣嘗蓬鱸餘熟薦几筵香氣滿甘
分兒女笑顏舒
天恩叨忝知難報九頓同趨 闔闔居

世宗憲皇帝卷二十九

十二月二十九日

召大學士臣王掞臣王頊齡尚書臣王鴻緒同入
南書房

頒賜法瑯諸器臣頊齡得西番蓮鉢孟爐一箸瓶
香合全纏枝牡丹花瓶一松花石硯一法瑯
硯匣全蚌珠筆架一鼻烟壺一火燠袋一內
製荷包二

聖恩優異悚愧曷勝恭紀八首

忽聽 宣傳入 禁闈捧來 賜物有光輝 尚
方制作人間少老眼迷離五色飛

其二

法瑯在昔推宣德今日看來遠不如自是天工能
造物帝鴻墨海美同書黃帝得玉組治為墨海上篆文曰帝鴻氏之硯

其三

寶鼎蓮花似鉢盂黃釜畫手邈難摹橫陳紫几真
清絕一幅天然博古圖香爐

其四

膽瓶五彩纏花枝銅質燒成養宋瓷供在案頭身
硯北三餘作伴亦相宜花瓶

其五

世恩堂詩集卷二十九
三
小硯松花綠玉奇裝成硯匣勝琉璃校書終日隨
身具照眼明珠嵌水池松花硯硯池內嵌一蚌珠

其六

太液池中產蚌珠天然山字筆牀模分頒共喜文
房富可勝徐陵翡翠無珠筆架中官言暢春園中惟淵鑒齋前水中蚌蛤生珠高一二寸許如山形

其七

尋常見慣鼻烟壺那有天家巧製殊小口絨囊藏
寶器黃絲兩角結流蘇鼻烟壺

其八

一奩新月小葫蘆壽字雕成籀篆符刀石擊撞能
取燧只看小物世間無火煉袋

世恩堂詩集卷二十九終

世恩堂詩集卷二十九

三

世恩堂詩集卷三十

華亭王項齡瑁湖

畫舫齋十之下

起已亥二月
盡庚子四月

二月初四日奉

命遣祭 先師孔子恭紀

奉 命春丁祭暨宗 盛朝禮樂自雍雍八音繚
繞聲容美三獻趨踰登降重福酒香濃霑聖澤胙
牛博膾脩王供老臣却笑龍鍾甚拜跪猶能勉力
從

事竣有感

世恩堂詩集卷三十

衰頽執事駿奔虔先閔牲牢與豆籩

先期遍記得
觀祭品

太常紆尺組綵衫青髻儼當年

余初選太常博士
與丁祭距今四十

餘年
矣

仲春望後四日邀諸友小飲白桃花下陳昨

嵐徵君首唱二章依韻和荅

誰向桃源再問津桑麻雞犬洞中春藐姑仙子娉
婷立綵筆才人寫照真冉冉暗香飛蓋落絲絲嫩
雨浥花新白頭芳艷羞難稱聊共嘉賓樂此辰

其二

花圃江東冷闔扉廿年鄉夢見依稀數弓闌藥聊

行樂一樹瑤華亦有輝客裏朋簪閒自盍天邊孤
鳥倦猶飛喜逢白雪筵前唱皓質亭亭向夕霏

再疊前韻咏白桃花東陳昨嵐徵君

渡名桃葉是花津移植南窓伴早春玉骨清標無
俗韻蛾眉淡掃見天真翩躚舞袖迎風立冰雪肌
膚出水新仙種唐昌今在否定知聯袂占芳辰

其二

穠華一樹漾簾扉却喜閑庭塵事稀日暖蝶歡香
自戀夜涼月上影交輝依稀姑射雲裳下髣髴靈
妃素襪飛不分李梅偏共貌三春紫陌開零霏

世恩堂詩集卷三十

偶感

老去筋骸懶愁來趨走忙百年何鼎鼎白髮故蒼
蒼衮職慚無補葵心凜自將避賢思早退倦鳥畏
飛翔

送張子容進士還里

談經三載共康成相送河橋別酒盈吾道南矣誰
與語故人西去若爲情鶯啼遠樹聲聲滑馬踏平
沙得得行期爾重來成汗簡異同虎觀息紛更

四月初八日蒙

賜皇輿全覽圖恭紀

一統車書萬國通 聖朝威德享王同職方疆索

要荒外禹貢山川指掌中幾見浮槎窮兩戒特

頒圖畫示群工先遣使徧歷圖畫數十年悉稟
睿裁指示而成 頒示群臣細

閱後方天街拜 賜歡聲動老眼摩挲念 帝功

家書至喜三兒舉一子詩以紀之

去年此月得雙孫今日桑弧又在門荀氏車中欣
著膝謝家庭畔喜生孫金錢浴罷豐犀角湯餅筵
開泛玉樽異日東還懷抱滿分甘割味笑顏溫

盆蘭去夏開並頭一枝後生二孫今夏復然
適家書報生一孫亦異事也

世憲詩集卷三十

三

庭蘭又見並頭開芳霽氤氳拂袖回玉蕊同心舒

七瓣花朶本五瓣
此獨七瓣幽香滿握近三槐援琴曾動尼

山操紉佩還思楚畹栽却喜祥徵燕姑夢家書忽

報誕孫來

恭和

御製賜老大臣詩元韻有序

六月初七日

御前內侍魏珠傳

旨與南書房翰林舊時講官存者祇有王揆王頊

齡王鴻緒三人特作詩書扇並書對聯賜之朕

久不寫字執筆手顫不能如意外各賜蜜餞山

查一瓶蜜餞節梨一瓶乾細鱗魚三尾皆係關

東來者其蜜出自烏喇食之最宜脾胃非外間

蜜餞菜物可比又賜王揆英阿書吉一瓶因彼

脾氣不好故每年賜之但不可多食恐致乾澀

爾等將所賜物件收拾好了分交彼家人帶去

請安摺并發欽此本月十一日家人賁捧

諭旨及

御書詩扇一柄對聯一副

天厨食物三種到寓臣頊齡欽奉叩頭祇領訖

世憲詩集卷三十

四

隨繕摺恭謝

天恩又謹依

聖製元韻敬和四首書冊進

呈

隆恩高厚感悚無地但愧衰年拙筆不能宣寫萬

一也

盛世無遺黃髮人

天心念舊到儒臣

宸章煥爛星辰麗

寶翰飛翔龍鳳真生遇堯年

君是聖時逢舜日化如神

帝歌賡和誠難事堂陞懽傳喜欲嘖

其二

海宴河清識

聖人拜颺竊願作良臣廿年經幄崇儒術千古心

傳繫道真燕鍋蒲翻祈

樂豈橫汾風動祝

願神今朝重疊叨

恩渥

明主由來愛一嘖

世宗詩集卷三十

五

其三

衰頽趨走玉階人簪筆竊幻舊侍臣嗟吸金

莖承露掌遨遊瓊圃集仙真

天憐暮景添年壽

帝勉愚誠佐

聖神賜對聯蹟與松喬合心緣啓沃留故云身荷

鴻恩山岳重私衷感激涕連嘖

其四

萬國共球奉

一人股肱協贊愧元臣黃羅捧出天膏重赤玉傾

來仙品真珍果芬芳誠悅口嘉魚多旨足怡

神尚方食物同丹藥益老延年感復嘖

炳兒扈從

山莊八月八日蒙

恩賜御書漱芳扁額喜而恭紀

兒曹扈蹕從長楊喜荷

宸書賜額光却愧仲將能署榜

不煩常侍笑登牀頻年再被

已蒙賜額奕世連靈龍翰香賜御製詩御書

聯惟願子孫長敬守廟天寶氣耿茅堂

世宗詩集卷三十

六

張樸村徵君為炳兒蒙恩賜額在贈和章

疊韻奉酬

多君賦手敵班揚三聘真為處士光孔壁遺經重

見日曹倉藏帙愧連牀

玉屑珠璣滿灑向清詞蘭雪香共仰奎章雲漢

爛還看麗藻映書堂

儼齋三弟移贈桂花一盆幽香滿室坐對經

時不啻身在家山也賦以酬之

故園叢桂小山陰鄉夢時時到舊林忽訝天香携

滿袖恍疑金粟落遙岑名花移贈淮南種濁酒聊

憑下若斟坐對清秋華月映不知涼氣入簾深

儼齋三弟以和章見投再疊前韻酬之

天香冉冉竹窓陰又捧驪珠出閨林風骨自然傾
沈謝清新端可敵高岑巴吟慚對陽春和播酒還
依嘉樹斟幾度撚髭銀燭短一簾涼月照更深

三疊前韻酬儼齋三弟

茅亭小築鳳城陰景物居然是竹林夜靜梵音傳
古寺寓近慈忠寺朝來爽氣接瑤岑西山在望西堂佳句時
貽贈孔壁遺經且細斟時纂修書經未竣僕僕東華搔髻
短巖扉空自荷秋深

嵩山詩集卷三十

七

四疊前韻酬儼齋三弟

秋來天氣半晴陰綠葉扶疎尚滿林濟世愧非霖
兩手思鄉長憶白雲岑惟摩老眼拈經帙那有閑
情對酒斟酌和未能忘結習詩筒來往夜鐘深

重陽前二日作

滿城風雨近重陽潘老如何遽斷章我欲續吟無
意興聊憑濁酒對花黃

樸村徵君暨東臯二叔枉和佳章再疊前韻

并送糕酒奉酬

白衣送酒愧潯陽聊荅東籬采菊章料得題糕有

佳句并將糗餌伴鵝黃

儼齋三弟以九日漫興詩見示即和原韻酬之

廿年遊宦去維桑趨走東華龍尾長白首漸看開
八秩黃花又見媚重陽題糕漫說劉郎字漉酒聊
同陶令嘗屋後青山如罨畫強扶登閣荅秋光

其二

白衣誰送酒波鱗茗椀薰爐絕點塵落帽風流思
往事佩萸節物感羈人苦無筋力登臨懶賴有墳
簾唱和頻遙想故園秋景麗一籬黃菊問青筠

世惠堂詩集卷三十

八

張樸村徵君貽示九日漫興和章再疊前韻酬之

陶公舊里記柴桑采菊東籬引興長經學自來推
伏勝酒徒何處覓高陽臺無戲馬誰同眺盤有花
糕且共嘗幸接瑤章頻贈荅綵毫璀璨闢明光

其二

名高龍腹豈凡鱗宛似冰壺清絕塵作賦君真驚
代手知還我是倦遊人籬添秋景餐英落酒養顏
齡倒甕頻何日書成乞骸骨早期汗簡削青筠

儼齋三弟以九日同友對菊小飲四章貽示

即次原韻酬之

流光在再感年華鳳嶺龍山懷古賒絳闕趨風行
欲破黃麻到眼眩生花黃囊薊北聊爲佩菊圃江
東每憶家何日得諧歸老願五湖烟水一浮槎

其二

衰慵叨侍五雲端伴食經年愧素餐縱有黃花羞
插髻那堪白髮尚爲官牀頭缸面三杯釀江上鱸
魚一釣竿如此家山好風景何時解珮一盤珊

其三

朝來風日自清嘉遍插茱萸有萬家山閣登臨聊

世憲詩集卷三十

九

作達齒牙零落不須嗟但依北闕雲長拱且對
東籬菊漸華更喜新恩天藻麗草堂高揭競相
誇

其四

閑來伯仲互經過漫揀蠻箋寫和歌詩擬風騷存
古淡韻拈競病苦搜羅秋英離畔時光美春草池
塘夢句多寄語火攻休咄咄撚髭數斷欲如何

十二月二十八日蒙

賜鹿獐羊雉白魚鹿尾諸品謝

恩畢歸寓適炳兒奉賜筵俱至感而恭紀

大官珍味出天厨旅邸椒盤品物殊熟薦二親輝
俎豆甘分一室競歡娛腐儒飽食蓬池鱠藜腹欣
嘗瀛島鳧更喜兒曹叨錫宴攜來尚膳過庭趨

庚子元旦太和殿朝賀恭紀

皇帝膺圖六十年欣逢元會接中天風飄舜樂南
薰奏日麗堯階北極懸玉帛梯航來萬國冠裳拜
舞集群仙巖廊鵠立瞻雲近舊例閣臣同侍衛等
先在中和殿行禮
後至太和殿
東簷下侍班願祝無疆壽億千

正月十七日膳房章京金寶

世憲詩集卷三十

十

御宴一桌至邸第

賜臣項齡陳設畢即於香案前三跪九叩頭謝
恩祇領訖感而恭紀

元夕風光淑氣回榮叨

錫宴出蓬萊天厨玉饌同麟脯尚膳珍羞勝

豹胎藜腹屬厭欣列鼎腐儒飽食愧調梅更

蒙

聖主憐衰齒糗餌甘香特

賜來

膳房章京指示
筵上二盤餅餌

云係奶酥黑芝蔴所成最於老人相宜
膳日用之故以此賜仰見

聖心軫念老臣之厚聞之不勝感激

張樸村徵君示和 賜筵原韻二首再疊奉

酬

御宴叨承霄漢回何當佳句咏臺萊
寶采錦繡心腸珠玉胎驚代有才推李杜和羹無
術似鹽梅聊分 天膳期同飽翻引陽春白雪來

先以賜筵品物分餉來詩道及故云

樸村徵君再枉和章三疊前韻酬之

天上春從璿管回和風披拂到蒿萊共歡燭影交
蟾彩得飽熊蹯與鳳胎采自霜前方頌橘摘經雨
後是雕梅

宴內有鮮橘餅及雕花風雨梅二種故及之

漫勞良友連章

和幾度挑燈吟諷來

樸村徵君三枉和章四疊前韻酬之

乾清侍

宴醉連回

壬戌癸亥兩遇賜宴乾清宮

冉冉年華

過老萊黃閣又逢頒 玉饌冰蟾渾似出珠胎上
元燈放金蓮炬鄉國花開綠萼梅慙愧報章同下
里撚髭欲博夜光來

樸村徵君四枉和章五疊前韻酬之

東華僕僕斗杓回未得陳情乞草萊氣煖金溝將
解凍風寒豆蔻尚含胎 君恩時飽蓬池繪鄉夢
難忘荒圃梅賴有羊何頻贈蒼霏霏玉屑貺人來

樸村徵君五枉和章六疊前韻酬之

書館開時歲幾回談經得遇呂東萊已知虎觀推
龍腹又見明珠出蚌胎

謂令嗣孝廉君也

對月每同傾玉

蟾看花屢共咏官梅汗青早晚登延閣笑賦陶潛
歸去來

探白桃花

問訊園桃開未開春寒玉蕊尚含胎恨無羯鼓催
花放空使劉郎幾度來

樸村徵君枉和探白桃花詩四章見示再疊

原韻酬之

粉面嬌姿露井開羅浮香雪本同胎若非姑射仙

人降便是瑤池玉女來

其二

手植多年歲歲開蕊珠宮裏識仙胎種花人老花
猶少約綽臨風待客來

其三

催花佳句錦囊開綠筆奇葩似一胎聞說碧桃天
上種會須仙客喚將來

其四

舊業江東久不開桃花結子竹生胎何時得遂還

山志重向漁郎問渡來

樸村徵君再示和章四截三疊原韻酬之

花爲禁寒瑟縮開猶如川媚孕珠胎江園此際紅

霞爛激賞曾邀

天筆來

昔年
駕幸家園值桃杏紫藤

盛開蒙
御書
燕霞二字頒賜

其二

莫怨東君不早開珠含玉韞鶴猶胎羨君自有生
花筆滿紙穠華照眼來

其三

縱使名花有日開無如玉女未離胎亦知傾國姍

世尊詩集卷三十

三

姍態萬喚千呼始出來

其四

不須幻術咒花開長養春風早結胎指日芳菲如
錦浪莫辭泥飲百杯來

題日者寫真卷

從來醫卜隱高賢坐聽松風手一編會得君平簾
肆意只言忠孝不談天

二月廿五日邀集張樸村陳岫嵐二徵君蔡

中巖董五峯兩太史飲白桃花下適炳兒

扈從水圍方歸樸村首唱惠教依韻奉答

催花詩就花爭放聊共嘉賓舉一卮豈是華林分

玉蕊華林園桃七百三十八株白桃三株宛同露井見瑶枝老夫素

髮羞難稱仙客霓裳咏有期正值兒曹從獵返穠

華同賞艷陽時

陳岫嵐徵君投贈集飲白桃花下詩二章依

韻和答

園丁花信逐時探初放欣逢宿雨含節近上除春
去半客因二仲徑開三冰肌浥露天香潤粉面迎
薰國色酣此日家山千樹爛風光那不憶江南

其二

世尊詩集卷三十

古

經年草草是勞人又喜穠華照眼新他日倘邀西
母實今朝恍遇鶴林神諸公藻思文如錦一老衰
年髻似銀爲樂及時湏作達飛觴盡醉莫辭頻
再疊前韻東岫嵐徵君

其二

試問仙源誰與探朝來玉蕊露猶含良辰只數春
光九佳句爭傳花影三絕喜藥闌甘雨足聊支琴
枕黑甜甜東風寒食江村路一片紅霞映水南

武陵溪畔避秦人俗古何知時代新酒造逡巡應
請客花開頃刻似通神色疑元圃皆成玉光映水

蟾蜍作銀獨有陽春難屬和撚髭燭跋漏移頻

上巳日見炳兒和詠白桃花詩二首作此答

之已三疊前韻矣

蘭亭禊事共誰探獨對桃花新雨含汝侍玉皇幾
尺五我塵黃閣愧尊三摩挲老眼書麻澁趨走清
晨負寢酣何日乞歸湖泖曲逍遙水北與山南

其二

軟紅塵裏白頭人又遇良辰元已新未得流觴從
曲水聊憑高詠荅花神華林射的圓如月洛涘明
妝白似銀如此風光忍忘却攤書簷朵落來頻

世憲詩集卷三十

五

四疊咏花前韻酬昨嵐徵君

粥香錫白百花探良友開尊樺燭含才氣欲吞雲
夢九賦心真敵會稽三蒲輪盛事清時重虎觀高
談妙義酣相與析疑需大手當今武庫杜征南

其二

老去論文有幾人和章三復喜清新江郎才調花
生筆杜老詩篇句有神露井穠華千朵玉碧天蟾
影一鈎銀拈來競病搜靈府敢道吟安剪燭頻

喜四兒生男賦此

首夏風和樹色青喜聞子舍報添丁蘭湯浴罷看

豐角繡綵擎來識寧馨敢望興宗同往詰惟期念
祖守遺經蕭蕭白髮無佳况猶幸孫枝照滿庭

刺梅花放欣然有作

刺梅花放數枝黃素質亭亭雅淡妝不羨牡丹矜
富貴却先秋菊占風光貌疑鏡裏佳人額色似雲
中仙子裳遙想故園當淺夏薔薇滿架一庭芳

號富貴花

初夏即事

一庭濃綠映簾櫳閑坐茅齋萬慮空白鶴梳翎椿
樹下朱魚噴沫碧波中殿春芍藥從新放藻夏櫻

世憲詩集卷三十

六

桃依舊紅紫几爐香消永晝聊憑景物寫天工

出暑咏懷

伴食中書白髮加衰頽緩步出東華詔麻草罷心
無事綸閣歸來日未斜靜裏知聞惟鳥雀閑中景
物是風花 聖朝無闕慚何補葵藿平生詎有涯

吳道存郎中贈余雙鶴賦此荅之

老去蕭疎白髮侵何當嘉客贈臯禽未能作賦追
明遠尚有閑情學道林永日臨風修素羽高秋警
露發清音愛君善息能延壽長伴衰翁窓下吟

世恩堂詩集卷三十終

世恩堂詩集卷三十

七

世恩堂詞集卷一

華亭王項齡瑁湖

詩餘一小令

憶江南

甲辰京邸作

江南憶盡日坐相思記得去年春
爛熳梅花如雪柳如絲依約畫眉時

又

江南憶何日是歸期昨夜夢中相見處
醒來依舊隔桃溪窗外月初低

世恩堂詞集卷一

又

江南樂春暖朱樓鉤翠幙可惜香閨人
寂莫日長花自落想起舊歡如昨又見楊花飄泊針線無人衣被薄夜來風更惡

望江南

悼妓桐月和友人作

江南月初起便宜看玉面夜涼疑着粉
春山淡畫却彎環不道隔人間

又

江南月三五正團圓光似琉璃清似水
夜深移上

小屏山遮莫舊時顏

又

江南月黯淡自今年一片曉雲遮不住照人無寐
落天邊何日更重圓

搗練子

春閨

風料峭草離披春思教人翻是疑起來穩步嬌無力
寄語東風不耐吹

柳枝

春閨

世恩堂詞集卷一

二

樓頭少婦占年華多少傷心是落花贏得一宵春
睡足起來紅日照窓紗

又

輕粧淺澹不勝春綺旎當筵黛色新簾外月寒花
影瘦樽前愁殺惜花人

戲贈

約綽腰肢二八齡當筵舞罷太娉婷最憐年少偏
多慧不枉名兒喚小青

如夢令

春閨

窓外一聲啼鳥紅日映簾春曉想起舊時人悔把
夢兒草草煩惱煩惱一點爐烟細裊

長相思

春閨

花還明柳初繁任人攀折繫人情河橋十里青
信難憑恨偏增斜陽一帶短長亭簾捲綠蕪平

舟行

雨初晴草初青野塘水漲碧波平漁床晚掛罾
酒懶傾詩懶評蒲帆一幅往來輕春風半日程

孤館

世恩堂詞集卷一

三

風淒淒雨淒淒徹夜愁人聽未稀前村聞曙鷄
花飛飛柳依依惆悵春歸人未歸落紅漸漸微

春思

憶君長夢君長臉波和恨帶清狂滿頭珠翠香
燕雙雙柳蒼蒼歸去香閨懶上床黃昏淚幾行

點絳脣

江行

風送行舟片帆斜入江天暮亂雲古樹依舊來時
路回首金陵不斷傷心處愁無語一般歸去強

作悲秋句

春閨

日暖風和滿園桃李都開了一聲啼鳥愁入眉尖
小半捲珠簾極目春光老長亭道馬嘶殘照十
里青青草

又

一枕陽臺樓頭春色知多少隔花黃鳥啼破紗窓
曉燕子雙雙只是魚書香斜陽道清明又到愁
殺宜男草

卜算子

春閨

世恩堂詞集卷一

四

攬鏡惜紅顏惆悵聞鶯語數到歸期三月天却又
春將暮悄起上簾鉤柳陌晴飛絮只是狂夫不
憶家多少青青路

又

獨坐小樓中無奈鶯聲巧悶對飛紅點點愁滿地
和烟掃一片夕陽斜柳色長亭道日日樓頭望
不歸目送春光老

荷珠和同年葉元禮作

荷蓋雨新晴蕩漾盤中瀉疑是天公戲雨珠神女
初來也性不染汙泥魚目誰能假徑寸如何滄

海道淚滿鮫人把

柳線

生長近池塘搖颺空中舞欲綰同心待曉風搓就
黃金縷拂地有長條寂寞誰為主憔悴當年張
緒姿不向靈和住

榆錢

天上白榆錢落葉成阿堵草木緣何字孔方世道
應非古嘉樹化青蚨花塢爲金塢羞澁空存趙
壹囊吾不如老圃

蓴絲

世恩堂詞集卷一

五

家住五湖東湖面清香起脆白蓴絲滑素匙歸夢
隨江水發興爲秋風且摘盤中旨細嚼瓊芽齒
頰涼何必官家賜

竹粉

峭蒨更亭亭蔽日檀欒影真色從來難悅人須看
些兒粉問訊竹平安翠色浮千頃豈是湘娥素
筋垂玉屑霏霏襯

苔衣

梅雨積三春綠遍窓前地穩襯羊家靜婉腰不待
艷能戲金井淨無埃輕印纖纖趾軟襪誰聞響

屣聲步步蓮生矣

芝蓋

羽葆自威蕤瑞草團成幔衣紫衣黃道貌清來自
商山畔 五采色氤氲高蓋三重爛也有人間箇
簿陳官樣山人面

秧針

渺渺水田衣三月春光遍萬井青苗一色裁疑是
針神現 少婦上層樓稻隴和風扇布穀還如刺
繡人乞巧天孫線

菩薩蠻

夏景

櫻桃紅了芭蕉綠池荷出水飄香玉纖手割甘瓜
新來廟後茶吳茶有廟後芥輕雷雲作陣雨滴修篁潤
登閣見青山青山相對閑

清平樂

春暮

黃鶯啼處似喚春光住不道一翻寒食雨化作淒
涼情緒 可憐獨倚粧樓落紅狼籍堪愁寂寂重
門深鎖隨風飛出牆頭

又

寂寥深院門掩春光短依舊楊花如雪亂別却東
風一半 閒庭獨立移時玉釵斜挽花枝驚起多
情雙蝶飛來飛去相隨

又

楊花撩亂飛向河橋畔柳樣眉兒春色淺分付新
愁不管 枝頭貪看黃鶯輕輕啼上花棚已是落
紅無數那堪又過清明

憶秦娥

宿清風店有感

清風店宦遊三度經行館經行館年年華髮鏡中
偷換 征衫看破誰針線潘郎夜夜腸千轉腸千
轉夢回酒醒數聲孤雁

南唐浣溪沙

偶見

一種芳情對面時眼波不轉怕人疑却怪東風相
侮弄把簾垂 笑帶粉香歸畫閣蓬山隔斷夢離
披試問香踪何處也小橋西

眼兒媚

春閨

梅花庭院暗香浮依約舊風流銷魂何處月移金

井入醉高樓 韶華轉眼成虛度寂寞不禁愁幾
分春色無邊心事聽與眉頭

南歌子

春闌

柳樹重陰綠桃花爛熳開困人天氣倚粧臺多少
閑情無語怕人猜 紫燕雙雙舞啼鶯處處催從
今休更踏青來任是落紅飛去趁蒼苔

鷓鴣天

初夏即景和林定遠作

小院迴廊碧樹重薔薇開盡間殘紅無端香透疎

簾裏一樹山礬罨雨濃 憑石几面湖峯朱魚戲
水撇波空新茶初試山泉熟一縷輕烟颺午風

又

芍藥新開三兩叢兩肥香瘦睡東風今朝霽色林
間射花性渾宜薄日烘 推素幌捲簾櫳一枝深
映綠窓紅日長無事能排遣小鳥軋軋畫閣東

又

綠染池塘菱繡苔青青蒲劍映荷胎黃鸝妬客穿
花去翡翠銜魚掠水迴 湘簾展水亭開棋枰移
向竹間排輕雷隱隱雲成陣知是前村作雨來

又

隴上風清麥秀齊秧田渺渺水雲低桑陰少婦提
筐立布穀聲中日乍西 乘小艇溯洄溪棹歌輕
唱竹枝歸中流風起掀蒲亂水國漁村一望迷

虞美人

春情

沈郎憔悴多情在又續相思債春來無限惡情懷
却被彩雲勾引到陽臺 東風只解催人老冷落
如何好海棠能有幾時春懊恨一場心事向誰論

又

窓前月色明如晝獨坐愁依舊鴈門消息總沉沉
直是那年別後到如今 闌干倚徧無從訴望斷
天涯路淒涼時候正三更又被燈花侮弄太無情
木蘭花

秋夜

遊人愛踏江南月珠露清霜花底滑痴情祇望影
團圓不信天邊有殘缺 小樓一夜秋風發吹老
黃花無數折銀河淡淡斗微橫獨倚畫欄聽落葉
踏莎行

寄友

雲黯長亭花晴客館一身飄泊誰人管多情惟有
月娟娟黃昏幾度窓前伴 偶夢還醒輕寒乍暖
鄉心千里衣寬緩却從香徑散春愁春愁又被啼
鶯喚

蝶戀花

感舊

一段風情天付與柳眼梅腮盡是銷魂處可惜芳
踪難再遇依稀憶得門前樹 孤館淒涼香篆炷
消息無憑據好夢不來來又去梧桐窓外三更雨

佳人

世恩堂詞集卷一

十

畫閣佳人春起早窓外梅花粧點晴光好白白紅
紅真窈窕臨風欲折回頭笑 綠水池塘閒自繞
蝶粉蜂黃說與誰知道小鳥鈎輦人更悄花枝一
任東風裊

春情

臉樣天桃眉樣柳膩暖輕寒廝釀清明候嫩綠新
紅春未透丁香一顆相思豆 憶得三春時載酒
醉舞風流肯落楊妃後對面巫山今在否一宵風
雨花鋪繡

和龍雷岸歲暮作三首

歲暮燕山風色厲記得年時身在江南里紅日映
窓銅鴨睡膽瓶養得山茶媚 小草無何重客薊
土炕煤爐寢食難如意作郡槐安終是戲不須夢
醒思歸矣

又

歲暮天街人似蟻客館蕭閒閉戶涼如水依舊風
塵虛度此何如高詠梅花裏 尚有弱男留故里
雲水三千南北時繁轉憶去年當此際斷腸重
灑安仁淚余去歲此月悼亡

又

世恩堂詞集卷一

十一

歲暮桃符門戶換爆竹聲中金鼓喧庭院風景依
然鄉井遠新來南果椒盤薦 十度京華星屢變
臘粥春錫暗與年光轉在再不堪華髮短黑頭公
已輸家掾

臨江仙

贈翻紅校書

暇日同人時載酒凌波仙子初逢翩然洛浦見驚
鴻錦屏圍軟玉秋水濯芙蓉 潦倒重尋花下約
泰孃風格從容飛觴不惜醉千鍾黛眉凝淺翠霞
頰映深紅

鳳栖梧

和友人韻作

漠漠江天烟樹隔河朔尊罍無計追裙屐修竹高梧何處碧雲山遮斷林逋宅 凭徧闌干愁日夕求仲不來三徑蒼苔積銀燭挑殘簷溜滴把君詩句消岑寂

漁家傲

許鶴沙先生屬賦優曇花次顧偉南韻

一顆牟尼生意遂神僧咒鉢元游戲記云天竺神一粒種地而生金粟宰官非好事天作使琪花初現江南

世恩詞集卷一

三

地 碧葉銀房中吐穗辨分十二干支位閏月數添奇一配記云每花十二瓣閏月則多一瓣香靨隸綠衣笑舞天花媚

夏景

雨後空亭涼氣爽蕉衫露坐襟情敞茉莉香茶纖手餉新月上飛螢點點流書幌 耿耿明河垂萬丈誰家玉笛風前響忽憶五湖波滉漾閑蕩槳灣名消夏多荻蔣

夏夜書懷

茉莉成毬香滿砌雨絲庭院飄來細廟後新茶初

寄至旗槍異潑嘗自是饒風致 兒女牽衣堦下戲一杯薄酒陶然醉此是人間真樂事吾休矣從今不慕三公貴

醉春風

夢中得挑菜二語醒而足成之

生長機雲里山水清而綺春風何處最關情記記挑菜年光湔裙時候一溪烟雨 薄宦來燕地潦倒黃塵裏故園拋撇已多時去去去陸瑁湖邊春申浦口釣竿斜倚

風入松

世恩詞集卷一

三

禹服徠遠席贈妓鶯初和張硯銘作

閒遊疑是入天台雪貌花腮嫋嫋步屣迎風顫小蠻楊柳身材道是蜂黃未褪又早蝶粉胡猜 嬌噴鶯地去還來調笑俳諧綺窓小立情無限背着人攏髻兜鞋算我愁城難破被他笑靨輕排

又

良宵三五醉華筵翠袖金鈿藏鈎猜馬偎紅遍風情都在眉尖剪剪青絲覆額剛剛鬢髮齊肩 榴花半吐柳三眠清逸堂前殷勤玉手傳杯意更妖燒酒暈微添端的風流誰似正碧玉破瓜年

藝菊數盆清香滿室晨夕對之可以消寂喜而賦此

數枝菊影一窗開終日足怡顏淡粧不闔閑脂粉甘消受道貌清寒彷彿藐姑仙子驂鸞瞥下雲端香飄篆縷鴨爐丹書卷伴閑官寂寥退食無聊賴喜三徑黃菊堪餐袞袞門前車馬一樽籬下盤桓

午日憶鄉園作

香蒲切玉糗三丁雙鬟感年華簿書鞅掌愁堆案逢休沐且醉榴花遙想江南此際龍舟畫鼓齊擗綠過村社款語桑麻何日乞身歸去五湖烟雨生涯

洞仙歌

和韻荅雷岸暑中憶山居作

火雲電閃正流金時節山雨飛來洗炎熱憶當年此際林水逍遙卧盤石那識南轅北轍蘭舟時一弄牽動波光菱葉荷花淨堪折瀟洒竹窓前任揀蠻牋寫數幅來禽快雪到今日閑居老長安便裝點欄花幽懷難說

世恩堂詞集卷二

華亭王項齡瑁湖

詩餘二 長調

滿江紅

送董蒼水遊粵西

桂嶺千尋搔首處瘴烟如墨問當日伏波故壘春
風葵麥石燕雨涼蠻女髻枕榔醉聽羌童笛料新
詩到處好留題蒼梧石 彌衡刺阮孚屐雲山侶
諸侯客笑參軍蠻府何如疇昔訪道時尋句漏井
看碑定到延清宅待歸來南越橐中裝千金直

世恩堂詞集卷二

賀田髯淵先生令嗣週晬

三泖風光正黃菊紅茱萸時節錦筵啓充閭佳氣晬
盤羅列謝鳳荀龍原有種提戈取印何須說看先
生摩弄掌中珠真英物 謝傳墅芝蘭茁太尉座
琳琅接算天倫樂事三公何易下食將車星自聚
分甘割味懽娛集笑五男陶令却輸公多人傑

壽沈繹堂先生五十

學士家風遺笏記鸞坡翰墨聽臚唱三山鼇湧雲
成五色太乙藜光浮紫袖兩河憲府開霜戟念
先皇侍從舊詞臣西清直 宣室召鋒車八鳳池

上神仙集認金蓮燭下當年蘇軾袍履韋郎雲錦
爛羹調 御手黃封出待他時東閣壽筵開頭還
黑

冬日葆飭訪子南村有事詩餘一選下索里

語入選樓中賦此寄謝

老雨孤村終日似蝸牛粘壁屈指數平生舊雨誰
追車等門外忽傳車騎至天南應奏真人集規野
人鷄黍未能將歸帆急 論樂府宮商覈談雅調
淫哇斥喜吾生重見開元詞客才子新翻紅豆曲
美人爭按涼州拍更殷勤郢匠采巴音中郎笛

世恩堂詞集卷二

季夏將近雲間行有日矣房師蘋村徐公念

其觸熱長征爲賦滿江紅二闕相留遂不

果行散步原韻奉謝

六月燕山看滾滾黃塵將發空辜負歐陽水鑑才
非軾轍問字每親楊子席傳經轉憶程門雪記追
隨杖履出西郊清和月 人婉孌花髻髻看塞馬
誰伸屈嘆蠅頭蝸角任他奔突薄命難窺蓬閣秘
還家自有名山業但銜花無地報師恩添華髮

又

觸熱奚辭念堂上雙親白髮任袞袞紆青拖紫黃

靡玉闕簪筆無由追曼倩躬耕漫擬師諸葛待遽
然夢覺北窓時何如蝶 奈虛度炎歊節傷留滯
草間活笑奚囊空貯秦碑晉帖逃暑且爲河朔飲
調水快嚼并州雪怎能消長夏日如年書蕉葉

附先生原韻 酷暑異常瑯湖觸熱南歸留之
不得歌以送之

毒熱荒塗是誰遣驪駒輕發願招取涼風滿路
隨君車轍馬驟沙堤平若水冰調村女明如雪
到板橋茅店幾回頭長安月 機雲望髮分髯
蓬瀛事仲屈嘆瓊林玉樹紅塵奔袞黃閣不
留黃絹客青雲自守青箱業看君歸我亦倦彈
冠星髮

又 歌甫畢聞瑯湖行不果喜而欲狂再歌一
闕

世忠堂詩集卷二

三

任黃埃赤日在人間莊周蝶 權消受長時節
尋些個閒生活向湘簾紫几觀 暮暮帖秋水招
邀名士註藕絲快覓佳人雪爲君家急切定歸
期梧桐葉

滿庭芳

重九後二日魯艾招同田鬲淵先生張梅巖
林定遠朱雪田董堯臣張崑遠家弟薛澱
集醉白池

雨潤新篁香傳晚桂池臺水木清華主人愛客開
宴日初斜泥飲懽騰欲醉朦朧影淡月交加涼亭
上華燈四映水面出銀花 且休論世事龍爭蠶
觸猿鶴蟲沙幸偷安榆社滿眼桑麻恰又茱萸初

熟持螯對玉盞流霞更何羨龍山戲馬高會足堪
誇

新秋即事

羽扇搖風香羅疊雪樹陰閑坐追涼紅蓼紫蓼楚
楚一庭芳又見新秋物色槐花落糝地金黃無聊
甚北窓安枕且住黑甜鄉 玉堂公事了朝參意
嬾容我疎狂任蜂衙蟻戰耳底蜩蟬憔悴池邊老
鳳曾經過傀儡千場都休問不如歸去嘯咏飯牛
岡

秋夜思歸

世忠堂詩集卷二

四

落葉階除嫩寒天氣紙窓燈火青熒天涯倦客鬢
髮已星星聊把蠻箋染翰闌干外風撼疎櫺無聊
甚鴨爐火煖香篆裊虛屏 伶俜那知我鄉心萬
疊醉裏常醒奈牽率官身趨走 彤廷長想家園
松菊誰料理竹塢花汀何日得荷衣簪笠偃仰綠
莎廳

荷亭遊集

白鷺梳翎紅蕖擎蓋溪亭閒坐追涼哀絲脆竹風
水奏霓裳瞥見玉龍施雨巫山女偶下高唐青螺
髻芙蓉朵朵幻出美人粧 松花初飯罷閑尋蕭

寺信步銀塘向山僧借汲玉竇泉香重到藕花池
上闌干曲蠻榼飛觴碧筒勸扶頭殘醉歸路夕陽
黃

七夕

鸞馭初臨鵲橋方駕一年一度相逢癡男騃女瓜
果粉筵同送巧蟾牽露網鍼樓上女伴雍容五絲
線月華澈灩穿孔正當中良宵秋景澹春山蹙
損玉筋玲瓏問來朝烏鵲後信誰通銀漢幾時清
淺凌波襪鎮日相從合歡錦七襄織罷鴛頸並頭
縫

世恩堂詞集卷三

五

燭影搖紅

賀卞定之新婚

孔雀屏前畫眉初試才郎筆芳菲桃李聞春妍之
子于歸日應是藍橋初遇聽和鳴絃調錦瑟門闌
喜氣跨鳳乘龍東床嬌客花燭輝煌合歡杯注
瓊漿液翠鈿玉鏡洵良緣天上雙飛翼試問今宵
何夕喜團樂光生瑤席關雎賦後麟趾吟成斯男
則百

百字令

和韻送楊涵貞國學家雲岡下第歸松江

西風送客又匆匆過了題糕佳節白壁無媒悲按
劍詰屈羊腸九折才子多窮娥眉未嫁能憑誰
說鞭絲拂處霜林落盡黃葉苦憶尊滑秋江鱸
肥南浦鄉夢連宵接觸撥天涯遊子恨豈獨消魂
惟別班馬嘶群寒鴟成陣蹋遍千山雪驪歌漫唱
尊前且醉明月

湘月

和餅盧詹事七夕雨後見月作

姮娥僊子似羞看靈匹廣寒深鎖一霎雲開漸露
出嫩玉一鉤斜輝雪映鍼樓風飄梧井乞巧陳瓜
果清光初沐浴溶溶皓魄欲墜不堪又對新秋莎
雞鳴砌正西流大火振觸荀郎重記省舊日玉梳
鈿朶寄語東山還須善遣綸閣今虛左蒼生想望
待君作雨方可

桂枝香

春感

樓頭春暖聽新燕雛鶯嬌聲乍轉無數悶懷堆積
書籤懶展海棠初謝隨風捲漾晴空遊絲弔轉亂
紅鋪錦濃陰罨翠倩誰人管念舊日風流緣淺
沈郎憔悴羅衣寬緩把酒憑高目斷青山幾點斜

世恩堂詞集卷三

六

陽一帶平蕪遠看繁華陌上應遍柳枝低處吳蠶浴罷繡簾春晚

水龍吟

八月十八日葆飭招同武塘丁涵具同郡董

蒼水張梅巖家弟薛澱觀潮宴集小烟波

舟中屬賦

秋江萬頃烟波春申遺恨年年瀉馮夷何處問伊

知否潮生真假俗名是日彩鷁乘風銀濤噴雪奔

雷走馬問錢唐射弩廣陵彩筆誰得似君其亞

紅袖舞裙兩兩聽歌聲與波上下晚霞一抹青山

世堂詞集卷二

七

九點舟行如畫座上高朋清言雅令風光無價正

消魂無奈滿湖燈火醉人歸也

壽田髯淵先生五十步辛稼軒壽韓尚書原

韻

柴桑早賦歸來經綸漫展擎天手銓衡詩句平章

花月二三朋舊日下雲間品題月旦誰人居首更

高歌沉影劉伶李白可如是風流否况有才華

八斗擘瓊箋桐陰轉畫珊瑚數尺靈蛇徑寸光搖

電走綠髮神仙黑頭卿相滿浮此酒願百年三萬

六千歲歲爲先生壽

風流子

和餅廬詹事七夕感懷作

濕雲蟾鏡斂銀河澹鉞婦盡憑闌看流螢點點光

搖露井清香冉冉風動池蓮逢令節有多情潘岳

惆悵賦新篇天上雙星歡迎鳳駕人間別鶴腸斷

紅筵歎瑤宮僊媛棲真處縹緲路隔三千空使

悲秋才子對景生憐恨碧漢迢迢浮槎難渡靈鳥

杳杳淺浪誰填但把七襄錦字想像當年

沁園春

題大司農梁蒼巖先生孔釋抱送圖

世堂詞集卷二

八

佳氣充閭筵開湯餅門設桑弧似謝公庭下齊肩

兩鳳韋卿掌上照眼雙珠試聽啼聲知非凡器應

是公家千里駒更何羨那瑤環並美棣萼同敷

履聲遙下雲衢喜字識之無夙慧殊便僧彌法護

風流競爽封胡遏末譽望齊驅史祝多男詩歌百

福玉燕黃龜夢屢符真樂事看君恩方渥家慶堪

娛

賀新涼

陪座主在陽王公重遊中頂觀荷

池上清無暑記去年片雲初黑荷香乍吐電抹年

華驚夏半花貌臨風欲語這好景誰人領取共挽
籃輿重到此羨風流河朔群賢聚傾碧盃酒如乳
瓊箋手劈分題賦喜先生吟風弄月隨時應付
天籟何須絲竹競鼓吹青蛙兩部任賞遍鴨闌花
塢歸路玉駟銀鬃看白雲一縷峯腰補笑止有
青山古

秋懷

一片秋光裏聽西風蕭蕭落葉掃來還起問訊東
籬花放否頗憶淵明風致名字豈甘干木尾且向
閒窓翻舊帙任四時仕宦紆青紫支兩板圖一醉

世恩堂詞集卷二

九

平生本有烟霞志又誰問槐安何夢鵝籠何戲
家在九峯三泖畔自愛尊香鱸美也可抵豹胎鳳
髓倘荷君恩賜骸骨得婆娑山澤堪老矣五湖
長三山史

世恩堂詞集卷二終

世恩堂經進集序

叔孫穆子之論三不朽也曰德曰功曰言歐
陽永叔曰修於身者即不必見之事可也見
於事者即不必著之文可也然則言其末焉
者歟叔孫何以必比類而均稱也豈非德則
藉言而益顯功則藉言而益昌乎立言之體
不一有韻之言與無韻之言其梗槩也蕭統
編文選先賦與詩而後及諸雜文魏晉暨唐
諸家之編集亦然豈苟以誇藻麗導靡漫耶
亦或以鳴功象德暢聲情而諧金石張皇條

世恩堂經進集序

達褒顯發揚惟有韻之言可歌可誦耳班左
司馬之賦淵雲之頌曹劉任沈庾鮑之公讎
從駕諸詩鏡歌鼓吹諸樂府沈宋應制之篇
燕許受詔之作韓愈之元和盛德詩柳宗元
之平淮西雅莫不炳炳烺烺照耀星日其言
之足重其鳴功象德相需而莫之或輕也
今上文以爲經武以爲緯巡省以時燕享以禮茂
矣美矣非有高文鉅手言足以配乎功德者
而輕言述作吾知其難矣文章家之獎夸毗
失實者其言浮弁鄙無華者其言陋清疎而

寒儉者其言窘綺靡而緩弱者其言薄巧而傷於雅者其言佻博而失所裁者其言雜以僻澀爲奧者其言詭以幽以險固爲勁者其言悍以躁立言之難也如是哉余同年王瑁湖學士久侍

講幄每有撰著進達

御覽未嘗不霽顏稱善今彙刻其所作屬余爲序余三復讀之質實而不浮風美而不陋敷腴而不窘典重而不薄卓然矜貴以去佻妙於持擇以去雜奧而無詭勁而非悍如五章之

世恩堂經集序

二

交錯以成黼黻如八音之迭奏以叶韻韶爲之掩卷歎興而慨然於言之不可以已也德如此其盛也功如此其偉也言如此其文也此所以相需而莫之或輕也學士諸昆季皆以文學受知

主上敷歷清華海內操觚家莫不推轂而艷稱之比於漢唐儒臣如所云班左司馬氏諸家何以逾此余轉惜諸家當漢唐之代功德非極其盛而其言近誇今學士所遭之時遠過古人更爲可慶矣錢塘年姻弟高士奇頓首謹

序

世恩堂經集序

三

世恩堂經進集目錄

卷一

平蜀頌

西苑

賜宴賦

平滇雅

聖駕省方詩

聖德綏遠詩

卷二

御書頌

世恩堂經進集目錄

聖謨神功頌饒歌四十章

聖武平北頌

卷三

聖駕南巡閱河省方頌

皇太后萬壽無疆賦

萬壽詩

聖壽萬年詩

世恩堂經進集卷一

華亭王項齡瑁湖

平蜀頌有序

臣聞大一統而建中好生者聖人之德總六師而命討濯征者天子之功故陽居夏陰居冬干戈所以襄舞羽文爲經武爲緯甲冑所以贊垂裳自昔觀河拜洛之朝命扈分鼇之代飛繳風禽揮戈封豕莫不誓蒼兕而駕黃龍澄清江漢咨鷹揚而登虎士綏靖圻同況乎聖武懋昭王猷允塞象雷霆而一怒聲靈

世恩堂經進集卷一

震石紐之區建鵬鵠以三驅威命奠銅梁之宇吹律出車山關五丁之路歌風奏捷峰留八陣之圖邁伊祈丹水之征軼軒帝青丘之戰豈非遏劉大介下綏萬姓來蘇捷伐豐功上合天心求莫欽惟

皇帝陛下

協三辰而出政

調五緯以膺圖

先庚先甲燦龍卦於河宗

寅餞寅賓啓丹經乎王屋

仁心敷設章欽哉三就三居

德化格豚魚愆乃五彩五用金雞竿植珠囊與
玉鏡騰輝白獸樽開神雀並嘉禾呈瑞是以
卿雲靄靄晨映堯階甘露瀼瀼宵零舜鼎共
球遙集火山永卧之卿冠帶來王出日無雷
之域雖飛鵠尚懷集泮之音豈韓鷹輒肆凌
風之翮蠢茲逆桂敢亂天常負我卵翼之恩
恣其豺狼之性始營窟乎滇池繼構兇於蜀
道倚劔閣爲關塞方命者五年阻涪水爲藩
籬逋誅者百戰隄既殛復擁隄純思明已

世宗憲皇帝集卷一

二

誅尚存朝義爾乃鑿門建旆授律揚旌軍同
細柳之營將盡戈船之號三河俠少霧擁雲
翔八校伙飛星流焱逝翦茲檣杪無俟交綏
殄彼鯨鯢何難振斧我

皇上德弘覆載澤遠飛潛深念昆岡之火哀矜林
木之殃許田橫以來降待盆子以不死屢開
一面姑緩七旬而逆黨信信彌日煽聚奮其
螭斧抗我龍輶海鱷勾群巴蛇蟠穴妄謂蠶
叢絕澗飛橋之所難逾銀洞危巒武剛之所
莫度子璋反覆肉袒猶稽劉關兇頑檻車未

奏於是

天威赫怒神武載揚方略出

金宮指揮數玉帳三道並進鵠鵠分營百日長
驅貔貅服猛梁山之隘斯開天柱之險弗阻
一戰而漢中平再戰而廣元復峰愁廻日遂
落妖鳥關號望雲直殲驚鵠如飛如翰南凌
小劔之山爲虎爲龍西截大匡之徑木罌浮
渡不須魚鼈之梁鐵騎飛來無異鷹鷂之翼
江油度而武擔開腹心既靖渝水清而雲臺
墮門戶安支用是醜徒授首叛種橫尸罔兩
消形昆蟲覩日漢宮首宿西徧雲安蜀地餘
醜北逾褒沔錦城絲管重聆壯士之吟玉壘
雲霞再映將軍之樹青衣江永滙雲夢而恬
波金馬峰高接終南而通氣從此馳相如之
檄單車入而萬姓革心命全斌之師匹馬巡
而百蠻稽顙艦名赤雀直通斧畫之河劔似
青龍遠耀木沈之部瀾滄迢遞汎上將之樓
船蒙樂嗟峨鑄列侯之銅柱大憖殄而兵氣
消歌樂德者八極武烈揚而文謨洽頌令聞
者萬年此皆

世宗憲皇帝集卷一

三

廟謨廣運裕乃神乃聖之圖遂俾虎將同心奏
八戰八克之盛臣叨恩著作之班忻覩廓清
之烈追蹤涿鹿宏猷遠婉公孫攷迹防風卜
世遐超姒后從軍紀績私慙張載之銘拔筆
歌功願學宗元之雅乃拜手稽首而獻頌曰
聖皇馭極溟涬肅清祥符翠瀉慶協丹陵至德峨
峨神功蕩蕩東西朔南莫不王享滇逆蠢爾
虔劉南服鰐噬鯨吞塹山湮谷既罄六詔亦
煽三巴兆姓蜩蟬罔或室家

天子曰咨氓其顛越予祇天威恭底厥罰迺誥司

世憲經集卷一

四

徒峙厥芻糧迺誥司馬飭厥甲裳桓桓虎臣
肅將威命旗旄載揚笳鼓咸競响嘯既奠沅
澧既居未膏齊斧聿殪兇渠吁嗟小醜遊魂
乳臭鼠伏黃牛鳴張白狗太簇之月禡牙江
濱虎皮蒙伐鳥章織文爰開子午并靜箕谷
狃狁其遁糜芑其育遂翦南梁芟其叢棘
嶭七盤我攀我陟遂翦龍門伐其蛟鼉活活
涪江我溯我過龍門既翦從天而下籜卷蠻
山雲屯沃野嗟爾陸梁敢奮鼉怒智乏牽羊
狡謀脫兔七萃八軍赳赳業業楮鐸挺鉞騰

驤駟鐵若霆之震若飈之發窳窳窮奇是絕
是忽闐闐洞豁通奠成都大戛罔濫庶戮畢
蘇婦子言言農氓處處共樂桑蠶偕安稻黍
惟順懷德惟逆畏威百城千障稽首同歸克
曜軍容震驚大理大理頌頌昕夕解體凡此
蜀功嘉我將士將士何有命自

天子

天子曰俞崇乃丕績高爵厚祿曷其有極我

皇神聖自天視聽脅從罔治反側攸靖我

皇克寬惠澤殷流拯彼焚溺服以田疇我

世憲經集卷一

五

皇克斷弘宣義問立彼丞民迪以彝訓韞弓橐矢
貢賁獻琛純嘏昌大介祉王林有此武功以
矢文德燕翼貽謀時萬時億

翰林院編修臣王項齡恭

進

西苑

賜宴賦

序轉素商律吹西顥

天子方執矩乘兌受範握乾撫茲豫順之圖式際
泰交之會仁翔炎隲維絡咸收義殫苗荒羽
于是格雲垂赤繡炳紫極以呈輪星聚駟房
象鳳岡而應瑞允釐百度休洽庶僚上苑金
風動

睿懷之布愷玉池錦萼啓

聖度之舒和迺即九成滌暑之宮特肇千秋嘉會

世宗憲皇帝集卷一

六

之慶麗于留者爲鱗鯨工歌湛湛承以筐者
皆黼黻被服煌煌甘醴承恩銖紋煥彩藕絲
如雪楊池玉井之奇菱角翻雞鉅野曲阿之
美典逾曠代寵邁前王蓋長樂之法樽不足
方茲燕饗龍門之異錦未聞普及蟬聯晉武
華林難誇荀勗唐宗興慶詎貴蘇瓌誠堯酒
舜羹捧觴而稱

萬歲亦文端武袞受服而企九章爲希邁之奇榮
作際昌之幸遇也臣謬塵侍從濫廁班聯隨
星履於月卿陪斗杓於樞座恩流華珰敢後

拜揚響類寒蛩莫諧膺素謹抒感激敬述崇
洪賦曰

三辰北引八水西通銜霓吐蜃躩虎鰐龍腋
聯紫禁翼起紺宮珠淵珊瑚盤其麓芝房桂
觀復乎中

萬幾餘晷藻修斧德移金匱於四庫摘石經於三
雍歷赤璋而禮白琥辨吉雲而戒清風迺當
日羽四月弧偃金莖潤玉露融九垓烽靖八
極賓從燭調輝於燦爛鏡徹照於瞳眬協地
天之稱泰消部斗之爲豐爰在明良際茲清

世宗憲皇帝集卷一

七

晏府修事和宇明宙莫曼景澄鮮商容組紉
靈臺奏公卷阿伴奐禮則鹿苹魚藻之三章
樂則雲韶英莖之九變太液回波蓼蕭錫燕
詔爾百工敬位恪勤

朕懷嘉賓在夙非今樽有玉醴筭有織文飫以淳
熬佐以水珍欽哉卜晝樂我嘉賓載拜載頌
大小具欣媿踈尺寸敢辱高深於是陂依鳳
皇觀循鳩鵲蟠蜿蟠旋宛虹折若捫琅霄而
可梯度銀潢而如約逶迤屈盤炳朗熠燿綵
幄幔亭嶢榭飛閣儼倒景之彤軒隔蓬萊之

霞漢俄而待帶華衣亂舞雨濺霞風約驚
隊鷗追魚驚落耀木蘭台纓維緝沙棠兮
激灼或扣舷兮夾兩龍或穿林兮招群鶴四
顧則錦岫紺林黛嶺畫嶺臨流則紅衣碧蓋
紫綃青幕遂升

禁藥嶠屹寥廓俯首竦竚

綸綍自天綾裁雲鵠絲裏冰蠶登高明光散其采
駕文雉翼濯其鮮上則華蟲粉米之成繡次
亦黝纁楊襲之成全合以周官之六幣盈於
漢主之千端捧之有耀衣之且安肅將虎拜

黃臺經集卷一

八

遙忤

龍顏已而金沙鈿砌之間貝城琳瑯之表崇蘭香

郁圓荷窈窕百席斯張千卮通繞六飯侑先

八珍繼考銀泥之餽春綿之資陽山之稌不

周之稻既陶且鑿亦濡而滌豹胎熊掌見羹

雀臠五味異和九沸並淪更有玉鱗出自天

庖味同丙穴美過江珧銀絲雪縷玉箸冰消

若夫蘭英文草甘醴瓊漿相娛樂兮一石千

鍾而算爵咸拊舞兮拜手稽首以飛觴鏤金

鸚鵡之螺瑑玉翡翠之盤旅酬錯獻洗進擎

將載傳

天語脫略奚妨各蹲蹲而坎坎咸抑抑而鏘鏘醉
言欲舞樂且未央水芝碧蒂珍果縹囊楚淖
失其甘脆安東遜其芬芳滿貯赤瑛盤內分
攜紫艾紳傍恩膏稠渥寵澤湛汪豈同御宿
還嗤栢梁陋矣望僊應制卑哉元武宮商蓋
惟我

皇上剖神符披靈籙化始泰鴻功盈岳瀆汲道德
之淵而益深獵仁義之藪而靡足知群臣之
燭火螢輝原無補於太陽而

黃臺經集卷一

九

聖皇之玉振金聲必下收夫叢祝渺千秋兮誰駕

炳萬祀兮常昱

日講官起居注翰林院編修臣王項齡恭

進

平滇雅 有序

臣聞帝王撫世寧民翦除暴逆克奏膚功罔不播於詩章被諸絃管故商克鬼方頌揚殷武周征淮北常武升歌漢伐大宛而天馬之歌作唐誅武周而七德之樂登咸用昭宣大武傳爲歌頌矧夫

神謨鴻遠

睿慮淵凝遏亂略而康黔首弭後患而燕

子孫巍巍勲德什伯庠往牒欽惟

皇帝握符御極至德承乾典學懋勤孝思丕則湛

世宗憲集卷一

十

恩甘澍苞覆無垠廓

三后之洪圖奠萬邦以衽席和氣翔九垓而嘉澤汎

八極固已東西南朔霑濡汪濊共惟帝臣矣

迺者逆賊吳三桂詩德怙險煽誘隴蜀虔劉

荆黔七閩百粵一槎三蘖以肆蠶於南荒之

野

皇帝弗忍

上天之畀我疆土而蛇豕薦食也又弗忍南服之罹

塗炭也赫焉震武鞠旅命將六師七萃殲逆

星馳驚隴叛戕蜀逆俘閩懲鋟粵渠兇枝殫

將軍威大張賊臣鬼殛逆孽兇逃

皇帝救民水火無俾遺種以虐我黎庶於是迅卷荆湖則叛黨瓦解震擊黔土則百蠻歸命鋪敦金馬則元惡授首合圍肆討滇功告成渠魁既殲脅從罔治夫盤龍昆明之水非不深也鐵索銅鼓之險非不峻也然而

聖天子日月遐燭江岳失險每尺一之

詔下軍中無不獲醜執訊定策乎

九重而制勝乎萬里猗歟休哉自驪連赫胥以來

未有若茲之顯融炳赫者也且夫滇土之弗

世宗憲集卷一

十一

靖於今數年燎原之火撲滅匪易

皇帝憐將士暴露於外芻粟轉輸萬里宵衣求莫

憂勞密勿固非臣鄰所參預矣

上天之德大勲用集故其授律遣師川流山苞謀猷

允塞則若雷霆之震於天而莫不摧也海內

咸服

皇帝之義及其鬯布嘉祉光耀閭閻汶蒸潤乎溥海

而覃及於蠕動則若雨露之既萬族而莫不

濡也海內咸被

皇帝之仁此其功豈特烈一方而德豈特煦當代

哉書云帝德廣運乃聖乃神乃武乃文非我
聖帝其孰能與於斯然則擬諸商周則昔易而今
難也程諸漢唐則彼陋而我鴻也於以編爲
歌章登於

郊廟以彰遏劉耆定之烈以宣示無疆不亦煒乎臣

備員侍從欣邁

昇平媿不能揚扆

聖德於萬一竊撰雅詩十章以私附歌衢擊壤之

義云爾臣頊齡謹拜手稽首而

獻

世恩堂經集卷一

七

其詩曰

皇受寶命君我萬邦肅穆祇德高朗烈光自彼落

日訖於扶桑穰穰導路曰享曰王總章泣止

鼓鐘其鏜我

皇樂愷庶土允臧

蠢爾滇域誕干天紀蔓及閩粵單此棘櫛穢

穢良苗化爲稂秕

皇命虎臣率止爪士適禡而征淑旂盧矢

聖謨塞淵百蠻風靡

王旅洸洸言徂隴首隴首底平爰宣爰畝叛

渠內袒獻厥牛酒我宥其辜我磨其垢狂狁
具來曰恭奔走遂闢褒疆以通谷口

吁嗟閩海篠簜攸區我揚其武有繹三驅既
陟崇雉乃繫雄狐婉孌人士式行且酺有芬
橘柚貢於

神都有嘉螭蛤獻於

天厨

吁嗟番禺鼉鰓斯宅我宣其威莫敢辛螫維
此順則是庸是澤維彼不譴是絕是馘陰陰
桂林妖氛屏迹聿壹而同海外允懌

世恩堂經集卷一

三

譬彼伐木先剗其枝三方克敘罷虎載馳乃

楫沅澧沅澧既綏迺闢黔野黔野既釐西師

騰躍言靖汶耶戰戰枯枿涕泗齎咨

枯枿之花亦不可久狡兔之穴亦不可守桓

桓

禁旅殪渠執醜西洱南交輸賫若後天罰於昭
歲其大有告成我

皇我

皇萬壽

顯顯我

皇神謨恭默依其在

宮賁光遐域九伐四征惟

皇立極武夫之驤莫不承式穆若

垂衣究誅蠱賊克定南荒遂救百國

斯民其寒衣以燠之斯民其饑粒以鞠之災

然災肯仁而育之烝哉俊髦選而穀之施于

上下並錫厥福

至德馨香作孚

於穆

疊疊我

世憲經進集卷一

古

皇式亶德音謂天匪高謂淵匪深橐弓衅甲惠鮮

蒼黔六樂鏗鉤百禮壬林

文孫文子令聞悃悃小臣作頌億祀咸欽

右

皇受寶命十章章十二句

日講官起居注翰林院編修臣王頊齡恭

進

聖駕省方詩有序

康熙二十有八年歲在己巳春正月伏覲我

皇上念切平成

躬親閱視載舉時巡之典聿隆肆覲之文首自

郊圻歷於齊魯遵淮水而不辭荒度之勞臨

吳郡而兼省方州之俗導川濬漕源流瞭若

分眉肆赦蠲租閭閻視同一體瞻雲就日之

衆依

翠輅而思獻芹敵千敝甲之夫仰

雕輿而歡挾纊

世憲經進集卷一

五

鹵簿勿陳警蹕無設黃童白叟咸接趾於龍旂

豹尾之間簞食壺漿共拜手於七萃六師之

列草野皆得近光官方於是式序既而

遐思禹績緬想神功宜隆秩祀之儀用表追崇

之意

特移雲罕爰涖會稽陳俎豆之馨香報隨刊之

明德

顧瞻頽宇

申命鳩工

錫御筆於廟庭

賜帑金於祠戶道合聖謨事諧民願迨夫

六龍之回輦益深萬姓之瞻

天卧轍攀轅雲屯霧集同犬馬之戀主比葵藿

之傾陽雖聖帝之遊衢哲王之巡岳欽茲

令典允媿芳規臣職忝侍臣身遊

聖世媿乏揆天之筆敢後擊壤之歌敬賦巴吟

聊方里詠

湛恩弘禹甸峻德戴堯天澤共江河沛明同

日月懸貞元開寶曆制作耀星躔

聖學圖疇合

萬壽聖訓卷一

六

天章奎壁聯八荒歸版籍九有息戈鋌鳳直巢阿

閣書還出洛川梯航重譯至琛玉賁車連疏

鑿功侔夏幾康道法乾閭闔時軫念鴻鴈每

生憐祝網符湯載熏風洽舜年泰階看自正

異命喜重宣

鳳輦瑤闈出

龍旗碧漢擎千官趨警蹕萬騎發幽燕野老群

扶杖村農盡獻豸高明天共仰博厚地無邊

問俗由鄉魯觀風歷市屢情真殷補助澤更

滿桑田翠映秦松色晴凝漢栢烟

賜金崇岱宇

染翰錫珠泉南國雲霓望東齊雨露鮮六飛經

海滋七萃度山巔

宵旰勤行幄驅馳却細旃濁河流浩瀚淮瀆響潺

湲排決憑

宸算平成稟

帝詮窮源還立馬測土一停鞭競識

天心切咸驚

睿慮全安瀾功卓爾沈璧笑徒然書軼龍門著渠

勝鄭國穿洪波方脉脉百谷自涓涓豈待淇

世憲聖訓卷一

七

園竹無愁橫海鱣輓輪紛玉粒舸舫集河壩

自有龍威助寧同精衛填玉書勞

指授金簡獨窮研偉績超三古訐謫陋五遷一方

登衽席萬姓免迍邐從此恩膏徧誰云惠澤

偏河干還至止江岸更洄沿紫氣瞻騰布

龍舟望蜿蜒壺漿胥拜獻歌祝競喧闐

清問時憑輦

周咨輒艤船窮檐甦疾苦委巷解憂煎曾見刑幾

措重逢賦屢蠲

絲綸輝北極桑柘蔭東阡世泰官符簡村閒野犢

眠淳風期太古薄俗務三瀦師儉奢浮黜興
仁禮讓先慙遷商不困息訟吏知悛起化先
庠序崇文貴簡編藻芹榮泮水棧樸起青甌
恩已周縫掖仁尤恤劍峇行間歡甲冑太府
出金錢宥過園扉樂寬文墨綬便頌聲騰部
屋喜氣溢貂蟬熙皞臻懷葛逍遙類倅禽
魚咸自若草木亦爭妍慶讓甄群牧生成秉
化權聲靈欽赫赫彰輝頌平平治賞中牟異
才思渤海賢何當集鸞鳳務在逐鷹鷂率土
皆函蓋洪鈞大轉旋省耕追哲后入海薄神

世憲經集卷一

六

僊爰企塗山近難忘禴祀虔越峰螺黛滴浙
水潏紋娟正值蒲芽茁相看春鳥翔湖光晴
漱灑草色鬱葱芊俟後來蘇切瞻雲望幸專
千膳滋瑞麥九畹發香釜式序歌時邁優游
頌有卷和風吹廣陌惠日照深淵皓首懽還
舞黃童喜欲顛車書來玉帛禮樂燦瓊筵肅
穆陳鐘鼓精誠列豆籩隨刊功照耀漸被德
纏綿宛委藏書在蘭亭勝事傳梅梁懸
御筆松栢煥修椽駿業龍門峙鴻猷禹穴鐫千
秋垂矩矱萬禩絕攀緣忽聽回

鑾輅無由駐錦鸞瞻依心戀戀感激涕漣漣卧
轍鸞音緩攀轅馬足牽晃超何絡繹鴈集更
翩躚邑里馳冠蓋川原集胾胙望塵爭額手
遮道自摩肩多壽封人祝含鋪壤父前恩波
千頃濶瘡痍一時痊景運洵超矣昌期獲覲
焉金湯占鞏固曆服慶縣延道德高三五春
秋紀八千卿雲光錦絢景曜象珠駢奎藻橫
銀漢龍翔艷彩牋萬方同仰止庶彙畫陶甄
王路原平直苛條悉棄捐化深徵格被道在
凜風愆快覩珠囊正欣瞻玉鏡圓承恩超

世憲經集卷一

九

絳闕待詔立花塲縻祿真無補叨榮忝備員藜
光分太乙燭影傍金蓮覆載隆仁渥松筠素
志堅臨文思握槧授簡願懷鉛敬獻南山頌
深慙白雪篇

進
日講官起居注翰林院侍講臣王頊齡恭

聖德綏遠詩有序

我

皇上御極之三十年聲教誕敷德威遐暢仁風溥
穆義問昭宣修六府而敘九功綏萬邦而孚
下土是以定傾誅暴遠至邇安火山水寓之
鄉爭朝邊候浴日無雷之國盡隸職方矣惟
是喀爾喀者遠居荒服素奉享王屬因與國
之構爭遂致部人之失所

皇上天地爲心日月並照不忍一夫之弗獲思登
萬國於咸寧曲賜帡幪俾安衽席窮憑陵之

世宗憲皇帝集卷一

三

小醜仰藉

天威普浩蕩之宏恩欣霑

聖化因之款塞求屬頓顙來庭比邊鄙之外臣率
要荒之貢職在昔越裳奉雉南楚獻琛譬此
風猷詎能彷彿蓋貳征服舍雷霆雨露兼施
伐叛招攜秋肅春生互用

念遐方之恭順特示懷柔

慮種落之紛紜宜昭法度迺誅吉日爰

駕鑾輿命我象胥詔諸蕃而載見朝於

行在合方軌以來同於是慶賞刑威共凜

天顏咫尺兼之存亡繼絕式昭

聖度恢弘出

內府之金錢恩流渤澥給

尚方之醪醕澤及枯麥婦子熙熙依

龍旂而拜舞軍民皞皞望

豹尾以歡呼或予新銜或仍舊爵星羅碁布科

條悉本

天朝編戶分屯規制一遵

時憲長爲屬國永作外藩乃

睿算周詳欲俾遵王而保世故

世宗憲皇帝集卷一

三

王言諄復不啻後甲而先庚仁育義正之規炳如

星日懷德畏威之念凜若冰淵

巡省既周

翠華斯返小大稽首呼嵩響震千軍童叟迎

鑾就日懽騰萬姓

威靈赫濯不數七德聲容

治化綏和直並兩階干羽揚

耿光於

九廟

聖祖居歆輦

寶曆於萬年

神孫善繼伏惟

皇上巍巍至德媲美勲華蕩蕩鴻猷同符蒼昊東
漸西被化愈遠而彌周北變南諧人無思而
不服遐溯分釐之代庶匹隆徽載稽命薦之
朝差方懿烈此真皇王之極軌書契所未聞
者矣當夫漢通大宛天馬作歌唐服淮西金
石紀績矧逢

盛世攷後廢揚臣東觀散材西清末品不揣固
陋敬賦里詞媿乏挾天之華竊附擊轅之義

世恩堂經集卷二

三

謹拜手稽首而獻詩曰

聖德高千古

皇威暢八埏殊方欣執玉重譯識朝天干羽虞階
格風雷禹甸宣止戈尊

廟算洗甲事春田一章

由來荒徼外叛服性難馴一自霑

王化相將奉國珍款關求內屬保塞作邊臣赫濯

真無比遐哉絕域賓二章

玉輿臨朔野方軌盡來同婦子擎牛酒王公獻馬
醴周宣寧比績漢武詎稱雄從此聲靈遠天

山好挂弓三章

帝心嘉向化命爵拜降王外域分都護中樞稟

廟堂賜尊流玉液錫袞被龍章拜舞

天恩渥仁風扇遠疆四章

澤已敷荒裔恩尤到式微剖符延絕世立國
仗

天威草木含春意山川戴德暉齊聲呼

萬歲爭送

六龍歸五章

漢法惟三約周官有六條先庚頒

世恩堂經集卷一

三

帝命令甲凜

天朝侯度和鸞叶藩封帶礪遥萬年稱屬國耕

鑿戴唐堯六章

六師張

聖武七萃耀軍容韞韞風雲壯鉤陳虎豹重塗山

修職貢甫草頌車攻震疊同時邁還應勒岱

宗七章

萬乘回轡日干官夾道迎繪圖王會遠偃革

塞煙清

聖祖英靈慰

神孫絕述成遙知億萬載長觀泰階平

八章

日講官起居注翰林院侍講學士

臣

王頊齡恭

進

世恩堂經進集卷一終

世恩堂經進集卷一

香

世恩堂經進集卷二

華亭王頊齡瑄湖

御書頌

有序

蓋聞天象昭垂寰宇貫星河之彩

帝宸魏煥垓垓全

雲日之光衍龍畫於丹文義圖闡秘綴螺書於
碧篆禹鼎銘功道脉開而學海滙流德輝被
而藝林動色泐湯盤之九字玉版焜煌頒漢
札之十行銀鈎璀璨自來騰茂蜚英之代必
具聖能天縱之才洪惟我

世恩堂經進集卷二

皇上

璿曆凝符

璠樞叶泰

續千聖百王之緒苞括統宗

披七畧四庫之書研綜奧蹟

樂華禮葉蔚爲治世之文章

地緯天經運作靈臺之杼袖每當

綈几視朝之暇以及

黼帷命講之餘

崇論掃榛蕪煥典謨于懸象

正聲諧韶濩進騷雅以扶輪

鑄金石則六經不刊

朗魁衡而四表皆燭

聖製永垂於玉府

天書更煥於奎鉤窮十體之源流遐追鳥蹟考八

文之派別旁覽鶴頭

琅函之芝氣蒸雲

錦帕之墨香霏霧珍藏千五百卷採擷精英品

隲一十九家規程典則既尋微而摘隱爰入

聖以超凡山鑑冕

世宗憲皇帝集卷二

二

螭陛之煙簾鈎紫竹

宮硯灑龍寶之汁牋擘紅桃一架珊瑚玉軸金

箱並彩千床翡翠縹囊緗裘齊輝

睿思凝而渤澥蟠胸

神鋒拔而星辰在手磅礴飛雲之構碧落虬駭輕

濃曳練之形丹山鳳泊盡啓籓倉之秘旨直

排羲獻爲後塵泮水芹宮長覩

瑶稜之拂漢名山勝地每瞻

卿藹之騰暉更因撫臣請額之題遂

頒豫省擘窠之扁蓋蒿峯二室居五方岳鎮之中

央淮水三洲作兩戒山河之表裏奠懷襄於

四載力殫沉災闢楊墨以七篇功高衛道各

有廟靈之赫奕允資

宸藻以表章於是濬發

淵衷淋漓

寶翰削曉空之翠壁卓立針鋒激瀉海之洪濤渺

瀾波勢縱橫盡變得夏王疏鑿之精神勁正

無欹具孟氏嚴凝之骨幹萬象縈迴於字裏

百靈出沒於毫端挾風雨以爭飛疊雲霞之

變態規模壯麗十重之陛戟森陳氣體鬱蒼

世宗憲皇帝集卷二

三

千丈之嶺松環帶儼雅若迎書拜範玉色金

聲鮮妍如映日含風瑤柯瓊葉分懸一室有

似滄溟均體之尊合貯同堂恰符堯舜傳心

之數飾巍巍之瓊榜月壁星珠映赤葩之璇

題日暉川鏡懸針垂露祥光霏五色之雲溫

洛榮河珍貺啓萬年之瑞臣項齡恭逢盛際

謬點清班長養春風徒切恩私於小草流行

品物欣承敷貢於

大鈞最影吳淞觀

龍鸞而已後瞻

天魏闕跂

琬琰以常新運夷摘毫愧揚厲鋪張之不盡傾
蠡測海覺

聖神文武之難名謹拜手稽首而作頌曰

於皇

聖清景運邳隆五辰凝績八表從風偃革環海講

藝辟雍文治光華騰輝昊穹惟

帝宣聰統兼治道

萬幾餘閑圖史攸好典墳丘索帙繁卷浩披抉
肯綮研搜閭奧商皇

世宗憲皇帝集卷二

四

制作凌商轍周上追唐虞與二典侔告功勒成賈

無匹儔誦習流傳裨海瀛洲

雲章有煒

奎翰逾絕八法兼精六文首出穗書雲篆義畫頡

跡下逮鍾張派分源一

法宮休宴日朗天晶綵函錦帙適志娛情硯沼沈

碧鑪烟泛清犀管在握鸞牋載呈誕濬

淵衷聿舒

雄藻意在筆先思周象表晷緯明概波瀾浩渺詣
極超倫入功天巧宮牆綽楔高揭嶙峋靈祠

傑宇分

頌翠珉字勢雄強弩發萬鈞蛟龍盤擊榮光燭景
相彼中州伊洛環衛淮居四瀆嵩呼萬歲神

禹決川豐功顯懿亞聖遊梁遺徽勿替封疆

守臣請錫

天葩爰標榜額揭德攀華奮雷抉石印泥畫沙囊

括萬殊陶鎔百家泉注山安星鈎日角筋骨

中涵鋒銳外爍太極凌雲芳風未邈引喻

瑤章前賢有作璿題高擢七曜經天吉雲瑞霧繚
繞垣躔華棖朱拱辟合珠連軼美三台流芬

世宗憲皇帝集卷二

五

億年蟣蝨小臣夙叨珥筆重入修門仰瞻

御墨

堯醲舜薰鋪陳罔極作頌揚休書林永式

日講官起居注翰林院侍讀學士臣王頊齡恭

進

聖謨神功頌有序

康熙三十有六年

皇帝親征噶爾丹

車駕三臨塞外

天威震絕漠逆黨皆輸款內附凶渠惶怖自引決

獻捷

太廟蒙海鏡清九垓砥平臣民雀躍歡抃莫不頌我

皇上大智大勇爲千古帝王之冠也臣則以爲我

皇上之大智大勇皆本大仁之心以出之故不特

超越三五而量與

世宗憲皇帝集卷二

六

天齊也蓋

天心仁愛下民而豺狼竄竄爲民禍害者不能不

兼生並育惟賴

大聖人爲之彌縫禽獸俾無遺種然後天下得安

居樂生耕食鑿飲是以

聖人雖讓善於

天而

天不得不讓能於

聖人臣請推言

皇上之大智大勇所以本於大仁是以超古帝王

而同量於

天者自三逆平而

恩膏匝域中臺灣定而

德教流海外俄羅斯服喀爾喀臣而西北絕塞

萬里地皆沐

帝澤霑

聖慈固爲圖牒所僅見已噶爾丹生至仁之世獨

昏瞶頑獷不臣不庭侵凌我外藩窺伺我邊

境是天下之大不仁也就其與喀爾喀構怨

爲詞磨牙相伺亦既傷生害衆罪當誅勦况

世宗憲皇帝集卷二

七

詔諭屢頒抗不服從虐焰狡謀殆不可測

天固欲殛之久矣

皇上仰承

天意恭行

天討

王師數十萬

自將親征群臣之受驅策者知

皇上以仁天下爲心莫不賈勇而爭先四方之効

輸將者知

皇上以仁天下爲心莫不急公而恐後塞外小民

知

皇上以仁天下爲心莫不擁

屬軍而望拜諸藩部長知

皇上以仁天下爲心莫不趨

帳殿而歡呼川祗嶽靈知

皇上以仁天下爲心爲之出飛泉而滋茂草雨師

風伯知

皇上以仁天下爲心爲之開

輦道而滌邊塵

昊天上帝冥鑒觀知

世宗憲皇帝集卷三

八

皇上以仁天下爲心爲之鼓太和消沴氣先機而

導順應念而告祥而我

皇上則曰予既以仁天下爲心其曷敢自暇逸於

是憂勤惕厲焦心勞思自奉以菲薄不堪而

體恤臣工撫循士卒輯寧屬國招徠降人軍

令之森嚴兵謀之變化萬幾立斷百慮并營

股肱腹心不能少佐前籌之萬一迨夫

廟謨大定賊情盡得落距脫角撫背扼吭絕其乞

援之塗斷其遁逃之路瞭如指掌應若合符

尅日計功不差晷刻天下灼然服

大聖人之智勇而我

皇上仁天下之心至是而始快慰也

六飛一出

駐蹕黑魯倫河壯騎直前勁兵截擊而賊徒之

俘斬者十七

六飛再出

駐蹕鄂爾多斯潛運奇謀廣布恩信而賊黨之

款附者十九

六飛三出

駐蹕狼居胥山天人協心鬼神助力泰山壓卵

世宗憲皇帝集卷三

九

霜飈掃枯而賊子先擒賊渠授首餘衆稽顙

厥角乞哀請降噶爾丹之部落亡矣此一賊

也梟張漠北令我塞外不安是一方之害也

釋今不治則將如周之玁狁漢之匈奴其勢

日張不能無征繕繹騷擾及天下害貽後世

我

皇上浹歲之間盡行撲滅邊庭無寇患而仁及一

方郡邑無徵發而仁及天下河清海晏民庶

誠和衅甲包戈

子孫蒙業而仁及萬世蓋堯舜猶病而

皇上之仁無遺育

天地有憾而

皇上之仁無偏覆臣所謂超古帝王而同量於

天者不信然哉夫生

大聖人之時邁此仁及萬世之

豐功盛德而勿克鋪張揚厲爲罪實大臣項齡

備員侍從向荷

恩私今方需次詞曹按筆颺言懼情萬倍文辭弁

鄙滋切悚惶謹拜手稽首恭撰

聖謨神功頌一篇饒歌四十章以

萬壽聖集卷三

十

獻頌曰惟

天仁覆萬物並生惟

皇仁育萬邦咸寧一夫失所予辜自責忍令斯民

櫻此蠱賊瞻彼漠北荒裔無邊諸蕃互倚百

族旁連食味別聲皆吾赤子懷保惠鮮恩膏

浹髓誰何小醜秉性凶殘長鯨竊踞雄虺陰

蟠啄害生靈職爲亂首屬國告哀

天誅可後

王師百萬鐵甲雕戈彩耀白日光磨絳河

豹尾鸞旂從天而下

黃鉞親征五雲拂馬偏遠賊壘破敵兵僵尸

谷滿馘耳山平鳥散爭先狐奔不恥屬幕奚

存龍祠盡祀哀鞠凶黨包藏禍心

恩諭數頒不懷好音惡草留根卒傷嘉穀破鏡移

巢終吞弱肉芟除斬刈惟斷乃成用堅

廟算更淬

天兵玉塞

西巡銀州北顧朔雪霄霏河水曉渡戎機

自握

壯畧頻抒馳戰士山積軍儲間諜鉤奇

萬壽聖集卷三

十一

絲綸懷遠部長輸忱蕃兒送款獸饑尚搏兔狡空

藏逃誅寒沍遁跡窮荒

車駕言歸駐師截擊絕幕擒生剋期盡敵仲春

伊始

御輦旋行三臨邊地屢踐朔庭天上震霆雲中

激電掎鹿千蹄批熊萬箭已禽虜轂肯縱封

豨積惡既稔盈貫當期廿載渠魁一朝糜爛

引藥軀亡竄荆徒散洞開蠻貊淨掃龍沙凱

歌共唱振旅無譁日逐稱藩呼韓稽首威懾

群蠻誅行獨柳天西貢玉磧北消烽田官遠

設亭成遙通寰宇昇平蒼生樂育千葉蒙休

萬春禔福

德洋恩普

治定功成赫赫我

皇煌煌

聖清超前詰王與

天爲一仁心則同而功倍百閔休偉績萬古

一人大智大勇歸於大仁

饒歌四十章

我

世宗憲皇帝集卷二

三

皇除暴爲安民伐扈征苗古莫倫四海共瞻無競

烈萬年同樂太平春

其二

小醜鴟張亦有年鄰蕃弱肉恣狼涎告哀乞

命歸

仁聖忍使邊氓困倒懸

其三

汪汪

聖度本如天

鳳詔曾聞出九邊鷹眼陽春難遽化泥沙屈強

歲時延

其四

天王赫怒震霆威下

詔親征黃鉞揮韞韐作師先誓衆六軍踴躍赴

金微

其五

書生原是不知兵爭止

鑾輿絕塞行誰識

廟謨多遠畧功須自將始能成

其六

世宗憲皇帝集卷二

三

千箱轉粟賊車攻雲錦還看萬騎同士馬飽

騰爭奮勇盡思滅賊奏奇功

其七

鐵甲瑯戈耀日明西風獵獵捲霓旌軍容水

有吾

朝盛

天子新開細柳營

其八

刁斗分明壁壘堅風雲變化妙無邊陣圖指

授經

宸算直似軒皇涿鹿年

其九

跋涉關山雨雪寒

拊循虎旅盡生歡更聞與士同甘苦

尚食終朝進一餐

其十

龍沙春月凍猶堅昔宿青青匝道邊自是天

心來助順更看磧裏湧甘泉

其十一

百萬

世憲經集卷二

古

王師動九天直過瀚海勒燕然當年漢武稱雄

主但論單于自待邊

其十二

萬乘親臨朔塞驚醜徒喪膽欲逃生烏啼幕上知

皆遁鶴唳山中恐是兵

其十三

六龍逐北奮

天威輕騎長驅疾若飛預

勅嫖姚要去路肯容蟻賊隻輪歸

其十四

天山積甲與雲齊京觀長留瀚海西奏凱軍
中呼

萬歲邊方從此息征輦

其十五

閼氏陳斬醜渠亡甲仗牛羊委道傍沸鼎遊
魚危幕燕惟餘喙息竄窮荒

其十六

井底鳴蛙可待僵猗與

廟算特周詳堯天那許風禽暴急掃妖氛靖八荒

其十七

世憲經集卷二

古

西塞深秋凜朔風

六飛遠駕再臨戎

指揮玉帳兵機密扼險招携賊困窮

其十八

困獸饑來難自存輒思螳臂犯車輪驚看頗
牧當關立虎士如林狐鼠奔

其十九

紛紛羽黨盡輸誠爵賞爭思馳義榮虫霧忽

開

堯日朗從今喜作太平氓

其二十

朔雪霏霏

帳殿寒山川跋履不辭難總緣

念切求民莫黷黷除來萬姓安

其二十一

千蕃稽首共迎鑾

翠輦西巡萬姓懽桐酒

行宮爭獻壽來朝何止一呼韓

其二十二

諸將星羅

世憲經進集卷二

六

調度明嘉平

聖駕始旋京羽林熊虎屯雲內留待春和乃濯征

其二十三

夾鐘初應仲春時三度

臨邊統六師

親挽雕弧平漠北金甌萬載鞏丕基

其二十四

渡河越嶺歷巖疆

鑾輅親巡抵朔方父老瞻

天環馬首乞留

御筆鎮西涼

其二十五

封山漢代到狼胥歷禩流傳艷史書

聖世版圖天廣大競看此地

駐鑾輿

其二十六

遠蕃効命獨爭先孽豎俘來獻

幄前萬里檻車傳塞外會觀朝市盡歡聞

其二十七

狐羣回面盡傾陽悔罪成求奉享王醜類參

世憲經進集卷二

七

商親戚叛孤豚寧敢再梟張

其二十八

窮猿號木已蒼黃又見

天兵八網張自分禍來先引決廿年巨寇一朝

亡

其二十九

絕漠窮奇惡貫盈磨牙與國虐群生

昊蒼欲殛凶渠久還賴

天王手削平

其三十

禦邊自古無長策惟有羈縻示不臣喜觀
聖朝功德盛諸蕃款塞盡來賓

其三十一

封豕殲來王塞清邊烽不動坐銷兵六軍齊
唱平戎曲共擁

鑾輿入帝京

其三十二

廟算從來斷乃成我

皇智勇本天生決機料敵如觀火群策奚能佐

聖明

世宗憲皇帝集卷二

六

其三十三

萬里扶桑喜掛弓勞還杖杜樂春風方開勝
閤行軍賞常武爭推

天子功

其三十四

獻功

九廟慰求寧

聖德光前克紹庭自是

神孫能善繼觀揚

列祖布威靈

其三十五

典禮輝煌喜氣融

慈寧徽號特加崇普天臣妾同瞻仰

母德思齊

聖孝隆

其三十六

隆猷炳燦冠前王

鴻號應同日月光但願

天慈俞衆請

聖神文武並陶唐

世宗憲皇帝集卷二

七

其三十七

犁掃

鴻勳軼漢唐史臣載筆紀應詳大書深刻藏金匱

萬禩蘭臺翰墨香

其三十八

呼嵩舞蹈溢班行送喜還看賀萬方放馬歸

牛今又見春風四海樂耕桑

其三十九

紫詔封泥出

鳳樓徽靈河伯盡懷柔八方共沐

恩波潤草滿園扉玉露流

其四十

曾忝

彤墀侍從來三年需次望芸臺祈逢

駿烈義軒上愧乏昌黎紀述才

日講官起居注翰林院侍講學士臣王頊齡恭

進

世宗憲皇帝集卷三

三

聖武平北頌有序

臣

聞天生五材干戈所以參舞羽武有七德
甲冑所以佐垂裳故合萬國以朝宗無外者
聖人之烈統六師而聲討既平者天子之功
自昔觀河拜洛之朝命扈分鼇之代飛檄風
禽張弧日羽莫不奮揚大武殲嶙額於青丘
剗剪不庭截修蛇於丹水殷宗濯濯捷伐鬼
方姬帥洸洸徂征江漢封狼居而禪姑衍史
流大漢之聲平劍南而服淮西碑紀有唐之
績況乎躬膺韞韞七萃以霆驅親總貔貅
掃五庭而雷震征無不服聲靈訖鷄塞之遙
戰必有功威命暨龍城之遠豈非純熙大介
下綏民命來蘇赫濯鴻功上合天心求莫欽
惟我

皇上

握珠囊而御極

纂金鏡以膺圖

德輝遐燭王屋啓其丹經

協氣旁流河伯呈其龍卦

先庚先甲劼愆瑤齋

世宗憲皇帝集卷三

三

寅餞寅賓欽承玉曆

至仁浹葭葦

大信格豚魚

封三泉之府茂草鞠於園扉

恪五時之文燿火通於泰壹

膏流舜壤霏霏甘露之珠

化浹堯衢霽霽卿雲之蓋周官八伯奉瓚同歸

禹貢九州挹樽遙集乃至身熱頭痛之邦繩

行懸度之道火山冰卧之鄉出日無雷之國

咸稽首而稱臣妾悉請命而獻共球乃有厄

世憲經集卷二

三

魯特噶爾丹者性同樗杭行類窮奇逞豬突

之猖狂夜郎自大恃龍荒之險遠南越稱雄

猜忍而恣睢兇虐而反覆嘯號青犢薦食鄰

封糾結綠林憑陵異域始也兎惟營窟溪壑

之欲難盈繼而虎乃負嵎爪牙之毒漸恣惟

是喀爾喀初爲荒服之外蕃近作

天朝之屬國彼乃輒圖鼠竊以厭狼貪妄謂絕

徼難以懸車豈知神兵直同飛隼然而

皇仁浩大

帝度含弘趙佗不懣猶馳陸賈之書印祚未歸尚

命相如之傳乃逆賊尾狐百變首鼠兩端外

示乞憐中藏巨測率其蜂屯蟻聚之衆時爲

鳥集獸散之形干紀虐民惡浮於鑿齒好亂

樂禍罪倍於形天真三辰之所不佑九伐之

所必懲於是

天威赫怒

神武載揚大戒六軍鼓勵諸將挺鉞搢鐸期掃天

狼伐鼓鳴鉦誓清妖字責諸數千隊人擎大

夏之刀蠅衛億萬夫家控碣石之弩朱纓貝

冑曜赤日而騰紫烟黃鉞青旗映蒼山而披

世憲經集卷二

三

翠靄連機飛礮光同掣電流星三屬犀渠堅

似縲金浴鐵凡此甲械之精剛愈覩軍容之

整肅猶

念轉輸千里或來庚癸之呼饋運連箱恐致閭閻

之困

特頒公帑爲贏糧給餼之資不費民財無輓粟飛

芻之擾是類是禡建鵬鵬以

親征匪紹匪遊統熊羆而于邁在廷臣子聞

命悚惶稽首上言交章留

駕我

皇上神謨廣運以攘外爲安內之圖

睿斷周詳謂暫勞乃永寧之計

六飛迅發如江如漢之師四道並征爲虎爲龍
之旅爰長驅而直指更按部以止齊風清玉
塞庸髣之方軌來同日麗金城蕃漢之師徒
畢集紫蓋輪囷於牙上天地效靈甘泉獻沸
於磧中山川助順

御旌門而饗士甘踰接轡

巡部伍以撫軍溫同挾纊更較

尚方之膳卒乘皆還同衛士之餐饑寒必恤

世宗憲皇帝集卷二

吉

是以烝徒感勵爭奪薰以先登萬壘歡呼並
拔蚤而首奮爾乃重申

明命復飭戎行若者統八校伙飛之衆建旗鼓以
陷前茅若者總三河俠少之徒張聲援而襲
後勁若者稱千敵甲瞰危巒以右乘若者礪
刃橫戈遵長川而左翼迴盤山岳分龍虎之
奇形開闔風雲極鸛鵒之變態飛鶴而率然
圍合揚麾而舉比群登震砲與空谷雷鳴飛
矢偕落星馳迅赤兔朱龍之騎咸驚天半飛
來騰蛇白虎之幡共詫地中湧出醜徒喪膽

兇黨號魂倒戈棄甲望草木而皆兵拔旆去
旗聽鳥鳥而知遁我

皇上馳師逐北輕騎追奔皇皇碩鼠求穴無門噉
噉歇驕搖尾乞命邁漢皇之自將但諷單于
同軒后之北征遠驅軍粥大將軍費揚古等
仰遵

聖算早截歸途獸駭魚驚雷震武安之瓦星離雨
散甲齊熊耳之山乃蝮蟒纂纂尚鳴張而跋
扈狂狁藉藉猶螳臂以當車用是布水上之
軍淮陰侯之制勝據山頭之險馬服君之出

世宗憲皇帝集卷二

吉

奇鏖戰雲昏亂截九頭之虺追鋒擣卷橫驅
百尺之妖相柳臺前大鹵之池盡赤蚩尤塚
畔平原之草長殷殄不世之兇渠日星重朗
殪滔天之巨寇邊鄙永清奏凱三陲人唱平
戎之曲獻功

九廟家傳破陣之歌從此衅甲櫜弓武烈揚而文謨
洽輸琛貢雉榮光溢而兵氣消此皆

帝武懋昭裕乃聖乃神之業用俾方隅蒼生享
年卜世之休也臣需次金門欣逢

駿烈封山紀績愧無班固之銘揆筆歌功願學宗

元之雅臣項齡謹拜手稽首而獻頌曰

聖皇御極八表肅清汜濫庶類保乂群生巍巍蕩蕩

峻德難名東西朔南罔弗來庭蠢茲小醜誕敢肆逆鯨噬鯨吞腥聞禹跡崛強遐荒跳梁沙磧戕我外藩恣其辛螫

天子曰咨氓其顛越予祇天威恭底厥罰通禡而征封豨攸馘西戎即敘莫茲九域迺詔司徒峙厥糗糧迺詔司馬飭厥甲裳矯矯虎臣時維鷹揚執爰敬干以從我

世宗憲皇帝集卷二

美

皇維彼臣工咸曰小腆

命將出師無煩

玉輦

帝曰咈哉朕志已斷剪茲猘貊時不可緩鉦鼓載振山鳴谷動八陣既張三籌悉中遂

御戎軒以勞厥衆分食同餐甘苦是共

天眷我

皇靈貺山川爰踰瀚海地湧甘泉名王蕃長稽首而前周覽軍容懾息維虔有繹三驅采入其阻靈夔若雷張皇號虎蟻賊奔潰若魚在釜

百萬

王師從天而下

天子曰俞予弗忍殺誕布

赦書脅從罔及哀哀群醜面縛求活取殘救焚昊蒼同德維茲巨憝望風潛逃我

皇奮武逐寇連朝跋履險阻曾不憚勞阪泉涿鹿雄風並高皇哉

天兵疾如驚鶚相彼脫兔踉蹌怖愕牛羊棄野甲仗委壑惟其喙矣竄匿絕漠桓桓將軍夙承

世宗憲皇帝集卷二

美

廟算遏其西逸驚禽就獮是擒是縱是剋是戮妖霧千尋日晶風卷猗與

神功惟斷乃成匪曰究武通求厥寧而今而後偃革銷兵漂唐流漢績莫與京

天子明聖濯征弗順朔塞永清玉衡是正億萬斯年受

天之慶小臣素筆賡颺

保定

日講官起居注翰林院侍講學士臣王項齡恭

進

世恩堂經進集卷二終

世恩堂經進集卷二

三

世恩堂經進集卷三

華亭王頊齡瑯湖

聖駕南巡閱河省方頌有序

臣聞帝王之治天下也欽崇天道勤恤民隱
法乾行之不息宵衣旰食早作夜思不肯一
日逸於民上此聖人之承天也普離照於群
方博訪周咨勞來勸相惟恐一夫不得其所
此聖人之憂民也虞帝巡四岳夏王會萬國
周天子時邁庶邦式序在位凡以體昊天其
子之義慰敷天衷對之忱以宣上德以通下
情以裕國脉以固邦本古哲后明王未有深
居簡出坐語垂裳任閭閻之休戚者況當太
平極治之世而邁生民未有之聖主乎欽惟
我

皇上文武聖神聰明睿知義征不諛仁育群生曩
時平三逆取臺灣

命將出師

御九重而制萬里頃者服喀爾喀誅噶爾丹
仗旄秉鉞統六軍而犁朔庭由是蠻徼安於衽
席海島奠於版圖荒沙大漠就理於疆索蓋

世恩堂經進集卷三

一

我

皇上之綏輯邊陲爲之式遏寇虐生全長養之者如此乎其至也九域以內六服之間旱澇因乎天穰歉視乎地勤惰奢儉由乎人是故貧富不齊苦樂殊致而

法宮明廷無微不燭賑荒平糶開倉發帑免十年之稅蠲百萬之租靡歲不下

德音渙

明詔至封疆大吏郡邑有司遴選詳慎

誠諭諄切莫不怵心惕志仰承

意指我

世宗憲皇帝集卷三

二

皇上所以拊循兆庶爲之振救之絕涵濡潤澤之者又如此乎其至也所以三靈協應百嘉暢遂外則繩行懸度之國貢琛而輸賚內則山巖海陬之民簞齋而橐送消烽罷燧閭閻無桴鼓之警耕食鑿飲田里收樹畜之利所謂帝世如春而王民皞皞者不信然哉而我皇上履全盛之時撫郅隆之運敬天也益至勤民也益切環顧東南皇然咨警

念財賦者

國家之脉而河漕者財賦之樞也河流湍悍自古爲虞旁鬻則損民居中淤則阻運道疏築啓塞機宜百端雖屢

飭河臣

指授竅要而濱河士民日望

至尊親覽情形以決百全之策其可忍置膜外不爲省憂於是揆古制諏令辰

南巡江淮爲民興利除害又念德教加於百姓而愛敬盡於事親子育元元莫先孝養爰祇奉皇太后鸞輿同幸用展晨昏之定省用弘錫類之

深仁益

世宗憲皇帝集卷三

三

大聖人之綢繆乎國計民生而恪謹於天經地義者如是抵淮之日測量水勢相度地形具得又治之法去曲防以順安流築長堤以拒奔潰挑雜沙以刷壅滯束大捷以障濫溢疏旁支以導脉絡塞決口以峻防維節宣蓄洩之宜緩急先後之序悉衷

宸算俾河臣奉以從事行見安瀾奏而永利收神禹隨刊之績無以加於茲矣

閱河既訖三吳兩浙之士民望

六飛而叩請者日以億萬計蓋

車駕曾兩巡南國膏腴澤厚故爭翹首企踵覲
沾湛露於無窮也

皇上乃俯徇輿人之請下邗關涉瓜步少憩於吳
閭暫休於武林迴舟泊乎浮玉停鑾眺乎建
業省方設教問俗觀風納賈陳詩行慶施惠
民瘼無不求群情無不豫然後循淮楚而道
徐兗沂津門而返

帝都焉是役也一出而兆人安一舉而衆善備
請得而颺言之奉侍

世宗憲皇帝集卷三

四

慈寧導和介祉凡涉江河必先行

審視然後奉

聖母而行每遇佳山勝水必請

登覽

步行扶輦務故

權輿經所謂一人有慶兆民賴之

聖人之孝治也儀衛簡便自具儲峙寸絲粒粟不

煩供億且

嚴飭扈行群官勿通覬遺并

誠毋得有所繹騷所以

翠華賁臨日中之市不改隴畔之耕如故塗歌

邑誦接於

行幄

聖人之儉德也截留漕艘二十萬減價平糶以甦
淮揚因放免二郡之租兼及鳳陽同被水澇
之地又捐江左累年之逋賦以及淞中免釐
使加增之羨餘以贍關課宥長吏令丞之小
過赦愚氓註誤之宿愆

世宗憲皇帝集卷三

五

聖人之仁澤也他若祀明祖之陵園示天下以厚
優大臣之體貌獎群工以忠錫賚及牧伯而

廉勤者勸褒嘉及故老而退休者感從官荷

奎章之賜而鵷鷺踴躍專閭沐

雲漢之光而干城激昂生徒增額以廣厲學官

卒伍頒賞以振飭武備皆

聖人感人心厚風俗盛德大業之所流形而東南

一隅沾被獨深者也敬天勤民於是乎極矣

臣生長南邦忝塵東觀勿克同桑梓父老拜

舞

屬車鏤德感恩兼深慄慄謹撰

聖駕南巡閱河省方頌一篇詩十章恭呈

御覽燕鄙不文伏希

慈鑒其頌曰

皇帝在位仁覆寰宇百度悉張庶政具舉仰格

昊蒼調適寒暑賜雨以時六府順敘萬物熙熙靡

不得所海外萬國無或違拒有背太陽以干

天怒

親征絕漠布昭

聖武懸膏藥街牲鼎膺俎窮髮歸命又若中土消

烽玉門貢琛大府勲烈顯燦追絜三五歲時

豐登流沃膏乳各盈爾室夜勿閉戶樂生興

世宗憲皇帝集卷三

六

事服買藝黍洗腆孝養伏臘酒醺沐浴

皇澤如露有滑

皇帝曰都是惟

帝祐俗雖太和余益咻煦民雖阜成余恤勞苦東

南與區財賦所鍾夏稅秋糧百萬正供地廣

人庶林林總總或以游手廢其田農或以奢

靡置其殮饗凡此積習日籌

九重大河長淮漕輓是通水維弛緩濤瀾激衝

淮海維揚災侵歲逢申

命河臣鳩版築工事體重大致煩

聖衷

端宸垂憂惻然動容民隱上達徹於

深宮昔在虞帝巡行華嵩夏后塗山玉帛會同

周王時邁敷天景從哲后勤民執逸乃躬聿

遵舜典聿度禹功沂濟以南抵淮之東省方

問俗施惠振窮仁沛蒸生孝治萬國煌煌天

經翼翼

帝德恭惟

聖母丕顯令則導謫扇和慈惠罔極我

皇至孝凜奉顏色問寢視膳爲世法式務隆尊養

世宗憲皇帝集卷三

七

祗迓悅懌敬請

鸞馭觀覽耕織親扶

琬輦虔共子職布衣所難

帝孝天植

黼帳遠臨恐費供億自備糗糧太府是覈凡百

扈從諄諭申飭勿通苞苴以損清白勿擾厨

傳或妄求索苟違

明綸不汝寬責虎賁趣馬羽林衛卒罔敢不肅執

不悚惕市買不更農耕不釋

天子之光重更親炙

帝首閱河載咨載詠窮茲極纖燭於至幽有利事
興有獎畢搜裁以決斷授以大猷河臣凜遵
隄防亟修川后効靈庶底安流長我黍禾藝
我田疇憫此淮揚數遭陽侯野多斥鹵民艱
豆區爰截漕艘雲帆是留集彼鴻雁稻梁爲
謀家賜人給是賙是賙并
念濠肥滂傷歲秋昏墊之害三郡堪愁昨歲田租
詎能熟收

特賜放免俾民有鳩民喜相告

皇仁莫酬共返流移胥勸耒耜早乘安瀾自致滿

世宗憲皇帝集卷三

八

簪仰寬

帝懷省

南顧憂三吳士民兩浙臣庶敦請

六飛拜舞塞路輿情孔殷仰望甘澍

皇其忍違

車駕爰赴幸自邗關迅涉瓜步蘇臺少稽武林

暫駐凡所照臨濃被膏露累年積逋悉予除

去弛征百萬民安生聚蠢愚扞法罪罟誰訴

予以更新洗心滌慮鹽鐵關梁皆佐國賦斥

免羨餘俾獲寬裕岳牧守令或多註誤宥其

尤優使効疏附學舍生徒增廣額數介冑之
士頒賜優餼鯁寡鳶癘皆冰乳哺雲之油油
化作時雨浸漚衍溢滲漉布漚日星雲漢蔚
然

天章嶽鎮山安鸞泊鳳翔帝鴻寶硯爛其輝光
宣賜群工以寓激揚樨榜赫赫子孫寶藏卷阿之

游詩陳鳳凰康衢之歌耕鑿相忘惟

帝仁聖惟時熾昌惟世理平惟人阜康祝我

聖帝萬壽無疆奉我

聖母時納百祥燕翼貽謀純嘏爾常澤覃四海教溢

世宗憲皇帝集卷三

九

八荒永固金甌式諧珠囊追軒軼義凌虞駕

唐於千萬年民風允臧爰肅

鑾輿端返

帝聞小臣謏劣生是南邦沾

恩最深敢效拜颺乾坤覆載莫罄鋪張其詩曰

帝軫民艱出

紫宮隨刊

鑾輅歷淮東金隄不數宣房績玉簡親平洪水

功從此一方歌既宅早看四隩誦攸同史臣

若輯河渠志籌畫原來本

聖衷

其二

萬方尊養悅

親心特奉

慈闈郡國臨鳳船龍舟春浪穩青山紅樹碧雲深克
諧遠嬈重華孝思媚長流太姒音敬合懽忱
將

壽母普天同慶徧謳吟

其三

治水親勞

世宗憲皇帝集卷三

十一

翠輦行江東望

幸迂龍旌迎鑾共識

天顏喜夾道爭依綵仗明擊壤堯衢歌帝力咏詩

夏甸見民情懸知

聖澤如天大故使葵傾化日誠

其四

鳳紙蠲租歲歲傳德澤恩普樂堯天欣逢

時邁施弘澤又觀寬通自積年桑業蠶眠連曲

薄麥花風暖滿春田石壕不見追呼吏野老

婆娑社酒前

其五

淮揚水患憚人哀鳳泗連年遇潦災幾度

皇心垂曲軫十行

恩詔聽重開

賜蠲奚止田租半平糴還留漕粟來共喜東南民
力裕閭閻熙皞躋春臺

其六

宥過爭傳

聖主仁一時湔洗及諸臣

盛朝寬大容牽復守土懽呼許自新却似病禽

世宗憲皇帝集卷三

十二

生羽翼恍同枯木遇陽春從來雨露皆天澤

激厲裁成感化鈞

其七

矜全庶獄

命時申

鳳輦經過渙

紫綸泣罪下車符禹德肆青解網頌湯仁膏流

狂狴春風滿草茂園扉玉露新刑措萬方登

樂壽金鷄竿下鮮冤民

其八

鹽筴由來佐國儲司關周禮有成書重農抑
末原常制減課寬商恤化居山海地多弛厲
禁慈遷人獲利贏餘群歌樂土舟車集自見
熙朝民力紓

其九

聖世崇儒文治昌類官并藻自生香管絃化洽
明經彥雲漢歌成造士章濟濟青衿爭鼓篋
鏘鏘逢掖滿膠庠共知廣厲群才意報
國應思被澤長

其十

虞帝書傳四岳巡周王詩載翕河新春遊秋
豫咨民隱就日瞻雲拜

聖人賜及高年行慶典恩加部屋布

溫綸謳歌何以酬

明主共祝無疆億萬辰

日講官起居注翰林院侍讀學士臣王頊齡恭
進

康熙四十年六月十七日

上召翰林詹事諸臣集暢春園澹寧居
命撰擬

皇太后萬壽無疆賦并序一篇限萬壽無疆賦五字

爲韻

蓋聞大孝首重悅親經垂明訓五福莫先介
壽書有傳文故燕喜

慈闈觴有萬年之祝承懽

聖母筆騰億歲之歌慶集一時忻交五內恭惟

皇太后

倪天啟瑞

配地垂模

德協黃裳自應安貞之吉

慶流華渚聿徵聖善之祥臣夙蒙

顧復之慈時被

恩勤之澤難名

高厚莫罄頌颺茲當陽月初旬恭遇

誕辰聖節普天共慶萬國咸歡臣感切

慈恩敬抒祝悃欲效南山之頌托側理以敷揚願

斟大斗之觴賦擬詞以舞蹈云爾

維國祚之昌隆由徽音之休遠唐啓慶都之
禎祥周著太姒之令憲漢則馬鄧之流芳宋
乃高曹之交贊繁聖善之昭垂致五福之茂
建頌眉壽之維祺祝遐齡之有萬極普天之
同歡慰問視之大願介長樂之瑤尊喜含飴
之強飯固景命之天申亦純嘏之帝祐媿嫺
祖與姜嫄親休徵之輻輳懿齊媚之嗣徽慶
慈仁之昌後侍梓衣以承歡扶鸞輿而左右
比金母之長年宴瑤池之玉豆星現老人之
祥詩美南山之壽餐絳雪之瓊膏聽雲璈之

雅奏偕日月以長華與松栢而並茂挹瑞木
於閨風蟠綏桃於崑園御宿之樹號恒春上
林之草呈三秀若乃苑集長生之鹿觴浮九
節之蒲金簡啓億年之錄王母授五嶽之圖
中安之添籌無量長信之愛日堪娛火棗薦
於天姥麟脯獻夫麻姑

聖母之康寧有慶四海之瘡痍皆無是以民間多百
歲之老寔宇樂化日之長黃髮之期未艾綠
字之符寔昌山川呈夫嘉瑞河洛溢其榮光
萬里觀磐石之謚九天有鸞鶴之翔合侯尉

爲一家無此界而彼疆自朝廷以及方國咸
願敬舉萬年之觴若夫濯龍之儉德久聞蘭
館之勤思每注培養之世澤深長燕翼之貽
謀垂裕仁似春和恩同陽煦既壽而臧孔樂
且孺慶流彤管之輝喜洽
慈顏之慕謹抃手以颺休爰抽毫而作賦

萬壽詩集唐四十首

臣聞天佑民而作君五緯啓真人之瑞帝膺
圖而受祉萬年篤景命之符華封之祝三多
先稱福壽天保之歌百祿祇頌升恒誕月恭
臨普天同慶欽惟我

皇上

體乾行健

象日方中

尚德好生躋斯民於仁壽

崇儒重道登一世於雍熙

世憲經集卷三

夫

平水土以定民居耕耘遍於澤國

減征徭而寬物力倉廩裕於閭閻

文武聖神合帝德王功而竝懋

平康正直兼春溫秋肅以攸宜

聲教訖於遐荒

彙征暨乎髦士

堯文舜哲播精一爲典謨

義畫禹書仰昭回於雲漢固已

化成久道觀萬國之咸寧

時際升平戴

一人而有慶矣茲當艷陽令序恭逢毓

聖昌辰

瑞協流虹適屆長春之月

祥開繞電爰符出震之期偕率土以尊親致如

山之稱祝永綏

眉壽與天地以俱長茂對良時共鶴駕而竝舞臣

項齡駑駘陋質潢署末員幸遇

熙朝欣逢

慶典

弘恩難報竭夙夜以悚惶

世憲經集卷三

主

純嘏無疆望

闕廷而踴躍敬集四唐歌咏敢傾葵藿之心用

申

萬歲歡呼仰獻

松椿之壽

我

皇應運太平年玉洞長春風景鮮南極一星朝北

斗五雲深處有真仙

白居易

曹唐

杜甫

劉威

竹下鵷雛繞鳳凰芙蓉別殿漫焚香金輿玉輦迎佳節萬歲千秋樂未央

蘇頲

杜甫

李適

盧照鄰

銅烏細轉入祥風共識

皇恩造化同五色天書詞煥爛太平萬歲字當中

李乂

張說

楊巨源

王建

水樹千重入

御筵更逢晴日柳含烟微臣欲獻

世恩堂經進集卷三

六

唐堯壽來賀薰風一萬年

韋元旦

蘇頲

王維

陳陶

晨蹕凌高轉翠旌芳郊綠樹散春晴共歡天

意同人意五嶽齊呼

萬歲聲

鄭愔

沈佺期

王維

陳陶

和風助律應韶年鸚鵡洲中雜管絃火德雲

官逢道泰不如今

帝勝堯天

岑義

張說

杜審言

白居易

上苑初飛行慶杯乾文動色象昭回欣逢

睿藻光韶律漢主秋風莫道才

沈佺期

岑義

武平一

李適

雲披日霽俯皇川城上平臨北斗懸

陛下好生千萬壽多於王母種桃年

岑義

蘇頲

世恩堂經進集卷三

九

李商隱

高適

露拂金壺曙欲分氣連宮闕借氤氲年年斗

柄東無限萬歲千秋奉

聖君

曹唐

張說

韋元旦

王維

鳳輦時巡出九重雨晴雙闕翠微峰萬方臣

妾同瞻望遙指南山對

衮龍

錢起

溫庭筠

劉長卿

王維

六龍齊軫御朝曦春殿晴薰赤羽旗欲向正

元歌萬壽千年

聖主應昌期

趙彥昭

杜甫

杜審言

盧照鄰

旌旗長繞彩霞峰王母來乘五色龍丹竈化

金留秘訣九華春殿語從容

錢起

曹唐

王起

楊巨源

世說新語卷三

三

條風半拂柳牆新又是

官家降誕辰自喜恩深陪侍從年年願奉屬車塵

李適

花萼夫人

沈佺期

趙彥昭

晨趨建禮逐衣裳御醴行開薦壽觴遙羨枚

皐扈仙蹕朝朝染翰侍

君王

皇甫冉

馬懷素

錢起

賈至

瓊殿含光映早輪

聖朝佳節遇長春天杯慶壽齊南岳霄漢無雲日

月真

鄭愔

劉兼

李適

王建

不假星弧北射狼惟忻頌德奉時康太平基

址千年永兵氣銷爲日月光

杜牧

馬懷素

劉兼

常建

萬壽南山對未央恒隨

聖藻狎年光雲披彩仗春風度

世說新語卷三

三

天子垂衣曆數長

杜牧

馬懷素

羊士諤

盧照鄰

即此蓬萊在

帝京風搖雜樹管絃聲橫汾燕鎬懽無極喜戴

千年

聖主明

馬懷素

宗楚客

李適

蘇頲

白玉仙輿紫禁來巖花應待

御筵開幸同葵藿傾陽早歌舞年年

聖壽杯

李嶠

宋之問

鄭愔

李適

願奉

宸遊億萬年稱觴獻壽樂鈞天良時荷澤皆迎勝

鳥嘒歌聲雜管絃

劉憲

沈佺期

鄭愔

蘇頲

北斗平臨

世宗皇帝集卷三

三

御宸前暮春春色最便妍仙家未必能勝此便是

人間一萬年

岑羲

劉憲

王維

曹唐

屬車龍鶴夜成群北闕戢戢連翠雲爲問軒

皇三百歲何如親奉

帝堯君

曹唐

沈佺期

高適

張說

聖藻光輝動北辰憑高龍首帝城春瑤池駐蹕思

方久朝野俱懽薦壽新

李適

沈佺期

盧藏用

韋元旦

水晶宮殿勝蓬萊日捧南山入壽杯自顧下

儒何以祝

帝歌難續仰昭回

花萼夫人

羅鄴

羅隱

宋之問

天顏有喜近臣知唱得新翻

御製詞花笑鶯歌迎

世宗皇帝集卷三

三

帝輦年年歲歲樂於斯

杜甫

花萼夫人

岑羲

趙彥昭

太平

天子駐崑山日繞龍鱗識

聖顏共荷發生同雨露春光又入上陽間

花萼夫人

杜甫

權德輿

劉長卿

玉鑾嚴蹕望初晨願挹瓊觴壽北辰

聖澤陽和宜燕樂光臨

天子萬年春

鄭愔

韋元旦

崔日用

閻朝隱

九重春色醉仙桃
天仗宵嚴建羽旄
瑞氣迴浮青玉案
碧闌干映赭黃袍

杜甫

韓愈

耿漳

花蕊夫人

金闕平明宿霧收
尚衣方進翠雲裘
山呼

聖壽烟霞動萬歲
聲長繞苑旒

蘇瓌

王維

世宗皇帝集卷三

三

薛逢

楊巨源

皇帝齋心潔素誠
無勞萬里訪蓬瀛
近臣誰獻登封草

封草

聖敬文思業太平

曹唐

宗楚客

陳陶

杜牧

謬忝西掖露堯酒
霄漢常懸捧日心
惟願

聖君無限樂萬年
千載奏薰琴

馬懷素

錢起

張說

李迥秀

漠漠祥雲雉扇開
天文垂曜象昭回
家家盡

唱昇平曲玉帛朝元萬國來

薛逢

李適

寶常

羅鄴

雲日呈祥禮物殊
方知朝野更歡娛
長年願奉西王宴
玉女三漿捧帝壺

盧綸

韋元旦

趙彥昭

沈佺期

祝堯佳氣滿樓臺
山勢遙臨獻壽杯
仙榜承恩爭既醉
萬方歡抃一聲雷

世宗皇帝集卷三

三

羅鄴

岑義

韋元旦

薛逢

鶯喜春熙弄欲嬌
歡聲丹禁奏雲韶
太平時節身難遇
未有涓埃荅

聖朝

李嶠

羅鄴

韓愈

杜甫

九霄雙闕迥參差
花覆千官淑景移
自古幾多明聖主
何如今日太平時

羊士諤

杜甫

無名氏 盧照鄰

曉拂爐烟上赤墀和鳴雙鳳喜來儀
平明端笏陪鵷列退食從容出每遲

韋應物 蘇頲

岑參 杜甫

鶴舞瓊筵獻壽杯瑞雲深處見樓臺
從今結子三千歲近侍慚無方朔才

羅隱 張籍

徐彥伯 趙彥昭

飛花淡蕩

世恩堂經進集卷三

三

御筵紅士女歡娛萬國同已慶時來千億壽
惟應率舞樂薰風

張說 杜審言

李乂 崔湜

微臣抃舞詠康哉碧殿蟠龍淑氣來
即此歡娛齊鎬宴將添

萬壽萬年杯

岑羲 李適

崔湜 張說

宗人府府丞加二級臣王頊齡恭

進

世恩堂經進集卷三

三

聖壽萬年詩七言排律六十韻

有序

臣聞頌禱之作起於華封人之祝堯其後尚書曰欲至萬年而形爲詠歌被諸金石則自三百篇始天保六章世所稱九如之頌也他若江漢之詩虎拜稽首以對揚王休一則曰天子萬年再則曰天子萬壽而假樂卷阿諸什保右天申彌性純嘏惓惓忠愛之情溢於聲韻讀者於是知享國之久長而君臣相與泰交之美亦因茲具見焉我

皇上御極以來勵精圖治武功文德義問仁風以

世宗憲皇帝集卷三

天

內聖而該外王以守成而兼創業治登上理運底太平歲稔時和民安物阜唐虞三代之盛未足比倫真所謂千載一時不易逢之良會也五十二年之春恭遇

六旬大慶乾行不息陽德方亨

聖壽無疆天休滋至朝之百工野之兆姓以暨塞

外遐裔海表介鱗罔不拜舞

闕廷祝

聖人之多壽臣項齡久塵

禁近諺厠卿班仍世蒙

恩一門荷

寵歡呼爵躍倍萬恒情竊不自揆遠采雅歌遺意參用唐人近體謹製七言排律六十韻恭呈睿覽以附於塗巷之謳吟

蓋天弘庥

無前偉蹟非臣愚陋所能頌揚力不宣心曷任惶

愧詩曰

萬年天子享豐亨

誕聖昌期屬慶成華渚流虹長彩色康衢擊壤遍

歡聲

世宗憲皇帝集卷三

元

龍飛寶祚初周甲鳳曆新編值後庚後庚三日曰癸本易疏

歲在昭陽蕓品彙律諧姑洗中韶韻升恒日

月歌難老開闢乾坤遡

篤生曠古神靈真獨絕格天勲業底無名承

先繼志光謨烈事

帝齋心凜旦明

色養宮闈同孺慕類推臣子被光榮智周萬物

先柔遠慈覆群黎亟撫惇圖繪幽風教夜織

園題豐澤省春耕每於成賦寬三壤直使流

膏浹八紘

恩詔蠲租兼沃土義倉儲穀滿高甍閭閻不識官
徭擾鷄犬全無簿吏驚懷保豈徒綏集雁又
安早已剪長鯨西南絕徼銷氛侵朔漠殊庭
洗甲兵渤海提封收版籍流沙小醜就縻纓
布昭

聖武推神算允塞

皇猷播濯征

北伐總因寧圍出

南巡只爲閼河行湖通洪澤雙流合堰築高家萬
丈橫雪浪捲淤趨巨壑雲帆銜尾轉香稷海

世恩堂經進集卷三

三

疆悉比中邦奠天庾常侔內帑盈並鬯百嘉
滋雨露咸熙庶績飭公卿

萬幾多暇披千卷

乙覽忘勞達五更經旨折衷歸畫一聖言探賾闡

崇閑天人統會根源徹曆律微參奧妙呈片

語盡堪垂

舜典載歌寧許嗣陶賡日華雲爛光輝遠地緯

天經氣局宏捧讀

宸章絨寶玉頒行

御集刻瑤瓊墨林游藝三才彙綵凡

揮毫萬象紫挾石奮雷軒筆勢跳龍卧虎冠書評
鋒藏鐵畫如山鎮跡煥銀鈎似壁瑩秘省縹
緗駢冊府禁闈風日敞蓬瀛網羅百氏分曹
纂鱗次群編協力并

親授規模虔仰奉

手加刊定息紛爭前賢肯綮無藏蘊後學津梁有
法程文治光昭

天列象士風興起

帝持衡典隆籲俊朝連茹禮重求賢野食苹歲舉
兩闡彰異數科開

世恩堂經進集卷三

三

萬壽集群英羽儀可用看鴻漸好爵同塵聽鶴鳴
學統具令尊孔脉

道心長自見堯羹要歸正派宗閭雒升配真儒

肅廟贊

天德渾全私盡滌

皇衷寧謐物難撓風移俗易緣更化業廣功崇益
勵精磨鈍國維頻振挈析幾心鏡極澄泓四

時玉燭俱含耀六合金甌永不傾勝日卷阿

閒伴魚鰕區靈沼稍經營龍荒萬里恢邊境

鵠塞千盤護

帝京鳥嘯笙歌花匝匝山環屏障水洄瀾馬官
草地司屯牧蕃部秋原備使令射獵馳驅揚
武節山莊吟咏適

皇情乾剛豫動身逾健願養隨時體自貞勤儉爲
貽千葉訓寬仁專字八方毗祈天永命符元
化保泰持盈出至誠裨海九州遥奉朔越裳
重譯共朝正六旬

聖節高龍壽三月韶光溢鳳城南極北辰齊景曜
東鷄西鰈應休禎流謙屢却

尊稱上惜福惟將善氣迎八表祝筵謳頌滿九霄

世恩堂經進集卷三

三

仙樂管絃清翺蠕也獲嬉麟刈芹曝無嫌捧

兕觥

萬歲高呼同振響天長地久世昇平

經筵講官吏部左侍郎管右侍郎事兼翰林院學士王頊齡恭

進

世恩堂經進集卷三終

世恩堂集三十五卷

江蘇巡撫
採進本

國朝王頊齡撰頊齡號瑁湖華亭人康熙丙辰進士
己未

召試博學鴻詞授編修官至大學士謚文恭是編凡詩集

三十卷經進集三卷詩餘二卷頊齡值

文治昌明之日奏太平黼黻之音故一時臺閣文章
迥異乎郊寒島瘦卽早年未達時作亦無衰颯哀
怨之意足以見其襟抱矣

序

別本蓮洋集二十卷年譜一卷附錄一卷

〔清〕吳雯撰

中國人民大學圖書館藏清乾隆三十

九年荆園草堂刻本

附《四庫全書總目·別本蓮洋集二十卷》提要

汾陽曹僕卿以其鄉人張觀察之意俾方綱校訂蓮洋集刻之爲取抄刻諸本校月餘乃定序之曰此事離卽二義盡之矣卽者所當執迹以求而離者不當執迹以求此其大較也昔漁洋先生每謂開元天寶諸作全在興象超詣然如王右丞之作則句句皆真實出之者也卽王少伯齋心一詩空洞極矣而按之具有實地如畫家極空濛烟雨之致而無一筆不可尋其根源詩之境如是也唐人惟白香山處處着實轉有求其着實而過者如言聲音之直而譬諸筆描豈不有類於滯是以漁洋先生極不勸人學之然布帛菽粟皆至鄙淺而可以供人飢寒之用若所謂五城十二樓彈指卽見者則卽之轉遠已矣然漁洋先生雖以此自高而獨具中和之氣不至太過是以他家亦不能及若蓮洋之詩則奚所處乎語曰日臨蘭亭一本終不成書見過于師者不從門入也開元天寶諸公孰其似漁洋者邪今漁洋以爲三昧則漁洋之似而已矣後乎漁洋者孰當似漁洋者邪今漁洋以爲得髓則不漁洋之似而已矣夫浮海之喜信道之篤也況其一往所託實有不朽之處而氣之所至吉祥止止騎箕尾而比列星也過此以往未之或知雖漁洋莫能節制之矣無已則仍就漁洋之說編之乾隆三十九年七月一日大興翁方綱序

蓮洋集

翁序

一

序

吾鄉吳蓮洋徵君詩自漁洋感舊集而下選本非一而全刻向所未見漁洋所謂一刻於吳再刻於都下三刻於津門者今皆無其本矣感舊集補傳云天章歿後漁洋手定蓮洋集抄本臨汾劉繩遠得之北平黃侍郎家宋編脩爲校定刊行卽今所傳劉本是也劉本跋云友人楊山夫示余先生手稿一帙漁洋丹墨如新又得洪洞觀察叔藏本可千餘首黃本視觀察本多十四五間有漁洋評語据此則楊山夫抄本之盡出漁洋評點而黃侍郎家本之不盡出漁洋評點可知也跋又云漁洋志墓之文固云旣次其詩矣獨未嘗爲之序爲可疑茲宮詹家本其爲漁洋所定邪未可知也据此則劉刻

蓮洋集

曹序

一

時固已疑其非漁洋手定之本矣趙秋谷與漁洋論多不合其曰蓮洋集與池北書俱散亡者或亦偶出齟齬漁洋之詞未可斷以爲信然載考漁洋平生所定荔裳集則不傳馮補之集則不傳且唐人神韻集最表表者亦不傳此集之所謂漁洋手定本者恐未必卽黃侍郎家本矣而侍郎序中亦但謂得其集甚秘惜之不聞其以漁洋手澤爲可寶則亦不係乎序與評之有無也楊山夫者名維棟襄陵詩人與吾友張觀察確齋善觀察爲刻其在山吟者也觀察適攜所繪登岱長卷過予十笏書室讀畫論詩因爲予言蓮洋子曰江蘭曰崇厚者皆先蓮洋卒其繼子曰敦厚姪曰秉厚館於張氏者三十餘年敦厚歿秉厚今尙在欲彙刻其先集而力不克爲

曾得見其稿皆漁洋丹黃手蹟秉厚秘不肯示人因諾爲刊傳始肯出之俾胥鈔其副敦厚前曾鈔其略以畀山夫故山夫亦有其本也所謂漢銅章曰河聲嶽色者今亦在秉厚所聞其感觀察高誼欲以此章贈之觀察不肯受而急以抄刻諸本屬予請覃溪前輩論次授梓其表章前賢惟恐不及之意令人神飛意豁酒酣長歌唾壺欲碎何減往日相從荆園松間石上語也

乾隆三十九年七月四日汾陽曹學閔撰

蓮洋集

曹序

二

序

予生也晚不及與吾鄉蓮洋先生交而神與契者久矣東坡云我不識君曾夢見眸子瞭然光可燭每誦斯語心嚮往之既而先生嗣君昆弟館予家者有年時時竊聞先生緒論益如晤先生也暇日於嗣君處得先生手稿二大冊則漁洋山人手評在焉既命胥鈔其副蓄志付梓者又有年吾鄉臨汾劉氏已先有刊本今年春因慕堂曹僕卿以抄刻諸本質之覃溪翁太史得合成全本一以漁洋所評爲主而其未經漁洋評點者以次排輯于後雖有疑者弗敢刪也蓋卷有先後而詩無去留冀存先生之真精神如月漉漉而春盎盎浮出於聲音尺乘之上而齋中所收先生墨蹟數紙亦併謀勒石

蓮洋集

張序

以傳先生有神今當遨遊仙山佛國昔金相蔡松年所謂醉笑調歌靈音相答皆九霞空洞中語後復有神遊八表者傳誦而來洗空萬古俗氣吾於此一編髮髯遇之矣
乾隆三十九年夏六月浮山張體乾撰

原序二首

河中爲郡當兩戒之首形勝冠寓中記稱太華中條本爲一山巨靈擘履掌華蹈衰開爲二以通河流禹貢之壺口雷首龍門華陰正當其處古秦晉之交也中條之南有地曰永樂唐詩人玉溪生故居在焉水經云河水又東永樂澗水注之注謂渠豬之水卽其地也經又云河水又東北玉澗水注之注謂水南出玉溪義山自號蓋取諸此吳生家永樂讀書奉母耕牧河山之陽家苦貧數數出遊走燕趙齊魯梁宋吳越之墟所至與其仁賢遊處歸而有詩數百篇古澹閑肆得古作者精意而自成一家之言灼然可傳於後者也昔在丁戊間生來京師予肱其篋得靈簡數十番讀而駭嘆謂非流俗

蓮洋集

原序

所應有以示劉吏部汪戶部梁侍御三君方枋文章海內其駭嘆復不減予今十餘年矣比生再入京師則三君者皆解官歸卧或十餘年或七八年而吏部又前歿昔之與生遊相知者獨予在耳相與追道往事太息感慨至於泣下嗚呼以生之才挾其文藝遊於四方歷十餘年而所號爲知己者無過予輩四三人不數年間皆散去或且化爲異物久矣豈不重可感哉於是予召之飲酒既酣復肱其篋則其詩雷硯劃豁又過於昔予讀之河傾燈炮不知止惜乎三君子不在不獲與之矜賞如曩時也會

天子下 詔求博聞之士脩顧問著作於是謝比部方山以生名應 詔或以爲生與司馬子長生同里又同遠遊其才

皆不世出蓋河山之氣融結於千歲之久宜其先後相望無愧色是固然矣然子長生逢武帝右文不免戮辱發憤述史記生遭遇休明以布衣之賤一日名達 黜展行且荷橐簪筆立第二螭坳之下會何子長之足云又况義山白首幕府名不挂朝籍者哉生名雯字天章予同年臨穎君之子蒲州諸生漁洋山人王士禎

去年丁巳識蒲州吳天章慕其爲人與之交天章方急歸蒲州予亦以事去京師未嘗誦其詩也今年天章應詔來京師予又先後至相見甚謹天章出其詩示予日子爲之序時予方銳意場屋俛首帖括志治舉子之文與諸生進於有司以爭一日僥倖之利雖得天章詩如韞玉焉光氣韜掩及今時

蓮洋集

原序

二

過事往始發而讀之不能自休甚矣予之陋也天章讀書自周秦以來鑽研擿括精竭志開笑與窮本末顧性淡泊不喜藻績篆刻靡麗繁會之言常謂予日子多讀南華及楞嚴則無入不自得矣故其詩清微淡遠稱其爲人天章自作詩以來約數千篇除去頗類楚雜蕪穢集中所有皆陶汰融液篇篇可誦嗟乎人方氣盛志得謂天下事不足爲未有不笑天章爲迂濶者然而天章遠矣天下之人惟知往而不知返於是營營逐逐進既無以自明一旦摧抑失意遂不可以終日彼其中無所守也發之於言安所得工乎哉韓退之曰氣水也言浮物也氣盛則言之長短聲之高下皆宜則氣之貴乎養也必矣欲養其氣務平其心夫等賢愚齊得喪指說空

理究厥義諦彼亦各有自得顧其大旨皆歸於空虛無有故儒者不道然姑托焉亦足以救流俗之失而使之漸返其本然今觀天章集中如漫興雜詠偶然作諸篇其於道也亦不遠矣世徒見其詩宵然以深挹之而不窮以爲非人力所至不知其所以然者不徒求之詩也余頑鈍謏劣於世結習無一破除讀天章之詩而知所用心因書數語以復天章並以自勗焉仁和湯右曾

今使酒酣以往設爲鄒陽宋玉之大言金盡之時謬作徐福藥巴之漫語遂已室有園屋家餘井碓牛衣馬磨僅足相容雁稅魚租粗能自給碧畦半畝便爲庾信之園素壠一區卽是潘尼之館蕭紫弱蔓花是恒春紺袞棠柯藥名半夏繞徑

蓮洋集

原序

三

植繁欽之蕙隔籬栽馮衍之薑間居徐邈尙有酒鎗暇日陰鏗非無薜蘿則鑿坏而遁雖頗領其何傷帶索而歌但寂寥其奚悔而乃東都公子歲歲依人西鄂詞流年年失職果旋羸蛤都無俯仰之資廬舍陂池總乏棲遲之所寂寂梁家之竈蕭蕭卓氏之壚擬獻賦而未能縱著書其何益井公善博索笑奚來韓子能文送窮不去於是轉徙燕齊崎嶇梁趙鬚如蝟磔只欲橫鞭駑作鴟張偏思縛袴所過礪礪古戍殺初空壕赫連臺北盡從來燈闌之場禿髮城南半昔日孤鳴之地鵲花似血營前之簞策何多斑竹如啼帳後之琵琶不少窮魚茹怨凍雀銜悲紫莖無暫返之賓白社有難歸之客然而才性英奇辭鋒卓犖楮邊磨墨彌工變徵之聲驛裏題詩

大有陽春之調車前騶卒偕飲酒以何妨塞下荒儉共彈箏
而亦可千篇揮灑同天馬之摩空萬象淋漓類巴船之出峽
揚雄嘗吃雅擅攤經梁肅重腿尤精製賦此蓮洋吳子相傳
七發之篇而笠澤陳生爲作三都之序也嗟乎兩戒河山二
陵風雨上黨實九州之脊河中爲四塞之雄鴉兒峪口美人
與駿馬安歸鶴雀樓前廢寢共荒陵奚在行山口紫憶百戰
之旌旗汾水波紅想三秋之簫鼓空尋斷碣祇剔殘碑所嘆
吾賢復生斯地頗傳殿上競誇才子之名莫便山中願息高
人之駕宜與陳維崧

蓮洋集

原序

四

蓮洋先生小像



山陰朱和甫寫

蓮洋集

像

手一簪書掇石而坐河水九曲
嶽蓮一朵玉谿王官誰彼誰我
頊洋蓮洋即薪即火天風海濤
絲房丹瑣水不答開無乎不可

乾隆戊戌夏五月北平翁方綱瞻拜
遺像爲之贊己亥春正月重書

蓮洋吳徵君年譜

大興 翁方綱 編

順治元年甲申

是年 月 日徵君生于遼東

按王漁洋先生以前明崇禎七年甲戌生徵君之生後漁洋十年

二年乙酉

二歲 父允升舉于鄉 墓表云以定遼右衛諸生中式

七年庚寅

七歲 按漁洋所爲天章墓誌云父允升順治六年授蒲州學正而臨潁墓表云順治七年就選得蒲州學正二篇

蓮洋集

年譜

所記之年不同蓋選蒲州在六年到官則在七年耳

十二年乙未

十二歲 父允升成進士與漁洋先生會試同年 題名碑允升湯東定東衛人墓表云更名來亨字于公一字康侯

十三年丙申

十三歲 正月父卒于官卒後授臨潁知縣 母朱氏徵君長子次子

霜日霏日霞

康熙二年癸卯

二十歲 是年徵君客遊吳門在吳度歲

三年甲辰

二十一歲 再赴太原試于有司不見收

五年丙午

二十三歲 是年漁洋在禮部於京師榮洞門 開水部郎

舍見壁上詩署名曰吳雯者讀之不忍去訊之水部水部

曰同年吳康侯子也有母年五十有弟三人妹二人婚嫁

皆仰雯雯挾其文章北遊京師謁父執之官中朝者久之

無所遇雯有妹妹安東縣旬月前襁被策蹇驅往江淮云

矣漁洋知徵君自是年始

七年戊申

二十五歲 初春蒲郡城南謁海濱神廟 三月始謁漁

洋于京師正漁洋遷儀制司員外郎時也漁洋與徵君飲

酒賦詩自是年始 歲暮將歸省母請漁洋表父墓 是

蓮洋集

年譜

二

年十月漁洋有送天章歸中條山詩月始在房羣陰終云

云

八年己酉

二十六歲 春歸中條 是年春漁洋有再送天章律詩

二首二月春燕綠云云 是年漁洋權清江浦關徵君

遊淮上使院

十六年丁巳

三十四歲 湯西厓序云丁巳識蒲州吳天章慕其爲人

與之交天章方急歸蒲州未嘗誦其詩

十八年己未

三十六歲薦舉博學宏詞科至京師 元日同孫豹人毛

大可米錫鬲陳其年喬石林陳水壑飲曹我眉寓齋時大
可度曲其年吹紫簫 花朝前一日集曹正子園 是年
漁洋有送天章歸中條詩中條最深處云云又有得陳子
文書兼知吳天章消息詩昨曰秋風起云云 陳子文虞
州集云時天章以薦舉罷歸 漁洋詩注書中云有度曉
之役

十九年庚申

三十七歲 本集詩序云庚申夏仲余方抱安仁之痛薄
游安昌 朱竹垞題吳徵君詩卷在是年秋

二十三年甲子

四十一歲 并門集序云甲子秋谷使于晉得詩百篇以

漁洋集

年譜

三

示予 查初白集是年秋有嚴獲庵侍御招同吳天章小
集卽席分賦詩

二十七年戊辰

四十五歲 秋將還蒲集竹垞古藤書屋聯句 是時漁
洋以父憂家居

二十九年庚午

四十七歲 本集詩題云庚午三月偕慢亭王十一丈蔣
京少查德尹同侍阮翁於一畝居

三十一年壬申

四十九歲 十一月爲深澤趙雨臣題程青谿畫松於擷
芳齋

三十二年癸酉

五十歲 是年冬在咸寧度歲

三十三年甲戌

五十一歲 正月四日遊長安城南將遊樊川不果

四十年辛巳

五十八歲 是年訪舊天津復與漁洋相見京師 居

錄云三月十九日天章自天津來贈所刻寒山子詩 趙

秋谷涓流集云天津喜晤老友吳天章兼贈其所主張君

詩云蓮洋詩格如蓮花引我亭亭出泥滓

四十二年癸未

六十歲 九月過宿西谷侍御棹園

蓮洋集

年譜

四

四十三年甲申

六十一歲 五月二十七日卒

娶祁氏二人江蘭早卒崇厚蒲州附學生亦前卒繼娶

氏

吳徵君天章墓誌銘

漢魏已來二千餘年間以詩名其家者衆矣顧所號爲仙才者唯曹子建李太白蘇子瞻三人而已 本朝大一統閱六十載作者亦多矣余獨以仙才許蒲阪吳君此余之私言也亦天下之公言也君且死語弟霞曰吾平生知己無逾漁洋先生吾卽死遺詩勿遽出必待先生刪定雖相望二千里而勿憚跋涉而往求焉且謁誌墓之文吾無憾矣余居田里聞君之訃爲哀輓以代楚些其末云已空文字障靜閱莊嚴劫何事勞心集猶煩大迦葉未幾而霞至將君遺命余詩若爲之誠然嗚呼異哉豈余與君精神感通雖越在二千里不以幽明間有如此耶既次其詩遂爲其銘君諱雯字天章其先

蓮洋集

墓誌

一

遼陽人也父允升中順治二年順天鄉試六年授蒲州學正十二年 賜同進士出身明年卒後幾年劉本作吏部按籍銓授知臨潁縣君幼孤母朱有節操撫君及弟霞等皆成立遂籍于蒲君姿乘殊絕嗜書如飲食又薄帖括以爲不足爲雖在諸生輒瀏覽群籍于六經三史外先秦兩漢下逮六朝唐宋元明四部之書無弗習也旁及釋老內典秘笈皆貫其旨趣含咀其英華而尤於五際六義有深嗜焉初僑居中條山南之永樂永樂唐縣也李石兄弟三相皆居之詩人李商隱義山亦居之號玉溪生玉溪者永樂水名也君少而食貧無以爲養數游京師謁父執友年二十餘矣京師士大夫無知其詩者予一日過同年榮工部洞門見其詩云泉遶

漢祠外雪明秦樹根又云濃雲濕西嶺春泥霑條桑至今堯峯上猶上堯時日大異之曰此非今人之詩也吟諷不絕於口久之君再入京師一見談藝輒夜分不休如釋迦之有鷲子馮山之有寂子相說以解不待往復扣擊君固以謂余一人知己如后山之於南豐也戊午己未間

天子詔徵博學宏詞之儒脩 顧問特舉制科海內名士鱗集 闕下君在舉中顧獨耽寂守素不與他人走健僕囊巨軸宛顏低眉望門求知者競馳逐膠牒半澹泊門有雀羅余以是益重之臨別馮相國知君名以扇索其詩君大書二絕句答之其坦率如是卒以不遇亦不悔也君游燕趙齊魯吳越秦楚足跡半天下而梁宋間詩尤工晚訪舊天津復與余相

蓮洋集

墓誌

二

見京師時康熙辛巳君年將六十倦游矣君好友天下士士之不雅者亦皆援君以自重所至綢繆贈答無虛日然君胸中涇渭不狗世俗毀譽涼燠以爲親疎故人亦樂就之所謂猶叔夜土木形骸黃叔度汪汪如千頃陂者庶幾似之平生好仙釋有空諸所有仰青雲睹白日之意情耽隱逸僕僕四方謀升斗以爲甘旨之奉非其志也嘗買圃鄴谷之口有竹數百挺黃梅數十株楠三株中作草堂面雷首肘太華怡然自足將以終老而迄不得遂嗚呼其可悲也君詩一刻於吳中再刻於都下三刻於津門今未刻尙千餘篇余刪之不少貸所存皆卓然可傳蓋痛君彌留不忘誣諉之意亦以報亡友於地下云爾今

常宁右文士荷懷一藝朝蹕芒屨而夕登館閣者何限君之名固已聞於 朝矣而終不遇窮老以死是尤可悲也君娶祁氏有子二人江蘭早卒崇厚州附學生亦前卒繼娶聶氏孫一逢源尚幼君卒以康熙四十三年甲申五月二十七日得年六十有一以康熙四十五年九月十一日葬姚溫阡君嘗以詩賦應制科故稱徵君銘曰

山河兩戒皆首河中重華傳都扶輿所鍾昔在唐賢摩詰王承祚人允言盧綸河中人義山玉溪李商隱懷州人表聖王官谷司空圖鄉有明名世首兩襄毅楊公博王公崇古勲名爛然風騷未繼嶽嶽吳生崛起布衣身處菰蘆名動京師聲滿天下尙謀升斗晚卜菟裘子真谷口惟君之詩疏越朱絃後有知者移情成連

蓮洋集

墓誌

三

神之往來河聲嶽色

君得古銅印刻此四字

修竹梅花徵君攸宅

賜進士出身資政大夫原任

經筵講官刑部尙書前都察院掌院事左都御史新城年家老友王士禎頓首拜撰

蓮洋集總目

序三首

原序三首

墓誌銘一首

傳二首

年譜

附錄詩一 一十三事

附錄詩三十二首詞一首

卷一古今體詩一百零五首

卷二古今體詩九十九首

卷三古今體詩一百一十首

蓮洋集

目

卷四古今體詩一百零一首

卷五古今體詩九十九首

卷六古今體詩一百零三首

卷七古今體詩八十七首

卷八古今體詩一百一十首

卷九古今體詩一百廿九首

卷十古今體詩一百零四首

卷十一古今體詩一百零七首

卷十二古今體詩一百零七首

卷十三古今體詩九十六首

卷十四古今體詩一百零七首

卷十五古今體詩一百零三首

卷十六古今體詩一百一十二首

卷十七古今體詩九十八首

卷十八古今體詩一百零二首

卷十九古今體詩一百零五首

卷二十補遺七十六首附聯句等七首

通計二千零六十七首

秉厚兄弟曩館於荆園先生齋中先生諾爲刻先集以傳會抄漁洋手評副本二大冊其中丹黃訂證付受有緒多有出於世所刻本之外者今先生付厠將竟郵書屬秉厚爲之跋竊念先徵君一生襟抱具在於此得吾荆園先生

蓮洋集

目

二

高懷古誼力爲成就異日然香告於家園老屋挑燈灑淚聽雨一段情況儻可編入晉陽詩話乎甲午初夏姪男秉厚跋

附錄

吳天章受天才超軼人不易及嘗爲余題倪雲林畫云豈但

穠華謝桃李空林黃葉亦無多尋常眼前語正自百思不到

晚買小圃中條之陰有竹數百竿梅橘各數株余題之曰中

條竹隱乃未及歸老而天章死矣惜哉其集遺言屬余刪定

後世必有知之者新城王文簡古夫于亭雜錄

馮班之子曰行賢字補之詩學白樂天卻有自得之趣與吳

受天嘗求余論定其詩惜逸其今矣同上

予門人洪昇昉思以詩有名京師遭家難流寓困窮備極坎

壘歸杭年餘五十矣甲申自蒼雪歸落水死其詩大半經予

點定不知其子能收拾否蒲州吳受天章詩尤超逸予嘗目

蓮洋集

附錄

一

爲仙才亦以甲申病歿于家皆士之才而不遇者而天終厄之如此惜哉香祖筆記

蒲阪吳受天章初至京師未知名余亟賞其詩謂爲仙才一

日待漏朝房誦其句於葉文敏訥庵方云泉遶漢祠外雪明

秦樹根濃雲濕西嶺春泥霑條桑又門前九曲崑崙水千點

桃花尺半魚驚下直卽入駕往訪之吳詩名大噪都

下所居永樂鎮卽唐永樂縣有王谿李義山家於此漁洋詩話

吳天章答人云自卜條南舊隱居明星玉女對攤書門前萬

里崑崙水千點桃花尺半魚又至今堯峯上猶上堯時日又

河聲過雷首雨氣下風陵分甘餘話

吳天章受過真定賦詩云鎮州荷花一萬柄正對城門是酒

家下馬當壚更斟酌醉臨明鏡看吳娃風格殆不減楊廉夫
余與海內論詩五十年高才固不乏然得髓者終屬天章也

同上

門人陳子文奕禪以詩歌書法著名生平與蒲阪吳天章雯

最善今先後下世矣同上

門人湯西厓右會以詩名書法適媚與吳雯天章王戩孟穀

皆布衣至交同上

同年子蒲州吳雯字天章以博學宏詞薦在京師偶得漢銅

印文曰河聲嶽色雯家蒲州中條山南永樂鎮臨大河對岸

卽華岳三峯也雯有詩云門前九曲崑崙水萬點桃花尺半

魚池北偶談

蓮洋集

附錄

二

方綱按詩不難於成篇而難於一字昔人所以商量句法者此也漁洋先生每多隨意拈
以如蓮洋詩門前九曲二語或作七絕或入七古門前或
作當門九曲或作萬里萬點或作千點不特集本抄刻兩
異卽漁洋詩話各條已復不同此猶之先生選唐人三昧
十種於古人名作間見復出各指所之者不復是正至以
太白日照香爐紫烟四句或入
古詩或入絕句殆與此一例也

歷城秀才王萃秋史少年能詩師田中丞漪亭雯而友吳徵

士天章雯同上

天章賦予西城別墅古詩十首且甚工聊錄數篇于右石帆

亭然唱軒小華子岡小善卷竹徑嘯臺云云居易錄

王黃華老人草書字大如椀相傳以檳榔殼蘸墨汁書之其

詩卽挂鏡臺西挂玉龍半山飛舞天風寒雲直上三千尺

人道高歡避暑宮云云有真蹟石刻在汾州府學朱翰林彝

尊吳徵士雯皆曾見之同上

三月初九日天章自天津來贈所刻寒山子詩大抵佛語菩

薩語也天章詩情高逸當世無輩素耽二氏之書有出世之

志予嘗序其蓮洋詩又常誦其句於故友葉文敏公庵云泉

遶漢祠外雪明秦樹根濃雲濕西嶺春泥霑條桑至今堯峯

上猶上堯時日凡數聯認庵贊歎一日講筵罷先往訪之康

熙已未以博學宏詞徵赴京師獨不掃門時相所居在中條

山南永樂鎮卽春秋畢萬所封古河中府河東縣也唐相李

石李福李元兄弟及呂仙巖故里有玉溪卽李商隱所居同上

宋湯樂毅論如衛協謝雉畫列女古意蒼然不乏媚嫵西濱

寶此有年以遺天章可謂具眼鯨尾文

蓮洋集

附錄

三

漢陽宗人戩字孟穀客中州與吳雯伯和諸篇工力悉敵同上

戊申三月蒼頭通賓客視其刺則雯也躍起相見稍稍與談

藉多微中自是與雯數飲酒賦詩歡相得也漁洋文

千頃之陂不可清濁天姿國色粗服亂頭亦好皆非有意爲

之也儲水者期於江湖而必使之潔涸澄澈是終爲溪沼耳

白矜容色而故毀其衣妝有厭棄之者矣免於此者其惟吳

天章乎青州趙秋谷談龍錄

天章絕口不談詩獨與余細論甚相得也出詩卷屬余評隲

余以饑驅少暇請俟異日今天章已下世其詩卷余不可得

而見矣愧負良友悲夫同上

徵君於書無所不讀性淡潔漁洋謂黃以度汪汪如千頃陂

庶幾似之康熙戊午應鴻博之薦入都門就寂自守不屑望門求知有相國知其名以扇索詩大書二絕句答之卒以不遇恬如也

河東劉贊孫莊蓮洋詩鈔凡例

徵君詩曰蓮洋集蓮花洋在晉陀山下名山記曰華岳山下有蓮洋村徵君樂之故以名其詩也

大興黃崑剛蓮洋集序

吳天章徵君詩不使才不逞博不尚聲華不求媚好峻潔微遠自露天真視新城之半龍泉有銘鐫羣言備五聲五色而不入於靡極搖曳風姿而自流其韻者固各行其是而不必相符者山而新城賞之不啻口山豈所合者在神理在意味氣骨而不在于軌轍之同途面目之相肖者耶

長洲沈確士蓮洋集序

先生弟霞哭先生詩云收得遺詩三千首今所錄千九百有

蓮洋集

附錄

四

奇劉組曾絕遠蓮洋集跋

予從孫端人前輩所見蓮洋集鈔冊欲相與刻之已得臨汾劉君刻本視其所收猶有遺漏乃爲訂舛補遺詩逾二千疑存者太夥

廣川宋蒙泉蓮洋詩補遺小序

方綱按劉刻本已千九百餘首宋蒙泉前輩復爲補遺一小卷今合之抄冊又補出劉所未刻者數十首總二千六十首有奇蓮洋詩蓋具於此矣

附詩

送吳天章歸中條山

新城王士禎阮亭

月始在房羣陰終凍禽鳩啼酸風呂生置酒邀我飲清歌笑倚商玲瓏朝來宿醒卧未析吳郎告我歸河東北風雨雪滿天地層冰千里高穹窿行人皸瘃手指墮狐裘嗟汝胡蒙

耳長安甲第高入天馬蹄動地聲隆隆漿酒藿肉不足道金玉磊砢堆堂中汝詩千首文百軸滄塗未拔誰相通汝家王官谷中條青濛濛藤蘿相糾水相激至今猿鳥悲司空汝歸讀書甘寂寞致君堯舜會有日飛伏詎辨誰雌雄

再送吳天章歸中條二首

前人

二月春蕪綠紛紛蝴蝶飛花朝逢暮雨寒食減征衣道路誰知已登臨不當歸中條多水竹去掩荆扉

愛汝王官谷他年擬借居三峯當戶牖五姓足樵漁

自注中條山下

送吳天章歸中條

前人

中條最深處風物四時幽水鶴穿雲下林楓夾岸稠人烟盤

蓮洋集

附錄

五

豆驛村路玉溪流卧起清暉裏蕭然何所求

得陳子文書兼知吳天章消息

前人

雁聲初墮地黃葉已盈除秋雨蕭條夕忽枉故人書故人復何在中條白雲裏昔別霜霰零昨日秋風起曾聞隴頭水驅

自注書中云黃雀縱橫有度隴之役

飛孤鶴正垂羽祭竈請比隣停車共騁語歲月易永久離羣

難處心爲問朝歌令相思深不深

輓天章徵君

前人

生入甘露門死爲甘露城豈况無生忍不生亦不滅子昔事禪悅兼復慕遊仙門前玉女峯上有十丈蓮下界六十年逢場暫遊戲來去衆香國終然飽禪味不屑海山住應歸兜率

天下視大火聚礪蟻爭撲緣已空文字障靜閑莊嚴劫何事
勞結集猶煩大迦葉天章逝時異香滿室與先兄西

題吳徵君要詩卷一首

秀水朱彝尊竹垞

藉甚吳郎大雅材賦詩不上朽梁臺翻飛却似橫汾鴈幾度
秋風上苑來

按諸家集以次排敘至其年月之先後既有年譜可見其編年不

別吳天章三首

秀水李良年武曾

大海本無濶天風使之怒千帆爭一逞中有覆舟慮海鶴何
翩然不喜亦不懼嗟人不如鳥吾欲舍之去磊落寓浮湛愛
也得其趣悠悠彼何知但賞子詩句

蓮洋集

附錄

六

揮手名利場笑謝統縉子我南而君北感愴何能已空青中條
山淨綠五湖水各有白頭親安得去鄉里攜鉏帶殘經下酒
讀佳史此樂可長年時流以爲耻

古人不可作今人復非古踰躅風塵中擇計亦何取滔滔者
皆是爲儒獨辛苦學仙學佛間吾處得其所子歸養天和萬
事力須努聚散等浮雲毋令後期阻

懷舊詩

并詩前小傳

青州趙執信館山

樂室中條山招手玉女峯黃河遶門前滌盪萬古胷埋頭試
牘中啼號羞秋蟲風騷適榛蕪又伴神工脫棄范陸習踐
履岑高蹤貌似溫方城才與遇並同詩老性護前於君禮獨
隆貴遊負販豪交臂來趨風聲名天可假時命人能窮漢落

王宮谷穿冢連司空遺文寄池北飄散隨萍蓬追惟平生言
使我心忡忡虛疑玉溪底匣劍藏芙蓉終當沉鐵網大索蛟
龍宮王宮谷玉溪皆在中條

蒲州吳雯蓮洋拙於時藝困躓場屋中體貌粗醜衣冠垢
敝或經歲不盥浴人咸笑之而詩才特超妙余嘗比之溫
飛卿云與漁村同薦既試報罷其父故與阮翁同年始入
都詩投謁阮翁心折極口爲延譽而其性迂僻寡合遂
淪棄終身與余甫一見如舊相識余好用馮氏法攻人之
短惟蓮洋不以爲忤其作字用馮法粗知開架然不能工
也晚相值於津門出詩卷見示曰曩之所攻悉刪改矣乃
知其非名輩所及也屬余論定余請俟異日蓋其時正逢

蓮洋集

附錄

七

阮翁之怒不收閱入詩壇故耳又數年蓮洋卒於家卒後
其集間送新城阮翁爲作墓誌且刪定其集迄今將二十
年矣而未行於世意其時阮翁耄而多忘未幾遂亡未及
歸諸吳氏耶若然池北藏書散失殆盡蓮洋集從可知矣
方綱按徵君卒於康熙四十四年甲申吾邑黃崑翁侍郎
視學山東省文簡於里第在康熙四十八年己丑冬也而
秋谷此詩小傳又在將二十年之後不聞此集萌芽也至
臨汾劉氏本得諸崑翁家者乃云卽漁洋手定之本似未
爲可據矣附錄蓮洋所作并門集序歲甲子秋谷使於
晉得詩百篇以示余其詩結體清真脫去凡近非如字句
之工而己余嘗論古人一詩一賦皆一體格體格而格下
者雖聲文斐然皆凡人也近也秋谷抱此異才負奇氣渾渾
發其於世也率情自好無所緣飾故其爲詩也直而不俚
高而不訕蓋如其爲人矣夫十五國之風詩唐最古秋
谷行其地其有取乎陶唐氏之遺風而爲之者乎余晉人
也山川都邑登臨覽觀之勝皆少所習者顧不能言之及
秋谷言之而正如余意卽恐余雖言亦終不逮也其在唐
風有林之杜曰彼君子兮豈肯來遊中心好之曷飲食之

撫斯集也味是詩而
三歎焉河中吳安撰

送吳天章之太原二首

前人

秋雨勢不已秋風動萬山送君薊門路計日井陘關水暗黃
榆塞峽迴青玉顏猶餘馬行旌范夢一追攀青玉峽在井陘
把酒說并州茫茫感昔遊邊聲催月曉山氣壓城秋桑落經
時醉黃花九日留君歸渡汾水爲問雨中舟

贈錢塘吳舒兒因懷河中吳天章

前人

吳子意軒豁有似高秋鴻息羽就塵埃鼓翼隨天風矯然衆
鳥中一奮千羣空却顧望寥廓誰與爲兩雄河上中條山遙
對蓮花峯峯壑相遮羅青翠幾萬重中有棲託人帶蘿衣芙
蓉長嘯臨關門濁浪聲相春與子才匹敵姓氏正復同并揚

蓮洋集

附錄

八

騷雅波交映冰雪容同當暫來此暫楚中原遂何故先避去
不肯交刀弓故山結茅處秋色寒濛濛湖如新磨鏡照見松
桂叢苟能縱高卧投老安耕農不然遠遊遊自等無根蓬作
詩貴言志飲酒聊快胃時世方妒色賢達當固窮彼吳昔顓
頊上書不得通丈夫能文章豈必爲三公

天津喜晤老友吳天章兼贈其所主張君

前人

走訪吳先生因識張公子能爲詩人作主人此士定知不凡
矣况復接坐來觸事皆可喜開軒解衣裳留客披圖史海氣
黯黯橫庭除古色斑斑盈案几杯槃旣雜陳談辨遂蠶起剔
抉六義微錯互八法旨門外喧闐南北塵共洗清心照秋水

老我數年來袖手復掩耳謗多固可畏才盡亦知耻胡然此
相見馬逸不能止蓮洋詩格如蓮花引我亭亭出泥滓請君
高詠結交行和我狂歌從此始

王禮部阮亭席上送吳天章歸中條山

宜興 陳維松 其年

宮梧金井催高秋禮部招我爲夜游坐中年少較蒼健此客
毋乃爲并州言從中條來欲返中條去中條山色青刺天舊
是羣仙棲通處君今吟卷動王侯快刀健馬百不愁誓隨鸛
鷺朝紫闥詎逐猿鶴巢丹邱君說中條山我唱橫汾曲晉國
河山落日黃漢家簫鼓寒波綠蔓草全繁鸛雀樓西風自響
王官谷弔古須荒酒一尊移家恰得書千束美君歸計已先

蓮洋集

附錄

九

成我在長安懷送迎秦關明月桑乾水匹馬相從魏豹城
己未元日同孫豹人毛大可朱錫鬯吳天章喬石林
陳冰壑飲曹嶽眉寓齋限賦青咸二韻

前人

共作長安客毋爲元日醒多君拋萬事爲我創雙餅異國簪
偏盍歡場履每停居蘇吾戀汝城柝不須聽

酒闌歌忽起高興素風帆此曲憑誰授斯人果不凡但須消
夜蠟切莫羨朝衫惜少纖纖手呼來撥阮咸坐上大

止北郭門贈吳天章

澤州 陳廷敬 說嚴

月斜雞未鳴中宵塵鞅閑心清不染境眼明惟見山初日動
林梢和風吹客顏花枝白冉冉鳥語亦關關城中幽居者高

眠樓閣思君共芳草春借往還

送吳天章歸中條詩母歌

前人

君不見太華山前黃河水山前云云走萬里崑崙之源天上
來十二玉樓相向開丹山有鳥形如鶴王母騎之珠繡絡五
色神龍斑駁貌黃金茸茸頤彩垂仙真羽節從所適小駐崆
峒下姑射太華連綿中條長黃河之水流滂洋龍門結束玉
谿古男兒不出亦不處有文萬卷不求名聊向京華走塵土
仙人一笑子歸來黃河十月冰崔嵬太華不驚爲母壽玉女
金盆酌春酒

望中條懷吳天章

前人

條山蒼河水黃陽城諫議不可作白雲終古茫茫滄州已過

蓮洋集

附錄

十

官河長時清無事客方伴我思昔人遙相望隱淪更訪河之
陽向達夫劉文房二子此地曾頡頏蒲東佳士吳天章新詩
可與二子當此去中條除二子高才秀士知有幾吳生相近
玉溪卽干旌若賁事堪論

論晉中詩人懷天章

前人

摩詰秀千葉柳州儼天人義山最崛起流別自有其上下五
百載遺山接清塵自餘諸作者海山羅奇珍嘗鼎分一臠已
足甘喉唇鄙人老無學粉榆私所親豈惟鄉里賢名與天壤
新我初慕聖道矯首思河津緬維三千篇刪述垂千春大雅
人凋喪風流隨波淪昔者卜子夏論詩河之濱沿河沂洙泗
餘潤沾窮鱗文章寧小技矩矱存先民以茲慰衰晚奮翼攀

鳳麟既得金鷲子

金鷲天章名刮眼辨玉珉子居玉溪上義山舊

卜隣况復龍門峻岩堯臨高旻執鞭今所願參駕豈同倫虬

蟬與大樹天賦理則均撼之適足笑安分不失身扁舟阻千

里寸心無由申所期鄉國間詩教還清淳

送吳天章自天津歸蒲東二首

前人

春芳今欲歇別思轉悠哉狗監人難遇蛾眉老易猜青山三
晉遠秋色九河迴千里臨岐意能無酒一杯

歸到中條隱高居長薛蘿清秋明華岳落照見黃河人物雄

才老雲山間氣多玉谿終古在相並得金鷲

金鷲天章名

贈吳天章

漢陽王

戩孟教

玉溪吳郎冰雪姿多生慧業非人爲家住中條似張果身眠

蓮洋集

附錄

十一

華頂如希夷有時泛舟到吳越江花山月供標題時復騎驢
走燕冀公卿倒屣猶恐遲聲名藉藉滿衆口君心淡泊誰能
窺洪惟求才下

明詔彤廷薦達君其宜日歲己未春三月羣公衮衮趨丹墀

獻賦直在太和殿出朝傍晚寧論疲此身虎鼠復何道文

章已受

天子知歸來平山拾瑤草乘暇置酒登脫邪姮娥

奔月那可料悼亡永夕含深悲囊琴束書且入維素衣飽受

風塵緇我也飄零若飛絮與君會面黃河湄傾蓋先求發篋

衍高文慰我長相思君爲微笑出所有漁洋選定蓮洋詩讀

之精神殊要眇如聆簫鼓橫汾時中間意氣更莫敵指揮萬

馬行三垂自茲同舍日相就水南水北相追隨知君雅志慕

林壑見君真氣橫，鬚眉一卷金經時在手。九還大藥遙垂顧，偶然謳吟寄逸興。干言俄頃隨毫揮，快劍長戟壓紙尾。龍跳虎臥臨墨池，在昔開元李太白。金鑿殿上飛雄詞，天廡飛龍不肯御。神遊八極何能追，如君風流正堪敵。故其所遇皆同之，我從抱病太狼狽。顏色黧慘如枯龜，低頭直欲拜東野。效顰寧敢看西施，日來琢句坐深院。篇成自哂無蕙蕤，忽焉喉間出苦語。繞屋大叫驚狂癡，齷齪難辭飯顆笑。或者却得真本師，今晨晴旭照書幌。西風樹影搖參差，拂几題詩敬相贈。聊共嗷嗷知無奇。

次天章見贈一首

前人

醉把金鑿落異地，盤交歡安得東郊道。寶馬恣遊盤，依人謹蓮洋集

附錄

三

笑啼似對新舊官，且歸就幸舍抱膝銀缸寒。齋期聊復飲飲罷，寂無歡忽憶舉碗時。生菜進春盤，一別感歲序。遠道如之官，素衾裹珠淚。不共宵眠寒。

奉酬天章約遊風穴之作

前人

春風吹汝水暮雨，坐花間客路未可極。我心長欲閒泉聲，白雲寺樹色紫羅山。好在連遊騎，高吟變苦顏。

風穴次韻詩自注云昔與吳天章同作客天章以詩約遊風穴落句云休言涉魚齒東雨損朱顏余次韻答之起句云春風吹汝水暮雨坐花間俱爲新城公所賞

同天章西厓飲司成公寓得揮字

前人

南陸修景下西山，含夕暉高齋啟書幌。燕子當簷飛灼灼，桃李枝公門久芳菲。相視豈無言，導之若發機。涼風來何處，對

影杯堪揮分題刻燭問大音聞聲希誰能便學海蕩蕩情所歸閒起步階闌驟雨沾人衣

吳天章爲余題扇戲成十韻奉酬

前人

南山明霽雪愛日行前除並坐照玉堂堂口談虞初老槐四三株落葉侵長裾賢哉吳季重伴我如蛩蟪不作肥瘦歌愛轉三乘書偶然成斷句脫手先軒渠臨窗展團扇涉波驚墨豬勿云恩恩耳詎至蛇蚓如置之懷袖問一吟心神舒江梅翹春葩便可謀歸歟詩有漢江梅花之句

題金鵝館呈天綺

天章弟

前人

曉風吹征衣浦坂前邨是空傳魏豹城何處韓侯壘短策撥興衰往事一彈指客窗到明月卧起清宵美晨憩金鵝館妙蓮洋集

附錄

三

麗祇園似萱草北堂茂慈竹春庭紫清談滋味佳况復供多旨山門西向笑又渡黃河水人生苦營營坐驚歲月駛讀書與博簞亡羊則均耳不如去南山叱石聊復爾明當伴初平今方對初起

詞一首

摸魚子

贈吳天章

朱彝尊

愛蓮洋無多行卷才華直恁明秀紛紛日下柴車至逸藻吳郎希有李十九慣把汝詩篇三載藏懷袖今秋邂逅便訪我城東涼波殘月曉度玉河柳交期合不在時時握手傾心偶共杯酒六街聽倦簫聲鼓頗厭征衣塵垢殘雪後待驅馬盧溝轉入孤山口蒼厓若白伴翠竹黃梅香林守歲清興爾

能否

蓮洋集

附錄

古

蓮洋集卷第一

河中 吳 雯 天章著

後學浮山張體乾確齋校

會宿以下西

小山叢桂多石路。晚尤曲。爲有看山約。且共花間宿。清言轉忘倦。惟恐更漏促。山鬼緣女蘿。中夜媚幽獨。傍曉望城闕。微雨淡如沐。黛色從西來。青光繞茅屋。把臂共欣然。林風托遐矚。

出郭

微雨旣以過。明霞互深淺。出郭耳目易。場圃紛在眼。轆轤聲啞軋。牽牛蔓宛轉。野人烹葵蓼。桑柘陰中飯。對此惜勞生。厚

蓮洋集

卷一

一

生生益遠。太息理輕策。風雲滿前巘。

摩訶庵

鐘聲出林表。日上羣鳥飛。松際幻空色。花龕影微微。幽人坐煮茗。山僧朝啟扉。欲問無生義。難同中上機。

宿香山寺

溪橋蔓蔦蘿。空香滿風磴。洞洞泉溜滴。坐對前峰暝。松覆塔下石。花墜雲中徑。高軒方偃眠。泠泠度孤磬。

數篇品格在王孟
陶翰盧象之問

碧雲寺

古寺長廊陰綠階。噪鳥鵲空林響。展齒驚起松間鶴。洞口花冥冥。巖前雲漠漠。山泉危石底。終古何人鑿。爲沃內熱心。銅

瓶借斟酌

昌化寺觀吳偉畫壁長句

晨興騎馬緣山嶠。初日照眼明金鋪。石磴無人散松子。入門
茗薺追清娛。何人善繪江夏吳。應真五百窮規模。其上調御
古丈夫。諸天劔佩紛來趨。袈裟一縷覆大地。三大劫等翻轉
轡。無所從來亦無去。始終不異難覩闕。兩壁磅礴盡意態。凌
風蹈海神靈俱。鸚鵡塔向指尖出。猢猻藤傍眉端扶。作使天
魔如使奴。獐惡惛伏情恬愉。公無渡河胡爲乎。只愁臂挂摧
頭顱。何事毒龍肆吞噬。乃從腥吻結跏趺。緇素膜拜驚且呼。
毒來慈受毒。嗔嚙人間橫。逆豈不爾。參互比擬皆無殊。鵲巢
於頂膝穿蘆。天花落處成氍毹。如此定力合讚歎。總持妙湛

蓮洋集

卷一

二

將同途金錫汾陽示激勸。圓相爲仰開蒙愚。西來之意豈盡
此。令人悄恍生躊躇。山水暴漲能徑渡。髻珠道人斥其誣。幻
化由來亦輕眇。忍俊不禁堪胡盧。自乳生酪酪生酥。酥分生
熟成醍醐。搬柴運水神用足。粥飯既了滌鉢盂。貧子得珍乍
驚喜。終非長者安其帑。細觀蘭那見奇特。所詣已善猶有虞。
將無顯異尙惑眾。波提木叉還自通。卽如延陵此繪畫。烟絲
霧縷真難摸。當其經營備慘澹。可悟萬象由虛無。識心達本
乃至要。莫眩五色隨模糊。去愛有如摘懸珠。一珠摘盡愛水
枯。聖凡不立是何境。性清淨故超瓊瑜。

倏忽變化截斷衆流。譬彼師子。象王蹴踏非上乘。人不能道一字也。

聖感寺

聞道固爲難。守道尤匪易。嗟予早知非。况復來初地。陟嶺真
心坐。益覺世緣累。下界何茫茫。風雲突變異。太虛豈不仁。起
滅等兒戲。生死幻彭殤。哀榮感榮悴。人生受驅策。如馬制銜
轡。豈知萬不同。本原但一致。方悔病求醫。轉咲禿施髭。忽聽
石樓鐘。頓契無生義。

宿聖感同齋上人茗坐

霽公栖隱處。手種青松枝。飯共野人喫。名仍

聖主知。茶香分坐後。花氣捲簾時。至道原無隱。安心更待誰。

野渡

野渡添秋水。危橋一線通。臨深能自力。終不汙泥中。

處處指點

蓮洋集

卷一

三

杯渡渾河

香象截流能逕渡。其如老象沒波難。却喜一杯無罅漏。果然
安穩出桑乾。

得大白在三昧

陟嶺赴源栢寺作

一嶺嶠名堯。橫斷源栢路。香光莊嚴渺何處。僭力徑躡頓忘
疲。豈云濟勝全無具。忽然湧出青蓮花。千峰萬峰不知數。人
在青蓮花裏行。僧在青蓮花裡住。豈知勝地限咫尺。功力未
到終難遇。寶閣崔嵬入雲表。石龕巖嶭開珠戶。雨後爭看修
竹林。鶴來忽動青松樹。珠泉滴瀝逝空響。鳴脚甘蔗蔭行步。
齋厨供饌衆花集。長廊梵唄神龍護。嗟我勞生慕栢隱。對此

真令屏塵慮。安得早謝區中緣。靜息西巖發深悟。

華底有智珠說
來玲瓏剔透

潭柘晚坐齋心

至人離有無。民然衆機挫。修持苟無力。鬼神輒觀破。嗚呼華嚴師。冥心絕行作。神龍不能見。此地曾孤坐。我來千載後。道風想擔荷。但恐纖塵隔。虛空即點泥。精誠發嚮往。筋力愧屏慙。白鹿階下行。黃鳥花間過。中宵梵唄閑。肅然警偷惰。

霽崙輪庵兩上人並至潭柘公公有作依韻奉答

勝蹤隨處好。此地即清涼。寶閣爭雲出。天花雜雨香。忘言證摩訶。善休祝張蒼。新月前峰是。金鷲蓋正黃。

齊公次壁刻金釋重公韻索和即答

蓮洋集

卷一

四

年華忽忽髣髴秋。下澤常思馬少游。高咏喜聞清似鶴。好山驚見翠如虬。名心難遣千年妄。世事誰爲第一流。今日追陪龍象後。髣髴珠可許付裴休。

再次前韻

巖花衰露散清秋。夢醒三生識舊游。不擬讀書帶高鳳。誓將綺語斷羅虬。皈心後覺須先覺。達本儒流亦道流。古鏡不煩重拂拭。大千寂照幾曾休。

卧佛寺

石壁留蒼蘚。秋風紺殿陰。殘僧朝閉戶。山鳥暮覓林。老僧。飽。冰雪。白雲橫古今。津梁本無倦。聊示靜居心。

由磴道登洪光寺

柏子經秋老。紛紛墜客衣。涼風助朝爽。一咲到巖扉。橡栗山僧食。鐘魚幻夢機。花間共命鳥。驚見出林飛。

寶珠洞二首

香閣出雲端。千峰在其下。薄暮倚闌時。蒼蒼見平野。古洞崩崖底。珠光鐵石含。尙如金在鑛。須到月生潭。

龍泉庵

欹側下樵徑。諸天蒼靄間。松門忽陰陰。夕陽在前山。方池混魚龍。微溜通潺湲。尋源俯石磴。一泓如閉關。因知霖雨功。發機本幽潛。僧話亦縷縷。客心方閒閒。始逐鐘聲去。仍逐鐘聲還。

方綱按潛字不應入此韻必潛字誤請爲潛也

蓮洋集

卷一

五

卽事

階前已開紅躑躅。枕上飽聞黃栗留。一卷南華溫未熟。野人相喚啟新篴。

安昌絕句 有引

庚申夏仲余方抱安仁之痛更涉奉倩之疾薄游安昌情思怫鬱行藥郭門輒成小詩六章觸興不一難責倫次聊存楮墨以備歲月云爾

蒲葉青青夾堰齊。殘雲掠雨郭門西。綠楊盡是傷心樹。只遣黃鸝一箇啼。塗山櫓櫓幾曾過。癸甲辛壬恨若何。麥隴風來聞餅餌。千秋方戴禹功多。

魏豹城南畫角哀。韓侯曾渡木罌來。當年織室人何在。愁見菱花刺水開。

城東塔勢彩雲間。城外長堤抱指環。更望中條連黛色。誰能重辨玉鈎山。

半是愁中半病中。傷心不爲憂黃熊。蔗漿難解櫻桃熱。願乞仙人寶扇風。

紅袖當爐酒十千。高齋暮雨濕茶烟。周妻何肉都無着。未覺當年仲叔賢。

宋中作

梁園雪是當年雪。梁園客豈當年客。野水嚙殘修竹根。遠天日暮生空碧。我來十月天尚和。懷仙難和鳴皋歌。晴風吹樹

蓮洋集

卷一

六

鴈方到病似長卿。將奈何。長卿遊梁不得意。我亦東來歎憔悴。賣賦千金會有時。琴心一咲終非義。凌雲之氣不可干。論蜀威嚴表漢官。茂陵正有如花女。買入金屏一樣看。

寄荅姚綏仲

有客去矣秋風時。浮山蘭菊方參差。早稻已收雪溜匙。水田高卧狎鷗鷺。顏色美好心神怡。充悅豈食齋房芝。惓然念我路已岐。風塵憔悴百不宜。壯年屢見生白髭。停雲觸發長相思。千里寄我瓊瑤辭。飛揚騰踏謬見期。寧知利鈍銳與椎。茫茫古今雄者誰。黃金祇覺辱鴟夷。我欲問道入天師。萬年終可熟羊脾。丹房藥物君得爲。山中莫悞叔卿基。

方綱按羊脾。入聲此用韻。字微也。然卽韻字亦無平聲。

宋中使院題壁

關伯舊封邑。間有梁王殿。出入用警蹕。深倚中宮眷。勝詭詘。狡謀鄒枚得。良譙如何臺。館荒修竹已不見。十月天氣和堤柳。未全變蒲蓮。雖着泥清波。尙堪戀采采。藕塘北聯翩。下鬼雁。

不寐

不寐兼秋雨。寒宵更漏重。白頭愁易得。青眼世難逢。蛛網山堂藥鳥啼。使院松西風動鈴。索處處損芙蓉。

孟穀宿白茅寺用少陵贊公土室韻成二首挑燈細讀。不勝見獵之喜。遂亦斐然有作。

幾日客中行。却尋山中路。王郎頗豪健。惡馬橫溪渡。入谷四

蓮洋集

卷一

七

山合月上中庭。素解衣各有適。散坐盡成趣。燒藥巖際訪。採芝雲外步。天地喻指馬。世代荒厨顧。轉惜對花草。誰能度寒洹。心依紫竹林。手折青松樹。山情托猿鳥。霞想變朝暮。何處哀天漿。仙人掌中路。

一夕山中宿。心亂夢難靜。曉來下山去。日照青驄影。迴戀此林幽。仍苦前道永。蒼鼠緣絕壁。飢禽噪空井。汗漫方遠涉。何能遂夙風。塵漸雜。還心性自孤。迥上書罷游洛買田豈投。穎家門有名山。便與萬緣屏。種秫隨西溪。提壺任東嶺。希夷老子在干仞。蓮花頂。

梁園送袁山宣木林一還里

昨夜廬門雪。孟諸失所在。茫茫大河上一氣連。東海之子梁

宋遊高文發奇彩把臂芳樹底杯酒托千載何事忽南歸
此霜林改江波流浩浩弭棹傷殘壘屈指見閨人梅花正相待

韋亭即事

蘆葉一叢還兩叢後園散步見飛鴻
惜花今日風便可彈碁開白裕那教踏箭趁黃驄
女牆王屋晴逾好都付狂歌痛飲中

無一字諧俗故是我輩人語

早晴

入牖朝光滿西風吹早晴白雲太狼藉黃葉亦縱橫
病怯衣裳薄閒知耳目清秋暉接王屋壇路想經行

蓮洋集

卷一

八

相州初寒

昨日北風寒有信今朝東閣夢無端
衣裳在客寧辭薄歲月因愁轉見難
才子恐教傳鄴下名倡爭說盛邯鄲
蕭蕭荻葦三臺沒願乞仙人藥一丸

懷抱全不同

寄向書友

曾聞向始平能注南華經之子真苗裔
江山發性靈寒蛟終謝餌老鶴不梳翎
載酒鶯花節長吟入洞庭

太白

贈吳冰持

仲叔冰雪姿天際挿晴嶂愛日常教綵袖翻
致身已在青雲

上十月江皋發早梅翩然一雁下平臺
忘憂館裏人重醉龍亢城東客再來
一頃一簷競金奏玉壺傾倒當清晝
曝衣敢信仲容前說易豈在瑯琊後
僕僕王程未得閒汝南雞唱穆陵關
相從懸瓠天邊水好看軒轅問道山

相州作二首

晴日照簷隙霜消庭樹枝無事一靜坐
况對融融時羣籍四羅列隨意皆可窺
偶繡梵經經如接天人師更一理又象豈
便隔軒義且省米鹽累嗒然生端倪

凜冽前日雪廣野風浩浩今晨煖若斯
轉覺機緘妙緣堦理藥臼近竹移茶竈
庭間鳴鳥下雲飲飛鴻到更攜安石屐還
側遶東帽欲問樓居人可解山中嘯

蓮洋集

卷一

九

有客一首戒戕物也

有客晨打鴉發機令鴉死兩鴉慘墮地
羣鴉噪不已念鴉雖物類求生無彼此
彼亦有夫妻彼亦有母子一朝生拆散哀
痛豈堪比飛者不敢下傷者不能起淋漓
血濺地激切刺心髓發為悲咽音悽愴
感人耳人亦有夫妻人亦有母子百年
篤恩愛團圓相依倚倘然罹災變號咷
不能止何為輕物命快意戕生理作詩
普告哀發心從此始

菩薩語當敬而聽之與東坡岐亭詩同觀

書留侯世家後

子房昔破產椎秦正年少輕身犯萬乘
幾為天下笑大索偶不獲皇天佑忠孝
副車尚未辨豈曰由智巧精誠動鬼物持

重垂至教。觀其三後期。可以抑矜躁。何待一編書。始能授幽奧。所以十年後。事事戒輕蹈。畫策發機先。困急益神妙。紫芝默來往。赤松託吟嘯。辟穀寧自苦。彊食未傷道。人生一世間。白駒久悲悼。黃石葆祠之。精光見窈窕。伏臘上雙塚。覓覓在迷嶠。好女與婦人。徒然計形貌。

此種詩何妨涉議論

蔡州道中

鴻隙陂南蔡州道。千里黃雲漫秋草。白龜浮波天茫茫。瑤林垂寶珊瑚小。汝墳客帳聞荒鷄。犢車碾破花溝泥。倡樓雁斷思不斷。珠燈照夢沉玻黎。池籬驚鳴冰雪改。豈爲封侯驛重墨。愁結胎簪走玉龍。橫出南徐入東海。

蓮洋集

卷一

十

偶作別調亦復遠俗

咏鄴城雜事五首

安漢將軍安在哉。七十二塚自累累。而今碑字傳梁鵠。不復重留受禪堂。

冰井清沈霸業非。南陵日暮黯殘暉。月明誰遣啼鳥鵲。依舊南來繞樹飛。

畢竟蒲生何處塘。半生憔悴怨姬姜。夢中金鑊寧留枕。空與識人只錦張。

破賊今年願已違。輶轅車馬又空歸。才人更有劉公幹。城日拼來看洛妃。

天柱功名感廢興。六渾游說比青蠅。高天積水成何語。不憤

當年溫子昇

再宿百泉

重作蘇門行。小作蘇門住。西風昨夜來。不辨泉與樹。晨興益蕭爽。頓爾慚心素。淡淡浮雲盡。渺渺飛鴻度。牽牛寒有花。葭莢晴多露。境勝理自決。心賞目皆寓。尙覺腰組煩。未遂垂竿趣。何處鳳鸞音。徒然謝高步。

讀此欲忘世事風格亦在三謝間

汝陽霜夕

樓外霜風清。樓前燈火明。辭家三百日。愁卧汝陽城。難挹黃滕酒。誰調錦帶羹。桃花西澗底。春譙記彈箏。

九月發懷州四首

蓮洋集

卷一

十一

秋浦荷葉乾。長途蔓秋草。西風千里來。九月懷州道。蒼山不可極。白雲常無窮。何人醉修竹。哀笛夕陽中。秋烟紅樹稀。積潦枯植卧。大野一茫茫。萬古飛鴻過。世界原訶子。誰教畫九州。隨緣風色裏。處處六鰲游。

南水道中

野水尙瀾漫。霜落水已清。網罟何其多。群魚亂縱橫。樹杪老鴉翻。百千同一聲。獵火發寒燒。狡兔伏且驚。帶箭者誰子。臂鷹方射生。同荷造化力。相戕太無情。瓏上沮溺流。畬田耦而耕。但知黃牛肥。不知白馬輕。前車正遙遙。日暮愁孤征。北風動地來。雪意看將成。同袍四五人。勞勞何所營。

汴樓喜春三首

蕙風乍披。閣柳烟將着。屏愁應隨臘去。喜定逐春歸。官驛江梅落。雕梁海燕飛。玉溪三月路。載酒莫相違。

可入玉臺新詠

連日北樓醉人傳。又立春柳拖新苑水。花掃故宮塵。鶴醒三更夢。鵬搏萬里身。相并郢中客。同去采江蘋。生菜細堪嚼。玉臺清更陳。鳴箏樓上客。挾彈柳邊人。寺塔留殘僧。官細感故塵。當年歌舞地。幾處鎖寒筠。

有憶二首

憶。初。揚。紅。燭。相。尋。半。玉。溪。紫。釵。屋。南。北。紅。袖。洲。東。西。咏。雪。當。鴉。髻。行。存。過。燕。泥。避。風。臺。畔。醉。裙。綳。落。文。犀。

昨夜月明好。清光萬里同。塔間人少睡。閣迥燭無風。酒渴三

蓮洋集

卷一

三

更後心空四照中。南來尚鳥鵲飛過戟門東。

二首乃作義山體集中變調亦是才大無所不可

送陳子文贊府轉餉入都兼訊阮翁

夏。旬。晴。曙。啼。雲。脚。欲。垂。雨。我。來。主。君。廳。不。謂。君。當。去。君。去。復。何。爲。官。程。非。我。私。綠。樹。二。千。里。相。送。入。京。師。咄。咄。此。行。未。爲。惡。同。有。故。人。在。東。閣。入。座。寧。教。樽。酒。空。論。文。應。忘。簷。花。落。更。有。漁。洋。君。最。親。我。心。切。切。亦。斯。人。願。君。持。此。敬。相。訊。最。念。東。溪。處。士。貧。

寄呈梁大司農

承。明。曾。奉。召。玉。署。喜。相。存。國。士。知。何。忝。尚。書。道。最。尊。孤。忠。通。貝。闕。素。念。托。棠。村。驛。裏。途。方。遠。鵬。鵬。翼。正。竊。愧。無。將。履。敬。先。

得下堂言薦。稱書仍在。投瓊語更溫。何曾分得喪。端不異寒暄。座席春風接。長途夏雨繁。看花懷畫省。折柳記青門。豈待無相識。方知感舊恩。

感傷四絕句

皎皎依然明月輝。寶奩塵掩事全非。青鸞雙影知何處。苦道瑤池使未歸。

惆悵零香鈿合封。紅綿小繡損芙蓉。綺窓拋擲誰收拾。珍重當年錦線縫。

二十年來曉夢空。蓬山弱水信難通。桃花誰道三千歲。難抵春歸一夜風。

漸老蒲風笋又斑。一番殘夏意闌珊。仙人去後無消息。留得相逢翠指環。

蓮洋集

卷一

三

相逢翠指環。

寄吳翁

前。年。待。詔。承。明。廬。春。風。座。席。歌。樂。胥。左。右。攤。書。一。萬。卷。綳。緜。咲。啟。銀。魚。不。惜。齒。牙。數。延。獎。其。如。小。子。原。空。疎。白。衣。奉。詔。白。衣。返。歸。來。明。月。松。窗。初。每。憶。令。德。勤。寤。寐。時。瞻。天。際。生。躊。躇。近。復。遭。際。百。不。如。窮。愁。奉。母。無。僮。儲。子。雲。方。失。元。經。托。安。仁。又。歎。房。櫳。處。舳。棧。久。矣。罷。入。夢。江。鄉。且。欲。狎。樵。漁。租。船。高。詠。誰。相。識。應。待。先。生。薦。稱。書。

渡河

曲岸鴛鴦穩。回村荻葦秋。傷心今昔事。不肯付東流。

過封嶠戶處

鄭門曾未入。已犯墨縷兵。直待囚三帥。方知信老成。

涉澗

清澗方朝涉。人家半薜蘿。溪光迎客淺。山翠濕_{一作衣多}。霸業餘荒壘。盟臺俯逝波。誰能瞻紫氣。函谷等閒過。

宿孫家灣

中酒翻成病。長謠祇益哀。一燈殘夜後。百感壯年來。洛水芝難採。嵩陽桂未開。愁心與歸夢。却傍赫連臺。

雨宿白沙

黑雲垂到地。密雨周沙原。湍鳴汀葦折。風急塘荷翻。敗蟬空抱葉。病紙仍觸藩。惆悵仰茅屋。何從花燼繁。

再遇毛祥符會侯時廐 內召二首

蓮洋集

卷一

古

一載不相見。依然惆悵時。未消名士氣。終有聖人知。官舍靜如水。琴聲清近池。從今謝手板。珥筆未爲遲。作吏苦難述。蒼生當若何。一誠通帝眷。百口答恩波。忠孝果能盡。文章方不磨。野人情悱惻。曾已鳳池過。

汴渠遇王蒼嵐大叅話舊

一散京華去。住難野人今。已遂漁竿。浮名豈足動。英主月餉空。教累大官。汴柳何綠。驚入夢。嵩雲誰與勸。加食相逢省。問升沉在。且共先生醉藥欄。

魏惟度留飲卽贈

汴柳當門映。索居名。山心事近何如。琴尊尙自能留客。風雨何曾厭著書。不少塗泥悲驢襲。并無鐘鼓涸鵝鵝。蚊虻虻雀。

須臾過。那用臨淵羨大魚。

雨中寄懷毛鶴舫使君視堤河上

積雨注無時。塔下生蝌蚪。官舍猶然苦卑濕。可奈使君雨中走。相逢面目歎鰲黑。一飯自卯已過酉。河上魚龍方得計。淺濶騰擲無不有。壁馬甘沉瓠子宮。鐵犀難繫金堤口。當年曾盡淇園竹。今日空悲汴渠柳。吁嗟世事難自料。高文一卷猶在手。咫尺金華不得入。尙爲俗吏遭掣肘。寄語使君湯悒鬱。御屏書名聞已久。丈夫本爲蒼生出。豈圖食肉飲醇酒。功名不在大廈底。安坐兒女互于喁。手胼足胝脰無毛。如是之人真不朽。野人爲祝稷卨身。咲詠唐堯傍魚留。

寄黃經公

蓮洋集

卷一

五

曾拚官舍醉如泥。別後柴門掩玉溪。樹下茅容原有母。閒居潘岳已無妻。當年情事悲鴻爪。近日文章愛馬蹄。彈指韶光驚過眼。幾時靈藥就刀圭。

讀張中丞睢陽遺事歎憤不禁遂書紙尾二首

板蕩中原挂江淮。有義旌。一身持衆議。百戰抗孤城。自合圓天地。何須計死生。浮圖留半箭。遺恨賀蘭兵。

廷議真堪痛。精英幸不孤。當時猶以食人爲過幸。賴只今留廟食。差可慰雄圖。象服喪中國。金吾拜亞夫。猶嫌崇贈卹。不到陸家姑。

_{中丞有姊嫁陸氏號王巨走臨淮姊遮說勸勿行}
_{中丞妻贈申國子}
_{拜金吾大將軍}

贈張貞起司訓

伊水洛水交縣流。南望嵩陽雲樹稠。先生家住縣城裡。讀書白眼凌高秋。偶寄一官廣文舍。別有襟期見瀟灑。曉起生徒罷設壇。日暮堂堦自騎馬。我昨匆匆過縣門。涉伊渡洛投孤村。官舍相逢成一嘆。不及田家老瓦盆。

汴水逢張有九道。昔皇甫山隱居之勝。

幽人昔移家。曾住皇甫山。開山下田。自種一頃豆。白雲繞茅茨。飛泉迸簷甍。有時飯名僧。間亦過耆舊。梅花識漢代。楓葉遺唐后。長年長子孫。遙播懷橘袖。至今汴川上。數數夢巖岫。惆悵大江北。不爲吟詩瘦。

贈張西木二首

荏苒三年別。韶華彈指間。已看腰組貴。省論鬢毛斑。海上思

蓮洋集

卷一

六

青鳥山中美白鵬。只因衰病後。心事各闌珊。

倦鳥愁千里。欣逢嘉樹陰。晚來望明月。清影在高林。散坐伏杯酒。涼風吹客襟。蘇門追往事。遙聽鳳鸞音。

字字參活句

感咏

威鳳本潔清。豈云啄腐鼠。自有琅玕實。皇天報辛苦。人生墮名行。一失百無補。慎守東岡陂。篤信師前古。

獲嘉蚤發留別大令何近思先生二首

秋光千里入覃懷。破曉涼風在水隈。應是山中雷雨後。白雲齊過太行來。

楊柳荷花匝縣城。風流文采舊知名。而今漫道河陽宰。豈但

黃門有頌聲。

鄭母朱孺人甲申御河殉節歌

進士鄭大辰母

九鼎已躋國步移。乾坤瀕洞丹風吹。劫火飛燄燒龍旗。封狼十萬屯京師。廟謨失計蒼生危。可憐橫海盤鯨鯢。青絲白馬儼旌麾。偷生事仇死者誰。網常不謂屬蛾眉。國仇家難身丁之初。聞絕粒涕漣漣。自投堦下無所知。叫天無辜仰天悲。每憤巾幗力難施。洵洵情事迫莫支。決計遂恐失前時。一往難顧。白首期回身再撫懷中兒。九淵奮躍衝琉璃。春波洄漩風參差。必妃作導龍女隨。氣干水伯驚馮夷。嗚呼國家本若金。既耳何至顛危竟如此。有君無臣事切齒。不痛朱顏水中死。但恨孺人非男子。

蓮洋集

卷一

七

晨過吹臺

朝發漕門北。綠楊一千樹。樹上涼蟬嘶。漸得吹臺路。塔勢迥雲表。鐘聲出溪霧。登躡散遠懷。延望銷塵慮。臺下八九家。晨興理場圃。轉戀江中賞。益協田間趣。徙倚竟忘歸。寒塘見飛鷺。

中秋夜五崖先生招同諸子看月

清暉何皎皎。何年哉生明。尊盧泰氏在。荒古自君視之。皆後生仙人。那能着斧鑿。只應三五流元精。後前往來極萬變。纖毫鑒照難遁情。升沉明晦圓與缺。世人妄見非真成。今宵偶然肆端正。佐我酌酒賓筵清。座上老子興不淺。衆客雜遝方縱橫。盤中果核可立盡。玉壺既倒瓶盆傾。狂歌遶樹動鳥鵲。

陪食憲伯登九山寺同姚綬仲孝廉二首

蟲蟲松門傍日開山前車馬漫徘徊
中誰貯千秋雪杖底

蟲。蟲。松。門。傍。日。開。山。前。車。馬。漫。徘。徊。洞。中。誰。貯。千。秋。雪。杖。底。
爭。喧。萬。壑。雷。礪。道。猶。傳。龍。女。過。珠。幢。方。見。雁。王。來。三。生。合。受。

百泉秋感

蓮洋集

卷一

大

一夜涼風吹翠衾。曉看水霧積秋陰。山中久絕仙人嘯。泉上空傳衛女吟。傍岸芙蓉思照鏡。隔花烏鵲憶穿針。竹竿籊籊青如許。傷盡離鸞寡鳳心。

陪五厓先生宿白茅寺七首

盤馬入蒼翠。平橋林影斜。白茅何代寺。黃葉幾人家。石井尙

生乳寒瓜猶帶花。晚來添紫氣。分得赤城霞。

絕跡上纖月西林擊野鷹開尊清白吏
時有舊成都大守冀
涓公盛輝令陳君先

燒芋懶殘僧。寺僧煨芋對壑遠難到。題名昏未曾應真。

傳五百捫傷下垂藤寺傍有鉄範應真

誰種夔松樹。傳聞七百年。一燈明疊嶂。萬竹揔三泉。近聽水

周屋俯看星滿川
蓮花堪十丈
朵朵世尊前

夜久下涼露。空明映石根。更教捉坐席。還與集南軒。淵濕龍
歸峽。風腥虎到門。何曾累機事。終得暢清言。

未得山中去。看山且住山。堦前夔樹老。戶外一峯閒。客散但
孤坐。花深方閉關。胎禽能警夜。一唳竹林間。

一靜息。羣妄考槃成晤歌。巖飛搗藥鳥堂下。聽經鵝。世事漢陰叟。流光春夢婆。雄非寂寞如此壯心何。

林白四山曉。山中難久留。王程不相待。客路幾時休。紅樹引千騎。朱旗導八騶。轉憐猿鶴夢。剎那隔閭浮。

寄梁以道前輩

伏村先生村中居。閉門有類。逃空虛。吟詩萬首。老將至而今。且讀神農書。二十年來不相見。縣郭遙遙隔歡譙。先生苦憶

蓮洋集

卷

九

鳳將雛。賤子真同雉。帶箭晨起。題詩願寄。將前途風雪。浩浩
茫。春來更渡龍門水。空望嵩雲。汴柳長。

桃花夫人

桃花夫人好顏色月中飛出雲中得新感恩仍舊感恩一傾城矣再傾國

王右丞看花滿眼淚不共楚王言太蘊藉矣孫文定
泚亭云無言空有恨兒女聚成行與此皆妙于調笑

上蔡道中雪

車箱搖搖秋草澁上蔡城南官路直東門極望白茫茫風前一
點鴉翎黑

朱仙鎮

湯道江梅早還驚汴柳長河流交朱壘人語雜蠻鄉購市飛

乾鵲春沙走騶駟。南船新過壩。篷底立吳娘。

蓮洋集

卷一

三

蓮洋集卷第一終

蓮洋集卷第二

河中吳雯天章著

後學浮山張體乾確齋校

贈杜蔚門先生

郎君谷口花無數。棲巖寺底竹千畝。幽人來往花竹間。心與
白雲澹無取。避世卽是鶻冠子。忘機還應漢陰叟。虎谿醉客
歡把臂。龍藏禁方秘。懸肘讀書不厭細。如髮作字何妨大。同
手將烹赤鳳喜。鼎溫欲採黃精愁。雪厚藥奩紫芝兼。丹砂世
事白衣任。蒼狗永葉旋看鉛花生。丁女正藉壬公守。嗟余久
縶鷺。雀羣勞生空作牛馬走。長沙近復憂壽命。張仲恐難終
孝友。却仗我翁常慰藉。未可志氣便衰朽。昨日東郊迂春仗。
蓮洋集

卷二

一

全學坡公
字字道健

藝圃十二詠阮亭先生命作萊陽姜如農先生別業

南村

何須遠人境。自無車馬跡。叢薄日暉淺。柴門淡將夕。時有清
風來。藤花掃書格。

鶴柴

清音警夜半。竹露泣花井。山人曉開門。肅肅羽毛冷。忽向九

阜飛中庭亂松影

紅鷺館

幽人生滅已孤館閉空翠正有鷺王來聽講無生義嘗托陽
美寵不換山陰字

乳魚亭

種魚蓮塘下澆漚蓮塘裏蓮塘朝復暮不住蘋風起一半綠
楊枝隨風掠春水

香草居

托根在幽逕零落沍寒月春風來幾時一夜空中發望望綠
無停清芬動超忽

朝爽臺

蓮洋集

卷二

二

破曉石氣清清暉損千慮晨興據遠抱理策高臺去遐矚方
渺然直到雲生處

浴鷗池

藏機不肯來忘機不肯去泛泛綠波中悠悠淡無慮側翅入
深荷池上山人語

度香橋

花源吹樵風濛濛過溪水有客石橋畔空香落懷裏只在水
風間不辨從何起

禪

響月廊

竹梧含夕暉風生碎珠玉不知新月上幽映脩廊曲搖曳花

林間禽聲墮空綠

垂雲峯

何處來孤嶂巉巖插花塢白雲乍往還只在峯前聚蒼蒼園
側陰天池墮毛羽

六松軒

偃仰長松下淵淵心若水不知歲月深且戀清陰美山雨忽
飛來濤聲樹中起

繡佛閣

反聞聞自性萬有空氤氲稽首人天師寶閣梅檀熏一悟無
爲理不繡平原君

此題與西城別墅詩皆推天章擅場

蓮洋集

卷二

三

寇仙翁先

睢水年年引釣絲尋常冠帶照寒漪宋城箕踞彈琴後不復
人間種荔枝

墨子

八十年來事可知空山老去始精思一從靈岳傳書後方咲
雲梯說楚時

司馬先生承禎

日損真爲道無私治亦存飯心鵬鳥賦嘗聽廣成言

寶公

拙龍千柱少巧鳩一柴足忽罷淦陽工西山坐茅屋

玄奘法師

虎豹日縱橫艱難巔竇道無心且閉門自有神人導

摩訶嶺

崔嵬摩訶嶺萬山之門戶日月殊晦明巖巒變風雨蛟龍隱窟穴虎豹雜居處客子慘心顏墮躄色如土光陰能幾時浮生果何主大患爲有身厚生乃益苦落日投山家柴門對花塢安得結吾廬從之學農圃

次長子縣

山行五六日出山仍水聲溪隨黃葉亂峯與白雲平社鼓早收市畚田初罷畊風光憐上黨蕭瑟太行程

貽洪昉思

洪子讀書處靜依秋樹根車馬何曾到幽巷飢饉亦不登朱

蓮洋集

卷二

四

門坐對孺人理典冊題詩羞道哀王孫長安薪米等珠桂有時烟火寒朝昏拔釵沽酒相慰勞肥羊誰肯遺鴟蹲嗚呼賢豪有困阨牛衣腫目垂涕痕吾子摧頽好耐事慎莫五內波濤翻屈伸飛伏等閒在總於吾道無亨屯前有萬年後萬古刹那何用爭鸞鯢君家西子湖鵲鵲交文鴛湖上諸山太蒼翠欲從海外飛崑崙掉船載酒便亦足天漿手挹神騰掀少伯百計乃得此胡爲懊惱嗔山蓀紅裙錦髻過蕭寺虎靴桃杖投烟村頽然醉卧藉芳草忽忽明月升金盆

方綱按蹲鸞未有創用者此較昔人巴西之譏何如漁洋所存今亦存之然恐不可以訓後人矣

還書與子文

昨日借書來今朝送書去何從點脂粉亦未污寒具他時重

相過請參句中句

有風趣

東牧園老宿

牧園老人耶溪來十年不記芙蓉開風柳蕭疎乍相見琉璃映微縈經臺舊藤難識無生理微咲端能露宗旨世上紛紛多事人誰肯當前認原委傍晚歸來古寺門殷勤走送顏色溫欲別却問我師道風光可似苧蘿村

九日同諸公登高

蕭瑟蕭蕭木葉催他鄉猶得此登臺舊山愁絕二千里客席端應三百杯叢菊有情人醉後高天無際雁飛來樽前多少金門客盡是西京作賦才

蓮洋集

卷二

五

贈孫豹人

先生竹西住幾夢華池春傷心煮魚手卽是彈箏人先生贈家貧學煮魚手讀書四十四萬言衣食不能周一身鏡裏朱顏老將變髮髭鬚髮垂生銀連尻結腳亦何爲手排閭闔趨京塵聖朝本自重園綺衣冠儘可隨金輪出爵曾不待廉茂晚辭牧豕朝平津嗟我無能類山木久思高卧西河濱無端獎藉動敦迫觀光也復來逡巡僦居寄食幸比屋墻頭過酒時相親狂歌耳熱擊甘蔗僂僂舞忘憎嗔人生萬事難力取獨思巖壑棲松筠希夷老子對門戶白閣道者同吟呻也知肉重少仙骨急流且用全天真坐看先生濟時了陶然爲詠皇風淳

問李武曾

君言去山中可向山中去。我亦結遐想。尋爾題詩處。徐卿清興極。纏綿宵語若肯復同遊。再駕凌風御。

送宋牧仲先生出使贛州

才子新卿命離筵。且泛杯舟過章貢。水人上鬱孤臺。桂子經寒結。蓮花池雨開。春風歸雁後。肯寄一枝梅。

送謝方山先生歸里營清義公墓事四首

一語卽相許。傾心誰似君。千秋感知已。百倍惜離群。拜闕辭青瑣。還家掃白雲。好看清義墓。秋柏落紛紛。

白雁高天外。青山木葉疎。先生從此去。賤子復何如。無處堪沽酒。誰人更借書。陵州風雪路。渺渺一愁予。

蓮洋集

卷二

六

一飯亦不足。零丁真苦辛。窮吟二鳥賦。心感四明人。敢謂動英主。聊堪慰老親。生平知止足。從此息松筠。中歲頗問道。浮名空往還。因之報知己。莫忘徂徠山。謂足此真足。待閒何日閒。仙人半東海。着意水雲間。

送張輝生

君自海門來。相逢喜京洛。每說無生理。直到燈花落。共眠苦未得。數畏秋食薄。夜深暫分手。卽有來朝約。正欣望衡近。可以慰索寞。胡爲便言歸。小別青門郭。窮愁無酒錢。不得共斟酌。君有葡萄釀。就爾事鐫杓。寄語還山人。山中致不惡。

寄安東劉氏妹

憶昔在漣州。十月霜始嚴。如何夜半海潮溢。壓凌橫上黃河。

添奔騰城角半崩塌。忽然波浪齊茅簷。新租淤田二百畝。一

朝水沒寒蘆。尖幾日人家廢。火食乾餒。裹負無鹽。鹽舨。艇市腥。過屋棟。鱸魚大比五斗。金曾聞。宣房歌。瓠子胡爲親見龍。

飛潛比來更道淮。泗滿嗟爾家室增愁嫌。朝廷金錢那能惜。

大臣廟議空如針。薪芻枉盡淇園竹。越巫誕語寧足占。工煩役重野園置。支撐何術能相兼。數年不見書一紙。天涯涕淚

襟橫。沾燈下緘題。聊問訊北風。凜冽吹窗簾。

方綱按嫌字韻押未安

送黃俞卽奔母喪白門三首

母老寧遠出。君恩難重違。可憐家問至。果見素衣歸。負痛已終古。傷心看翠微。哀哀風雨裡。應有白鳩飛。

蓮洋集

卷二

七

微祿親應喜。其如時命窮。文章千卷拙。雨雪一帆東。山木悲涼外。江花涕淚中。傷心衣線在。忍見舊闔空。事君君未見。拜母母何之。忠孝兩不遂。棘人真數奇。啼痕寒日凍。瘦影北風吹。遙識墳前竹。蕭蕭剩幾枝。

送陳子文之安邑丞

維瓶處井斜。繹微不自如。常有毫釐患。提擲困泥塗。爭似鴟夷勝。滑稽大如壺。亦自稱國器。方托於屬車。嗟爾陳孟公。潔清胡爲乎。長頭偉容貌。昂藏八尺餘。高才坐憑几。口占百函書。贈我數尺牘。藏弄等瑤瑜。一朝佐山縣。不得縱號呼。羞乞狗監薦。甘受長官驅。我亦放意人俗間。久湛浮索米。向京洛歸夢無時無。誰知中條山。贊府先我趨巖翠。落官舍桃花明。

驛厨努力無廢事。小文難大儒。春明我當來。歸訪城南隅。已無尙書期。投轄真何拘。看山過茅茨。釣水尋菰蒲。寧知叢莽間。正復多酒徒。美舜已千鍾。流傳皆百觚。使君好與飲。持螯吊裴鬚。倒載入廳事。酪酲雙吏扶。解醒驚漿泉。遠汲風蘇蘇。何用苦束縛。約身如朽株。長短各自裁。官爵難強圖。封侯諒有定。豈必皆區區。一咲送君去。方噪城門烏。

方綱按孔叢子昔堯舜千鍾孔子百觚此詩乃六流傳皆百觚未安久浮字不應入魚虞韻

戊午長至後三日送王東亭先生旋里

中條小別二百日。日日愁看馬蹄疾。溪邊紅樹願久違。洞口白雲夢中失。尙有先生望衡近。十次出門九相覓。坐深數見亂茗椀。悶破嘗因散書帙。如何一朝般陽路。驟從風雪投孤蓮。洋集

卷二

八

賦得江鳴夜雨懸

一夜短篷雨。何人江上眠。濕飛雲外鴈。夢醒峽中天。便汲中冷水。寧須桑苧泉。濛濛沙岸蕨。齊放小兒拳。

讀蝸廬先生軼事慨然有感四首

卓爾先賢迥不群。千秋誰不挹清芬。堂堂諫草留天地。海內於今有四君。

採芋空山且著書。孝然風節復蝸廬。丹經九籥誰能啟。輪與潛夫賦遂初。

兩字隨緣鉄蒺藜。剛腸百鍊付巖栖。時人莫羨樓居好。多少

仙翁厭鼓聲。

久擬清齋學太常。當機難忘木樨香。紛紛背觸皆如夢。始信維摩意味長。

徐電發賣昇元帖遂成三詩兼論書法大畧云

愛爾昇元帖。風流七百年。長飢不自寶。却換水衡錢。太息驚羣筆。摩挲幼婦篇。白藤書笈在。零落夜燈前。

聞道山陰字。簪花格再祧。右軍初學茂。却觀戎路表。師法信

鍾繇。瘦破神方見。淵源派自昭。從君辨端委。惆悵惜南朝。大書他本皆肥瘠。此獨清勁。楊用修謂南唐絕品在淳化祖帖之上。因可想見。逸少師承。

狄道悲公主。平原念病妻。穠華當日就。鹿脯幾時題。拙尙存鐘鼎工。翻澆土泥何。人標野鶩愁。煞庚征西。鍾王本存古法。學者日就熟滑。

蓮洋集

卷二

九

宜爲盤馬武人所彈射

簡馮訥生先生

人壽非金石。大道在稊稗。聞有化人都。云在鴈門內。七日思羸糧。塵壒肆陶汰。如何羈世網。不得入蒼靄。五髻見恍惚。三花轉茫昧。先生金闥身。心在青霞外。含香坐粉署。道濟務博愛。淑問若皐陶。蒼生正攸賴。將無優鉢華。暫現飛狐塞。酌我一尊酒。高懷露瀟灑。蠅雖冥頑。神功仗縣解。脫然叫斗峯。隱几聞天籟。

贈高謨園

我欲修渾沌。東來遇苑風。不滿亦不竭。遂與遊無窮。左手挹天漿。右手攀樊桐。投壺多玉女。語咲落長空。仙人寧渺茫。大

冶飛赤龍。搗觴酌滄海。白雲方蓬蓬。

偶意

天地渺無極。廣大孰能窺。如何行路子。車轍無所施。其上軋飛鳥。其下爭蛟螭。所以阮嗣宗。途窮輒涕洟。借問何免此。退損遂皆宜。至哉猶龍術。知雄而守雌。不敢天下先。儉慈同寶之。南郭喀然咲。復歸於嬰兒。

右軍書法尙矣。而十七帖尤屬其最。世傳少有善本。西漢姜子獨有。僧權不全。舊楊良爲至寶。遂題五絕句于帖尾。

誰言野鷺與家雞。自信張芝鴈陣齊。續得過江書十紙。神明先仗庾征西。

蓮洋集

卷二

十

裴業貞觀入貢。初烟飛霧結狀。何如外人千載尤珍重。不數嚴家餓隸書。日給櫻桃子。一囊山川游目樂。徜徉向平心事誰能識。折柬還留種樹方。

角聲灑埽已相猜。分郡行人又不材。自是將軍多止足。金堂玉室及時開。懸雷山前覓紫芝。樂遵滄海去無時。神仙遊戲皆龍鳳。多少兒孫飲墨池。

仲春三日雪和愚山先生韻

入望空明雜曉暉。隨風故故撲簾扉。塔前柳絮爭相掠。嶺上梅花信久違。塞馬霜蹄連夜獵。春鴻留爪隔年歸。鷓鴣莫便

隨沽酒。又早重穿貂鼠衣。

貽洪昉思

不耐悠悠世上名。群蘿深處有誰爭。能通彼我間千古。纔著成虧恨一生。廣漢何妨貧折象。壺山竊願隱樊英。年來真見忘機好。非借雲林寄不平。

再示昉思

世事從來少定形。須彌未可蕤飛螢。殷音有辨復無辨。鯢化南溟更北溟。欲殺何嘗非李白。聞歌誰更識秦青。禾零雞壑當時藥。畢竟新傳又茯苓。

望華山

蓮華五千仞。靈孕自洪濛。每變風雲色。能參造化功。陰將連

蓮洋集

卷二

十一

太白氣自滿。開中欲問真源在。仙人住藥宮。

氣自滿開中五字從來名作盡廢

贈張君極三首

避世何妨金馬門。浮名寧感帝王尊。歸來擬就東岡老。愧爾安居辟荔村。

獨寤城南類考槃。閒中自製竹皮冠。丹砂狡獪傳經暇。別有

仙童藥一丸。

萬里曾憐新息侯。武夷毒霧悵壺頭。人間不少鷗鷺水。及早相從馬少游。

題張涵之園

曲逕蜿蜒紫霧重。竹林蒼翠引虬龍。畦閒臘雪方移菊。塔溜

春泉合種松。花外鳥窺人。對酒雲中鶴。伴客扶筇。假山更闢。巉巖色。知是晴蓮第幾峯。

虞鄉道中口號四首

千似飛泉下石門。嵐光霞彩變朝昏。樵人咲指司空谷。浣女方歸洗馬村。

翠紛紛入夕霞。石林東去有人家。木棉花落稼將熟。猶見黃牛翻水車。

楓林颯颯石磷磷。壠上飢鳥飛起人烹羔。釀秫勞田父。打鼓攤錢賽社神。

舍南舍北蔓寒瓜。東門有池方漚麻。老農何處牽黃犢。行過一灣紅蓼花。

蓮洋集

卷二

三

宿虞鄉山市

流水周山店門當五老峯。涼颯颯然至吹過東溪鐘。雨歇生巖瀑。雲歸失礪松。石潭如可問村北。有芙蓉。

詠史二首

我愛管幼安。避世歸遼東。高卧三十載。冥冥孤飛鴻。木榻見素節。皂帽式風。無欺資神鬼。波濤回有韓。無經濟材然。然而固窮河清不可俟。甘以棲遲終。醴陵本才士。豈是棲遲客。如何慕弋釣。甘與處巖穴。既仰會稽人。復信神農說。光彩謝鸞鳳。賤事執史歷。每憂筋髓冷。頑心入冥默。翻咲賦恨人。胡不炫彩筆。英雄肯寂寞。賢者固難識。

寄山中友人

兩箇梧桐半畝苔。蕭蕭草服絕塵埃。只今空有山中約。何日還同池上杯。蘋葉開時鷗泛去。松花落處鶴飛來。閒情較量巖居好。那問黃金百尺臺。

江皋夕感

丈夫重此生。自比山嶽高。天地視此生。九牛增一毛。元化日生聚。那得皆憂勞。貞脆偶相值。簾洞隨所遭。嗟我生不辰。早年積鬱陶。哀樂日相感。漸覺朱顏凋。家居愧俯仰。寄食隨波濤。霜天夜長望。四野風刁刁。江聲撲海門。水氣浮金焦。何以釋孤懷。靜聽清琴銷。

寒崗作

蓮洋集

卷二

三

少年不得志。生計苦隨人。辭家渡河去。藉口江南春。少陵悲旅食。杯炙潛酸辛。昌黎東出關。亦悔西游秦。古人皆困頓。未敢惜風塵。嗟我復何能。呵壁鬱不伸。曉逐明霞入。夕與寒鳥隣。江南有酒樓。畫舫芳洲濱。長嘯海門月。烟波弔逸民。

偶然作寄元升兼致翠峯

我聞葛稚川。無爲吳興賞。惜陰嗜典籍。游德窺象罔。擣蒲齒未知。况復縈他慮。元化妙洞徹。更思脫塵網。不戀伏波名。惟求勾漏長。猗歟古賢達。高風實可仰。嗟我顓蒙子。玩日無精爽。持此蟪蛄質。春秋事勞攘。彈雀逐重巖。日覺隨珠在。何以忘我憂。裁詩訊吾黨。

古意上阮亭先生四首

蘊蘊海上山中有拂雲松日影共盪漾霞彩相磨礪植根在天際萬古生雄風緬彼一孤鶴飄泊似衰蓬翔翔鸞斯笑晏息鶴鶴鵲鳴食俱不暢偃蹇青田踪憤悔過海上幸與雲松逢長枝托佳蔭倦翮欣優容他日生羽翼感激寧終窮
行則嶧山陽貞朴含清音無言難自明樵爨將與臨卓哉古賢達此際能幽尋削之以就器緯之以成琴提攜在捐棄誰能存此心

木不爲松楸馬不爲驂騑此生易位置百年無怨尤今日亦鬱鬱明日亦啾啾人歡己獨悲當必非庸流俳諧老曼倩放浪終莊周無勞答車騎當與惠施遊

清江沅江水宛宛衡湖蘭無人揚其芬幽窳空長歎一朝蒙

蓮洋集

卷二

十四

採折芳香出林端流俗始知羨羣衆方解看咄咄非此人委棄春風寒

古意東徐勝力

美人艷南國顏色如朝霞昨來耶溪上妒煞芙蓉花秦珠隨月滿越練逐風斜獨慕孤高義今年尙浣沙

調古

奉題顯亭先生阜園五首

池館接城陰春風滿竹林靜看垂釣意未減富陽心雨過沙田白雲歸烟樹深忘機對隣叟幾見訝朝簪

隣舍草堂近灌園同一泉白雲扶杖客芳草著書天稅在桃花外心當綠水前東屯愁杜老錯買瀼西田

招隱懷佳處幽尋此欲降鶯聲嘗到午鶴唳必聞雙山氣通三竺池流導浙江梅花仍作意故放入烟窻
藹藹藥苗綠茸茸梅葉紅懷人眠夜雨種樹立春風避世幾曾見素心今不同何年能負笑幽桂日成叢
仲叔羈棲日山公把酒時林泉泛此識花竹盡堪思野蔓纏青壁山禽下綠枝他時尋石路應得九峯疑

哭嚴顯亭先生

憶昔庚戌春孤舟涉江許人歸瓜步烟衣帶廣陵雨波濤歷頃洞誰念行役苦沂詠盤閭間呻吟雜柔艣身世等棄捐遭逢但齟齬汗漫下錢塘日覺因羈旅展轉吳山下客子色如土我公適在里走謁氣還阻不謂一相見片言即相許阜園

蓮洋集

卷二

十五

文酒歡數與商終古庭前鶴兩隻窻外菱三畝高情畧纓冕仁風浹肌膚謂我居湫隘移我松筠塢道士乍逢迎童僕亦欣舞留連兩月餘遊覽遍芳輿看潮兒跳波尋寺僧開戶臨岐重拳拳肝膈屢傾吐數作荐襦書大似孔文舉謂我天下才不止賦鸚鵡餽我舟楫資買舡出烟渚一別輒八載不能承咲語繼聞復登朝炳亮事
英主抗疏救流移蒼生荷安堵去年長安來又得盤觀縷感公再延禮高齋設樽俎慰藉計歲月問訊到兒女卽云秋病後纔能勝棗脯爲國當愛身強飯養公輔匆匆仍別去未能旣心膂今春謬荐達迫致不遑處方喜更瞻依益得傍清署胡爲乘箕尾遽爾謝塵侶哭公泪已乾弔公几重撫實爲天下惜豈但一人補丹旂何飄

飢總帷復淒楚空餘千載名寫入元臣譜

送夢紱歸中條

八月寒雨多燕山桂花濕君言不得意却返舊鄉邑馬纏黃金轡書亂白藤笈山中有草堂經年待修葺齋居得妙理樵爨自相給美醢蚤能歸送爾還佇立臨風再珍重蘆荻蕭蕭急

秋日簡阮亭先生

萬象本寂寥一心叢百垢至人心亦無萬象復何有先生金粟身方縮紫綵綬紅酣天女花綠醉麻姑酒妙思魚脫淵間情風在柳嗟我三生緣虛懷邀善誘將無瓔珞街當年舊師友文字得閒居神龍困蚪蚪無學之學難還同証長久

蓮洋集

卷二

六

晚過李武曾即贈

十年不相見何期此相遇夜深騎馬來明月在高樹驟值反無言但恐速歸去呼僮具新茗剪燈爪屢誤几筵錯主賓首索筐中句清辭感相示哀音如怨慕腹痛煩川人公藏心折昆明路艱難長道力近擇鷺王乳萬事皆浮雲一生若朝露奉母留眞實息機供調御嗟我無學久聞語益警悟分手暫言旋長空沒孤鶩

贈陳其年

漁陽桑葉落寒風遂蕭條美人遠自江南來手持明月簪瓊瑤乘秋理鏡發高詠和以鳴鳳奏堂簫傾國傾城誰第一美滿容華艷朝日泛此承恩入葉宮宮中行樂何時畢

呈補念秦公二十韻

一代文章伯千秋令譽長筆曾專國史名早動先皇草蹴龍池綠衣霑鳳署香登朝題琬琰取士得琳瑯百粵煩旌旆南天仗父康三洲鑄玉乳五色馭神羊吟帶羅浮雪資捐翡翠裝節回梅銷嶺綬照客星堂澤與桐溪潤聲留大滌蒼更聞秦塞曲亦藉漢庭良黑水軍容肅紅鹽幕府張賢勞久西海淑問復南昌劍氣豐城剖仙峯玉笥藏虛延禮孺子道濟湖旌陽近眷鹽梅托新猷海岱傍豈徒民愠解頓使國威強廿載皈依切三餘景物芳龍門登百尺蟲技獻千章葛帔還能惜金蘭自不忘從斯百寶色沐浴發奇光

方綱按梅
銷銷平聲

蓮洋集

卷二

七

雜咏二首

樓居有何好仙人苦留戀金銀雜玉階終是世俗見王頭與士壘達者兩不羨富貴不可驕况復貧與賤嗟我果何從一愚了千萬

何以有天殤欲惡分生死何以有愛憎物我形彼此何以有利害向背亂終始嗔怒從何生畏忌茫何起水本不能溺火亦清涼耳謂太空虛無神龍方踐履謂金石堅實飛將貫一矢真人齊萬化上善自若水雷霆不亂聰山嶽不折齒雲霧不埒勢美惡不在己空明絕將迎澄澈捐泥滓無學之學誰請師廣成子

贈魏閣之

千里俱爲客同看海嶽春說詩狂未減驚座醉猶神花信連三月鶯聲漸四隣秋風吹桂子仍作奪袍人

贈張子同學

當年十四五同學飽而嬉頗習鳩車樂常奪竹馬騎君嗣入大梁我亦汴水湄相逢夷門側筋力猶未衰飲噉示豪舉歌憐山木枝分手二十年風塵各數奇滄海何浩浩不洗胸中悲丈夫非偶然會有得意時痛飲坐樓船春烟浮雀離

偕孫子麟元太行途中二首

與君同陟太行來曾過孫登古嘯臺無限藤蘿紛在眼鳳鸞何處一徘徊

青山一路咲題詩君亦前身應畫師馬山晴巒數點首棲鳥

蓮洋集

卷二

六

飛出石楠枝

寄謝延壽上人

昨日去海門寒雪北風撲今年海門歸草色裙腰綠徘徊入九達知交苦不熟騎驢夕陽下仍就遠公宿燈前喜再見慰勞及僮僕豈云纓絡緣當是天人屬臨岐更珍重拳拳動心曲數日不能忘思之輒反覆高情題銀管用寄丈人屋

再晤方山比部屢過其宅輒賦此

朝罷歸來少送迎高齋常聞落碁聲幾時簾閣東風入不覺池塘春草生北海移樽留勝客西山拄笏薄浮名聖朝正藉英靈在那得滄浪便濯纓

贈湯西岸

江梅有鼎實辛苦高人種委棄霜露間不作和羹用丈夫乘亮節得失何輕重且歌田舍酒暫歇賢臣頌持此少年身百鍊始沉痛秋深石氣青木脫天宇空披襟仗瀟灑息念罷喧動歷想古賢豪大半出飢凍揮絃勸濁醪渺渺飛鴻送

押韻

方綱按此詩起四句太似山谷上東坡之作末句既用揮絃則不應復用飛鴻此皆詩家所忌

讀史

蘭陵蕭彥瑜通脫出時輩方其在弱齡明悟復慷慨直造王丹陽脫穎見清對桃枝虎皮靴風流有餘態胡爲梁臺建戰栗酬異代俯仰典午後人物可深慨獨有三好衰猶喜書不廢孤蘆求舊籍餘習不能昧遺今存萃素霜露荐寒菜長嘯

蓮洋集

卷二

五

撫陳編臧否當自艾

蓮洋集卷第二終

蓮洋集卷第三

河中 吳 雯 天章著

後學浮山張體乾確齋校

贈劉文學

老將劍橫看氣。蠡紫髯發。不是美封侯。壯心難自沒。沙場寒風生。精神皆騰越。以此服吾子。窮經當白髮。山川鬱奇抱。艱難磨駿骨。此生可痛哭。竈路驂駟蹶。長懷托詩律。知己信霜月。忘年晚交吾。義氣良飄忽。雨留剪春韭。秋過荐寒蕨。因念豐城色。終有茂先掘。慷慨飲君前。爲君更結襪。

蒲郡城南舊有海濱神廟。頗極壯麗。自大河去。鸛鵲樓下。殿宇漸成荒廢。戊申初春。過謁不勝感慨。乃爲

蓮洋集

卷三

一

詩十韻以誌之

余有濟川志。徘徊海濱宮。風霜殘殿瓦。葵麥遶簾櫳。老柏無全綠。雕梁有斷紅。塵埃生白帝。樵採入黃熊。傾倒天吳像。荒涼野兎踪。人情隨顯赫。神氣有衰窮。昭代方崇祀。豐碑尙記功。何妨使丹堊。重令闢蒿蓬。日月開朱戶。杳思冒碧空。他時瞻拜下。俯仰快朝宗。

小雀

嘲听深叢裏。逢陰聚衆鳴。巡。謀。鸚。鵡。粒。不。解。鳳。凰。聲。殿。瓦。春。巢。穩。劫。堂。晚。浴。輕。秋。風。將。化。蛤。兩。尙。樂。浮。生。

客次忽憶同友雨中遊條南萬竹園

滑路僥佳興。披簑問野坳。雲依峭壁山。雨聚孤亭嘗。稻炊

紅葉調魚動紫萍。所憐一分手。南北似晨星。

自漣水再入都

密雪霑春路。柔風暖大堤。雲垂山柳暗。日上野鶯啼。愁緒榮吳繭。長才愧魯鷄。帝京空往返。詞賦幾曾題。

春望

漠漠原中色。青青陌上林。王孫空有恨。芳草本無心。花放東風暖。橋平野漲深。遲行不自厭。徙倚聽鳴禽。

飲萬竹園二首

孤亭大壑臨。一逕入雲深。春水杏花落。青苔雙屐侵。山暉藏綠露。河勢繞紅林。谷口往來熟。相期散野襟。

曲路入山烟。春風二月天。柏根迴抱石。竹葉暗通泉。高唱隨

蓮洋集

卷三

二

林鳥輕身看紙鷁。摘星應未遠。杯酒續青蓮。

過渭南

渭川新雨後。晴照復娟娟。潮落灘聲小。霜明樹影圓。隴雲隨薄日。楚雁入高天。秋岸騎驢客。西風自黯然。

寺夜

秋風動祇林。柏子落堦深。縱有無生理。難銷蓮幕心。人歸齋磬晚。僧定梵鐘沉。明鏡真羞對。霜華點點侵。

行次華下

青光行不盡。山翠濕塵襟。曲水。稻田。熟。懸崖。烟。火。深。雲崩龍出峽。花落鳥窺林。來往長安客。何人起道心。

過友人村居二首

余最愛招隱君家適近山鳥窺雲樹裏人在薜蘿間領酒分
奇字投壺解醉顏從斯來往熟屐齒遍苔斑

地接王官谷常懷表聖風林塘能比跡琴酒况相同點筆湖
光白播琴海照紅卜居吾有意聲氣石林東

方綱按播琴
播字無平聲

過河澗

花鳴雙掌靜無近對對接芳青草是說與金丸渾不解呼羣
更向寺門西

過黃處士齋

初識墻東路乘春踏細泥梅花香雨早蘭葉惡風低鷄埭仙
翁置茶經處士題天涯如此日莫怨草萋萋

蓮洋集

卷三

王

戲贈李武曾二首

山公愛客綺筵清燈火籠紗妒月明此日相逢未相識江南
新到庾蘭成

沉醉東風盧女絃泥人佳句滿紅箋預愁長夜無春色遍種
桃花作墓田

吳門初春

聞道江干水漸消眼看芳草坐無聊酒杯揔使愁中得春色
終難客裏銷山鳥漫吟泥滑滑吳娘偏唱雨蕭蕭歸時借問
金陵路桃葉新添幾尺潮

灌園詩爲武曾作

李郎新詩滿人口出入風騷見忠厚我初聞之疑古人不謂

相逢在杯酒可憐三十猶途窮飄然一劍隨西東三春走馬

飛狐塞秋來聽筑昭王宮嗟余落拓鮮同調握手逢君如風
好論交慷慨惜平生歲暮天涯念芳草酒闌告我明燭前明
年歸種南邨田藥苗菜甲餽糲春畦秋圃通邇泉我聞古
來灌園者漢陰之叟於陵賢古人謀此爲高蹈李郎心事非
徒然李郎有母髮半白雁筍烹魚奉朝夕承歡且欲並諸昆
耕畊不用借沮溺丈夫出處各有期娛親豈在列鼎食我亦
年來悔遠行蕭然土室返袁閔他時抱甕條山下憶爾南陔
吹玉笙

聞喜雨後簡楓仲

雨後殘陽高樹間豆花覆井桔槔閒涼風徐度溪邊寺宿霧

蓮洋集

卷三

四

纔收郭外山每惜勞生仍遠道難將大藥駐衰顏相逢且撒
河汾席塔院東頭看白鵲

晉祠

懸壘山前路清秋見早鴻一溝瓜蔓水十里稻花風楊柳參
差綠汀藍遠近紅三年兩來往生計太匆匆

晉祠別陳子文三首

一水清如此沙邊坐不辭濯纓今最得驅馬欲何之渚冷魚
龍蟄山空鶴鶴悲徘徊雙柏底同惜萬年枝
千里王程迫臨岐倍愴余東西各分手彼此是離居病後仍
搗藥愁多莫著書茂陵前路在久已棄相如

贊府才真好題箋更不羣他時臨頭水還望海東雲大道無

多說微言情強分相憐轉相勉莫只絢聲聞

送西木之井陘二首

連日東樓醉東看海氣昏花枝當咲。僦竹影覆。毬門。風急交。蘆寺天高下。鴈村晴波千萬疊。新報減潮痕。

霜薄侵鴻爪。君行破旅顏。尊殘。筵社酒裝出。剡門山。此去舊鄉近。及春驅馬還。栖巖巖洞好相望。白雲間。

水村

林葉蕭蕭欲暮天。人家烟火夕陽邊。寒瓜引蔓垂茅屋。野水生波入稻田。漁網懸來晴樹外。釣車牽過晚洲前。圓沙鷗鷺忘機甚。隊隊菰蒲自在眠。

清極觀

在中條

蓮洋集

卷三

五

靈祠四山口。積翠俯重陰。獨立神境寂。微風生北林。秋篁全。迸節老樹半空心。亂水當門過。泉源不可尋。

飲向辰竹樓同調元子臣元升時將之中州

竹裏見殘雪。風鳴高樹枝。行役何足言。念此初冬時。朋好尙能聚。有酒相與持。曠懷天寥寥。忽復同在茲。藏情不盡醉。無乃中心違。願言各痛飲。窮達安可辭。不見千載名。悠悠但如斯。賢豪與螻蟻。俯視皆等夷。且復樂今日。大化任所爲。

和荅子觀

送客淒涼詠。渭城居然詩。品入鍾。文章敢謂稱。同調草野真。成有大名惜。別河梁。愁落日相思。秋雨憶寒英。五更騎馬匆匆去。美爾幽居睡到明。

題周林於鵝塘種水圖四首

朝耕塘上田。晚啟塘上扉。塘中一夜雨。箇箇菱芡肥。白鷗渾見慣。不肯避人飛。

朝見藕花鮮。暮見藕花盛。採花兼採藕。出水香逾靜。欲問種水人。紅塵失名姓。

朝買魚。妾來暮攜魚。子往策策復堂堂。漸見魚兒長。中有爲龍魚。一夜風雷上。

種水常苦肥。種山常苦飢。買山未必是。買水未必非。盡去丈人峯。來往新婦磯。

戲荅豹人

漫道長安難久居。薪真如桂米如珠。逢人便解相憐惜。借問

蓮洋集

卷三

六

先生住得無

日夜東風太劇顛。落花無數客窻前。只愁吹醒揚州夢。不得高齋自在眠。

彈箏莫怨白頭吟。賣賦常思歸舊林。不是魚竿愁決絕。茂陵佳麗要黃金。

再過方城二首

繞澗菖蒲逐水斜。鷺鷥藤上金銀花。普巖寺口客尋渡。延尉祠前誰種瓜。白鹿啣芝歸絕壑。渚禽啜藻過圓沙。仙壇問尙留丹井。別有青牛道士家。

方城極目半荆榛。幾次經過空驛塵。黃鳥任啼高下樹。青山長咲往來人。弓鳴原上驚陳寶。雨過窻前幻孔賓。莫便蒼涼

悲楚塞桃花猶有武陵春

初祖心影石

翠嶽嵯峨花雨隨孤雲片石妙難窺分明隻履西歸去五乳峯前又是誰

宿少林寺

寶閣崔巍明海霞香林四月杪糴花子規啼時山霧暝怖鴿飛處松枝斜夢本非真尙顛倒心不可得何正邪若解大千同掌果便應常住法王家

作禪喜語無不住故是再來人

少林早發

初地始一宿勞塵愁未閑鐘鳴少林寺日上輟輟開度嶺見

蓮洋集

卷三

七

青鳥沿溪拋白環藤蘿猶在眼惆悵欲忘還

三四自然而妙正索解人不得

送楊南城出守劍州

安陵消息近如何拜待新恩慷慨多遠水遠山通洱海春風在雨下祥河三更鷺鳴裴中立萬里旌旗馬伏波豈但長卿詩誦蜀天威先靖夜郎戈

別陳顯士

一載追陪咲語同可憐岐路洛城東傷心澗水兼瀝水落日南宮更北宮氣誼暫教違貢禹文章遙望薦揚雄何年金谷園中醉重對荷花一頭風

別潘殿升

入望中條決計還君亦將去龍眠山文章誰信已無價世事何年方得閒酌酒南宮北宮外分手朱雀蒼龍間相思各憶天津水五月浮橋下白鷗

二首
做說

宛邱作

長客仍爲客思家那是家舍連嘶櫪馬枝轉護巢鷗出郭見桃葉沿堦逢薺花白龜池畔路驚羽逐風斜

送里人歸

中條好山色君歸春雨時遙看汝河柳盡濕烟中絲飲馬崑崙水聽鶯元女祠愁心對芳草豈但發相思

似
岑

蓮洋集

卷三

八

過仁義驛

古驛藏深谷盤迴到水涯芙蓉秋澗葉蕎麥晚山花徙倚青藤杖縱橫白鼻駒蒼崖土五色或可就丹砂

留王孟穀游風穴

時王將歸楚

風穴何年寺傳聞水石間雲中千樹密谿上幾僧閒花信宜攜酒春心且看山休言涉魚齒凍雨損朱顏

字字鮮好是
霞外人語

蘇公墓下作

青山送客九十里宿草傷心七百年欲拜峨嵋索靈翼正逢風雨暗長天

古今人相開
往往如此

貽永樂舊主人二首

不見仙人候道華。攢攢誰食棗如瓜。谿南空作七年住。水鶴聲中處士家。

竊藥人應得藥人。翻從混沌見天真。無端貪作凌雲賦。辜負桃花玉洞春。

讀東坡種菜詩因成一首

頗有城隅傍井田。瓜花稂實每清妍。不煩更借參軍地。便已能當宰相錢。早韭剪來新雨後。晚菘斲向早霜前。兼聞此味須常有。休論東坡仕宦年。

書王平子傳後二首

戎務紛紛了不知。投壺荒宴亦何爲。只餘絕帶登梁日。猶似蓮洋集

卷三

九

採巢弄殼時

第一聲名品目非雕。窻爭脫小郎圍。生平無事強人意。唯有泉臺慰陸機。

戴楓仲因夢作丹楓閣索題

夢是何人夢。覺是何人覺。夢覺本不二。分別乃大錯。憶昔大鹵行。營道昭餘郭。野水方瀾漫。雜樹正綽約。宛然江上楓。湛湛照寥廓。何處尋步屐。旦來渡畧約。永懷記兼葭。高臥阻猿鶴。長安翻握手。有如偕宿諾。云結丹楓隱。乃效夢中作。幽眇混金碧。經營種花藥。邀人夢中遊。幻出覺時樂。日月跳兩丸。火風互磅礴。世盼齊指馬。四禪卽五濁。飲酒與田獵。衆生妄卜度。參萬一成純。背觸兩無着。喜覺固爲偏。戀夢亦成縛。夢

覺俱不到。可坐丹楓閣。

湖上翁

湖光混元氣。白波風浩浩。借問吳山雲。幾時山中道。仙翁鍊瓊液。八十朱顏好。手把青鸞尾。坐嘯據洲島。金雁藏丹經。白虎留至寶。至今棲息處。日月互回抱。曾孫結幔亭。張樂具松醪。神龜上蓮葉。桃花度青鳥。海運孰能窮。下瞰齊州小。

武曾見過同作見志二首

十年不一見。遙遙隔烟波。卽茲京洛逢。寧云漫相過。貧賤不足言。道業復如何。君家五湖口。我家三山阿。金液苦未就。息心修多羅。出當爲蒼生。處當養天和。君看隱顯間。悠悠寧不多。所期敦曠昔。莫負紫芝歌。

蓮洋集

卷三

十

前日我尋君。今日君過我。相從雖偶然。閒身兩無左。草草具盤飧。逆旅改新火。戴勝桑枝柔。江南雜花朵。君心豈不念。春潮放輕舸。吾亦愛吾廬。欲歸未能果。經濟非強圖。大道豈偏頗。真得証無餘。無可無不可。

方綱按偏頗之頗平聲

己未暮春讀清涼志遂示皈依之願

稽首曼陀利。五髻神光著。憫我蝨蟻身。重重障烟霧。內火尙未盡。外火無是處。見網苟不除。鐵網如何度。誓歸叫斗峯。常依貝多樹。天花繞至膝。水芝踏成路。鉢鉢施無窮。和以獅子乳。長安久作客。韋曲花無數。惜騰倦游覽。閉門類結住。靜中閱大化。交臂已非故。此生縱頑鈍。安能但馳驚。龍池雷雨蟠。

箭嶺藤蘿護菩提不悞人採藥中臺去

晚春五絕句

今日風日佳柳色御河滿燕子故飛飛不畏雕梁晚
看花空有約却未踏花行花枝如有意何日不清明
戴勝桑間飛黃鸝花上語頗怪同袍人背客看山去
砌草正茸茸蔓延雜花側可惜類褻腰不似青山色
鴻鴻交前浦鴛鴦過別灘莫因風雨惡吹動釣魚竿

水村

萬樹垂楊綠不齊人家住在澗東西新篁迸玉方連屋嫩荇
如錢乍點溪野墅客來忘閉戶晴沙屐過不沾泥風光都似
招賢里只少紅翎水鶴啼

蓮洋集

卷三

三

蕭酒絕塵
字字可愛

留別阮亭先生六首

得失本一致陶然返舊林易歸貧士策難遣故人心綠樹方
垂蔭黃鸝正好音囊衣太輕薄不會作黃金

守拙存吾道先生奈我何愁從歸日減淚向別時多知己期
簪紱閒人愛薜蘿蓮花千似色矯矯落晴波

歸計我寧得感公猶一言湖光同北垞鄰里似南村尚可慰
岑寂還應省注存巖廊看衮衮嬌首當酬恩

深隱豈非計賤貧難久居也知無舊業且復愛吾廬聞道甘
懸磬無才敢著書嵩陽招玉女渺渺又愁余

時雲歸將
又之中州

出處迥非我徘徊空念羣可憐撫今日遊子如浮雲雨露暗

芳草風花連夕暝那堪江水上重覓謝將軍

自信忘機事勞生失靜緣久成止酒頌誰乞買山錢白社思
投足洪崖憶拍肩棲巖精舍在爭與習初禪

余嘗與里門栖
岩寺僧有結庵
之約

和別王東觀

出門春草深入谷夏鶯滿客子思故鄉去去不能緩忽忽事
行邁悠悠增別心天涯非所難所難新知音倦我西山樵愧
爾東蒙客百年如流水歡此數晨夕重損瑤華贈商絃風蕭
蕭慘然元灞水四月垂楊凋君言汾陽來我正汾陽去一帶
貌姑山各覓題詩處

五言換韻詩亦
得太白之逸

蓮洋集

卷三

三

張水部修雷氏琴

製琴昔何人遺器留千載得者驚摩挲躊躇感時代宇宙浩
茫茫日月沒蒼靄藏舟向大壑交臂失所在所以古至人鍊
精除粗穢斯琴固班駁中聲托其內解散復膠漆重類開草
昧曾聞伐毛髓仙術肆陶汰修琴不修人吁嗟發長慨揮絃
送飛鴻吾欲吞沆瀣

題畫二首

何人畫出碧芙蓉正似家門玉女峯失喜西歸成一咲不須
更夢紫巖松

桂樹叢生掛女蘿車箱谷口近如何巖居宛爾渾相識只少
山人隔歲過

盧溝望西山有懷修南舊隱

蟲蟲秘魔崖幽幽潭柘寺長安一載不曾游未免俗情勝清
事昨日雨過綠楊綠水面菖蒲尺三四出門便喜歸路好况
復衣塵換山翠忽憶中條有隱居九峯五老各斌媚眼底雖
未西巖往失此償彼亦初志而今不驚宮漏曙披衣行歌暫
缺睡山窗日出鶴鷄鳴溪園樵熟鴈鵲醉有時或看種樹書
無爲不識編年字棲巖庵裏遇神僧銀杏宮前遲道士丹經
貝葉摠拋却布襪青鞋且游戲河聲嶽色共閒身了義卽爲
無了義

溪村四首

橋下蘋花開橋上柳花落鴛鴦何處去飛下青翎雀

蓮洋集

卷三

三

柳密籠輕烟珠樓隔縹緲只有黃鸝聲吹在傷心道
車輪不泥泥白馬驕在路美人中道行心潔跡亦素
雲開晚岫高雨過疏林迥矯首見長天一點孤鴻影

途次六首

一載金門客三春玉塞情倦吟豪士賦愁聽酒人箏入谷鶯
無伴還家雁有程傷心芳草色仍傍舊年生

豈爲蒼生出深慙

聖主知故人攜斗酒岐路感將離紫閣松千樹青門柳一枝
南山就別業強飯右丞詩

新城先生
首有贈言

爲報孫焦獲麻衣已拜官雖聞掛朝籍終許臥巖岫作賦安
仁拙陳情令伯難可知山水曲原有一漁竿

珍重棠村意風流近亦奇每聯名士飲不似尙書期繾綣青

山路將貽白苧詞徐陵吾好友先受下堂知真定近稱好士
徐陵謂電發

方綱按尙書尙字此
作去聲杜集嘗有之

文雅爭千載虛延盛一朝名卿方倒屣佳客坐吹簫石鼎誰
聯句元亭詎解嘲所憐風雨路相送寂寥寥

餽粥真無計難堪金石歌貧傷學道晚痛悔著書多妻子羞
尙向功名賤伏波只愁種處士無奈北堂何

過李逸人隱居

畢萬城東有逸人家風孝友繼君陳晴風照牖聞黃鶴秋水
當門啄白蘋不爲修琴稀到縣但知投轄可留賓年來久識
心期在寧許西巖一卜隣

蓮洋集

卷三

四

同薛有聲遊魏城山水

北山秋氣深落葉亂溪水行行石路側嵐翠入懷裏寒潭乍
澄澈雲物滌心耳白鷺雙翺翔翩翩下芳沚稻畦荒短蒲垂
楊掠風起嗟爾荷蓑人尙是天隨子

山中二首

積雨生秋晦飛泉出半山歸鴻度嶺急落葉對人間竹嶼隨
高下僧僂僂借往還孤情何所得終日有潺湲

烟火隔蕭晨披裘學負薪未驚風颯颯翻愛石粼粼戶外啣
芝鹿溪邊斲藥人白雲無定在天際隱松筠

宿僧樓喜汾郡丞劉與襄先生至

偃仰空林寂寒花照酒杯悠然遊子意欣道使君來素念託

清穎相逢繼嘯臺。廿年悲喜集難遺。魏城隈。

情至語足規
交道之古

雨雪嘆

仲秋一月雨。仲冬十日雪。積潦不乾。冰斷路飛鳥。來死行人。
絕里間收穫。尚未盡遺禾。在野倉廩竭。婦子無食饑。向日官
租鞭撻。又流血。昨日傳聞有餓殍。僵屍村巷。堅如鐵。比鄰雖
見。不能收。吏胥登堂。謹言說。嗟嗟生人。胡罹此。將無天意靡
遺。子愁心。一夜不成眠。凍死。臥聽西窗折。

雪中飲羽客家

夜深雪愈寒。星辰望寥廓。丈夫小四海。一氣自磅礴。古今本
須臾。怨尤靜尺蠖。無中函萬有。悲喜皆妄作。聞道金仙人。外
蓮洋集

卷三

五

庚申元日

歲序遷流少。定形勞生踪。跡又浮萍一。從州里移家後。七見
河濱春草青。曉色漸看侵。畫檻寒光猶欲傍。羅屏屠蘇分已
難先酌。便擬沉酣卧竹亭。

村居

莫向村居厭寂寥。綠楊千樹繞蘭皋。河聲臥聽。崑崙遠嶽色。
晴瞻太華。高岸上桃花如綬帶。溪邊芳草似青袍。晚來猶好
垂竿在一線。清風引六鰲。

玉溪宴集

竹林俯春澗。林下東風吹。人生無百年。爲樂須及時。良朋接
阡陌。相招同來茲。烹羊設醇醪。坐席歡更移。耳熱行南原。徘徊
至東菑。西望太華嶺。風雲變參差。雪殘毛女洞。日下希夷
祠。古今幾旦暮。盛滿不可持。酒闌吾已醉。欲採商山芝。

頗擬問止如洗石
田之暮雲林耳

自郊縣至南陽五日山水風土不無感懷成詩九首

郊縣南來未得還。菜羹餲飯綠潺湲。青蒼尚有皇初意。却愛
南陽五日山。

寥落孤城傍翠微。玉棺仙令去何歸。沿溪那待尙書寫。不少
雙鳬上下飛。

驛邊青山柳覆渠。草花香微石門居。當年曾有幽人在。風雨

蓮洋集

卷三

六

漫天坐讀書

黃石山南北澧州。清泉翠篠足淹留。仙翁更有真龜洞。白虎
峯西不可求。

東飛鴛鴦西鵲鶴。澗底菖蒲尺五長。寶髻羅裙何處是。青山
彷彿杜蘭香。

筆墨有
仙氣

白水真人跡渺然。春陵佳氣但寒烟。靈祠千載餘荒井。况復
癡心鑄貨泉。

豐沛韓彭可歎人。攀鱗附翼業重新。近臣都畫雲臺上。猶有
先生釣富春。

梁甫高吟意態閒。豈知魚水便相關。當年若亦遼東去。合在

襄陽耆舊間

翠柏週遭使院深。交黃鳥。夏初音。半生未得山中住。却看青山較古今。

遊風穴簡陸雲士

汝州風穴寺。城西白雲裏。出郭芳草深。得此林壑美。柏子周。四山桐花通。一水香閣接。幽巖僧飯資。禪喜石潭見。空性澄。澈何終始。潭上新笋生。潭下舊蘭紫。谿風吹午鐘。脫然謝襟。批相逢采山人。念爾宦游子。

不減開元天寶
諸名家五言

南陽書感三首

遙遙南鄂山。泃泃清冷水。不見耕父來。唯見神光起。

蓮洋集

卷三

七

已覺愁難遣。其如病更多。何從遇神女。教我服薏荷。徘徊青玉案。拂拭金錯刀。莫作十年賦。吾生已二毛。

蓮洋集卷第三終

蓮洋集卷第四

河中 吳 雯 天章著

後學浮山張體乾確齋校

贈閬鄉葉涑洲令君

森森鼎湖秋。蟲蟲荆山立。河濱隔烟火。遂已異鄉邑。使君善。爲政聲華久。相襲署看懸。魚靜野念飛。鴻集何嘗廢。嘯咏實。亦仗安輯。繫余違京輦。捆載白藤笈。風流施慨慕。河潤敢重。裏屢傾歌頌。遍未覺霜露濕。相逢嫌夢思。知不賤車笠。

將之閬鄉書贈同學道者

河上西風慘別顏。通津明日是潼關。時驚橘綠橙黃後。路入。秦頭號尾間。衰病羞窺阿對井。遷延愁過女郎山。軒轅九鼎。

蓮洋集

卷四

一

知何處。湖縣茫茫下白鵲。

河上望永樂歷歷然感咏

河勢衝水水倒迴。兩山寒色逼人來。鄉園雲樹雖相望。客路。心魂轉更哀。倦馬爭投盤豆館。飢鳥空噪赫連臺。勞生碌碌。真何益。欲訪盧敖鍊玉胎。

王官谷

朱樓覆殘雪。花葉無冬春。衆水急爭壑。一峯閒對人。白雲識。心素空谷留。皇醇晚來鷗鷺侶。接翅桃源濱。

岑儲皆有此調
儲較伉俪耳

送陳子厚之燕二首

玉溪東畔柳如絲。腸斷人間折柳時。寄語春風道珍重。桃花。

山店夢斑駁

步筆便
妍妙

意氣縱橫上國遊。嚴廊猶有白雲求。遭逢便奏甘泉賦。豈但才名動五侯。

贈道者四首

太乙茫茫不可尋。人間甲子任銷沉。山中爲訪樓居客。行過白雲紅樹深。

千似飛梁地下橫。雲光霞彩滅還生。天台聞道多松樹。獨躡靈溪自在行。

獨坐空山草木香。雲深雞犬聽微茫。閒居便可消塵劫。豈但仙家日月長。

蓮洋集

卷四

二

山色依然太古時。高松亦有萬年枝。不知採藥人何處。定在溪南又看基。

寄展芝亭並謝送花樹四首

受姓遙從公子展。樂易猶存柳下風。十載勞形到爾女。况復昭穆本然同。

海棠兩株嬌可憐。買須三百青銅錢。暫應忍醉不沽酒。換取風光二月天。

向來種樹稱篤喜。老來猶教此興偏。愛爾素心能贈我。滿車送到不論錢。

青李來禽日給藤。函封久不及囊盛。忽然惠我亭亭植。不待交春種始生。

將再之吳門四首

無端浪跡入吳天。彈指風光已七年。予癸卯曾客吳可奈壯游終未已。東南山水又因緣。

蠻語吳歌半不知。沙棠青雀影參差。行人多上真娘墓。酒客嘗留短簿祠。

綺戶雕窗障綠紗。笙囊夜半嚼紅霞。不知此去長洲苑。還有當年小玉家。

迢遞關門唱五噫。那能佳麗減鄉思。可憐也有凌雲筆。只與吳儂較竹枝。

次閩鄉

林響苦無定。還愁未渡河。夢回鄉路近。秋老客思多。投分嘗

蓮洋集

卷四

三

輕賤文章日。坎珂百年能幾日。禁此數蹉跎。

虞姬怨

嬴秦既失鹿。豪傑各經營。君王恃神武。成敗心俱輕。鴻門捨劉季。視之如孩嬰。阿房供一怒。火照咸陽城。富貴思故鄉。錦衣羞夜行。因循失天意。漢軍皆楚聲。帳下始悲歌。妾心早分明。一死何足道。貽君無令名。

射雉詞

雉飛麥田雄引雌。馬上少年弓箭隨。吁嗟雄飛雌不知。寄語少年莫放箭。人情誰不重分散。快刀健馬弓復強。何不射虎西山崗。

登虎丘

舊說王珣宅今說真娘墓欲問主者誰今人自來去達士惜
迅速數有題名處我亦登此山徘徊立烟樹鬱氣每含雨風
葉各翻露延賞猶未窮鐘聲白雲暮因思百年後文章亦成
誤三歎出山門山花覆樵路

吳門逢春感賦

小小不自立生計苦依人夢怯廣陵雨神傷揚子津揚子風
高不可渡行人盡立江頭樹日落江城早閉門草草相隨片
帆去才過京口是丹陽曉起推篷船滿霜寒雁蕭蕭迴遠浦
啼鳥啞啞立殘楊殘楊不可挽嫋嫋凌霜散我欲維舟一問
津長條未繫風吹斷吳關漸近吳語多舟人來往皆吳歌可
歎相逢不相識匆匆迴首各乘波乘波去不已同棹吳江水

蓮洋集

卷四

四

江客方過野埠西郡樓忽見青山裏城裏城外梅花新官街
不雨亦無塵鳥鵲橋邊窺扇客錦帆涇上卷簾人閨情已說
風光好酒船日日闌門道自恨黃金不繞身轉覺無顏對花
草歸來愁坐晚鐘聞拂拭吳鉤到夜分江上久無嚴僕射月
明誰是謝將軍追惟始道此行誤翻白來時想歸路江山日
遠路口長况復飄零歲方暮鎮日思歸不得歸江南轉眼又
芳菲可憐謬逐稻梁客空負山中蘿薜衣幾回遠望百憂集
歸來又向官橋立黃鸝巷口草青青厭見春風等閑入百歲
能勝幾浪遊徘徊獨倚仲宣樓丈夫事業須早立莫使蹉跎
成白頭

江樓寄懷宋中故人

二月春歸楊柳條廣陵風雨日蕭蕭題詩不到忘憂館走馬
何年海雁橋江上歸心憐草色城邊晚景惜花朝梁園賓客
天涯在空聽鐘聲落暮潮

有風
調

送張翼雲之馬首兼語續方山之游二首

春雨濕桃花匹馬花中去若過神福山爲禮繙經處
長者何生滅白雲空復情雪中有鴻爪松下看題名

西園宴集二首

我我九峯秀人家山水半草堂誰結構幽思玉溪畔相過忘
主客石上青精飯雲來松際陰泉到竹根散美人雙荷葉嬌
歌再三勸莫惜金縷衣浮生幾昏旦

蓮洋集

卷四

五

此亦不減泉遠漢
祠外雪明秦樹根

美人既已歌千觴客當御風景况融和梅花作芳樹神仙山
海事傳聞遠多誤何如乘早春卽此琴樽具會意默無語流
目靜皆趣窈窕竹林西莫忘題名處

七夕同斐然且復集張水部一畝山池得河字
中夜大雷

渺渺雲中駕盈盈天上河螢偏露淺水扇尙掩輕羅銀漢寧
携石風雷欲化梭遙憐小兒女巧拙果如何

贈許紫峯

散髮西巖醉人間許遠遊宰官推道業狎客愛風流日月銷
碁局乾坤任鹿裘相逢先一咲吾道本滄洲

小集晴雲書屋二首

愛爾讀書處晴雲遠舍斜。迴風猶墜雨。映日尙成霞。碧蔭一庭竹。紅垂滿徑花。遙天有孤鶴。掠影過圓沙。

爲趁涼風至。陶然共綠樽。座移花近眼。逕轉屐留痕。醉凭烏皮几。閒吟秋樹根。歸來鳳池曲。山月湧金盆。

題借山人行脚圖二首

一衲自踰巖。雙屨信來往。周行四天下。不出鉢盂上。脚底千山遍。天台尙未曾。石梁還待我。同作打包僧。

再題借山行脚圖三首

一峯毛女一峯蓮。一似香爐覆紫烟。奇句久堪凌謝朓。直須携去問青天。師有三峯詩甚奇

蓮洋集

卷四

六

言滿天下無口過。行滿天下無怨惡。卽此真是無爲法。豈必兀然坐觀樹。

現居士身而爲說法

三松屈曲偃蒼龍。行過袈裟葉葉風。濡足褰裳對溪水。知師原不愛神通。

崇效寺雪塢上人種竹詩

崇效窻前竹幾竿。移來依舊碧檀欒。敲風忽醒三生夢。過雨眞添五月寒。龍奮九霄驚霹靂。鳳翔千仞愛琅玕。塢中多少峩眉雪。好養靈根歲歲看。

題張別駕浣烟樓二首

信道樓居好。頻來說息機。綠楊掠波起。白鳥破烟飛。勝日坐

忘曙。彈箏聽不歸。舊山拋歲月。閒煞釣魚磯。

澤畔愁爲客。招携興轉多。窻移烟際舫。岸對雨中蓑。花笑三更笛。燈明子夜歌。白魚何處買。剛道網船過。

題袁士旦小照卽以爲別

二月來京師。京塵何浩浩。昨日涼風至。只覺還山好。之子雲鶴姿。讀書窮要眇。衣拂敬亭雲。酒醒新豐道。匆匆得握手。真快機緣巧。風前倚轡轡。意氣切雲表。畫師復何人。精思入窈窕。能寫慷慨骨。玉立傍修篠。恨不携之去。空谷伴清曉。世事閱始深。大道求愈杳。不敢天下先。苦縣昔所寶。願以贈臨岐。堅貞永相保。

圖作劍俠蓋以此諷之亦古人贈處之義

蓮洋集

卷四

七

贈張漢如二首

座中有客能吳語。知在江南住幾年。鱸膾蓴羹風味好。遙情猶念早梅天。

穹窿山下五湖舟。十五年前我舊游。何日更同張翰去。木奴重買一千頭。

寄張觀察兄時將由中州還里二首

分手惜匆匆。筵前燈燼紅。牂牁春信息。伊洛客行蹤。遠道意難盡。臨岐言未終。生平感高義。尊酒幾時同。悠悠踏曉霜。三日過漁陽。問路水村遠。懷人秋夜長。旌麾雄遠徼。書劍愧山堂。風雪邯鄲道。騎驢入大梁。

贈張本之

青門客散悵寒烟。上谷相逢小雪天。尊酒喜同千里外。素心
久嚮十年前。還山待過嵩陽寺。投轄重吟寶劍篇。歎息隋珠
輕彈雀。歌狂方便是因緣。

飲薄聿修孝廉宅

愛竹因買竹。五畝中條陽。清陰已三年。不得還山莊。愁來挈
酒伴。痛飲情慨慷。吾子冰玉姿。愛我傾百觴。昨偕嵇阮徒。取
醉叢菊傍。世緣我久廢。欲窮廣莫鄉。子能致通顯。立身以文
章。出處幸有托。長嘯襟襟浪。捲簾燈燭前。天高聞雁翔。

庚申仲春寄子文贊府三首

時住永樂風雪薄醉閣
趙帖送書牘尾奉達

松雪蘭亭跋語奇。閑邪規矩又誰師。臨風却想翩然閣。正是
更關闕茗時。

蓮洋集

卷四

八

想見子
文風致

疑義何人可較量。風燈薄醉靜琴張。病妻却上平原帖。鹿脯
端能遠寄將。時婦
病甚

才子風流官閣新。簪花定復解通神。歸來耳熱思甘蔗。擬作
山陰雪後人。

送汪郡丞之官渭州公子文升侍往二首

受命輕千里。承恩出禁闈。辭燕筍罷鼓。度隴騎如飛。幕府紅
鹽近。軍容黑水圍。天寒頻講武。大雪滿弓衣。

公子才無敵。詩名世久傳。嚴裝書自裹。絕徼檄頻宣。花壓蜻
蜓帽。烽銷騾裏鞭。往來關陝北。須到草堂前。

寄謝雲墅翰林二首

陳常

古道誰能重相看。意獨真文章。原自貴情性。本然醇有夢寧
皆妄。題書遠更親。正須安樸拙。蔚作廟堂珍。

去矣王官谷。冬深尚少留。遙思雙瀑布。千仞掛寒流。黃鶴飢
猶叫。青羊遠莫求。湖田三日雪。傳語暫消憂。近傳里門
多雨雪

香泉

香泉鹿城大忍寺泉也。陳子文使君飲而甘之。
構亭其上。名之曰香泉。余過題詩。遂以爲別。

乳窟有蝙蝠。千歲化爲白。微軀何足戀。生理尙知惜。嗟哉丈
夫身。昂藏儼七尺。胡爲竟貪冒。天機日狼藉。甚愛必大費。珠

玉歎輕擲。十月鹿城道。小憩越阡陌。偶酌泉水香。感慨風生
腋。將無無熱池。於茲潛遠脈。使君具懸解。構亭着雙屐。銀屏

汲鉛華。石鼎鍊金液。倏忽得要妙。疾如馬馳驛。更喜金界近
寶閣。鎮湖汶。碑古薤倒披。經富蓮橫積。寺有隸碑甚古。金
藏一部。積篋中。

蓮洋集

卷四

九

不謝塵累久。住濯精鬼繆。組君正煩饑。凍我方迫題。詩留碧
玉灑。酒振歸翮一。水。一切水。浮幢何間隔。大道本無負。交臂

豈創獲。兩兩素心存。終古照泉石。

讚歎寺

寺在萬固峪後產黃
精有潭澄潔在門外

讚歎何年寺。千峯擁石龕。竹根侵講席。花蕊落經函。紫葢烹
來嫩。黃精曬後甘。下方昨夜雨。雲氣滿龍潭。

論書答子文大尹

句曲論書已杳茫。江陵劫火更凋傷。參差墨蹟驚羣字。顛倒
山陰薶骨方。撥鐙微言寧石室。畫沙真諦豈雲陽。傳疑傳信
須裁取。莫但隨人築道傍。

壁上見子文大尹題句

昔人抱憤三年學我亦香泉兩月停。破塚不須求筆法。牙籤檢出翰林經。

大悲院禮懺

波光無點塵一舫。是通津遙辨風幡影。同參初地人。天花晴更落。枯木老能春。懺罪安心後。都捐妄與真。

欽乃書屋爲笨山作

舍人讀書處近傍。漕河濱。豈效臨淵客。常逢曬網人。冰開魚弄藻。花落鳥啣春。愧我風塵久。淹留愛白蘋。

喜世高禪師過欽乃書屋

退居習定久。携杖蹠蒼苔。偶爾示出入。何曾有往來。霞生紅逐舫。茗熟綠盈杯。我欲呈金偈。烟波失善財。

蓮洋集

卷四

十

龍在田梁茅梁叔敏兄弟同集欽乃書屋

慰我羈栖客。相過趁曉風。偶隨津柳綠。同看海霞紅。殘雪猶霑殿。新詩各滿筒。莫教文字障。問義有支公。謂世公也

留別張振宣二首

尙憶西園醉。徜徉坐竹林。門前流水靜。堦下落花深。歲月驚彈指。天涯惜滯淫。碧桃歸路好。回首發清吟。

別去翻相憶。何時方是閒。人同嵇阮侶。交在紀羣閒。釀借崑崙水。窻涵湖縣山。讀書契懸解。應獲駐朱顏。

和贈沈客子

浪跡忽約秦川濬。涇水且涉數斗泥。江南息壤苦不遂。君買湖船余馬蹄。麟脯鳳胎寧可致。夜半吻燥當以藟中條。松桂

久荒蠹枯楊。擬計或生稊。吻吻思近華。山鹿祝祝復遠尸。鄉雞惟君洞庭三。萬六千頃林屋曲。巖諸幽棲移家就。彼不爲惡鳥。健驅出雲峯。低葛花中谷。正莫莫。瑤草對岸方。萋萋少君偕。隱鹿門等身。甘褻布手則。蕘取婢。莫漫擗桃葉。生兒已見過。祁奚寒。巖枯木俗不徹。何宜以肉周。宜妻嗟余種種百苦集。世間那有蠲愁犀。白藤捆載待西下。爲君一日權相稽。春雨微吟。倚齋閣。征衣如擁。僧迎黎。詩成君取伴。魚稻客散誰仍供。犢羸五松偃。蓋蔭石竇一鳥度。枝窺藥畦。浮生半日閒。亦好喧寂休。較智與迷却。喜玉井蓮花近。復近儘可作此山中之人兮。

春雪曉望

蓮洋集

卷四

十二

密霰夜已零。杳靄漕河路。朝來南浦望。誰躡東郭屨。柴門半隱顯。靜掩溪邊樹。一鳥破烟飛。有人雪中渡。宛然畫圖

韓維藩席上留別時欲遊洛

久說盧巖好。南來趁曉風。征騾愁蹀躞。仙佩想丁東。坐上客頻起。樽中酒未空。懷人有佳句。伊洛正飛鴻。

送商築民還海門

綠柳陰陰黃鳥啼。與君走馬來關西。臘雪紛紛等飛絮。送君踏雪海門去。天涯同君皆賤貧。感君義氣何其真。重君家世尙書後。慷慨燈前一樽酒。家無儋石意何如。貧少黃金富有書。尋常讀史具深識。論古縱橫仍起予。君不見曼倩當年借

車馬豈有士常貧賤者丈夫義氣彌九垓貧賤富貴胡爲哉

朱字綠欲以詩正有道繼悔其近名也遂已之余心
異焉次其集中韵贈之

世上浮名原可噓欲得之者如趨炎伺候朱門太齷齪不容
針處鋒愈尖一朝餘論附齒頰小草忽爾成梗柟誰能絕此
但兀坐吾將再拜軼羣年來飢驅落塵鞅種藥留夢西山
崦對客不能出一語懸河之口如施鈴偶歷關門過太華逢
君寂寞情所湛豈知負才太穎利刺犀切玉昆吾鉅窮愁著
書畧聲勢巖巖之處獨不瞻於戲吾子之才守可以急爲橫
流砥誰信得失有定理其機倚伏窮龜詹何如安居翻得計
以恬養知知養恬神農之書早須讀莫待懣冷愁江淹鉛鼎
蓮洋集 卷四 三

崇老嚴

放歌寄趙秋谷太史秋谷罷官余在山海未能走送

特寄此奉慰兼寓勉望云爾

橫絕古今今
大海爲蓮池衆山卽蓮花天風萬里肆排蕩萬柄青玉交
桴千艘千蜻蜒一島一蝦蟇忽然夜半赤日上波心飛出黃
金鷗我當此時飲一石寒裳滿足思無涯恨不卽携秋谷子
把袂浮拍吟瓊霞三日得君音使我情咨嗟知爾縱飲罷官
去歸途雨雪車啞啞京國急來問親舊憂爾負氣神參差豈
知漁洋北來正遇爾道爾曾無芥蒂顏貌嘉眼前纓冕如脫
屣猛風吹盡恒河沙噫吁嘻人生萬事何時了朝起營營暮

擾擾官爵九遷仍苦卑黃金千鎰終嫌少吾子賦性殊不然
棄官無悶方少年得失榮枯本閒事誰能不動天中天噫吁
嘻秋谷子大奇特不負當年好相識力大能持震電驚心空
不受天魔惑噫吁嘻秋谷秋谷方汝行恨我未能飲汝以濁
酒勸汝以素筍爾去且復藏其名精金大冶百煉堅貞
九重聖人真聖明他時再起東山謝方知爾可付蒼生
方綱按參差之差
在支韻不應入此

並蒂芍藥爲衛遼商賦四首

從來芍藥號將離相別何如相見時最後春風有深意特教
開出合歡枝

黃鳥聲中谷口幽春風婪尾作春愁名園特與留春住故遣

蓮洋集

卷四

三

花開也並頭

蓮稱並蒂尋常有更道梧桐號合歡爭似東山兩芍藥一枝

競爽耐人看

簾外春風隔曉烟居然相對兩嬋娟傷心哀樂中年過對景
當參不二禪

寄佟聞喜玉行

涼風習習動清波董澤紛披遍綠荷百里陰歡桐葉密
九重恩入渭陽多詩情麥壠聽黃鳥書法蓮塘對白鷺自是
御屏思姓字天街旋看候鳴珂

西城別墅詩十四首阮亭先生屬作

方綱按第一
首闕其原題

花枝近女墻。歲月日瀟灑。雖復在城市。喧寂非車馬。清風迥穆如。知希和彌寡。

石帆亭

風動袈裟角。洪濤四溟吼。如何不動搖。片石土囊口。爲賞正定心。添種菱三畝。放翁詞石帆山下菱三畝

樵唱軒

採山因采真。歸來發高唱。衣上烟霞斑。雜坐無禮讓。身忘草木年。心寄尊虛上。

半偈閣

大辨本忘言。半偈又何著。赤日東邊上。素月西邊落。不必更求心。四大空索索。

蓮洋集

卷四

西

石丈

與世苦不諧。聳削自突兀。霜明耿介性。雨見欬奇骨。莫謂德無隣。有人具袍笏。

三峯

白帝家門山。何年竟飛去。毛女發精靈。欲共天孫語。纖月見庚方。產藥川源處。

小華子岡

右丞禪悟人。千秋生則效。每思茱萸洗。一理歆湖權。何意春城西。犬吠夜如豹。

小善卷

洞中過天地。居然小善卷。焚香聊宴坐。獨理朱絲絃。溪。割。罽。

書永人耕陽美田

春草池

池上茸茸色。一卷離騷經。謝客太荒唐。幻夢不可聽。愛煞懶公語。春來草自青。

竹徑

歌。仄。錦。石。路。窈。窕。無。凡。卉。去。去。綠。陰。中。涼。風。動。斐。亶。仙。人。何。處。來。一。萬。青。鸞。尾。

雙松書塢

讀書誰與共。于鬯兩大夫。更邀天際鶴。營巢兼哺雛。剛到春風候。花飛醺玉壺。

大椿軒

蓮洋集

卷四

五

八千歲爲春。八千歲爲秋。靈根托天地。世界真蜉蝣。何人知此意。只可問莊周。

綠蘿書屋

寂寂春陰繁。因成元豹隱。隔座花枝明。到簾鳥聲近。風牀書卷開。幽人本無愠。

嘯臺

蘓門有高士。求怒不可得。出水終大笑。妙意誠難測。爲想鳳鸞音。崇臺願矜式。

西城詩作者百數十家獨推天章擅場

飯心

洪州黃藥師。千秋有深契。說法如朗月。發明我心。地。恨。不。紫。

磨金鑄像日頂禮難報如來恩見受如來記

題臧喟亭侍御對月卷

萬古月如此而人今昔殊月見人屢遷人對月須臾復百
年中未必皆歡娛達者通久暫一息終古俱有月卽痛飲頻
傾雙玉壺秋色感平分金液融蟾蜍跡滿四天下清光皆吾
廬誰云海與山誰辨江與湖年年渠見我處處我逢渠相看
復相樂忘聽南飛鳥

再題喟亭看梅卷三絕句

人間萬事等浮雲山店溪橋野鶴群輪却衆香緣分在梅花
好處便逢君

幾向靈巖夢折枝半塘風雪往來時江南親到都聞過慚負

蓮洋集

卷四

六

先生卷上詩

林畔寒香水畔苔春風吹山白玫瑰羅浮舊是仙人窟不爲
梅花也合來

送西滇南歸四首

之子江南去河水苦未開榜人遲畫鷁苑牧候龍媒舊好日
以遠素心期再來水鄉春較早相望甬東梅
世態悠悠甚君猶古性情風前頻酌酒花裏再吹笙入道卽
無事忘機何所爭試看希有鳥原出紫霄行
漸覺閒名謝交遊喜日踈爲君置杯酒不醉復何如驛路誰
知已名山好著書相尋鑑湖曲爲我候鱸魚

久廢瑯琊法君書內史傳昨聞修稷帖寫向早春天

遇西滇
齋方摹

漢樂毅感相贈西滇惠我朱樹樂毅論以報洪厓難拍肩每
十年破邪論之諾割愛甚矣
希西滇書法有晉人白藤勝捆載珍念落花前
風味不能企及也

坐看

坐看山雲意態近釀成新雨到花枝盛來寶砌三危露寫出
幽人七字詩紅藥香中蠶浴後綠槐陰裏燕巢時晚晴誰辦
笑川賦只許當年杜牧之

風情

方綱按韻字劉刻作硯卿
集韻韻會皆以爲硯字也

桐石咏贈佟霞菴使君

山中早約桐花開花開時節桐鄉來今年桐花開較晚三月
無花葉猶短而今四月清和時桐葉生肥花滿枝使君愛種

蓮洋集

卷四

七

雙桐樹傍石栽桐拂烟霧桐鄉士女壽桐君桐花桐葉何紛
紛我亦特來酌一斗爲祝桐君三不朽半醉不醉咲靨紅如
珪桐葉含清風東山月上暮天碧醉把桐花卧桐石

姜華林郡司馬得紅泥燕子將之句命同人賦之走

筆應教

飛花無數委前谿雨雨風風打作泥紫幙最堪添舊壘雕梁
偏稱作新棲水邊啄得紅襟重柳外啣來繡翮低多少佳人
喜相待珠簾高捲立香閨

蓮洋集卷第四終

蓮洋集卷第五

河中 吳 雯 天章著

後學浮山張體乾確齋校

韓維潘兄招游盤底山園時華林姜公暨迺凡鳧庵

佩青鼎臣諸君子同集用杜韻四首

遠意名山托天台想石橋豈期臨碧澗迺欲傍青霄世事只如此幽人或可招劃然迴絕壑飛瀑得泉遙

九十春仍在百花爭一泉山光青似髻雲氣白於綿酒借仙人釀食供宰相錢登臨無不可掌上看秦川維藩爲少師公孫輩

老樹何年種名花此日開忘機仙苑草如夢藥宮梅雨怪潭蛟舞風知海鶴來蒼茫斷石戀戀古莓苔

蓮洋集

卷五

一

不醉不歸去歸來踏亂雲名留蝌蚪字書載虎龍文世界原同相仙凡亦太分近城燈火接山意轉紛紛

方綱按昔人論詩謂寧律不諧無使句弱此第二首食供食字應平而仄然亦初不能健也至於第四首之虎龍文倒轉而仍不健則失作家矣此等處未免太任意

劉廣文新齋

尙有春鶯囀居然夏笋成攤書試新茗別院有餘清得意花

頻發忘憂草自生閒中迭賓主長嘯鳳鸞鳴

方綱按此等太直率以其爲漁洋所存不得不存之耳

立春日後園偶興四首

今日又是立春日殘雪已消堦草青更喜井邊三橘樹經冬不死各亭亭

長吟橘頌當春晝春鳥弄舌墻東頭更須開池種菡萏花開可以來沙鷗

開窓次第見南山山雪欲消山更妍正好讀書風日下不須食肉雪山前

墻根有竹影橫斜迸雪生孫見笋芽看取風光今歲好紫荆花雜碧桃花

除日雨霽曉起卽事簡趙將軍五首

一夜春風動綠楊簷前春雨助花香城南曉起看春色無數山光接水光

碧桃有意已含紫榆莢無心迴帶烟取次將窺湘女珮逡巡全放沈郎錢

蓮洋集

卷五

二

江上當年逢早春梅花三竺太精神卽今檢點閒居賦誰訪湖亭放鶴人

丁將軍易久無敵李都尉詩尤絕倫西湖縱酒且爲樂留取皇家有用身

原上春風罷射鵰深居莫厭究龍韜等閒重有蟠花賜舊季將出未寂寥

讀衛一菴先生金經註歡喜讚嘆而成是詩

太華嶽嶽千紫霞平地湧出青蓮花韓衆相隨多玉女俱到簷前歌且舞人生空有世上名不及仙人衛叔卿黃鶴磯邊領道妙一卷金經契元奧不妨仍見宰官身行滿恒沙功在民民胞物與興惻惻自他寧有纖塵隔物我皆融性始圓大

道無黨亦無偏。把酒同看蓮萬丈。蓮花常在仙人掌。

喜歸白都下

中條如愛我。我亦愛中條。三月忽相見。愁心一倍消。紫芝春送曲。黃獨夏生苗。還挹青蓮色。天風萬里招。

題放船圖

少小讀楚辭。心愛洞庭好。一朝捉扁舟。竟下巴陵道。中流見漁父。枕枕無懷抱。願捨區中緣。放情寄洲島。揚來東海上。海天轉浩浩。水部水僊侶。相逢極傾倒。適意對鸕鷀。忘機到鷗鳥。葛沽桃花開。蘭橈動。飄渺買魚問網師。載酒命傭保。畫手復爲誰。點染出塵表。乘風大自在。波外青山繞。長松雲氣白。紅樹滄洲曉。莫更憶重湖。瀟湘等池沼。

蓮洋集

卷五

三

江樓憶弟霞

樓下江水何其深。對江山色常若陰。八月正有梧桐雨。千里歸客愁難任。鸚鵡洲前秋草綠。鷺鷥鵲鵲雙雙宿。只有衡陽雁一群。恨不同飛聲斷續。

石潭夜泊

烟盡北斗垂。明河淡秋影。石潭泊舟處。風篠娟娟靜。閒鐘渡水歇。宿鳥投林猛。素瀨見漁燈。花枝坐中暝。

孟韋之閒

宿湖口

斑竹晚沉沉。維舟惜滯淫。潮來全楚白。雲上半江陰。遠渚鳥雙下。空山猿一吟。故鄉千萬轉。今夜洞庭心。

唐人神韻
如是如是

謝公杏村讀書圖

鹿角關前春水流。鹿角關外鳴春鳩。杏花千樹香十里。花開常護讀書樓。我愛謝公好才調。讀書萬卷猶嫌少。每到花時只讀書。縱有落花常不掃。幾年腰組入長安。讀書依舊看花難。畫師爲寫讀書處。宛聽伊唔花未闌。余亦辭家一百六。花裏逢君帝城曲。見畫爲君色惆悵。關前誰鎖讀書屋。君言萬事皆等閒。讀書豈必家門山。畫中書屋眼前是。但取古字窺蒼顏。我聞君言轉增喟。境不可執書亦礙。堂上讀書笑斲輪。糟粕何如醇。耐對輦路連朝風。日佳出門况有千杏花。讀書爭似花前醉。且擲殘書入酒家。

蓮洋集

卷五

四

結其
撇脫

贈仙翁二首

韋曲相逢笑語溫。典衣沽酒對青門。蓬萊清淺尋常事。親見當年子尾樽。

勾漏丹砂海路懸。桃花作飯亦徒然。眼前便是方壺客。莫失真仙覓假仙。

真仙覓假仙

集阮亭先生宅得秉字

冥冥花枝晚。寥寥天宇靜。清言喜忘倦。坐失春宵永。風過堦草翻。月動巢鶴醒。蘭烟方繞案。麝火恰明鼎。醉墮席上杯。渴憶山中井。京洛去復來。豈曰違夙秉。願言晤親串。聊取暢孤迥。勞勞慕石隱。買田不盈頃。空泛洞庭波。積雨愁舴艋。山鬼

頗便娟女羅太幽冷人生分有定利鈍敢強聘早聞樵與槎
幽薊別汝穎緣隨雙象馬夢謝頭綱併物情蒼狗態世事孤
鴻影倘未早識別無乃昧要領家門青蓮花嶽嶽插青冥吾
將掃石壇坐卧南峯頂

方綱按青冥字
從來無入此詩者

黃湄先生游太華得結屋地賦贈

車箱谷口雲白照松間路誰能訪叔卿嚴寶一身度黃門具
奇情振策御風步萬仞入洪濛理勝境無怖壑轉晦明錯樹
老丹青誤俯見蒼蒼原明河正東注驟雨忽翻瀑肘腋蛟螭
怒須臾亘長虹關陝半呈露逕側修竹倒石迸垂藤護相逢
紫烟客日擊道皆寓齋房肉芝香石園松花聚卜居志已得

蓮洋集

卷五

五

探幽坐成趣嗟我生勞勞入世每多懼夢繫毛女壇身遠將
軍樹日日對晴蓮塵容自生妒何年便結隣同住雲生處

結得
完足

題周雪客燕舟三首

陸海仙舟枕半支歐陽畫舫是前師閒中只愛乘流便忘却
掀天起浪時

奇險誰驚虎臂灘浮生何處不波瀾觀心真到無心處都作
高春穩睡看

瀛海三千羽客迎楞伽飛渡浪花平陸居無屋舟無水只恐
心還兩境生

再逢陸雲士三首

長卿辭賦洛陽才重向金門接玉杯回首湖南舊賓客春江
同聽鷓鴣來

夙有文章擅一時沅湘清怨入新詞使君到處風流甚楚女
如花記竹枝

郊鄔恩波尙一年而今手板又朝天承明那得留君住待向
何方奏宓絃

暮春雨中阮亭先生招同諸公集善果寺得曲字

古寺城西隅寺路直還曲幽人此來往漸與山僧熟煮茗石
幢下石鼎輕烟覆一花餘春榮衆陰長夏綠松深鶴唳靜竹
動鳥飛速人生一世間光景如轉燭宇宙曠無垠何爲自刺
促勝侶欣招邀佳時值休沐名香風過院仙梵雨垂屋向晚

蓮洋集

卷五

六

孤霞明白雲傍簷宿蒼蒼林月上世界明金粟歸來重回首
遙山寄遐矚

前天章五言名貴之句
輒覺韋柳了不異人

贈竹垞二首

三日讀君詩五日見君面不謁門下省已出瑤林殿浮榮何
足惜世事本多變莫便學班姬秋風泣絳扇

曲巷浮埃多相尋日已昃感君不得意猶有好顏色豈非十
年內得此讀書力握手當路岐不負昔相識

爲阮亭先生題畫四首

誰畫江雲海霧閒長風披樹雨連山此中景物都何似應在
衡湘上下間

蕭然卧病對精藍林下何人更種柑嶽麓濛濛江水濶不堪
重憶洞庭南
晴雲不及雨雲多石趾江心盪白波卧聽鷓鴣閒不住幾翻
隣舍乞漁蓑

還家一月又辭家誰遣京塵入鬢華今日長安苦炎熱轉憐
清絕是長沙

送王仲昭歸錢塘三首

一夜黃梅雨南風催別樽江邊移桂楫湖上掩柴門酒力貧
猶壯詩名老更尊平津舊賓客零落不堪論
孤山傍水涯水次見梅花鶴長仙翁宅人知處士家有書留
梵乘無夢到京華倚杖雙松底前山多夕霞

蓮洋集

卷五

七

同奏長楊賦清時嘆未逢罷歸三殿直重繼五湖蹤買帖花
邊市尋僧竹外峯何年問箋注特訪鄭司農

送景文岩二首

何用詩名大

新城每向人輒謬云吳子詩名甚大心感知已之言

艱難老病餘且看三

日雪省問五車書君復雪中去誰堪慰索居春風倘南下同

饌浙江魚

蚤歲過吳會蘇州又秀州驚心三十載發興欲重遊老愛鴛
鴦水貧食粳稻秋文翁新政好憑語寄東流

謂終青士使君

送董禹鵬時携內往故有末句

愛爾江花閣新文錦不如久傳繁露學方奏治安書且共一
尊酒還遲雙鯉魚前山如黛色都擁七香車

飲孟氏園二首

衆峯在林表宛然賓主同竹間流水過花外石闌通客語鳥
聲寂雲開山逕空名園兼勝侶十倍說牆東

只道江南好梅花此地無靈柯忽別館春色即仙都苦蘚緣
青壁珍珠送玉壺頓忘扶馬上酣叫任啼鳥

伯人出珍珠酒同飲

題姜郡丞書扇

久思中條結茅屋因樹爲堂映新綠樹杪三疊五疊山皆下
千竿萬竿竹使君騎馬山中來手攀嘉樹心徘徊高情待躡
崑崙頂天半流霞酌一杯繫余採山愁日晚白雲深處聞鷄
犬丹灶方覓葛稚川石髓難逢嵇中散雲中高士才情妍能
於筆底生雲烟夢回白苧城邊路寫出綠葭村外田

曹平叔坦華亭

蓮洋集

卷五

八

人住綠葭村即以田際鳴鳩喚春雨望杏瞻蒲人作苦行春
自號因畫此景

端待使君來江北江南徧歌舞雉尾尊生萍澱湖九峯三泖
望模糊却從一幅雲林畫化作文翁善政圖

方綱按末句化一作兆二字形相似然皆不甚穩

遊沈紫澗別駕舊園

內有姬人墓

鮮石盤坳細路分高松慈靄拂晴雲到來蒼鼠幾回出坐久
竹雞時一聞細柱拋殘思錦瑟繁花開處想羅裙亭西髣髴
題名在尙有風流記此君

送張確山四首

灞橋烟柳未成絲愁絕橋邊酒一卮應念咸陽三月半花開
也似朗陵時

咸陽芳草及時新。偏向漁陽踏曉塵。只是渭城三疊後。可能忘却卷衣人。

觸緒皆新

我亦關門過寒食。最愛梨花處處開。携手河梁真妒煞。花枝爭趁馬蹄回。
織繅織素是何人。明月流黃夢入秦。歸去錦堂先一笑。韶華不負十分春。

簡逸峯

中條五畝宅。欲築金鷲館。大隱苦不就。風塵尚游衍。俯仰人事間。有如蠶在繭。每憂嗜欲深。日覺天機淺。吾子果英姿。天馬脫鞿鞢。十年海門住。心獨許君善。昨忽來關輔。神理益高

蓮洋集

卷五

九

簡始知味道久。得力在墳典。浮名何足道。天爵豈纓冕。嘗歎昔賢達。託懷轉蕭散。今古本須臾。世界等盆盃。何爲自局促。輟駒効偃蹇。環堵靜非狹。九州動寧遠。不爲陶侃勤。亦薄嵇康懶。清嘯激公和。晞髮想威輦。作止兩俱忘。有無悉皆遣。吾子果有心。幸與共黽勉。

題王九滋刺史畫二首

螳蜋川上水潺潺。六詔風烟記往還。謾道鬱林能載石。畫中惟作點蒼山。

京索榮陽擁上游。碧雞金馬遠含秋。而今萬里歸來日。渤海三公尚黑頭。

姜郡丞西齋卽事

閒堦竹影玉玲瓏。冰簟新涼午夢中。草色分來鸚鵡綠。花枝奪得錦官紅。樓臺忽過蓮峯雨。餅餌遙聞麥隴風。更向高齋托長嘯。襟期猶許故人同。

送姜華林郡丞之平水

姑射山前碧玉流。汾陽問道動鳴騶。涼風止爲連朝雨。麥氣全迎五月秋。綠樹千重交乳燕。明湖一帶點輕鷗。使君清興無窮極。馬上吟詩到水頭。

送魏閣之還里二首

濛濛細雨海東頭。尚覺寒生日本裘。漸遠薊門見芳草。春風吹過古并州。

一年同調客天涯。送爾還家更憶家。谷口看山無酒伴。東堂

蓮洋集

卷五

十一

獨對玉蘭花

出郭

出郭饒清事。溪流一帶斜。浮萍翻惱客。一半是楊花。

妙余少時亦有咏楊花詞云。悵悵三生絕可憐。又化浮萍去。

城北踏青

難得春朝此日閑。井邊芳樹鳥間關。麥畦菜甲青油幕。正對城南雪後山。

畫意

西溪

西溪清淺流。洞洞雜菱荷。白鳥忽飛來。萍開見山影。

莫亞夫先生贈我臨帖二冊。皆山陰父子書也。用筆

特妙幾欲亂真敬報長句

亞夫先生筆墨殊貽我臨冊今所無山陰父子有穀率隻于
雙攬金僕姑轉使有類鶴引吭迴翔宛似鷹顧雛雲中韓脫
活鵬鶚海底網胃生珊瑚明艷春風媚桃李澄澈秋水排擣
蒲忽爾遶柱蛇激電忽爾曳尾龜負塗公孫劍器太熠耀宜
僚九弄爭須臾鸞鵠鳳時各異態龍跳虎卧皆同模釵角漏
痕稱晚近驚沙蓬振迫前驅技癢難倩麻姑爪狂咲欲褻司
空贊吁嗟先生胡爲乎行年八十藏菰蘆早有文章驚帝關
晚隨鷗鷺浮江湖空傳恩澤在民社桐鄉酒肉雜笙竽有時
朱顏如醉飽兒孫滿眼終難哺嗟我半生久零落知非年過
仍顧思今始登堂拜父友丈人行輩情急輸入門驚見形貌

蓮洋集

卷五

七

古咤歎不已天爲徒化腸爲筋理則有鍊身同鶴道豈誣休
訝先生山澤癯龍門傳記列仙儒朝夕過從命飲食雕盤羅
列筭與蒲江南橘剖黃瑪瑙潞州酒滴紅珍珠庖鱉鱸鯉無
不有折項真見鷺鴨俱溫言獎勉意良厚悲几含酖興未孤
酣暢不覺發清辨口道堯夫經世書先天後天在指掌太極
無極非畫圖修身更進參同契戊巳刀圭研上虞小子聞之
醒聾聵宛正不負循牆趨臘雪已盡未歸去又見春風來坐
隅生平有願飯道業擾擾塵心難驟剷醴陵終愁筋髓冷長
沙早恐年壽徂遠遊輒思隱懸壺垣闕竟擬修蓬壺結習無
如障文字世緣那便拋妻孥筋力柔脆更自晒仔肩大道非
几驚畢萬七戰死脯下單豹巖處逢於菟十殺一人歎相戒

飲食牀第翻畏途人生福屬那可定趨避益令疑難據離垢

還思効慧斐忍欲未便借林逋姚察讀經悟空寂孝先蔬食

沃醴酬桂父桐君跡有據金庭石室途非迂問關未透成悵

望藏鄙不盡增踟躕右軍跡目眺汶嶺大令鷺群歸崇虛優

劣未可卑俄隸騰舉彷彿皆仙都自昔文人慧爲業於道爲

近乳酪酥執冊再拜重請益先生教我當何如

形容處自杜舞劍器行脫胎筆勢雄

謝亞夫先生送桂花醬

桂父昔食桂分此爲清惠採得小山花釀作江南味

妙佳

蓮洋集

卷五

七

禹州題壁四首

漢陽王生去五日買舟直下晴川湄只今楚國多香草可對
南風憶故知

王生已去李生逢止酒不惜傾千鍾明月天街還一咲早期

同看寶莊松

走馬襄城七聖迷禹州城外草萋萋來朝又宿嵩陽走石壁

先聽震旦雞

枝頭客鳥鎮無恙好在皈依羅漢僧地火風災都不到三花

樹下九蓮燈

重過故關

開門芳草寺門鐘石磴盤桓感舊踪白首迴看天路遠青山
喜似故人逢樓臺傍曉開巖戶雷雨凌晨過澗松爲愛紛紛

紅藥亂翠禽。啣下碧芙蓉。

龍窩寺

不識神龍窟。驚看繡佛幢。梵僧方挂衲。天女尚窺窻。雲水思千里。巖扉啟一雙。晚來松樹黑。濤響撼吳江。

擬古

三山阻巨魚。海波青渺渺。實有不死人。游息坐洲島。至誠求則得。天地豈愛寶。徐福真忠臣。事主以壽考。祖龍苦多欲。愛荒而速老。官車已晚出。何待項劉擾。空驅赭衣徒。日走驪山道。

次趙城

向曉郭門北。蒼烟濕流水。嶽嶽霍太山。青光落行李。生平愛

蓮洋集

卷五

三

巖阿未得脫。塵滓看山半。馬上次第藤蘿美。黃金苦不成。紫海渺萬里。人生皆碌碌。蹉跎遂沒齒。遙期婚嫁畢。曾孫又生子。一咲松雲前。早圖飯石髓。

較向平之
願又奢矣

千里

千里經年別。微名累往還。艱難吾道在。進退此身閒。雁下汾陽郭。雲歸霍太山。同袍二三子。空欲聽潺湲。

懷昉思

洪子謀生拙。移家古薊州。身支西閣夜。心隱北堂憂。卑已延三益。狂言罵五侯。林風憐道韞。安穩事黔婁。

昉思與天章竟先後逝余
作哀挽同時脫稿悲夫

懷冰脩

憶爾鹽官客。天機自噙張。閒情謔金粉。隨處寄滄浪。老識名山淺。愁看壯髮蒼。涼風八九月。曾否下湖湘。

懷豹人

淮海騶樓客。秦川游俠身。拜官辭闕晚。失業到家貧。婚嫁愁中婦。詩篇累故人。彈箏織手在。尚待鱸江鱗。

過香山寺云是裴晉公還帶處

頻年凍水河邊路。來往香山寺。下行寶閣開時。清磬響石橋沒處。暮潮生風前。楊柳交官驛。雨後虹霓隔縣城。不見龍鍾還帶客。幾時江上一銷兵。

見山色不斷口號

蓮洋集

卷五

十四

芳草正萋萋。垂楊絲不齊。青山如送客。直過雁門西。

臨發阮翁招飲醉後狂言書以謝過四首

斗酒街西宅。離懷仗綠樽。高情容醉客。微咲聽狂言。人物難評。隲文章最。討論從來薑桂性。未易附寒暄。

處士名堪痛。文人趣亦卑。何曾驚寵辱。先取不磷淄。有道通千古。無言備四時。春風花葉弱。莫取最殘枝。

隔樹見涼月。高齋罷剪燈。功名身摠悟。貧賤語無憑。似驚人猶貴。如茲世所憎。可憐今夕外。跋扈更誰能。

大小名何據。成虧計摠非。緘滕莊叟喻。機警謝娘圍。無事歸平等。忘言合上機。翛然送日月。閒看兩丸飛。

山中

重巒合復沓古道交薜荔人家動烟火茅茨見寒翠相與共
醇朴何曾互機智流水自何年青山尚皇燧

過子觀不值云在宮東酒肆二首

行行綠陰下禽聲隔溪水一片華山雲吹入宮槐裏
幽人復何處書窗太寂寞相尋酒肆中一咲簷花落

還山坐向辰竹齋

春草龍池奏賦同一年奔走日華東而今始信忘機事閒坐
修簞細雨中

子文贊府得安邑後野人之賀已不受而更損絹爲

余強索得之戲贈二詩

清白傳家世不如使君高節已懸魚只今未到河東郡早謝

蓮洋集

卷五

圭

中條處士書

三尺鷲溪罷剪裁處膏不潤亦奇哉從來安邑多相累翻向
先生索襪材

卽席東邱曙戒先生時同豹人大可百詩諸君子二

首

尙記淮南路小山叢桂深悠悠一來往寂寂無知音夫子真
瓊樹風波惜滯淫相思不相見空聽夜猿吟

忽復來京洛相逢輦路傍燈前一樽酒恰對梅花香海內多
名士詩成皆鳳凰獨餘鴻烈解千載不能忘

初春呈吳翁先生

童子鴻廡下居出有乘馬食有魚前堂亦得見賓客後堂亦

得聞笙竽長安多少詞賦人紛紛奉召來公車儘有無居復
無食奔走匆遽歎且吁小子竟得托大廈日出高卧安于徐

千鍾十榼黃騰酒百軸萬卷緗奩書醉歌咲讀兩俱許先生
貽我良有餘春風昨日到庭戶水銷池墨融蟾蜍

天子方將授筆札諸公皆擬成子虛小子無能但坐嘯飽食
而嬉愚復愚却向先生乞大藥金丹之術真何如

己未元日同豹人大可舟次錫鬯其年子靜集我巋
舍人齋拈青咸韻

先酌年誰少神交眼倍青吹簫過草閣大可度曲其年吹
酒似旗亭紅燭圖名士青檀卧客星時錫鬯卽會盤食真可

貴不是五侯鯖

蓮洋集

卷五

圭

方綱按鯖音征在八庚其音青者魚名今韻亦併不入青韻也廣韻二切本有別

耳熱脫朝衫神駒苦轡衙野人猶任達踪跡尙塵凡錦帶紅
酥手黃精白柄鑣幾時携少婦採藥伏波巖

此亦元亮之閑情賦也

早春同茗文先生及舟次大可天生夜集王崑良大

參寓齋

御河水始開御柳鶯未囀郭杜同羈栖春宵得良讌知交傾
四海何必共鄉縣玉壺臘酒醺華燭羅屏顛王公負奇氣剛
腸經百鍊學詩似常侍一爲卽高狷忘年謬推挹虛懷世希
見勝侶盡招携清言夜忘倦說士甘於肉况復潔羹饌嗟余
縫襪材難添補袞線早歲罹凶閔中年困貧賤近更慕無爲

理欲日交戰。妄就承明廬。終謝芙蓉殿。還山構草堂。柴門俯春澗。蘆筍過沙鷗。楊花掠飛燕。夢結崑崙頂。閒編高隱傳。余嘗擬爲道隱錄。擢高士傳之不脩也。遠望周與召。聲華在天半。

送翁武原之官黃州

楊柳東風吹長條。雜飛燕。理楫翻車水。驅馬木蘭縣。綰綬大郡來。人地殊不賤。微官卽及物。况復佐方面。朝廷慎官方。朋友重規諫。勉旃精白心。台斗何難踐。紅亭一尊酒。壺傾帆欲轉。淅淅楚潮生。漠漠燕雲斷。肯寄到官書。衡陽有歸鴈。

四先生詩限韻賦

東方曼倩

避世依金馬。浮沉豹尾中。借車心自壯。割肉氣何雄。學豈于

蓮洋集

卷五

七

時富財。因取婦。空堂堂。責董偃。真有大臣風。

結句大爲曼倩洗發從來肉眼皆以神仙俳優埋沒古人矣

陶元亮

已分桑桑隱。寧甘手板中。詩規甲子紀。人是義熙雄。濁酒東軒滿。孤情大化空。荆卿託同調。高詠入悲風。

結亦特見

李太白

萬里峨眉客。長安酒肆中。倚才輕婦寺。爲國愛英雄。大藥求先得。千金散後空。只今思笑語。猶似墮江風。

蘇東坡

鄒陽前後世。口語一生中。忠信通天帝。艱虞困鬼雄。山前八

部近海外。萬緣空。鸛鵲蚊虻。忙過都如電。與風

章蔡一輩真蚊虻耳

蓮洋集

卷五

大

蓮洋集卷第五終

蓮洋集卷第六

河中 吳 雯 天章著

後學浮山張體乾確齋校

送王黃渭都諫使嶺南

渺渺五羊城。坎坎津亭鼓。懷君六月半。已過南康府。匡廬好山色。那得留行部。陟嶺瘴花明。近海島帆聚。使院忽相思。枕椰夜深雨。

贈朱悔人學畔東浦

雙鳩呼雨。又呼晴。東浦何人正。餉畔蟹舍遙。連平楚。白柴門。俯見下江清。燒畬侵曉驅牛出。飲社連朝荷鋤行。莫訝逃名名轉盛。未邊終有漢書聲。

蓮洋集

卷六

一

逢王子重吏部京師卽回秣陵省覲

藤花官舍日從容。相憶長吟對礪松。七載誰憐花下別。三春還喜寺前逢。新詩遠帶峨嵋雪。子重有使蜀詩最奇歸棹方迎白下鐘。爲拜山公道珍重。獻花巖北待相從。

送田雨來編修使中州

憶昔嵩高遊。便欲嵩高住。濯纓五渡水。挂瓢貝多樹。如何世緣在。驅策自低悟。長安真何求。來往恨頻數。唯有素心人。差堪慰朝暮。太史金閨彥。氣堅道仍寓。早敦會閑行。久荷孔顏鑄。情決屢招邀。時遷感零露。忽啣中州命。晨興戒徒御。三花紛在眼。濟勝况多具。嚴進鐘乳垂。松迴麝香度。試訪筭心人。白雪更深處。

方綱按類數數字何以入此部

槐石歌爲佟儼若賦

中丞清白世所無。罷官便同山澤癯。一朝賣宅恨無居。假屋聊取安妻孥。公子矯矯才氣殊。鸞翔鶴峙羞泥塗。移家空載五車書。下鍵却掃追清娛。讌喜新堂槐蔭鋪。當門怪石蹲於菟。解衣盤礴興不孤。間有好事來提壺。長安酒肉厭屠沽。高樓燕笑羅擣蒲。食鴈而美閒。且都明燈廣廈張。曜瑜公子寂寂胡爲乎。據槐倚石仍吟哦。嗟我四十悲頭顱。尙書朝請計拙迂。胡不歸去軟塵俱。松風真負青山逋。過從數坐青珊瑚。摩挲石丈稱吾徒。問君指日江南趨。猶爲饑遣爭長途。同視此樂不可同。况欲高館吹笙竽。嗚呼廉吏可爲言。何誣不見

蓮洋集

卷六

二

楚相之子負薪啼路隅

憶栖巖寺

最憶栖巖寺。招涼有舊亭。河流迴郡白。山勢入關青。崖斷蜂留蜜。松高鶴墜翎。盧師吾有約。許共一函經。

余南海詩云。鬱從五嶺白。山入百蠻青。與此頗相似。

勝水觀音院小憩

一本題作山園
磴道交初地。千山紫翠重。晴雲消檻竹。春雪覆巖松。汲澗谷中得。尋僧林下逢。人家還幾里。明月挂南峯。

山行

白石何齒齒。山徑直還曲。日暮不逢人。樵聲動空谷。賦得鴈寄魯少府

一雁汾陽郭寧知紫塞來花邊經斥埃雲表見樓臺尚有稻
梁戀寧防增繳猜春風知不遠歸及嶺南梅

格有

別龔明府返河中

六月煩行役賢勞記往還紅辭温室樹青過薊門山郡郭仍
金積河流尚玉環勸農容散騎十里盡潺湲

沈洪生編修宅集諸子看芍藥四首

靈根曾說托豐臺新買千枝傍座開楊氏諸姨同輦出趙家
姊妹兩宮來東西客到四千里賢聖酒傾三百杯爲戀高情
忘卜夜四更燈火不知迴

旖旎爭看疊畫屏靈妃髣髴下雲輶憐時那便分桓李妒處

蓮洋集

卷六

三

何從較尹邢名酒遠將阿母醢盤食羞薦五侯鯖浮生此樂
真何極莫道當筵錦瑟停

方綱按鱗字在庚韻此誤入青

肩拍洪厓笑語同長吟促坐鳳城東酒當璧月清涼夜人在
瑤臺錦繡中畫檻綠苔香有露珠簾到地靜無風欲歸更覓
銀缸照愛煞深紅雜淺紅

欲去還留遶曲廊酒人被酒更清狂舞當芳樹驚鳥鵲歌倚
洞簫來鳳凰花氣濛濛寧惹霧爐烟裊裊尙焚香莫愁那得
頻相接只許盧家有畫堂

方綱按詩有格調調因格而生也如此四首之格則不得
仿物一字矣而第四句洞簫洞字何以示後人乎往嘗見
黎美周黃杜丹詩亦犯此病蓋此等在作家偶出奇亦非
正局而此詩則不得借口矣○此四詩俗格也奈何漁洋賞

之

六省兄招諸子集瓊菴侍御宅

鳳炬輝輝照畫堂秋深終是感他鄉琴樽尙戀嚴公宅春錦
誰操谷口莊豈爲上書留北闕猶思取婦涸東方愁來魯酒
都無用坐聽西風鴈一行

方綱按此四點非阮翁筆上四首亦然

送六省還里二首

秋到擾鄉夢驚聞君又歸迎舟花北笑送客鴈南飛甘橘承
筐嫩鱸魚入饌肥無人鑒辛苦莫下讀書幃
痛飲無多日相思卽歲年江楓紅隔岸湖草碧連天自解吟
詩句誰能贈酒錢梅花三竺路愁發早春邊

蓮洋集

卷六

四

方綱按此四點非阮翁筆上四首亦然

阮亭先生得余長沙消息惓然見懷依韻和答

衡嶽路辛苦近壺頭書達三千里人宗第一流江山迷
去鴈天地許歸舟已罷瀟湘客言愁尙欲愁

送曾青藜之粵東二首

羅浮山色五羊城投老炎荒去住輕豈爲丹砂勾漏訪便衝
臘雪嶺南行檳榔花解迎人咲蝴蝶香能入夢生却羨千秋
紀游覽鴈鵠峯下有題名

天邊纔識少微星欲別仍攜雙玉瓶東閣連朝方罷酒南人
從此更傳經春回黎母花前靚雨過金鰲海外青珍重家人
問消息平安先報錦帆涇

送周星公禮部山守南康四首

萬里敷文命歸無翦翠裝一麾辭北闕十月下南康問俗匡君側狂歌五老傍彭湖秋正濶波浪浩茫茫

轉憶長沙住相逢每見招江山何寂寂風雨日蕭蕭湘碧難爲別炎荒路正遙歸來歡握手仍復在中朝

聚散其何有年華恨易移纔能開卷帙又見引旌旗家學濂溪近行春白鹿隨却愁冰雪路楊柳不成絲

香爐吾最愛雲氣似香烟太守能清靜高齋對晏眠更邀徐孺子同聽谷簾泉好在春明候騎牛西礪邊

張水部招集一畝居卽事

一載京華坐寂寥天涯琴酒尙蘭皋誰能無事同犀首君已

蓮洋集

卷六

五

辭官似馬曹樹杪星辰霜後近池邊燈火夜深高醉來客帳封侯裏斜插蓮花照寶刀

去婢怨爲元彦賦二首

門巷春風柳挂絲去時成恨見成悲含情脉脉兩無語回首斜陽變淚垂

朱字箋後暗網塵傷心岐路是前因郎心若念當時意莫把金鈿與別人

似元相 二
詩風流絕世

詠范叔

長袖舞方善蝦蟆客踪匿車悲詭譎出簪感彌縫舊約三亭待新知永巷逢妄言傷折骨危諫誓搢躬身致青雲上仇

驅至豆供視袍貨不死終是大包容

力勸按進知煇切
不得入平賢用

繼述

東風真狡獪投粉傍亭幽銀碗盛珠母冰綃挽豹驅寒時霜結束暖處玉雕按莫作楊花認楊花散不收

送諸五先還驪城三首

東海移家久江南入夢多幾驚元髮改無那壯心何歲晚悲黃鵠春歸憶綠蘿不須愁往返處處有行窩

有道人爭識相逢酒一杯精隨龍奮迅閑與鶴徘徊萬事老皆去百年春又來到家烟水綠幾處碧桃開

頸聯讀之便
欲擊碎唾壺

蓮洋集

卷六

六

最慕盧敖隱君今入杳冥年華憑野馬世事任浮萍海入桑田白山園縣郭青王官遺舊谷吾亦結茅亭

送吉咸寧還永樂二首

得失皆何有春風羨雨歸喜看鄉樹近夢怯海潮飛白髮休窺鏡青山合息機丹臺逢玉女應綰六銖衣

多愛損真實長愁防妙心早知讀損益終未去雲林之子能同調考槃方獨吟玉溪吾最戀重欲事幽尋

朱觀察收仲過海門見示悔人早春倡和詩依韻賦

贈

憶昔少年向馳騁頭顱四十愧朝請已知不是宰官身自分常依居士嶺騰擲休任獼猴狂精進當學獅子猛其如結習

愛文字有類柔穠發枯梗丹經一笑帛裹髮皂帽幾顏墨淋
頂惟信胸中少鱗甲裁眉雪水一千頃食貧廿年成遠遊世
態低昂暗知領本性往往受拘縛夷則鏡困蛟龍井入洛安
得比鄒枚懷沙只可吊屈景公也威鳳知鸞飢作歌傷我羽
毛整更念瑯邪及安德殷殷慰藉常記省細雨空懷野寺梅
客春雨中阮翁炎風幾憶巖關杏方山有杏村別業在鹿誰
約看花善果寺知驕栖東海邊公來同啖雲門餅兼云勝友朱桃椎衙齋開
韻奪香茗攜將佳句爭上駟貪誦偏宜春夜靜才力韓孟各
分疆交情盧馬同一礦歸來長嘯驚神魚月明棹撥玻璃影
我亦蚬竅發蠅聲却令珪璋束藤屨公言明朝當早發使我
延望愁日永舉首高天雁正過島嶼蒼茫晚猶靚移情是處

蓮洋集

卷六

七

感成連塵慮喧囂一時屏故人已去鄉思深夢入通天見沈
炯低頭重懺起滅心水本無波木無瘿

之葛沽舟中雜詩四首

曉日龍從近直沽遙遙帆影出平蕪眼前芳草衡湘色只少
春山叫鷓鴣

雲母窗開水上樓依依楊柳拂行舟無端載酒彈箏過都捲
珠簾看不休

短蒲沙帶退潮浪花裏樓臺柳外村暫歇吹簫倚雙槳問看

絲網摘河豚

海畔人家沙上居長河東下又分渠紛紛曬網斜陽裏可有

仙人孫賣魚

觀海

始識朝宗大登臺觀廣洋乾坤成湧洄風雨失尋常日照扶
桑小雲流太古荒蛟龍通窟宅魚鱉沒橋梁一氣元精合千
帆島嶼長飛仙如可接鶴馭轉茫茫

妙絕千古

訪劉鍊師不遇

結騎看花五日還丹臺黃鳥聽聞關却因海上風波惡倍覺
壺中歲月閒鍊藥正期同葛井採芝又道入商山帝城西
望松雲隔惆悵千峯擁髻鬟

方綱按此園亦非阮翁

斐然納姬

蓮洋集

卷六

八

清秋誰和杜秋詩寂寞樊川惱髣髴剛遇桂輪生晚日恰逢
桃葉渡江時漫言春到花盈樹還看陰成子滿枝佳事合題
三婦艷中堂樂任主人爲

道真坡公結佳有樂府意

方綱按杜秋詩惱髣髴子滿枝凡三用小杜事於章法似可商

津門喜逢劉子方

相逢幽薊雁來初矯首西風仗轡驢往事那堪重記憶新愁
只可自支吾城頭姑射塵千劫海上仙人酒一壺待訪歐陽
弋釣處櫻桃時節得歸無

顧梁汾舍人自製竹爐攜至都下客爭賦之余亦爲

詩二首兼道別意用原韻

竹爐活火夜猶然。夢繞吳淞水石邊。塞上風塵逢舊製。江南
榆柳憶新烟。山移明月空猿鶴。洞改桃花幾歲年。認取廬山
真面目。天涯隨處谷簾泉。

高館閒過樺燭然。濤聲小沸菊花邊。空憐紫塞冰霜候。可有
藍田暖玉烟。紅雪微歌違此日。青門賭茗訂他年。藤蘿休蔓
王官谷。待酌鵞漿頂上泉。

題孫孝堪漁父小像四首

獵獵春蒲映短篷。垂楊輕打帽簷風。閒身那用樵青伴。黃鵠
當爲五尺童。

塵污元規那自如。漫勞方麈障鴉鵲。黃埃爭似清流好。且把
輕舸載賜書。

蓮洋集

卷六

九

藥竈茶鑪對水陽。蕭然身世兩無求。釣竿雖設絲綸卷。怕有
蜻蜓立上頭。

曾記瀟湘住一年。朝看楚竹上春烟。而今會出高人意。待學
襄陽孟浩然。

題阮翁壬寅詩卷五首

衮衮才名蓋代垂。鷺王擇乳許真知。移情政道成連拙。爭似
壬寅一卷詩。

綠楊芳草可憐生。花下題詩野寺行。江北江南烟雨路。傷心
重付庾蘭成。

姑射仙人真絕塵。江山依舊墨痕新。此中消息傳燈似。自分
當爲得髓人。

余與天章說詩。正謂爲仰他人。固未易知。近有酒徒欲效。時以爲大。則正可一笑耳。

南海新愁感鵲鳩。秋深藥夢不能無。驚波百拜仍珍重。大雅
千秋仗不孤。

寸草春暉綵袖將。濟南山水小徜徉。相期郭杜花開後。重聽
先生賦柏梁。

送阮翁後遂亦將歸中條留別黃湄都諫

大雅久淪落。繁聲溷朱絃。屢提別阮翁。抗逸志霞想。紛連蜚風
昔辨淄澠。廿載勤周旋。問字常載酒。質廡邀割臠。憶昔丁戊
間。奉召羅群賢。公與陵州謝。望我登雲天。才薄愧璠璣。蓬蒿
遭棄捐。歸來大河側。玉井挹晴蓮。側聞洽之陽。清風彌八埏。
藉藉傳秀句。漁洋相後先。望而不可見。結想雲泥懸。重過金

蓮洋集

卷六

十

馬門。幸得邀執鞭。肅穆增道氣。切直明貞堅。見余潦倒姿。有
似裴憐蛇。王謝重契濶。夫子哀顛連。扶獎入太學。使厠符郭
前。新城忽言歸。家園侍春筵。同調遂寂寥。夫子猶纏綿。近聞
泣童烏。愴惻驚秋眠。萬事信悠悠。大化原推遷。苟必自倚着
無乃成拘攣。清霜戒行李。將稅河濱田。有時王官谷。絕壁藤
蘿緣。咫尺南峯月。飛入山窗圓。矯首望京洛。威鳳方高翥。努
力勗大業。不負千秋傳。

又答旭庵

之子東南美。西征悵未還。無心栖魏闕。有意隱壺山。池上邀
青鳥。雲中放白鵝。中條修竹裏。暫喜共潺湲。

題沈漢儀小像三首

時自蜀還吳

絕代風流酒一卮。東陽才調比陳思。邯鄲會發天人歎。應見搔頭傅粉時。

隴雲秦樹遠微微。白帝回看悵落暉。夢入通天臺畔路。心知嚴助已東歸。

不共樓船下益州。中條仍得小淹留。王官水竹栖巖雪也抵君家八詠樓。

贈莫敬菴。聞其還金遺事。同人多咏之。余亦漫賦卷尾。

世之所棄君獨取。世之所取君歟棄。能棄有形取無形。可以同參第一義。美君丰骨鐵稜稜。况復趨庭訓日承。從此奮身任民社。端教人頌玉壺冰。

勝他作十百句

蓮洋集

卷六

十一

潘震侯畫梅見貽奉答

孤山不到今幾年。夢中常見孤山烟。處士已往鶴飛去。只有梅花仍可憐。君家舊住山陰道。說起孤山興繆繆。昨日風前寫折枝。贈我芳香滿懷抱。握手天涯成古歡。炎蒸相對意漫漫。憑君幾筆清人骨。已作湖山雪後看。

途中遇雪感懷

驅車雪中行。雙輪碾瓊瑤。豈不恤辛苦。生民望土膏。邇來病穀貴。室家頗蕭條。此地本高寒。宿麥無春苗。首種復不入。何以慰饑饉。盈尺兆豐年。續紛見崇朝。井邑不復辨。遠樹光搖搖。凍禽原上飛。感我心替陶。有弟塞上來。萬里同飄飄。溫清翻無人倚問。增憂勞。故人三日別。白馬何驕驕。對雪應躊躇。

或亦念朋曹。夕陽見微明。旋復同雲饒。閒庭仍密霰。孤吟寒宵。

茂遠邀看芍藥。以病不赴。宋先生以詩見示。時方閱鍾紹京靈飛經。帖漫成奉答。

良譙苦不與名花賞。未借却將櫻笋節。竟付太常齋。好句驚題竹。媽紅喜覆塔。沉吟把詩卷。如到洛陽街。

我聞郭芍藥。好道積精誠。女子猶如此。勞人太俗生。風前憐艷蕊。世外想佳名。莫被繁華誤。金丹術不成。

信手拈來如麻姑。擲米皆成丹砂。

湖南作

一雨春已盡。晴來當夏初。可憐芳菲時。汨汨溷泥塗。入夜南

蓮洋集

卷六

十二

風改白雲猶卷舒。江城月微茫。餘濕留衣裾。晨興何杲杲。日出東南隅。乾鵲群叫噪。鴝鵒通歡娛。比隣事畊作。牛力銳且麤。遠看江上山。一一青相扶。楚南百戰地。家室困不蘇。近雖脫戎馬。猶自煩征輸。若更失畊種。何以安妻孥。前年病穀賤。盈石百錢餘。比來忽騰踊。估船啣舳艫。賤苦農失業。貴病家無儲。皇天豈嗜殺。殘黎益封屠。會當放舟返。去掃條南廬。遠近豈殊觀。物我本一如。留連嶽麓北。撫事倍躊躇。

方綱按此首與與評皆非阮翁手

將發潭州阻風

江風三日且不息。愁倚江閣衣裳單。日暮魚龍爭出沒。雲垂水石生空寒。欲去尙戀賈傅井。到家還近毛女壇。若問湖南

好風景。栖巖紅樹。九秋看。

風骨
峻峭

對鏡

對鏡風前百不宜。男兒四十尙逶迤。幾時萬里天山雪。一夜吹來滿髻絲。

春初同日復元彦笨山叔敏過退居老人二首

海畔寒猶此。春風不易來。偶過雙樹底。喜見一花開。飽客伊蒲饌。攢眉柳腰杯。默然參半偈。同聽語如雷。

却憶江南路。裙腰草色斜。篷遮三月雨。舟載半塘花。浪跡猶如夢。浮生更去家。低回三十載。隨處惜年華。

題文伯仁山水卷

蓮洋集

卷六

三

最有江南客。能畫江南山。江南山色綠。綠於染人家。住在青冥間。溪橋橫亘幽人渡。渡口蒼蒼隔烟樹。多少樓臺春雨中山。鳥山花自朝暮。古寺朱牆倚石屏。雀籬高映錦帆涇。千林松下無人跡。只有風吹九子鈴。

阮翁齋啜武夷茶同令弟幔亭五首

奔走東西笑白髭。閒身那得論槍旗。春風一夜靈芽長。輸却

山中逋客知。

幔亭峯下曾孫宴。嫩蕊驚雷又幾春。解辨蓮花香。味好端應曾是此山人。

着筆
成趣

焙乳如圭更似礬。紛紛損益罷。薑鹽屏當玉雪心。腸好粉膩

先傾少婦奩。

大稱齊魯小邾莒。更有麴生中逗撓。若待伐毛三洗髓。羊腸

車轉蕩嬈姚。

似山谷
老人

活火風爐傍鶴柴。斜垂雲縷乳花開。卓然九曲仙人種。桑芽何能品第來。

題雲林秋山圖

經營慘澹意如何。渺渺秋山遠遠波。豈但穠華謝桃李。空林黃葉亦無多。

方是題雲林書詩予
吟賦此作二十年矣

送張無競還河中婚

蓮洋集

卷六

四

並轡宜陽道。欣聞君又還。橋仍清潁水。花尙陸渾山。園客收蠶箔。仙人贈指環。吹簫長夏日。唐韻出人間。

東園鶴至簡節齋

東園一隻鶴。昨日來青田。爭解惜毛羽。誰能知歲年。頂方迎曉日。聲欲徹浮天。詩酒同客同。看舞翠筵。

園基簡燦章

謝公昔圖基。踰限屐齒折。自是矜一勝。豈爲合肥捷。至人齊萬有。蟻鬪等一呖。若其得意時。小大摠無別。何必千軍擾。而謂方罫劣。連日梅花下。彈碁頗欣悅。卽此喻蒙莊。指馬皆妄說。長年寓無竟。坐對黃鍾節。

此卽齊
物之旨

送友人二首

臘雪凝寒不易行。如何明日即長征。知君自有空羣騎。飛過黃河五尺冰。

歌舞連朝醉畫堂。解醒重進一千觴。筵前莫悵青山別。直到盧溝是太行。

歸路初見河東山

老鶴毳毳。倦整翎。夕陽歷盡短長亭。歸途喜傍崑崙水。乍見家山數點青。

閔鄉道中望戾園

思子臺前望落暉。泉鳩烟樹遠微微。傷心落葉哀蟬曲。直到而今恨不歸。

蓮洋集

卷六

五

天章有童鳥之痛者久矣。解此者正少也。

山行卽事三首

燕子烏衣雉子斑。黃牛舐犢水牛閒。迎人無恨接藍色。布穀聲中四月山。

山雲結作盤龍髻。水荇花開似寶簪。妾自當壚郎自飲。從來不解鳳凰琴。

平定山中實有此種風味。

連岡草樹鬱蒼蒼。驛有高樓寺有鐘。下馬且尋僧院坐。留人簷外兩三松。

戊寅初春簡張厚卿廣文

厚卿畜妾甚多。長治人。

春雲陰陰將作雪。重慰新年望歲心。卽有鶯聲變寒谷。豈對

臘酒對高林。牙籤暖傍珊瑚架。花勝嬌分玳瑁簪。更喜日長無一事。課書香閣寫來禽。

方綱按此首因非阮翁。

寄朱侶卹李生

天風吹過幾岩雪。十日齋居不出門。座上誰題鸚鵡賦。夢中先到薜蘿村。園桃晚咲紅無賴。山麥朝看綠有痕。計日相過鳴玉澗。一經堂上酌堯樽。

方綱按此首因亦非。

寄盛悔亭

悔亭姑蘇人。流寓內城之朱侶卹者已三十年矣。

嚴分懸窗。越晴嵐。美爾溪東寄一龕。桃葉不須思白下。梅花儘許似江南。窓含晴雪書偏妙。坐擁青山賦正酣。珍重題箋

蓮洋集

卷六

六

報寒食詩名酒德兩無慙。

留別全車同三首

幾日杯鎗托勝游。橫襟高詠對龍湫。歸來最愛新詩健。知爾才堪五鳳樓。

文章命達兩難齊。五十青雲路尙迷。夙昔家聲原第一。暫將牛鼎當烹雞。

今車同果領解中州。此亦識也。惜天章不及見耳。

新月疎林上一痕。歸心先到薜蘿村。他年不負中條約。痛飲還拚卧竹根。

飲梅花下寄懷佟使君

中條一樹梅。皎皎照窗牖。使君來時花未開。不得花前同酌

酒今日繁。花照酒樽。主人候我開竹門。千觴百榼雖在御。爲念使君晉陽去。使君使君何日來。山中猶及梅花開。花上忽然鳴翠羽。不覺停杯默無語。

自魏城赴桐鄉訪佟使君

魏城今之芮城也。其年冬先生住芮城大雪寒冽因

自芮過條山嶺入聞喜

天風吹散峩峩眉。雪魏城千里玉山列。使君期我桐鄉來。惆悵河干意空結。二月已盡三月來。兩山蒼翠浮雲開。山水前裴罷修禊。匆匆不戀條南梅。陟嶺劃然辨疆域。蒼茫俯見太古色。嘉樹籠煙暗杏花。春波如鏡飛鷗鷺。夏后邦畿昔所傳。恍然棧檣舊山川。微風燕掠沙邊井。初日鴉翻雨後田。林中蜿蜒明凍水。行行已近參龍里。雉堞紛迎紫霧邊。塔影倒懸綠

蓮洋集

卷六

七

波裏短衣輒爾躡公堂。下馬一笑生輝光。傍晚開尊對鈴閣。檻前明月沉花香。使君高誼雲霄際。置驛留賓見深致。癖書何減杜荊州。愛詩已過高常侍。更有仁心古所敦。中流未肯隨波翻。大賢實係蒼生命。今日安聞長者言。嗚呼眼底盈疇春。麥好婦子無憂堪。一飽不煩野客情。殷殷已見天心非草草。人生聚散亦何常。使君又去汾水陽。我亦西歸下蒲坂。鵲樓下遙相望。使君東去無停轡。我有新詩亦當寄。使君久有匡時心。歌舞筵中那能醉。我來谷口起朝暉。且製山中薜荔衣。心念使君不能已。愁見花間戴勝飛。

蓮洋集卷第六終

蓮洋集卷第七

河中 吳 雯 天章著

後學浮山張體乾確齋校

奉和阮翁花下飲

風風雨雨道途難。猶及長安花未闌。便脫征衣花下醉。一枝低亞玉欄干。

送涓來先生歸江寧五首

夫子久入道。卽在簪紱間。康濟願無盡。塵勞思暫閒。杯中建業水。杖底秣陵山。百鳥啣花處。從今日往還。句曲茅君隱。棲霞江令居。千秋尊道德。百鍊悟空虛。竟臨山中。屢閒看江上。漁等閒逢大藥。不必是匡廬。公廬山有草堂

蓮洋集

卷七

一

却憶從遊日。逡巡三十年。幾回陪謝傅。常是進彭宣。夢想勞千里。趨承尙大緣。長飢更相慰。不計買山錢。燕許文章大。韋平門閥高。鄉心違楚水。歸計且江皋。拜闕辭龍尾。承家有鳳毛。方看庾開府。清絕振波濤。春洲白鷺下。花雨絳巖開。剛道陶貞白。依然應上台。江南緣未盡。負笈許重來。共聽高僧法。還尋野寺梅。

答徐芝仙

藥餌本扶衰。誤服轉增疾。連日困黃連。性命在呼吸。故人勞書札。雅抱遠相及。扶病中百拜。感此意何極。生年幾耳順。萬事頗經歷。豈不知幻妄。尙爾戀喘息。所恨慕至道。白首竟無得。猶思入名山。勤脩自規則。夫子如靈運。學佛多慧業。願言

空諸有勿更溺文墨讀書已萬卷精神當愛惜三復瀨鄉言
治事莫如寄墮地能跌坐因緣豈浪植芝仙生三日家人偶出芝仙輒能自起踞
而坐安得各有成同龕兩彌勒

寄贈平谷王仲宣三首

盤山十載雪中行心愛盤山到骨清豈識山中有人在虎頭
祭酒尙諸生

書劍學成文武才儘教潦倒困蒿萊題箋渾脫能如意真自
公孫劍器來

方綱按劍器渾脫皆曲名此誤將渾脫用爲渾化超脫之義不知阮亭先生早已辨之矣

白首窮經道未尊何須牧豕效公孫聖朝有詔邊防亟合取
封侯到玉門

蓮洋集

卷七

二

贈平谷令賈采公二首

少年曾共花前醉一語能諧上上機今日盤山數來往可仍
空際劍鋌飛

賦比登樓惜重名何須負弩僞將迎美君百倍臨邛辛不爲
文君愛長卿君部下諸生王仲宣君最折節延譽

題汪玉輪太史看劍圖

神物自可寶因之生愛惜何常有不平而始勤拂拭造化混
洪爐虛無就形質品光稍脫露已有通天色彩寧赤土發銛
豈冀營益百端銷落盡萬古一眞實蛟龍秘精爽神鬼潛辟
易比之君子心氣應蕤寶鐵

奇作 集中
古詩第一

答衛憲副一菴

一年不相見彼此惜居諸君尙去鄉國誰能歸舊廬山中黃
葉路天上紫泥書好在重飛奮人間望驚車

奉酬太宰陳說巖先生二首

悠悠只如此還念舊山期來以鶯花候歸當雨雪時瑤華感
和贈楊柳悵空垂百拜懷春酒仍求壽母辭

著述誰能重尊聞有舊堂人爭推吏部世久說歐陽詩入午
亭古書追丙舍蒼葢山六角扇真許耀家鄉公近構午亭較刊全集

朱悔人移居奉過一飯遂讀其京華集二首

聞道近移居相尋過草廬客中艱一飯君尙具雙魚官舍藤
花老悔人守秋臆棗葉疎春明綰新綬瑞雉始迎車

蓮洋集

卷七

三

愛爾京華集逡巡又幾年憤書乞米帖濫用買山錢拜命思
巖邑移封畏酒泉尋常發鄉夢東浦已春烟

題禹尙基鴻臚卜居圖三首

美君特具龍眠手自寫秋空海鶴姿何事綸竿閒不用西風
凝立獨移時

雞犬桑麻事事幽水邊茅屋竹邊樓溪光山色誰爲主且讓
鷗鷗占釣舟

年來百藥瘦蛟嶒也似仙儒也似僧只是魚鰕都愛惜漁竿
休畫畫紅藤

題夔州翁兩照

憶昔守營陽風流追聲叟粲粲政績多稱述滿人口獨愛濂

溪菡萏香先天一畫係心久年來盡省更何如退食從容便
讀書邱壑四周情曠遠琅玕百尺致蕭疎承恩忽拜夔巫命
却喜溪山足吟弄灑瀨堆前水漲天笠篲峯下雲生夢千頃
波瀾萬頃池千頃池萬頃池俱夔府治內我翁度量摠相宜還看第一聲

名大卽有朝天曳履時

珞珞石擲琴高鯉蕭蕭竹擁青鸞尾一邱一壑謂過之置身
合在邱壑裏含香省署豈碍閒悠然意在邱壑間童子抱書
丈人讀得意卓犖非塵寰昨日夔巫命新下灑瀨堆方大如
馬陽臺曾爲作賦山白鹽舊是題詩舍夫子曠懷江水清朝
吟暮吟白帝城魚復浦中看垂釣杜鵑亭前兼勸畊會有聲
華動朝寧車前八騶過荆楚渤海三公寧偶然正爲荆梁遍
蓮洋集

卷七

四

歌舞

湯西崖黃門齋中杜若叢勝飲次屬咏四首

杜若生春洲豈勝歲寒節幸托君子堂芳香殊未歇斗酒聚
朋好文史正忻悅獨有羈旅人遙遙念霜雪
霜雪紛前途長林愁日晚遊子重舊鄉歸路不知遠高堂垂
白髮日日勞望眼心知暫契濶邑里喜旋返
夫子濟川才雄文世皆讓珪璋久特達自致青雲上雲泥分
雖隔車笠語難忘去矣山水間名業每相望
岐路一樽酒浮雲千里思鴻鵠失其羣嬉遊更何時不傷道
途遠所嗟年耄衰倘能就金液相歡無窮期

簡朱悔人

東浦先生明止足騎驢簞下千微祿心慕廬山三疊泉身住
京華半間屋借問先生何刺促人生那有神仙福始信作佛
願太奢不如選官言可復我亦年來窮徹骨也在長安同鹿
鹿月食不盡四斗米無端久別王官谷只有清夜細思量可
惜年華如轉燭富貴神仙兩俱失阮生猶作窮途哭噫吁嘻
南岳夫人婦人身太華毛女秦宮人皆能超詣求其真男兒
何事甘風塵曲巷相逢還大咲何不急覓安期棗

問橘

北地冬苦寒橘樹豈易生愛此花實好移植勞我情昨年霜
雪時結茅覆溝塍雖然稍凋落翠碧留根莖春寒旣以過盛
夏必敷榮其如世緣驅正月我已行生理果何如馳書問柴

蓮洋集

卷七

五

荆霞從家問獨弟
似蘇州種瓜等詩

憶圃

家居苦偏側蠖屈多歲年昨始闢東圃室廬相接連舊井亦
更脩所幸得甘泉歡喜動顏色種植良所便買花向鄭谷移
竹就南園一齋面中條晴窓宜晝眠荒穢稍滌除人事已推
遷初春我則行今方增沍寒歸歟定幾時徒然意空懸

別有
領會

過悔人

長安艱旅食望門足先歛惟有就君舍慷慨屢呼飯前日鱸
雙鯉今又雙雞膳得匪王陽術獲此數豐腴君家漢之渚種

蘭開九畹梅花一百樹日自勞望眼苦被微名累德輝難一
覽君有覽不須盟霜雪又有盟且與計飽暖從此簿領間日
日執手版方習士行勤難遂嵇康願我有文百軸零落失編
纂感君意良厚許與事雕鏤凡此懷抱真不同世情淺將無
官商應氣味有潛感所嗟冰霜時別緒轉難遣明日海門道
悠悠自凌緬

起是少陵

題王秋史萃二十四泉草堂圖

江南陸慧曉楊柳在池上此水卽醴泉此木卽交讓關西楊
太尉曾傍阿對泉三公何索白四世皆名賢吾子有草堂二
十四泉側不祝發禎祥但祝勵明德

蓮洋集

卷七

六

題王東山太史南浦送行圖

參差江上山微茫浦中樹落日閉孤城幽人此中去去去入
京國高名振帝畿一隨丹鳳舞不逐白鷗飛芳藥號將離相
贈春風裏豈知兆龍頭不肯兆龍尾秋草岸邊綠春鴻天際
斜鄉關多少夢猶自遶蘆花

別

詠梁史

南嶽邵先生衡嶺有居處自立兩板屋聊取蔽風雨斷穀三
十年澗水服雲母日誦大洞經脩敬每偃僕恭惟魏夫人白
日果臨甫玉女三十人皆十七八許絳羅繡袿褕乘雲集其

所雖云有仙分篤實良所取求勞得則逸青鳥忽鳴舞香氣
滿空山少口已冲舉

與蘇州馬明生歌可以彷彿

集青雨山房咏几案二物

小匡廬

九疊玉屏風渺渺西江上如何几案間已具彭蠡賞猶好近
香爐白雲白來往

湘竹筆牀

參差狎管城縱橫近書史斑留翡翠痕潔沆瀣瀟湘水合傍玉
臺人且載天隨子

引用皆切

蓮洋集

卷七

七

感悼江解州辰六

春首華筵重一金大寒冰雪感知音群芳名士今何處誰辨
相如作賦心

辰六故是可惜人

再貽子載

愛爾英姿不世情矯然龍性掣長鯨陰符帳裏再三讀寶劍
匣中猶一鳴學得飛仙能控鶴攜來中婦善調箏何年已就
還山約同向金蓮頂上行

此却有坡公氣

使院作

良莠雪已消春波洞庭滿愁心理歸棹日望南風轉湘蘭不

可佩孤居悵凌緬方訝雉登木仍嗟蠶在繭堅卧拋陰符強
飲墮金盃人生出處非百事已乖舛賢哲多苦辛不能自甦
勉蚊蚋與鸛鵒忽忽皆過眼颯沓衝雲傍徒傷道謀淺

全首
是杜

城曲眺望

朝遊城南路白石齒鑿鑿林中一鳥鳴江上幾帆落人家開
竹扉樵子赴深壑塔影芳草間風來響鈴鐸

絕似劉
長卿

江風詞四首

四月江頭躑躅紅江邊愁雨又愁風泊船休近黃陵廟斑竹
搖搖憫煞儂

蓮洋集

卷七

八

江風吹浪生白波來往舴艋衝浪過浪花起處紅衫濕換着
湖州生線羅

一夜南風吹不休侵晨晴日滿船頭江鄉見慣閒風雨說着
風波也不愁

估舶新來換寶珠船窗四角結流蘇却憐西子無緣分晚嫁
黃金范大夫

却近
竹枝

姜郡丞生日二首

閱世道益進花時每入山莫辭今日醉難得雨中閒且共松
雲侶還隨鴛鴦班茫茫視終古誰不墮塵寰

昨日尋山寺今朝到錦堂紅霞開綬笏綠繡隱笙簧句曲仙

人館平原宰相莊聖凡都一咲且覆百千觴

贈張孟遷翁

先生畢萬邑中住門巷藤蘿委朝暮世事消歸篋裏書年光
閱盡庭前樹有時採藥南山嶺亦復種秫東溪田鳬雁能供
王績釀參苓堪賣韓康錢襟期風月仍蕭爽別墅鶯花佐幽
賓招將鶴馭幾留連挈得鸞臺數來往北闕何人獻子虛身
名落拓竟焉如爭同林下敦風義博取金丹買白驢

維藩招踏青

山客偶然至送來山杏花花香助人飲千觴泛流霞春雪雖
不多菜畦青有芽列坐背南郭遶席青山斜賓從氣俱豪况
復喧笙瑟如此不盡醉真負黃公家

蓮洋集

卷七

九

峪口

木葉颯清秋山泉抱石樓啣芝雙白鹿拍浪一沙鷗露墜瓜
花弱雲生松磴幽沿迴尋嶺路應見大龍湫

永樂蚤發

蚤發招賢里涼雲解鬱蒸河聲過雷首雨氣下風陵鳳嘴三
春麥龍頭五月冰蓮花天外落千仞碧峻嶒

銳精

韓周京司馬招集鄭谷山園看牡丹次晨遣力送花

報以長句

廬陵醉翁稱好事特誤洛陽牡丹記著作仍是五史手君謨
書法益精緻如何愛重反詆訕瘦木比擬失倫類極美苟與

極惡同大聖陽虎皆偏氣其中惟有釋花名撮要分疏頗詳

備丹州延州各有種粗葉細葉總堪識九葉與珠態最殊倒

暈檀心格尤異再三細讀轉增感瞬息繁花有遷易宰相園

池盛桑麥魏仁溥花名魏紫僕射駢馱香街轡張齊賢花名品目誰辨

軍容家唐末有官爲觀軍容溪山已改龍門寺唐相李藩別墅在龍

門改爲潛溪寺謂之潛溪緋中條之麓多水竹其間卉木亦妍媚將軍舊

聖君能守丞相家風傲不墜穀雨已過花尙開愛客移樽花

下醉朝來折枝還贈我鹿胎蓮萼今何愧却念此花護持好

遂使顏色免顛悴雨露雖同天地力剪伐實恐樵牧累當年

此花載本草風俗何知宜與忌褒斜道中摧爲薪豈料三河

表祥瑞歌詠初見賓客詩夢得有咏魚朝恩宅牡丹詩稱述久入康樂議

蓮洋集

卷七

十

蓮洋言永嘉竹間水際多牡丹極盛必待開元後珍卉難強時未至自唐則

陽牡丹嗚呼萬物遭逢無不然題詩馳謝發長喟謝贈花耳却發出如許感慨如許波瀾坡公

謝贈花耳却發出如許感慨如許波瀾坡公云我携此石歸袖中有東海當作如是觀

題徐芝仙爲筆山舍人繪三大士像

大海多波濤猶有大海見日日大海中波濤近河旋此語雖

親切依然成破綻性海萬法具寂寞生變幻山河與大地由

來此中建就虛何所用滲漏卽淪陷達者卽安穩止在能護

念徐生妙筆爲此具方便舍人獨神解訓以三疋絹息心

對應真不用求彼岸載瞻三大士遠離生贊歎嗟余何知識

習深油着麵近始求解脫如拔骨中箭隨順獨町畦浮沉寧

江漫荷未絕纖毫卽已成間斷豈假龍鼉力莫畏魚龍難是

法本平等恐怖自生患變相畫師爲畫者色忽變如此顛倒

想徒然資笑訕願共入無餘乘潮到鄉縣

說般若如舞過水坡谷殆無以過之

見公誠先生手蹟感咏之下不覺涕零四首

鳴雁城南春水生陳留風俗阮家情一行書信千般思十五

年前願上行

薦福當年墨未乾傷心耆舊已凋殘孝標沒後交情少誰惜

人間葛帔寒

一笑金微未落聲風流應主芙蓉城獨憐近詔求遺老不使

君王見長卿

等閒彌勒便同龕又與朝雲作晚叅座上當年聽絲竹西州

蓮洋集

卷七

十一

慙負哭羊曇

更部固是千古可惜人

祖龍行

鍾山已鑿紫塞崇鱗鱗日照阿房宮芙蓉銷盡金人氣寶歷

從此垂無窮靈藥迢遙問東海千秋萬歲期常在此生不擬

禪扶蘇那知身後防胡亥昨日徐郎有報書帆檣將近羽人

都何事君王不相待輶輳東來雜鮑魚却怪官妃未偷藥至

今猶挽蓮花索

以此學長吉於形骸之外何不可者

留別王

我欲歸中條廣陵適風雨且復與故人共立烟中樹香香水

鶴飛冥冥花枝暮去住總淒然夕陽下前渡

起古意

咏漢史

宮簾寂寂漏聲長幾度黃門把綠囊癡絕昭陽雙燕子一心

飛向定陶王

不曾經人道
過極新極妙

送盛郎之大同三首

雨雪北風寒別筵不知曙梅花此地深何事雲中去

成渾

斗酒勿惜醉愁看長短亭如何別太遽不待柳條青

冰堅馬骨傷騎馬向沙場少年能射虎沒羽西山崗

蓮洋集

卷七

三

鄉寧山城卽景

山雲散新霽林屋含清暉風吹兩黃蝶時繞山樓飛老農向

烟且驅犢溪女背人猶浣衣

野趣
可想

東鄉寧大令張公

爲政萬山裏艱虞况七年百家租賦苦千仞訟庭懸世德傳

司馬風流儼昔賢題詩兼種竹日日石堂偏

方清冷之味
不似應酬語

女朝汲

郎行秋澗上妾行秋澗底秋澗濁水泥不入銀瓶裏

此首有
樂府意

雲中寺

天半雲中寺四山皆白雲我來雲際宿却憶雲中君塔影當

晴出濤聲入夜聞此中有猿鶴莫勒北山文

好

宿楊司空園

看竹宿竹裏主人都不知蜻蜓上簾幕鴻鵠飛軒墀荷葉尙

欲片寒花方着枝鐘聲催酒醒燈火四更時

古詩少知此者近
惟婁江崔華能之

兀坐

兀兀寡人事寂寂忘心想閒臨庭戶間坐看春雲上竹樹頗

陰蔚烟水亦沆瀣鶯聲過喬木鶴子下孤蔣忘機復何言遂

蓮洋集

卷七

三

已窺象罔

問通語往
往造微

文選樓

彈指蕭梁代傷心文選樓秋衾泣銅輦春殿狎江鷗朱雀園

何急青絲恨不休由來膚玉歷未可仗金騶

昭明之歿在臺城之
前結出此意方醒

贈少年

二十少年望麟閣盤馬彎弓氣磅礴眼前都尉知是誰雲中

但看雙鵬落

有氣

次靜海

縣郭依春水牽船過夕陽行行芳草路不斷梨花香雪氣濕
垂雨風聲柔剪柔低徊雙燕子有夢入雕梁
好

次青縣題壁

去年九月長安來鯉魚風起船旗開今年三月舊山去馬上
綠楊掠飛絮舊山風景復何如昨日家人有報書當門萬里
崑崙水千點桃花尺半魚

所云卽得
不愛者也

題溪館

春鳥鳴復飛春烟滿翠微人家臨曲水齋閣住清暉樵客晚
相語漁人行未歸溪山誠可樂方製水田衣

蓮洋集

卷七

古

清景
滿眼

過巢溪

巢溪清見底白石如擣菰水禽各鳴喚兩兩機心無殘雪沿
溪流轉入分水隅天氣漸和柔蔣芽生紫腴感此時序遷况
復景物殊古人不可見對茲心躊躇

淨省

次清化卽景

白鷺明秋水涼風吹葛巾溪邊收稻客柳下織簾人野饌芋
魁熟風樓蚺蜢親十年來往路重問濁漳濱

都無
凡語

客中二首

麗日娟娟海上春風光偏越倦遊人踏青挑菜看將過又待
蘭亭被袂辰

白藤書笈太伶俜剩有南華一卷經獨坐長吟山日曉竹窓
影亂鳳凰翎

絕似徐
文長

希夷先生頌

占斷蓮花第一峯白雲深鎖碧芙蓉石鑄半滴先天髓灑洛
關闔盡得宗

先天之學李之才穆修輩原本希夷宋諸大儒
諱言之耳有此詩此老面目爲一洗發最妙

過孫向辰書屋

幾日不相過新笋已成竹竹間兩黃鳥飛邊讀書屋我來北

蓮洋集

卷七

五

窓下愛爾詩盈束何當携素琴共掃清陰宿

清雋
可愛

某上人禮清凉歸

雁門迢遞訪三車稽首清凉鍊鍊鈇去日但携鐵如意歸時
却採金蓮花毒龍制後爭投鉢猛虎騎來竟到家回首戒壇

石上月清暉依舊滿袈裟

袁徐佳處
不能過

和聞雁

月裏參差影風前次第聲清商天外落多少世人驚

有寄
託

再過有道所

有道芳阡接翠微石門松檜只依依風吹葵麥颺颺出日下
祠堂蝙蝠飛墊角何人爭慕義瞻烏誰屋早知機九原應使
先生笑輦路而今走布衣

鎮州荷花

鎮州荷花一萬柄鵲鵲鵲相爭飛安得紅香最深處玉簫
散滿酒船歸

城南城北皆荷花正對城門是酒家下馬猶能再斟酌醉臨
明鏡看吳娃

近似鐵崖道人

上谷早發

蓮洋集

卷七

六

上谷東來曉氣濃沿溪烟樹綠含風郎山插笏青冥裏大似
諸郎立雨中

典而趣總由識地別

雜咏一首

獨坐苦無悰閒行傍東嶺竹木何參差時見秦山影長河流
太古隘東飛濤猛昔人費疏鑿後世免鼃黽村墟依沙集間
亦聚筇簪白日忽西匿波光泛倒影身世兩悠悠如何涉箕
穎

讀書一萬卷寸衷轉茫昧將無昔人心翻在語言外聞見苦
不多因貪反成害束書坐林間颯颯聞天籟

其在忘筌忘蹄之後耶

蓮洋集卷第七終

蓮洋集

卷七

七

蓮洋集卷第八

河中 吳 雯 天章著

後學浮山張體乾確齋校

遙題王咸中石陽山房

積水浮九州東南益蕩涵人家半洲島蘿條互蒙密具區我
舊游石陽君栖逸至今堯峯上猶上堯時日意外一湖明階
前眾山出春風散巖花細雨溜厓蜜仙靈每來往真儒間儔
匹表聖具生曠維摩得丈室泉聲四回抱嶺勢百萃律何日
復羸糧爲君訪衡泌

方綱按此詩爲漁洋先生最心賞者而抄本中乃無漁洋
評點劉刻本亦然則不當執評點以爲漁洋定本明矣今
姑就其有評點者列於前爲七卷而
謹以此詩置第八卷者以識此意

蓮洋集

卷八

又按漁洋山人所論定西樵蕭亭諸集原非必篇篇皆有
評點然彼皆出先生手定之全本則可今此集既雜抄本
刻本合於一處則不得不以無評點者別爲卷耳實則前
數卷有評點者或轉有非其合作而此後數卷無批點者
或轉有合作是在
善讀者具眼矣

來青軒曉坐

大野茫茫靜曉暉
密光林影碧依依
白雲忽離巖前石
特向天邊挾雨飛

雍邱題壁

昨夜寒風折柳條
征人馬上盡魂銷
梁園欲作當年雪
何處堪尋海雁橋

贈劉愚 公誠先生子

潁川負奇氣
英風四激射
小心友生間
齒牙饒獎藉
生平感

知己豈在秘書下如何江南歸老成遽凋謝生芻雖未陳千
里痛長夜公子皆鳳毛个个珊瑚價我兄過梁宋傷往轉悲
吒幸具瑤玉姿天庥峙堪迓恨不攜斗酒大醉舞甘蔗分手
復何言吾將去元灝

宿汝陽

懸瓠城南明月樓
相思千里夢河洲
玉谿竹木餘冰雪
好待春來北宅遊

呈五崖伯二十韵

京洛承顏久嵩瀍問道稀
一年辭貝闕千里觀慈幃
辛苦年空長艱難事日非
心堪縹緲亂身豈食熊肥
揚子經拋案安仁鏡掩閨
文章成聚訟辭賦得長饑
天上愁難寄人生願苦

蓮洋集

卷八

二

連長途悲騷裏閒幔下
蚬蟻乞米收殘帖看山別
舊磯金蘭增鄭重昭穆藉
光輝禮樂道陶鑄英才仰
範圍兼崇竺乾業曾少漢
陰機朗鑑千人爽風清衆
議歸有詩貽杜位無絹授
胡威對酒燈花落論文燕
子飛素心期崑勉神理盡
精微化被蒼生雨風行海
內衣一時欽紫氣不日陟
黃扉魚水存符契風雷仗
發揮千秋三不朽所得是
皈依

又題一絕

博聞默識久知名
豈識胷中武庫兵
心鐵更同干鏃利
從來難料是書生

按此詩原編在讀張中丞睢陽遺事二首之後故
抄本題云兩公前一首已編入漁洋動筆卷內

咏南將軍事一絕

嗚咽臨淮幾乞師廣張聲樂復何爲燈前難忍千秋淚灑到當年斷指時

飛仙圖

背負葫蘆如五斗齋也

靈藥朝朝鍊大還凌霞躡景急如湍葫蘆背上容多少得力當年只一丸

贈張實庵孝廉

千金何足重九遷非所論丈夫感知已往往因一言鄙人賤齷齪動慕義與軒却以負本志難謝公卿門心清跡則濁嘗令鴛鴦逢君在梁宋疇昔猶能敦謂我有奇氣八九雲夢吞與君非久要何以識心源前途慎令德莫負今所存

酒渴

蓮洋集

卷八

三

酒渴呼茶夢懶成羣書懶祭亂縱橫竹窓不定條風急愁聽中堂碾藥聲

雜詩二首

美人一端綺文彩美且良珍重惜剪裁藏之黃金箱一朝奉君子上衣下爲裳榮華對知已顏色生輝光此心結三載徘徊立中堂何日理瑤瑟彈成雙鳳凰

風昔秉微尚托意在林泉豈曰異流俗麋鹿性固然矯首望滄海傳云多神仙五城十二樓弱水無舟船阜鄉留玉舄極目空寒烟安得凌風翼飛向蓬萊邊

過鄆陵呈梁曰緝先生

憶昔壬寅秋九月適來茲登堂觀慈顏咲語接東離期以三

不朽何日能忘之恭聞使秦隴走逐桑泉湄還朝丁戊間旅食亦京師天涯縱涕淚途窮當告誰艱難長道力空忍頗內窺我公如右丞相過設露葵豈謂辭榮早朱顏樂無爲嗟余尚漂泊重尋錢鏐祠側聽太止名千人無異辭如此朝野際安石何足追願言侍杖履寧復悲路岐輝輝鏡日滿環中無盡時

呈焦荆巖先生

憶昔京洛遊正逢閭閻春垂琴取時名羞爲射洪人鬱鬱愁旅食僕僕將何因瑯琊頗綢繆河陽亦殷勤我公獬豸冠蒼佩垂朝紳高風與亮節瞻仰歎嶙峋嶽嶽龍門峻惻惻羊舌仁嗣聞承恩出秉節橫汾濱乘傳晉南天竹馬迎逡巡重拜

蓮洋集

卷八

四

好顏色彌感道味真秋中桂已夢大鹵佳氣新擔簦復何爲仍喜嘉會陳波濤知未遠還念涸中鱗

卽事二首

長河日暖水橫斜河畔啄冰雙老鴉越女舫窻理明鏡影邊一朵青梅花

襄王寶鏡千金值萬里攜來一贈卿莫學山雞舞不止回頭爭似彩鸞鳴

贈相又元

河東昔有焦孝然獨竄河渚全其天瓜牛遺廬竟安在欲得彷彿空春烟同時亦有青牛客百歲依然好顏色星歷風角知烏倩青箱芡華充飲食先生寧不豫此流脫盡塵滓甘沉

浮手把內書自吟咏豈與蟪蛄爭春秋董經私往豈同輩
累追隨企深誨相看淵默已雷聲簾外青山正如黛

薛有聲自都勻迎親樞歸感而賦贈

悠悠世上人寧知君子心卿相豈不貴散髮投荒林千金豈
不多棄之如一簪迢迢萬里行哀哀蓼莪吟歸來瘦且黑見
者爲霑襟履危獨不死方知天意深白燕巢其間連理生其
岑浮榮何足慕卓行古所欽君看罕毗子百年空陸沉

壬戌端午簡歷城張將軍佩絃時之官海康三首

水榭風微白鷺明菖蒲獵獵綠波生閒持坐席消長日可奈
將軍萬里行

去去仙城見五羊丹砂宜就越人鄉神光夜發金牛色不少

蓮洋集

卷八

五

天南翡翠裝

投壺歌雅喜追陪大樹過從日幾回此後麗吟相憶處桃柳
陰裏射堂開

壬戌端午呈郡守三首

水閣風來菡萏香湘簾飛燕趁新涼芳時是處宜歌舞共戴
神君化日長

百子榴花照眼明菖蒲九節助長生公餘拄笏中條下遙聽

仙人吸鳳笙

卧疾東陽減帶圍承明漫道賜宮衣慰勞幸藉任司馬嘗念
龍邱處士飢

方綱按勞字去
聲此誤讀平

贈芮城李生

生善相地

國僑竊邢山元凱營首陽皆云取高顯未覩邀吉昌景純獨
有經其言乃精詳士行卜牛眠八翼果飛翔安親而受福豈
必皆荒唐吾子具天眼讀書窮元黃騎驢過我廬議論何沈
洋炎風與烈日不惜周山岡盛意良可懷况復剖微茫臨岐
坐水竹石磴空相望

送客之長沙

六月長安來雨中喜相遇七月新涼生又向湘潭去丈夫四
方志聚散渺何據青絲挈玉壺臨岐不能御猿臂挽兩弓君
有封侯具珍重戎馬間未免交情慮肅肅天際鴻漠漠江津
樹船經鸚鵡洲爲寄征人句

蓮洋集

卷八

六

上魏環溪先生

先生古性情貞粹越時代十年欣一見凜然冰雪對齋居會
天人攝心無內外修辭先立誠了了摠肝肺
聖主動顏色蒼生起狼狽仁人其利溥儒者之功大招攜菊
花時几筵薦寒菜圖書盛典則詩律肆陶汰固知瑤玉姿自
令塵言廢公子復清華早聽鸞聲噉家風看韋賢濟美垂千
載

秋日同葉九來徐勝力馮圃芝訪傅青主先生

秉彜有同好言尋高世士騎驢出國門語咲斜陽裏郭外風
景殊蘆花冒秋水竟到野僧家喜值於陵子吟呻驚老病語
弱不勝齒聞言領耆舊拭目辨鄉里竹竈藥火溫梧井菊泉

駛庭前虛一琴床下閑雙履羔雁空招邀兒孫看坐起太息
各無言歸途暮烟紫

奉寄吳蘭次先生

山榛隰有苓十載念儀型柳惲真才子嚴光是客星人歸黃
葉澗春散白蘋汀老向江湖裏新詩滿洞庭

喜曹正子生子

比鄰新有麒麟種賀客紛紛來接踵金屋騰踏雛鳳嬌錦堂
歌舞花枝捧畫省仙郎咲語溫東山司馬方弄孫君家世德
當天意從此仍高定國門

戊午小春逢樊次噲因述其尊君朝邑公宦跡飄零

深感予懷輒賦四詩

蓮洋集

卷八

七

白首青氈困一經分符喜得子男名只今遺愛留河潤下馬
看碑無限情

二十年前竹馬來流風善政遍蒿萊先生畏壘中條接親見

桐鄉禱祀廻

公子飄零寄食難小山叢桂在團圓兩旗却憶迎神處正是
蕉黃荔子丹

與君同有析薪哀霜露淒淒綬帶灰潁水南流更悲咽官名

空寄尙書臺

方綱按尙字作去聲已見第三卷

送姚能序之利津丞

大國拜恩出小官皆濟時洋洋東海上衮衮聲華垂花隱訟

庭雪厨膳蓬山芝飛山在何許挂笏意遲遲

壽盛逸齋六十逸齋爲珍示先生弟精進上乘

此心靜中起旋從靜中滅因之萬萬年一解復一結先生証
妙性蚤歲事禪悅鞭影走良馬棧豆羞然鬻筆墨閒揮灑花
藥少行列何曾計年壽甲子信人說乾坤多羅綿情性蕤賓
鐵一咲寄新詩飛鴻過春雪

讀放翁詞

風箏天半玉欵寄本是仙人鳳管吹一夜愁心化冰雪韋家
詩句渭南詩

上益都相國馬公

乾坤原沕穆夫子敦皇風坐令四時調環中應無窮小子山

蓮洋集

卷八

八

澤臞雲將遭鴻蒙但荷陶鈞力寧知造化功風動草木偃道
契天地通尋常玉洞春小看桃花紅青裙如可着且拜東王
公

贈周履坦供奉

大內頻宜近紫微五更撲馬雪花飛小臣莫訝寒風甚將賜

遼東貂鼠衣

題降龍圖

香水無波道味真誰言龍性實難馴試看薄暮安禪處一箇
鉢盂五百身

伏虎圖

一嘯驚催山木枝腥風過處血淋漓老僧見爾渾平等正要

牽來當馬騎

贈汪舟次東豹人

今日汪顓榆當年桑柳州同一古性情不善干王侯小官就
荒甸海氣浮危樓却有書千卷造化窮雕鏤朝吟祝其城暮
闕劍水流黃熊看出沒吹羽聞嘲嗽雲物任變幻烟花雜夷
猶聖代廣八紘巖穴多真搜聲華久傾動公府先見收一朝
京洛來風吹日本裴回首鬱洲山遠拋青玉鈎天帝難驟謁
金門還沉浮買書過慈仁聊作松下遊歸卧贊公房蕭然何
所求囊米行且盡咲對雙平頭繫我比屋居小過輒相留誰
人與酒錢遂能設二亩焦獲老狂客高歌方不休時豹人先
生亦寓寺
亦復就君飲諸諺雜伶優苦云處逆旅無人彈箏篴袂袂

蓮洋集

卷八

九

夢鄉縣兒語成溫柔借問杜陵叟高懷有此否人生真何常
聚散難預謀十年最結想此地紛相投珍重良匪易莫惜頻
勸酬明春知何如柳花吹作毵更化浮萍去相思空悠悠

送東亭先生已得長句更系三絕句聊申不盡之意

舊鄉七十五長亭愁對維摩一卷經却羨先生歸路上鵲山

一點佛頭青

茅店深居幾不與山光遙指雪嵯峨一時清冷詩人筆七十

一泉冰更冰

不信歸耕亦是緣痴心空望汶陽田如何風雪長安道只向

時人乞半瓊

寄柯素培先生

冷泠茜溪水轟轟瓶山峯中有柱下人舉世驚猶龍大道合
真漢神功契鴻蒙暫辭樊桐闕于種天臺松桃花拜金母桂
子攜青童天風一簸蕩萬里開心胷願乞餘杭酒高歌入剡
中

晨步庭前見鄰樹二首

老樹蕭森作曉寒桂花枝上日團團孤懷忽憶栖巖寺下界
蒼茫放眼看

每念仙人無盡燈結庵已約碧陵僧幾時真遂巖居意脫盡
鞬絛過海鷹

一片

一片花飛點客衣纏綿珍惜不多時可憐都作關心夢忘却

蓮洋集

卷八

十

東風喚子規

贈大司農梁公

海棠花開滿村路云是尙書栖隱處九重却聽屐聲來方接
夔龍別鵲驚鷗鷺忘機滄海邊有時飛上釣魚船尙書也憶
棠村好只爲蒼生難偃眠

上宋夢天先生

俯仰天地間蒼生日樵賴小力徒傍觀何能覆群類大賢本
篤生英猷發憂惻慷慨任天下忠勤致高位懷仁固鸞鳳秉
禮亦鷹鷂憂時髮早白味道心屢醉唐虞稱時雍流就本皆
脩春秋亦刑書綱常賴昭示我

皇好生甚公實佐天意因之欽恤心千聖默相被海內歌唐

堯邁種功不次餘懷肆久握高情寄文字金門盛嚴徐延訪
到薜荔清醺玉瓚流寶蠟銅盤脈聲詩辨正始與冊探幽秘
小子忝末造十年托深庇春沙雁茫茫好音每潛記公十年
贈驥有
河入中條沙浩浩浩巖穴近冥搜公府亦敦致京塵北風苦
連上黨雁茫茫之句巖青衫裂荷芰重來邀顧復益令長慚愧再拜尚書臺寒山正
蒼翠

贈高澹人舍人

北風動天地銀河五尺冰仙人紫府居手攜長春藤却看芙
蓉花纔開一千層麒麟游靈囿鳳凰翔高陵常有青童來送
以無盡燈嗟爾搶榆鳥何如運海鵬

讀葛稚川洗藥池四言喜識二絕

蓮洋集

卷八

士

洞口雜花木年年却外春從來猿鶴地不住利名人

山水真靈秀仙翁此結廬幾翻尋大藥不肯著丹書世傳抱
朴子內

外篇恐不足盡
仙翁精意故云

送家五崖先生五首

天運何穆穆日月麗奇耦合璧在牽牛不謂錯箕斗乾元無
始終象器有先後旨哉柱下言一中永當守

大道蕩以平惠吉理難誣禮樂導中正風雷誨狂夫小子凜

冰淵施髭色不愉倚伏消長間勉勵前圖

夫子秉太和儼然慎幽獨脩身在彛影進善不因福停雲念

親友行路憫昭穆再拜上樽酒仁風痛心腹

聖世重教化菁莪言育才一朝借大賢文命嵩瀝開青門儼

騶馭佇下黃金臺岐路豈不戀東風空徘徊

讀書豈爲名貧賤各有志寸心苟不明堯舜亦多事詩禮誰

啟蒙行生仗昭示敢厭承明廬尙記嵩陽寺

方綱按乾元無始終句既用經則字必有據而經無始終
之文且此句以詩之音節論亦當作終始乃劉刻亦作始
終何也似以
改終始爲是

壬戌初秋寄于學憲三首

憶昔客長安軟塵何浩浩金馬亦陸沈只夢舊山好歸來慚
夙心豈敢怨枯槁讀書開北牕頗能任懷抱牽牛昨有花忽
報秋風蚤惟苦奉養殫不得具魚稻懷人向天末此意復誰
道

夫子真瓊樹偏能識鳳飢乘槎歷南海棹拂孔鸞飛仍聞浮

蓮洋集

卷八

士

邱山靈苗發芳菲安得五色羊從之弄清暉

秋空吹晴雲一雁珠江去寧忘假羽儀殷殷託心素洲通荔

枝紅庭夢枕柳雨修敬久無階徒咏蒹葭句

魯少府仁風清韻州里俱欣霑被而於予分誼尤深

感德書事聊成小詩五首

誰與王孫進一食幾回風雪慰袁安苻融空有高名在却讓

仇香是鳳鸞

杯酒從容笑語同雨餘山月上寒空五千文字登羣筆清淨

端應授蓋公公得諸河南道德經書
於相鍊師處力學不倦

內史風規百世師嚴家餽隸太相卑永興得隨留遺法難忘

挑燈較論時時較量古今書法論獨
謂永興人右軍正書之室

東海于公種德身嶄然頭角石麒麟休輕棄稟類相覓都是

他年駕駟人

酒次每令嗣往來
繞膝特見英異

掃門致藥感龍邱下榻依然孺子留釀就蒲萄還共醉知君

未肯博涼州

公廳事前後多種蒲
萄每過輒共醉其下

宿吳閶

里居無長策汗漫東南遊過江風土異人情亦如秋一朝黃

金盡惆悵憑高樓何處歌舞喧酣燕沙棠舟獨有淹留客花

草皆生愁俯仰念古人失路有此不莫効窮途哭歸潮且揚

州

謝宣城

宣城有傑作古意猶能存太白數贊歎豈曰味其源江劉構

蓮洋集

卷八

三

奇禍身與洪濤翻未必愧刑于胡有悔心言大義苦未明文

章何足論獨有獎士懷千載激人肝

晨過楊氏兄弟飲

晨興遵壕上乃至草元廬君家好兄弟素心今所無寒菜胡

床側濁酒復一壺斟酌咲今古芻狗移唐虞墳典擁吾醉大

運信所如

雜興

豆苗無異葉桂樹有同根兄弟苟不容何須交異人仲氏既

吹簫伯氏亦吹埙和樂順父母友于安天倫胡爲輕薄子意

氣生風雲斗酒定生死鞍馬成至親同氣方一言則必遭怒

嗔嗟嗟上留田千載嘗悲辛

浦上風雨簡王我建

春雲飛向西不住春鳩啼忽然風雨至落花皆成泥高樓萬

里客徙倚心慄慄汨汨林中泉森森林外溪參差遠帆重窈

窕歸舟迷故山在何處經歲相乖睽矯首一長望霏霏雨脚

低浦樹不可辨大抵垂楊齊吾子幸同調失路相提攜亦云

渡江久家在白公堤綠楊最深處辜負千黃鵬相逢且醉卧

芳草正萋萋

答山中人

前得山中信已說梅花開松林日偃仰不復郡城來息心觀

大化妙悟脫形骸我生信鹿鹿奔走昨始回愧爾習靜客孤

坐如清齋倘有招隱作南山尋蒿萊

蓮洋集

卷八

南

雜詩

東海有孝婦殺身得惡名舉世不見知天帝哀其情三年絕

雷雨川岳無光晶祭之乃受福千載垂佳聲我今撫遺編讀

之淚沾纓又聞流言日風雨發金縢忠孝寧寂寞勉哉但立

誠

讀諸上真詩作

羣動日擾擾天地生塵埃百年會有盡吾生良可哀流覽上

真作契我出世懷內觀極衆妙靜澹三花開肇囊著虎頭仙

醴飲龍胎吞屬青綾衣游觴方丈臺莫坐自生蟲白雲呼不

來

仙人

仙人鳴玉琴一絃成五音天風忽吹落颯颯清人心貞松肅
雲路公侯塵滿襟欲訪滄浪去吾師何處尋

郡城還永樂

酒肆酣餘醉還山東佩刀曉霑汀葦濕晴喜極逆高野馬方
辭繚繚鷹乍解縹洲前息舟楫不用計波濤

次宿州三首

漸近江南路悲風反劇寒人家茆屋穩道上辟蘿乾鴈語聞
空澗孤生似懶殘故鄉今夜月曾否倚欄杆

丈夫各有志不敢重傷離桑柘違寒月垂楊折凍枝嘗愁學
道晚已覺上書遲日日南征賦天涯積旅思

野水圍城郭寒濤疊女牆文章通上國姓字隱他鄉夜月千

蓮洋集

卷八

五

峯雪晨風滿劍霜長歌人不識把酒托清狂

志言大士

朝飲屠沽兒暮啗江南膾下筆十三郎錯愕無人會

僧伽大士

來從葱嶺來宿就臨淮宿不合虢州兒畫蛇更添足

藍采和

古人混混去今人紛紛來不及三春樹一年花一開

贈賈采公

世事如鴻爪端倪不可求逢君恰瀛海鄉思共并州交醉周
公瑾真懷馬少游冰霜非六月容易一披裘

孫公和嘯臺

我愛孫公和無言但長嘯編草以爲裳披髮坐巖沼喜怒兩
俱捐沒水付一咲叔夜龍鳳姿才多而寡要從之遊三年不
能窺其妙昨日汲郡來北山頗登眺臺空人亦無惆悵生寒
燒

贈韓斐然

蕙草轉春風蒼茫海日紅逢君人似玉對我氣如虹孤劍飄
零外清樽感慨中何年隨羽獵同宿黃陽宮

贈張公路

秦時督亢陂見雁雜菱荷千秋竟平衍樵人施斧柯君家讀
書古陂側閱世常留好顏色松檜當門有鶴來蓬蒿滿徑無
人識昨日偶爲滄海行殘雪欲消芳草生問字擬過毛萇宅

蓮洋集

卷八

六

懷仙空望州兮城嗟我年來學無學心跡未能雙寂寞逢君
一咲三生緣同與提壺數斟酌鷺鷥杓鴻鵠厄世事浮雲能
幾時爲君引滿百不辭蓬萊不遠鳳笙吹

贈王子

我愛東臯子時藥河汾隈鴻飛高真舉世一塵埃醉鄉留
子孫英文多妙才奇特大人作閒持鸚鵡杯矯首望滄溟凌
風彭蠡來據批鑄鍊舜指顧黃金臺登臨一長嘯萬里浮雲
開我亦紫烟客相逢咲哈哈無餘同一証天地盡蓬萊

贈韓斐然

十年慕廣成拈得南華句膠擾文字中如藤還倚樹逢君獨
超詣善擇鷺王乳首坐獅子床閒題鸚鵡賦姓字在丹臺已

入長生註

贈楊蓮書

學道苦不堅世態惱胸次如君抱文章何乃鎮懽悴我亦牛
馬走不見汝穎利造化本無心萬物自炊桑家在南山側與
君共高奇石髓如可逢相呼了塵事

方綱煥案
系上聲

贈陸武國侍御

聲華奕奕孰能同家學平原見素風日下才名推待制人間
奏議說宣公苑花香散烏臺側御柳青垂豹尾中扈蹕甘泉
聞有賦英辭應不愧揚雄

春晚曲

蓮洋集

卷八

七

輓轡啞軋宮井澁花影玲瓏半簾月美人聯起梳曉鬟錦帆
過處雕窓黑

紀漣水河災

漣州臘月黃河漲水勢爭城不相讓岸頭兒女哭流水濤轉
鯨鱗喜高浪縣官無計下民驚有力人家盡出城陰風夜嘯鬼
神聚惡霧晝垂天地傾七日三更河水起八日城上無完壘
銀牌只解媚神巫白馬誰甘填瓠子憂心昏墊群滂沱土人
如此客如何青蓮未必蛟龍得且上殘樓俯巨波

飲玉礎齋中二首

柳青榆白將春暮獨把殘盃對古城珍重堂中一雙燕留心
林外幾聲鶯

把鋤勸咲摘榆錢便有青青到几筵問道冷淘槐樹葉少陵
曾愛落花天

飲巢雲阿君子亭

獨把一杯酒酣觴君子亭假山擘華嶽剩水割滄溟鳥路迴
虛岸魚床拍淺汀高吟清興足却惹紫蚪聽

客趙好蘭若

秋爽軒窓靜閒僧伴竹屏犬行黃葉響人語亂鴉飛玉露拋
紅藥勾欄坐道衣萋萋芳草暮惆悵未言歸

沂州道中寒甚

初識臨沂路水痕嚙草橋青馱荒舊寺黃竹苦新謠晚稅輸
山蘭村盤薦落椒頻能異風土終是惜飄搖

蓮洋集

卷八

六

長城舖

聞鷄已就道岱影尙模糊山擁秦城險風吹漢月孤谿深窺
豹鼠淵冷叫鶉鴝行路何時已迢遙悵遠途

方綱按迢遙遠三字
不應同見一句中

韋左司春遊

堤草忽改色鍾山佳氣擁林暗車馬喧江影人家動纔見雙
展滑漸覺錦袍重散步故遲遲時花已堪寵

懷阮亭先生

瑯琊天下推詞伯果有文章起一時何必桐花相鄭重蕪城
自有建安詩詞苑稱先生
爲王桐花

尋楊蓮書不遇題齋壁

寺門積水起晴波幾處山光俯大河城上樓臺饒古意池邊
芳草奈春何林州漸聽黃鸝語岸曲閒隨白鷺飛我自幽尋
君不在鐘聲唯覺坐來多

歸仁堤道中

堤外東風野柳馨堤前旅騎去無停可憐作客輕千里每惜
傳家但一經風打寒簪漁浪濶春歸芳草燒痕青化工猶似
憐遊子漸使遙風疊錦屏

潁川宿公誠先生書屋

北風無停時聲動萬竿竹淒然聽已悲況是他鄉宿

邯鄲歌

暮踏邯鄲月曉踏邯鄲塵邯鄲朝復暮不見邯鄲人

蓮洋集

卷八

五

寄董驃騎

少年使酒聞輕俠退老江干數雁羣世上可憐多醉尉不須
重說李將軍

慈仁松下

獨坐長松下習習晚風善山門歲月深落日不恩斷豐草見
殘碣黃葉聞珠殿清興轉紆徐微疴漸消散僧語出幽林殊
覺身名賤

泰安驛松

古驛雙松俯碧流驛南崗上風颼颼不知何日天台約坐聽
濤聲五月秋

平定州題壁

嶺勢週遭碧玉環女牆廻合白雲間勞筋暫息長松底最愛
城西八面山

蓮洋集

卷八

三

蓮洋集卷第八終

蓮洋集卷第九

河中 吳 雯 天章著

後學浮山張體乾確齋校

懷子文二首

鹿脯曾留帖鷺羣更煩書還經王母廟不饒錦江魚初子文傳轉蜀

西出蕭關見瓦亭六盤山色六盤青懷君多在彈箏峽載筆

重來驗水經子文阜南載筆論王母宮碑刻取詳

卦山四首

石路何盤盤老柏一萬樹風吹柏子烟引入繡經處

古洞蛟龍窟陰陰玉鑑寒只疑雷電起不敢再三看

蓮洋集 卷九

石幢曠劫留花雨衣裳冷下盼蒼蒼然殘陽沒東嶺

起滅心何爲皈依七祖禪啣花雙白鹿恰過講堂前

寄里人

旅髯蕭騷甚低徊東海濱到秋翻作客漸老只依人天迥移

朱鳥風涼散白蘋澗南紅樹好愁絕憶垂綸

哭張三公路之喪而送之十首

三十年來數益奇海天惆悵髣成絲而今翻作長年別衰柳

殘陽灑淚時

文章命達已成虛年壽蹉跎又不如客舍無端驚鵬鳥可曾

檢點茂陵書

阻絕河山少見期神交千里只相思相逢便道參曹洞銀盤

空齋大雪時君嘗簡余云此間有參洞者連來一道至則無有蓋載余之嗜禪也

家學深培蓋代才一朝朝露委塵埃亡書三篋君能記誰備

河東顧問來

老筆縱橫脫朝轍人家繼素有光輝感君讓善嘗推我不學

吳興損伯機

斷石箋函亦擅場當筵下筆挾風霜可憐只論閒風月未得

從容王女傍

艱難寄食各西京投老無家四海空痛絕歸來仍是客天涯

兒女哭雲中君家人寄食蔚州

頻從病裏望相過只道尋常後會多三日不聞成永別貧中

真奈貧君何

蓮洋集 卷九

丹旄飛飛下直沽風前有似避鷄鵲送君淚盡還相慰有子

皆能讀父書

知己空論意氣深脫驂終愧少黃金長歌當泣真成泣聊盡

當年挂劍心

簡梁生崇此二首

青嶼連朝雪尚凝林塘草樹禿如僧春風似過神鼇力頓解

長河五尺水

日日齋房月涵果然彌勒許同龕知君磨礪裝貧鐵何處

堪容八萬蠶

簡蓮茂先

難忘高齋剪燭時天涯何幸得心知只今海日曠曠影偏照

江梅第一枝

由金巷口登居士嶺

白雲發終古蘿篠寒溪中我行遵石路裴屐濕濛濛遂躡靈
峯巔忽與天路通仙人肅劔佩謁帝趨樊桐鶴背一長嘯劃
然神宇空

文中子舊居

汾水湯湯遠舊居白牛溪畔雁飛初當年檢點先生意可悔
金門早上書

獨坐看月三首

最愛金精盛滿時迢迢烟海未逢師人間富貴真塵土坐看
長空鶴影遲

蓮洋集

卷九

三

獨對高旻發浩吟夜涼風露滌煩襟浮雲斂盡冰輪滿萬里
青天萬古心

豈但師難友亦難同心臭味比金蘭誰能把臂林中去拋却
閨浮更不看

贈孫都閫

漳南蠻州海嶠清雄才從事伏波營珣戈曉指春星淡獵馬
背還臘雪明北闕千秋方鑄鼎南天萬里已銷兵霜華點鬢
休相訝二十年來大將名

次小河司二首

漸覺瀟湘近嚴關幸已過轉憐山柳嫩猶喜野梅多客解舞
鸛鶴羌能掣駱駝春帆望安穩五日洞庭波

潭府愁卑濕迢迢接遠州空遲漁父棹已過洛陽年湖草留
春日江村入暮天却宜客路穩橫海絕戈船

入楚絕句二首

下澤車歡馬少游如何却買洞庭舟跼蹐新息應相笑勞苦
終慚萬戶侯

一路谿梅自在香春波更怯洞庭長高情幸有江山助鸚鵡
洲南是漢陽

東項侍郎

迢迢入九重侍直每聞鐘已接夔龍席常親日月容錦袍花
姬妃仙佩玉丁東更有承恩處天書御墨濃

咏艮止

蓮洋集

卷九

四

寂然何內外物我皆寒山萬物本居位自愧我不閒長夜對
華燈默然羣書問信有無言盲行生認往還

健松別業爲方渭仁賦三首

織女祠邊宅桐君山下村風流前代沒堂構至今存鷺鶴荒
洲島詩書到子孫低徊松檜影依舊覆柴門

滄海橫流日丈人方緯蕭江山行樂遍歲月著書消志就癸
辛里詩留丁卯橋百年感風木愁溢聖湖潮

仙郎孝且賢待詔國門前嘗有松風夢吹入芝山烟繫我麋
鹿性正愛滄洲緣何日尋桑苧同斟十九泉

己未花朝前一日諸同人集曹正子園作二首

咲語中林擷鳳毛提將坐席散蘭皋看花不用尋漁父飲酒

真成似馬曹漸軟燕泥融雪嫩初調鸞語逐風高家山却憶
崑崙水新漲龍門百尺濤

酒債尋常累友朋悠悠策路百無能穩穩敢望乘軒鶴奮迅
還追過海鷹百代聲華愁落日一生心事愛傳燈西巖尚有
千秋雪潭柘攀躋苦未曾

寄吳門沈老

渺渺具區水幽幽靈巖山經年芳草色綠映梅花間丈人食
太和其中怡朱顏有子喜讀書詩名牛斗灣諸孫何森森綠
衣皆斑斕以此丈人心悠然波上鵬早收斷家事忘機美潺
湲一咲五湖去諸峯如髻鬟

題毛鶴舫戴笠垂竿圖

蓮洋集

卷九

五

我聞新安江水色清見底誰能江上坐不愛魴鱖美猩猩向
晚啼風潮正盈耳垂竿亦偶然戴笠者誰子惟有富陽人干
秋無彼此

沈繹堂先生大集同人卽席屬賦輒成此詩聊具顛

末

帝曰闕四門羣才來後先隱顯雖不同齊對芙蓉殿亦有明
堂詩何殊柏梁宴一時名公卿好士俱不倦金龜質美酒廣
座致賓彥先生東陽後八詠最高猶出入禁闥中恭慎荷殊
眷文成吳富體字學歐虞變哀然奉 至尊每邀 制稱善虛
延更諄切聞賢卽思見清風無長物典衣具珍膳大集鄒枚侶
賢豪等親串戟門日影麗綺席花枝顛我本山澤癯忝竊公

府薦一經慚未通七畧詎能遍偶窺月露辭狹小少修之類
光內生愧重與濫良譙鄙夫更迂濶蒼生入繯絀忽憶山東
飢又念荆南戰此世痛瘡痍清整正流轉爲儒需醉飽餐餐
泚生面聖賢謀立身大者在隱見三復百無補還山守拙賤

繹堂先生齋中拜觀

御書恭紀其盛

世運適昌熾我

皇膺寶命一心周四海深居必恭敬

聖明無闕事百職罷諫諍往往萬幾暇游藝樂清靜讀書到
丙夜萬瓦金波映偶然事翰墨卓爾入神聖爵勃蛟龍姿盤
旋北斗柄載觀四大字心正筆皆正臣荃侍禁掖恩遇過韋

蓮洋集

卷九

六

孟 宸章示寵渥稽首再稱慶光應千古垂事極千秋盛小臣
田間來蟻蝨對金鏡瞻仰生戰慄嘖嘖嘆邁勁愧乏挾天才
作頌施無竟

送楞香孝廉下第歸新安

我兄間山秀高才遲顯仕春風不得意返棹新安水讀書青
嶂下閉戶桃源裏灘聲三百六日日滌心耳跡遠慮亦屏白
雲夢中起

贈道者

天半挹紅霞滄洲處處家仙經窺玉笥小妓遣蓮花渡海常
騎鶴開山或種瓜青牛新有約一夜到流沙

留別嚴蓀友二首

我愛嚴夫子高情無古今
最邀英主契終執野人心
衮衮承新命依依念舊林
草堂連夜夢幾處白雲深

幾時到城闕衣向烟霞班
紫府留君住青山羨我還
愁添飛燕後醉臥落花間
最悔浮名悞春光擲等閒

題姜西溟歸養圖二首

護可忘憂笋可蔬半雞鶩
皮向中厨養親何必皆鐘鼎
不及君家雙鯉魚

才名一日帝王知萬里君門
數轉奇捧檄雖難慰顏色
階前不愧寧馨兒

返棹中流浪拍天中條我亦
水雲邊人生但遂家庭樂
孝友君陳世早傳

蓮洋集

卷九

七

送顧尼備南歸省親

丈夫誰不思適意日日風塵苦
顧爾當年原不爲蒼生止願
一身得高位顧爾出處則不然
飛伏何曾繫胸次一朝憶母
懷江天思買雙魚獻母前
傍晚猶酣新豐酒乘曉已發吳淞
船歸來皆筍迸青玉陂水低飛
兩黃鵠莫羨遙頒五鼎食何
如親負一囊粟送君黯然愁未
消夢君三百九十橋分手幾
時我又去江北江南空暮潮

留別李紫瀾并遙致方山及馮徐二君子三首

去去復何求楊花吹驛樓
開樽憐共酌秉燭憶同游
元夕曾共余步
門高闕看儀鳳開沙認野鷗
生不感風義多半在陵州
夫子古情性灑然冰雪姿
退朝常命酒乘月數圍棋
馮子寧

彈鋏力徐陵雅善詩
發一朝岐路側那得不凄其

青嶂關南路黃河渡口村
柳邊辭貴客花下閉柴門
盡藏山松直翩翩水鶴翻
讀書增道力應念故人言

義棠壁上次謝舍人韵

無端帝里經年住依舊
麻衣未拜官雙闕已辭池
上步三臺真省夢中看
途逢驛裏思千里水見崑崙寄一竿
從此草堂鄰里熟阿誰重著鸚鵡冠

秋晨過友人書屋借韭花帖看

村居起常早微雨有餘清
爲訪韭花帖來尋陽美生當
塔松鼠落繞舍竹鷄鳴
卽此堪終日何勞問世情

答子文贊府三首

蓮洋集

卷九

八

會傍中條匹馬來玉溪
延望興悠哉匆匆未遂登
臨約歎見潼關四面開

繡嶺宮前曠刈春金釵
鈿合久成塵使君大似元
才子修竹連昌弔太真

昨日山中惠好音野人非
敢託長林傳聞又向長安
去爲見琅邪道素心
謂阮翁

贈歷城王秋史二首

梅花映深雪幾共鸚鵡杯
每愧高陽侶欣逢歷下才
歡然數晨夕竟已忘蒿萊
聖朝勤採納不用歎無媒
愛爾文千卷依然行路難
將軍能好客才子慎加餐
淇海漁

辛冷崆峒劍氣寒已成鹽鐵論蚤晚召桓寬

閒居示內

十年宦學兩無成且共山南事耦畊可向田間隨翼缺幾會
床下拜樊英提筐蠶月勞機杼采藥鹿門忘姓名若使蓬山
同有籍玉簫雙引鳳凰聲

病酒數韓體

一飲不知節崇朝成醉眠支體困不收橫臥席無羶傍午具
酒肉畏之不能前始知分有定多受即招愆昨豐今遂歉寧
使恣饕餮晚覺頭目輕啜茗燈火邊羣書如獼祭流覽煩慮
獨果然飽義理不等恣肥鮮願言慎威儀屢舞羞僊僊勿令
鄉曲笑有如夔憐蛇

蓮洋集

卷九

九

山堂

幾日重陰雪未晴寒烟歛盡月華生竹爐茶火詩人意不惜
山堂坐到明

題嶺祠

半嶺閒雲祠樹多野人心事近如何黃龍釀雨飛巖窟白鹿
啣花過薛蘿石上方抄雲子飯溪邊誰和紫芝歌年來空有
還丹訣日遣流光等逝波

簡郎山別駕二首

深秋積雨散蕭晨快觀龍門意氣真逸致數延文舉客清風
會謝梗陽人寒花真露垂廳事細帙縈烟過錦茵爲報嵩峯
招玉女好携佳句繼秋旻

高天無際雁聲過魏城邊興若何勝槩翻驚遊子意風流
唯許使君多欲徵奇子慚携酒待索名箋好換鸞矯首西山
朝爽在清暉一路野人歌

西村

西林帶暝色野水失津梁颼颼北風至寒原墜枯桑豆苗苦
未獲佳禾猶在場婦子如寒鳥飢語憐空倉天時每如此徒
令達人傷

河上卽事

鳴雁過殘雪蕭蕭風葉乾河水三四尺吹到客衣寒

宿故市

一夜愁心白髮生高齋明月意縱橫西風不定歸鴻急臥聽

蓮洋集

卷九

十

空山瀑布聲

漁父三首

山橋澗石水粼粼八節灘頭草樹春何處羊裘逢老子烟波
別有釣鰲人

靜把綸竿泛夕陽人間何處不滄浪眼中厭見三閭客獨往
江天意自長

松下蕭然寄一竿蒼蒼塢樹雨中寒孤舟穩坐潮生處可是
當年牡蠣灘

贈周麟聲明府

安邑令爲陳子文堂翁

夫子真清惠深仁入頌謳文章仍照耀詩句見風流谷水通
車輞山光媚玉鈎顛軫饒峻坂莫使困驂騑

贈平水陳師

汾水冰已消春日麥苗綠鷺羽照圓沙晴風吹素玉遙遙藐
姑射青雲宛相屬欣聞講席開日暉厭燈燭殷懃訪要妙何
敢自刺促紫氣正回翔長天肆遐矚

芝亭展子述其太母大節慨然賦之以備採風

嶺嶺山上柏落落澗中石不及貞女心千秋見風格嗚呼展
太母綺年謝芳澤良人九原下賁恨痛冤魄太母持門戶灑
淚對窀穸撫弟並撫孤森然具繩尺百鍊備心苦一境無順
逆蠶月勞寢興花時任拋擲果令舊家世中衰復烜赫孫枝
發奇秀同作海門客能述太母行孝思亦敦迫爲君紀遺徽
還期著方冊

蓮洋集

卷九

十一

贈丁叅軍荷峯

時爲長蘆
運司經歷

幾向清溪夢若耶却從齋閣見梅花賜書尙寶叅軍宅遺笏
猶傳相國家鵬運三千搏溟海才名尺五動京華蘋風漸次
官橋北丁卯詩成勝五車

虞姬墓

悲風驚落木碑字半消磨客子苦霜露美人當奈何荒原獵
火盡戰壘夕陽多惆悵興亡事炎劉亦逝波

獵火謠

野火燒原風倒鳴原上短草烟迴濛雉飛兔走客心急手凍
弓強挽不得語君弓箭好收藏明春同去獵長楊

珠樓

珠樓十二窗金螭樓外春風打帽簷齊道天香何處落不知
人在水晶簾

閨思

細雨茸茸楊柳津當時曾此送行人縱然不向臨邛去多恐
歸來已暮春

廣陵逢李閬仙刺史

廣陵三月桃花時翩翩紫綬香風吹公子新領股肱郡古昔
通侯今過之借問何爲錫嘉命由來照水傳奇政官舍曾聞
下鳳凰御屏久道書名姓一朝重地急須才天子西顧常徘徊
忽憶仁人在閩越特制日善當移來移來琴鶴輕裝繼攀
臥紛紛戀深惠遲日三山別荔枝春風五馬迎瀉酒倚欵夫

蓮洋集

卷九

十二

子政事良足傳誰識文章復煥然非里端能接工部家聲原
自屬青蓮青蓮古調我嶠下宮錦樓船最瀟灑只今重見起
王風無事吾衰憂大雅嗟予小子飄零久薄宦爲家大河口
難將菜把乞園官敢望猪肝累賢守昨日登堂獨見容仍教
吐握到諸生東陽舊說憐何遜北海今看重禍衡歸來盤礴
色然喜人生安得無知己從此春山雷首東日奏鳴絃樂君
子

贈章素文

金馬浮沉久燕臺會好初名高終不薦天意且何如布袖難
爲客松窗悔上書
聖朝多雨露早晚及樵漁

答汪文漪編修

弱齡秉微尚所遇亦如之因之歸中條自結一茅茨欲就金
鷲藥逝采三花糝夫子古情性百鍊不磷淄大藥卽此是金
石空爾爲偶發鸞鳳音縹緲驚頑癡我歌幽澗泉君唱明堂
詩隱顯迹則殊理契無參差日月感跳丸明鏡羞白髭僕僕
四十九已是知非時臯夔世所仰箕穎心所師相望各有就
何必同一規還當返初服庶不負前期

讀仙傳四首

鱗魚殿前得獼猴山中回血食氣應盡白桃花自開
得道由精思精思卽至道云此非本根更有何樞要
酒肺携無多醉飽恣所予善謔固依然何爲遽如許

蓮洋集

卷九

三

來禽誰家樹生癭大如斗借問癭中兒如何紀年壽道契天
地先生託草木後

韓維藩兄偕令弟文尙買荷花數柄招同沈竹西客
子張鳳舉集賞分賦得文字時別客子已十年計共
維藩城南飲射時已五年矣

勝客招携繼溪陂荷花恰有兩三枝香來便覺風前好露重
何須水田時一座盡看人似玉十年獨笑鬢成絲射堂却憶
垂楊郭畫戟猶能中小支

題沈客子林屋山居圖七首

紫茜當年有舊廬如何又買洞庭居閒名世上喧騰甚待學
琴高控鯉魚

具區三萬六千頃隔斷人間事似麻石室金庭休更覓此中

大好讀南華

鏡光交處見樓臺橘柚香中野幔開檻底千帆天際落翻蹊
都似鶴飛來

黑牛畊熟庵中田橘稅茶租取自然清酒百壺書萬卷不須
更費沈郎錢

欲賣王官谷口莊飛泉千仞對倘伴逢君不負江南約爲我
先營九籥堂

南疑招隱甚堅

求祿其如差舛何知非年紀影婆娑華陽尙有菩提記緣勢
當由震澤多

玉女能言不死方果然丹熟遍身香生兒個個會騎鶴不及

蓮洋集

卷九

西

君家三鳳凰

南疑丈夫子三皆如玉

簡方山先生

浮名久爲累悠悠究何成因之河山陽買田事躬畊春雨苦
不足澤鴈紛縱橫始知飢驅緣難與造物爭再作京洛遊朱
門羞將迎僻居守寂寞豈曰全堅貞夫子獨愛我始終無世
情惟此冬秋月蜻蛚時一鳴騎馬特相過喜趁今朝晴大藥
本無術至道思乃精吾欲溯元化同奏緱山笙

再逢徐芝仙二首

憶昔別君時君言發東昌今日與君逢榮遇非尋常德盛感
自乎篤實遂輝光我本山澤癯畊牧河山陽年歲苦不登州
里皆流亡比復京洛遊豈曰排天閭相逢情轉極涕淚不成

行

弱齡慕至道頗愛寂爲樂家貧而多事情知不能學吾子貧更甚行願何超卓海濱風雨慮百鍊自錐琢以此獨相推因君勵振濯近聞工詞賦立言亦嶽嶽但恐馳聲譽遂墜無名樸君今獲善緣天心憫窮約願言慎韜藏千秋重潛確

贈朱贊皇二首

之子去鄉久日夕念倚閭昨聞家問來跪讀嚴親書作歌比風人戀慕良有餘嗟爾至性人悱惻真感余更難謙抑懷樂羣慎居諸榮設穆生醴歌免馬驩魚願言崇明德無遂捐其初

千里辭親行爲求養親具親念子孔勞子念親多懼因之竟

蓮洋集

卷九

五

夢交南北日來去却喜堂上人清淨善調護之子耻無聞竭力事章句清淨有至理章句漸馳騫修名固當立精進豈無據倦言念前哲惟恐華名誤何如罷多聞亦証忘言處

送張宸錫歸省二首

客中曾作看山約作客何如返舊山爲喜北堂安穩在却教歸思逐君還

匆匆別去不勝情不及清尊一送行計日鳴蟬風柳下纔聞

相送便相迎宸錫約月餘仍赴都下

奉寄劉推庵先生

夫子昔爲政清風照城社倦茲堯舜都更廣文翁化多士羅賓筵獎勉窮日夜賢者皆騰驥屢重瑚璉價小子獨摧頽息

陰坐桑柘偶從京洛遊半瓊復誰借偉哉兩太史若千海觀孔李等姻婭談藝每忘曙英文騁鮑謝惟今鴻雁時遙思勸雙尊旅食愧長物徒仰太少華計日掃舊廬還期涉元淵

聽文漪編修話仙踪幻渺喜而誌之二首

高論世所疑達者心獨歡久謂應有此今始聞其端至人騎日月世界掌果看六合內與外論議古所難豈知事有憑久秘終一彈吾將托遠游空濛翔白鸞

大道本無外其細亦無內遠求多奇踪恍恍備靈怪神山鬱嵯峨我不巨鰲戴衆香幻氤氲千里濯沆瀣仙翁何處來白驢踏蒼靄將無跡未泯往來仍滯礙若復証心空無在無不在

蓮洋集

卷九

六

將歸中條呈阮亭先生三首

鴻雁天邊過客子念遠道只愁寒氣至趁此涼風早日歸舊草堂終覺鬱懷抱爲戀獎掖思臨歧怒如擣

玉露下庭樹桂醕紛具陳再拜稱百觴願祝千萬春世道日輕薄砥柱望天民庶幾位台輔坐令皇風醇

大道本無爲匡世復多務一德負荷之膏澤肆濡注小子就閒曠考槃忘進暮每當叢桂開尙寄山中句

客潞河簡寄波千海觀兩太史令弟鄴侯即致汪文

漪太史

賤子如轉蓬十日潞河口朝來聞雁過自傷客已久欲歸歸不得辜負山中酒太史兩威鳳道風更希有分我琅玕食能

與故人厚令弟復翩翩玉樹映台斗苗郎真鳳鸞海觀奇語
每驚吼相思發中夜何事滯馬首更憶天泉子仙秘待重剖
計日高齋眠花前歡握手

別陳宗岱子文之子

璠璣初出璞連城何足酌若為無當厄翻貽良璧羞吾子英
異姿雄文奮神虬本自瑚璉器什為天廟求所期真操履
勉敦前修富貴何足言考德戒愆尤忝竊紀羣交豈敢匿良
謀臨岐再珍重百行先八駟觴傾可以起不用彈箏篴

彭叔子持贈雲老人曹代畫扇索題時別曹未久欣然命筆畫傲倪高士

倪瓚畫無敵排空起峭嶸世傳倪畫皆淡遠近有時造平遠見真蹟乃陡峭異常

蓮洋集 卷九 七

心跡雙寂寞嘯雲老解事骨自具正壑想其追舊法實能運
冥索潞河昨相見孤懷崇淡泊豈期彭郎來重複見新作天
寒遙悵望飛下白翎雀

同子文夜坐劇談漏四十下寒甚作

清宵珠斗望闌干對研題箋爍炬殘應是漁陽千里雪衙齋
添作十分寒

題程青谿畫松為深澤趙雨臣文學題時壬申十一月夜飲額芳齋

天氣稜稜大雪時燈前拈出歲寒枝霜皮黛色今如此豈有
人間尚不知

千尺藤蘿頂上封凌霜傲雪過三冬春風轉眼多雷雨一夜
空山已化龍

贈寧觀齋太史

騎馬衝泥擁鼻吟相過常得散煩襟題箋久廢閒情賦對酒
欣調太古琴忽念湖田應有夢尚依金馬本無心荷陳風味
西州淚三十年來擬再尋觀齋有思歸養又為公

鹿城官舍贈宗岱

買竹中條篴五竽連清陰終舊京洛游十月成滯淫遙念金
鷺館梅花開滿林不得坐竹裏酌酒彈清琴昨日來香泉官
閣擁孤吟老鳳排天闔袞袞榮朝簪公子復清華學書比來
禽對此水玉姿慰我離索心他時過鄭谷相候柴門深

為陳湘殷翁題畫五首翁子姬遠姬遠子友仲持畫冊至鹿城索題

華照明霞秋水水平相呼相應起和鳴同居个个無猜忌真是

蓮洋集 卷九 八

人間好弟兄藍雁

勞生愛竹真成癡新買清陰傍水湄歸去閉門無一事看他
生長拂雲枝竹

春山隱隱讀書堂有似吾家鄭谷莊更喜白雪多自在釀成

新雨過滄浪雲山

旅騎三冬不肯行漁陽臘雪太縱橫春來合向青鷺館消受
花間一鳥鳴花鳥

一年不到相巖寺石壁峻嶒夢幾回眼底驚看雙樹老依然

谷口雪中來雪樹

題畫

何年雙爵老參差石壁蒼蒼間竹枝渾似栖巖山下路西風

落葉九秋時

上谷道中

我愛仙人王次仲文心道力兩精微當年墜翮知何處愁見
青山大鳥飛

簡劉方齋太史

才名夙昔滿中州金馬曾陪幾醉游別後每懷鳩鵲觀春來
又遇鳳凰樓日邊細檢書千卷花下仍傾酒百甌欲去中條
還握手天涯端爲素心留

觀齋生日三首

綺閣欣持酒一卮生申剛到介眉時無端却看津亭柳先寄
杯榮拂舞辭

蓮洋集

卷九

九

剝蘚探幽興最奇雁行蛇竇爛柯碁碧桃買得先存藥猶是
當年影未移觀齋昔游爛柯碁得石上仙遺最賞碧桃花
影未移之句時買碧桃三本正在春先故及之

自是夔龍分內人雪香端不忘前因朝來玉璫呈金傷惟祝

金剛不壞身余以黃昭素書
金剛般若胎之

題抱雪圖有序

抱雪圖元彥咎子痛其先君子僅齋先生作也先生
去來皆以雪中生平却聘危時撫弟白首大節著於
家傳同人皆於圖上賦詩余亦題句

隱德世莫知孤芳原自好何況渾去來恍惚契真要大雪滿
天地江山成玉照一念起微塵百年夢顛倒豈知秉夙植素

節轉浩浩好爵寧不縈出處恐非道竟蒼中散書似避希夷
召悠悠衡門下泌水薦行潦風規飭子孫嚴敬體忠孝更難
孔懷篤白髮兩相耀依依鴻雁行不使鵠鳴叫階前雙鳳凰
文彩射丹嶠吾早與鳳友氣誼不同調每思奉典型何遽舉
飛旄更訝江南雪依舊鶴同皓來向雪中啼去向雪中笑哀
哀子舍心痛雪懷中抱白華比潔白白雪絕泥淖三復撫斯
圖乾坤幾悲嘯

再題抱雪圖後二首

眼前世界比瑠璃去住何曾挂一絲到此方名真解脫夜明
簾下轉身時

懷永舊識忠臣意抱雪誰知孝子心但遇謝庭飛絮日江南

蓮洋集

卷九

三

江北摠霑襟

蓮洋集卷第九終

蓮洋集卷第十

河中 吳 雯 天章著

後學浮山張體乾確齋校

寄寓介公時先以綠柄塵尾見貽故有末句介公類州人筆

公之

我去君猶住我來君已還喜逢清潁水竟別薊門山芳樹遲紅雨春波弄白鵬風前捉塵尾應愧向塵顏

喜晤王清遠時余將還河中清遠亦之官在平五首

淮上追隨記宛然春波雙槳浪花圓風光不信真彈指已是

人間三十年阮翁以己酉使淮上時與清遠同獲侍使院中

燕許弓裘鴻漸宜相逢依舊落花時竭來重對山公席只有

蓮洋集

卷十

一

勞生髻已絲曩與清遠相見年髻俱幼今阮翁再命飲清遠方壯而余老矣

倦游却愧長卿才二月還家花盡開最喜晴蓮千仞色清光

飛過大河來余家郡城正與蓮峯相對門外朝夕見山色如碧玉

長物蕭然不可留雪中鴻爪幾時休無端又有秦川約還許

梅花寄隴頭余抵里後即有灞橋之游

握手東西長短亭翩翩家學且傳經懷君一路王孫草直到

魯連村畔青清遠時方為莊山學博在魯連村即射書處

寄梅勿齋

我愛梅夫子高懷無古今著書已白首舉世誰知音偶以觀

流水因之彈素琴茫茫春色裏千樹碧桃深

聞魯庵移關中

友道古為重衰年猶所望感激十年餘高懷何慨慷比歲災

後連千里來惶惶其如拜 新命方治黔西裝公材爭相須

分陝資賢良忽轉龍里旌來指嶽蓮傍聞之喜不寐如渴逢

酒漿行行桃花時取道中條陽可以過我廬可以登我堂雖

乏供具繁雞黍亦可將轉念西顧殷天意憂嚴疆受知既特

達報稱非尋常哀鴻楚豫交皆秦之流亡去者日以遠居者

愁空倉撫綏勤招徠贊助賴助勤豈但郵政衰惟視牧圉場

所幸山雪盛原麥廣播揚豆芋皆可登足佐幹濟方嗟余瓠

落久齒髮日蒼茫生平慕至道金液修隄防無那困世緣五

十如面墻今值素心來或可資舟航竟築金鸞館鄭谷交松

篁不復苦繁囂惟恃羸餘糧投分近白首相念宜周詳大隱

蓮洋集

卷十

二

如可成當舉崑崙觴

方綱按勸勸勉也今塾師作贊襄意用於八股誤也何天章詩亦犯此

汪文升贈小楷五百字為別詩酬來美

頽籀法已遠其意則未衰如何後世人競妍失前規篆體大

小分上蔡牽犬兒隸書更簡捷雲陽成導師中郎起陳留石

室傳何奇破塚者誰氏嘔血窮藩離瑯琊學簪花少作悔已

遲晚年體一變方成龍虎姿江陵劫火然驚群蕩無遺所以

句曲翁申辨窮毫釐畫讀存典型示興獨得之此語具懸解

不必皆能知汪子鑿洪濛獨欲探希夷取勢必從橫天馬脫

鞿轡有如狂與狷不屑中行馳豈知秘密藏正自山陰施二

月山桃開小雨細如絲吾將雨中去倦聽玲瓏詞吾子何為

者送我隨班雕題箋五百字太難喻臨岐君家有汪倫送客
昔如斯君情較淺深潭水水泛厄鹿城有大尹此道煩精思
吾過鹿城道盤礴互淋漓相見首相告不待他言辭善則與
人同大美吾敢私留取古情性庶幾星雲垂鹿城大尹謂子文也

古芝山房詩爲劉敬亭賦四首

余家大河上門對蓮花峯一日十二時常挹青芙蓉欲作采
真游幽懷苦未從
之子中壘後五嶽具奇抱早嗜神農書晚契商山好曾不一
縑值已得三秀草
靈根產何年其色古而腴一機妙出入元化與之俱毛女不
敢餌留之千載餘

蓮洋集

卷十

三

神物鬼所秘豈潤韓康市一朝不自愛實爲君子至供之齋
房中足辦一生事

再題二絕句寄敬亭

華陰城北幾經行不見當年魯女生美爾靈芝之無意得丹臺
應有舊題名

辛苦衣囊曉月孤黃金難作費工夫不知白鹿山前過尙肯
啣芝導我無

癸酉歲除與王舉斯同客咸寧惠僊棗因贈

阜鄉之亭雙玉鳥如瓜之棗難留核忽忽春歸雪盡消問君
今夕誠何夕舊里相望隔開輔終南山色供岸幘翻笑墮地
各有營此生果着幾兩屐勸飲居蘇業漸後輸君尙是虎熊

客君向花前拓金戟我欲山中鍊金液山中金液幾時成君
向麒麟署姓名他年再飲城東陌依舊春風有曙鷺

甲戌春四日遊城南遂將至樊川不果歸得賦也寄
書卽以奉答二首

騎馬城南看好春曲江風景轉愁人欲尋杜曲兼章曲未聽
鶯聲盪麴塵

麥隴誰家金犢車歸來塔影照春渠燈前喜得平安字函谷
關東有報書

說巖先生過訪一畝山居話舊四首

時序驚彈指吾生只腐儒何知食雁美爭咲住山愚寂寂松
間閣蕭蕭水上廬斜陽訝囑馭深巷問潛夫

蓮洋集

卷十

四

夫子今瓊樹人傳啟事名錦袍花苑直步履竹林行氣已元
龍奪神驚雛鳳清時携令子並過九齡卽通左氏大義太行千仞色雙照一拳

明

珍重樊山道經行已十年上都來款款情話記綿綿四十頭
顛異千秋道業先相期重問訊慚負舊彭宣

敢謂無書讀勞生肺病餘引年間參木勸學廢蟲魚緬邈耶
君谷遷延水部居春明待歸去或可帶經鋤

寄江辰六郡守三首

相逢楚水劇相憐公令益陽時晤於星沙又近清光借一屢有客常思

才子調無人不道使君賢愁來擬就王官谷飢遣翻過玉井

蓮海內故人星散甚誰能重許買山錢

旌麾來往問潛夫車笠深盟信不渝事業望君榮榮戟弓裘
痛我失桑榆名山暫寄書千卷村社閒携酒一壺河潤還欣
時節好紛紛花雨濕菖蒲

大道微茫不可尋極尋常處易浮沉讀書未便傷無用爲善
何妨是有心筆勢漫從愁裏廢天機且向靜中吟邇來生計
渾如此肯向南風慰好音

送韓馨若之天津

十月還山始見君纔能携手又離群冷泉東去無芳草雷首
西看悵白雲古驛對橋烟漠漠寒鴉翻樹雪紛紛海門漫凭
烏皮几乘興還應寫練裙

簡謝韓維藩待詔

蓮洋集

卷十

五

憶昔郭門東盤馬風柳下芳草綠未齊雜坐酒頻瀉忽忽歲
月移人事亦遷謝吾子天廟器果重瑚璉價出入銅龍側名
與鄒枚亞我生尙潦倒奔走自悲咤夢遠西清直願畢東臯
稼上國適相逢纏綿對官舍美食調芍藥酣歌舞甘蔗取次
早駕聞吾將去元灞

送徐健菴先生南歸四首

漢代師儒重耑問道業尊爲懷先壠切特拜
九重恩悱惻邀

天語殷勤識里門白頭忠孝在至性老彌敦

晉國午橋日溫公洛社年甦聞歸綠野終不廢丹鉛黃閣情
猶待蒼生望摠懸蒲輪看卽入難戀碧山烟

雨雪關門道殷然千里來方看調鼎食曾感侍樽壘白髮聞
辭闕紅亭待命杯具區三萬頃瞻溯益徘徊
鄧尉梅花好三春擬獨尋奇峯七十二處處白雲深轉以登
堂願兼諧躡屩心琅玕有佳實暢發鳳凰音

簡汪文漪太史

春雲檐際宿春鳥鳴窗牖朝興履巖石念我同心友朝回擁
萬卷丹鉛未離手題籤驚脈望正字辨蚪蚪德意豈無隣道
風良獨厚論事益慷慨披肝唾塵垢我亦感意氣不在接杯
酒俯仰天地間萬物本芻狗所貴盟金石一念成不朽凌冬
挺松栢時序信花柳寄謝山中心期共林藪

呈涓翁

蓮洋集

卷十

六

十年慕大藥買山香爐峯還念四天下惻然多戚容獨善苦
非計匡濟道亦同况逢堯舜君一德盟心胷豈敢遂初服但
弄西巖松昨聞拜丹陛異數獎寅恭早曳尙書履曉趨長樂
鐘蒼生皆宴然功德孰汗隆功成返白雲再騎雙茅龍

簡方山謝先生

下簾坐清晝讀書緬前哲如何寂寞人屢煩長者轍花林共
偃仰風磴互盤蹺荆幕春松暗鶴踏老槐折不知芳草意勾
萌幾甲坼萬物機出入一法杜生城朝來惠佳句清思濯水
雪海日上曉曉高吟動寥泬

題查夏重放鴨圖二首

斯人合是天隨子顧渚春深水漲時歲晚那能收茗荈且看

關鴨往來嬉

蘆荻風中暫繫船呼群咬藻各紛然也知尙遜驚王在擇乳
能參不二禪

西厓太史寓齋招集惠元龍查德尹分韻得泰字

文章有通塞世道成否泰何人晒雕蟲焉能識小大吁嗟二
三子亦豈偶然會湯君天所挺困頓出塵壑日食大官米頗
免飢渴害尙有惠與查兩賢忍粗糲佇奮九萬里斯民有依
賴吾豈發狂言高談動天籟

逢王秋史

二月已過半山店桃花開有客不得意新自山東來抱器苦
不訓寶劍生塵埃偕隱更無人奉倩感餘哀吁嗟造物心遠

蓮洋集

卷十

七

近理難裁下士貴目前喜怒如嬰孩大人悉終始寵辱安計
哉君歸更讀書三年明湖隈澹泊而寧靜居然王佐才窮則
樂琴酒達則作鹽梅區區聊贈此岐路莫徘徊

送張典簿賁之之津門

蘆荻蕭蕭見雁飛家山携手願何違溪光宛轉移紅樹馬首
迢迢過翠微清曉涼颼催旅騎殘陽細雨濕征衣計程漸覺
風光好新釀盈樽蟹正肥

簡友人

勞生苦多事嘗喜入山深同調偶相值城隅遂獨尋裁詩誇
郢雪衡品賤南金室通人則遠冷然懷素琴

寄山中人

荷衣蕙帶山中好頗念花時獨往來應有肉芝供晚膳定逢
石髓助晨杯人間萬事驚鴻爪園客三春薦鹿胎遣有涉無
費斟酌莫將新賦污天台

姜公得花債年來摠未酬之句屬足爲詩

花債年來摠未酬今年快作看花遊花能愛我舒紅蕊我却
羞花半白頭過眼韶光真倏忽經心歲月好綢繆等閒能解
留春住日日花前醉不休

山中人貽駢根桐栽賦謝

合是雙珠樹同根倚畫欄多君能贈我移向早春看枝尙名
連理花應咲合歡兼金酬未得只覺報施難

贈謝牧四首

蓮洋集

卷十

八

紫泥海畔浴初迴也愛靈源養聖胎洗髓伐毛終讓爾貌姑
冰雪少塵埃

千騎東方白一群海棠川上拂晴雲兒童竹馬能相導盡向
山前望使君

春酒初成羽竿飛鳴箏鼓瑟趁春暉珊然自具仙人骨披得
長源一品衣

蟠桃曾賜蕊珠宮五馬新看佐郡雄却羨官厨風味別金盤
先薦荔枝紅

贈薛歷城

映吉

歷下曾聞政已成雙鳬偏阻赤霄行風流何處尋遺愛七十
二泉清更清

澗南路詩

楊柳依依澗水傍
園林勝事對春陽
賓筵尤有怡人處
小妓能歌陌上桑

題張厚卿學博齋壁二首

雨中移竹竹成林
雪後看山寄遠心
久有風期似安石
何妨擁鼻作長吟

鑿井開畦春未闌
藥苗菜甲葉團團
換羊書就人爭取
誰道先生苜蓿盤

關門還戲和趙旦復卽奉答

雪中鴻爪真何常
空驚歲月去堂堂
惟有幻夢留影響
海若蹴蹋魚龍鄉

蓮洋集

卷十

九

南海上海天萬里
空青蒼波濤下瞰
鮫人室島嶼鬚鬣
龜茲

王中宵赤日湧金
液羣陰消盡騰純
陽徘徊興盡仍返
轡談

奇指割思源庄

思源庄去山海關五里乃張水部創立

隻肩下酒可一石
醉後

笑語聞琅琅晚來
閱伎圖紅燭氍毹
咫尺移金閭曉起
逐塵

更數肋獵人四會
如堵牆水上守狐
手指凍雪中射虎
馬尾

僵樹精聞盜初祖
履盧令稱繼風人
章紫貂襜褕賤難
着曹

風且詠麻衣裳有
客更道懸陽好摩
登迥在青雲傍聞
言疾

馳鐵圍底鼓宮應
宮商應商盤馬萬
山石犖確兼葭何
處愁

中央到來一洞通
天地維摩十笏難
丈量石塔宛留鎖
骨蛻

百寶爭獻波斯裝
如此跋蹄亦不惡
葛屨省怨來朝霜
或述

團雲在深谷僻壤
未愜居人腸詰朝
束縛勉一至忽如
豆食

更精梁七重行樹
四山列九品蓮葉
雙峯藏苔龜宛轉
任鹿

女乳泉窈窕留天
漿蓮洋學人怯亦
勇大斥甜雪隨騰
驤捫

難直上九千仞崑
崙絕頂傾餘杭欲
驟鸞鶴訪瑤圃恍
騎麒

麟臨大荒揮毛待
挽不周杜濡足直
踏朱雀航縱橫寥
廓我

非我睥睨今古狂
真狂豈知勝事難
把翫歸來水滸違
山岡

中厨清冷鼠墮甕
高齋索寞龜支床
椎髻幸有舉案孟
賁春

寧啞牧豕梁寄語
天魔老鴛鴦禪悅
雖美輸糟糠

送友人歸里二首

惆悵青門柳一枝
離亭風雨晚春時
送君却感懷鄉夢
正採

山南五色芝

河上風光動歲芽
西門萬樹絳桃花
而今恰作千年實
那得

蓮洋集

卷十

十

同尋阿母家

題黃涓都諫詩卷二首

十九首詩驚碧落
一千年調記烟鬟
少陵無語昌黎醉
只許

黃門到華山

茫茫大雅失清真
愛爾新詩盡有神
不是青蓮輕護善
果然

小謝最驚人

晚歸再題二絕句

春雲微雨織輕綠
古寺殘陽晚照時
芳樹無花猶載酒
青松

誰看塔前枝

望中草色比裙腰
楊柳當風萬萬條
莫咲尋春春欲盡
閉門

閒坐是花朝

煮茗中林掃碧苔看花何必悵空回凌晨更約昆盧閣崑崙爲
西山爽氣來

咏陸雲士萬年水二首

久向堯年鍊度深依然荇藻影森沉阿誰袞袞紅塵裏將出
巢由仕宦心

契結瓊山白玉蟾相逢何必邑中黔風塵對爾煩驚盡烈日
當空畫下簾

題張杞園浮家泛宅圖

海氣何茫茫海風猶浩浩日上瑯琊臺孤霞在雲表常慕羽
人都滄波肆幽討塵羈未得去屢負蒼蒼島之子水仙侶浮
家謝機巧載書滿船頭雙鬟更娟好似戀鱸魚肥繫纜近芳

蓮洋集

卷十

士

草風檣白鷺過雨舵垂楊掃何不便颯然竟訪成連道帆行
龍鼉上青俯齊魯小世外見桃花千春不知老

簡楞香兄

哲兄瑤林姿高文久彪炳朝辭新安江暮入金華省承恩歸
屢晏日過花磚影幽齋富圖籍下簾心逾靜賦成金石墮書
就龍蛇騁一字落人間已與珊瑚璉並頗驚裘馬客造門日求
請翳余昭穆分親愛同氣等風軒杯每接雨院燭常秉無學
資高深有言聞要領池塘芳草時誰能和孤迥還當數過從
花林關新茗

贈宋驥先

生平夢想我眉好君在幾眉住幾年佛火飛來輕似葉香雪

生處白於綿道心已熟龍歸峽定力方堅虎擘泉今日相逢
如伴侶可能重問蜀江邊

題蜂子蝶花小景畫扇

我聞羅浮山蝴蝶如車輪麻姑仙人據其背凌空咲看三花
春又聞神人探道秘吐飯成蜂等遊戲而今蜂子作花心花
耶蝶耶何同異畫師狡獪太無端小草紅藍錦作團司馬心
情能坐嘯且拂齊紈捺猗蘭

過介休郭有道祠見傅公佗隸書中郎舊誅歎美不
已因紀以詩

繫馬古槐下槐花石堂偏誰書有道碑古法蛟龍纏其文中
郎舊書亦堪比肩嗟哉濁堂老縱橫照秋烟鴻都蹟久蕪帷

蓮洋集

卷十

士

幕留殘鐫夏承誰呵護靈光猶巋然巍巍九疑頌托跡於神
仙此碑妙接武絕響續千年梁鵠鄙不爲頡頏或後先我來
重歎息典型欣目前坐卧欲三日苦被塵累牽上馬再回首
孤鵬方高騫

奉贈汾州沈太守心涯

生平慕至道白首竟何得皈心蓮花洋望洋轉自失夫子本
仁者性天契秘密云禮小白華海潮音盪激恍惚見妙相神
化迥非一宰官天人身童子青蓮色將無明示現錫命兆保
赤今仍俯汾水前已傍姑射曾爲汾西令汾西近姑射至德信師表上善
何軌轍稽首過龍門泥塗忘冰雪

懷張愚谷六首

時罷官居洛

懷君曾待玉鈎山今日相期已得還暫弄天津橋下水清波
方照好容顏

南宮北宮今有無平泉花草久荒蕪人生萬事皆游戲且醉
香山酒一壺

履道坊前啟竹扉藤輿出入引清暉而今始是忘機日耳畔
真無閑是非

久說中條有張果欲推甲子摠茫然春風拄杖遙相待共酌
驚漿頂上泉

洛渼鳥棹葉風幾年不見舊林紅梁侯未必如鄉味願入
閑居賦語中寄柿

如瓜仙實有靈根遠寄攢攢出里門安邑由來千樹好待君

蓮洋集

卷十

十三

留核種南村

寄棗一僕悉
安邑佳種

簡臨晉王令

蒲坂到桑泉曾無一百里每過王官谷常宿虞鄉市雖多山
水緣頗煩戒行李忽聞使君來風誼荀陳美高懷愛林壑康
樂可方比益快名山遊得與迸屐齒洗耳表聖祠共酌鶯漿
水

送孟千一赴銓

新笋如簪荷如錢往來醉向山堂眠山堂主人修靜業愛我
親煮堂下泉新笋成林荷成蓋主人求官歷燕代看竹縱隨
野客情酒酣誰惜狂奴態主人行色太匆匆堂前酒酌真珠
紅迴尊再勸主人飲明日山堂烟霧中主人分符作民牧亦

伴行春雙白鹿判牘寧忘一頃蓮折腰應憶千竿竹我傍汀
洲採白蘋君今主組已榮身他時獨往山堂下還酌山泉憶
主人

出都別友人二首

庭樹蕭蕭落秋山入夢中花前一尊酒暫與故人同
匹馬青門外垂楊覆板橋莫傷搖落盡猶有最長條

贈葉東濱

我聞陸慧曉宅與張融並池上二楊柳春風遠相映醴泉木
交讓物以名賢稱夫子東南秀傳詩如韋孟昨從塞上來馬
上發孤詠小住中條側日得叶清興味將淄澠合道擬宮商
應江南好水石常愛烟波靚何日遂芳隣屢掃羊求逕

蓮洋集

卷十

十四

贈王鶴汀閣學

大道非有無一誠終始之夫子贊元化默契周四時出入密
勿間翼翼夔龍姿世運日昌隆皇風皞以熙致身雖巖廊亦
具猿鳥思頗云中條麓買山理茅茨谷口蔓藤蘿水竹交清
漪禪悅坐風磴清齋烹露葵蒼生倚庇殷安能遂其私出處
跡則殊道濟本無岐正望調燮功仰佐乾元施敢沃誦一德
可更證無爲

驪山

天寶巡游地驪山有舊宮栢殘霜後翠花墜雨前紅羽帳烟
如織瑤壇月似弓魚龍珠櫳外鳬雁石蓮中爭殿荒新譜毬
場失舊驄峯猶高玉藥橋尙擬長虹七夕牽牛誓三山海若

通金釵留想像鈿合寄朦朧泉飲當年鹿樓聽此夜鴻朝元
如夕照方丈委秋風野火生枯樹遺簪委斷蓬那能留麥飯
重乞達觀翁

立春晨興喜莫裴卿見過

立春有微雪輕寒入柳條美君披鶴氅清曉見仙標佳節傳
銀鹽香塵擁翠翹相期三五夜燈市聽吹簫

宿鴻隙陂田家

黃鵠何時語荒陂見野烟羹猶陳豆芋人尙憶蒲蓮粉水通
溝洫平輿改市廛一朝辭織屨休壤濯龍淵

方綱按平輿與字去聲

從上蔡還柳林

蓮洋集

卷十

五

鴻隙陂南路東風動曉霞垂楊三百里歸處卽爲家野岸蘆
含笋平蕪薺有花漸看春意好鷗鷺滿圓沙

鄂陵哭梁曰緝先生

憶昔壬寅秋初登夫子堂疲馬泥淖中日夕尙空腸窮途得
所依涕淚沾衣裳惘然念葛帔惻惻情內傷明燈張華筵雕
盤羅酒漿設榻於坐隅朝夕承輝光教我以德義課我以文
章詩律藉指南字句加精詳公子皆清華矯矯雙鳳皇孤鶴
得其群階下日翱翔倏經菊花時開樽神飛揚論文每夜分
獎勵出尋常給札試兩藝驚喜過所望期我立騰鸞宗廟列
珪璋贈我一端扇出自臯蘭鄉十月始歸去臨岐皆涕洟未
幾聞登朝鳴鳳立朝陽乘傳入三秦停驂涑水傍相逢重慰

昔哺饑同翳桑逡巡大鹵役念我乏饌糴惠我瑤華音資斧
紛寄將上國再上謁德意仍洋洋懸車返鳴珂清齋日徜徉
游心物之初潔白參毫茫小子東西人臘雪來三湘握衣候
顏色道味轉清剛從此遂分携不獲隨趨踰如何乘箕尾驟
聞掩星芒更聞遷化時怡然匪咎殃前期分果餌屆候登蓮
航嗚呼去來際了了無愴惶豈非修證力沒寧絕弱喪嗟我
百無成餬口仍四方生芻失甸甸天涯潛摧藏今復來宛丘
得展一瓣香音容猶髣髴行馬已蒼涼百折知慕道彌恨遠
羨墻箕裘弱一个髣髴已蒼把袂痛難禁聲如失群羊大
德後必振竚見熾而昌豸繡復聯翩永永輝宗祊

山行卽事

蓮洋集

卷十

六

姑射山前三日行秋林落葉亂泉聲藕花已老穀登市牛力
方新人餉耕冰雪遠成仙客夢桑田近見使君清徘徊蘆荻
蕭蕭夜汾水東頭雁影橫

寄懷石戶翁兼示悔人

石戶先生真好奇編柳作屋潛江湄著書搜索四千載蟲篆
鳥跡岫嶠碑茶經比屋訪桑苧芋火夜半親殘師傳此家學
亦匪易東浦負荷千里姿竭來太學看石鼓慈明邂逅傾心
期淵源轉仰朗陵度高霞天半何能追幾時更擬漢口棹暮
雨重泊湘妃祠遙望柴門識烟火再拜床下瞻容儀鵲鵲
細如鏤玉持觴勸客傾玻璃燈前試檢潛夫論未是并州食
雁兒

伊陽道中口占二首

歸路輾轉趁曉晴伊流風細殺紋生仙人故作凌波步先在
長陵道上迎
明瑞珠珮各嬌然大似雙成共拍肩金鏤枕邊香入夢闌來
特爲寫紅箋

穎許絕句二首

穎水春時如碧玉宛轉東流闊淺沙一夜風聲在楊柳朝來
吹作鬱金芽
掃地久同郭有道轉鹽初學王伯齊夢到五更益安穩兩年
聽慣汝南雞

棹園卽事

棹園西谷侍御家園也癸未九月過宿其中同舍弟宗一靖可鄴侯諸君子分賦得

蓮洋集

卷十

七

字山

風廊經積雨一半莓苔斑曉起喜無營愛茲洲上山筆墨有
餘清吟嘯頗亦閒君家輝棣萼皆爲玉笋班天倫良可樂客
子舒心顏登樓托遙情佳氣通函關昨日太華來仙靈矻我
頑正欲習靜默適卧花林間少日且歸去開門俯潺湲

贈弟青霞

吾弟具仙骨剛腸鍊莫耶昨來登太華踏碎碧蓮花青霞題
作字黃海舊爲家五嶽游今遍丹成白馬牙

次青霞韻三首

俠氣仙風兩不磨流光東逝歎如波名山杖屨成遊戲咲作
人間踏踏歌

生平恩怨任茫茫只有名心尚不忘百軸雄文詩兩卷白藤
隨處發奇光

白鹿騎來任往還城南劇飲發朱顏三千玉女渾相待又采
菖蒲入華山

觀柳明菴演金雀雜劇戲贈二首

梅子拈來齒半酸繞場何處覓潘安從來本地風光好莫借
他人院本看

相公曲子久堪傳不是癡腸不是顛領盡人間花月味風流
重見柳屯田

題友小照

一溪荷葉濃於染幾點遙山看若無好在雙梧清晝永正堪

蓮洋集

卷十

六

高唱鳳將雛

山中

仙人騎白鹿手把菖蒲花招我清溪曲凌空躡彩霞世事若
無盡吾生良有涯暫將辭貝闕歸鍊紫河車

山驛

歇側羣峯裏盤迴石瀨邊春雲連柏井芳草入芹泉驛路沿
溪曲龕松抱日圓可能青嶂底細讀玉胎篇

感興

一載長安客還家竟若何千金奉母少一飯識人多夏草聞
蹤跡春沙夢駱駝九峯安穩在學種玉山禾

寄懷馮補之二首

釵脚沙痕較量多柳家新樣記元和可憐一椀長瑜飯如此登樓賦客何

青門柳色晚青絲細雨歸來送者誰獨有故人情最重陽關

詩句夢英碑補之臨岐贈言兼及英公編書

題章蘭望雨

毒熱連朝困遠征雙鳩呼雨又呼晴傷心隴麥乾枯甚芒種看看半夏生

偶興

食肉易爲飽糠粃肥大賢人生累口體百行不一全此事係性命將無鄙其然獨奈廩帛餘益復恣饗涎金玉累身後茫茫棲重泉生爲人所惡沒爲人所憐

蓮洋集

卷十

五

蓮洋集卷第十終

蓮洋集卷第十一

河中吳雯天章著

後學浮山張體乾確齋校

聞喜題壁

山客復還山歸來山更好叢桂近如何應發煙中道

答李元升

已悞蘭亭修禊辰歸來芳草惜殘春相逢仍是烟霞客休羨麒麟閣上人

蒙城

溪上雙蝴蝶翩翩意若何漆園人不見秋水至今多大澤驪龍穩高原野馬過望洋還自失我欲溯流波

蓮洋集

卷十一

一

遊洗馬王官

洗馬村南路王官紫翠重人家依谷口樵逕入高峯竹暗千巖雨泉飛萬壑風司空亭樹在臨望思無窮

送玉如之蜀四首

之子勞行役迢遙古益州城高通白帝峽急避黃牛茶向蒙山採魚從丙穴求西風豈搖落清絕荔枝樓

二月留行李相依擬判年不煩乞米帖常贍買書錢碣石拋神駿雲安聽杜鵑紅亭一樽酒那得不潸然

久客美歸騎君行且到家遙知過蒲坂應念在京華閱園畦蔬長爲園澗竹斜精床留濁醪爲我慰風笳

萬里橋邊路吾心愛草堂空憐坐岑寂未許共徜徉江憶金

欽影山看石笋長羅含詩句好憑語寄滄浪時借宏載同付

束毛會侯

爲郎竟十載一官成滯淫江山激發古情性讀書萬里枕椰陰歸來依舊風塵走那見黃金大如斗雖然不種河陽花却亦飽看汴城柳空有才名三十年而今手板始朝天春明宣室如相問莫上汾陰饗祀篇

過相國馮公萬柳堂功德院題壁三首

楊柳復楊柳楊柳春正葩何人栽萬樹風吹在天涯客到自高詠焉來啣早花幾回臨曲水一道紫萍斜
相國憂四海閒情成草堂隨宜種楊柳不似平泉莊初日低枝綠東風嫩葉香江潭無限意愁見十圍長

蓮洋集

卷十一

二

天地日浩浩東風吹南山何人謂我宅日日不曾閒夫子澹無事隨意茅三間時有鄰僧至與之相往還

春日贈陸文生

同客復同好天涯見素心幾回燈下酌風吹堂上琴昨日說春至他鄉愁滯淫百事苦不成空嗟年鬢侵我亦麋鹿性久曠山水音何日烟波去與君狎渚禽

有題

花枝濛濛遠金屋蝴蝶一雙兩雙宿風歇香輕歸鏡臺屈曲羅屏畫生綠美人曉起幽夢闌啼鳥隔樹雕窗寒見春欲問春深淺自捲珠簾帶月看

王子重自黃州至上元有作見示依韻答之二首

千里西陵縣輕裘昨日來方留碣石館猶夢鳳凰臺竹葉當愁滿燈花傍喜開天涯同一嘆莫負上元杯
長饑經百鍊辛苦不言貧每契雲中客猶爲輦下人虎龍真有術牛斗久無神細檢行藏理空教咲隱淪

記先賢意

天地本相依陰陽互爲宅出入成太和盛衰分主客大聖順天紀神人何閒隔狂夫忘戰懼禍門在肘腋小子淵氷然震悔負芒刺

送葉道子之戎寄任

黃鳥欲求友紅亭翻送君丈夫讀書破萬卷不如一劍遭風雲帳前籌策知幾隊帳後騷擾凡幾羣豈知家學本儒者術

蓮洋集

卷十一

三

精鶩鶴心皇墳我正讀易味消長臨岐欲問丁將軍

題黃潛給諫紅袖烏絲卷三首

白玉闌干翡翠牀林風吹動綺羅香黃門搦管妖姬侍仍是君家寶繪堂

纖指玲瓏楮墨芬花前來往石榴裊蕤山扇子誰將去不解風流是右軍

梅花賦就壁長箋七十鴛鴦畫裏傳比似扶風真託興後堂原未聒彭宣

送王乃閑之官平都

讀書不爲政勞生道亦非遠臨巴子國喜出華山畿飲礪猿公下啣花吉了飛平都舊仙窟日可對清暉

再送一絕

青門柳色動涼颺，蜀棧勾連憶酒卮。莫道蠶叢但愁絕，荔枝剛熟到官時。

白鸚鵡爲宋牧仲食憲賦

怪爾生炎海，天然素羽稀。幾驚金粟夢，故避雪山飛。對月常憐影，當花恐澹衣。瑤林有仙客，數與伴清暉。

送沈融谷之官來賓

念爾粵西去，愁心牽別筵。遠爲蠻縣宰，誰重帝京篇。嶺瘴昏榕樹，江湖上蛤田。耽幽閱巖壑，莫讓昔人賢。

宿山園

蕙草經冬抱紫芽，春泉動脉瀉金沙。雕窗日上烏聲碎，洞口

蓮洋集

卷十一

四

一枝山杏花

井陘懷古二首

泚水當年戰血乾，井陘花草至今寒。談兵直到如神處，始解無雙國士看。

將將能高噲，伍嗟無端鐘室禍。旋加奇才更少安，身處豈但難聽李左車。

河橋

河橋新柳漸成絲，社燕飛飛二月時。每惜春來只爲客，東堂辜負好花枝。

寄黃師

珍重三春別，城邊姑射青。早花發難待流水去，無停草色不

知遠愁心，那用醒金臺望鄉處。二十五長亭。

安肅道中題壁

左車齒一落，筋力知早衰。如何千里行，不及桃花時。豈曰昧止足，天譴不可辭。人生亦何先，所貴敦孝慈。念此俯仰艱，出門竟何之。北風連日夜，拗折垂楊枝。寧待京洛游，素衣看已縑。苦辛復如此，轉憶東岡陂。

送李分虎

牽牛花開秋氣清，千山萬山君獨行。到家真覺還家樂，書卷傍邊絡緯聲。

送趙伸符編脩使山右

涼風到庭戶，客子方宵征。宵征亦何爲，日夕計王程。斜陽見

蓮洋集

卷十一

五

騶馭高柳遲，危旌遙遙發。鳩水天際方迴潏，井陘百戰地殘壘。鳴飛鼙，關路轉崎嶇。野潦猶縱橫，一日七十渡石齒。何丁丁大鹵古，仕國人文亦崢嶸。君才本清真，爲

帝張八紘，重賴獻納力。關門招豪英，酒醴與笙簧。所樂皆國楨，嗟我邀末契。華實無可呈，幸藉少淹留。不與璫璣爭，有如明鏡前。山精先遞形，計日望君來。天街望君行，知有嚴八侶。趨隨謁承明，知人受上賞。聊慰十年情。

方綱按：後一望君字當有誤，劉刻去此四句則更索然矣。

咏史

緘口虞箴咲漢京，逆鱗誰復更相撓。一書諫獵千秋重，不敢辭人待長卿。

簡謝方山比部

牽牛寒有花芳草夕多露晨興遡廣陌涼風在高樹謝公書
成癖下簾理章句鄴侯三萬籤自插防錯誤我亦頻過從飲
河滿卽去十年困俯仰奔走念行路擔簦湘陰宿買舟漢陽
渡苦思十畝間緣墻種瓜瓠讀書消世態射獵飽山趣如何
事願違又向金門住相逢益傾倒情語過親故亦云鹿角關
人負栖盤處春枝布穀飛雨壁蝸牛聚法曹羈鞅甚孤情少
逸豫每值杏花時清夢往來數繪圖當卧遊退食輒長顧丈
夫奮雄飛出處道皆寓正及身手健那得伴鷗鷺吾意早頗
然山澤久沉痾貪看韋曲花笑躡東郭屐誰能借車馬君猶
分坐具感慨成激昂風雲萃回互座有謫仙人請爲鴈鳥賦

蓮洋集

卷十一

六

方綱按數字
又誤入此韻

題汪東川編脩秋山讀書圖

堂堂日月去何已落落心期誰與同乞得長林容把卷不知
烏柏着霜紅

奉寄石袍朱丈時逢其令子公琢都下輒有結隣之

約二首

師表遺東國誰能似彥力傳經崇道德持世有文章庭樹生

蘭玉天書下鳳凰琴聲猶髣髴何日一登堂

公子千人傑相逢共玉京淵源識典則奇氣歎縱橫柳拂新

豐酒花明客帳筍春來拜床下知有鹿門迎

呈少宰李容齋先生

次第朱門影寂寥霜天感激更相招盤食誰暇謀寒士啟事
公猶重

聖朝橘樹當奴供玉案雪花如掌避金貂座中不少知恩客
一飯從來未易消

之津門遂留送陸天壽

去住皆鴻爪淋漓酒滿襟東來瞻海氣南下憶江陰日暖魚
蝦市霜高橘柚林相思各珍重同保歲寒心

題阮翁畫冊二首

豈是陳倉碧野雞雌雄王伯隔雲泥置身不羨能高處只羨
雙雙比翼棲

糝綠深紅正滿枝雙雙蜂子趁花時更看蝴蝶車輪大只少

蓮洋集

卷十一

七

麻姑背上騎

雪夜簡張漢瞻卧疾

孟冬成早寒寒宵倚書格忽聞密霰下不覺西窗白沉吟數
更漏念爾幽憂客卧疾已兼旬戶外禁行跡竹爐藥鼎沸風
幔茶烟積鏡中白髮生顏色少光澤爲君廢書坐床頭亂周
易何日鬪身強當花拓金戟

題大令帖一絕句

餓隸書猶貴離婚事不同如何銅雀妓乃敢誚羊公

送阮翁祭告南海四首

嶺氣如蒸暖不收行人都脫木綿裘陽春一路通南極直看
桃花到廣州

文章氣節兩嶙峋只許端明是後身可向桃柳庵下過三生
窮達往來因

七百年前白鶴栖而今擁傳躡丹梯高文海外江山助萬里
風雷震鱷溪

感恩知已兩心降水雪相從飲玉缸只恨擎舟愧區冊心隨
旌旆下珠江

送王舍人還里三首

能貧自信阮咸達解易還同王湛癡苦厭承明去鄉里北湖
烟雨對鸕鷀

東窗蒲稗亂青袍自斲溪田種一刀社鼓神錢秋賽晚可還
整理鳳凰毛

蓮洋集

卷十一

八

徂徠山色望中迷招隱何能共竹溪有夢三周華不注濟南
芳草日萋萋

貴人園子

秋盡天宇高巉巖淡空綠竭來三徑外得此萬竿竹文憲互
盤亘綺榭交回覆吹簫下鳳凰彈碁上鸚玉山分蓬嶠近水
折滄浪縮悠悠物外情渺渺壺中宿誰言烏鵲橋宛對鸚鵡
谷

贈姜西溟

南海有菖蒲一寸而九節曾聞安期生服之入寥泝霓旌隨
電轉鸞輪逐風滅惟留阜鄉鳥遂與世人絕吾生久頹放世
事等一快願言登羅浮竟訪還丹訣夫子純氣守上善無軌

轍著書白玉堂走馬黃金埒衣被滿天下大道豈莊列鵬運
九萬里五嶽俯一垤每呼丹穴侶天漿共飲噉何日踏梅花
千山望成雪

呈徐健菴閣學二首

解竹生太古堅筍一千尋外具蒼玉節中有鳳凰音何人解
黃鍾律呂空消沉宇宙感太和採擇出中林一吹八風調再
吹天地陰元鶴一十二遙下闕風岑上叶雲門奏中暢夔龍
心

弁山有鳴鳥爲世發禎祥其聲中律呂其色備文章如何猶
苦饑寥濶空翱翔阿閣無安巢飛飛去扶桑大海多風濤白
日黯晶光耳目眩爰拈抗味鳴高崗夫子坐元圃琅玕紛羅

蓮洋集

卷十一

九

將朝薦齋房芝暮陳金盤漿飲啄何足言高義不可忘覽輝
下千仞願言耀虞唐

留別衛凡夫

海風吹不休殘雪海門道行人欲東下坐聽荒雞早之子留
上都亦無好懷抱堅忍人事間孤情終浩浩梅花一千樹中
夜夢顛倒何日對西峯春烟亂瑤草

送徐道冲之粵東

臘月漁陽道水堅馬骨寒朔風吹海雪一夜滿桑乾之子方
南下相思正北看雁過梅嶺少書達玉堂難去閱珊瑚網歸
貽翡翠盤莫持鸚鵡賦倚醉壓珠官

逢韓子用都下時方有婚事遂贈

前年芳草時游楚，飛行李相候岳陽。城同渡瀟湘，水舟移飛鷺。上日暮啼猿起，今春復里門。馬上顏色溫，更向三巴去。旌旆何翻翻，豈意長安陌。重來對霏屑，尊酣新豐酒。衣帶裁眉雪，聚散真何常。鬢毛日已蒼，君適桃李期。方爲鸞鳳翔，屏間雙孔雀。花際兩鴛鴦，燕喜對晴昊。差可慰懷抱，而我踏層冰。却望海門道，會有好音來。雲中下青鳥。

簡陳燕父

初日何瞳矐，照爾西窗上。同作塞鴻翻，各有飛霞想。人生貴適意，風塵苦羈鞅。舊隱在中條，湖光對沆瀣。花前調雉媒，舍外懸漁網。有時看瀑布，風雨射銀榜。何事住京洛，素心徒慨慷。更向海門東，雪花大如掌。

蓮洋集

卷十一

十

贈匡山老人郭翁臯旭

匡山老人齊得喪，髣髴蕭騷骨骸骸。讀書萬卷眼不昏，飲酒一斗神猶王。五經腹笥何便便，蹉跎一官失少年。宰相豈肯借車馬，司業何曾與酒錢。竭來燕市屠沽飲，醉聽琵琶夜忘寢。節鼓常敲翡翠盤，醞盃輒漉葡萄錦。千鍾百榼氣轉豪，客帳猶懸舊寶刀。起舞身搖謝蝴蝶，和歌聲亂鄭櫻桃。忽對長空見歸鳥，自傷爲客何時了。金馬門前再住難，春明待走邯鄲道。

衛凡夫憶家園梅花漫賦

苦憶梅花好，冰霜入歲寒。心終盟白水，跡尙滯長安。已自輕千里，何曾重一官。橫斜東閣夜，誰與共雕闌。

城下二首

城下河流比玉環，梅花開傍女郎山。月明誰作梅花弄，驚起洲前雙白鷗。
春懷僕射陂邊酒，夢繞郎君谷口花。記得水亭三月半，有人幽怨寫琵琶。

過大悲院訪世高上人

一鳥下蒼烟，當門海日圓。厨香貽笋蕨，時張水部移茗饌往港白憶蒲蓮。
待索環中趣，仍求世外緣。拈花方一笑，剛在早梅邊。

雪中再過大悲院二首

城外河水三汊寺，裏茅亭一間殘雪欲晴更。下野鷹飛去猶還。

蓮洋集

卷十一

十一

載酒許邀彭澤舫，船便住山陰。引客一聲清磬留人，兩個鳴禽。

爲凡夫止酒

薛文清後衛文清，融結河山見挺生。世德何曾慚伯起家聲，還望振元成保身。應念宗如綫，腐脇須防酒是兵。莫道胸中多墨塊，文章何足盡功名。

津門上元

曲屈虹橋起夜闌，萬家燈火不知寒。狂夫獨愛長空月，醉踏金鰲海上看。

水魚

一夜北風至，奇饅出海東。尾霑絲網白，色映玉盤空。味豈資

蟻蟻時方隱蟬螭燈前得佳句高唱付玲瓏

贈黃六吉

十年令望歎無雙親見風流意益降的有公才比東漢更開
詩派振西江青春索句王孫草遲日攤書玉女窗最感天涯
知已在莫辭沉醉續蘭缸

簡孫郁舒

冰雪幾過存感君意良厚人生重義氣豈但在杯酒春雨海
上飛津亭變楊柳吹笙過紫陌相期大沽口桃花一萬樹霞
彩照窗牖笑拍洪厓肩戲把箏娘手皇燧復幾時山川紀年
壽所貴勵金石久要不相負若欲問神仙徒然見牽狗

春初過問津園

蓮洋集

卷十一

主

河流帶殘雪輕舟問前渡沙軟沒屐齒柴門向溪路却登水
上樓遙見海邊樹大野浩茫茫春鴻正東去花隱彈碁局日
照吹笙處舞巾超距遠爭席藏釣誤歸途畫橋北避棹起飛
鷺回首湘江臺蒼蒼隔烟霧

戴尚書竹

湖州太守貧方善協律郎官老更工惟有尚書最尊寵閒中
寫山葛陂龍

贈張伯亮

大運不可詰人生亦何常而我三年中春來皆異鄉前年風
雨交扁舟入瀟湘經歲一歸來又復客汾陽今更留海隅依
然垂空囊有如白鷗鳥流浪滄洲傍久客道益卑隨波空勞

攘攬鏡自躊躇髣髴毛颯已蒼萬事無一成中懷祇摧藏遠慙

荀奉倩近愧劉真長閒中觀擣菹亦輒遭謗傷夫子坦白裏
襟度何汪洋能容叔夜懶兼恕次公狂灼灼紅梅開數爲羅
酒漿邀我賦新句冰紉墨淋浪醉中禮法踈調笑喧中堂小
妓頗便娟新爲墮馬粧輕歌飲紅袖能招雙鳳凰忽轉鳳將
雛人謂陌上桑一座盡傾倒吾亦盈百觴同觴屬主人此樂
殊未央耳熱舞甘蔗奇氣自飛揚何必求神仙遠索不死方
今古爭賢愚過眼皆糝糠遭逢豈力取徒爾攬中腸君看陰
與晴明日卽茫茫

方綱按勞攘
之攘上聲

送朱汗朱四首

蓮洋集

卷十一

主

同客海門久君行二月中登堂春酒熟入座雜花紅射雁宜
房北垂綸衛水東却憐書卷內沉困幾英雄
索句吾成癖臨池爾太勞體皆除側媚法盡取賢豪用拙心
良苦知希道益高鯨鰲翻碧海青鳥弱波濤
直道悲難合交情久益真猜嫌堪一咲德素自成隣倉卒無
通識低徊見古人臨歧握手不覺淚沾巾
聚散真何爲浮生困往還因君歸舊業使我念家山閱世漸
知足吟詩常愛閒郎君花滿谷決計聽潺湲

汗朱將發語滑臺風景兼及書法至夜分未已輒綴
四記句

淇水東連遮害亭晴沙春暖草痕青長河久去餘黃塔難按

桑欽舊水經

黃塔在滑縣如來紺髮長丈許

方綱按舊字無義

博望岡南見野烟鷓鴣陂近足蒲蓮閒時畫舫齋前醉近取莊生秋水篇

釵角何如屋漏痕不須乞巧向天孫丈夫事事當如此義與

誠懸仔細論

方綱按末句義字餘氣

久向荆門得辦香

汴朱劉刻燭寫李北海荆門行貽余

燈前奇氣發干將鷗波

亭主工妍妙又道頻呵老濁堂

閱文字自嘲

中年嗟早衰亦無他嗜好唯於文字間不能盡除掃博塞固

蓮洋集

卷十一

古

亡羊讀書豈聞道得失究何有妍媸苦相耀古人捐糟粕今人自顛倒芒芒堂上人空使斲輪咲

杏花

橫塘水暖柳烟垂野寺蒼苔步履遲宛轉溪橋南又北東風吹出最繁枝

觀海阻雨

海氣易爲雨潮聲近若雷蕭蕭偏攪樹漠漠阻登臺書卷携何益蛟龍鬱未開浮雲終欲盡指點見蓬萊

海上雨憶葛沽杏花

無言芳樹待成蹊雨妒風摧打作泥別去翻愁香易斷歸來尙欲酒成携僧閒應念莓苔滑巢濕還驚鶴鶴栖一日陰晴

看不定人間萬事任東西

雨不絕

春雲原帶雨又被海風吹灑灑已終日綿綿無盡時帆檣含暝色桃李惜繁枝窮笠沙頭客猶然把釣絲

贈武建侯

海風吹雨又吹晴漸次桐花接座生醉後倚闌看點筆狂來別院試彈箏淪洲意氣朝雲上邪杜聲華豈錦行好在鴨頭潮水綠不須酒渴憶江清

題侯大年鳳阿山房圖二首

鳳德如何尙苦饑有巢端可隱毛衣山中休戀琅玕實還趁高岡向日飛

蓮洋集

卷十一

圭

最愛宜興陳檢討其年贈君佳句動江鄉傷心空有人琴感殘墨還應照草堂

送張子白之濟南省觀五首

娘子軍城樹樹松申生祠下虎留蹤當年來往忘機甚只愛白雲千萬重

歸屬三春海上來葛沽風雨幾啣杯而今東郡趨庭早更近

瑯琊百尺臺

鴻都碑版久銷沉石鼓堂堂照古今獨有高懷寫鐘鼎規摹端見古人心

濁堂遺老氣凌峭節概方嚴五月冰不負師資見心素軒轅問難比傳燈

憶昔頻過烟雨樓山公把酒念弓裘相逢孔李能無意欲別笙歌聽也愁

送周雪客之官晉陽

懸壺山前水真成碧玉流君行佐薇省間亦到龍湫野殿高松山人家晚稻收歸途擬相問許作竹林游

振宣招同諸子看荷

萬柳芙蓉好方塘坐席分雨餘輕粉褪波靜暗香聞寧攪鴛鴦夢無猜鷓鴣羣露華今夜重仙掌正氤氳

對月

明月生東海光輝寶鏡懸斜窺楊柳外低照藕花邊團扇輕相對高樓剩獨眠蛟龍避涼夜安穩蚌珠圓

蓮洋集

卷十一

去

謝六吉

舊李將軍說劍回梅花街北誤銜杯却拚酒伴誰家去畫損彭城幾磯材

題楞伽出塞圖

出關塞草白立馬心獨傷秋風吹雁影天際正茫茫念衣裘薄還驚髮髮蒼金關千里月中夜拂流黃

詠風帆二絕句

五兩飄搖楊柳津波心片影暗輕蘋眼前畫舫須臾過愁煞珠樓望遠人

蘋末生時動遠林芙蓉幹閃紫清深黃龍青雀中流急真快平生破浪心

偶意

萬物人爲貴讀書貴於人遠道牽車牛問關阻且勤農大易百畝長年有艱辛而我游六藝大道得所因陶陶樂仁義賢聖托比鄰雖貧亦何傷微言契其真服賈利三倍君子詎當親庶幾繁澗問寤言見天民

題許旭庵壺山隱居小像

時初歸自蜀

名勝天封入鄧州蕭然托興寄林丘下床省答樊英拜合是當年許遠遊

許客次困廬

石上流泉太古時素書一卷又天涯怪來衣帶裁眉雪新向成都薦荔支

天梯石棧比青天夢怯雲安聽杜鵑而今携手郎官谷可憶蓮洋集

卷十一

七

東南六品泉

鶴步松風雨意將嬾雲心與白雲長

旭庵自稱嬾許

高名已謝元纁

送阮翁假歸濟南

吾師去矣雙旌遠捉席家園紫綬垂移竹每憐經雨節栽松看長山雲枝濟南山水口堪把江左風流今在茲我亦王官尋瀑布一天冰雪九秋時

蓮洋集卷第十一終

蓮洋集卷第十二

河中 吳 斐 天章著

後學浮山張體乾確齋校

途次偶憶

洗馬村東一頃田王官谷口聽飛泉
家人更有鸞臺侍便醉虞鄉絹市邊

和答漢儀旭庵升也雪後遊萬固寺之作

有序

蓋聞右丞高寄曾開鹿苑之基江令修心亦憩龍華之館是以通人曠士每托興於林止羈客勞人宜遊心於禪悅況乎峯連仙掌水映河圖剎留龍象之居碣表隋唐之字山條水葉忽迎寶馬之來雲寢風栖

蓮洋集

卷十二

一

暫息名賢之駕結勝因於世外播佳句於人間側仰風徽彌增歡喜晴沙擁路恨未聯金地之游晴雪當軒但遙溯玉山之照勉成四韻用附千秋云爾

日上高林徹曙鐘看山結騎得從容
春泉乍動花邊屋殘雪新消竹外峯
昔徑通時羣鳥散石門開處一僧逢
幽尋最有柴桑癖白社今朝恨未從

送旭一之海門

吾師行脚處東望海雲生有偈逢人說
忘機聽鳥鳴願深干刳小裝薄一身輕
更計歸來日晴蓮朵朵迎

別斐然二首

還山決計田家好種豆城東手自鋤
君去且爲清白吏桑麻

都入治安書

三年曾道谷簾泉羨爾南州早着鞭
何日廬山試雙屐香山居士草堂前

輔公別駕釀酒多甘同人輒非笑余獨嗜之贈以辨惑

無味乃至味不在酸醎中群然各有投
後起忘天功夫子能愛客新釀真珠紅
美哉旨且多過飲常千鍾無端惑衆說良枯失所從彼此一是非有如穴受風
清秋我再來酒熟復醇醲麴生得舊知
好惡捐雷同嗒然有真契重醉菊花叢

寄張篤其先生

野鶴海東還羽翮苦不長中夜發清唳
庭樹有新霜夫子絢

蓮洋集

卷十二

二

九苞文綵雙鳳凰爲世鳴太和胡亦歸
山崗竹實詎不具苦飢心傍徨徒然感
野鶴千里神暗傷

謝子勉惠竹栽

最愛清陰好城居恨不宜爲貪霜後翠
邨待雨中移林下見高節風前減夢思
碧梧昨日種相伴鳳凰枝

寄張弓調

京洛昔相從天懷少町畦桃李雖不言
其下自成蹊一返即君谷三年乖提携
側聞道風遠屢感春鶯啼嗟我輒落人分合棲巖棲石磴一百盤下見黃雲迷却望
梗陽路芳草猶萋萋何日飲難老泉名碧玉盛玻璃嗒然寫心素庶幾呈天倪

偶讀摩詰詩感題

入道悠悠悵未能蕭然興味已如僧周妻何肉兩無損只覺
中年愧右丞

寄梁度怡二首

結騎香山半日同鳴鞭閒趣綠楊風只嫌未到郎君谷辜負
花枝照酒紅

山色真教馬上看歸來仍與勸加食荒厨愧未延三益美食
翻令索井丹

簡薛夢綬

積雨遂閒寂移坐桐花間桐花交北窗群書怡我顏今歲少
炎暑何必銷夏灣忽念素心侶東溪隨白鵬

送井保釐

蓮洋集

卷十一

三

積雨不肯住雲接船司空何妨一口留小坐桐花風探奇懷
鳥鼠問道急崆峒晚來一樽酒別思兩無窮

寄楊樹滋先生二首

最愛西溪好他時擬卜居人家共烟火生事付樵漁夫子真
瓊樹相從讀素書蓮花五千似青翠滿庭除

玉瓊盛仙體金盤鱗錦鱗巾箱藏五嶽一咲即千春貞白遙
相望希夷近作隣青泥仍幾襍舊惠感仁人

集巢雲阿二首

倍覺秋光好涼雲拂檻生當階松鼠落遶徑竹雞鳴酒向隣
翁乞碁看坐客爭莫貪高卧久花下促題名

一萬青鳳凰搖尾下山堂正有梧桐樹垂陰十畝長流雲晴

卷雪飛瀑畫生涼不住巖花落還爲掃石床

送賈積石

拚醉天涯日幾回一朝岐路悵啣杯玉蘭花發君應到新笋
生時我亦來

同振宣健一海若過大悲院訪退老人

金界長河北遙看靜念興忽諧塵外賞方契定中僧鳥墜當
風華橋通曲岸冰髻珠如可得始信有真乘

雷

起處真難覓聽來但一同化寧留朕迹響已塞虛空品彙扶
疎候乾坤盪滌中一時新雨露隨遍百花叢

寄撫寧王山人

蓮洋集

卷十二

四

萬緣日擾擾如波前後隨若欲遠萬緣垢膩衣重披即此萬
緣內原有真歇時淨土豈有相浩浩難乖睽不見白藕花多
生漚麻池自恨力輕眇隨流鮮良規覆蔭仗慈雲法雨遙相
滋飯首榆關南再過秋爲期

寄諸五先翁

閉戶真無營相過哭元賞鴛鴦何處來飛到花枝上煮茗近
芳草談經樂僻壤世緣已消除道力日長養比聞戰勝餘神
明轉高朗遙思白雲邊欣然一合掌

春日過訪五先遂呈養吾山人二首

地僻心逾靜城東舊草堂下簾深拜佛掃地自焚香峯勢側
當戶花枝低亞璫素心人不遠谷口更相望

久念山中客相逢信大緣忘機離空色有語契人天未晚惜
歸去再來期共眠勞勞應夢醒同證鬢珠圓

登樓次木斤韻卽簡甜雪二首

灝氣常思契混茫眼前原不異洪荒坐來虛室能生白養就
金鸞漸褪黃百折世情堅道力幾回心事盡名場憑闌究取
雲生處嚶珞街前認舊鄉

盡道神仙事渺茫丹砂遠覓咲炎荒且看溪水鴨頭綠小坐
西風栗葉黃休計升沉往來事傳壘三萬六千場到來三月
鶯花節何待江南筍蕨鄉

山雪感懷卽贈雪六律

大璞不可斲斲則失真素若云字寧敢亦非安樂處入理愧

蓮洋集

卷十二

五

未能強作壽陵步心知比客鳥偶爾海濱聚杯鐺頗流連痛
飲豈無故晨興越阡陌仰見飛鴻度細雨滋土膏家家望場
圃回首眺北峯雪沒前日路如何異寒暄徘徊倚溪樹高卑
爭氣候天心摠加護草木分苑枯遂同尹邢如達哉念前哲

願傍陶家墓

雪中遊懸陽洞

洞在撫寧縣角
山寺近山海關

雙溪互轉同一山成向背忽見青松枝幽人宛斯在古洞闢
洪濛白雲終日對衆峯帶殘雪瓊瑤生瑣碎丹竈火微微輕
烟雜靄黪洞中蝙蝠飛洞外雞犬吠誰能隱天地藏之無始
內逝將盟初心默然信時代

贈諸五先

久欲中條學息機無端野鶴海東飛兩番相見皆前定一載
淹留俱未歸儘可同叅居士偈誰能先辦衲僧衣紛紛雪後
尋鴻爪不識白雲無是非

團雲寺卽事以空山不見人但聞人語響爲韻寺在
山海

石氣留太古蒼玉回谿中振策凌風步寥寥天宇空
百折窮丹壑僧房雲外閒無雙關內寺第一海邊山
松枝覆乳泉猿飲掬雙手不知林中心尙有纖塵不
海氣浩茫茫峯前遙隱見赤日鼓洪濤金液幾千鍊
悔作塵中客迢遙成采真花巖時度鳥空谷果何人
山中難久留此語亦虛誕分置百年身信宿吾豈但

蓮洋集

卷十二

六

仙梵原無着空香時一聞何心潭底月不碍嶺頭雲
樵風吹曲磴白石更磷磷僧老屈如鶴楓枯瘦似人
危坐傍東岩衣褐緣蒼鼠恰到會心時前峯對無語
夕陽生暝烟清磬隔溪響幽意適未窮攀蘿到天上

賦得海月半輪高分十五刪四首

百尺樓高玉半彎清宵無夢落潺湲錯將碧海灘頭影認作
深閨鏡裏山

宴罷瑤池紫鳳還步虛聲裏佩珊珊凌波仙子非無意海上
平分半玉環

咫尺鮫宮寶閣閒蝦鬚掩映有無間玉鈎高控緣何事爲看
金鰲背上山

鍊取乾坤玉汞間溫溫鉛鼎照瓊山天涯海角能相見合就金輪作大還

宮詞六首

渭水胭脂曉漲紅重樓空閣度香風玉顏常得君王顧不到防嫌記守宮

石花廣袖拂雙蛾萬戶千門賤綺羅酒半文犀爭擊節十分春色掌中多

絳紗深映水晶簾一咲真成百媚兼能使羊車來往熟當門誰灑竹枝鹽

舞罷含嬌不自持輕盈步履繞廊時倩誰扶上蓮舟去羞煞池邊帶露枝

蓮洋集

卷十二

七

也合茗華刻小名花前沾酒苑中行歸來巧作凌波步不覺

蓮花處處生

洗盡鉛華更可憐羅浮風格倍天然帳中昨夜寒香到始信真珠不值錢

過圓明山寺

翠鳥雙飛古佛堂白雲終日共徜徉松花嶺上繽紛落蘆葑塔前自在香

題仙翁小像

清泉白石誰能住只許仙翁掃石龕爐裏且烹勾漏藥盤中方薦洞庭柑藤蘿百丈交紅藥松樹千尋拂翠嵐道士儘堪尋七七禪宗猶可悟三三物情幻似蕉邊鹿世事參開繭內

蟻趺坐便教花作簞科頭不用玉爲簪春風有意偏吹面秋月無心自印潭我亦勞勞厭塵土栖巖相待啟瓊函

庚午三月偕慢亭王十一丈蔣京少查德尹同侍阮

翁於一畝居以華星出雲間爲韻卽席命賦五首

暮春三月時檐際桐已華庭槐拓兔目澗石磨虎牙倦此孺子宅敢邀長者車

長者秉素節曳履登金庭左右輔弼之戴僅者六星詰責正台輔貞一乃清寧

雞鳴朝旣盈晏歸乃清謚偶經竹裏館愛此花間日聊爲步履行不覺冰輪出

蔣生盛文藻三徑花紛紛回首罨畫溪猿鳥懷青雲爲諸負

蓮洋集

卷十二

八

笈願書乞羊欣裙

查浦海昌至求友聲關關如何違臯比東西猶未閒且復與濟叔侍坐花巖間

簡孟氏兄弟二首

愛竹真成癖看山豈厭頻一朝諸夙願尤喜得芳隣流水通丹竈秋花接錦茵吾廬冬更好遠屋十分春

小圃秋光接從君乞藥苗荷香常過院松影迥分橋爾汝詩頻寄東西酒屢招梅花三十樹珍重雪初消

簡謝邵友

往來邵瑕問孤雲何所托多君有高義斗酒慰寂寞看竹踏春澗登樓俯近郭歸來幽巷眠進退有餘樂

雪中卽事

新築金鷲館衆山當其牖愛此三日雪朗朗滿巖岫景物良可懷素心本無垢踏雪暮歸來風林響金奏

雪中贈蒂心推

甘雪已應時麥苗雪含滋南園新移梅作花良不遲愛竹幸買竹綠玉皆紛披小住玉鈎山逢君暢心期何日谷口來並坐聽黃鸝

謝韓維藩

朝下承明廬暮對新豐酒芍藥花正開芳香照憲牖舊山春如何拋擲事奔走人生會有役慰勞藉良友醉卽卧花前醒復爲君壽

蓮洋集

卷十二

九

次韻答韓文尙

亦不辭名不近名偶然相見卽相傾休論金馬浮沉事且對玉壺春酒清大藥終思還舊我名山豈敢負新盟論文連日花前醉只覺人間尙有情

隘口

習習靈風長悠悠官路直曲曲前山坳一樹梨花白麥壠青未齊菜甲碧堪摘爲愛幽禽語留連坐巖石

榆關齋居

庭花引幽意縣厓抱長渠却來花下行不異山中居鳴禽亦宛轉暖風復輕徐欲鍊金鷲意幾於此廬

忽憶

忽憶金鷲館春深對遠峯誰栽谷口竹舊種華陰松徑曲鹿稀過簾垂花自重涼秋八九月歸路有芙蓉

將還中條過韓京周司馬

深秋路水碧澄凝玉署風清見飲水閤閑人推先相國聲華今繼大中丞鄉心慰藉尊前酒道力精嚴定後僧我欲栖巖尋舊壑相看官閣話峻嶒

嬰孫在抱江解州辰六錫名頌惠答謝

索居如空山閒階秋浩浩夫子意良厚念我日枯槁詩書欲付誰有孫方在抱肇錫得嘉名珍惠詎梨棗騰驤望千里廟堂列鴻寶德厚乃旁及福綏廣仁造頓使寂寞胸暢然對襁褓寤寐檢勞生何功當蒼昊還以九如歌爲頌復爲禱

蓮洋集

卷十二

十

同雷道生昆仲晚眺

沙苑晴無風金光乍明滅蒼茫河渭間人家在春雪

移家

買竹已成林種蓮將作藕如何桃花時舉室事奔走人生少適意得失亦何有小住沙苑側晴運照憲牖忽聞黃鳥鳴還與載春酒

題雷敬生平廉河上書屋

雙松在簷際風蔓何青青更愛三峯近青天敞畫屏

題孟氏山堂

彈琴坐風柳明月臨高臺新涼破清曉一一水花開

上衛敬翁先生

正學乃砥柱大道如周行賢者苦多岐庸庸徒面墻夫子純粹資篤厚守清剛早歲擅佳譽飛騰日月傍驅車鄒魯間沐浴發清光建節綏群衆深仁遍遐荒豈無險與夷蹈履率真常德音美赤舄九戩歌鱗歸來益坦坦詩書寄徜徉樂育及羣英負笈紛遠方小子仰高風百里瞻星芒昨從華下過瑯琊語諄諄頃於華下瞻阮翁述先生垂注甚殷感茲真摯懷窮途神飛揚再拜瓊樹側何敢匿中腸買山之良策髣髴日以蒼還期溯伊洛暫將遵嵩印負米計早成芒屨更登堂

再過山堂三首

花下誦金偈林中檢道書真能居有竹不歎食無魚
新荷滿清池屈曲朱闌靜波光曉鏡開半入垂楊影

蓮洋集

卷十二

十一

竹裏開新醅籬邊剪春韭六月納涼時再擘如船藕

寄答李萬和舍人二首

渭洛之間三日風渭洛之濱花樹紅無端騎馬過沙苑却與吹臺吟嘯同

昨日書札勞相問西望頻教咲口開會向江南着游屐也應重上鳳凰臺

聞陳稷文話浮山之勝率爾書贈

君道浮山巖洞好何不浮山採瑤草一到河南又河北海棠花罷芙蓉老我愛中條水竹佳也到秋深不在家世事催人無不有東西南北隨天涯酒酣耳熱天欲曙同憶舊山不能語人生富貴那可求明日驅車舊山去

留別賈文學省疎

朝聞讀書聲暮聞讀書聲書聲出竹裏疑是鳳凰鳴耿耿秋夜長同向北窗卧鄉夢各擾擾驚起披衣坐明日且歸去不度太行山却向西楚行悠悠河復闊嗟我齒髮衰羨君顏色好望君早奮飛立身勿草草中條有茅屋息機聊晏如君如得意時須寄山中書

雜詩四首

薰以香自燒膏以明自煎吁嗟乎龔生竟天其天年雲陽宣巨公天子稱其賢三公而瓦器豐約太相懸修身以明汙殆甚龔生焉遭際有汗隆身名全偶然老父者何人安得爲執鞭

蓮洋集

卷十二

十二

上黨有趙瞿病癩歷年數生棄入山中悲歎無控訴仙人偶經過哀憫動情憐賜以藥一囊宿疾忽皆愈顏色轉充悅肌膚益堅固再拜請其方豈知在跬步此是松脂耳無待遠希慕久服自長年幸勿責旦暮守死奉此說神光照空宇綠女侍其側琴瑟音何處欣然成獨咲抱犢山中去

求道如憂貧求道如嗟卑金石盟此心豈有不得時奈何學道人篤志不如斯乍聞生忻悅恨不攀虹霓僂僂甫前席未久忽若遺毫釐益未固止山損已滋峻崇不我極微妙將安窺

少君有家錄云是董君作久有不死方家貧少藥物假途來漢庭稍稍露節角卽其致神鬼頗亦近戲謔夢入嵩高山使

者雲中落持節復乘龍太乙有期約一朝捨帝去天地永寥
濶又云騎青驃海上恣游樂世惟留衣冠跡并民豪雋事傳
繁露筆千載猶錯愕

題扇頭漁樂圖

丈夫有用身閒處安得住入世苦勞攘轉覺閒可慕緬彼江
上漁曬網丹楓樹後船載客簪前船陳釣具婦子頗恬嬉進
退少瞻顧買酒坐深港雜運半船收醒尚無禮法醉益任號
譟官中不繫名市上少爭妒不歷風波惡常避蛟龍怒悠悠
江海情忘機等鷗鷺

張迥凡生日

先生本儒者乃具俠者腸慷慨論世事有如百鍊剛當其靜

蓮洋集

卷十二

三

默時退然復深藏志在書萬卷不屑錢一囊游戲畫山水精
神契混茫餘情及草蟲蛺蝶亦飛揚恍如過羅浮車輪碾山
岡昨聞桂吐花八月天氣涼生申正此日司馬羅酒漿華林姜公
招携一痛飲耳熱情激昂嗟我山澤癯宛同兄弟行生平慕
無爲近益卧且偃開畦種秋菜面山營草堂日讀南華經身
世兩相忘閒中倘相過烹葵味亦長

贈朱曉人

在昔韓退之不識元協律却因柳州詩三年願親暱一朝歡
握手投分等膠漆朱生山陰秀何解問衡泌賴有鳩茲彦凡迥
邂逅即稱述昨日同過我幸未交臂失狼藉殘編談笑對
秋日轉愧自空疎聞百不酬一重陽菊花近天涯苦蕭瑟將

欲具盤食貧難謀棗栗中條多水竹山勢亦崢嶸古寺紀隋
唐荒園蔓藤橘尙期結伴往匆遽忘巾櫛僧厨饌笋蕨佛語
味錫蜜又恐風雨多前林惡鳴鵲

黃立四先生餽盤食即約雨中見過

生秋晦偃卧羣書間夫子亦無事雨中尤苦閒珍膳忽
見分荒厨誠所艱泥滑若肯來傾壺且開顏

偶興

綠樹龍葱暮曉烟城隅荷葉正田田黃鸝交語鳴鳩醉渾是
江南孟夏天

贈三原溫可象孝廉

有客復有客白鹿原上住玉貌頗驚衆投分在中路我見亦

蓮洋集

卷十二

四

傾倒一語契心襟富貴君自有所貴敦道素淨名會有盡永
壽喬松固功成身退時莫忘終南去

呈家重翁治農

不見忽十年再見情切切人生能幾時禁此十年別頗喜尙
簪緌榮名在朝列好看共城山勝過洛陽陌

奉題阮翁雪谿詩思圖三首

當年親踏我眉雪灑氣罡風天半收今日清吟正危坐谿水
一曲聽寒流

曳履朝堂傍晚回竹梢壓地鶴毳毵紅毳畏背笠覆首公蜀棧詩
句猶想當年蜀道來

墨玉亭子樹樞杓詩格維摩第一家碾碎玉塵帶香色不知

是雪是梅花 公許山濤別業有墨王亭周樂園先生詩祇有墨王亭畔水空明與客憶王郎

贈劉西谷侍御二首

當年同醉荷花酒今日來過楊柳津奉使已爲驄馬客論詩仍是玉堂人文章海內原無敵道素河干久作隣更向治平求第一維揚政績兩嶙峋

久向山中怨索居半雞何皮更無魚春來嬉戲思文祿花下追隨愧板輿纖素纖纖機杼廢桃根桃葉事全虛吳娃應踐當年諾待與康成理架書

自做

浮世劇茫茫日作求死法貪癡猶不盡又問長生訣余尤業重者痛憤入心骨晨誦一卷經頓覺臧內熱誓心不退轉洗

蓮洋集

卷十二

五

滌到毛髮浮雲忽盡時露出青天月

讀楊太尉公傳

夕陽亭下有煩冤千載渾亭塚墓存只怪當年來大鳥哀鳴合是趙騰魂

途次

金液會聞有正方能經鶴息咲尋常而今腰脚乖鞍馬始憶當年冷壽光

貽孟生二首

愛爾詩情盛纔當終賈年讀書常柳下醉客必花前春水可垂釣野田時擊鮮風爐茶味好即是谷簾泉

頗咲聞名累頽然五十年不辭處主後何用在盧前學道訝

衰髯修身安小鮮幾時真有得神漢發天泉

憶山園

生平意在山買竹中條麓却作海上行未遑竹中宿玉蘭手自種芍藥舊成簇昨日風雨惡遙情增反復人生會有役奔走等驅逐只愁歸去來已過櫻桃熟

初夏雨

高林新綠葉漸滿塘下蒲生鴨翎淺忽然好雨陌上來幾陣南風吹不轉廉纖初墜正如絲隱隱輕雷天際隨忽爾紛紜遶金屋朱烏窻前墮銀竹 李詩森森似銀竹 牡丹已過芍藥闌珊瑚枝上珠光圓柳岸頓聽鶯語重雕梁豈放燕巢乾麥隴青青棟花密餅餌生香在今日 蘇詩麥隴風來餅餌香 蓮洲蕩漾起眠鷗桑

蓮洋集

卷十二

六

葉交加坐鳴鵲乍疎還密已崇朝水晶簾外水絲線只有仙娥巧含咲偏能隨手織生綃

憶弟霞

吾弟吾弟昔在陳一載艱難爲老親堂上垂白不能養此責豈敢分他人前年我病極狼狽吾弟聞聲千里至茫茫世界無限人依舊關心屬同氣弟不恭兄乖天倫兄不愛弟傷母心一家骨肉有多少何況眼前吾亦老天涯憶爾涕滂沱閉戶未能真奈何何日歸家俱不出膝下相依有饘粥

津門喜逢徐師魯卽送之山東 健翁

海畔相逢咲語溫惓懷今昔道終存看花乍可稱新契對酒仍教說舊恩事業此時歸鳳沼文章千載溯龍門匆匆又作

河梁別日觀峯前役夢魂

蓮洋集

卷十二

七

蓮洋集卷第十二終

蓮洋集卷第十三

河中吳雯天章著

後學浮山張體乾確齋校

送姜伯達之南陽

紅樹青山留不住白雁紛紛天外去人生聚散原有時便逐
青山走紅樹載酒追君河上頭君到南陽我舊游畊父神光
看倏忽元灝茫茫誰解收周易參同正數軸君曾借之三日
讀勞生奔走皆可憐何日山中共茅屋

呈雨亭王公二十四韻

淮水波瀾遠瑯琊慶譽長金貂仍榮戟玉節復巖廊遮舫春
雲綠隨車夏雨香英風飛紫電績學擅青箱章貢留棠蔭河

蓮洋集

卷十三

一

汾仰繡裳聰明淨冰雪特達有珪璋井邑沾恩澤蒼生樂壽
康題箋才敏捷博物鑒精詳劍許司空識書驚內史良英聲
高季布雅調寄韜光八座行當陟三台計日將昔欣瞻海嶽
今再覩星鳳霽色迎堦爽薰風入座涼隼旂花隱隊鈴閣竹
分行玉屑聞清語珠躡慰面牆謀生何太拙投老轉潛傷日
月荒松桂乾坤失稻粱銅龍追獻納金馬夢趨蹌棲逸修丹
竈晨昏理葯房半雞慚置皮全豹慕登堂拔薤觀新政懷嬰
際法航卽斯成錦里隨處得滄浪蘆糲貧能給蟲魚注不妨
索居久寂寞從此快翱翔

孟司直招飲鹿峪山居未赴詩訂後期

隱處溪山好層巒萬古開千峯爭翠律一水自瀠洞白鹿交

懸過黃鵬隔院來清樽不相負隨意到莓苔

白石寺 寺在鹿谷

白石山中寺岩巖紫翠重尋僧常有約無路復何從一水飛
爲雨雙松化作龍幾時蓮漏下奮迅禮金容

新秋客去後偶成四首

新蟬方在樹卉木有餘清愛此秋光好園林處處行
好友經時別城中始一來如何歸太遽不得共啣杯
淨緣修淨業擾擾轉相尋爭似特拈出蓮花不染心
夢想稱如幻驚心亦奈何欲求滅苦本身相卽爲多

遇葉存菴贈詩

世事本無定愚人謂當然達者燭於機獨持造化先夫子柴

蓮洋集 卷十三

桑流無累神明全手板何足云棄之如輕烟歸來北牕下抱
膝幾皇年一朝遊上都相逢梨花天片言成夙契咲拍洪厓
肩亦云十年來私心知汝賢前曾過中條望廬意空懸今日
幸握手豈非三生緣欲就丹砂約細話玉胎篇匆匆海門去
未得爐頭眠高風在懷抱有如夔憐蛇倘過舜祠下重酌杜
康泉

題張振宣行人小照

君家別業招賢里幾次尋山探石髓簷前每宿太華雲池內
常分玉溪水溪邊楊柳何氍氍水色空明天蔚藍閒來把酒
溪上坐鸞羽扇子揮晴嵐更喜青衣能解事窈窕臨風柳邊
侍湘褰小感玉壺傾美鬢不動金釵膩美君斜倚黃瑤璃也

退之詩一府滿酌天漿對水湄真珠波濺聲喧處菡萏花開
傳看黃瑤璃 香到時繁余溪山縱遊衍潤東七聽春鶯囀余生永樂
花塢
難忘載酒頻竹林猶記題名編今日重來東海頭久煩白飯
兼青芻畫圖琴酒轉相感將無仍是西園遊君方置身在廊
廟翠翹枕畔催朝早安得依舊風柳前遲迴高卧爬仙爪

方綱按芻字何以入
九韻不記入奏行耶

生挽洪丹霞醉死歌

向平昔日讀損益已識死何如生耳人皆已生而厚生誰能
未死而學死眼前萬事何把捉超然獨美丹霞子丹霞子氣
磅礴爾豈不知生處樂胡爲放浪糟正臺日日千鍾仍百榼
吁嗟乎丹霞子志茫茫不肯低頭選佛場選佛場中太拘束

蓮洋集 卷十三

爭似人間作酒狂生平尙少江諸議論酒如兵有剩義兵可
千日而不用不可一日而不備酒可千日而不飲不可一飲
而不醉一日飲酒千日醒摠能一醉成何事丹霞子見尤卓
日日痛飲對寥廓或如長鯨吸百川或如萬水歸深壑杯錯
不肯一日閒荷鍾隨行任埋却嗟哉一日果爾醉不醒頭顱
荷盡腹膨膨人道丹霞真個死我道丹霞今始生倏然興起
忽人叫更索千觴自傾倒自言今方入醉鄉醉鄉風景吾能
道其鄉倘恍勝華胥無人無我無親疏渾然天地一體耳陶
陶其樂誰能如噫吁嘻人世誰生復誰死日攘六鑿盡生理
蠻觸相爭無了時血流漸滿滄溟水賀者未去弔者來汲汲
求生已死矣何如丹霞早相忘非生非死常如此噫吁嘻丹

霞子致不惡尙有一事未透脫壙中尙愛閒文字障碍夜臺
營鄧鄂我願丹霞隨所以身前身後都拋却日月何須較
送天地何須計棺槨稷王孫尙多事烏鳶螻蟻何予奪成
然寐遽然覺無死無生無湊泊此際丹霞是阿誰笑爾大死
今方活

贈涇陽陳麟公

我聞鄭子真躬耕在谷口高名重京師公卿不得友君家谷
口住清聲出林藪文章與氣誼兄弟各稱首有田涇之千伏
臘歲能守舉鍾雲雨隨一石泥數斗我願爲比隣可以樂朋
酒六月聚海壖閒話星墜寄同食學士鹽不負親串走人生
會而難非此孰與偶狂呼使院中歡咲忘百醜反勝田間樂
蓮洋集 卷十三 四

寄贈吳武陵四首

憶昔熊湘早濟師曾同草檄佐軍麾久從磨楯窺英畧更向
投戈得素知粵嶠盡開唐節度沅波已歛漢旌旗承恩却縮
麟符重玉帶河邊聽竹枝

矯矯雙鳬漢殿邊元龍湖海氣依然才優曼倩三千櫓道長
莫宏十五篇官舍從容閒對鶴南風披拂靜揮弦綠蘿自此
無招隱不種桃花種稻田

木瓜山畔夢幽尋屢溯沅湘懷好音每以天涯違白墮常教
意氣感黃金千秋會入吳公傳一諾誰明季布心久矣浮雲

敦古處高風特爲釋煩襟

五載屏陵慣折腰風塵何敢惜飄搖仙壇路近慚青鳥廳事
書荒負綠蕉早舉望通鳩鵲觀新知幸接鸞鶴橋相期奮迅
輕千仞丹鳳從來在赤霄

別徐明府水亭時徐次日亦發

苗蔞香中不得住高齋日照櫻桃樹使君有亭豈常登來朝
亦向茶陵去人生萬事真悠悠莫咲當日平泉游但能握手
卽傾倒且飲醇酒彈箏篴君看亭中人去也惟有白鷗飛復
下

送友人滇南省親

萬里騰鸞意氣雄烏衣門閥重江東蘭橈正羨乘風便春殿

蓮洋集

卷十三

五

猶傳奏賦工青草湖光迎彩筆點蒼山色撲黃鸝菱荷香裏
趨庭早會看西南海照紅

留別任太守

洞庭東下接晴雲握手欣逢萬石君白馬磯邊方挂席酒香
山畔惜離羣刀耕火種文翁化長佩高冠屈子文前浦依依
更回首相期嘉興漢庭聞

送徐新漢歸浙東四首

把酒看山擊唾壺幾番薄醉踏瓊瑜而今却別湘花去不向
黃陵怨鷓鴣

愛日愁逢杜若香歸來含笑喜登堂離筵轉恨南風急纔過
湘陰又漢陽

徜徉蘭茝久應紉轉眼乘潮溯白蘋別後不須懷楚女江南無限采蓮人

三載沅湘豈怨嗟才人依舊五湖家苧蘿更道明粧好試撥輕舟問若邪

送來心水

齋居讀楚辭夢想瀟湘好二月來洞庭徒然多芳草夫子官潭州依依古懷抱相對春雨中頗能慰枯槁偶復憶尊鱸却返巴陵道歸思勞日夜江上掛帆早會稽妙山水巖壑比洲島更著老萊衣勝食湖南稻余亦念北堂蕙畝徒窈窕何處鷓鴣聲轉使車輪遠悵望南風前遙溯君山曉

贈曹星客

拱極

蓮洋集

卷十三

六

道力苦衰薄未能山中居清秋龍門游相逢君子廬香草佩南國清風良穆如爲言重陽近菊蕊猶未舒好雨灑然至真令煩慮除題詩敬相訊簷霽濕蟾蜍

方山五首

童子河邊柳外村新秋沙岸落潮痕妙嚴勝境行將到青翠先教撲石門

山色參差碧玉圍松聲花雨海濤飛晚來小坐盤陀石閒看山僧補衲衣

石路逶迤到上方天風吹作十分涼中台遙見千秋雪云是文殊大道場

行盡山頭萬樹松巉巖高捧碧芙蓉閒身到此無塵夢不待

僧樓五夜鐘

長者釋經處我到新秋時坐見白雲來瀾漫青松枝朝興仍助喜花雨故垂垂

贈丁荷峯參軍四首

官閣蕭然把酒時河干烟柳未成絲坐中新到江南客最解燈前和竹枝

簫曲峯陰罷種花故人重過歎天涯青泥一襪寧相負更脫金龜付酒家

舍人才調穆然清梁鷁蟲書頗擅名摠有茗華密相囑都無名字刻卿卿

拄笏橫襟意態閒馬曹詩興更闌珊松風吹醒塵勞夢多在

蓮洋集

卷十三

七

華陽句曲間

呈涓翁四首

石室金庭憶往還高情近寄秣陵山相逢匆遽無他語只羨孤雲野鶴閒

十載登堂捧玉卮仙人次第鳳笙吹桃花開遍黃金館風景依然是昔時

道業精純久更成丹砂何用較長生從來願力無人識終爲蒼生計太平

緬邈匡君清夢長飛泉千仞撲衣涼頭顱四十看如許欲乞廬山舊草堂

別王旦先

二月已將半江南雜花朶此時君不歸辜負閒中坐君言三日行行李已包裹生平愛好春盛事肯相左烟水綠濛濛難籠迎畫舸玉蘭正高倩垂楊復婀娜鶯聲一萬樹處處聽皆可東風動微波石瀨春帆簸我亦樂乘湖塵緣苦羈鎖夢想攝山居未得縱江柁何日便南下夙願一朝果更覓獻花巖巖中暢容我逢君送賓主咲語江風墮萬事一微塵超然離偏頗

方綱按偏頗頗平聲前已見

寄羅蘿村

憶昔長沙時風雨無時無蕭然湘江湄同君聽鷓鴣君載如花姬興味較我殊酌酒招我飲頻傾雙玉壺幾日過中條小

蓮洋集

卷十三

八

住城西隅君住我翻去未得恣酣呼從此三年別有若分飛鳬比聞在江南吟嘯莫愁湖惠我瑤華音真意更難誣嗟余年髩衰四十悲頭顱君年過于我將何爲自娛建業我舊游剩緣未蠲除相尋復痛飲知有步兵厨

憶舊廬

結廬大河側門對蓮花峯手把一卷書日坐金芙蓉竭來東海濱一載成踈慵還應騎白鹿重撫玉溪松

題徐道冲觀泉圖時將還中條三首

空山石氣醇蒼蒼百尺虬枝橫莫當只許幽人無事坐漫天飛雪澱衣涼

年少能爲五嶽遊五臺參罷又羅浮歸來向我分明說曾對

開先萬仞流

兩年不到王官谷夢想巖泉落玉龍今日真能尋九籥斜陽流水兩三松

劉若干宗一兄弟載酒過飲一畝居賦贈

子真居谷口無言但躬耕當世恐見知豈求身後名如何舊巖壑千載懷幽貞將無秉懿好今古同一情夫子涇干居十里山光迎讀書好兄弟金奏相鏗錫一朝長安來先後謁承明

天子動顏色推獎多公卿名高氣益卑耻爲雞鶩爭三月鶯花時雨足天氣清東堂梨花開海棠亦輕盈失喜載酒過文飲酬杯錯酒半忽慷慨山思交迴繁濁醪見真素頗覺軒冕

蓮洋集

卷十三

九

輕嗟余貧賤人久苦塵網攔問道未爲晚超然將有營正恨心尙雜不得如孩嬰停觴別君去白雲遙從橫若千居近谷口

咏紫荆限韻

偃仰對南榮春風動紫荆暗香時墮水踈葉不巢鶯轉以林塘晚因歡兄弟情天涯尙岐路把酒惜長征

一畝居同慢亭飲酒二首

王謝盛門閥耶耶近亦稀舉世重纓冕先生仍布衣看花宿酒肆騎驢來王畿獨有舊山思春風懷採薇

帝里喜相逢相逢意氣重時時花下飲共話東巖松觚稜上明月長樂聞踈鐘金門動騶駟客散眠高春

送梁貞怡水部

畫省垂清譽冬官績亦稀如何登闕後決計拂衣歸玩易識消息讀書甘蕨薇中條連夢到待掃舊漁磯

聞雷自警

天地有正氣發之爲雷霆剖然破山嶽魑魅無遁形當其震盪時正人亦歛容惕厲動幽隱搜剔皆至誠願言平居日踐履全堅貞苟或貢非幾五內奮摧崩念起自撲滅有如驅六丁陰霾一朝盡朗朗發光明

送劉如南之官江陰

二月海棠花花開滿僧院豈爲看花來親知喜相見比聞謁承明拜命宰江縣郭門抱春水廳事巢飛燕使君善爲政膏雨田間遍他時聖書寵巍然在臺諫日日近山龍爲添補袞

蓮洋集

卷十三

十

線

送或菴卽訊觀齋

家門有名山秋深山逾靜是以高齋下日對晴蓮影饑驅不得住却來近人境之子胡爲者千里亦馳騁空有曠世才且復慙聞冷詩留車箱谷文重金華省灞漣水新漲蘆荻沒倒景詰朝自茲去豈能忘耿耿倘達汝陰書爲我問清潁

題朱字綠濯足圖三首

巖岫盤回走碧流雙松橫側蔦蘿收從知墮地原無垢投足何須坐石頭

林下高風意嗒然偏宜白石與清泉會心若在滄浪外卽是南華秋水篇

雲壑峻嶒長碧苔空山曠劫幾花開一時淵默成孤坐知有
何人進履來

題松下小景

隱隱茅茨澗水東天風過處海濤同松花本是神仙食掃入
山家石廬中

呈莫襄菴先生二首

先生本人瑞九十尙傳經著述尊堯典功名薄漢庭闕門虛
紫氣草閣帶寒星別有堪娛處曾孫繞幔亭

已恨相逢晚其如遽別何漸看臘雪少日覺綠楊多賦草常
驚鳳書藏不換鸞到家先指點寶氣出烟蘿

東逸峯孝廉

蓮洋集

卷十三

十一

首夏清和好時令閒對清波如對鏡況復眼前朋好多漫憶
山中櫻筍盛吾子交在紀羣間幾回嘯咏終南偏楓亭荔枝
經飽喫歸來水雪成胎仙履閣藏書一萬卷今古紛紜自凌
緬題箋花下倒披薤吟詩竹裏獨抽繭昨日相過深下簾心
愛錦軸排牙籤昔亦買書向吳會風雨捆載羞廉纖清潁先
生百泉賦讀書縣解無等等相逢爲作載書行往事追惟如
泡影君家藏書稱最多三十乘久傳清河近日秣陵有黃氏
我曾爲作千頃藏書歌自惜垂老仍鹿鹿載書到家幾曾讀
齋中見書空把玩何況匆匆歸又速多君惠我酒百壺紅糟
滿盎浸生魚閒來烹魚更酌酒尙問人間未見書

姜伯達過小圃看山卽事

種荷荷長葉種竹竹生笋
小雨忽然至風綠接修畛之子具
遠抱天機每相引列坐見南山白雲正無盡肯作巖際行仙
家多石廬

晚過張厚卿學博卽事

鑿井得甘泉開畦傍新井晚來荷鋤倦坐對宮牆影露葵宜
清齋夏麥充環餅西林纖月上風枝鳥音靜徙倚望中條壺
觴更當整

鹿皮公詩

我聞鹿皮公少爲府小史舉手器卽成才巧信無比岑山造
縣閣意思橫生矣十日梯道成作祠亦留止食足飲神泉七
十一彈指一朝升閣去游戲之間耳其後百餘年依然到齊

蓮洋集

卷十三

三

市賣藥向時人曾孫之孫子

臨汝道中

橋下菖蒲橋上柳南風吹過綠生涼金衣公子渾相識宛轉
留人到夕陽

簡薛青樵

連日多涼風鳴蟬在庭樹與君同作客開襟叶幽趣塘下早
菱滿蓮房亦含露相期郭外游芳洲見飛鷺何處是糟丘壺
觴正當御

贈張太守愚谷二首

相思命駕輕千里四月陸渾花正開隔境早聞新政美登堂
真喜故人來厨兼櫻笋山中味座接笙芋海上杯剛說恩綸

同日到知君家世有公才

長夏高齋擁賜書南風吹過北牕虛剛腸百鍊能容物英論
千回倍起余郭外蓮塘藏白鷺階前酒甕擲金魚幾回話到
郎君谷修竹南頭好結廬

咏九疑

茫茫營道縣鬱鬱蒼梧側山山皆相似行者盡疑惑云是九
疑山重華謚軌轍芳谷丹芝挺懸巖石髓滴採藥頓受方鍊
神終守一表裏何精嚴內外遂洞徹東華忽遣迎升天非羽
翼

憶終南

終南有道士云是太乙精齋潔乃見之肯與俗客逢石室隱

蓮洋集

卷十三

三

窈窕靈芝生蒙茸地肺避洪濤漆船藏龍從嗟我客長安兩
載如顛蒙未訪王嘉跡寧尋綺皓蹤願言整歸轡重與探元
風

盧敖

盧敖遊北海迢遙背群黨蒙叡逢若士自謂契元賞窮觀六
合外願與共汎漭如何爲肩人齷然咲塵壤卷龜食蛤蜊深
藏謝借往方與汗漫期忽去九垓上

珍重

珍重溪南一草亭焚香拜寫藥師經長風吹盡關門雪坐對
晴蓮萬仞青

贈林節齋

琅玕有佳實茯苓結神脂之子食霞人獨坐窺天倪手把一卷書其義軒與義早舛華陽祿能得齧缺師牕前梅花開面上春風吹仰觀天宇空白雲無盡時

題張容台竹中洗硯圖四首

山色蒼茫點蕙叢白雲流水四時風須知此處仙凡隔無數
籜龍烟雨中

臨池幾許費工夫學得簪花格也無更向唐家尋研譜却將殘瀋倩奚奴

浣墨池中池水黑爭如浣墨向溪清披然賦也原無着依舊滄浪可濯纓

常思懸雷山前往未得相從許遠游今日披圖先一咲九仙

蓮洋集

卷十三

古

神骨渭川秋

贈段仲衍孝廉

移家十日河濱住却對繁花數舉觴誰道關河成阻絕由來烟火久相望樽前最識襟期爽海內皆聞姓字香歸去金鷺掃三徑乘槎尚待到山堂

丙子除日簡紀儼若文學

春風明日到旅思各天涯對酒雖忘客看梅轉憶家溪山懷北垞指馬喻南華兩谷關前路歸途長蕙芽

丁丑人日贈黃武九

簾際春風入長條亦自斜一年別鄭谷千樹憶梅花君本江南客同來汴水涯可思携素侶叱石入金華

武九內人張能文同客陳

人日簡馬備五

生平愛讀長笛賦當年南郡才如虎如何精博亦無用春風獨卧平陽塢之子家世本扶風天姿秀發神藏骨一年俱向宛丘住人日看春鄉思同連朝頗厭閒雙屐游騎東城復南陌載酒須尋太昊祠吹笛休逢洛陽客

留別王廷侯

花滿中條入夢多輕裝今日返金鷺彈琴竹裏春風好待爾歸來訪薜蘿

雨後簡張迺凡

入春苦無雨日覺煩憂積昨日甘澍來霑灑連朝夕荷鋤入西園攀花過南陌週回女牆上無數青山色之子東南秀挺

蓮洋集

卷十三

圭

邁見標格吳鉤懸客帳坐卧群書側豈無看山情使院閒雙屐栖巖烟草高鄭谷花枝密還期竹林下把酒聽風笛酣叫夕陽中題名就叢碧

簡王大令枏菴

蒲坂到桑泉曾無一百里每過王官谷常宿虞鄉市雖多山水緣頗煩戒行李忽聞使君來風義荀陳美德意遍井閭歌頌田間起更快名山游可以陪屐齒題名表聖祠煮茗驚漿水

蓼花

嫋嫋秋光映野姿依依踈幹對寒漪方看數縷花開處漸近長空雁過時風動白蘋偏弄影雨交紅樹半垂枝浦中荷葉

還如鏡相伴前汀晚更宜

贈王文心

海棠花下燕閒閒獨有高人晝掩關只許尋詩方一出春風踏遍玉鈎山

留別周再溪孝廉

相逢風雨時感君意良厚欲別不能去花前重握手人生重意氣豈在接杯酒昨日具盤飧爲我酌大斗慰勞及平生虛懷近無有夫子具公材文章鄒枚後我且還山中樹蕙一百畝豈敢厭承明衰謝安拙醜上馬趨朝陽鶯聲在高柳

東江解州辰六

中條山下來時路幾日楊花作春暮馬上頻看戴勝飛花開

蓮洋集

卷十三

六

舊館應無數今日仍從山下行花枝低亞宛相迎南隣酒伴定相待况復堦前新笋生新笋生時如碧玉相間花枝照茅屋篋裏亟尋荷葉盃案前再補陽春曲其如垂橐意蕭然遙念花枝誠可憐歸來不用賒春色只向先生乞酒錢

題姜公垂釣圖

夫子具遠懷箕踞風柳下意本不在魚故作垂竿者巖前白鳥飛石上紅泉瀉青山無古今流水變黃夏萬物但炊紫天地一指馬襟期難度量日月任瀟灑負氣思釣鰲當官不偷鮮無勞帛裹鬚豈肯泥沒踝褰裳滄洲外讀書擇尤雅知希我則貴調高和彌寡吾欲濯塵纓嗒然共心寫

題孟伯人小照

碧山堂乃伯人堂名也

碧山山色正氤氳山下高松更不羣幾次山堂常載酒每於松逕數逢君栖巖寺裏僧同話鄭谷莊前鶴共聞尤美文章可華國白雲他日到青雲

柬張象賢

麥隴青青山逕斜竹林深處有人家相逢不惜今朝醉猶喜尊前有杏花

寄佟聞喜四絕句

山雪連朝染畫輪麥田馴雉復親人間來欲踏瓊瑤路百里來看董澤春

鴻鵠雙雙傍暖沙野田將次有桃花卽看雪後添春水流入甘泉潤萬家

蓮洋集

卷十三

七

階前牡丹高拂簷每到花開香入簾我欲看花更飲酒醉檢鄴侯三萬籤
桐鄉合種雙桐樹百尺陰濃高入雲三月韶光好烟景桐花開處謁桐君

韓周京招飲賦謝

春歸復幾時高卧依芳杜朝來花枝上忽有流鶯語巖栖苦未偕招飲尙能屢東園故竹屏別館開青嶼酒從林下酌歌向風中舉煙光暝入筵嶽色晴當戶幸爾托芳隣迭許成賓主

再貽周京

瑤圃罽粟繁雕梁燕將乳喜此長夏時金尊列庭宇笙如緱

氏山笛類平陽塢爲咏孔懷章壽康勝圭組

謝孟伯人

梅花在牆東玉雪明
應牖昨日花下醉不羨江南有旨酒
進百觴意感主人厚
眼底正春色黃鳥復求友莫負好天氣
笑倚池上柳題詩謝主人尙許重來否

蓮洋集

卷十三

六

蓮洋集卷第十三終

蓮洋集卷第十四

河中 吳 雯 天章著

後學浮山張體乾確齋校

簡董心推

君家江都相絕學有深詣
當其對大廷善言天人際
遭書繁露在同翔見精細
吾子大賢後十載托交契
相逢仍玉鈞神理益明銳
仰觀俯察問懸解破拘泥
盤飡勞遠贈道業重砥礪
過我秋爲期林中擷蘭蕙

曹文光射斗少同學有刳臂事父果延筭十年賦詩美之

與君齒相若同騎竹馬縱爲樂今日皆成老大年刳臂獨能

蓮洋集

卷十四

一

和湯藥父壽果然延十載一念真誠格宜漠嗟我馳心文字問君真爲智我爲頑中夜不寐剝心肝不遠之復仍當還

和西谷侍御

竹裏占吾廬清夢松花繞悠悠大河上適意不知老千里海門至快覓舊朋好學易訂姬文商歌淡綺皓酣呼暢遠懷吟嘯破憂惱奇賞寄書卷古處似君少相澄萬境寂幻盡諸天曉說詩倩鼎來忘機共絕倒

自釋

重規幼不強乃以百藥名皇甫久風痺世傳甲乙經古人生憂患德慧實相成我生如勞薪早衰百苦繁昨逢山陰人謂當年壽併此言雖漫然聞之心已驚從此慎偷情未必非吉

徵去住任常理且勿役中情

紀夢

四月十七夢相微東巖大士摩我頂削削哀號益哀請頭顱
四則覺有省晨讀道書自浩詠道在優柔乃要領涉川畏隣
常恐恐深根約紀頗嚴冷虛極叩篤諸患屏勉而行之勿自
梗

爲魯菴書扇

神仙窟宅稱武夷珍味南天推荔枝幾回夢中著屐齒徒爾
海畔增榮願先生奇福世希有尋常到處緣相隨白雲遠窮
蒼翠窟緬囊細剝輕紅肌巖洞側身霧杳冥醍醐入口漿淋
滴緊余潦倒處藪澤久食菰菽何由肥側聞後談益嚮往恨
蓮洋集 卷十四 二

讀甲乙經

天在我者德地在我者氣德流而氣溥生理始初備任物之
謂心處物之謂智智所以養生踐形信非易痛此昏妄人且
首慎邪僻順適能安常長生斯久視

海天長嘯圖爲張輔公別駕題

海天浩浩何端倪海風吹水如玻璃中有高人洞元化襟期
曠達無町畦眼前萬境不能惑天外三山如可躋一聲長嘯
徹雲表迥然鸞鳳干虹霓青松鬱屈動鱗甲丹藥恍惚存刀
圭歲月煩囂任擾擾生平意度常折折道服身並九臯鶴酒

杯手捉駭鷄岸童子葫蘆何所挾蘭臺叙傳或相齎況有神
駒稱蓮種七日超母驚驛奚桂枝結實蘭芽苗一堂三世荀
陳齊從此門閭益高大上林珠樹容聯棲繁余卅載托末契
杯錯橫攬金留犁閭闔方看韋兼杜朋好還次阮與嵇今日
重過美爽健氣清貌粹頻招携芳藥堆闌間玉阪檳榔滿斛
交金釐何人繪出高世姿獨立海畔島嶼低一時相對意飄
渺圖中座上眼欲迷朱霞南映北海北青藜東拜西山西古
今何似蝸角觸世界忽如鴻爪泥題詩擲筆且大咲安得玉
虬爲駟隨風鸞

贈清池上人

我師光福來衣襦帶香雪八萬四千偈隨處向人說我住海

蓮洋集 卷十四 三

門久懷鄉感夏節同坐寺樓上來往見舟楫風牕交楊柳隱
隱動鳴舳豈不苦煩囂百慮暫消歇竹爐茗熟時高林已新
月

理書

朝景頗州雨濛濛花枝濕莊誦洪範篇宛然少小日奔馳空
老大初心負時昔訓行苟無愆何患處偏側五事叶五行天
人道已畢願言慎終始蓬萊未爲失

再過渭南

鴻門亭外酒旗斜半日村前水映沙三十年來重立馬驚聲
猶墜縣樓花

韋曲

韋曲花深沒釣磯青山空負薜蘿衣風標八子猶無恙依舊樊川左右飛

過白太傅故居

紫蘭村落異花亭竹簟蘆簾戶不扃真愛白家風味好東窗又見嶽蓮菁

春

冰雪稜稜作歲寒而今也到早春天郭邊暖躍長河鯉門外晴開太華蓮

初春風雪過趙天篤

兩日東風寒較甚今朝飛雪漸交加湖邊新柳正按線山畔殘梅猶弄花鳥語聽來無次第草痕望去已橫斜幾年夢想

蓮洋集

卷十四

四

特相問騎馬過溪水墜沙

贈張聖佩子爾赤

書堂今日再經行玉立仍歡出戶迎衰晚殷殷相望切冬郎能作鳳凰聲

贈王水芹

豈作鹿門隱難甘耆舊名無官悵馬衍有婢慰康成賦久稱先輩經惟待後生濟南學最貴還看馴車迎

再謝張舍人宸錫

名園昨夜醉今日又相招座上移金碗林中聽玉簫馬嘶曾渡水人倚舊凭橋更向神仙窟詩瓢動酒瓢

贈柏巖二首

幾年不到藏書處今日新書買更多我欲讀時嗟老眼羣書堆裏但婆娑

回首溪山悵遠行藤花橘樹繫心情他時果遂還山約不負年年二月鶯

題王似鶴先生畫卷三首

王官谷口尋難到三詔亭前孰與同前輩風流何處見山光水色畫圖中

墨妙古今留洗馬村東谷口莊買山不遂稻畦荒溪山感慨成今昔恨不

同時九齋堂

蓮洋集

卷十四

五

詩 盧子凝兄牡丹四株有以六十千易者却之記以二

聞道名園木芍藥四株占斷洛陽春多君不逐尋常見能與名花作主人

世態紛紛咲不支移山伎倆久如斯因君始覺黃金賤也有銅山短氣時

平定道中

瀨餘聚落縵犵亭豈識經行山路東久向顏家愛奇字新詩記在玉屏風

酬贈陸筠巢

幾回野寺偕游屐散坐花間花正開秋葦夏深喧鳥雀池塘

風定見樓臺高人特下洪州榻僧寶新辭震澤梅何日仍探
林屋洞醴泉交讓酌深杯有光福僧適到

春日懷樊川舊游

二千里外入京師却憶秦風帽帶垂只覺城南風味好好風
晴映好花枝

雪中梅花

溪畔餘殘雪寒香凍折枝東風如解意故向水邊吹

賦得明月照積雪

尚覺餘寒在簷楹雪未消蟾光增皎潔清夢共蕭條一相何
分別千山惟寂寥沉吟得佳句特許寫生綃

奉題阮翁帶經堂

蓮洋集

卷十四

六

帶經鋤倪大夫鴻漸之翼翔雲衢夫子勲名今所無金聲玉
振輝皇圖昭回雲漢來天書泰交一德發苞符經術有用神
明俱堯典舜典臯陶謨帶經未許田間趨長安甲第尊真儒
其如素念懷瓜廬寫圖仍與親菰蒲夫子安得言歸歟
九重頻遣大官厨合措大地登唐虞豈但牛車擔負經屬爭
還租

偶興

崑崙學琵琶先斷舊所愛從來久汚染不捨成大害雄雞棄
毛羽鴟鳥自顛墜生平墮文字卽此成障礙默坐窺無始庶
幾象光會

別田綸霞少司農

有母不能養何敢漫爲高在苒五十年豈但生一毛躬畔旣
無田服賈少錢刀人事日乖舛浮生皆憂勞作活苦依人強
顏多鬱陶三月長安來塵土盈縕袍五月住天津早濕困波
濤重來秋已深轉眼冰雪交舊山不歸去徒然驚風颭入門
慰老親行李羞蕭條何以謀春酒黽勉愁山肴惟仗燕許詞
卽是英瓊瑤昨日辱高軒尙爾臨蓬蒿側聞立朝宁侃侃持
風操大節秉堅貞喬嶽難動搖如此賢哲流一言賴深褒感
激發中腸特爲申長謠再拜辭大臣鴻鵠尤哀號到家過山
雪黃精生春苗

方綱按保
去聲誤平

王赤行舍人招飲賦謝二首

蓮洋集

卷十四

七

舍人冰玉姿卓犖抗塵表新詩獨清綺芙蓉發夏沼十年最
相慕夢想頗顛倒何期逢上都春風方浩浩共拚杯榼間痛
飲失昏曉牕外白桃花一株對窈窕無端迫行色又去海門
道咫尺何悠悠書問遽杳杳重來秋已深坐訝新霜早階前
黃破菊渚外紅收蓼相尋不相值轉令情擾擾昨日枉書札
期我述懷抱歎息說勞生世事何時了躬畔計不就育母日
以老豈是浪游時一言怒如擣百拜請佳句登堂申誦禱去
矣遵養色翔翔賦鴟鳥
斗酒不爲薄盤飧兼鱖魚薺蘿蔓前楹宛然山中居四壁何
所有無非詩與書門外車馬喧細塵亂空虛門內若無人披
帷樂有餘苦云厭繁囂欲掃蘭蕙盧晴昔過錢塘湖山媚絲

蔡小住吳峯頂有如登華胥紫陽有仙蛻青衣幻清渠中夜
起長嘯波光盪蟾蜍此時未識君獨處空躊躇今日碣石傍
相歡集簪裾升沉願勿道且與揮碑礫

留別宮友鹿

甲己何人集健筆肆豪達偶然一寓目漸訝神氣猛從此引
勝地不覺燭數秉韓孟各分疆皮陸同一礪闐然奪玉局百
斛珠泉湧曼倩頗俳諧長孺實骨體胷中原五嶽泛愛實幽
冷才多不能閒騁驥願一騁擾擾縈塵中心事果誰領相賞
劇相憐急往復相梗天寒我且歸去傍居士嶺感君毒母辭
相送益耿耿片言酬久要珪璋束藤屨幾金石志千秋與
同永

蓮洋集

卷十四

八

胡按察茨村以四五百竿竹二三千卷書爲圖屬題
一咲浮雲視一官梨花香裏曙驚聞只須名酒藏千日況有
脩篁擁萬竿世事早拋雞肋味風濤不犯虎鬚灘因緣惟是
牙籤富鄴架縱橫較量難

陳陟齋給諫叢蘭雙枝合藥繪圖索賦

聖代稀封事看分階下泉低時如帶雨密處似含烟莫訝三
珠樹休驚九品蓮連枝仍共夢競與謝庭前

赤抒舍人用杜竹深留客處荷淨納涼時爲圖奉題
家傍蓮花峯下住當門千仞青蓮花時有仙真共來往飛入
三峯凌紫霞夫子早年已聞道也種蓮花滿池沼聞來竹下
引涼颺肯向胷中留熱惱荷衣蕙帶意悠悠豈有俗人能往

來池上忽然捉坐席定是蓮花峯下客

東張靖菴

同來碣石館古驛見梅花實從此俱集樽罍何待賒人間逢
勝日天半有流霞痛飲不知曉黃金動曙鴉

東王西淵僉憲

生平秉微尚苦爲塵緣羈尋常山水間馳想三我崑夫子昔
奉使乃在西南陲金疆玉壘區處處留新詩歸來暢一讀如
與青城期分携今幾年雲泥益乖睽比者來京華重得瞻丰
儀直聲動朝野百僚肅霜威噦噦鳳凰鳴高占梧桐枝昨日
命樽酒話舊情依依所嗟宣巨公瓦器無豐資食藥不言苦
清風忻永垂最念別緒近兼逢雨雪時故人非惡客半羶勿

蓮洋集

卷十四

九

相貽

陶貞白先生余久仰其道風欲圖畫脩敬而不能得
其真汪玉輪太史招飲於屏上得真容石刻太史欣
然相贈賦詩紀事

貞白先生吾最羨十齡便讀神仙傳青雲白日本非遙只爲
塵緣錯當面先生異操屬天成讀書萬卷心鏡明徧歷名山
訪仙藥星筭草隸無不精永元更築三層閣每聽松風意寥
廓菩提親証阿育王符經早受係遊嶽心愛其道想其真願
見先生七八身神儀明秀知何似朗目疎眉心所親南沙太
史丹臺客招我街西分坐席忽驚屏幃有仙容宛到金壇華
陽側華陽當年稱隱居細形長耳世少如出處真會誰能寫

金石劉來竟不殊更感南沙有高致屏間移贈真難事啟處
如扶鸞鶴姿漬時尙帶烟霞氣精虔捧奉亟回還耳畔雲笙
縹緲間移居恍過積金洲止息皆爲句曲山廿年心事一朝
送風素欽崇同道味當年原有兩天人依舊香爐吐烟穗

簡江補齋太常

九真山人王孟穀來往金鸞館中宿荒圃三疊泉頭朱悔人
近與京華迭主賓耳熱酒酣向我道盡說高懷出雲表從來
賢哲心所親况與荆樹分芳春却憶栽花傍湖縣至今歌頌
南山遍一朝驄馬向天行動績已是名公卿方將禮樂調元
氣卽入台階振履聲昨日登堂踐冰玉如水臣心見淵穆長
安風雪浩漫漫尙念西州趙元叔

蓮洋集

卷十四

十

寄張方伯

投分何殊弟與兄參差常恨別離輕病來尙喜詩能健老至
惟憂道未成海畔再過堪一咲雪中歸去又何營惟應獨傍
車箱谷依舊重尋衛叔卿

題仁趾禪定小照

親到天台度石梁往來行處此康莊藕絲不是藏身處現出
蓮花是道場

迎新城公

朝出國西門車馬何聞咽幽人獨殊領遠望前山色翠嶽益
明迥已盡前日雪夫子濟上來丰采共高潔慰藉憫衰顏生
事難遽說所欣敦道素不同望塵謁

題梅淵公黃山畫冊八首爲陳子文

木葉已盡脫惟餘石氣青此中銷浩劫只有一茅亭
懶雲橫山腰怒雷起山足千道百道泉一問兩問屋
碧玉作屏風蒼蒼沉落照孤亭阻白雲終古無人到
髮髯見樓臺千峯萬峯裏終古有桃花人間咤流水
老樹盡爲龍陰陰吼巖岫難分風雨聲只有雷霆關
雷雨久縱橫風景忽瀟灑出沒龍魚龍張樂洞庭野
嘗訝丹青不可升青雲白日望騰騰豈知別有通天路只在
蒼巖最上層

千仞蒼崖百道泉槎枒老樹隔寒烟何人尙解安茅屋或是
仙人馬自然

蓮洋集

卷十四

十一

又題小冊

大半碧樞杖罡風弄澎湃誰將玉井蓮携來種黃海蓮花峯

俞貞女詩

有序

貞女海昌人父大竹令雍來許配武原張大行疇亭
子芳潔未字而芳潔逝貞女奔赴其母阻之投閣必
往守志十年繡蓮經全部繼子再卒遂畢命焉

海昌有貞女奇節高千載十年雖從容一意貫慷慨當其發
心初金剛永不壞所天何不造春風早狼狽惻惻貞女心一
聞痛肝肺誓將往奔赴相阻拚玉碎入門肆號咷麻衣濺紅
淚轉念未亡身殉歿未爲大還當補孝養前死少愆慙再撫
眼前兒有後功益倍其如天降酷再立再殞貞女意已窮

神傷魄斯墜同作泉下游九原告無愧却計十年中孤芳濯
沆瀣繡出妙蓮花十指天人會自是優鉢羅一現爲世瑞墮
地百苦集天乎女何罪貞風動朝野天語驚輦輦庶幾金石
堅永永勵時代

潞河遇江魚依水部

昨日發國門北風一何勁鱗鱗潞河水百尺層冰凍幸有素
心在十載契魂夢驕馬晨相過握手顏色動豈無大倉粟但
支大官俸清風達尺五竚作和羹用惟我困行役寒月走梁
宋所惜卽分携雪壓霜枝重

到津東張振宣

兩月留國門霜華集葦岸昨日始過歸不及與良譙梅花尙

蓮洋集

卷十四

三

馥郁竹葉尤惹荷偃息羣書間清言對忘倦

東王建侯

有客來國門感君遠相念惠我瑤華音宛如見君面昨日始
歸來明燈語忘倦從此屢相過何曾失良譙

東孟生

井里周旋共一壘巢雲有路入山烟洞中蝙蝠如冰雪甲子
誰窮混沌年

東馮名儒相期招隱

欲定山中居往來山前道幽人在南郭備說山中好水田三
百畝繞澗盡梨棗柿稅比茶租人情少機巧連年厭城市抗
志況雲裏勿慮買山錢有緣卽可了相期三年中結隣共難

條

雨舟

客路湘江積雨時黃蘆低岸影參差三春歸盡衡陽雁難託
東風寄所思

潭州口占

一月瀟湘竹下亭鄉心愁對雨冥冥夜來夢入巴陵道失喜
南風滿洞庭

潭州遇李屹瞻前輩

夫子罷官久高懷人不知相逢湘水上同過落花時世事只
如此天涯何所之猶能藏斗酒醉讀屈原辭

贈彭子載

蓮洋集

卷十四

三

丈夫偶相值片言心已傾學方勤古處身久薄時名西閣鴻
留雪南陔鳳隱笙翠微天際遠常望少微明尊君躬庵
隱居翠微

贈王漢行前輩

開府琴樽一月同素心真見古人風巢鴛合在三珠樹射虎
曾關九石弓漢行里居會
自號一虎此地懷沙憐屈子當年遺愛說文
翁北堂萱草勞歸夢坐對湘波怨蕙叢

陸雲士至潭州阻晤四首

郊郭城南風雨時故人相見各含悲猶能使院燒紅燭花下
移尊聽竹枝

風穴千年寶地幽相期咫尺不同遊桐花一路隨流水剩有
題名在上頭

一月瀟湘似病僧官街幽僻避中丞
竭來飛下王喬鳥欲問仙源
地不能

草檄羅含心幾灰江郎彩筆對江梅
長沙白昔多才于大半承明散後來

送韓子用

瀟湘雨連月辛苦到潭州又向燕山去
如君何所求春殘無燕子寒重尙貂裘
驛路逢明月何人共倚樓

雨中登岳陽樓

白雲滿南嶽隨風來洞庭波濤仍接連
坐失君山青却上岳陽樓愁心晚冥冥
飛仙不可招殘堞盤飢鷹我生何勞苦
萬里如流萍艱難思往哲誰能安心形
遙舉野竹綠俯掇春蘭

蓮洋集

卷十四

西

馨千年花與草不獨怨湘靈

四月

四月湖湘芳草鋪竹枝夾岸客船孤
長沙自昔傷心地親向

青山聽鷓鴣

雨後登長沙城樓

雨過江城濕薜蘿青山脚底客帆多
愁中轉畏逢漁父強作滄浪解事歌

湘潭

初夏南風吹客帆遙相望推篷見山色
竹木何青蒼漁子倚石根收網出蘆荻
白鷺傍人飛水底淺波翔吳鹽比霜雪
銅盤紛羅將入市勝筍蕨鮮鱸難具
豈雖復異風土頗亦宜稻

梁願言買茅屋且住衡山傍

江上雷雨

嶺霧州作堆江濤雪成陣雷雨豈冥冥
祇覺蛟龍迅飛鳥各場翼豺虎亦逃遁
坐持一卷書聊用慰孤憤

嵩雪五叔祖解官居湘潭賦詩慰藉

夙昔懷洞庭南來拾芳草况復吾宗彦
作宰名譽早春初理輟策不惜涉遠道
方苦塵飛揚旋驚波浩渺雲中黃鶴翔
天際君山小瑤瑟近湘靈將無慰憂惱
世事奈推遷生涯轉枯槁我翁卓魯績
直道翻下考江潭賦閒若拋書坐清曉
十年今再見悲喜互潦倒落日鎗銀刀
明鐙酌松醪字搜戢山扇文辨瑯琊稻
雖復共寂寞頗亦窮幽討俯仰宇宙間
何事可

蓮洋集

卷十四

五

常保泥中龜曳尾雪上鴻留爪世人苦
較量無乃道力少拂衣聽山鷓忘機玩
鷗鳥九畹蘭正滋百畝蕙猶好坐對風雨
閒靜然耐獨巧長歌金石聲抗志重雲表

韓中丞署中喜晤羅宏載比旋賦別三首

十日巴陵道三春官閣中干戈殘堞在
琴酒故人同夢失梅千樹愁看惹一叢
登高猶有賦飄泊爲誰雄

入洛已非計浮湘寧所親江花工咲客
楚女善留人久識詩無敵新看畫有神
祝融千似色落筆羨嶙峋宏載納姬近益作畫

聽雨聞紅燭將離更踏歌轉憐輕去就
還囑慎風波白髮交情重黃金意氣多
天涯知己在貧賤竟如何

道源按家藏先生墨蹟此詩第一首六句看作當第三首四句還作深附記備考

偶筆數飛舸

閉門閒出太匆匆小倦歸來意倍慵床上殘書風不定花鬢吹在硯池中

康伯可

建炎十策氣崢嶸豈與屯田共姓名却恨兔絲變松柏晚年贏得五羊成

潭州賈太傅祠二首

濯錦坊前太傅祠行人立馬見花枝江鄉誰係蒼生望只合烟波卷釣絲

古井猶存舊宅荒誰能蘋藻一登堂乾坤剩有洪爐在鵬鳳從來枉較量

蓮洋集

卷十四

去

竹嶼

竹嶼灣環抱水亭蛟珠不定菱荷青阿誰輕撥蘭橈入打破春塘百子萍

道源按家藏墨蹟此詩無竹嶼二字題目連上二首總題曰潭州賈太傅祠三首第二句菱荷青作荷錢青附記備考

贈寧鄉令

爲愛仙人王子喬才名製錦楚江皋琴聲坐接湘波靜見影行看漢殿高百里歌吟聞輦路九重恩寵賜官袍瓜畬山下容招隱欲借閒田種碧桃

潭州雜詩三首

潭州一住四十日親見巴帆枕上來嶽樹盡從朝雨綠湘花

更著晚風開

方塘周匝菱荷青爲愛城東水上亭却怪漢南官柳樹楊花吹盡又浮萍

無數蜻蜓上釣竿花枝照眼水漫漫牆東尚有閒田地猶可添修鴈鴨園

江亭感咏

江風曉猶寒粉堞碧生蘚徘徊池上閣五月桐花晚淹留惜歲月坐卧憑書卷故國隔烟水白雲勞望眼峯陰嶽寺深帆影湘波遠鹿門懷耆舊采藥同不返吾生豈貪鄙浪跡自乖舛戀戀北堂心一日千萬轉狼藉城東田何人躬負畚

贈益陽江明府辰六三首

蓮洋集

卷十四

七

觚稜初日照瞳矓春草何人賦宸工腸斷北宮一分手斑駁誰送杏花東

醴陵才調本清華百里分符傍釣槎卽有聲名動英主漢廷仍召賈長沙

濱江東下接滄浪白鹿啣花到講堂獨欲匡廬看形似却愁飛瀑撲衣涼

簡朱時菴

鸚鵡洲前春水時辭家芳草碧如絲一載羈栖未歸去十月霜凋漢陽樹昨日鄉音到宛邱家人無恙稻田收人生何處不爲樂一咲尊前傲五侯

遇朱悔人時作匡廬圖

我聞匡先生夏禹之苗裔受道於仙人迹跡殷周際渺渺宮
亭湖七嶺藏幽異雙闕開石門飛瀑遠搖曳芳林雜靈藥香
爐上雲氣吾子啡東浦遙情托高寄寫圖上三疊古貌高僧
契萬有但鴻毛造物等兒戲胡然就手板五斗尙縈繫嗟我
衰病餘千里輕一至豈非家食艱其此百年累相過舍人宅
傾倒暢竹次縱橫論終古卓犖撒蒙蔽窗外白桃花且作今
朝醉

題三疊泉圖二首

峯高闕巍霄漢間天風吹下玉潺湲琴心三疊胎仙舞願取
飛流證大還

久識桃椎居士身拍肩也似雁門人不咲不可以爲道絕倒

蓮洋集

卷十四

六

同看曠叔春

爲蔣靜山孝廉題朱北山畫牡丹五首

昔日曾過潭柘寺名花今在上方山天香自有仙緣分恰在

綠楊紅杏間

鹿苑分將鹿胎種名僧端解贈名花靈根不汚軍容宅異采

宜栽宰相家

姑射神人冰雪膚休疑山澤太清臞豈知紫府園金帶別有

天然富貴圖

褒斜谷口洛陽園一人彫闌氣象尊相對檀心最相賞須教

重墮玉昆崙

玉崙崙詩句
超靜山詩句

中條山下及時開移向城中悵幾回今日學君養花法到家

先築避風臺

壬戌早春病中漫成遣興

轉眼青陽歲已除避風猶自似鷄鵲雙林大士還行道元嬰
先生不廢書尤樂漸聽鶯語近簪花喜見燕來初城東菜甲
知多少破悶仍堪一荷鋤

里中送韓翌宸

有序

癸甲之交識翌宸於長沙幕府意氣傾倒歡相得也
自此離合之際動歷年歲升沉之感更復惘然庚辰
嘉平再過蒲坂把握譙欵欣戚交并甫獲申歲寒之
心詎遽作春明之別依依楊柳青未盈條惻惻離亭
紅翻掩袂敬賦長句聊當歌驪凡我同人皆宜奏雅

蓮洋集

卷十四

九

當年扁舟青草湖寥落江上稱窮途艤舟更傍黃陵廟把酒
長吟兼獨笑烟波風雨浩茫茫無衣客子垂空囊鷓鴣聲中
歸不得躑躅花前神暗傷伊時中丞開幕府再拜軍門色先
沮豈知延禮出尋常留我華堂迭賓主翩翩公子冰玉姿橫
梁江頭工賦詩座中更有文章客李白此瞻羅含宏載皆在
茲彈指年光歲復歲盛衰之際心如醉豈但客子如轉蓬歎
息繁華已遷易美爾公才迥不同步武方追舊鼎鐘官階不
失中郎貴雲朔仍留萬石風可奈繁霜忽又早題鴉一鳴歇
芳草世事還驚掣電飛人情更訝狂瀾倒昨日新從浦口還
家門却北客中山雪中鴻爪雖難定海上鵬雲終不閉昨日
臘雪暫相駐今日春風又復去梨園梅藥惱人花大河楊柳

傷心樹更念高情爲我留金昆玉季情綢繆取歡便可鸛鴒
舞貫酒不待鸛鴒裘刺促無端道傍別青絲玉壺轉愁結鸛
聲猶凍谷口雲馬蹄已破中條雪噫吁嘻人生聚散本無憑
但能努力終飛騰榮戟原是君家物十年仍可大中丞

寧陽周太師母年九十餘善詩而健喜而詠之以當
登堂之拜也

太母年九十康健不用扶將無有道然豈但天乘殊太母於
吾母其義猶爲姑小子別庭幃今已九月餘夢想念慈顏惟
恐色不愉忽聞太母健其心怡然舒太母九十既如此吾母
七十必安居歸述太母吾母前卽以太母爲母娛吾母聞當
拜太母遙遙東望整襟裾太母有道授吾母臨風端望北來

蓮洋集

卷十四

三

書

題姚玉階西湖感舊詩後

六橋烟柳拂衣塵蘇小墳前芳草新寶馬香車空有約風裳
水珮摠無因神傷偏在湖邊路情種方爲我輩人更有誰來
作寒食梨花如雪認前身

蓮洋集卷第十四終

蓮洋集卷第十五

河中吳雯天章著

後學浮山張體乾確齋校

贈姚玉階二首

巷南巷北時相見展齒從教徧綠苔客裏猶能具珍膳花前
幾共發新醕名家世重尙書履逆旅人驚宰相材更有茂陵
佳麗在千金專待長卿來

簾外終南青刺天諸峯幾處似龍眠愁中夢感三生石醉後
詩翻萬斛泉偶以名僧留雁塔便隨芳草到樊川歸來又作
聯床話書卷閒拋意颯然

謝姚玉階送筆二首

蓮洋集

卷十五

一

每見薑芽羞歛手也貪薤葉學垂風不能虞監隨緣好筆墨

精良願褚公

君家的有鳳樓材割愛偏能送得來從此快刀能斫陣便應

題徧栢梁臺

寄答趙臨潼豐原

幾年事行役來往驪山麓繫馬垂楊下歷覽做心曲古殿山
出泉陰厓火生木此時誰與偕俯仰感幽獨使君何日至遺
風化頽俗嵐光暎綬帶山鳥下庭竹閱世發長謠懷人動遐
矚嗟余久倦遊索居歎雌伏迢遙念良晤有如車錯轂昨日
潁川客新詩把盈軸欣見大雅作高懷軫空谷一言感知已
不辭再三讀沉吟宇宙間素心尙有屬風義高雲霞人才等

穀玉罍塵忽欲盡勝過湯泉沐安得矯雙翮更傍華清宿

再示昉思

世事從來少定形須彌未可藝飛螢般音有辨復無辨鯢化
南溟更北溟欲殺何嘗非李白聞歌誰更識秦青豕零雞墜
當時藥業貴新傳又秋苓

余有虞鄉口號曾寄正阮亭先生家弟來汴道及送

子文絕句因謬許鄙作有黃絹之賞遂再賦此亦竊

附唐人本事之意云爾

入洛游梁事不齊傳來新句感幽棲山人此夜還山夢扁鵲
祠東絹市西

心契無爲身未能栢梯山寺賺閒僧相參有句仍無句裴廸

蓮洋集

卷十五

二

終當避右丞

過汜水

北風響巖壑戰壘生黃雲我欲江南去悠悠正念羣霜乾桑
柘老日落虎狼聞愁對一樽酒長謠望夕曛

寄呈梁日緝先生

我聞王右丞早悟無爲理辭榮入輞川豈愛林壑美偃坐事
清齋不仕亦不起先生淡泊性纓紱宛脫屣愧我昔相從未
能窺終始於今緬素風高山切仰止何日遂擔簦一測龍潭
水

讀仙傳

千載聞風張益州早年曾與傅霖游天真喪盡虛名失低看

希夷頂上頭

題聲百小照二首

羽扇閒拋鳳尾垂綠苔玉樹覆新枝風流即使論江左阿大
中郎更是誰

習習涼風吹畫屏枕流漱石鳴前汀悠然物外情何極檢出
瑤函九箴經

笨山舍人忽登太華驚詫記實并示梁于芝梁

吾家大河側太華庭戶前肉重不能登荏苒三十年之子東
海來千里何翩翩朝停嶽祠下暮陟三峯巔明星與玉女俯
視兒孫然况此冰雪時危磴雲中懸飛鳥不敢過奮勇凌蒼
烟鐵船今有無齒齒或拘攣明滅洪河流混混星漢連最愛

蓮洋集

卷十五

三

落雁好斗絕虛空拳瀑布幾千仞凍合寒光纏琤琮時一聞
有如箏折絃往來青冥際身已躡重元下不見猿猱上已無
飛鳶咫尺卽樊桐呼吸帝座邊毛女夜窺人叔卿曉張筵便
應酌天漿醉伴希夷眠胡爲辭金庭又復來井廬語我上方
事如述珠宮還釣天聞廣樂石髓溢瓊田一食可不死詫我
貪生涎東海有梁生學佛機亦圓骨瘦而好奇恨不試輕儇
吾子素驕情登塔苦回適今茲峯頂行鬼神實後先駭歎當
再拜服子猛且堅信哉無垢心獨往乏遷延却傷筋力衰日
減濟勝緣春來青柯坪鼃勉衣一舉不然一室內冥默心如
淵游神於八表聊當鸞輪旋

宿慧果寺

萬感清秋夜愁聞玉漏長無端如中酒不盡爲思鄉燈暗秋蟲入風酸桂葉香長歌雜短咏若箇解行藏

慰劉如南大令

風木有餘痛歸來掃舊廬但憑吾道在莫訝世情疎皆養千尋竹波藏尺半魚蒼生正引領端賴治安書

雨亭王公雪中旋旆喜成二十韻

于役晉陽天歸途密霰懸山中瓊作樹河上玉爲田鳥鼠迷空谷關城近冷泉人家增爽塏樵路失蜿蜒送臘梅分額先春柳破綿坐來消玉馬行處撲金蟬擁騎寒侵袂微吟凍入鞭歌樓薄酒力僧舍就茶烟思欲追梁苑才應美惠連汾陽懷帝子姑射對神仙黃竹謠寧述幽蘭曲已傳潔清鵬并素蓮洋集

卷十五

四

浣濯鶴同鮮長養資調變陰陽免伏愆風雲瞻氣象珪璧契方圓每仗陶鈞力常叨造化權本然懷潔白更取勵貞堅值物寧移性班形幸自全袁安誰枉轍江革尙分氈徒領風人旨難酬郢上篇豐年知有瑞先報上公前

白常家山入鳥鼠谷

道力固不勝世緣亦多累山行雖云勞尙有山中意紫萼發秋花白鳥撲岩翠朱欄石上閣碧瓦水邊寺小坐高樹間風雲盪何次耦耕者誰子盤盤勇不憚抱犢願未能負畚情終遂大笑誓山靈吾豈塵中士

集石林編修山館

藤花開已闌殘香墮塘水聞君下直後日對清陰美宛宛崇

坂蘭耳茸幽磻芷客來風軒開雨驟池漚起移尊鳴鳥靜撫操潛鱗喜高霞乍明滅忽照西閣紫莫憶粵中山前溪一峯是

姜郡丞西齋卽事

閒堦竹影玉玲瓏冰簟新涼午夢中草色分來鸚鵡綠花枝奪得錦官紅樓臺忽過蓮峯雨併餌遙聞麥隴風更向高齋托長嘯襟期猶許故人同

山路口占

熊耳山前路三年記再經野花今日艷芳草舊時青雨寺三生石風簷九子鈴悠悠洛陽道空說短長亭

鳴玉洞巖下見牧者

蓮洋集

卷十五

五

金華山下想經行叱石成羊太幻生今日相看皆世外令人疑作許宣平

潮橋新柳

潮水滌洞無限春橋邊柳色倍關人纔驚日裏搖金縷旋訝風前颺麴塵畫閣遙連看不厭紅亭沉醉折休頻楊花漸大如飛雪點入波心是白蘋

原上麥

頓爾歡農麗青青四境中扶持菖葉雨長養杏花風綬帶看寧似裙腰望亦同紛紛拾翠客切莫悞城東

新豐酒

走馬新豐道青帘映玉壺十千那用惜一醉實難圖韋曲猶

紅雨成陽但綠蕪高樓何處宿楊柳正啼鳥

宿吳山寺樓簡嚴灝亭先生

蕭蕭暮雨急寒襟獨倚高樓少四隣江上龍巖悲鼓角下方
燈火散星辰梅花何處三更笛寒食無家萬里人不是相逢
嚴僕射天涯誰念草堂貧

齋居

瓠落何須慮大樽蕭然無客欸柴門春秋未習嚴彭祖紀傳
常輕褚少孫下澤幾曾驅款段長河終擬溯崑崙雷聲太白
連朝急次第墻東過雨痕

秋日再過王官谷十四韻

表聖幽棲處白雲解鬱蒸典型終古峻頑懦百年興空谷何

蓮洋集

卷十五

六

人到孤亭我再登欄花纏細石巖樹曳高藤危磴千峯翠飛
泉萬仞水清暉聞白雁爽氣擊蒼鷹詭激寧傷直徘徊轉見
宏哲先迷柳璨節已信王凝龍紀辭榮早鸞臺飲社曾有懷
方墮笏無礙任分繪花苑誰留客苔龕尙見僧避喧勾漏並
絕粒首陽仍勝日詩堪述秋霜史亟稱只今書劍外何處得
良朋

謝方山先生雨中以所編德州先賢傳見貽賦答

一雨綿綿三日餘深泥滑滑絕行車高人未過應懸榻公子
乘閒好著書柳絮欲沾金屈戌爐香輕裊玉蟾蜍襄陽耆舊
方成傳文彩風流衆不如

過大鹵訪傅青主先生時已移居緬然有懷卽書此

寄意四首

松莊州樹十年餘寺路相逢笑下驢今日重來渾不見白雲
深處又移居

發願文成道力該植波羅蜜與修哉人間始見瑯琊筆爭買

鼓山扇子來先生近發願以筆墨作
檀施之助人爭取之

伎倆當時豈蝨魚閒情燈火夜意虛年來萬事如流水不復

潛夫更著書先生小記云前猶復蝨魚伎倆不忘一句
一字之音今則朝久作金粟園觀相耳

京洛無端迫客塵也知瓊瑤是前身幾時得遂東林約金粟

園中兩道人

閻學李湘北先生有 聖代求賢之作傳和紛然酒

次出以見示余自揆謏劣何能揚扞盛事但自述所

蓮洋集

卷十五

七

遭而已并呈先生四首

逕開黽黽學隣虛巖壑朝朝信所如 聖代自多優異詔微
才真媿治安書觀光未敢違先達作賦還當念遂初回首舊
山冷猿鶴桃花流水亂春渠

故人清切白雲司愛我陽春郢上詞苦欲上書共徐樂不教

下第歎邱爲陽居久矣忘爭席司馬何須更入貲看取凌雲

新賦好幾人先到鳳凰池

十年曾着遠游冠辛苦真同蜀道難頗有文章窺賈誼實無

鹽鐵比桓寬金甌本自無傷缺玉壘方期早奠安頓使河清

頻入頌

君王含笑五雲端

鄉里常隨馬少游上公偏有白雲求可能輦下留方朔先使
人間笑許由草野邨知千古事 朝廷自有八紘收玉杯漫
道天人策牧豕公孫萬戶侯

過雪客署齋飲卽貽名搨數種賦謝

騎馬城南烟景迷欵扉城北衙齋低官厨飯熟晉祠米着便
留客烹伏雞玉壺滿傾桑落酒盤中雜薦棗與梨故人薄宦
貧轉甚鳳凰那得羞卑棲惟有好竒興不減冥搜屢上青雲
梯石壁尋書剝蒼蘚懸壺索異鏡黃泥貞觀飛白構敏妙天
成手勅窮攀躋好詩真見玉局子妙墨頗訝房璘妻三年得
此稱廬仕如何分我勝提携酒酣耳熱發浩歎聖賢蟻蟻理
亦齊古人難追日旦暮世事不定雲東西君方苦思鍾山遊

蓮洋集

卷十五

八

我亦心慕正貽溪摩詰丈室掛瓶鉢金丹大藥攢刀圭何爲
鹿鹿白縈紉春蠶作繭雞駭犀便從西竺閱龍藏早向南華
參馬蹄武夷高宴會孫輩幔亭瑤草春萋萋

同阮亭先生坐方山司寇齋論詩先生遂爲書古

今人名句竟二長幅喜而作歌

辟提先生才調奇風流真具天人姿文章磊落妙一代作字
更欲追繇義殘墨如金自珍重豐屋不取珊瑚貴貴人往往
多責望遷延終以不能辭昨日偶過謝公宅琉璃硯匣盤蛟
螭先生入門一笑粲高齋茗椀浮春枝談藝輒抽簡編亂運
腕時見精神披豈因斐几便點綴恍如練帔呈淋漓跂脚飛
灑露敏妙羣鴻鬚遊天池突兀拙迸冬筴擗娟靜細引春

繇絲遙情忽述大人作隨意閒寫家風詩須臾神明煥兩紙
欵然修禊山陰時春蚓秋蛇態爭出家鷄野鷺言何卑嗟我
貧困走京洛身無長物空低垂一朝捫載得至寶木難火齊
勝携持世間耳食邨辨此公殆天授非人爲碌碌門薄廢時
日今朝不負千秋期歸來什襲俟終古會有後日揚雲知
題李元中畫記後

答友四首

朋好日以遠村墟甘隱淪山中拾橡客河上緯蕭人之子能
相訪盤飧媿未陳更聞欲攜手仍共結芳隣

蓮洋集

卷十五

九

昨日勞書札瓊瑤紛見貽出入在懷袖尙有虬龍姿我欲急
裁答遲迴無令辭折梅風雪裏聊以寄相思
却憶陪遊日聯鑣澗水陽雲中見雞犬世外有畊桑帶雪谿
藤古經冬水荇長晚來酣白酒卽此是陶唐
獨坐賦招隱君歸又幾時相尋苦山雪遙贈得瓊枝豹隱猶
文彩鴻飛尙羽儀繁霜滿正月行矣慎前期

簡王翁超公

城東有別業乃在中條麓每當風雨時常坐萬竿竹蒼鼠松
上緣白鳥花間宿人生亦何爲遠宦空碌碌何不賦歸來山
中啟茅屋

懷儼若

念爾佳公子將爲萬里行艱難終意氣清白益詩名衣著枕
椰雨舟看海嶠晴鄉書何處達無雁共南征

送韓維藩入都二首

東風難遽別車馬若爲攀寧戀鶯花節終還鷓鴣班紅傾蒲
阪酒青入薊門山但看賢豪客從來幾箇閒
正喜慈幃健難藏有用身况榮雙桂樹真是兩麒麟問本崔
盧盛文宗董賈醇長安得佳句先寄大河濱

懷薛舍華

謝客辭蓮社劉惔依桑門嘗飽伊蒲饌兼資清靜言之子滿
泥胸世事因觸藩獨能棄滓穢食息藉山蓀朝逢樵客語暮
與道者論讀書佛燈下漸覺澄心源揭當過巖洞與之證風

蓮洋集

卷十五

十

旂

爲節齋林子題畫卽令姪煥文作四首

君是當年阮步兵君家小阮亦知名蒼巖點作桃花色也似
安期灑墨成

蓮花洋裏鐵蓮花皈向潮音是我家君在四明山下住可能
分補舊袈裟

種種顛毛久負慙便應彌勒與同龕浮生五十二年矣正合
南詢五十三

百城烟水浩茫茫歷盡波濤識舊鄉羨爾生身三佛地坐看
紅日上扶桑

簡漢陽朱時菴

花雨繽紛點石頭涼風習習度簾鉤久知奇氣吞雲夢且與
閒情坐宛邱燕壘依然留舊夏蟬聲忽已入新秋相期道業
無窮極莫任年光似水流

勵志

昏昏醉夢日浮沉難處方知用力深不是梅花香色好如何
鍊出廣平心

題趙叟小秋善琴

共城有一士七十無心想家依嘯臺側門開百泉上竹裏每
醉臥山中或獨往但携一壺酒不知展幾兩有時揮五絃萬
壑秋濤響我昔泉上游久欲就蒼莽買山苦未就徒然增慨
慷相逢感夙心且與共偃仰

蓮洋集

卷十五

十一

題莫亞夫先生小像三首

補袞卽是仲山甫浣墨還同王右軍比似當年蘇玉局相隨
賸有兩朝雲

玉骨珊珊秋水澄讀書萬卷氣飛騰文章事業龍門傳能活
千人後必興

四十年前玉貌存八千春後道尤尊晚來喜讀參同契安穩
長生教子孫

簡輔公別駕

墨花香浸玉蟾蜍載酒常過有道居檻外波光浮桂楫林中
展齒集華裾無雙品藻中朝望第一家聲太史書更向風前
調錦瑟五十絃多恨不如

題畫

解是何人解結是何人結欲透祖龍環須仗雙寶鐵

題張愚谷宛邱署齋

十笏維摩室退思參政堂治仍汲內史郡自古淮陽卧閣晨
星淡垂簾細菊香若論稱畫舫郭外亦滄浪

錢塘元夕酒歌

吳雪茸茸不堪把霞光斜抱吳山下美人歌舞春夜長黃河
不怕靈虬瀉茶黃烟滿沉香樓翠環約指彈箜篌主人既起
客既醉百年此樂其蟬蛸朝來好載魚笮海魚射死三山
去

吳中懷古

蓮洋集

卷十五

三

鐵網沉妃子黃金鑄大夫不須麋鹿恨流蕩滿姑蘇

越女

憔悴浦中蓮低聲問遠天裁衣拋白紵漬淚掩紅綿蜥蜴盤
深字真珠寄短篇年年花事近空立苧蘿烟

滎陽有懷

芳草芊綿接鄭州黃鸝飛上夕陽樓當年錦瑟誠何意一半
詩名損玉鉤

折孤山梅花

梅花近人種已及梅花時芳樹惜搖落春山携一枝齋禽窺
野鬢湖水照寒漪留取其寂寞東風休便吹

又雨

海氣日爲雨蒼茫下北樓還看野橋側清冷眠沙鷗未許便
歸夢徒然增旅愁梅花何處落辛苦入溪流

戲爲西崑體二首

鐵鎖高垂閉綺寮藥珠宮裏上真朝梅花只許留宮額楊柳
誰教紉細腰檻底芙蓉歸寶鏡簾前春雨得生綃傷心最有
秦樓客隔斷紅雲聽玉簫

朱雀窗前曉色開玉鉤窈窕碧綃迴日高有客看花去夜半
何人鳴彈來故把秦箏迎醉拂漫將越練就燈裁春風十里
耶溪路細得西施不用媒

讀史三首

延喜樓前畫角愁楊枝五曲寵行輈如何再造終難得旋使

蓮洋集

卷十五

三

君王不打毬

畫霧冥冥濕未乾東都已毀舊時壇錦囊漫道酬三矢直得
當年翡翠盤

王莽河邊射雁回鞠場樂府競新裁誰教逆矢迎黃甲一代
笙歌付劫灰

留別汪禹吹

春風吹草色幾日滿江南嗟我汭流去思君轉不堪烟花隨
極浦舟楫識晴嵐無限臨歧意雞香望早含

送齊益賢

船下廣陵郭人歸清潁亭江干纔握手溝水卽浮萍愁對春
田綠誰憐蕙草馨皇天終老眼會見出沉冥

白石精舍

初日寺門暄微風塔鈴響殿水餘滴瀝谷鳥悅深廣樵聲來
遠壑竹影交銀榜寂寂下庭陰回身禮金像

早發袁浦

久作越鄉客悠悠今始歸移舟向前浦宿鷺烟中飛世事渺
難問故山仍採薇翻愁經歲別不辨舊漁磯

南山

我欲歸南山南山可招隱昨日聞鵲鳩芳草江南盡春榮復
何處徒然上蚯蚓石髓似青泥莫使隨風隕

東路作

我行東路長宛轉萬山裏猿狖羣叫嘯麝麋互騰倚晨霧隱

蓮洋集

卷十五

古

高岫夕端帶芳芷野鳥啣花來紛紛落紅葉浮雲表越觀春
草沒秦時在昔尙封禪兼云求不死只今惟東風吹蕩生藤
蘿洋洋古大國太公著遺履胡爲亦渺然賢愚同已矣撫膺
一長歎涕淚灑清泚事業會有盡何況行路子牛山與雍門
古人非徒耳也勉勵明德大化任長理

澗峪口

出郭不五里霜林回馬看落葉紛前路始知山中寒竹露濕
衣袖松雲下急湍窅然空谷裏一爲採紅蘭

送友

春風舊山好君行偏此時尊前言未盡林外馬長嘶芳草關
門迢迢楊令尹祠江南梅正發莫惜寄南枝

懷景子蜀幕二首

銅魚洲前沙磧黃海棠川上山簪香訟庭左右賓人住一夜
歌聲慘白狼

十年筆硯將能事文彩風流每自誇萬里橋西浣花宅好持
佳句弔殘霞

長安初春感咏四首

明月娟娟滿畫軒天涯萬感對黃昏纔將杯酒酬人日又擬
新詩作上元

十二金門平旦開縱橫玉勒早朝回笙歌日暮能留客誰道
公孫不愛才

山公沉醉謝公遊妙選新聲起越謳解得中朝人士意從來

蓮洋集

卷十五

主

絲竹晉風流

槭槭霜林少定時東風吹動隔年枝白藤書笈青絲馬獨有
傷心沈亞之

答鉅鹿王子

愛爾新詩好三春遠寄將情寧蘭味減思與白雲長我亦煩
書札青天付雁行爲言懷鉅鹿每飯不能忘

客樓雨中

山雨正當樓濤聲苦不休自然愁旅食况復感深秋翡翠鳴
寒竹鴛鴦冷暮洲寺鐘仍攬客早晚過溪頭

又題

青青楊柳雜溪雲千仞孤城澗水濱日暮暫歸樵採客天晴

時見浣紗人

洛川望嵩陽作

洛水有清流嵩陽有高樹身名苦爲累惆悵未能去藤蘿紛
在眼魚鳥適幽趣青蓮萬古宅玉女峯頭住何人騎白龍青
天走雲路

雨中招友人飲

積潦冥冥苦不開遲君展齒破蒼苔鷺鴨小兒付書去鸞鶴
仙人載酒來翡翠欲巢窠座席櫻桃低影入深杯來朝新霽
山應好一日須看一百廻

梅尉

我愛南昌尉逃名赴空谷朝從雁蕩遊暮就飛鴻宿大藥一

蓮洋集

卷十五

七

入手控鸞謝宗族遺語傳至今多知乃爲毒

平遙野望

極目平原宿草衰無邊秋色雁門來縱橫野水灌嬰廟突兀
寒烟吉甫臺繞指當年存苦語聞雞何處見奇才晚來浣得
愁千斛仗有葡萄新撥醅

寒雨從河東公行

秋樹雜紅旗綿山西更西乘傳慚駟馬日膳附雙雞積潦歡
魚鱉重陰咽鼓聲昂藏悲駿骨難惜錦障泥

寄訊監水雷公

玉山何崔嵬藍水復清淺使君善爲政案牘雜書卷有時侶
猿鶴何曾擾雞犬圻聞宣黃麻召使露軒冕繫余孔李誼素

交喜通顯盈盈阻衣帶有懷徒凌緬近亦迫公府幽夢傍銅
輦氣誼托蕭朱客來諒重爾

王官谷訪薛氏兄弟隱居

曉日上王官林烟一帶寒司空遺舊谷之子樂棲盤飛瀑水
千仞修篁雨萬竿浮生復何爲只說住山難

天柱峯

空谷良非遠招携亦自豪轉忘千徑曲陡見一峯高峻欲卑
三詔峯下有亭尊將俯六鼇崇巖真可仰一爲薦溪毛

東瀑布

東嶺鬱葱龍逶迤下玉龍香巖通一線雲窟簇諸峯石髓飛
逾冽天漿挹更濃捫蘿發長嘯初日看高春

蓮洋集

卷十五

七

西瀑布

坐臥西巖下層水落絳崖三春常夢雨十月忽聞雷到眼雲
光近當頭雁語哀何須浣冰雪姑射有靈胎

丹陽觀

寂寞丹陽觀崔嵬天柱峯已無雲際鶴猶見水中龍仙蛻藏
珠塔靈風拂桐松三生如可證同聽一樓鐘

拜司空遺像

緬邈先型遠皈依舊德尊凍禽窺石閭野鹿到柴門赤舄風
何古黃綾詔尙存像着赤舄有童後凋見松柏千載着靈根

公祠前有
柏生石上

韓陵石

韓陵一片石千古恨何已當年巧言動天柱狡黠終成反側
子導人不義覆人家如此鬼謀何足誇可憐甲仗齊熊耳走
死松柏真堪嗟一興一廢渺難覩冥冥漫道盡無主赤蛇早
使懾蒼鷹青雀誰教變鸚鵡種柳旌功滿清渭黑獺差能快
人意

蓮洋集

卷十五

六

蓮洋集卷第十五終

蓮洋集卷第十六

河中 吳 雯 天章著

後學浮山張體乾確齋校

遊棲巖寺六首

危磴一百盤巖風蕩林藪滴瀝石門泉飛作人間雨
行處白雲隨山花復盈把鐘聲帶雨聞一笑石幢下
地僻殘僧少秋深古殿陰了然空萬象何處着三心
仁壽古塔存歸然在高嶺山風吹夕陽一片琉璃影
渺渺望川亭河流亘其下秦渭元不分蒼茫但原野
古洞何幽幽墨延有遺像神龍性已馴並入蓮花網

清明河東署中作

蓮洋集

卷十六

一

二月二十有二日云是清明禁火時寄語曉風寒簌簌莫教
吹盡海棠枝
楊柳毵毵含嫩烟高齋兀兀抱書眠此身未便三山去辜負
桃花萬里天

咏史

乞得檳榔又苦饑一朝富貴復危機也知福厲渾相倚肯作
丹陽老布衣

劉穆之

表解荊州恨若何射堂遺趾嚙江波壺食自古傾人命莫向
英雄惜子鵝

劉毅

次東光

入郭氣冥冥春燕沒縣城草迷三月雨花惜玉更晴雲與錦

帆去風隨穀浪生幾回臨山水腸斷庾蘭成

山中渡漳水

濁浪嚙山根橫流太匆遽已無銅雀臺猶向鄴城去

行次口占

蘆荻滿方塘青青不盈尺梨花遶路飛頓使征人情

寄李臨川時郭山人還特附之

汾水騎人李百藥臨川內史謝康樂種花當日滿西豐對酒

而今坐南郭南郭先生識者稀心與白雲無是非我亦棲遲

臨姑射題詩特附野人歸

入晉懷長安諸公十首

浪跡無端入上京也教詞賦動公卿從今好繡平原像莫更

蓮洋集

卷十六

二

長吟瘦馬行

中朝愛客推司馬龔公海內談詩仰石丞王公每憶花時留

穎水公劉公嘗愁雪裏送鄢陵梁公日緝

啟事歸來晝掩關論詩謂我似青蓮難忘大小歐陽體溫語

時將勉後賢同里杜公振門書法率更父子

紛紛詞客日相誇大雅堪憐委亂麻每怪玉遮古情性而今

翻覺未聲牙汪公茗文

琴酒何曾累一官清思厚力砥狂瀾相過便覺塵心盡天半

我唱雪後看程公石隴

王叟顧叟致不惡山史寧人屈郎李郎才亦希翁山武會典型未可輕

遺老投分由來有布衣

陽羨書生乍相識題詩送我歸中條久無體格追風雅尚爾

風華掩六朝陳其年

阿大中郎舊有名相逢杯酒太匆匆郵亭數見題詩處知爾

歸程過宋中彭中郎

雨聲激楚清秋時讀爾從軍塞上詩四坐一時齊感激不須

急難鄉中兒李天生初未相識但于阮亭先生處讀其塞上詩百韻心甚異之後聞李武會云赴一故人難

不憚數千里外倍道

聚散驚心不可裁天涯雲水思悠哉何年樽酒梅花約重向

昭王百尺臺

讀張子振詩輒書此以贈

見獵復心喜名心終不休如君猶未達嗟我更何求禹穴空

蓮洋集

卷十六

三

延佇燕臺幾去留丈夫憑彩筆少婦怨箜篌日月消詩卷風

烟失釣舟秋生蝴蝶夢寒戀鷓鴣裘珠樹前身識金蘭晚契

投家隣張籍宅賦入仲宣樓壯士雖鷹眼書生尙虎頭檄方

推傳永才正貴楊修綬合啣雙鳳車將駕八騶升沉看已定

再問赤松遊

訪隱者不遇

白雲滿前山山門亂溪水幽人何處尋立久聞松子

忽忽

忽忽年華二月中春風不惜海棠紅浮名於我真閒事好着

青裙拜木公

飲劉氏後園

芳草芊綿滿逕生雙柑斗酒趁新晴主人愛客客忘醉况復
花間二月鶯

洪洞將歸中條

世事真如蜀道難相逢惟可勸加食春風走馬中條去猶及
東堂看玉蘭

張兵馬招踏青

春雪融沙岸庭梅曉笛中有情堤草綠無意海雲紅酒榼鄉
人語帆檣異國風羅浮花信早天際幾歸鴻

聞阮亭先生由戶部郎中改官侍從二首

瑯琊家學本無窮天挺英姿更不同事業已聞多際會文章
今始見推崇宮人盡說元才子天子頻遷戴侍中入直那

蓮洋集

卷十六

四

教早歸院金蓮嘗撤御筵紅

頻道新恩下九天相過特地一欣然敢云賢人五百里的有
才名三十年從此但棲天祿閣不須更算水衡錢由來獎士
元暉癖猶問人間寶劍篇

題杜少保園時雨中過

暮雨蕭蕭百一園上公別業倚雲根千回流水不知處一逕
野花開到門

留別苗實菴先生

舍人曉直明光宮觚稜掩映朝曦紅舍人晚宿城南舍曲巷
無人空繫馬十年曾讀舍人書相逢肅肅今楷模雪中分手
北風惡何人更唱白翎雀

謁軒轅宮

軒轅有遺宮寶閣臨秋水涿鹿功既成鼎湖恨何已碧草綠
玉階下馬薦芳芷騎龍事有無欲問廣成子

漫興二首

宇宙何寥寥山海錯奇構樓觀五雲中琪花燦靈園中有不
死人晦明無旦晝波濤間白雲旗捲輜輶走下視塚累累何
人得長壽

南海鮑太守白雲非世情早師左元放繼遇陰長生煮石度
饑餒留刀入杏冥井識曲陽兒館留勾漏甥至今石子崗雷
電秘精英撫卷見遺事因思滄海行

見曹正子綠水送春帆之句偶贈

蓮洋集

卷十六

五

春帆一片曉雲開綠水鱗鱗盡舫來重見江南腸斷句不須
低首賀方回

簡家雲青時數見過皆不值

一日一相尋相知多素心重煩立芳草蝴蝶春烟深嗟我歸
何晚虛君返舊林來朝省塵事端聽鳳鸞音

風中發三首

風沙苦終日河水碧鱗鱗楊柳傷心樹斜吹曉渡人
名心終不盡浮生果若何風前直沽水吹作往來波
瓔珞前身是風雲此日心從新作鈍鐵展轉入雙林

贈孫郎

晴日正娟娟春風二月天雲中雙雁急海上六鰲連酌酒繁

花底讀書芳草邊還看宣室詔宮錦踏吳船

贈展有三

君住中條古礪旁落花流水送寒香有時斲藥尋溪叟偶爲吟詩坐石牀織女機中窺錦字神人海上與青囊何年携手崑崙頂萬里仙風玉笛長

雨後作

積雨無人過深巷歎偏側今晨晴稍開遂至古原北汨汨碧流駛漠漠秋烟織白雲忽欲盡了辨前山色登眺頗俱宜欣賞良已得正有高飛鴻凌風振雙翼

過王氏村居二首

晨興遵河隈連崗何紆徐行行林屋繁知近幽人居入門意

蓮洋集

卷十六

六

自傾呼兒掃庭除有酒重斟酌肯使清樽虛西峯夏雲滿不飲當何如

庭花有佳色夏木繁清陰紫樾醉鵲鳩黃鸝多好音人生會有役難愜幽居心撫此長歎息空懷梁甫吟

宇宙爭馳驅大半在溫飽驕泰非我心富貴有何好聞道頗有年拂衣苦不早坐讀良友箴自顧益草草時李子元升詩銘在儿多止足之商山多紫芝還期躡緇舸

河津即次二首

木葉下寒景秋光浮遠空獨憐汾水上正有孤飛鴻粉蝶青山外人家夕照中寥寥天府靜吟嘯坐墻東

野鵲語相逐蜻蜓飛復還每因人境寂恰剩客中閒苦節叢

篁碧寒花細菊斑秋風不相待先到穆陵關

汾上宿

汾水作春冰寒沙集雁鳴不知鄉路近猶怯晉陽城

和觀月

萬里辭青海蛟龍冷夜眠若非秋桂落錯認曉珠圓

宿蒼陵峪

谷樹蕭蕭受晚風水螢輕颺小山叢今宵秋思知多少盡付寒流亂葉中

哀毅魄

錯較心不懲終思戰場利夜半挾秦弓深閨夢中至

同劉淵澄文學登廣勝寺

蓮洋集

卷十六

七

嘗懷天姥峯數夢雲門寺塵緣苦拘束奇光黯胸次霍太俱靈剎取適聊一至上見浮圖高下見碧流駛積壑連春陰終古一蒼翠沐浴成寶光下方驚舍利石流水伯踪薛鮪文皇字更有拾翠人紅袖翩然異湍瀨多元芝端使洛神出流觴近芳草日暮客皆醉好將山水緣續入十洲誌

渡汾陰謁禹廟

蘭秀在中澤涼風吹國香我行渡汾水秋思一何長寶鼎雜青蒿樓船空夕陽惟餘疏鑿力千載不能忘

汾陰道中

汾陰祠下路雷雨撼雙松幾日復重過風雲感舊蹤晴蓮開白帝濁浪走黃龍何處朝天客齋宮動午鐘

尋李十九武曾不得其居

蒼蒼秀州郭，藹藹桑田繁。君自燕中歸，何處閉衡門。鳴禽交岸竹，野水縈山樊。藏名知者稀，轉畏孤行尊。洲前橘林秀，曲港沙鳥喧。應有山居賦，注餘方灌園。

廣陵留別孫無言

黃山歸何日，猿鳥皆望君。我向中條去，花巖弄白雲。浦沙晴照舫，江樹曉含暉。握手不堪別，悠悠鷺鶴羣。

簡唐叅塢先生

名譽恥相下，況當衰晚年。世情盡如此，夫子今不然。獨許近詩好，時稱先達前。深慚無所致，轉見古人賢。

河上垂楊歌

蓮洋集

卷十六

八

垂楊堤上垂楊樹，楊葉楊花作春暮。有客傷心挽碧絲，愁聽河聲向東去。河聲東去不勝悲，楊花一夜成空枝。如何暫見芳菲裏，猶向人間綰別離。

見華陽道人蔣虎臣先生壁上和女郎詩題其後三首

問道華陽句，曲仙布衣粗糲學。枯禪如何也有閒情賦，寫到青樓燕子邊。詩中用閑盼事

看盡名山杖古藤，蒲團夜坐冷如冰。只今綺語留金粉，尙爾天花着定僧。

曾與芭蕉作晚叅，三生慧業入瞿曇。老來飯閣無消息，重向峩峩掃舊龕。

回村中雨阻田家

生平讀損益，豈曰昧出處。俯仰苦不給，遂與素心忤。幾回入城市，未能却公府。騎驢南山來，連崗阻風雨。主人潔芋魁，頗勝具雞黍。比隣聞縑車，庭槐陰機杼。覩茲田家樂，彌覺行役苦。濁酒飲且歌，一爲歌猛虎。

途次懷歸華山覓諸隱居

未遂金庭隱，營懷石戶農。幾時結茅屋，日坐青芙蓉。夢歇關門雨，心空嶽寺鐘。自雲最相識，來往宿蒼松。

宿義棠用壁間韻

澆潯橫汾水，波光動雀離。龍斜山麥短，石迸野藤欹。乳燕朝唧唧，棲鳥晚護枝。天涯先一醉，莫問夜何其。

蓮洋集

卷十六

九

汾上述懷

悠悠日行邁，川途事凌緬。雨氣乍有無，山色遞深淺。人生會有役，辛苦自黽勉。性本嗜閒靜，何嘗冀纓冕。自緣無舊業，微名亦飢道。方悔鞿臂鷹，更笑縑車繭。盛世重璠璣，微才豈瑚璉。先達謬見推，公府強充選。諒乏平津策，信有稽康嬾。歸來麋鹿羣，仍與恣游衍。擲筆嗒然笑，山雲正舒卷。

過有道祠墓

仰止人倫道，不孤中郎碑。老沒寒蕪艱，難獨惜瞻烏。語不及同舟李大夫。

途次感懷三首

宇宙何茫茫，陰陽杳難詰。萬物付亨毒，變化每愁疾。天吳幾

移水義和數敲日人生無百年苦欲較得失何不息心去保
此金石質縹馬聞風岑造化探微密努力勿遲遲韓衆已得
一

青溪一道士云是鬼谷子無心坐白雲已得長不死借問何
以然其要在知止輪席歡愛間勿悞喬松理

上古忠名多後世患名少嗟我茲行役亦爲微名擾力畔既
不能讀書復草草獨有麋鹿性每欲事幽討何日山水緣長
嘯滄洲曉

五里庄次小修壁上韻

客眠愁未着誰復孔賓呼馬上來紅樹風前悵綠蕪友思天
下士隱憶列仙儒沙岸顏新雨縱橫亂曉途

蓮洋集

卷十六

十

平定山中同王寅若行次並上州守張筠園先生

淵草溪花不記名嶺雲啣雨作潮聲千回流水縈行騎一路
看山到郡城筆札尙煩公府召袴襦真見使君清辛勤幸有
山陰侶坐看明霞放晚晴

懷山堂

山中有草堂未得山中住白雲不讓人占盡讀書處

故關

豈是能閒不肯閒勞生今復出重關山中舊壘雜烟雨城外
諸峯如髻鬢宿鳥乍飛芳樹底曉鐘忽墮白雲間年來羞道
終童事隨分隨緣一往還

匏齋黃葵同方山紫海兩先生作二首

匏齋風咏清如水葵子花開淡似秋先有遺山最標格曾將
金色愛間浮

日日城西便忘歸北窗秋色雜清暉坐看五疊湘裙軟賤煞
人間羅綺衣

聞本培先生改集雲阿爲菴

桐川好山水維摩古性情一朝證無爲萬事皆浮萍只今鹿
苑寺齋鼓留清聲先生金粟身暫托宰官名妙悟合易簡上
士本何爭別業條山陰葯房結構精風雲識幻化竟作蓮花
城始知大猛力坐使癡頑驚題詩數讚歎寶樹學經行

御史魏公名雙鳳歌

御史大名垂宇宙節義文章肯堂構致主嘗思堯舜前立身

蓮洋集

卷十六

十一

豈屑夔龍後聞道生申入夢奇天邊鸞鴛雙來儀自古神靈
降恍惚九苞六象光陸離以此皇揆紛內美肇錫嘉名識原
委間氣真爭日月光精微妙得乾坤理伊余昨日長安來悠
悠輦路空徘徊無端蜀道憐高詠長者車轍先蒿萊孤鶴飛
飛悔塵鞅何處相逢羽蟲長梧桐棟實君不辭願隨靈鵬青
霄上

題王幔亭春風把卷圖二首

家園池北多春草妙句星河比惠連天際星河倒入池先生詩句可池公極激賞之
見蓮洋天地自能容野服鸞花不禁入芳年應逢世外許元
度的是意中葛稚川我亦幾番求大藥丹經一卷正茫然
鬚髮蕭騷已帶星男兒五十事全經不思章綬繁華紫愛踏

郊原芳草青天上翔鸞方接翼花前舞鳳又梳翎神僊備盡
人間福纔許曾孫宴幔亭

永寧大令峻公修明府攝篆潮城折簡見招遂贈

二月還中條道出陸渾山欲尋元滬水遙望鴉鵲關使君擅
清譽才名滿人寰爲政山水鄉心閒物亦閒修竹映庭戶泉
聲如珮環延想未能去神往青冥間何期使君來乃在大河
隈手種兩縣花題詩雞鳴臺盈盈隔衣帶瞻企良悠哉好音
忽西下字字瓊瑤瀉古道邁流俗欣然懷抱寫理拙急相過
相歡金叵羅鳴琴對清畫相和懷仙歌荆山縹緲碧雲裏
曉尚憩廣成子仙風道韻皆眼前莫使浮名悞精理使君使
君高義今所無我欲相期聞風扶木之清都至道昭昭言甚

蓮洋集

卷十六

三

著與君且讀參同書

寄答鉅鹿楊臨三孝廉

我聞荷旣人無心驚有道古之相知外流俗神遇豈復同草
草先生正屬孟家隣聞聲之慕情何真黃花千里寄高咏風
雨開緘愁鬼神嗟我蕭然守環堵五嶽不從徒苦何日南
識紫芝鵲山共入食雲母昨夜薰風拂檻來桐花鳳子雙
徘徊廣阿菱藕碎冰玉憶爾忘機荷葉盃有客有客欲東下
歸鴻正好煩書札借問相思何處多粘天雲樹愁銅馬

方綱按札人聲
不問押人馬韻

爲全車同題畫扇四首

畫爲李君世臣作

翠羽明瑤照遠天遙情還念苧蘿州浣紗拋却閒時節特向

江南學採蓮

支離病骨笑于鵝丈室維摩意久灰偃坐如何天女至多應
特爲散花來

姹女河邊最有神飛空恍惚絕埃塵只須鍊得黃芽就能使
蛾眉識主人

鹿門採藥事如何隨侍鸞臺也未多九節菖蒲蓮嶽近相迎
玉女下巖阿

青士明府招同車同游南山下備書所歷以志勝槩

策馬沿長溪路與溪聲轉卉木何青蒼田疇亦葱蒨烟火出
重岫牛羊散秋澗林深鳥乍飛雨久厓忽斷尋壑情轉怯渡
水日猶眩歎从淤泥沙喧呼起驚鶴川途遲滿足山色歎當

蓮洋集

卷十六

三

而荻葦遙一叢中央宛堪戀古祠列階庀賓友奉几案揖讓

登複嶺提携上別院果蓏紛雜沓杯錯頗凌亂情見野人真
政美使君善石磴扶始陟雲峯近方辨軒轅跡未賒鼎原俯
郊甸山河勢綿亘今古想昏旦嗟哉洪荒時巨浸莽洞漩大
地本積水摩盪激雷電高卑漸分割水土利靈奠至今巖壑
間螺蚌遞隱現指掌分晉秦杯舛瀉江漢商山隣紫芝峨嵋
傍惟嵒世畀一葉物何足侈壯觀至人有妙理清淨窮變幻
我生太勞勞五十力久倦聞道不能學徒然成汗漫昨辱折
簡招更與山水讌登高飲未足同座復珍膳龍湫在肘腋涼
玉浸瓜瓣云曾富菱荷今已盛藤葛卽此咫尺地境物駭屢
換如此不痛飲真爲達者歎醉飽竟不辭嗤笑任羣彥晚歸

仗燈火執轡增顧盼益當沙路側如下雲中棧因思人間世
喜懼每交半近城聞街鼓聲聲催銀箭下馬坐華軒餘勇轉
自笑剖瓜汲新井再當得無算

方綱按帶字字書音變帶也不與惟字連用此詩所以誤
者山誤讀周禮惟幕帶綴之事其字音釋久亦不從絲不
知天章何以舛誤至此

高行菴翁至白桐栢

桐栢山中三日路翠栢長松靄烟霧終日行行不見人真是
仙靈棲隱處我翁新從桐栢來盤回巖壑心肯開相逢先述
桐栢道啣杯尙愛山中好城外山光多白雲也如桐栢含氤
氲白雲即可留翁住不須更向桐栢去

讀史雜咏三首

蓮洋集

卷十六

西

陳留董仲道卓犖脫朝轡頗亦慕榮祿何曾甘蕨薇一朝洛
城北忽見蒼鷺飛升堂發浩歎介石明先幾典禮苦文飾將
無公卿非深藏語同調阮謝失因依荷擔竟入蜀偕隱遂不
歸

我愛東臯子高懷狂亦狷春秋釀美酒時藥養鳬雁老易置
床頭北渚幾游行待詔門下省良醞庶堪戀乘牛經酒肆輒
復忘昏旦有時白牛溪陶然樂親串酒經比南董盤石列羹
饌醉鄉誰能記五斗自爲傳坐召嚴君平刺史那得見惟有
招之欣欣往無貴賤機士任撫髀內熱恐貽患未肯談糟粕
實欲契冲澹遺風不可追仰止發三歎

渭南草臺東栢里有遺墓當年號多智身後尙知處如何困

犀首鑿穴少差惡人周轉形拙釋蒲豈非誤長樂與未央百
歲信多據不應眉睫間有似墮烟霧至人洞道源萬象自呈
露交交偶猜度或亦任術數吾願師顓愚何思復何慮

貽雷萬蘇二首

來往虞鄉山市中栢梯寺外野棠風高人只在王官谷笑看
飛泉雙厝紅

沈馬村東一頃田買山未遂意茫然羨君自具山中樂勝處
居然小輞川

喜霽四首

一雨連朝積翠苔登樓喜見夕陽開青山無數明霞入一道
長河日下來

蓮洋集

卷十六

圭

手把參同學閉關風風雨雨意闌珊晚來忽報浮雲歛看盡
湖城面面山

展南沿階肯暫停荷齋踏遍又前汀也因採取紅蓮好特地
衝開九子萍

颺西老栢何年植溜雨參天四十圍相伴正宜千歲鶴凌空
剛見一雙飛

歸中條留別佟青士明府

使君其懸解默契窺象先舉世不能知惟吾信其然昨日相
從鼎原上秋色茫茫見高敞明月欲吐藍田關白雲乍入仙
人掌吁嗟世界纖毫間化機出入皆等閒真源氣母不可問
徒令手指輪奐般明日歸來舊山塢再學十年向君語

留別全車同

邾邾有奇士已破萬卷心未已朝來看山秋原上日暮鼓篋
明燈裏有時半醉寫胸臆詞源真倒三峽水昨適邂逅鼎湖
傍正逢黃鵠盤青蒼可憐鴻漸困雙翼仰觀三歎神昂藏明
日分手潼關道願爾翱翔天路早翱翔天路信所如還期寄
我山中書

晚歸

鼎原猶夕照谷口秋烟生歸騎緣南澗前山蟬亂鳴野花垂
晚實叢菊抱新英是處堪招隱何人識姓名

簡張迥凡

閒坐高齋日幾回秋花遍向小山開檻前最愛涼風入天際

蓮洋集

卷十六

六

剛逢早鴈來奇字問時宜載酒雄文草就許登臺每當憂樂
關心處知爾真堪宰相材

寄姜西溟四首

名世由來道不孤鵬飛今已振天衢宮花徧向簪時艷難芴
方從殿上趨蓋代文章原有價掀天事業豈無徒大才難用
真爲用不復長歌擊唾壺
先憂後樂願寧乖溫飽何曾係本懷舊使書簪天祿閣新教
紙貴洛陽街直廬入處仍棲鳳闥行來始驟駟從此蒼生
重繫望臚傳聲已慰同儕

幾載銅龍自慨慷一朝重致姓名揚蘭因出谷香尤遠橘以
過淮味更長爭喜青雲真得路休言白首只爲郎家風亮節

傳青簡再見新梧振鳳凰

忘年分誼獨懷君問字天涯寫練囊每接鸞音到空谷新看
鳳舉入高雲封書北闕芝親檢時藥東臯草自耘車笠誠知
有真味雲泥那便此中分

西子 華林姜公屬賦

響屧廊前夜月孤葦蘿村畔沒寒蕪已教舊恨傷麋鹿又肯
新愁入鷓鴣鐵網皆云沉寂莫黃金任爾鑄模糊江東救得
無餘事那復扁舟共五湖

明妃

不把黃金買畫工進身羞與自媒同始知絕代佳人意卽有
千秋國士風環珮幾曾歸夜月琵琶惟許託賓鴻天心特爲

蓮洋集

卷十六

七

留青塚春色年年似漢宮

綠珠

蓋代貞心蓋代姿皎珠百斛價難追已拚知己借金谷豈肯
才人嫁養廝壁月沉時香未冷彩雲散後夢何之當年也有
翻風侶不識春風又付誰

太真

人間天上兩茫茫傾國傾城恨最長何處玉妃留別院尚教
憶沉香漢宮自喜同飛燕春色爭誇似海棠七夕牽牛
私誓在同心願只屬三郎

虞姬

楚歌一夜動悲涼百戰空嗟霸業荒子弟皆知歸長者美人

御解報君王江東日落埃塵散原上春歸墓草香回首五陵
烟樹盡千秋同作恨茫茫

蓮洋集

卷十六

六

蓮洋集卷第十六終

蓮洋集卷第十七

河中吳雯天章著
後學浮山張體乾確齋校

九日華林姜公邀游萬固雨阻

採菊朝來曾有約無端積雨近黃昏便應對酒留官閣不用
看山到寺門簷際漸聞喧鳥雀林中還念辨風旛但教清興
無增減支許隨時可共論

送葉東溟南歸省母二首

忽爾歸南國秋深念北堂但知勤定省豈復計行藏別判花
千朶飛同鴈一行關心鱸膾外雙鯉敢先嘗

最愛金閨好曾留縹緲峯涉江今不到常念采芙蓉將母輕

蓮洋集

卷十七

一

千里懷人思萬重幾時危坐處特爲訪茅容

江辰六刺史假寓荒齋留詠依韻答之

尙肯高軒過依然見素心旌交叢竹密徑掃落花深露井晨
生潤雲山晚送陰披襟話終古自愧鳳鸞音

過解郡江刺史留飲署齋再和答贈詩

三更頻剪燭真意尙陶然道味親南郡經生愧服虔詩分朝
爽氣酒中上春眠若論千秋業端憑彩筆傳

寄全車同

高人不相見但隔崑崙水相思何處可逢君河上諸峯宛相
似中條常接鼎湖雲日日看山卽對君池塘春近生芳草明
年期共洛陽道

送曹綠葭之平水省候謝公

白苧城邊春欲歸夢見春江春燕飛丈夫一言感知己那得
遲迴念鄉里朝來且向晉陽道馬上吟詩盼芳草河東太守
季布賢忽毀忽譽何紛然

九重尙重股肱郡行當召君依 紫禁吾子勉矣在此行當
年原仗曹邱生

簡謝趙章侯將軍立春日招飲

今日立春春已入簷際春風便習習將軍高宴啟轅門斫鱸
燔熊衆賓集當筵百戲間瑤笙急管繁絃繞畫屏玉瓚頻傾
千日酒金盤眞歷五侯鯖將軍名閥湖山上玉季金昆坐蓬
閤氣懽千夫意不驕書探萬卷神方王秋來秉鉞大河濱蟠
蓮洋集 卷十七 二

謝聞喜趙峻飛餉藕米二首

董澤汪洋萬頃蓮高情惠我藕如船加食更餉桃花米已擅
人間種玉田
學仙蓮嶽鐵船迷獲稻何曾似灑西賴有故人雙贈我裏糧
眞可躡丹梯

贈邱誠若羽士

臘月陸渾花未開白驢騎向雪中來憑君傳得中州信先勸

金鷄酒一杯金鷄別館宜仙客控鯉琴高住應得作金妙理
果何如我願細問衆同書

寄張栢巖

二月復無雨東臯方灌園坐息竹林下遂見湖城山交加條
與華東南則鼎原鑄鼎有仙意白雲猶閒閒自晒憂歲心春
來戚朱顏百年只如此何日方爲歡歎息寄同調再訪桃花
源

題高長郎潤章小照四首

冰雪聰明瑤玉姿相逢公輔早相期卽看把卷神凝處漂麥
端應也不知

無慾方爲王佐才瑩然何處着纖埃他時若闕平津閣記取
蓮洋集 卷十七 三

曾經物色來

鄭谷村南買數椽生平償願在飛泉閒傾北渚春秋釀細讀
南華內外篇

畫裏山樓意不羣長松屈曲拂高雲相逢便訂山中約新笋
生時我待君

過李霖蒼山居二首

修禊是今日盤回曲水濱桃花偏笑客楊柳故迎人入道嫌
多累看山不計貧藏舟信天地悟道却前春
五十浮名悞鶯花別舊居名山是誰宅修竹卽吾廬活水宜
烹茗春風好著書洞中高臥久野饌薦溪魚

柬張內翰宸錫

霜天事行役幾日客中宿何如無事坐齋心閉茅屋塵累本
多牽生理更難足夫子著作才真心事克復禪誦窺象罔踐
履慎幽獨昨日命朝飡道風尤肅穆床頭一壺酒階下數叢
菊偶茲息羣妄歸去坐修竹

簡姜青若

秋來日日多新咏咏罷新詩共舉杯山色正當紅葉盛年光
又近菊花開五言屹有長城勢丹穴原非百里材今日高軒
仍一醉崑崙觴仰小蓬萊

別元彥兼訊儼若

寶劍雖在匣蓮花生光芒夜夜斗牛間奇氣連天閭吾子英
毅姿千夫誠莫當走馬黃金臺飲酒邯鄲倡閑襟自揮霍誰

蓮洋集

卷十七

四

能遏清狂下筆更飛動有作輒一囊還期謁

至尊奏賦動明光雄文人不達失意空摧藏將無裝賓鐵百
鍊成干將留連東海隅時序感青陽蕭然對官舍慷慨終激

昂一朝訪知已云去金莖傍折柳春雪前此行亦倉皇中丞
本清白公子妙文章相逢道珍重素心原不忘若問山中人

早晚歸草堂

詠白梅四首

鄧尉曾聞萬樹深移來猶自影森沉如何開向冰霜後端爲
生成鐵石心友鶴最宜邀遠寄調羹亦可答知音他時煮酒
當閒話看取青青子滿林

水天屈曲托靈根猶喜春風入坐溫繡幕燈來纔有影雕窗

月到更無痕香浮東閣仙郎宅夢入江南處士村醉後不辭
頻酌酒也同玉女洗頭盆

南枝不用恨無媒早向春前次第開燭暈紅時明懶隨蟬光
滿處長珠胎當筵恰對一峯雪照水何須兩岸苔珍重纖塵
都不到巡檐那許凍禽猜

橫斜展轉不成憐世內緣同世外緣歌罷霓裳看宛爾酒餘
仙珮想珊珊雖非隴水皇華外恍在靈巖梵頃前欲共優曇
較香色含章可似額珠圓

贈世瞻

長爪畸人隴西客春曉踏花錦囊濕天平書記才翩翩真珠
密寫芙蓉篇袖遡風流俱千載遺韻鏗鈞入遼海鳴綠春波

蓮洋集

卷十七

五

射日紅長吟短吟氣益雄昨日身經夷齊墓黃雲黯淡北平
路題詩刻入青琅玕門外花枝照眼寒歸去沙場聞立馬紫
塞驚鴻飛不下

送元彥南歸

見乃謂之象一語已得悟豈非無事中善惡橫呈露惡固彌
戾車善亦須彌柱若云無善惡此又岐中路君歸皖公山楊
花正春暮選官與選佛二者本無悞繁華固爲累枯寂復何
據年來傾素心警策仰高步一朝千里別又復遠騶馭富貴
汝固有豈爲世俗慮望子以前修快得環中趣

送張子之北平

少小具異才出將爲世用萬里始發軔雲路逞威鳳砥礪亦

有時聲價一朝重從此且及物存心務沉痛相送垂楊下寶
馬嘶珠鞵醉宿盧龍塞四月花枝凍他日若相思好寄洞簫
頌

張子招同諸子園飲

芍藥開已闌藤花發修梗共醉藤花下花落杯中影前溪漁
網集別館吹簫靜茫茫平野色風綠幾千頃鳩呼柳外烟燕
掠沙邊井爲對素心人陶然暢風秉

送薛二吉

皎皎海濱日嫋嫋津亭柳君行芳草時蝴蝶生馬首濠濮有
真意堂構兩不朽仁義本蓬廬萬物乃芻狗吾欲問披衣已
知天倪否

蓮洋集

卷十七

六

送藍謝青入都三首

菖蒲曲水綠難齊繫馬垂楊望眼迷莫道海壖閒屐齒青山
爭候國門西

溪山點染對晴霞美擅西泠自一家摩詰才名仍不忝還看
題遍蕊宮花

結想名藍訪定僧石橋松樹挂寒藤九華半臂金堂約待乞
君家畫白綾

送顧華峯舍人南歸時以午日重過海門二首

故人零落恨何之猶把楞伽幼婦辭偏繫念惟端午日最傷
心是合歡詩湖邊野服裁新製眼底青山得舊知從此專鱸
堪入饌申屠應與共脚卮

張水嬉仍見牧之重看香杵續新辭谷簾泉好曾參謁舍人
竹爐曾有應山谷簾之句夜合花開罷賦詩金馬才名狂客散斜川風景
酒人知劉盧猶道同仙籍尚待秋深嫁玉卮舍人以嫁女約
秋晚再來燕也

嘯竹軒爲梁崇此賦

近海苦無竹君移何處陰爲看清影好不覺落花深掩映琴
書色消融去住心琅玕方結實迅發鳳凰音

送冀涓公太守

大忠爲有身無身患豈滅苟能真無患身有何分別夫子握
化機妙得還丹訣不壞世間相神理自充悅莊敬乃日強屯
蒙無異節憶昔蘇門游鸞音聽寥泝今復海上逢沃我裁眉
雪解纜悵須臾轉使心如結歸坐南風前花枝有鳴鳩

蓮洋集

卷十七

七

還中條別鑑文師

屢過齋厨飯猶分般若經有機酬鈍滯無諍樂沉冥潮夢關
門白山迎驛路青重來應一笑大海總浮萍

題念藝舍人緇染小照

分作金華殿裏人還應瓊瑤記前身從來有相皆虛妄那便
僧伽是本真

留贈馬衆瞻三首

高齋一枕傍潺湲說似閒時未是閒何日真能閒去在扶筇
看遍秣陵山

家近蓮花第一峯一年鄉夢隔芙蓉而今歸去峯前住盼爾
書來到礪松

舍人才調本張華梁鴻書自一家莫漫淹留留亦得庭前
正發小山花

偶意

晨興天開霽白雲北窓外覩此片雲起矐目發深慨忽憶巖
居時蒨鬱遍松檜今復海上逢何異山中對世吟本一如境
轉成芥蒂吾欲去浮雲瀟灑聞天籟

贈壽熙王山人

君家光福山前住飽種梅花千萬樹等閒高臥夢亦清枕上
鶯聲任來去憶昔曾作江南游伯通廡下足淹留與君恨不
早相識醉捉包山月下舟豈信奇緣在東海紅蓮幕府如相
待痛飲春風白紵歌踏破瓊瑤見神彩嗟余種種成華顛夢

蓮洋集

卷十七

八

想猶戀江南天具區三萬六千頃拚欲釀酒呼蒼烟縹緲雲
峯林屋洞買山也把梅花種每到花開便踏歌花前呼爾開
春甕

讀表聖絕句

瀑布漫天濺蕙芽丹梯石磴少人家幾時閒却臂鷹手真下
吳村看杏花

飲丁荷峰參軍署齋時同元彥笨山芟梁部山諸子

有道且薄宦悠然滄海情賓筵交雨氣官舍傍濤聲天上佳
公子江東老步兵登樓仍半醉詩思各縱橫

送劉伯恒

姑射山前千里雲行人北去雪紛紛沙邊繫馬沽羊酪柳外

搖鞭指鴈羣鄉樹迷離懸甕近關城迢遞冷泉分到家遙念
圍紅燭桑落頻傾曉漏聞

送芝仙

有客晨叩門入門顏色苦問客亦何爲少小去鄉土讀書東
海濱頗已窮皇古四十四萬言曾不救貧窶久游轉益困入
室笑瓶甕只待河水開且下東昌府宗人雖薄宦暫可寄堂
宇余聞增浩歎世事人如許識字福則減造化較鍾金如君
尙未窮才高計多與不見少陵人拾橡自偃僂偶然一醉飽
不覺肆歌舞太白散千金居然大妄語一裘不能着旋解付
屠酤晚歲客當塗英雄究誰許客聞心轉傷淚下如秋雨

再送芝仙

蓮洋集

卷十七

九

包山有峯七十二長松茂竹相參差千頭木奴更可貴丹苞
朱實無空枝君家結屋包山足可以散髮飽且嬉胡爲鹿鹿
困塵土東西奔走無寧時前日與君對榻臥君言浮生空爾
爲驚羣道士爲證明謂鐵龕劉五誓求大藥黃金師鹿門偕隱厓
虛瀝丹砂勾漏終情馳君今忽作清湘行白藤捆載家人隨
葛洪且爲邵岳留龐公豈望景升知會當歸去煉嬰姪精神
清淨同琉璃他時訪爾具區水波光萬頃誰能追

飲新之齋中

幾日別栖巖却來東海上相逢且盡醉爲我開春釀我懷葛
稚川君師左元放精嚴勤行業寶閣自回向杳冥固有真恍
惚究何狀孰有旣成非滯無豈離障梟茨泥中得泥深無限

量嚼破雲門餅寧少馬師醬薄醉倚檐楹燈火亂盆盎忽聞
春鴻歸天宇轉清曠君言願結隣他時共丹嶂樂郊信可懷
玉女相對望爲製芟荷衣白雲發高唱

東宋商南澄溪

昔人重一飯謂是世希有當由感義氣豈在物獨厚先生英
異姿門閭韋平後蚤歲奏詞賦要路期唾手如何尙折腰馳
驅困五斗飽飫商山芝醉買新豐酒相逢灞陵下歡詫情屢
割盤殮薦鱸風味雜菱藕江南宛在眼客並嵇阮耦日暮
惜言歸明月上高柳轉念知非年萬里痛奔走鬢髮已種種
猶然操敝帚生事渺難問神魚等蚪蚪何期素心侶片語堪
不朽還山且未能早梅負巖藪痛飲一百觴壽君還自壽

蓮洋集

卷十七

十

孟穀兄強邀書扇遂題一絕句時方對終南寒甚
慚無隴首秋雲句何以書君團扇來且對終南看積雪梅花
應念漢江開

答張逸峯孝廉見慰

誰向山居慰寂寥感君高義出雲霄文章自合依金馬詞賦
還能遍玉簫競爽人皆推鶴駕一枝我尙困鴟鴞含飴幸仗
三生石白髮權從此處消

寄吳江陸石麒陸煩笨山舍人以問至二首

縹緲峯前高士居垂虹橋下昔停車重來不用尊鱸饌看爾
晴窗補漢書

舍人最有烟霞癖曾到蓮花峯頂來何日同尋交讓樹蓬門

端爲兩人開

寄友

荏苒三年別相思豈世情尋僧同雨出載酒並船行河上青
蘋老林間白露生蓮花五千仞待爾躡崢嶸

寇萊公祠下敬題四首

盟會澶淵力主張功勳端是小汾陽傷心事後成危論又中
當年偃月堂

公汾陽同里

縱酒酣歌氣自豪銅盤蠟臙月華高吳綾濫用能多少公論
何須在舊桃

教我張公意爽然青州高士更幾先豈知近有扶搖子早向

蓮華峯頂眠

傳先生霖青州人谷州九重之

蓮洋集

卷十七

十一

立馬斜陽感慨深徘徊祠宇益沉吟後生無可明恭敬願種
青青竹滿林

孟穀偶書蘇公身行萬里半天下僧臥一龕初白頭
之句云魯直之隙蘇公由此不具論但就蘇句成一

小詩正孟穀

萬里了一生勞勞誠可惻老僧但高臥一念計長得豈知藏
未固舟壑付有力還看高臥人歎息頭亦白讀書與博筆亡
羊何優劣動靜兩俱非無言任真默

元彥兄以小畫見貽遂題其上

苦憶鹿門風味好金鷄溪館幾曾還愛君同作咸陽客能畫
舒州二月山

十年心跡兩人同筆底長林萬累空若肯相隨共猿鶴何須
有例到檀弓元彥方就選人故有未句

癸卯歲除吳門作

兩年爭一夕千里羈三吳入柳風初暖經梅雪漸無江雲潮
翡翠海日湧珊瑚爲報東門外春田近可鉏

奉陪魯庵觀察游慈恩寺

政簡遂多暇乘春得勝游居然隨步履曾不侈鳴騶問俗何
須廢看山亦少留忘機對野老指點曲江頭

寄胡茨村觀察

嵩陽仙館通天地二月春風動巖翠仙人相邀飲玉漿忽爾
顛蒙發神智我欲東下苦未能西瞻太華紛峻嶒鄒杜之間

蓮洋集

卷十七

三

著游屐去六月息翥飛鵬翹首更望夷門道汴柳青青映芳
草夫子淑問同臯陶吉甫清風超物表却憶臘雪遠書來殷
殷念我尙塵埃遲迴空近隴頭水酬贈慚無驛騎梅有弟有
弟才更短昔並登龍荷交勉將命知非炙轂兗重逢難比談
天衍吹臺遙跋思無涯况見曲江飛杏花若使青城遂歸路
洛陽還復問張華

寄津門張別駕四首

浣烟樓上幾回醉明月當頭寶鏡飛回首春波念楊柳那能
重刺酒船歸

樓前來往錦帆懸樓下水魚不計錢如此風光堪念着無端
韋曲已三年

使君意氣少人同愛客還過陳孟公今日秦川倍惆悵碧雲
無際海門東

咸陽草色近何如燕子飛來四月初又是一番櫻筍節却教
人寄隴頭書

贈王翁文止

我聞白鹿原昔有田高士自號山東隣野服見天子泉石成
膏肓畢志烟霞裏先生正其鄉高才無顯仕晚愛神農書富
貴如脫屣相逢櫻筍節酒酌新豐市七十好顏色桃花宛相
似何處訪安期尊前真是矣余亦慕巖栖願乞刀圭旨他日
瓠中過先到高陽里

題長安謝靜巖大令小照四首

蓮洋集

卷十七

三

永嘉山水君家物屐齒拋來又幾時畫裏如逢斤竹澗紫茸
綠簪總參差

泠然琴韻散天風石瀨涓涓齒齒紅來往終南無一可只宜
相對竹林中

質管谷勢接蘭皋石壁玲瓏走翠濤豈但水壺成映澈更教
人羨玉山高

太華曾攀十丈蓮幾番搔首向青天使君的有驚人句正好
携歸叫紫州

寄宋商南道別三首

濛濛烟雨裏蘆荻引行舟尙憶江南好今看皖口秋倘過林
屋洞再訪百花洲俯仰懷雙戟徘徊念昔游

誰繼韋平業公才正及時文章傾海內意氣託心知畫省垂
金佩商山薦肉芝青門今小別引領鳳凰池

有弟青龜舊馳驅汴水同賢人五百里痛飲一千杯懷抱應
相慰雲霄豈乏媒蓮花迎采采端望好音來

簡孫大園

朝過樂游原原上涼風早小雨連日來濕却原上草之子欲
南下此是廬江道我亦適相從看穫湖南稻渺渺司空山秋
深擬相造

再題元彥見貽小畫一首

年少周郎玉不如天教家近一禱居而今四十無他願連理
枝同比目魚畫中樹作連理

蓮洋集

卷十七

古

情死情生義不逃莫將兒女笑中閨他時爲我紆歸路先拜
廬江小吏妻

山郭見杏花

聞道繁香正及時山邊紅雨水邊枝東風到處能爲主春色
看來亦未遲對酒偏宜分笑賭泥人何必上胭脂行行莫訝
林塘晚纔得韶華次第知

賦得金盞墨

景室書成剖至真壺中仙汁出洪鈞道心本自如冰雪寫盡
何曾點一塵

春夜使院坐古槐下見月

徙倚當嘉樹天邊桂影繁清光連畫戟皓魄動黃昏露豈霑

衣冷風仍拂面溫淡朝得時雨欣賞暢清言

題廢園

年光一路柳毵毵紫陌行來野興貪亭下池流移錦水簾前
山色尙終南松風梢雨空巢鶴橘刺藤梢欲礙簪猶有讀殘
書卷在西窗零落兩三函

將登太華憩金波院遇雪

乍到金波院當門見碧桃前峯松徑密此地竹林高竈下山
禽熟簷陰翠壁牢上方晴又雪特爲點春袍

莎蘿坪微雪遂陟青柯坪西峯下二首

山蘭冒春雪危磴千仞餘滾滾生白雲因識洪濛初回峯隔
烟蘿直與樊桐俱陰陽判幾時日月飛空虛願言奉金籍常

蓮洋集

卷十七

五

爲開蕙廬

西峯高入天最初卽相見日暮宿其趾坐久意猶眩雲霞錯
五彩風雨勢千變金天此奧府藥笈秘幽院常思鍊金液斯
言庶當踐

希夷峽

久嚮扶搖子今當古峽前清風猶宛爾仙骨想珊珊玉洞藏
鴻寶金庭秘太元那能師踵息神漢發天泉

題青柯東道院

勝地西峯下青柯名久傳百盤通大壑千仞急飛泉風磴搖
金磬花巖坼玉田他時理丹竈合就澗東邊

西峯偃坐二首

偃坐無一事心契元始時披衣與齧缺恍惚來相期青松遍
丹厓其下皆靈芝一食毛髮變再食嬰兒嬉更問世間人混
混復何知

白雪灑瓊樹歲華生玉藥此定何年春強名甲與子毛女垂
烟鬢秦人復誰是斗柄看縱橫金輪簸海水我但臥長松混
合同風雨

送呂遠思

梅雨適無時晚晴天宇靜朝來白雲上忽失南山影客行會
有期豈能罷馳騁泥深阻良晤此懷轉耿耿人生果何爲東
西違素秉君今剡溪去清波著舴艋雨行何足道得歸忘路
永余家在中條咫尺不能並聊附一函書蒼茫望烟嶺

蓮洋集

卷十七

七

送晉元彦之揚州

五月多涼風積雨如秋晦之子忽南下寶刀結珠佩青門一
載住慰勞各慷慨君歸我獨留俯仰誰盼睐竹西歌舞地絕
勝游燕代咫尺不到家雖歡豈無愁丈夫重義氣心豈兒女
碎頭顱已如此轉覺惜恩愛送君感我心明發不成寐

客書門下不已華亭曹掌綸數言峯泖之勝兼索小

詩遂賦贈四首

烟雨連朝暗野垌終南曉失數峯青閒來偶向池邊立忽見
新生百子萍
一夜菖蒲生淺水兩株嘉樹蔭清暉樂游原上尋常住白苧
城南尚未歸

九峯三泖塵中夢玉鱸金齏世外情何日真能披鶴氅與君
同聽九臯聲

影髯中流見畫船翩翩仙骨本珊珊浮生憂喜都如幻想到
天台瀑布前

蓮洋集

卷十七

七

蓮洋集卷第十七終

蓮洋集卷第十八

河中 吳 雯 天章著

後學浮山張體乾確齋校

贈孫次園二首

七十二峯江上頭松雲拋却舊山秋孤懷耻傍三千客俠氣
常輕萬戶侯鼎裏丹砂烹上藥機中錦字感新愁無端又遇
穿鍼節不向舒州向冀州

君家列戟舊名門四海難逢國士恩世事不堪供一笑秋光
最稱返孤村情多衣上留紅淚客久山中怨白猿聞道琴高
能跨鯉夜深風雨起南軒

城南晚歸卽事

蓮洋集

卷十八

一

曲江買酒不成醉歸騎縱橫散野坳日暮波光吞岸白雨餘
山色逼人青紫釵紅袖花邊郭翠箔珠簾水上亭與盡城南
仍弄燭夜闌重市五侯鯖

贈呂德源

黃毛雞兒紅麴酒正好歸來開笑口眼前驚見鬢成絲肘後
何須印如斗廉史腰金風獨清尙書勲業在昆明而今世澤
從君大元凱重見挺生廉史呂公詩昔年曾歎未腰金纔
得腰金病已侵早起晴窗三握髮
滿頭霜雪促歸心貽書云汝可多養黃毛雞合紅麴酒以
爲我歸家之計德源廉史後尙書公光洵德源高祖也艱於
嗣晚得男復早世至德源甫
三十有丈夫子八人矣附記

長安喜遇孫愷士前輩

衮衮才名鷁鷺班幾年江上有餘閒暫拋紫府花前讌又看

青門雨後山久別各言魂夢熟相逢都訝鬢毛班難爭只有
千秋業不與流光共往還

簡長安謝靜巖大令

終南在苒三年住時有青光照畫簷羈思只須游子領風流
偏讓使君兼花前吏散親調鶴竹裏人歸自捲簾今日方能
到廳事可曾先動客星占

再過新豐

又醉新豐酒重來意若何終南秋更好紅樹滿巖阿

晚得渡河宿山中野人家

原路帶暝色寒鳥各悲翔野人能相引一燈明草堂松檜落
孤影藥畦聞暗香雞犬靜隣舍鼙鼙排竹牆趺坐愁無寐殘

蓮洋集

卷十八

二

書欣一床聊把慰寂寞林月來清光

行姑射山下作

姑射有神人顏色如冰雪唯聞服太和寧復常飲食我心誠
慕之望而不可卽朝在山下行暮在山下宿行宿三日間恍
惚來相接

上魏子存前輩四首

何爲辭鄉邑客子多苦顏生養日相迫無田畊舊山東書上
河橋落日宿巖關徘徊念古昔壯士不曾閒

飄飄原上蓬杳杳津頭樹感之中情傷途長而日暮昨日黃
河風今日漳河雨雨雨復風風客子那得渡

迢迢過都邑崢嶸見神京宮闕鬱嵯峨百里紅雲生禮樂肅

天子儒雅勝公卿嗟我草野人側見興中情
日下盛才彥夫子獨風流十年見大作一氣胸中劉披雲今
始遂猶喜非浪投可知鴻雁志不盡稻粱謀

春日西園卽事

春雲濕合雨曉拂青林端葡萄蔓已榮出培猶畏寒養素賴
園事經營忘朝餐負畚鋤山客荷鋪疏新灘小憩翻自笑靜
者胡亦煩

過郭鍊師處讀參同契

河上有姤女盈盈秋水姿君子能好述配此鴛鴦絲驂鸞過
樊桐靈芝滿玉池蹇修何日得會當逢吾師

經太行絕頂同范青漪

蓮洋集

卷十八

三

路出羣峯外雲生衆壑中氣通神鬼宅聲振古今聲雷雨分
晴晦乾坤在混濛清詩傳謝朓搔首羨君同

初聞蟬

作客知秋早何須爾更鳴從今多見鴈此後少聞鶯兩岸如
三疊千林共一聲鄉關那堪憶回首綠楊平

冠陽雨後

川原氣候變清秋草木長驟雨生溝水溪田何茫茫濃雲濕
西嶺輕泥霑條桑坐息遲同客長堤櫻柳香

度嶺

越溪陟前路石坂忽生雲卽此堪愁絕何當更念羣木瓜輕
粉落酸棗暗香聞山水空濛色長謠對夕曛

八月

八月苦逆旅白露青棠生鄉國渺何處西風空復情斷鴻淒
寒影落葉下寒聲城上羽林騎紛紛曉角鳴

夜深

寂寂夜深時風鳴園樹枝誰令寒漸重故使月偏遲

又陰

一雨卽十日昨晴今又陰稍乾白石路忽失青楓林鴝鵒蹠
蹠翅黃鸝愁苦音春衣殊未作常耐晚寒侵

浦上田家

山鳥飛向夕側翅向溪烟已暝浦中樹猶耕湖上田月影始
分路泉聲聞在前柴門語稚子相候何時還

蓮洋集

卷十八

四

將之江浦問汪淑定病

二月君多病春風我倦游比來三四日不到見山樓又欲江
關去其如烟浦愁猶欣歸路近彈指廣陵舟

昨夜雪

昨夜北風寒高樓靜掩關幾時吹海雪一夜滿吳山嵐影迷
黃鶴江雲隱白鵝沉香何處火半醉擁雙鬟

擬古

春風到庭戶百草皆知榮此心不如草寂寞從中生曉起闔
房暗羅衣寒盈盈故人在他縣憂喜難分明婉彼燕趙女把
酒勸聽鶯華筵不能久反增離別情念此轉憐惜何事客中
行

壬子五月旱甚時有小雨喜而書此

夏雨適然至南風吹微涼倦草忽含色苔蘚生馨香陟壠望
西疇躡步登南崗人心久非古何堪失耕桑願言今有秋庶
幾安堵墻

靜書所會二首

榮辱本一致至性貴無虧無事求唐舉何須問著龜章甫資
人越越人焉用之尊卑在有物此心爲物馳有物方見尊無
物將見卑去物以見性可與登雲逵

吾身有至寶體實難名言山海遜其大金石遜其堅王公遜
其貴喬松遜其年水亦不可濡火亦不能然可與鬼神遊可
與天地參胡不自愛惜嘗時內省觀倘或遭顛撲遂不直一

蓮洋集

卷十八

五

錢書此自警覺終身當勉旃

戒殺

割彼身上肉爲我口中食我口悅甘肥投箸不復憶彼身遭
屠毒寧能甦相釋雖經水火後未必無知識彼亦陰陽成四
時立我側羹則有芋魁飯則有菽麥不耕而飽腹對之尙慚
色重以羞與牛嗟爾日何德牧羊而鞭後屣勉此其一

答劉淵澄卽用其韻

大道須妙悟小乘乃辟支嗟我逐多聞雖慧亦爲癡卓哉劉
之遴嗜古而好奇尋才至馬渡畧節親牛醫痛飲鴟夷榼慷
慨而淋漓從此日精進大醇無小疵我乃岐路人何能辨原
委將無謙抑甚智反愚爲師始知矯矯行不同韋與脂若遇

魯瞿曇相許必囑咨揚善屬平生處處傳白眉題詩咯然笑
春州浮雀雕

卜歸

五月愁逆旅晨興暫卜歸石榴艷南郭霞彩相映輝水竹識
家計風雲信布衣秋來汾水上先比塞鴻飛

懷翁山時方歸省暫携家白下

江關成失路愁對江花繁數欲返京口思君在白門可回萊
子棹幾遇信陵恩咫尺不能達臨風無片言

澠水傍逢里人歸

溝水正潺潺相逢岐路間君言不得意欲返中條山嗟我亦
寒月胡爲東出關到家憑寄語春草計應還

蓮洋集

卷十八

六

痛食肉二首

食肉古稱鄙更爲諸佛醜雖然對經論未能絕饑口思量忖
節法得便忍莫取一日是一日三三三便成九

有此幻夢身一身叢百咎熟處反難忘誰肯向家走夢中百
愛戀醒後復何有一場慘懽歸空空握兩手

琉球扇

金一銀一
草花極細

細草輕花措意難銀泥金粉製齊紈莫將日月淹東海奪取
雙輪入掌看

送李友兼懷元上人四首

六載天涯一日還漫天風雪歎間關素書若解探巖洞不負
身經抱犢山

曾向杯鐺寄此身李泥飲忽酩酊自悔失天真一朝止酒真奇特便是當年頌酒人欲止酒

每憶青鸞舞碧空純陽宮在永樂雙珠樹響天風幾時再踏宮東道不似當年醉夢中余曾家宮東

河濱尚有和師禪元公住河濱仍是嵩陽面壁年消息煩君通一線雪中同住歲寒天行律精嚴

贈張健一二首

溪東風景尚依然彈指空懷玉井蓮千里騰驤看驥足我思重問竹林邊

宮樹森森水鶴飛幾回丹竈夢依稀而今痛飲滄洲近何處風雲少釣磯

蓮洋集

卷十八

七

班婕妤好

翠輦當年著意辭何曾團扇更尋思一從長信宮中去總使秋風也不悲

大悲院呈世公

漫道神奇成腐臭由他腐臭化神奇此中討得真消息煖律無煩黍谷吹

晚別世公

天微雲歸岫林閒月到臺長河水十丈不礙鐵船開

董威輦

被髮行吟白社歸梁魚失水識危機隴西上計洛陽乞許爾逍遙離是非

孫公和

讀易忘言土窟深閒來時撫一弦琴當年嵇阮猶羞死鸞鳳誰能更嗣音

夏仲御

奉親採柁拘蟻蟻市藥悲歌洛水湄最是吳兒同木石誰將金翠繞朱旗

朱巨容

每避徵書梁管流毒蟲不蜚見風歆鄰人認憤仍還憤展也非卿着便休

郭文舉

人間婚宦兩無情七載園居意未平勾漏丹砂亦多事徒教

蓮洋集

卷十八

八

藥餌亂浮生

汜無忌

散盡豐資學灌園深居那更啟柴門貧中滋味誰能領願乞琴書老樹根

范承明

三十六年無一語如斯堅苦實堪驚人間每少車生耳愧死長眠板屋情

東郭卽事

雲上曉山翠平蕪野望懸鳥啼藏竹寺鹿飲雜花泉題字經樓側燒鐺錦石邊誰家作寒食林外有風鳶

重陽

中條紅樹重陽節林下何人醉菊花海霧昏昏驪作雨漁燈
點點看成霞多愁且與消書帙有夢無端攪暮笳世事東西
難自料高天風急鴈行斜

題畫四首

才子風流英妙時閒窻寫出綠荷枝因君却憶維摩詰曾道
前身應畫師

夢想家門太華顛亭亭高蓋少微天細看側筆紛披處也似
橫垂玉井蓮

莫寫蜻蜓傍水萍南華魂夢北窗風羅浮自有仙人種不在
滕王品目中

六書聞道象形先繪事當居點畫前風雨連朝究河洛拈花

蓮洋集

卷十八

九

微笑兩依然

酬贈郭乾爲時同客西谷侍御使院

淮海郭公來夏五使院相逢觴屢舉文章不減徐常侍腰腹
大類庾開府酒後常時舞鵲鶴筵前即可賦鸚鵡開口便能
取富貴立談早已驚公輔其如文戰久不利向爾遲回困環
堵跛驢大笑走南北行卷沉吟閱寒暑來年決定奪錦幟一
鍬三重洞鐵鼓嗟我垂老百無爲圖養八口少百畝衣穿剝
有皮骨存履破難以干將補不思仙侶追鵲鷺但祈田舍迎
貓虎賴有彭城柱史賢天涯能念金蘭譜與君同味學士鹽
青眼可以計出處君自青雲我白雲虔拜木公謁金母待爾
功成身退時相尋再與商終古

逢趙秋公太史三首

曠世逸才今蔡邕更難百行古人同年來說盡風濤惡忠信
依然道不窮

大庾梅花發古香羅浮山下足徜徉菖蒲九節親能斲好馭
仙人五色羊

廣州歷罷又蘇州也向真娘墓上游饒爾廣平心似鐵眼波
橫處易悲秋

奉題笠叟褚先生行實後兼示令嗣澄嵐六首

丈夫墮地氣魁梧豈但鬚鬚頗有鬚山澤老來臞轉甚百年
想見列仙儒

銘字爭傳九節藤泰山晚歲必親登只難封禪無遺稿不使

蓮洋集

卷十八

十

求書到茂陵

肯將升斗便違親八節灘頭自在身快意一經傳累葉遠過

五柳後無人

一官飄泊恨全非辛苦孤兒何所歸不忍鵲鴒傷地下仁風

獨有謝宏徵

季野風流備四時期生又得謝公知獨憐論士輸江左依舊

荒齋倒接離

祖德家風述未休一廬宛爾識蝸牛殷懃更不忘先友尤愛

慈明似柳州

簡韓子固二首

君家墨妙誰能及片牘携歸山舍中千里相思比相見幾回

父手對屏風

閱世那能一事無降心端仗牟尼珠子固贈我念珠一對治若到無心處不用狂歌擊唾壺

爲褚澄風題畫三首

萬古青蒼黛色濃溪橋橫亘水淙淙眼前好箇讀書處知是天台第幾峯

生平結想國清寺未得超然度石梁日把寒山詩一卷問君何處肉芝香

寒巖寂歷願經行招隱難期世外情念爾金華緣分在龍門傳後褚先生

共城詠古二首

蓮洋集

卷十八

七

疏食蘇門擁布裘何人勞苦授春秋希夷絕學還相語千載常懷李孟州

古文大服尹師魯歷法還過揚子雲豈但真風高宋代閒名謝盡也輸君

送姜伯遠之江寧二首

郡國昔相從沽酒城南偏城上百尺臺城下千葉蓮把酒復長話宿鷺驚不眠一日去南陽分手隨風烟相思愁遠道忽遇津門前乍對反錯愕意謂何以然述事各歎息有如墮風驚匆匆難數聚又無買酒錢幾日過我別云下江南船秣陵名勝地我亦馳情焉何日竟尋君直至獻花巖

多病思養生長貧願學道通塞互相成羸絀轉難料舊讀神

農書近閱華陽誥勞生欲何爲止覺靜者妙吾子之江南谷山無不到江聲洗塵慮寥次入清嘯飛仙定可逢得訣幸相告

西谷侍御爲聿脩書冊詩以代跋

我聞張伯松諷誦詩書苦拘縛一時陳孟公放意自恣氣磅礴官爵功名兩不減只有一苦一差樂豈知長短各自裁不必難易強相學西谷先生書最妙冰雪肌膚神綽約我書動如墨猪耳肉重白嫌無處著獨有吾子能兼愛西谷書索連洋跋那識吾子書亦妙蘭紙蘭亭致不惡聿兄曾惠我白玉環飛燕兩無取織室自有仙人薄西谷聞言却大笑何爲相輕稱善謔過去未來及見在不如各作三尊佛

蓮洋集

卷十八

七

簡梁生二首

我愛扶風梁伯鸞鹿車牽挽自盤桓生平不肯因人熱廡下藏名過歲寒

幾次閒登寺上樓河干芳草見行舟沉吟日暮裁新句歸路寒塘月一鉤

與秋谷西谷兩史氏論書

論詩取心聲論書取心畫中聲與元氣此中久盤結從事四十年豈謂無一識眼前有二谷各持甚深說問之不以告似欲自珍秘余意在積久百鍊純鈎鐵天機自渾成何待更添設梅子有熟時衆論湯沃雪

題沈礪房射鴨圖三首

腰腹未作東陽瘦
凍吟豈便東野窮
愛對浪花酌銅斗
不妨料理竹枝弓

衙門開處浙潮連
射鴨歸來懶繫船
更向江頭吟梵筴
春風吹盡沈郎錢

出水鳴兒意態新
美人愛惜裏紅裙
還應渡口驂鸞客
不作池邊打鴨人

和融谷留別韻

茶星老子今行矣
綠雪誰煎只惘然
百粵空聞多桂樹
灘江猶喜絕戈船
北來專望鋒車早
南去寧教鴻雁先
若解心安隨處好
定風波曲一時傳

做智果書與公路更係詩二首

蓮洋集

卷十八

三

過眼春鴻恨未歸
天涯朋好得因依
生平讓善知欽重
會薄吳興忌伯機

今古臨池費較量
千秋畢竟屬誰長
閒中戲筆東軒底
只有梅花古雪香

寄巢薇先生

泰山何其高
滄海何其深
我翁具偉抱
高據閬風岑
鳴珮入天閭
紫雲盪衣襟
宇宙感太和
嗒嗒鳳凰音
蒼生引領望
薄海濤祥霖
繁余孤落久
徒傷年髡侵
冰霜歷近寒
幸托喬木陰
梧桐有繁枝
竹實比兼金
幾時敦行輩
兼聆卷阿吟

鄭谷題壁

牆角一叢竹
案上一壺酒
痛飲山鳥啼
散坐綠陰厚
富貴皆

偶然浮名更何有
生平麋鹿性况得素心友
最慕棲巖寺松風共攜手

陽山

落日山風吹長松
亂清影白雲逗殘雪
忽見前峯眼野鳥下落
竹孤僧汲修綆聊欲逐幽尋
理策渡西嶺劉刻本注云原本題作之羊山
高云薄日風吹黃松聲亂清聽陰雲逗殘雪忽見前峯眼野鳥落竹孤僧汲修綆聊欲逐幽尋理策渡西嶺按此詩押上去二韻似用晚唐進退格此本乃改定者耳

送邵樵公還武林

我愛南屏好常懷許遠遊
君辭碣石館竟下廣陵舟
黃獨窗前種丹砂世外求
憑教舌尚在還肯說封侯

潞河簡宋食憲時讀其近詩甚奇鬱不勝折衷

蓮洋集

卷十八

西

江上猶傳宋玉名
花開韋杜引雙旌
詩過青海才逾壯
遊入盤山夢亦清
直道真消蛟蜃氣
仁風方感鳳凰聲
西江篇體淵源失仗與瑯琊共主盟

王建侯移居走筆奉簡

客裏築新居
生理日可悅
成當白露降
移在黃花節移以舊里五賓主他鄉接阡陌欣此過從便更覺性情適堂上閱書史階前散巾烏却憶中條麓千林擁紅葉家園兩橘樹霜後長幾尺君亦嚼頰下有圃映秋碧牽牛與葵蓼撐拄紛委積河渚叫鳬雁草閣閒簟席豈不各懷歸人生皆有役且赴蟹螯肥金樽酌新月

送遲山曉之官浦江

我聞寶掌山奇峯如列戟照耀江水湄飛泉互春激近與仙
華並俱是神仙宅軒轅有少女於此鍊金液羨君年最少過
往振飛鳥綬帶惹烟霞應事曉空碧義門風俗厚八詠才調
逸敷政不為難鳴琴轉堪適上慰黑髮親雙雙動顏色地勝
菊利妃代古松化石久欲躡奇蹤因君蠟雙屐

送桐城相國二十四韻

調變歸元宰勳庸紀上賢立誠通 黼座主敬格皇天懃懃
趨三殿助勦計萬年幽風七月古丹戾六箴傳日月資開霽
乾坤仗幹旋維星登皞皞終日尙乾乾盡瘁真無負和衷道
已全鞠躬移帶孔攬鏡訝華顛遵渚鴻猶集翔雲鳳已驚懸
車應有禮生耳敢貽愆古諺仕宦不
止車生耳 國計丹心繫鄉思綠野

蓮洋集

卷十八

五

懸天階申虎拜山色乞龍眠

主聖恩猶渥臣忠眷自專翻憐衝臘雪特許踏春烟芳草安
車穩春鶯舊谷偏榮光過受廣樂事勝彭佺玉陞回仙佩沙
隄敞別筵 國尤思柱石人盡羨神仙燕許文章大韋平事
業聯鳴珂開竹里列戟繼花磚黑髮仍枚卜黃扉更後先參
苓慙藥籠桃李附蘭楊皖水思徒結灞山夢日連青門楊柳
色惆悵曉風前

屋蠹

構屋少良材山木卽充選入夏蠹已生蠹粉如霜霰研席頗
增惡掃除旋即滿力微喜易就豈知乏久遠古人尙巢居燥
濕且暫免君看凌雲構至今存亦鮮

阮翁處見耦長畫冊

宛陵有佳客長安昔相遇五年重問訊已向敬亭去遺墨落
人間蕭灑見心素蠶蠶雲外峯漠漠水邊樹野寺辨微茫孤
舟識容與花外一龕深是爾高眠處

乳松軒戲題

階前有小松新栽得時雨青葱茁然起嬰兒方在乳因以名
吾軒相看不辭屢聞能產茯苓知在何年許彭佺亦尋常春
秋當待汝

贈王生

茫茫宇宙問賞音者誰子愛爾忼爽人敢論天下士相逢酒
肆中魁傑少儕比古之賢豪間將無卽君是已具封侯骨兩

蓮洋集

卷十八

六

韃方射雉豈知儒風在猶解重文史雪花大寒近何爲裏行
李連日伏枕臥未得走相視惟於麟閣上看爾聲名起

郡城久不宜松山人貽四小栽植之家園以事料理遂成此事

朝耘松下苗暮摘松下苔橫枝不敢剪惟恐傷根芽且復望
其生豈遽責成材水木有定理灌溉滋新胎誰云山中植不
須沃壺杯掬泉灑其顛引流更沿階青青漸可觀秀色亦潛
催樂此庭戶側得與真幹偕

方綱按摘字字書所無

感傷

感傷者感事而傷也劉子子翼攻苦積年

窮經守亦堅四十無所適豈知方獲薦遽爾反元宅哀子昔

同客念母淚沾臆甫能慰老親何爲遽永訣重君能孝義痛
君歿他國歸當哭爾靈灑涕條山側

蓮洋集

卷十八

七

蓮洋集卷十八終

蓮洋集卷第十九

河中 吳 雯 天章著

後學浮山張體乾確齋校

題遂閑堂趙松雪畫圖

憶昔驅車北平道停車特謁夷齊廟階下偃松亦太奇就地
蟠拏助清嘯今日堂中作畫看吳興妙手寫生難更畫榮桑
老處士歸來獨撫恣盤桓堂上主人柴桑客官職不同性情
一歸歟久自稱臥松取意何期畫中得我來堂上樽酒同海
濤芳髯聞天風不須放筆爲直幹且看隨地蟠蒼龍痛飲看
圖還一笑笑問堂中臥松老鷗波筆墨北平姿畢竟精神是
誰好臥松捧腹當我前松畫兩皆無間然畫松早寫真松意
真松還仗畫松傳我對畫松更長喟松畫非一亦非二與其
慕直觸風雷何如嬖屈留天地此道由來應不窮南華之妙
惟環中君不見修幹多裁作梁棟丹青反作山中夢願君看
畫更懷真休傷材大難爲用

行行重行行

離亭送君去三里聞馬聲五里馬無跡十里雲樹平嗟彼雲
樹繁不知人有情乾坤靜如掌萬里見君行

銅雀妓

銅雀臺漳河岸歌舞出彩雲散可憐人君不見不見奈君何
漳河揚素波日暮悲風起秋聲何處多陵樹嘶烟織松檟粉
無色帷幕樓寒陰君王夢難識願將妾私淚啼作西陵雨何

以至君前野風爲吹去

過劉伯倫墓下作

昔讀光祿詩今過參軍墓若非荷鋪埋胡爲倚官路短烟集
衰草秋風走寒鬼螺贏與螟蛉一往不可住惟君酒得名振
古仰高步瀕洞吾魏問誰能了真素始知曠世人痛飲非無
故

借路中作

入山不五里景色變以繁泉繞溪祠外雪明秦樹根狂飈晚
藤落斜日溪禽喧悠悠游子心對之轉忘言時序旣以殊寧
不感鄉園馬上重歎息帶腹投孤村

簡程周量先生

蓮洋集

卷十九

二

長安旅食逢仲冬每日忽忽聞天風短籬盡折如轉蓬閉門
不出嘗日中昨日大雪更漫空凍禽飢雀皆綠叢垂頭夜坐
煤火紅却憶舍人明光宮曉寒賦字無不工轉惜客子何匆
匆

送景振宗從廣安幕二首

因才乃得此素念終悲辛馬上逢寒食江邊愁暮春詩憐襲
府客酒醒夜郎人蜀道盤桓久歸來好卜隣
玉壘隨雲入峨嵋據馬看何曾妨誦讀兼可問荆殘鷄鳴驚
蓬客芙蓉照宰官丈夫各有志不用淚闌干

太行山蚤發

晨眠迷曉色辛苦戒同行不辨水流處惟聞泉亂生霧深石

登險月落草珠明一失孫陽後鹽車處處程

清浦見河

清浦黃河水曾經鸛鵲樓纔應辭故國早已達江洲千里來
何易長年不休家人書有未借問數維舟

晚集玉礎傍城小園

小徑依城角羊求路漸迷花聞譙鼓暗竹傍女牆低夜雨人
三個秋風菜一畦開門仍貰酒莫惜踏深泥

走筆訊杜又振

上國相逢日春風蕙草香不知故園竹今復幾竿長雪盡娥
皇廟鶯飛鄭谷莊閒時擬相遇細話酒壚傍

入漳南感賦

蓮洋集

卷十九

三

晚宿黎陽關曉渡漳河水蘭楫遙分芳草外女牆時見青山
裏我行正值麥秋天家家愁歎石林邊紅椒朱李總難問乳
燕鳴鳩亦可憐老農扶杖爲予說此地不雨已三月方悲婦
子盤飧空又聞長吏官租迫下馬歔歔濕袖痕題詩却比石
壕村途長日暮竟歸去辛苦蒼涼誰與論

吳門懷白次眉

暮春三月官柳肥江南草長鷓鴣亂飛少年此日且飄泊嗟爾
襄陽老布衣

初辭家行中條山下

戚戚正寒月胡爲今遠行悲風千樹肅殘雪幾峰晴已覺懷
兄弟初知念友生惟餘天外雁似我作南征

行經杜工部舊里

我行華縣南華柳方作花零落大賢人云曾此處家胡爲之
劍南飄泊隨天涯三賦凌班揚當日無人誇顛倒拾橡栗寒
餓悲風加更難忠厚性懷主嘗悲嗟亦無國士遇報恩心獨
者始知龍比倚不待獎勵加餘魂招不得剪紙淚如麻

大石梁

長途兼歲晚延望轉淒其漸覺水鄉近病愁歸路遲短蒲沉
夜鯉凍柳宿寒鴟總使江南好何心聽竹枝

瓜步舟次

解家三十日日風塵間稍次廣陵郭忽逢京口山帆檣千
樹雜網罟幾家閒綠絲清波裏低垂惜旅顏

蓮洋集

卷十九

四

大風渡江問郭景純墓

風疾片帆墮舟人寂不喧崩濤變俄頃勢如羣山奔纔辨潤
州樹忽隱浮玉根中流數拳石噴吼如敗垣閒情猶一問云
是郭公墳烟雨滅松檟潮汐衝石門當日崇術數胡爲至殺
身與其怨桓彝無寧舍王敦楚楚樹下語哀哀雀數言只今
揚子墓爭似汨羅魂

丹陽晚泊

日落長流靜停舟望毘陵天寒聞戍鼓風定識漁燈故國渺
千里烟波應萬層愁心似江水日與晚潮增

再逢王阮亭先生於江浦

悠悠近十年飄泊隨風烟每與世人忤益思夫子賢相逢江

浦上歎息夕陽邊何日成歸計春山甘薄田

對雨答襄山

出門山雨來林風洗衆綠昨日勞問訊邀我芳蓀曲嘉興徒
延想長懷紛斷續翻憶山中人拋書坐修竹

晚晴全范玉淵鄧季鼓城下麥田步眺

晚山看最好况在初晴時曲水流通陌麥田含新滋幽人此
來在不必有前期古堞苔蘚荒人家烟火移談笑對暝色漸
忘過東陂

晚行山下

林深如風雨黃葉下山路日暮不逢人寒溪獨延佇

過滁陽

蓮洋集

卷十九

五

白馬度殘雪黃鸝過別枝櫻桃十萬樹都是未開時

將往西郊

正月餘寒在晴風冷碧墻水流仍帶雪草意半兼霜鳥語聲
聲澁蘭蓀穩穩藏遙知會意處多是在漁梁

同諸子集南澗

把酒溪邊館高歌陌上田相知年少日芳草孟春天樹密時
鶯滑雲深野棧懸來朝須有會應更綠楊邊

偶然作八首

世事日紛紛智者不能料所以古聖哲信心在吾道堅執無
委蛇寶珠泥淖光輝究難掩終古具靈照風雷亦偶然天
心發忠孝篤信德之基勿使前人笑

農夫何辛苦，耕獲霜露間。蠶女守桑筐，一裙常不完。嗟我纔知書，坐食衣有綿。天心豈見私，遭逢或偶然。苟不崇令德，是謂參冥頑。讀史皆上口，玩物喪本原。組織月露辭，及物輸一錢。何以報元化，勉哉當體乾。

衛足亦有葵，其根亦有葛。苟能慎道義，何至墮險惡。人生曰隨趨，趨避反成錯。君子信固然，天命有餘樂。

有星孛大辰，四國將爲災。重運禪龍言，祝融飛炎灰。豈爲惜玉璫，人盡天必回。所以寬征後，不復融風來。感應有實理，黽勉存心齋。五事準五行，莫謂無根荄。君子難貨取，何況帝璫哉。

言行動天地，擬議居其先。因之成變化，聖人皆勉然。率意卽

蓮洋集

卷十九

六

爲妄師，心亦多偏良。金須就冶質，美形乃全。江海苟無則，終古悲狂瀾。布帛固有幅，室慾垂至言。奇氣尙收斂，英雄歸大賢。

有出亦有處，或語又或默。二人苟同心，何須論金石。大道本一原，千聖若符節。所以九淵子洞然，見軌轍鬼神有何疑。百世有何惑，箕子陳九疇，同歸五皇極。

大易本性命，踐履在春秋。無黨亦無偏，斯民知率由。聖德何廣遠，渺然不可求。苦心立繩準，長途無阻修。稽首戴宏仁，曾爲萬世謀。

載籍亦云博，一羣何所之。義理悉素素，紫陽真我師。天心惻愍，雷發狂痴臂。之飢餒人，忽使飽而嬉。瓣香示尊仰，嗟

子復爲誰

贈吉協和二首

風陵之鄉河之濱，其風淳美陶唐民。一萬人家在烟樹，千回流水藏隱淪。爰卜我居曰岳村，當門喬木干青雲。雖屬擇處有年歲，實因吾子方結隣。少年意氣何磅礴，季布千金輕一諾。運籌欲揮鶴，爲軍性名立。致麒麟閣，愧余寂寂鄧禹譏。書劍學來事願違，看君虎氣方騰上。美爾南山射虎歸。

憶昔永樂隱茅屋，水鶴飛飛上喬木。三里五里傍溪行，嬉遊帶榭長追逐。曾經昏黑過君家，登堂杯竿紛交加。金昆玉季世罕有，豈知又共天津酒。感君壘篋誼尤敦，鴉鴿原上無負言。人生至性首同氣，然後可交天下士。連日相過歡百觴，聞

蓮洋集

卷十九

七

君且傍京華，地雨雪初開。楊柳津我欲重尋，東海濱津頭相送。還相約，鷺粟花邊候斟酌。約初夏同集里門

再贈吉協和四首

經年如久別，千里喜君來。有約仍聯榻，無心更築臺。青燈同不寐，白髮兩相催。爲問東山上，桃花幾樹開。

念我如飢渴，逢君問急難。千秋心若許，半夜影相看。莫擊漸離筑，終彈貢禹冠。綈袍無可贈，嗟爾敝裘寒。

相逢意不盡，相送復如何。匹馬馳蒙道，千山雨雪多。聞雞余起舞，扣角爾行歌。明歲薰風夜，重來醉薜蘿。

又作天涯別，那無十日歡。平干從此去，易水爲君寒。病覺世情薄，老知交道難。今朝斗酒意，來夕夢中看。

讀傅公他詩感書其後

苦節孤生竹哀絃寡女絲感君述淚處是我斷腸時不死反
成恨多愁祇益悲長飢忍薇蕨高義北堂知

平水感懷

高柳下鳴禽春城二月陰新鶯聽處滑芳草望中深花雨愛
時淚山雲出世心不知烟海上誰會作黃金

石門三首

盤回溪路長低草見牛羊風急山藤折崖崩石磴香鷓鴣舞
難定孺子歌未央斟酌松雲裏寒花近石牀

拂袖動雲根濤聲過石門野花紅覆路高柳碧連村鳥道盤
危棧蟻邱倒客樽榮華莫漫插終是惜黃昏

蓮洋集

卷十九

八

犬吠夜如豹風光小輞川林迴烟斷續月上水淪漣蟋蟀秋
仍語鷓鴣冷未眠不須愁輾轉漸看曉珠圓

東宋牧仲先生

相國風流尚未遙翩翩公子復中朝無詩堪寄忘憂館有夢
常尋海鴈橋此日誰能追宋玉臨風我欲醉燕昭紫芝一接
塵心盡重向終南剛藥苗

送張健一之魏郡三首

顛倒不成眠殘鐘天欲曙何事最關人聞君漢陽去
十月煩行役霜花大似錢相思阻相送悵望早梅天
春明我亦來天涯手重把廢勤話舊年痛飲桃花下

簡葉初菴先生

城郭宛翬猶其中多鬪爭羣蟻緣一垤今古皆營營性本樂
空寂不獲遂巖畔浮生墮塵埃深秋仍遠行歲序日以晚百
卉漸凋零萬屢愧霜雪見鴈愁悲鳴山川勞夢寐誰可悉中
情先生素心人大隱托朝纓榮觀能燕處讀書修太平無欲
乃王佐仰止心神傾願言侍臯比一問義軒經

東陳說巖先生

昨從太行來曾過先生舍高松垂女蘿空山一繫馬京洛勞
問訊陶陶樂情話身棲魏闕邊心在白雲下

東謝方山先生並致阮亭先生

元化何穆穆無短亦無長行生寓羣品鑒之爲文章顛倒共
警議累黍較低昂悔吝生乎動頓使微言亡欲惡性荏葦空

蓮洋集

卷十九

九

明以博傷天地不愛春百卉各昌昌萬物自芻狗造化仍混
茫達人超年知稊米含太倉晝夜齊椿菌生死外彭殤雕蟲
悔少作永路休勞攘闢等而起舞結習終難忘昨過康樂宅
詞賦滿中堂雅人最深致書癖如嗜曹朝奏三千牘晚宿萬
卷傍約房有奇構且製芙蓉裳大業已千古沐浴生晶光仍
願學無學同机棟好書讀不盡高名世所戕愚誠發狂
言併欲告漁洋

洛水不逢輝生抵里却寄

楊花撲洛水隨流亂春雪此處不逢君徒使心如結到家復
兀兀幽事共誰說載酒過西園林中喧百舌春風無與同坐
惜花枝折

筵上齒落簡林節齋

華筵列筵簪危鱗鯉魚酒至如流泉賓從樂且舒座有頽
白人飲炙隨所須無端一齒落乃當歌舞餘形容忽慘沮歎
息濟欲歔萬有本幻化百年亦須臾垂楊生左肘藏舟負而
起世事亦何常係戀增大愚因念芭蕉身終與一齒如更酌
一千觴清歌追華裾醉臥北窗下霜葉飛前廬

虞鄉二首

洗馬村南路王官紫翠重人家依谷口樵徑入高峯竹暗千
竿雨泉飛萬壑風司空亭樹在臨望思無窮

晴日麗娟娟涼風到綺筵荷香能十里松色足千年鹿過啣
芝草鶴來亂竹烟碧筒千萬縷正有酒如泉

蓮洋集

卷十九

十

題張魯菴方伯清潭印月圖

風潭百頃如傾銀潭上明月如金盆月華瑩澈浸潭底如琉
璃合無纖痕有人齋心潭上坐心憐淨綠不忍唾孤情恰與
白雲閒萬事都如飛鳥過潭上卉木何紛紛青藤紅萼無冬
春曉時方看潭上月兀兀已忘潭上人潭上月華潭下水湛
然一派空明耳我心正與水月同水月與我何彼此嗟余平
生心未降水中索月增勞攘豈知已爲第二月標月之指難
禁當先生事事有真契語默從來少凝滯即看觸處發天機
寫向圖中已餘事今日當機惟嗒然清波瀾瀾月娟娟等閒
莫向潭中覓一月還教遍萬川

咏史

玉門亭障交河曲狼乳烏孫鳥啄肉將軍萬里致龍媒公主
三秋怨黃鵠黃鵠高飛惹嶺西年來山雪不成泥誰言財力
中原盡猶有黃金鑄裹蹄

謁永樂宮

久說雙珠樹今來永樂宮雲霞生戶牖日月近簾櫳扶木千
年宅崑崙萬里風刀圭如可覓丹火夕陽紅

曲亭鎮卽事

曲水一蟬鳴微風殺浪生相逢拾翠客同作採山行雁柱含
秋思鸞釵帶雨情誰家拋錦瑟腸斷玉溪橫

讀潛溪宋夫子集

緬邈宋夫子風流世莫躋高情紫烟客絕學白麟溪弟子留

蓮洋集

卷十九

十一

松栢箕裘委土泥蕭蕭老霜鬢重聽杜鵑啼

寄隱者

君任九峯南我任九峯北九峯鬱奇秀岩巒橫復直鸞眠塢
樹紅龍歸洞雲黑聞君閱幻化已入慈忍力猛虎牀下行飛
鳥掌中食揮手謝時輩高風渺難卽相尋渡溪水忽起雙鴻
鴻

樂景晚題

鳴泉石上流嫋嫋秋蒲亂登頓不知疲落日山家飯開門巖
翠入清輝淡河漢僮僕戒晨征翱翔待鳬雁

天將寒感吟

大河多悲風蕭蕭天將寒客子苦不歸菽水誰承歡多病累

母心倚閭寧無歎憂思發中夜起坐愁萬端詎不厭粱肉食
旨不能甘何日隨歸鴻飛向蘆花灘

觀察雨亭王公春郊次韻二首

春郊野慢青春酒玻璃凍原上有鳴禽好首時一送花邊雪
漸消柳外烟初動壟麥各懷新早作天家貢

白馬黃金鞭馬上綠楊送上公擁行部千尋翔威鳳方勸耒
耜勤喜見田功動乘時恩澤流不覺歡聲衆

下太行次清化鎮

盤馬萬山裏夜聞豺虎聲頽垣隱蒿萊風吹草木腥曉發擬
遲遲啟行仍戴星同旅俱屏息辛苦太行程逾嶺日方午忽
觀長河明崩濤巨烟霧飛光入杳冥叢祠轉羅拜不復困山

蓮洋集

卷十九

十三

精行行水竹近翠篠青瓏玲曲岸雜荷菱溪館來鷓鴣豆葉
落爲其古原積潦平相見緯蕭人頓興招隱情浮生幾兩屐
鎮日苦營營三作京洛游兩涉清漳行朝甫辭山烟暮仍宿
水亭問關銷髀肉夢寐攪鷄鳴何時真息機不効蠻觸爭堪
岩間張毅下風師廣成軒轅珠早得萬古含光晶

次樊橋

景物蕭森作曉寒鯉魚風起蓼花殘酒歌無那秦聲苦世事
從來蜀道難猿鶴不驚高士夢星霜偏妒遠游冠徘徊眼底
秋山好都作匆匆馬上看

白芍藥

聞道郭芍藥居然似水仙不須金作粉真使玉爲鈿蝶夢迷

難就蜂情感不前將離無限意何用寫紅箋

憂旱

東園荷鋤往南山見朝曦漠漠瓜田中只覺靈雨稀菜甲潤
微露青翠猶滿畦摘來尚盈筐且復佐晨炊曠懷覽終古運
艱理則夷豈無達士胸勝此須臾期仍當事南畝天道孰盈
虧

題陶菴小像

楊柳春風廿四橋酒旗歌扇笑相邀坐中紅袖窺雙鬢眼底
青山閱六朝盛事尙追桃葉渡鄉心猶繫廣陵潮頭顙如許
升沉盡令僕閒情付玉簫

贈王公

蓮洋集

卷十九

十三

羣山盡盤鬱雲樹何龍葱中有綠髮人云是方平翁偃仰太
行阿手弄青芙蓉吳牛賤十角滄海乘長風招我百尺樓一
滌塵土胸裏陽春舊傳不必美龐公

同姜青若登小有洞臺

攜手臨高臺山光見朝爽徘徊宇宙間氣在青雲上長河走
平野津樹雜蒼莽白鳥忽有無孤烟下消長竟欲躡蓮花飛
仙共來往

聽薛大武論史

神龍發雲雷不甘蚯蚓鳴嘶嘶野田雀誰識鳳凰聲先生負
奇氣高論千人驚縱橫四千載幽隱無遁情卽事而得理大
辯不能爭嗟我幼學人側傾心神傾正合高齋去提携雙玉

瓶

倚檻

倚檻白雲外推窗紅樹邊年華猶浩蕩風俗幾秋千海霧隨風潤江沙裏浪圓鳴鳩苦相喚惆悵自 田

寄汝作兄

最愛王官谷勞勞托興長人家漢西宅風景輞川莊慷慨成高隱艱難就草堂買山原所自高誼不能忘

蔣岡

朝來寶馬蹴輕沙爲訪溪南有竹家人座喜聯天下士乘春傾盡滿園花青山繞處無煩補良醞攜來不用賒雨後嵐光添黛色鶯聲齊報好年華

蓮洋集

卷十九

古

汾陽館

殘雪明高嶺春沙引亂流柳遮郭外驛花映水邊樓風土乖鄉語年華繫客愁桑田誰負春惆悵聽鳴鳩

賦謝寇偉人

街北提壺夜更闌上馬時紅粧如送客白練少留詩雞乳過春草鶯啼入夏枝玉鈞山下路還肯寄烏絲

次青霞韻三首

俠氣仙風雨不磨流光東逝歎如波名山杖底成遊戲笑作人間踏踏歌

平生恩怨任茫茫只有名心尚不忘百軸雄文詩兩卷白藤隨處發奇光

白鹿騎來任往還城南劇飲發朱顏三千玉女渾相待又采菖蒲入華山

謝公詠

問道東山妓中年託興長如何心事苦賄却紫羅囊

題劉鄴侯柳下小照三首

溪橋楊柳碧毵毵芳草平鋪天蔚藍自是靈和殿前客閒情且未著朝簪

朗朗瑤林玉樹枝宮槐柳浪右丞詩朝堂氣相烟霞骨暫似相逢谷口時

二月風光汁染衣春來無處不天機眼前好景全收得更畫黃鸝兩箇飛

蓮洋集

卷十九

圭

聞周雪客在汴有懷二首

今日春風曉又寒竹枝低拂畫闌干聞君小住吹臺側蕙蕩渠東望眼看

才名家學兩難齊薄宦天涯東復西每憶晉陽桑落酒芙蓉幕下不重攜

游白鹿洞歌紫霞真人宿此洞編蒲爲書

何年白鹿洞正傍五老峯五老去天不盈尺俯窺人世烟雲重我欲攬秀色一一青芙蓉舉手石扇開半掩綠鬟玉女如相逢風雷隱隱萬壑瀉憑崖倚樹聞清鐘洞門之外百丈松千株盡化爲蒼龍駕蒼龍騎白鹿泉堪飲芝可服何人肯入空山宿空山空山卽我屋一卷黃庭石上讀

與韓鼎臣二首

薰風臺畔藕花香山雨連朝自在涼
綵嶺瑤笙吹不徹舉瓢偏許挹天漿

玉女紛紛擁髻鬟韓終得一人間勞生五十無滋味爲采
菖蒲入華山

戲題韓集一絕

抗疏南來道不孤盤空硬語播扶胥
半生高氣難相下鄂岳忽慚李大夫

題帳額梅雀

誰拗瓊枝出上林月中皎潔雪中深
悠然一枕羅浮夢喚醒幽人幾翠禽

蓮洋集

卷十九

六

雙老夫婦生日

酌美酒黃金鍾美酒顏色鴨頭綠
主人笑靨玫瑰紅百年舉案兩無失
德曜爲婦翁梁鴻朝游弱水西暮棲
弱水東夫妻得道古不乏唾魚唾獺
難雌雄妻拜西王母夫拜東王公坐
看蓬萊幾清淺剗然長嘯天宇浩劫
無終窮

又一首

珠樹雙棲鶴無憂到歲寒
照妻拙夫垢德曜古衣冠井白人
問世雞豚竈下丹林中行樂處嬰姪
入仙壇

贈鄴郡朱別駕二首

燕山分手惜天涯鄴郡風流仰
轡車嶺上仙童供靈藥不須勾漏
覓丹砂

已聞丹熟遍身香更爲蒼生祈壽域
若向琅函較功德便教先後許旌陽

再贈周履坦

周郎冰玉姿浣墨吳江水飽看峯
巒與最酣醉臥支硎呼不起日月
銷磨書卷間心胸磅礴江山裏等閒
人世落閒名早有聲華動

天子一朝召入未央宮先親褒公後
鄂公塔下鬚眉宛相似頻蒙溫獎如
春風昨朝駕向溫泉去頻煩中使傳
天語寓直嘗留左掖門傳食屢膳大
官署更聞

聖主孝思深欲寫

祖宗如鑑臨千秋盛事小臣手全仗
經營慘澹心倚歟帝

蓮洋集

卷十九

七

網八紘下一長總已歸陶冶但看絕
技早能收豈有遺賢尙留野相逢縱
酒向長安因君翻欲歌皇雅

方綱按中間忽疊用頻字不合後半亦太淺易

秋夜聞絃索

高齋寂無事孤情良悠然何人理絃
索聲韻明燈前繁響臨風急哀音入
指圓曲終心不定空攬客中眠

方綱按此首字句實爲亂雜

送魯巷之黔西二首

承恩拜闕擁雙旌慷慨今爲萬里行
眼底江山遶驛路天邊雨雪計王程
瘴花開處賓人候蠻樹交時鳥吏迎
最是朝威德重旬宣從此倍聲名

旌麾掩映碧油幢
跼跼飛鳶過楚江
報最聲華應第一
耐勲階次自無雙
精誠銅柱標難奪
賦力龍文鼎可扛
轉眼歸來開府待
雄文細檢話西窗

方綱按前一首既曰遵驛路又曰王程後一首既曰應第又曰自無雙合掌重沓詩家所忌也

追詠薛節母楊夫人

翠筠霜竹節古井寒無波
比似貞母心白首無偏頗
夫子仙桂質早歲聲義我豈知
未中道花藥萎高柯摧傷母氏心
之死矢靡他青鸞弔形影黃鵠成悲歌
幸有雙鳳凰謂令子君顯含華繞膝爭婆娑
羽翼日以成九苞煥相摩其聲中律呂
方將鳴太和傷哉北堂上駒影倏已過
音容杳難問追溯涕滂沱
勉旃秋風時文陣排闥戈一鳴願驚人
歸來曳朝珂再拜爵九

蓮洋集

卷十九

六

原庶幾仙顏配

贈謝鶴菴二首

品茶大似陸鴻漸
較水還同劉伯芻
紗帽籠頭煎總好
仍須紅袖捧瓊甌

方綱按芻字誤押

楊柳東風柔軟條
真如十五女兒腰
香山居士風流甚
待選雙蛾仔細描

方綱按以上十二首或應酬近於或格調近但非徵君用意之作往往在史館官與蒙泉前輩言及刻本應酬之作太多蒙泉亦深以未經刪汰為憾至於體裁格調則已有漁洋先生論次在前後學安敢復置一語然斯道千秋公論必不可誣而卷中類此者頗尚不少若必盡從刪乙別附卷末則恐拘攣太多漁洋先生不作誰敢僭為之哉爰與張觀察往復商論姑就通洋詩訂者置於前未評者置於後而其中必應刪者畧為摘附於後而不別為一卷亦示

弗敢
僭也

蓮洋集

卷十九

五

蓮洋集卷第十九終

蓮洋集卷第二十

河中 吳 雯 天章著

後學浮山張體乾確齋校

宋蒙泉司臬補鈔七十五首

贈徐勝力

昭王臺畔梅花時無塵輦路香風吹尚有公卿事文酒玉屑
霏霏瀾瀾厄坐上高人孝穆後才雄心膽大如斗縱橫二十
一代事曲折纖微皆上口主人送客休晚筵霜月皎皎星辰
懸天涯豈恤官街鼓更欲提壺無酒錢嗟我生平鄙章句擬
學無爲斷言語逢君高論莫能酬且向中條讀書去

題封人

蓮洋集

卷二十

一

兄弟不相協誓母及黃泉食羹廣錫類悟王在片言大隄見
真性洩洩融融然同氣當用和何況賓僚間挾轉意一逞拔
戟遂招愆螫弧奮先登奸人已伺便忠孝一朝盡大難空相
煩昔我過遺墓春風草芊芊君子謹纖微三嘆撫麟編

此身歌柬韓元少先生

此身謂非我居然耳目能明聰此身謂真我呼吸不存俄生
蟲臂彈尻馬寧異說龍蟠鵬撥捐雷同世人紛紛轉茫昧因
之蚓竅爭蠅蠅逝者如斯歎川上無言本自歸鴻濛明明此
意在鄒魯其如雷電乖盲聾雕刻心思養口體尋常貪惠成
伐攻福輕於羽不知載百年馳驟何終窮美食投箸輕萬錢
我冠大佩修高容高名厚實兩俱得聲華誰敢輕汗隆總使

千秋尙餘慮金蠶玉盤埋邱壘水銀池沼雜鳬雁可憐長夜

魚燈紅以此膠擾鄙嚚還况復先聖多發蒙十年有學願無

學相視而笑嚙堪共先生文章具性道使我捧讀心神融天

授鉅手闢元化軒轅鏡子懸青銅昨口慈仁一握手呆愚薄

日光玲瓏吉人藹藹見真趣許令塵土開心胸世間原白多

上士轉忘纓紱分雌雄長而不宰果何德從斯永擬參猶龍

豐干大士
一領布裘溫隨時道最尊空山聞梵唱騎虎入松門

寒山大士

布襦太零落形貌復枯瘁居止寒岩中時來國清寺

拾得大士

蓮洋集

卷二十

二

畢竟誰家兒呱呱赤城道法明念戒差果破聲聞小

送張西野先生之官昌寧

涼風颯秋景承 恩雙闕間夫子善爲政問道汾陽山玉署

檄花接高齋松露閒鳴琴俯流水鶴唳南峯還

贈雪客

鴻鵠蓬艾間低飛豈能高神魚困螻蟻終當還波濤公子干
將器挫刃羞鉛刀千慮偶一失豈卽非賢豪衆見本兒童口
語遂嘈嘈長歌東海來痛飲撥檀槽憂傷究何益徒爲自煎
膏丈夫百年內逆順豈一遭宴居迺醜毒仁智出焦勞所嗟
春風時彼此皆二毛難勝再蹉跎何以舒翔翺臨岐一珍重
片言當久要

題子文鸞羣字後

鳴頭書罷又驚羣大令風流踵右軍
俄隸無端點書史七年難飽玉鈞雲

郭家溝

雨後山更佳石橋集孤想鳥下綠州
中人行紫泥上

宿靈石

樓外一樹高水邊眾星濕獨親燈火明
不覺風雲入

題索洲壁

沙磧見鷗鷀蟲聲亂禾黍白雲遶棟飛
昨夜東山雨

畚爰

昨日春冰開今日春鴻過春來轉惱人
蚤起風軒坐之子太

蓮洋集

卷二十

三

白精讀書萬卷破投我瑤華音珠玉生
咳唾借問山中人那得只高臥長嘯對
西林曉月金盆大

贈韓子衡戶部

十年蘭省令譽垂每向天邊憶紫芝
楚驛曾逢芳草外金臺還對落花時
趨庭遠夢我嘔雪拜闕新巢鵲鷺枝
莫道恩波承奕葉公才端有

聖人知

太行山行

盤迴入蒼翠欹側周陂陀立馬獨延佇
白雲生女蘿秋鴻淡無影澄溪寒有波
山家動砧杵如此月明何

雜詠

太極何悠悠陰陽互陶冶萬化本一原
識者何其寡下士多執持達人但瀟灑
知時感家雞觀物洞野馬死生如轉轂
出入誰堪把久竹生青寧其言頗馴雅
不見安平鳥乃一老鈴下

簡李紫瀾編修

憶昔青門別徘徊風柳下一臥條南廬
幾閱東臯稼竹塢聞鷄鷄花岩走香廚
何爲染京塵重來對長夏幸托君子知
常有公朝暇論文壺屢傾問字書頻借
藥物入新釀牙籤空高架壯懷久消盡
况當嵇阮亞無事感慨餘耳熱舞甘蔗

同西厓孟穀集阮翁宅時西厓新至孟穀將讀書房

山

蓮洋集

卷二十

四

頻年客瀟湘念我同心友忽下淮南帆
來醉新豐酒翩翩燕出簾嫋嫋風在柳
王郎復小別明日房山口良夜雖及茲
嘉會歎非久司成秉大雅獨與布衣厚
莫聽長樂鐘花前易分手

贈王屏侯

紅發東園梅綠破西津柳省論眼前事
且酌花下酒水魚不計錢江橘嫩香手
風土致不惡故國亦何有昨夜海氣寒
不知山雪厚君家白牛溪龍門在其右
開畦種薯蕷霜落收蒲藕醉鄉好日月
清景豈相負每到春雁時可憶橫汾否

答高晴谿四首

今年春雪生寒甚新笋南園發較遲
昨日歸來掃荒徑舊林

纔見兩三枝

司馬能開櫻筍厨輕歌妙舞曳華裾香風吹動江南客漂麥

高人也罷書

姚司馬治具歌者頗麗也

客裏惜騰抱醉眼醒來佳句滿長箋紛紛珠玉驚人眼筆底

真翻萬里京

憂病憂貧雨不勝磨礪心性退堂僧感人賴有千秋識脫盡

鞢絛過海鷹

七夕同斐然旦復集魯菴水部一畝山池

驟雨移紅燭池深漲綠波莫驚蛇繞柱真待鵲填河醉向攤

書帙愁難廢嘯歌歸途盡簾底幾踏虎皮鞋

謁永樂宮

蓮洋集

卷二十

五

仙翁果何處松檜但依然劍氣常通峽鶴聲每在天采思丹

鳳搜素簫白龍纏晚愛西峯月清光溜石泉

登河中郡樓 一作登白樓

從來今古亦關情況復登臨感乍生人代已隨晨雨散河山

不改夕陽晴野花開遍薰風殿春鳥啼荒魏豹城日暮更聞

原上笛誰能此地不沾纓

送魯菴水部出鎮黔西二首

嶺嶠風清劍氣寒丈夫四十果登壇虎頭舊識通侯貴龍節

何憂鳥道難銅鼓烟消千嶂曉牂牁春到萬人歡馬如羊矣

金如粟敢信從無著眼看

十年然諾重生平意氣從來萬慮輕六詔新看膺異數百蠻

原不畏同行違親未許先朋友知我真堪擬弟兄我尚未衰

念執生日

清秋玉露裏蒹葭觴酌崑崙醲桂花華國文章留貝闕凌雲

意氣入烟霞身名豈是鴻留爪世事休驚馬駕車爛醉周郎

還顧曲浴鵲亭北按紅牙

何水部讀史圖

古人不可見往事如列燭千秋成鑒戒吟唔善幽獨勿謂皆

陳言感通等發覆水部頗好事買書動連屋全史舊所藏下

簾日三復德言見警欬道風會肅穆忽當激發時抵几驚僮

僕問君何以然直道自相觸繫余早失學半生空鹿鹿結習

蓮洋集

卷二十

六

中文字中藏自陶淑有如脉望緣窟穴在簡牘近頗慕無爲

虛空索機軸六經原註我萬有天然足結茅對晴蓮白雲看

起伏提攜酒一尊坐擁書千束糟粕笑斲輪願君發遐矚

勸酒

東海日曛曦光輝遍林藪借問啼髮翁此日何年有連朝北

風惡水合直沽口却憶海上山山中雪應厚黃精苗有無欲

劇但回首不如層冰下生魚比纖手鑿冰下絲網素鱗燦堪

數薦之白玉盤盤魚色難剖請得魚一頭可勸酒一斗一斗

復一斗醉倒洪崖友回看東海日又上窗前柳

臨池四首

風日生微和茶聲竹間瀉小坐井闌西霜禽飛復下

奉橘只存帖無書達洞庭何從三百顆隨雁下青冥

愛煞山陰字術環對夕陽果然名父子家法十三行

老尚耽文墨臨池笑墨溫未遲桃結子且看竹生孫

和題初翁屏風六首

平生未遂織阿御置酒空懷天漢臺好向爐頭乞一醉猶堪

給札賦楊梅

卓文君

占斷風流桃葉舟春風幾葉候潮頭江干寂寞留空渡一倍

關心白下游

桃葉

年來心慕白毫光常恐天魔力尚強若得琉璃成世界旃檀

不借散花香

洛珍

寶髻玲瓏琥珀簪純鉤豈止直千金黃衫意氣歸紅粉愧死

蓮洋集

卷二十

七

人間反覆心

荆十三娘

每患情多豈俗情枇杷花下避閒名蠻牋十樣書雖盡合是

春心幾夜生

薛濤

曾伴雲山老衲衣一言肯墮箭鋒機即看當地蓮花發不復

巫山行雨歸

琴操

再過石鼎園主人適出自飲花下

三口不到園中來只道園中花未開今朝騎馬到園裏不謂

花開已如此主人早起過誰家不怕辜負園中花我對花枝

發長嘯若不痛飲花應笑傾倒青絲雙玉壺園外何人唱鷓鴣

鷓鴣

送劉如南之江南謁宋中丞

林屋洞口梅千樹君到江南二月天我欲共看未得往具區
遙望心依然滄浪亭子修更好中丞文采照江表君隨節下
幾流連倘有新詩寄應早我但中條甘嶽薇天下誰能重布
衣心繫江南住江北春沙開處鷺鷥飛

答謝修玉行大令

使君襟期何磊落特爲開樽共磅礴新辭輦路出長安便種
梅花滿官閣昨日臘雪三尺強香山一望浩茫茫豐年先使
瓊瑤集瑞麥旋教餅餌香井邑連年不可道田疇蕪沒無青
草家家望得使君來陌頭只覺春風早董澤碧玉抽新蒲使
君勸農歸騎徐郭公尚有讀書處他日同來繙異書

河上樓

蓮洋集

卷二十

八

河上高樓白板扉前山一帶夕陽微蕭條縣市無煙火愁見
橫空水鶴飛

答人

自卜條南舊隱居明星玉女對攤書門前萬里崑崙水千點
桃花尺半魚

宋蒙泉云此詩見漁洋詩話後
一聯與七古一篇畧同兩存之

貽張健一

還山理場圃閒畦種瓜畝一載海濱來仍向高堂坐相對溫
且莊心喜能負荷內行既精嚴芳聲自流播余慚年髣侵免
旃共無情

寄雷龍訓都督

將軍猿臂稱神武昔日南山曾射虎少小卽學萬人敵拜官
已得都督府憶昔相別楚江邊契闊於今二十年此時金印
懸如斗果然事業人爭傳近聞移節南陽道玉帶蟠花好容
貌五十封侯也未遲且看卽有金門詔

送繆天自歸里

落日淡寒洲西風古渡頭故人從此去京路悔前遊老剩詩
名在歸憐木葉秋錢塘百戰地憑弔想中流

夜聞雁

紫塞幾時來寒聲墜茅屋如何夜已半尙未蘆花宿

送僧入越

瓢笠蕭然上國逢歸途冉冉水雲踪他時若過靈嘉寺一扣

蓮洋集

卷二十

九

于闐九乳鐘

題畫

玉山真見兩峯晴古木殘陽似孟城最是深秋風景好何人
解向此中行

念一舍人初度二首

落雁風高正對門秋懷玉女洗頭盆迢迢東海重攜手坐識
當筵子尾樽

小別匆匆已一年相逢又近菊花天到門先訪讀書處篆水
樓西暫泊船

題友小照

晞髮匡牀對綠蓀茫茫太古幾朝昏林中煮茗山僮慣恰有

飛泉繞石根

又二首

茶烟裊裊日方長坐久松花滿石牀解得隨緣真是好炎天
冰雪十分涼

捧到金徽不用彈高山流水盡顚顚會心本自無多說萬事
難禁靜處看

失題

一年歸去臥烟霞東海重來共釣槎難忘葛沽春色盛三千
里外看桃花

別斐然

蕙草當階三兩花相逢猶及共天涯頗驚彈指升沉異閒話

蓮洋集

卷二十

十

街南對早霞

贈錢介維

有木瓜聯句詩甚奇

城南聯句才無敵知有清思過孟郊飲水常愁虹石澗看松
每喜鶴歸巢雨中青李垂垂實風下首蒲葉葉交東望烏丸
連海岱教誰舟楫困塘坳

題沈客子紫茜村莊圖

公子當湖隱才名動五侯一從花港別幾夢木蘭舟誰飼池
邊鶴常開水上樓雙橋風柳夜空照月如鉤
寂寂花田沒茸茸逕草成居然喧水獺猶自發山櫻春獻風
雲氣寒塘鷗鷺情中條有茅屋早晚亦歸畊

雪中集飲得魚字

無雪三冬鬱不舒今朝快雪意何如華筵且薦霜前橘葦岸
誰又冰下魚筆陣漸看驚雉鵠酒鱗全未凍碑礫長吟已報
豐年好擬向春田早荷鋤

失題

每憶天台路真同海雁居誰能國清寺頻問孝然廬夫子猶
高義將迎更起予他時鐘鼓外心素契鷄鵒

題劉鐵龍負劍圖

文采帶利劍古人稱盜竿劉子豈其然將轉轆轤珠鐸冠斜
披日本裘背負一段青珊瑚世界不平平心地心中那有不
平事眼底皆付晉人笑筵前肯假公孫器知勇爲鋒廉爲鐸
大匠無端代求斲總然千里不留行那見龍鳴勝屈蠓寶鼎

蓮洋集

卷二十

士

溫溫火侯勻百鍊搏成無價珍風胡無言歐冶死從此蓮花
有化身淵默匣中生霹靂負之而趨誠有力勁靜須教山鬼
驚行藏那知天魔識徙倚休嗟行路難長空珠斗夜闌干安
居始信真無事多少癡人畫影看

池菴答如上人

昨日看梅梅尚遲今春寒似去春時半塘却憶微風雪曾到
靈岩見幾枝

佛日從劉公祇先生長椿寺看梅

蘇門先生最清興徙倚寺樓烏帽斜不事早朝因佛日便留
僧舍爲梅花

上方松影下方分南院吹笙北院聞一入招提少塵事霜禽

野鶴自紛紛

贈孫彥先

買得梅花三十樹欲將丹竈傍梅花如今雪裏匆匆出回首
溪山有暮霞

曾向金門去幾回聞君已解結靈胎中條我有三間屋專待
琴高控鯉來

卽席戲和魯菴

梅太天斜柳太柔瞳人剪斷半江秋臉波紅暈看看上的是
盧家一莫愁

雨後登縣城口占

雨過江城濕薜蘿青山脚底客帆多愁中轉畏逢漁父強作

蓮洋集

卷二十

士

滄浪解事歌

苦書自解

昔人學書苦無紙或以蕉葉及畫地近日惡札有何好賺人
纖素紛紛至勸爾力書勿厭煩只如畫地求紙難他人擣蒲
葉白日牧猪奴子誰能看

種松

生平不諳種松法偶爾栽成三四株晨興過看含露色雲霄
仗爾各撐扶根下曾聞有茯苓劇來可以制顏齡衰顏相對
翻增笑八百春來待草亭

失題

巖棲非不佳重爲京洛行爲懷吐哺知敢戀山居情道塗雨

雪多入座春溫生蓬萊渺何處丹經述明彭宇宙挹太和律呂諧韶韻卽此等壺嶠四海聞今名願言梅花側一奏縵山笙

方綱補鈔一首

遂安毛際可安序堂文集復張石虹太史書云憶與申選剛之日兩河父老羣起訟冤而歸水往來竟有僵死於河上以見海內名賢開懷同好皆非有所爲而爲之者也

河流湯湯河沙揚揚今日苦風欲渡無梁歲云暮矣長河已冰念我使君欲罷不能我有室家七年不擾繫惟使君孔邇懷保便君罹議非小人心薄訴於上涕泣濡襟裹裳涉水寒風浩浩布襦零落傷骨何告使君如父小人如子父困於灾子分於死叫天無辜踉蹌中野啣感而沒偃於樹下

蓮洋集

卷二十

三

天子命吏爲民之故民愛吏死吏別民去民不可活吏不可自徒然冰泮河聲悠悠

附錄聯句一首

古藤書塢送吳徵君魏上舍聯句

握手古藤下秋深旅愁積歸來西溪傍猶及種春麥吳雯我

亦袖輕鞭明發辭紫陌倦鳥不同飛各自張旅翮魏坤二子

澹雅才肯爲時俗役英詞迭相應如以桐扣石陸嘉淑柳塘

水深深蒲坂山驛驛改歲君到時古藤花滿格查嗣璣改大

房一斗泉釀酒水雪白酒熟君不來落花良可惜朱彝尊

王文簡池北偶談聯句詩人各賦四句分之自成絕句合之仍爲一篇六朝謝朓范雲何遜江革輩多有此體頃見朱太史騰笑集有古藤書塢送吳徵君魏上舍聯句甚得齊梁之意

附錄詞二首

咏檻竹

何處玉玲瓏檻外清陰護帶露和烟似有情寫得離騷句屈指籜龍根直上青雲去驚醒幽人臥北樓一陣湘潭雨

望遠行和融谷

牽牛花外濛濛雨愁絕江淹一賦鯉魚風近青雀舟橫吹散鬢絲如許酒客零星醉向長亭遠望正有賓鴻南去唱河梁又蚤青山將暮延佇屈指金門詞伯似病沈於今堪數八柱堂西伏波巖北驅爾三年閒任恰有柔奴作伴藤梢橘刺引出懷人句喜歸來便是去時愁處

附錄雜著四首

蓮洋集

卷二十

四

準提像讚

有旨準提王功德不思議百千萬手目拯濟恒沙衆將身坐寶蓮爲世見光影若論其究竟無在無不在嗟我蟻蝨身負障等山嶽身見不能忘山嶽何時了伏望慈悲力默相加護佑一切非一切無上解脫門身色如琉璃曇雲四彌布如是衆生盡佛願卽圓滿

似東坡

疾銘

疾本無疾病本無病不能調御輒致交競如水起漚似木生瘰癧瘰何來卽水木性金剛不壞第一無諍知常曰明法天曰聖守中致和盡性至命一念萬年寓諸無竟

志公讚二首

見語出應果何取復何捨口口錦袍行院山劍水下
妙相原無着僧繇描意難只應隨杖已得紫旃檀

文殊大士洗象圖頌

狂象曾聞畜六牙而今馴伏捧蓮花浮幢香水慈悲甚洗盡
恒河沙復沙

蓮洋集

卷二十

十五

蓮洋集卷二十終

別本蓮洋集二十卷

刑部員外郎張道源家刻本

國朝吳雯撰雯蓮洋集已著錄案王士禎作雯墓誌
稱其詩一刻於吳再刻於都下三刻於津門今皆
未見趙執信懷舊詩序稱雯以遺稿付王士禎雯
沒後將二十年其集未出疑士禎毫而忘之又稱
池北藏書散失殆盡是集可知則雯之原稿似乎
散佚近時乃叠出三本一爲臨汾劉組曾所刻一
爲山東孫嶸所刻一卽此本爲浮山張體乾所刻
劉本稱得自士禎門人黃叔琳家孫本及此本并
稱得自雯姪秉厚家皆以士禎評點相誇孫本並
考核評語之同異此本更較量圈點之真僞考第
七卷中留別仝車同詩載士禎評曰今車同果領
解中州此亦識也惜天章不及見耳灼爲雯沒後
之語則士禎所定或歸吳氏亦未可知也然士禎
諸說部中所品題獎借者幾於指不勝屈今其集
率久覆醬醃無人重其姓名而雯詩獨數刻而未
已是知雯詩足以自傳不以士禎始重也刻雯集
者反若借士禎以傳雯然則使雯不及識士禎卽

謂雯詩不工乎三本之中劉本詳備於孫本此本
又詳備於劉本要之詩之工拙不係篇帙之多少
今繕孫本入秘閣而此本則存其目焉

陳清端公文集八卷

〔清〕陳瓊撰

中山圖書館藏清乾隆三十年兼山堂刻本

附《四庫全書總目·清端集八

卷》提要

叙

陳清端公文集

清乾隆三十年

兼山堂

古所謂三不朽者曰立德立言立功余謂三者合而後藉以傳不朽何也士人藝七寸之管鵞采色誇聲音當其自鳴得意謂足信今傳後而於身心切要之國人心風俗之恆不過獵取陳編之口無補抑或醇慤少文之士功業彪炳一時而文章不少概見一旦世遠風微英華銷歇尚論者如希蹤緒妙以想見其性情之所存注未可得雷州陳眉川先生

荷

聖祖仁皇帝特達之知敬歷中

外數十年如鷗鷺之翔秋風

若巨魚之縱大壑翮翮太平

潤色鴻業三湘七澤之間頤

越閩海之北風行州縣吏治

稱極盛焉文孫肅菴太守奮

筆先述遺藁彙為一編其間

周序

嘉謨入告永流宣化之盛

除弊月吉如和之文典夫碑

記雜著之足供採擇者編校

付梓讀其書者可以得居官

之要道經世之遠謨區揚風

於雅抑其末矣然則公之立德

立言立功以法天下而傳後世者

如接聲歎豈獨為陳氏傳家之

治藩已哉

乾隆乙酉仲秋涪陵周煌書於

瑞章試院之靜者齋



周序

三

序

唐宋來立言垂不朽者莫如昌黎廬陵之文而二公論文之語若出一口韓子曰根之深者其實遂膏之沃者其光曄仁義之人其言藹如歐陽子曰大抵道勝者文不難而自至固以立言者自有本焉不在區區文辭之末也粵僻在嶺南雷與瓊並瀕於海

序

猶憶幼承庭訓謂雷瓊間產三異人一日邱文莊一日海忠介一日陳眉川先生當是時先生以天下清廉第一屢獎賞于

聖祖仁皇帝故遐邇相傳頌而先君子遂各道其生平或文章或氣節或政事俾知所效法迄於今幾四十年矣文莊公先代名儒所輯大學衍義

補凡治國平天下之道皆可坐言起行惜哀慕登朝迄未竟其緒忠介公清風勁節雖婦人孺子亦能舉其一二端以為美談而文章則不少概見於世先生遇逢

聖

主治行卓越薄海內外莫不知之獨其生平所著作尚未或傳余嘗謂人生有三立所以垂諸不朽必同條而

序

共貫若文莊若忠介既人往風微祇托諸想慕耳我與先生生同斯世世嗣與家贊元叶飛兩尤又為鄉同年友而余曾不得附年家子之後親承丰采以奉教所為三不朽者不勝慨然於吾生之已晚也今年春余校士雷陽即訪先生後人乃知有明經名子翼孝廉名子良茂才名子恭孝廉

蒙

恩眷念名臣

特賜鄉進士茂才人品端方余將循例
舉優行以登於朝及詢先生遺集則
僅以制義見示而未見詩古文詞迨
由雷赴瓊獲覩文莊忠介合選八冊
又得瓊山學的一冊茲由瓊回雷孝
廉兄弟特抄輯先生政績二冊文一

序

冊詩一冊示余而并囑為序余平生
文莊詩文類泰容恬適意盡辭止庶
幾乎有道君子言近旨遠者忠介不
留意於語言文字間而當其性情所
激發則稜稜見風骨自謂於四子六
經或堪輔翼我先生政績昭彰固已
功在社稷澤在生民而詩古文詞亦
如昔人所稱瓊山根本盛而枝葉衰

事情多而筆輒少嗚呼此則本諸德
行以見於事功而後發為詞章實有
可垂以不朽者克比文莊忠介兩公
豈第爭勝于文辭之末云爾哉若夫
先人手澤既猶有存孝廉兄弟讀其
書即學其為人勉為不朽業以勿替
家風是猶惓惓此心所歧予望之者
乾隆丙寅六月望日荅上孫人龍手

序

稟

四



陳清端公文集序

余童子時即聞海內有清端
陳公者以名進士起家數歷
中外數十年推治行第一而
公方如孤山老衲以老苦自持
天下信之顧弗及親其儀範
聆其緒言有余生也晚之憾

序

公以顯官都門獲交其文孫
某菴聞述遺事益心儀之
某亦讀公書也泊余謝病歸
公菴亦出守南康結書
一紙傳主講白鹿洞數晨
夕肅菴乃盡出公詩文相示
某亦讀之蓋自昨今兩部

實而此書之盛司以五桂將軍

氏與利除弊恤民飭吏崇教
起化之方具在焉其間敷奏
之辭要指陳之剴切播告之
懃懃與夫論學論文靡不洞
達曉暢加以老老哀哀瘼詢度
淑謀惻惻之言溢於行墨歐


序

陽子所謂言之所載文之所
行大而可恃以傳者也其他
記序既有韻之作要皆原本
性情抒其所深親之發采色
誇聲音者相去不可以道里
計于是嘆曰德者必有言而
而所聞風起慕憾生之晚者

乃今為親儀範而聆鐫言也
局卷在商康未久而澤已奉
以及于振起文教召以遺風
為編校既定將接諸梓以流示
天下矣余以一言綴簡余材朽行
不修序以文聊志夙昔景
仰之誠稍憫藉云爾時在
序

三

乾隆三十年歲次乙酉立夏前三
日海虞後學顧鎮頓首拜序



陳清端公家傳

公清德重望上結主知下孚輿論既已紀之
太史載在司勳足以垂世不朽矣而 國史所
錄類舉其大不及覲縷餘事其孫南康太守子
繫屬余補綴遺軼藏之家乘以示後人因據舊
狀採摭詳於諸生作令時事後乃撮其要者作
陳清端公家傳

公諱瓚姓陳氏字文煥一字眉川海康人去雷城
東洋之十五里寔家焉世族單寒祖父皆潛德弗

家傳

一

耀公始以進士起家歷官都察院右僉都御史巡
撫湖南福建追授禮部尚書

賜諡清端

詔入賢良祠公少貧嬰茹苦力學年十九補郡學生旋
丁內外艱毀家充喪葬生計日索餼粥時不繼然
試輒冠軍以故從學者眾得束脩羊稍贏輒分贍
親故雖日不舉火弗恤也廻翔諸生間久始以年
例貢成均時公年三十四矣又四年癸酉登賢書
明年甲戌成進士初雷陽泐立義館當事延公掌

其教多所成就釋褐諸生復邀公講學其中里居五年足跡未嘗及公門於人世苞苴無絲粟濡染每謂貪不在多得非分一二錢便如千百萬後嘗舉此入對寔未仕時律身已如此已郊謁選得福之古田令古田穴山而居丁田清錯賦役輕重敬民逋逃轉徙黠悍者或嘯聚林谷奸吏藥牙其間徂詣喜事挾持短長泣斯土者率坐累去公襍被之官即條具八事請於大吏行之而賦平役均民以藉息報最調臺潛復陳事宜十二條以興學

家傳

二

廣教為首務時臺邑騷化未久俗驍悍公任事三年而民知禮讓有文翁化蜀風已入為刑曹郎轉兵曹已丑分校禮闈待士一十八人尋奉

命視四川學政教士以崇德勵學為文章根本校課之餘留心民瘼作全川六要論上之行省未及代調巡臺屢臺故舊治稔其弊至即請革官庄除酷吏恤番民鼎新學宮建紫陽祠於側示人以格致誠正之學海外如鄒魯時撫閩者為儀封張公相倚如左右手閩人至今樂道之前後在臺八年簡於

帝心遂有巡撫湖南之命以監司膺節鉞益曠典也踰年

陞見面陳閩楚事宜稱

旨

寵錫

御製詩章及書籍貂裘等物

天語褒嘉稱其平和正氣為

國家祥瑞遂

命移節福建公受

家傳

三

恩威激益自刻勵撫閩三載吏畏民懷以勞卒官年六十有三

朝廷震悼卹蔭有加事詳別錄雷郡東有洋田萬頃為海康溪溪錯壤堤岸一十七處逼大海海潮冲噬多傾圯漫溢山廬民失業公嘗告諸當事倡議捐修無不應者及為閩撫乃奏請興築焉公自筮仕古田至為巡撫計二十年子身於外未嘗延致幕客父子睽隔數千里不能具舟車通往來僅從一二人官廚惟進瓜蔬皆人情所萬不堪者而公恬

然處之終其身非有定識者能然歟

聖祖常目為苦行老僧又謂是古清官未見有如伊者

亮哉

聖主之知人也公居家孝友在族黨間恂恂謹子弟率

又似絕無奇特者其盛德君子也夫

賜進士出身

誥授中憲大夫充

玉牒館纂修官宗人府主事前國子監助教加四級

錄六次年家眷晚生顧鎮頓首拜

家傳

四

陳涓端公文集總目

卷一

題修建寧府建陽縣朱子祠疏

題修雷陽堤岸疏

題將公費捐修堤岸疏

卷二

古田縣條陳八事

條陳古田編審事宜十議

古田縣捐修城垣詳稿

清端文集

總目

卷三

條陳臺灣事宜

刑曹呈稿

卷四

全川六要

臺厦條陳利弊四事

條陳經理海疆北路事宜

臺厦道革除官庄詳稿

學政條約



卷五

古田縣諮訪利弊示

古田縣季考生童示

辭建生祠示

臺邑問民疾苦示

勸息訟示

四川博採詩賦襍文示

臺廈禁酷刑濫派示

臺廈允賜修省示

清端文集

總目

二

撫楚諮訪利弊示

撫楚通飭吏治示

撫楚嚴禁重耗示

撫閩曉諭

卷六

重刻海忠介公脩志集序

司訓嘉村襍著序

宮牆錄小序

陶菴四書文序

楚南觀風錄序

臺廈試牘序

閩南觀風錄序

送葉南田由樞部出守廣州序

壽雷陽徐副總戎序

壽海安曾都閫序

壽樊夫子文

上孝感夫子壽啟

卷七

清端文集

總目

三

古田縣重修聖廟碑記

重修臺灣孔子廟碑記

新建臺灣朱子祠記

遇雲樓記

上帝廟求雨文

臺邑求雨襟城隍文

媽祖宮求雨文

名宦祠祭范忠貞公文

祭贊無枝先生文

祭范處西先生文

祭靖海將軍襄壯施侯文

祭耿夫子文

祭中憲大夫衛公南村先生文

卷八詩

五言古

酬蕭老師

感颺而作

冬日寒陪劉太府閱勘海隄

清端文集

總目

四

挺源

洞庭湖

午坐假寐

七言古

贈別黃蒼子

河堤

舟過浙湖漫興

壽孝感夫子三十韻

胡河九太史壽言

五言排律

壽大司寇王太倉先生

李相國鰲峰書院講學

五言律

途中九日

冬至

炙火

喜初晴客至

泗水橋

清端文集

總目

五

謁韓祠次大司馬吳公韻

人日課兒

海鳥

贈別劉太府

贈蔡世兄

廬州謁包孝肅祠

古田下鄉徵糧十九首

山行

次黃栢

半額民房

勸墾

刈禾

兌糧

聞鷄

立社學

招逃戶

過古竹田

犁洋父老留宿不果

清端文集

總目

六

謝教坑

額下

追呼

過青洋

行深山

到鄭家山繞一日糧戶輸將已報全完次日流

淚別予詩以慰之

雙溪

次上滌頭

七言律

雷陽八景

東海波恬

西湖翠擁

萬頃連雲

一龍煙統

七星拱秀

雙髻梳粧

雷岡聳異

清端文集

總目

七

雁塔題名

東皋吳夫子館松

寄劉和達同年

初秋坐月

臂貢

過家山額

中秋

分關口占

燈下閱卷

初出都門

江上漁舟

過嚴子陵釣臺

過文丞相故里

過藍關

次奉其石同年留別原韻

求雨

人日自警

訴災

清端文集

總目

穗城似別古羅黃子

燕陽竹屋

五言絕

曝日

偶遣

夜行舟

百花草詩

行越舊道中

渡瀘

七言絕

大庾領謁張文獻公

舟出廬陵公祠下

偶遣

清端文集

總目

九

奏疏

題修建寧府建陽縣朱子祠疏

臣以本年正月二十四日至福建浦城縣地方遵
旨由陸路走建陽縣建陽有先賢朱熹考亭書院臣竭
誠瞻拜出城西門數十步外有南閩關里四大字
坊表臣肅然起敬以為進以必極大觀不意愈行
愈失所望一路荒榛不堪寓目頽垣敗址相屬及
至朱子祠下蕭然數椽湫隘卑暗循覽周還並無

清端文集

卷一

片石塊碑止用木板為牆前堂懸奉

大儒世澤匾額格物致知獨探鄒魯之實學居敬
窮理克紹濂洛之真傳對聯輝煌炳耀萬古為昭
如仍用木板牆壁年深日久必至不蔽風雨非惟
有失觀瞻深懼轉棄天藻伏覲我

皇上念朱子著書立言醇正爰出諸儒之右

特舉曠典陞配十哲復

御纂朱子全書頒行天下俾士子咸知正學何等崇重
而考亭為朱子晚年卜居故址神明陟降洋洋在

斯可不急議修葺臣現行建寧府轉飭建陽縣
召匠估計通體興修易木板為碑石改秋隘為崇
壇期稱我

皇上崇儒重道至意理合奏聞等因於本年二月三十

日摺奏奉

旨此摺甚是著速具

題欽此到臣臣遵即會同督臣滿保合詞具題其需
用工料各費臣同督臣將俸入所餘公捐修葺並
不派累地方及所屬各員俟遴委能員督修竣工

清端文集

卷一

二

逐一脩造清冊送部併繪圖進呈合併聲明

題修雷州堤疏

臣廣東雷州人也雷州城東有洋田萬頃爲海康
遂溪二縣民田交錯因逼近海潮設有堤岸包圍
在海康縣界者分二十八宿爲號在遂溪縣界者
分十干爲號備載郡志祇因歲久失修各號岸間
崩塌過半致海潮溢入損壞民田歲收失望被災
小民無從呼籲地方有司以工費浩繁不便干請
伏覲

皇仁如天率土徧覆凡在瀕江附海堤岸通令修築保

清端文集

卷一

三

固民田獨臣鄉雷郡附海之堤崩壞如故難免向

隅臣生長天末幸叨

恩遇敢昧死奏聞可否聽臣題請

勅下修築俾瀕海赤子得免潮災克遂田廬室家之樂

歌咏堯天舜日於萬斯年矣謹奏等因於康熙五

十五年五月十一日摺奏奉

旨具題欽此臣謹遵

旨具由題請伏乞

皇上睿鑒勅部議覆修築施行再照請修廣東雷州堤

岸不便督臣會疏合併聲明

清端文集

卷一

四

題將公費捐修堤岸疏

康熙五十六年十二月初四日准兩廣督

廣東省
中書

咨開據雷瓊道呈報修築雷郡東洋堤岸需用工料銀五千三百一十兩除先奉發修堤岸銀二千四百兩外尚不敷銀二千九百二十四兩零應請公帑以敷厥事併議處分條例責成海運兩縣將堤岸就近查勘等由連繳圖冊到都院據此查雷州東洋堤岸先據海運二縣估計銀二萬九千七百餘兩節次駁查未經動工

清端文集

卷一

五

今據報除原貯銀二千四百兩外不敷銀二千九百二十四兩零若議公捐勢必又需時日查前貯司庫公費銀兩本都院奏明修築砲臺摺內原將東洋塘工料除出未開今據前情合行飭知為此仰司官吏即將舊貯公費銀內動支二千九百二十四兩委員交雷州府分發海運二縣承領購料僱匠擇日興工具報一面飭令將工料細數據實開造如有餘剩即將附近堤岸修葺倘敢浮冒侵蝕查出參究其工程多寡該員監督乘此冬季

晴明上緊修築勒期報竣限定保固年分如有冲决著落原修官賠補仍將該道所議處分例是否妥協應否并題之處查議通詳核奪毋得遲違等因除行廣東布政司遵照并行雷瓊道雷州府外相應咨會為此合咨貴都院煩為查照施行等因到臣准此案於康熙五十六年二月二十日准戶部等衙門咨開福建清吏司案呈戶科抄出福撫陳瓚題前事康熙五十五年十月初二日題十一月十二日奉

清端文集

卷一

六

旨該部知道欽此欽遵據福建巡撫陳瓚以收過捐納穀石應繳臣衙門公費銀一萬五千一十六兩現收存司庫應否解部撥充西師兵餉之費或留抵本省兵餉等因具題康熙五十五年十二月十二日大學士等將戶部議覆陳瓚所題公費銀兩撥充兵餉一事啟奏奉

旨先前督撫等將公費銀兩撥充兵餉等因具奏朕批知道了並無撥充兵餉之處額倫特亦曾如是奏過朕曾著伊買穀預備散賑百姓此項銀兩係伊

等應用之銀並非正項銀兩如以充餉則日後不肖之人將此項銀兩作為正項此外又至於剋索侵欺九卿大臣自然前來接駕爾等公同會議具奏欽此欽遵該臣等會議得福建巡撫陳瓚將應繳伊衙門公費銀一萬五千餘兩撥充兵餉等因具題戶部議覆准其留充兵餉等因具題奉旨此項銀兩係伊等應用銀兩並非正項錢糧如撥充兵餉日後不肖之徒將此項銀兩作為正項此外又至剋索侵欺欽此仰見

清端文集

卷一

七

聖慮深遠無微不至此項銀兩撥充兵餉日後不肖之徒作為正項此外又至剋索侵欺不便作為正項撥充應將此項多收銀兩交與該撫在伊本省有應用之處應用可也等因覆奏奉

旨依議欽此欽遵為此合咨前去煩為查照

旨內事理欽遵施行等因到臣准此該臣看得廣東雷州府東洋堤岸每為海潮泛溢損壞民田經臣題請修築部行粵省查議修築等因茲准兩廣總督臣楊某咨開云云到臣臣查雷郡東洋塘堤岸界

連海原邊溪二縣地方遼濶工程本屬浩大恐非五千三百餘金可以完此大工若修築不堅數載之內保無冲決之虞臣生長斯地深知海潮之患仰荷

皇恩擢撫全閩至隆至渥前臣奏請將收捐應繳臣衙門公費銀充餉准部議應將此項銀兩交與該撫在伊本省有應用之處應用等因今此項銀兩存貯閩省司庫仰請

聖恩軫念邊海黎民格外休養允臣將前項公費銀兩

清端文集

卷一

八

內動支五千兩差員解交粵省督臣轉發添買木料磚石以及匠工等項堅固修築則費多工同堤岸可得久遠臣與桑梓小民均沐

皇仁於無既矣再照此案係廣東雷州堤岸不便督臣會疏合併聲明

條陳一

古田縣
詳稿附

古田縣條陳八事

謂之爲治者必先定其規模而後從事治天下有天下之規模治一國有一國之規模治一邑亦有一邑之規模規模不先定則事無統紀條緒紛紜中心惶惑莫知所措其何能令一邑之事各得其理胥一邑之人相安於治然所爲規模者又非可懸空設想偏立意見必按視一邑之山川地形阨塞險易之數田土肥瘠戶口盈

清端文集

卷二

耗與夫人情土俗之所宜有便於昔亦便於今者因之不爲雷同有便於官不便於民者革之不善矯異參酌變通繼以要諸至正之模無弊之觀而止則雖條分款列近於瑣屑無非因其勢而利導整齊之也於以上逐功令中循憲綱一恤民瘼或有當焉古田穴山而處萬有餘戶其官田民田及附徵屯田禾千餘頃應徵錢糧將近三萬歷年積欠有累考感急於徵比則民皆逃徙至有嘯聚深林爲寇攘奸宄者其俗尤健訟不循禮法即辨爲知詩識禮者亦以武斷鄉曲把持官府爲

能事蓋閩中最苦最難縣也職自掣得部發訪之四方貴遊及本地京官僉云難治受事以來已屆兩月得之目舉果與所聞不殊一再思之既已濫竽一命即遇苦難下邑敢不殫心拮据寧有束手而嘆無何之理爰是不揆愚陋謹以平昔見聞有得者分爲八事各言其弊附以救弊之方知皆老生之常談於治道規模未必萬分一當伏念狂夫之言聖人擇焉仰惟憲臺經濟宏深於吏治民生固確有成見伏乞俯賜採擇批示俾下吏奉爲準繩而力行之以求免瘼曠之愆可勝幸甚

清端文集

卷二

二

一刊布

上諭恭錄

上諭十六條次第井井首敦孝弟示親民者以教化爲先教莫重人倫人倫莫重孝弟次宗族必宗族稱孝而後爲孝也次鄉黨必鄉黨稱弟而後爲弟也此生人百行之本也生人必資衣食故重農桑次之不節儉則衣食苦不足故尚節儉次之克勤克儉而教行其中矣故次學校學校王政之大也黜異端學不隳於奇袤講法律學不至於濶疎明禮讓學不流於放逸以至本業宜

獲弟子宜訓告不可誣造不可窩皆推學校之意而廣之者且有衣食必念衣食所自來錢糧可不早完乎聚廬而處非其宗族即其鄉黨保甲可不議聯乎誰非人子人弟之身而可輕生殞命紛圖報復之無已故終之以解忿讎焉蓋治道之規模真是矣但循例講讀城郭公所多不過一二百人少不及數十人已集年散徒成虛套其欲捐俸刊刻成編家散戶布於朔望勸講外更以公事之暇親詣村莊挈要解說庶幾乎民之目擊心喻安行而自得焉應否准即刊布伏惟憲裁

清端文集

卷二

三

一清丁田有田則有丁有丁田則有糧額糧之所以不完者由於丁田之以少作多以多作少也糧之所以混冒者由於飛洒詭寄推收未清不肯逐一開明也夫既不關明應納四丁而但籠統計某甲糧若干某戶糧若干必致糧多富丁巧計營脫糧少窮丁代受比責月累一月年累一季錢糧何自清楚考成安得無累乎職以爲宜令甲內花戶之丁逐一開列某戶名下田若干糧若干石丁若干口若干即有混註逃絕必無人逃而田並逃戶絕而田俱絕之理應將逃絕田畝坐落併造

清冊報官以便確查荒熟分等追比早完者放之歸農拖欠者拘之聽比不但田多乙少不得相混即趙完李欠不致相累矣應否著各都按戶開報糧丁伏惟憲裁一摘比積欠欠莫患乎其積也一季之欠積之年年而見盈一人之欠積之人人而見多實則歷年之欠以人之積欠而成尤以一二勢豪之積欠而成故必摘比二三勢豪之積欠而人人之積欠可清即歷年之積欠可完古田錢糧自三十四年起至三十八年止積欠一萬四千有奇及按都按甲按戶清查一人名下之糧有

清端文集

卷二

四

欠至四五十兩二三兩一二十兩最少亦欠至五六兩不等爲之驚心駭目詢其何所倚而能欠則云某其本地勢宜某某奉學棍衿某某各上司衙役每歲差役催糧不敢過問即縣令亦瞻前顧後不敢以此事指名不念自己功名曲留他人情面猶可言也並不顧公家錢糧任從若輩抗延亦何用此縣令爲職以爲民間錢糧欠少者必其升斗薄產欲完而不能者也欠多者必其田連阡陌能完而不肯者也故比古田縣之積欠莫如摘比所欠最多者而按之法但縣令一官最中

苦而又近此最難措手之地盡法行之必多嫌弊打格於其間非仗憲臺日月在上恐有遺照且慮其有所阻而不行則亦同於瞻前顧後之爲匪惟錢糧終不能清亦非職生平不畏疆禦之素心也爲此激切稟明伏惟憲裁

一實行保甲自來欲禦強盜必嚴夜巡欲防竊盜必究窩家總不過於實行保甲之法而已十家有甲甲有長十甲有保保有長自一甲至十甲自一保至數十保不許容留面生可疑來歷不明之人使十家互相保結互

清端文集

卷二

五

相稽查奸宄何所容隱又使各保自爲建樓置鼓每夜輪流擊柝相聞有守望之助盜賊未有不望風遠遁者查閱縣誌內開本縣地方廣二百八十三里袤五百五十里東至羅源黃重下里界西至建安南才里界南至閩清嚴上界北至政和均竹坑界東南至候官三倉石椿界西南至南平長安南里界東北至寧德石棠界西北至政和縣上庄界以縣治爲中央週圍凡有八路著各都社首開某路抵縣治若干里某路屬某都大小村庄共若干某村庄戶口共若干某人系作何生理有

無父子兄弟男僕又某人同居編聯保甲謹防盜賊而尤在爲縣令者家舍賭博以靖盜源率領捕員每夜分巡察其疎忽者懲一二以儆千百庶乎以實心行實事者矣應否即照分保分甲飭行伏惟憲裁

一均差徭力役之征庶人不免周禮國中自賢能者艾者艾皆復其役一以尚賢一以優老其不在賢能者艾之科則又爲定三日二日一日之制誠深恤其力而爲之所也若採力政於下邑惟長短夫役甚爲民害或放富以差貪或藉一以科十民力幾何其堪此擾累歟古

清端文集

卷二

六

田地方分有近都遠都猝遇長短夫役勢不能使遠都之民奔走跋涉而來導派之附郭內外答應查有在坊保長編派不公職除按法懲革外令每保公舉一人爲長發出官簿二扇盡數登記該保煙戶一有外輪值一存衙稽查近奉上憲軫恤一切白牌小票概已禁止即縣令公出俱發現價僱募用以休息民力使山城小民得安生業此亦仰體憲恩軫念民瘼之一事應否准照舉行伏惟憲裁

一除舊書藏後藏書懸踞衙門最爲民害查全書古田

縣知縣苦辦止十四名給有工食其工食奉公已久今
即十四名不足料理公務加至二十八名又加至五十
六名最多至七八十名料理六房公務亦應已足乃查
古田縣舊辦現有吏房十七名戶房十九名禮房七名
兵房二十六名刑房十二名工房八名六房外倉房七
名庫房二名庫子四名承發五名舖長房五名屯房十
七名更有冊房八名里書二十一名通共一百五十八
名此輩既無工食豈肯食貧以辦公事勢必瞞官嚼民
無所不至聚羣羊而牧以一狼已不可言況百十成隊

清端文集

卷二

上

乎職欲考驗通曉文移及寫字端楷者留存七八十名
開造姓名年貌都寄住址詳請批奪存案永絕後弊餘
則盡數裁汰令其歸農當差詔云興利不如除害此亦
為民除害之最先者矣至於奉文各省州縣禁里長
名色原為里長蠶食花戶起見又現行創民間納糧令
自封投櫃原為包頭攬納恐有多收入已等弊起見查
古田縣有四十八都又在城有五都通共五十三都每
歲征糧每都差押管催名為押差又差督催八名通共
五十餘人下鄉催糧又聞得每一正差俱帶白役數人

為爪牙并騎夫隨丁至十數人不等通共約數百輩
鄉分路西處騷擾所過雞豚一空愚民敢怒而不敢言
積有年所往日里長之害有至此極乎職以為古田錢
糧之積欠皆歸此輩蠶索任意侵收不為輸納捱比捱
責仍在窮民實則愚民何肯欠何敢欠也況省却飲食
舟車之費已足完正供錢糧似宜揭諭各都各鄉百姓
自出完糧或秋收之後縣令親赴遠鄉查比勒輸永除
押催督催等役伏惟憲裁

清端文集

卷二

六

無力措辦束脩供給師長而為官府者為之設館延師
代為教之故稱義學焉此皆崇奉儒教之憲宣布
朝廷作養人才至意通天下府州縣皆有而古田獨無
非闕典耶但久隸之餘鳩工建館未敢輕議查縣城內
某處有某房地頗僻靜有便習讀為訪本縣庠諸生中
之學問通明行誼端方者敦請一人為之師長聚羣子
弟之俊秀者而肄業焉其師生脩脯及膏火之助職願
捐薄俸量為周給將來絃誦之聲與宮牆並振其於教
化興行不無小補應否俯照奉行俟舉行後即將師生

姓名具冊詳報核查伏惟憲裁

一舉行鄉飲年之重於天下也尚矣自古帝王化民成俗未有不尚年者故養老之義載於禮鄉飲之儀著焉令蓋老老為其近於父也長長為其近於兄也民間知有父兄則凡事必奉教訓可無作奸犯科之為長民者猶敬民之父兄必不致暴戾恣睢縱其意之所欲故孔子曰觀於鄉而知王道之易易也查古田縣全書開載於鄉飲酒禮一條存留銀若干兩禮之廢不舉行久矣此教化不行俗之所以流失也職於嚴保甲冊內即令

清端文集

卷二

九

開明年親在案隨錄出年七十以上者另為一冊出示各保各甲於年高有德素為鄉里推服者令公報二人一為正賓其一為副謹遵令典每春秋二季擇吉於明倫堂肆筵設席鼓吹迎宴縣令親自執爵執醕俾環橋門而視者知

朝廷崇重養老之禮有司奉行惟謹是在有司假片時杯酒親就高年不但禮意曲盡且得細諮詢地方利病風俗淳澆未必無一得也應否准照舉行伏惟憲裁

以上八事皆職所關規模之宜先定者不刊布

上諭則教恐不徧不清丁田則糧多缺額不摘比欠則抗糧成習不定行保甲之法則草竊堪虞不均差徭則窮民偏累不除蠹書蠹役則舞文亂法不興義學則士風不振不舉鄉飲則古禮不復邑雖小未可治矣至於革火耗禁雜派公聽斷尤縣令所當自凜者容職次第舉行惟憲鑒寔式臨之未敢嘵嘵瀆聽也

清端文集

卷二

十

條陳古田編審事宜十議

照得編審例有定期凡爲丁口之生耗田畝之增減數年之內必多參差不齊故定爲五年十年編審之法以整齊之所以按舊管查新收清開除核實在者詳且悉也而弊即叢於其間有任法之弊有任人之弊職妄謂法弊仍當救之以法人弊仍當救之以人謹抒十議曰稅契收除曰禁勒短畝曰歸都歸甲曰嚴除逃絕曰免開書筭曰著認虛糧曰勿經升合曰合併屯丁曰僧寺附籍曰畫一比簿務期有以救人之弊而法斯立有以清端文集

卷二

十一

救法之弊而人可行不揣謬述條列如左

一曰稅契收除大凡錢糧之司以混冒拖欠者由於收除之不明而收除之所以不明者由於不用稅契之弊也稅契奉司刊條內開某年某月某日若干畝坐落某處價銀若干兩於某月內業戶某收入某都某甲納糧當差除戶收戶兩通認狀當官問明填上契尾即註入比簿收戶盈若干除戶便縮若干其契尾載有司印粘原賣白契縣印鈐蓋付收戶永遠執照其單頭則歲終彙繳司科核查自不用稅契而用白契爲收除而弊

清端文集

卷二

十二

質種種生矣有初立典契限年取贖者買主或利其田之腴竟假賣契收戶謂之偷收弊一有暫時典田耕種未甘收戶者賣主或嫌其產薄竟暗通冊胥除歸業戶謂之偷除弊二又有兩不見官各營已便賄買冊胥此甲註除田若干畝一條彼甲註收田若干畝一條計在免脫現征互相推卸謂之虛收虛除弊三又有勢家土豪影藉一二地段相同併吞民業且混乞縣官印照爲據使小民有稅而無田謂之冒收弊四又有富室計算貧戶田畝歲享租粒陽許津貼仍留原稅累貧戶血比謂之冒除弊五故田畝有除有收法也而用白契爲收除即其弊也欲救五弊惟用稅契一法理合請發稅契多張曉告里民此後有買田而不收稅與有收而無除又收除不憑稅契者田價概依律入官庶幾賣田即得除稅無曰賣稅存之累買田即收稅入戶亦省多年寄庄之苦而錢糧完欠從此可漸清矣伏惟憲裁二曰禁勒短畝大凡有稅無田之戶由於已之以短畝賣田而短畝賣田由於財主之乘急偏勒不可不禁也夫田有上中下三則科稅各有加減中下則之田稅難

議加猶上則之田稅難議減今令戶賣田必先上則非
上則不能速售富室買田每圖減稅不減稅不肯入頭
兩相爭持而貧戶不得不就減以救燃眉者比比是矣
迨田賣矣而額稅猶存所餘中下則薄產終歲勤動尚
不足餬一家數口安能攤補上則之糧歲累歲延不勝
捱比有逃徙之他已矣間有執出原田額稅控官而富
室則仍就已賣之契爲抵塞豈知短畝律有明禁乎又
況中下則之田亦經短畝賣盡時餘稅畝竟無田可頂
亦及單丁窮漢寡婦稚兒拘比到官敲膚朴髓能如之

清端文集

卷二

三

何理人許明憲臺嗣後貧戶已賣之田所載額稅果有
確據應着買主照畝全收以清額賦以省拖累庶貧富
之苦樂均而錢糧不致逋欠伏惟憲裁

三四歸都歸甲大凡丁糧之有影射漏洒者由於過都
過甲之紊亂而過都過甲之紊亂不如撥歸本都本甲
當差之爲畫一整齊也古者人里居地井授蓋居其地
即耕其地之田食此田即輸此田之賦無欺隱無詭寄
無通負民俗之善由乎此也後世因之設版畫圖版取
一宅之名圖取方正之意一圖之內有十都至數十都

因乎地之廣狹一都之內有一甲至十甲因乎賦之盈
縮一甲之內有三五戶至十數戶因乎丁之衆寡由是
定爲版籍藏諸天府雖累千歲莫與易也縱其間人丁
有消長亦消長於本里之內田賦有收除亦收除於本
都之內都分有缺絕亦缺絕於本畝之內故別籍有禁
又曰人戶以籍爲定彰彰可考古邑編審凡數易矣不
但田畝丁口增減盈縮不同併都畝里甲半非其舊有
原籍一都者易一審而撥入二都矣又易一審而撥入
二十都矣有原籍二都二甲者易一審而撥入九都九

清端文集

卷二

古

甲易一審而撥入三十都十甲矣更有原屬一甲戶丁
忽而入五甲五戶又現居住在坊食田在坊無故而竄
戶於三九都或四十都甲內顛倒變幻莫可稽查致絲
官每歲征糧戶丁現在城內詢其賦則曰寄在遠都某
甲也及至遠都查比則曰此食田之丁現在城內也又
北路二十幾都離東路二百餘里食田東路者詢其賦
則曰我歲納糧在北路某都某甲往往來拘輒經旬餘
不得糧丁正身錢糧積欠弊皆坐此職查 國朝定例
許各省流寓隨田附籍如寄籍奉天者即著撥奉天居

仁凡以驅別籍杜影冒至嚴也而況千百率煌煌久定之版籍豈容任其混亂以逃賦稅職接征康熙三十九年分錢糧某戶丁現住某都食田某都原屬某都某甲人氏今詭寄田畝若干於某都某甲已略知其概理合於康熙四十年編審再據里排公查確寔即撥歸原都原甲納糧當差以絕一切詭寄影冒之弊如有倚藉勢要不服縣令撥歸者許即指名申報憲臺依律究處懲一儆百庶版圖不致紊亂而徵輸頭緒亦清矣伏惟憲裁

清端文集

卷二

五

四曰覈除逃絕大凡徵賦之缺額由於逃絕之居半而逃絕之居半由於不覈定開除之爲累也夫逃戶絕戶者乃丁逃丁絕之謂非田逃田絕之謂也丁逃矣而田不依逃必有代爲管業者丁絕矣而田未嘗絕必有背地坐享者乃賄囑冊書竟以所管業所坐享田畝註入逃絕戶內並不輸賦官按比簿稽查則曰此係逃絕田畝無處可徵隨將名下現在食田盡數推入逃絕戶內以避徵徭故逃戶絕戶爲逋賦淵藪莫如古邑爲甚古邑地方遼闊界連三府其民處深山巖谷之內經年足

不履城比戶已成逃絕之形矣加以有司稍增氣勢吏役勾攝直同禽獸散耳至屢捉不獲而里胥遂混以逃絕報冊寔則其人之佃田宅居安然無恙也故古邑之註逃絕大半非真逃真絕不過關通冊胥朦混官府爲躲避納糧之計山蠻無知之可痛恨一至此我今惟有緩實豁除之一法如某都某甲有逃戶有絕戶即着落其都共甲之人出具甘結存案果係久逃久絕即與除去戶名以免影藉其逃絕戶田畝地畝坐落某處仍着落某處社保開出管業姓名以憑註冊納糧不速報者

清端文集

卷二

六

該社保即以欺隱論而又寬其罰許非逃非絕者自首而又懸以賞有假冒逃絕者許傍人報官庶逃絕弊清而徵賦不至缺額矣伏惟憲裁
五曰免開書算大凡編審之害民由於書算之苦累而書算之苦累由於藉口各里開報之陋例也夫各里何以開報書算蓋爲一里之田畝丁口冊籍謄造必用書手會計必用算手以該里書算自清造該里丁田此舉似甚公而不知其假公以濟私者莫甚於此何也令各里開報書算意不在書算也不過爲科歛民錢計耳平

時探知某都某甲其戶丁最難覓。即指其名報官官以書算誠不可無人風火票拘而其人之家產從此蕩破矣故開報爲書算之人皆非真諳書算之人特冊書以此騙里長里長以此嚇花戶相沿成例牢不可破民間殷寔之戶逢一番編審增一番苦累爲此也職以爲通年經營各里錢糧承胥即應騰造各里丁田冊籍其筆墨紙張之費苦無所出應在官量捐給發總不可使絲毫有動於民若有奸里蠹書仍前嚇騙一經發覺除盡法懲處外仍申解憲轅按律治罪庶殷寔之戶可保

清端文集

卷二

十七

而編審不滋擾矣伏惟憲裁

六曰着認虛糧大凡錢糧之不完由於虛糧之無抵而虛糧之無抵由於冊蠹不具寔承認之可惡也夫有丁斯有田有田斯有賦人皆土著糧皆現徵虛糧何處得來皆冊蠹積年經營任意飛灑或受他人賄囑或那自己田畝總要白享無糧之租使遠都之民終身不敢出頭辦理遺累其子若孫耳職去歲鄉徵凡兩閱月遠出一二百里外盤山踰嶺徧歷所至與鳩鵲遺黎備詢疾苦并問不自出完糧之故僉言爲冊蠹弊害歲加虛糧

致積久愈多逃避愈疾非不顧出也不敢出也且一出縣城而索承管禮索飯食錢紛如蝟毛甚至朦朧官府指鹿爲馬監趙甲并比李乙雖粉身碎骨其何能償以故視縣城如阱陷爾時聽之不禁淚下嗟呼川居谷飲之民不得見有司而言情者非一日之故矣局茲編審正當爲遠都民大加振刷除捐俸新修招徠一館爲遠都民安歇外仍許首告虛糧果能查明年月開列地段准即着落該管冊胥的立戶名永遠承認頂納若非冊胥名下田畝委係從前受何人賄囑詭計亦准開出即

清端文集

卷二

十八

着賄囑詭寄之原戶納糧庶得虛糧有歸而遠都之民從此毫無畏阻自來自往古邑錢糧不至積欠累累矣伏惟憲裁

七曰勿經冊蠹大凡編審之不得其平由於丁田之那移而丁田之那移由於一任冊蠹之手造也古邑添設冊房不知作俑何時以其營造通年比簿并糾察營造丁田冊籍號之曰冊房現入冊簿有陳炳輝京鄒錫張珪曾爾清吳敬吳仁八名今營五十八坊都職所謂任人之弊至此而極矣自某冊房分營某都某坊而某

抑某坊粮戶奔走餽送其門如市除米酒鷄鴨等物外更索銀錢爲具造遞年比簿飛升合灑分釐能那重就輕逢造編冊減丁減畝神山鬼沒不可測識往往奸民以戶希圖隱漏倚爲心腹而山鄉愚民恨不得寢其皮食其肉者職此之由查古邑有戶房有兵房有屯房分官錢粮數目即其經造遞年比簿若編審之田畝有收除須縣令當官問明兩戶甘認方可准收准除丁口有加減須縣令核算該戶田畝若干方可議加議減即豁除老疾亦須縣令當官驗明果係垂老篤疾方准豁除

清端文集

卷二

九

如此徧查一都款款確寔即發戶兵屯承胥騰清仍加磨對有一字舛錯立行責革有何不便而必設冊房專官乎若縣令漫不經心經目經手而付之冊房任彼播弄勾派原額停停當當書寫裝釘判押依行將冊房受賄不覺奸民詭計不知而窮民受加丁加畝之累又何貴於編審爲也再查康熙三十七年丈量一案弊害皆由此輩現經審究枷責在案茲屆編審彼未必不耽耽垂涎傳曰去惡如農夫之務去草焉芟夷蘊崇之古邑冊房所當永遠革除誠去弊之莫有先焉者也伏惟憲

裁

八曰合併屯丁大凡錢粮之混冒由於民屯之不分而完欠之影射又由於屯丁之不合也查古邑自地丁民粮外有建屯有將樂屯有福屯額銀不等原係歸併縣徵之項彙入考成分數每歲通限徵完解司克餉然當其徵就填批起解時只照全書項款開明解某項下銀若干兩初未嘗別曰此地丁民銀此建將福屯銀則民粮屯粮之合併爲一也久矣惟民丁屯丁原有二項乃前明遺制 國朝併屯歸民蓋取錢粮畫一則官易徵

清端文集

卷二

十

比民易輸將之意夫業民田者此人業屯田者亦此人今丁分爲二不幾於一人之身民丁立一人屯丁更立一人乎每有名下無食民屯而僅完民粮全欠屯粮者正爲丁名互異得以影混故也向使將民田屯田通合一處如云某都某甲一戶某名食民田若干畝應徵銀若干又食屯田若干畝應徵銀若干計畝差丁共該差幾丁應徵銀若干則某人名下多寡丁粮歲有定數每歲據比簿查比民粮完則屯粮亦無不完矣或謂屯有額丁不便削去職非議削屯丁之謂乃合額屯丁於民

丁與合額屯糧於民糧同也職查古邑民糧歲欠一二分屯糧歲欠至八九分皆因民丁的名屯丁混立鬼名無處比追之故合請歸併合一於原額錢糧既不減分釐而糧戶得一條輸納縣令得的戶徵比真屬官民兩便者矣伏惟憲裁

九曰僧寺附籍大凡錢糧之難完由於僧寺之一田兩賦而僧寺之一田兩賦又由於不附籍之無可查比也古邑額徵錢糧有僧糧六百兩零有寺租七百兩零款分爲二及按簿稽查則某寺該徵銀若干某寺又該徵

清端文集

卷二

二十一

租若干無有有糧而無租者亦無有有租而無糧者其原額起科較民田加重以加重之科而又一田兩賦小民當此其有剝肉難醫者今額徵久定縱欲繪圖以請亦減之無可減者獨是寺廢僧逃日久歲深其田散歸民仙多在崇山峻嶺之內叢林絕壑之所忽荒忽熟屢更屢轉若不刊定都畝里甲戶籍不但目下認納寥寥再閱數年或被勢豪侵佔或因窮戶逃徙必至僧有糧而無地寺無田而有租此千餘兩之錢糧將問誰氏輸將乎別各寺坐落現今有某都某甲可查獨納糧串票

仍止刊完納僧糧寺租若干更不分晰其都某甲某戶丁納某寺租銀某寺糧銀若干殊屬朦混遂茲編審應將有僧糧寺租都分照額銀附入併將納糧串票分晰刊明庶每歲徵比便曉得某都某甲有僧糧寺租若干兩某糧某寺坐落某都某甲戶內永遠存冊不至湮沒莫稽此亦照編冊寔在款內逐加清查之最吃緊者也伏惟憲裁

十曰畫一比簿大凡糧戶之完欠難查由於錢糧款項之不清而錢糧款項之不清即歧比冊之不畫一夫振

清端文集

卷二

二十二

表必挈領綱舉斯目張一邑錢糧頭緒紛紜不有法以總其要何能清剔以期全完耶古邑額徵有民糧有屯糧二項又有僧糧有寺租款目不一每歲民糧足限而屯糧又欠屯糧足限而僧寺又欠雖則民力易困定由比冊不畫一乃得勝那掩覆以拖時日查向來比冊止造民糧額徵如云某都某甲某戶應徵地丁銀若干其完納者即掛上比簿某月某字號完銀若干欠者一片空白以此完欠易查而民糧之不及分限者頗少若屯糧則又立一簿僧寺則又立一簿並不開具都畝里甲

住址姓名亦多詭托甚至上年冊內所有之名而本年又削去者有本率本人名下額銀數少查上年本人名下額銀又數多者種種任經手承辦費弄以致歷年積欠屯糧僧寺糧租更多非冊不盡一之故歟職以為民屯僧寺均屬額徵錢糧輸納民屯僧寺錢糧均屬一縣去子即應將民屯僧寺均入此簿總為一處如云某都某甲某戶民糧若干又屯糧若干又僧寺糧若干照十限無限共應完若干不及限者即應完納此豈不一了百當而顧過為分別似民糧為上項而屯僧寺為餘項

又似納民糧為本縣之民而屯僧寺又應納民之人不知何為個沿誤至今日屯僧寺及民糧一造入此冊同一冊而將更換一番豈古是錢銀一項如人染病或患瘧疾大黃吐瀉而此是以不常方必不能起也是言其任任惟恐裁

以上條議前七條為民生除弊後三條為追徵立法皆在編審畫一起見極知淵源無當當興革要務第蒙憲臺孜孜下詢好問好察之盛心不可無辭以應亦職濫叨一日邑令之職竭盡一日之心不能無望於俯賜

採擇一二以見諸施行也

古田縣捐修城垣詳稿

蓋聞星區九野地列九州畫疆分民而官同爰建設險
守國而城池用興故通邑大都克壯金湯之固即彈丸
蕞爾宜謹鎖鑰之防古田縣治肇唐開元環治築城起
明中葉其間寢興寢廢議增議修邑乘可稽至於今日
敵臺之與守舍元柱欹傾馬道以迄垣牆碑灰剝落皆
綠戎無伏莽樂際昇平是用伍可弼戈畏談武備然
大易有不虞之戒周書詳克詰之文事未及而有與謀
斯無不及事先爲不可勝以待斯勝常在先矧七里提

清端文集

卷二

二十五

封依溪山爲襟帶萬家煙火倚雄堞作屏藩苟非重整
甚規模奚以聿昭其形勝職下車伊始目擊凋零循省
周園心營補築顧當物力艱難之會寸絲粒粟猶苦頭
顛箕徵遽興閭閻土木之工塊石畚泥豈能袖輸鬼運
遐巡幾於半載倡議乘此冬初爰集紳衿暨諸父老詢
謀僉同上戶捐五中戶捐三事勢各從其便富者出財
貧者出力情理兩得其平從此逸使忘勞衆擎易舉勿
驚鼙鼓如作室之自勤其墉垣勿築道旁如未雨之綢
繆其墉戶職所爲不揣蚊負之勞願廣子來之什者也

事關修理城垣職未擅專爲此具由申詳伏乞裁奪施
行

清端文集

卷二

二十六

條陳二 臺灣縣 刑曹呈稿附

條陳臺灣縣事宜

職額嶠寒儒荷 國家作養之恩謬附科舉得沾一命
昨者初授古田未幾寸長旋蒙憲恩高厚驅策駑駘改
調臺邑思欲勉竭鈍拙以圖報稱履臺以來晝夜兢兢
不遑寧處仰惟憲臺智周道濟有經綸宇宙之略厚澤
深仁淪浹山海謂察吏所以安民則供職莫先修職
不揣迂愚妄抒管見敬陳事宜十有二條不敢謂有當
清端文集 卷三 一

於治理之要務第在臺言臺於地方利病或一二有合
仰望不棄芻蕘俯賜採擇焉
一文廟之宜改建以重根本也蓋聖人之教與王者之
化俱遠是以學宮徧天下其制度必極宏壯其規模必
極高敞匪徒飾觀以尊道也臺灣縣為臺郡附郭首邑
開復以來戶口之蕃衍商旅之輻輳財貨之流通與夫
人文之日新月盛居然海外一都會也獨以學宮重地
猶襲偽弁住宅而為之凡廟之與宅規制不同文廟與
他祠尤別今以住宅為文廟其卑陋湫隘之觀揆諸

朝廷所以崇儒重道振興文教之盛典甚覺弗稱而目
櫨星之未有門也明倫之未有堂也藏經之未有閣也
東西兩廡風雨不蔽鄉賢名宦俎豆匪依至

御製先師先賢諸贊尚未壽諸金石其何以俾海隅士
庶得觀天章之燦爛乎夫風俗係乎教化教化重乎人
才人才由於興學興學有言不興學校而求人才猶不
琢玉而求文采不可得也處臺邑而欲養人才於學校
莫如改建文廟之為亟矣雖工煩費鉅未能卒然而就
然奮發為之要當自今日始除職倡捐及勸募外仰望

憲臺為斯文宗主力賜提挈俾人文根本之地得以及
早觀成使海外官牆煥然改觀人才蔚起胥鈞陶而述
就也應否定議舉行伏惟憲裁

一宜興各坊里社學之制以廣教化也社學即古者家
塾黨序遺制蓋為人性善但氣稟之偏習俗之蔽有
入於不善而不自知者古昔社各立學聚羣弟子於其
中教以方名象數禮樂詩書之文可使上者為賢人君
子次亦不失為寡過之中人末俗因循不及時教其子
弟忽成老大習染既深無可造就所謂時過後學徒勤

苦而無成猶甘於遜謂曰吾子非學中人嗟乎天下豈有不學自成之材又豈有學而必不可成之材哉父兄之教不先宰斯土者與有責焉海外非即化外不可訓誨之地也張益州鎮蜀嘗言吾以齊魯待蜀人亦自以齊魯之人待其身若徒肆意法律以威劫齊民吾不忍爲也可知法術刑民原非所恃以爲治教人務學乃真爲治之本圖職欲於每坊每里內設立社學延老成有行者爲之師聚該坊里子弟而教誨焉其教之目自四書五經外並以小學近思錄二書爲之正其句讀稍稍

清端文集

卷三

三

解釋文義使自少習讀長乃有得其於學者身心性情當大有裨益非小補也應否遠行伏惟憲裁

一宜定季考之規以勵實學也士子廩名庠序即應以實學爲務實學者何於經史則博而通也於世務則諳而練也處爲選儒出爲良吏此之謂有本有用之學而皆可於平時制藝窺一斑焉蓋制藝一道視之若易工之甚難非有明理之識則詞膚而不切非有殊尤之才則氣萎而不振然其才其識固非由學問中來學者平時用功所以貴日邁月征也至鼓舞激勸之方則月課

季試諸舉亦甚不可已大抵中材之士不能無求知之心月有課季有考亦士子以文藝見知之一日未有不踴躍思奮者知奮則知恥日耻則日進將惟向上是務一切利欲薰心苟賤不廉之行自不覺棄之若浼故謂文章與品誼相關也職忝司民牧簿書繁冗不能時集諸生爲晤對除月課聽本學舉行外每以四仲之月擇日集諸生於堂親行考較略爲分別高下其優列者量加獎賞仍准所屬童生併與斯考凡土著於斯者縣令漸可熟悉至歲科之年有冒名充考者不待辨而識矣

清端文集

卷三

四

蓋既爲本縣童生於本縣季考冊內安有一兩年全無報名與考之理即有其人不過百中一二無難察核爲諸生勵文行爲童生杜頂冒此季考之不可或廢者也應否照定規舉行伏惟憲裁

一宜舉鄉飲之禮以厚風俗也自國老庶老之制興歷代以憲老乞言爲重郡國有司奉行不替非習爲迂濶之儀以粉飾太平也凡民間爭鬭日熾獄訟日煩始於鄉不序賢飲不羞考罔知禮讓故耳若使習見乎敬老尊賢地方有司猶捧觴布席之不遑我何人斯敢恣睢

積以自肆將樂至不爭禮至無怨獄訟可消兵刑可
靜直移風易俗之一機也查康熙九年十二月禮部頒
定郊飲酒禮滿漢一體舉行臺邑賦役全書支發項下
亦開載鄉飲三次職欲察訪所屬該里內有年高德劭
衆所推服者歲報二人一爲正賓其一爲副照例每年
正月十五十月初一等日敦請至本學明倫堂如例舉
行仍將賓與姓名具報此在海外一時訝爲創見寔則
行所當行其於人心風俗未必不有得之觀感潛移默
易者應否速行伏惟憲裁

清端文集

卷三

五

一臺倉積粟之宜以時欽散也倉粟一項國藏攸關遇
有荒歉爲民生所待濟係甚重也第欽之不以其時則
倉藏空虛散之不以其時則民生困苦均非奉行之善
如每年三四七八等月青黃不接此宜散倉粟出糶時
也若仍封倉不糶必致米貴病民且陳陳相因之粟大
半紅腐浥爛而不可食矣每年秋成後於十二正二等
月此宜欽粟入倉時也倘不及早徵收至增價買補必
致倉無餘粟一旦天行告沴有欲糶之無可糶賑之無
可賑者矣是欽之與散不容不爲調劑也矧在臺尤須

以時欽散者重兵屯月米取給欽不時庚癸呼矣動
萬戶口半多寄食在市散不時哀鴻嗷矣且近海地濕
粟易浥爛阻隔重洋告糶無所欽之散之必及時乃有
濟也就臺灣一縣言之每歲除捐積粟外正供額粟四
萬六千有奇除支給各營月米每歲尙餘二萬有餘歲
積一歲是存倉之粟不下十餘萬也此十餘萬之粟不
及早變通出陳易新而坐視浥爛任聽虧空可乎哉職
以爲歲餘粟二萬餘石應於每歲青黃不接之月出粟
一萬餘石在市散糶以濟民急將開倉日期及糶過數

清端文集

卷三

六

目按月報明本府稽查即將賣過銀兩解貯府庫至冬
領回買新粟補倉如此則存倉額粟既不虧減又免浥
爛而倉粟在市米價亦不至騰貴一舉而數善備職以
爲變通積粟之法端無過此案查本年正月內爲額請
發糶陳粟等事蒙憲恩准糶濟民職遵即開倉每月定
有六期糶賣粟米至期自朝至暮男婦老少摩肩累足
牛運車載晝夜絡繹若非叨邀憲恩此數百萬生靈將
何所倚則糶粟濟民在臺地可謂行之既效者也不揣
冒昧詳請憲恩歲以爲常則民生安而國藏固海疆未

吏且得免賠累之苦伏惟憲裁

一澎湖孤懸海嶼宜通商販粟以濟軍民也邑志稱澎湖為臺郡咽喉凡舟由內地來者望澎湖為指南自臺去者必寄泊澎湖以候風信所以地僅彈丸最稱扼要國朝設水師三營官兵駐劄為建威銷萌之計誠有憐無患矣營兵月米動請預支誠恐按月支給海上風濤不測時或悞兵食其為兵食計亦善矣獨其中有三十六與居民錯處額載人丁六百有零地種泊網等項歲徵一百七十餘兩則雖孤懸海嶼猶然為

清端文集

卷三

七

朝廷輸賦稅之民也查澎湖之民視臺郡已分霄壤澎湖不產稻粟止宜高粱此其地之瘠也家家以採捕為業別無可為營生此其民之窮也其尤苦者所種高粱有限必須兼買粟米度活縱使採捕魚鰕可覓蠅頭微利而無米可買不免啼餓數百家戶口朝夕懸命惟往來販粟米之商船是賴按由廈門至澎湖有七更水程由臺灣至澎湖僅四更水程是待販於廈門之遠不如待販於臺灣之近為有濟職請將臺倉陳粟歲准發出五六千石與商船載過澎湖販糶務照時下三錢平價

毋得平買貴賣其某日發倉粟若干交某商船往澎湖販賣即將數目日期報明本府稽查某商船某日到澎湖賣粟價值若干著澎湖巡檢司具文申報彼此互相稽查使商船不得販往別處使窮民不致無粟可買忍饑度日并使一二奸商不得乘急偷販抬價病民如庶川居谷飲之民尚有瘳乎查臺灣縣所屬地界西至澎湖職恭司牧故敢將通商販粟一款胥昧瀆請倘邀憲仁以為可採將海嶼窮黎日用飲食莫非鴻慈汪濊所沾溉矣伏惟憲裁

清端文集

卷三

八

一水丁名色之宜永遠革除以甦民困也民間計口輸丁為戶口丁有半差全差之別計畝差丁為田丁田有丁多丁少之戶總其名曰地丁此惟正之供普天率土義無容辭者也獨臺地丁之外另有一種號曰水丁職細加察訪此項水丁既不報入額徵緣何樂輸恐後愈云臺地新開民人進港恐多匪類潛踪因設為輸丁之法凡經輸丁本縣有丁票在手者即屬良民任往南路北路生理營汛查驗丁票即與放行否則以為匪類而拘執之民以此圖放行之易不覺輸丁之苦職以為訛

謬殊甚假如其人守分營生因不輸丁票遂疑為匪則彼作奸犯科之輩何難納一丁票使人皆信其為良民乎是輸丁借名稽查匪類寔為匪類護身之寶符也耳亦念彼民之隻身來臺者良以臺為樂土可便營生也地方有司查明來踪安插謂蔡人即吾人是其正也迫之輸丁是因以為利也百姓賣兒貼妻之錢必不可要况此等窮民並無兒婦可以賣貼乃筋疲腦裂汗血苦積者官輸一丁私下坊長承差人等又不知索去幾丁矣初以為樂土者勢必至視為畏途而裹足不入也

清端文集

卷三

九

想從前為令者之聽其輸納不敢報入額徵蓋亦有故緣此種民人去來無常入水未幾俄而請照出水一入額徵必貽考成重累職謂既可聽其自來自去則亦不必令其按一額納司馬溫公有言天不生財止有此數不在官則在民革除水丁亦留有餘於窮民之一二也應否於縣門勒石永禁伏惟憲裁

一每歲修倉之宜永禁派累以惜民財也查得臺邑歲額粟四萬六千有奇以十月後開徵未開徵之先即傳各里董事會集公議修倉或補葺破壞或從新起蓋有

公衆修補之說又有各里蓋倉貯各里粟石之議民有唯唯答應何說之辭而不知民財之破費少則二三百兩多至七八百兩皆起於此何也一里一對差官票在手無肯空手徒走之理一里一官事派款佃戶未必無指一科十之弊而又承行之房科有賞估價之物料破費似此數種耗去民財幾許其真正修理倉廩者為費能有幾何是民間一歲收成婦子方以為慶詎意苦累即在此時長此不改歲累一歲民財既竭民命隨之水旱盜賊之變皆意外不可知之患矣此為令者之急宜

清端文集

卷三

十

縣省痛革者也職查臺邑現在倉廩附府治者凡八十九間在安平鎮者凡二十間內經職到任後新蓋大小九間修補大小七間通計倉一百零九間約可貯粟十餘萬石惟在為令者不時巡視及早修葺可歲省民財至數先哲有言余無他能惟用民間一錢如針刺體血者我斯言職謂欲惜臺邑民財宜革修倉一舉應否於縣門勒石永禁伏惟憲裁

一在坊小夫之宜革以安商旅也居貨為商客於外為旅昔孔子列九經之目一曰柔遠人孟子陳王政之教

有謂天下之商皆悅而願藏於其市天下之旅皆悅而願出於其塗商旅而以天下爲言見商旅之皆爲遠人向使無商旅交通貿易即城郭市廛間亦覺閑淡無色以此見商旅之不可不厚爲恤之使之各得生業有如歸之樂也臺灣土產頗饒尤天下商旅奔泰之會職取入境見其街道整齊商不易肆爲之輟然色喜竊意商旅日坐市區各營生業在官必無由以一事相擾乃居無幾何該承胥以小票着取在坊小夫紛紛送符夫曰小夫票曰小票令押之不經意在坊應之若不甚害以

故前後相沿今日某衙門用小夫若干名該某坊答應明日某衙門用小夫若干名又該某坊答應職則旋押旋解屢押屢解謂此項小夫不能使鬼終須人力力不克堪必用錢僱出錢何人僱夫何人細細採訪始知每日小夫皆四方商旅出錢而各坊長爲之代僱以應也嗟乎臺邑商旅之困一至此哉蝸角蠅頭利能有幾足餬其口而贍其家幸矣反使之日出小夫以供在官之役於義何居倘至虧本應役日不暇給流離失業於吾地獨非地方有司之憾歟職查小票小夫久已奉憲禁

革若臺邑在坊小夫或因地遠法疎釐革之尚未盡者合應亟議禁革除縣令衙署小夫自行僱用外凡各衙門有需用小夫亦應三邑輪流捐僱答應毋得仍前輕出小票着落坊長以致派累商旅庶幾熙熙海外永成樂土咸沾憲仁之廣被矣應否於縣門勒石永禁伏惟憲裁

一每歲二丁派買猪羊之宜禁以除陋規也按二丁有祭乃

朝廷尊禮先師先賢爲報德報功之舉甚盛典也額設

銅銀就於地丁錢糧項下支發一切藥品牲禮之費皆取諸銅銀所以杜派累安神貺也不謂有司竟藉此漁利每逢丁祭藥品取之舖戶牲品取之屠戶縱有給發金不足價不知其將額設銅銀作何用矣耶職蒞任五閱月後適逢秋祭查有以需用猪羊派之十五里一庄令其代爲買備各色藥品祭期止着舖戶捐設祭畢各自携回需點油蠟廚值重秤夫民間一雞一豚皆日用所需若必按戶搜取恐非恭稷之馨神其吐之矣且各舖戶覓利蠅頭照行取辦必致微本無歸職請嗣後丁

祭猪羊應計定餉數發現銀着在坊屠戶具領照時價買備所用祭鹿亦在官散行採買菓品各色照價定辦為是傳曰祭貴其質亦貴誠也若乃派累小民及借辦掩飾質既亡矣焉用文之非不趨蹌於灌獻之餘誠意安存應否於縣門勒石永禁伏惟憲裁

一兵民雜處之宜分別以清保甲也臺灣未有城郭為兵民雜處之地惟雜處斯難分然正不可不分如十家為一甲有甲長以領之十甲為一保有保長以領之其十家十甲內有戶婚田土細事訟到官即差本甲長

清端文集

卷三

三

為發覺者甲長保長不先舉報訊明一體治罪其甲長保長須十家十甲內公舉殷實老成之人充當斷不許無賴棍徒包攬生事並不許藉名營伍包戶包口不服清查乃其間有兵民同居者即着民間明籍貫某坊某社着兵開明籍貫某營某哨並列家中牌內人籍既明則民服縣官之令各務生業兵亦畏營將之法不敢逞強生事兵民胥就約束如同一體是又分之而未始不合者也但着落甲長保長人等開報戶口恐有藉口科

派造冊等費則法未行而弊已生為害不少職查臺邑有四坊十五里一庄現在捐買紙張刷就家甲牌發填若有科派等弊許不時首告懲治如此寔實舉行是否允協伏惟憲裁

一宜逐游手之徒以靖地方也大抵有益於地方之人不可不招之使來有害於地方之人不可不逐之使去士農工賈各專一業此有益於地方之人也游手好閑不事生產此有害於地方之人也臺灣自開復以來由內地遷徙而居於此為士為農為工賈者雲集影附無

清端文集

卷三

四

待議招矣其間有急當議逐者奸宄之徒潛踪匿影於其中每每不乏也逐之法有二有已至而逐之法有未至而逐之法已至而逐不過於清保甲內查有本保本甲隣佑人等不肯互相保結者即係匪類當即逐出押過水不得容留片刻以致潛匿別保別社其未至而逐則在憲牌申飭廈門金門銅山把口各官於商船載客渡海不得因有貨物便輕填上報單須把口官逐名驗有本地方官照票或關部照牌方許渡載至臺灣把口官悉照原報單內逐名驗明方許登岸仍着本人帶照單

照得赴臺灣所屬該縣印官驗明記簿以便查考
日後有非爲作歹即查照原簿逐回本籍收管如此不
但本人有所顧忌而不敢輕爲非法并一切逃僕逃厮
與內地無籍奸棍假客渡海之計亦無處躲閃矣又某
商船載多至數十人某商船載少亦十數人其人僉報
作客生理查其隨帶貨物每不出數兩至十餘兩不等
天下有僅值十數兩貨物肯冒風波之險渡海作客者
乎其爲有托而逃可知也再查商船載客利其每人有
二三兩脚費耳更有一種匪類欲潛入臺地并無貨物

清端文集

卷三

五

只多出脚銀至五六兩六七兩不等商船便爲包載甚
至原經被逐過水之人改名易姓竄附商船復來而商
船利其金多概爲包頂本船水手名字致把口官等從
稽查久已習成錮弊牢不可破計惟申飭把口官嚴爲
稽察密爲偵探有前項包頂情弊察出一人則將商實
重典船沒入官如把口官書役扶同作弊隱容匪類於
本地方內發覺之日許地方官跟究出原初渡海商船
從重究處蓋亡命之徒嘯聚一處未有不爲德者此臺
洋化日之慮不可不及早杜其萌也應否申飭速行伏

惟憲裁

清端文集

卷三

十六

一司房審事之宜驅逐閒人也該司議得本部刑名
係重大原情定罪全憑本犯初供乃有閒雜人等於帶
進犯人時跟入幫助希圖傳述口供串通作弊殊屬不
法查定例此等之人有被獲者係官交與該部議處係
平人照督捕例在本部衙門首枷責其看門撥什庫披
甲皂隸亦照例枷責等語請嗣後司房審事一切閒人
盡行驅逐如有不服驅逐被獲及縱放不行驅逐者均
照例究處可也

一現審案件之宜並錄漢供也該司議得國家設官
必兼滿漢原欲其和衷參酌以理庶務今查現審各案
止有清字口供無漢字口供既無漢字口供則其事之
是非曲直滿司官知之漢司官不知也勢必從頭另訊
錄定擬恐意見之參商即從此起請嗣後現審各案
如滿司官先審有清字口供當下即譯出漢字如漢司
官先審有漢字口供當下即翻清字如滿漢司官會審
當下即並錄清漢字口供總以出之本犯之口有本犯
花押者為真然後憑供加看定擬呈堂庶事之是非曲

直得以彼知共相參酌一出至公永無意見之岐
而有和衷之雅矣

一說堂稿之宜畫一錄詞錄供後加妥看以便備細參
閱定案也該司議得本部刑名各案應行應否總以說
堂之日而定但查說堂稿內不錄原被詞狀則其事之
根由堂上不得而知不錄原被及証佐口供則其人之
招承與否堂上又不得而知即有略叙被犯之供並不
見駁問原告一語則是單辭偏聽安在原告者之皆是
而被告者之皆非也甚至稱為被犯之供未必果出其

人之口僅據寥寥數行看語定案恐失出者幸得漏網
而失入者永含不自之冤夫請嗣後現審各案畫一錄
清漢字詞狀口供看語呈堂庶得條細參閱以成信據
而吏胥亦無自售其奸欺矣

一州縣已結案件之宜令就近審報以免拖累也該司
議得審理事件例應該管地方完結蓋以戶婚田土等
事非地方官不及知其詳即人命盜賊兩案亦非地方
官無從驗其寔有等無賴刁徒往往將州縣已結之案
赴部翻控不知內部衙門自有體統除貪官污吏積年

有名光棍及盜賊人等行劫必與其行改應屬州
志官指理者計不容避江而代之以何州縣審理果有
不平稽察自有監司審果計亦自有總督巡撫內部統
數千百里外縱聽隨州明悉暗中摸索徒滋拖累而
已小則羈候失業大則傷及家性命隨之不遇中刀
徒奸計耶請嗣後有捕州縣已結之案翻控者概先行
提問該管地方官以原得之贖不煩漸臻政簡刑
清之化矣

陳清端公文集卷四

條陳三 四川臺廈 學政條約附

全川六要

一草私派自地丁正項錢糧而外凡巧立名色皆私派
也有公中之私有私中之私不去公中之私則私中之
私不可得而禁雖日有草私派之名而無其實今 欽
差大人歲或一至或再至三至來有供億去有餽饘此
公中之私也為數自三五百兩至三千七八千兩不
等皆先支藩庫後派各府州縣還項各府州縣一奉餽

饌名色風火比追以一派十不可數計彼私中之私雖
欲禁之將焉禁之且前派方行後派踵至民財幾何堪
此賸削以敲筋吸髓之脂膏供往來投贈之歡笑習為
故常言之痛心按京師至四川通共五十三站天使往
返夫馬自有沿途供應開銷驛站錢糧此處起身以地
主相贈酌定百金為率或官有大小遞加至五百金而
止即動用藩庫無碍錢糧不以派累各府州縣此一項
不派更有何項可派通示小民每歲止依夏秋兩限完
納地丁正項錢糧此外有分毫私派許赴該門控告敢

不思不長其利而民亦不長其利則利亦不長

一除重耗每地丁錢糧一兩許加耗一錢以我

皇上如天之仁也然非以充縣官之需而邑亦謂一切

公費靡不取於民中竟視一錢為分所應得此外更

加解費加餉禮送有地丁一兩加至四五錢七八錢者

小民耕數畝之田一家衣食出其中婚喪嫁娶出其中

每歲正供輸納尚多艱難何能堪此重耗需索宜嚴示

各府州縣徵收錢糧不許重等加耗解司添搭亦止於

一錢大耗之內酌量取之即以所取留充公費所云

清端文集

卷四

二

庫無所儲也仍飭兩司以下不得濫收節禮如

則大薦小注重耗不令而自除矣

一省夫徭春秋凡用民力必謹書之見民力不可輕用

也在公多一日之驅使即在私少一日之耕作至一家

之中父老子幼不能勝役而出錢代僱害尤不可勝言

查凡係大路為公差經由處所皆有額設夫馬自應將

此項額應即云不敷該管官員亦應將平時贏餘草料

竭力供辦何得派累小民乃有公差經過盡行派取民

夫民馬不知額設夫馬料等項錢糧按季開銷者於

何用也宜行經管衙門嚴飭各有驛遞州縣此後敢有

派用民夫民馬者一經告發立行奏處斯民庶有恩有

一墾荒田 國家定鼎六十餘年墾荒之令無歲不下

而奉行不力未有如川中之甚者職自渝城抵省千有

餘里一路荒榛滿目即資縣資陽兩治尚在榛莽荆棘

中縣城如此則村庄可知官路之傍如此則野處又可

知大都馬房多而居民少耕種者不能什之一而荒蕪

者至什之九誰司民牧平日絕不以招徠勸墾為事而

使野多棄地民盡失業其責有不得辭者矣三代以下

清端文集

卷四

三

唯漢之吏治近古故之史書亦無他奇績惟是農田水

利為報最益野鮮石田則戶多蓋藏一意耕耘自無游

惰匪弄之習風俗之美教化之行均於是乎起故農之

為業勞而為利最溥也自奸胥猾吏思從中漁利民有

告墾者百計阻撓懲惡官府動以楚人為詞不知蔡人

亦吾人也普天之下莫非王土薄海內外有一非我

皇上赤子乎何於川楚接壤過生分別定例老荒田畝

許民間食荒三年方議起科今則方來報墾遂有索其

丁賦者安得不急逃而去之長此不改荒田之墾無日

矣莫若速申訟後三年起科之例遍示招徠并嚴飭
地方有司凡係新墾新集之民不許夫徭派累使得盡
力農畝將見流離失業之民鱗歸雲集而田地不日闢
者未之有也

一平辭訟漢宣帝曰使政平訟理而無愁苦嘆息之聲
與我共此者其唯良二千石乎以此知郡縣吏自催科
勸墾而外又當以聽訟為汲汲也夫訟亦未易聽也周
子情偽微暖其變千狀非中正明察果斷者不能治
中正為本明斷為用二者相須不可缺一州縣能

文集

卷四

四

訟明而不斷或斷而不明或明斷而不中正致訟不
伸民能自直於刺史之廷者亦已鮮矣况上此考乎
請嚴州縣聽訟俱取本犯口供以手自畫押為據一
以防主犯改供一以杜猾吏刪改至連人招解必將原
押口供送閱覆審時略露憲威從容鞫問必得情節而
枉枉無冤

一興義學義學即古書院遺意當事留心藝文萃郡邑
美秀能文之士肄業其中儲育人才佐庠序所不逮乃
成都省會竟無義學非關典耶恭遇憲臺為翰苑宗工

斯文哲匠多士沐笙簧之宴膠庠欣化雨之霑似宜飭
令提調官建立義學延師設帳仍以四仲之月發題課
試以觀進修勤惰風厲自上遐邇動色將見來學者眾
而文運進而日上矣蘇洵曰吾以齊魯待蜀人蜀人亦
自以齊魯之人待其身此亦未始非易俗移風之一助
也伏乞垂察

清端文集

卷四

五

臺厦條陳利弊四事

本道捧讀憲檄憂民體國之心情見乎辭臺疆越處海表民生之為苦為樂庶務之宜革宜因豈能遁逃憲臆固知土壤不能增廣山之高細流不能益河海之大願承下問殷懷不揣淺陋謹陳四事如左

一招墾荒田以盡地利天下之大利必歸農生人之大命無如穀臺尤宜穀之地也按北路諸羅縣屬二千三百餘里南路鳳山縣屬六百餘里臺邑中路東西五十餘里其間曠土尚多棄之可惜漳泉等郡民居僅一水

清端文集

卷四

六

之隔應廣為招徠以開曠之地處之使之畊食黨飲安石與業於其中但須寬偷渡之禁以來之於先嚴保甲之編以防之於後至計典屆期則以墾地之多寡戶口之登耗為吏治殿最期於民無失業地無遺利此臺地之利當興者也

一嚴禁科派以甦民困海外皆新集之民生業艱難為有司者多方撫恤猶恐失所何況加之科派臺屬三縣之年季科派者莫甚蓋倉一事通三縣額徵正供粟一十三萬有奇每歲民間納粟一石派納銀五分為蓋倉

實用查三縣每歲皆有文放各營兵米粟空倉應將今歲騰出空倉貯米歲新收之粟縱有不敷亦當節省捐蓋豈可於輸納正供外多此一審科派以股民膏欣逢憲令方新澄清吏治正與民更始之會請嚴行戒飭勒石永禁俾省一分科派斯民得受一分之賜此臺地之弊當除者也

一弛鐵禁以利農用易曰耒耜之利以教天下子與氏曰以釜甄焚以鐵耕是鑿金耕耜之需鐵器皆民用之不可缺者也獨臺地農具鐵器之價數倍內地如一煮

清端文集

卷四

七

親之出賣銀三四兩至日用鼎釜亦不止倍價乞請特示其禁聽從民便自行購買飭汛口弁員凡臺民過厦買帶鍋釜及一切需用農家鐵器毋得藉端需索使民用有資即出作入息聞歌咏忘恩矣

一置學田以興教化民風係乎士習而教士必先養士學田所以養之也應於臺屬四學內議各置田查所屬地方荒埔官為捐資招佃開墾撥入該學除輸納正供課粟外將遞年所得花利供給諸生月課及寒士油燈再有餘積諸生赴省科舉資斧缺少者量行分給著該

學教官實心管理勿致有名無實仍歲造清冊報該管衙門查考以此振興鼓舞人知務學士習端而民風亦漸以厚矣

以上四條乃本道竭千慮之一以供採擇更有未盡事宜容悉心採訪次第詳請以俟憲裁

條陳經理海疆北路事宜

照得臺灣為閩省咽喉北路為臺疆心腹聚重兵於郡城咽喉之地已得要領而北路諸羅山一帶當郡右臂延袤二千餘里田地肥美畜牧蕃庶寔為心腹要區但有土番三十六社錯居不諳稼穡專以捕鹿為生餉口輸課咸藉於斯艱難堪憫況防且多疎濶恐有奸宄竊伏煽惑番愚為腹心隱患是不可不亟謀經理之也經理事宜約有六條總以綏輯土番固我心腹心腹固則咽喉愈固南視臺鳳二邑勢若建瓴全臺可保無虞而

閩省可安枕矣敬條於左以俟採擇

一除濫派以安番民番民即吾民也內地人民自輸納正供而外一切襍派盡行革除番民何獨不然查各番每年有花紅陋規以社之大小分多寡或二百八十兩一百二十兩或八十兩六十兩四十兩不等縣官索之通事通事索之土番日股月削以致舉家老少衣不蔽體食不充腹而又派買芝蔴鹿脯鹿皮搬運竹木層層搜括剝膚及髓甚為土番苦累長此不已必有意外之變相應亟行革除俾番民得相安於出作入息此休養

第一事也請飭縣勒石永禁

一給脚價以懸番因北路自府治起至淡水社止計行二千餘里往來俱用牛車牛車俱出番社供辦雖沿路設塘而上下文書皆土番接遞兩夜不解寒暑不避暑暄公差深溪大澤使番先下試水長坡曠野使番終日引路番之急公亦云至矣而猶不恤饒渴不念勞苦強拉車牛迫勒抬轎奴僕隸役鞭笞加之彼獨非

天朝之赤子乎何為輕賤蹂躪之至此極也今於無可奈何之中略寓休息凡往來需用牛車止令照官票答

清端文集

卷四

十

應每十里給車脚錢二十文若用番民肩背行李每名給飯錢五十文毋許迫勒抬轎請於經由各要路刊刻木牌曉示庶番困可以少甦

一立社學以教番童語曰人不知學牛馬襟裾番雖異種亦人類耳豈可不令識字以同牛馬乎請每社各立一學官為捐項置書籍延社師以為之教使番童自八歲以上不究小學習讀孝經小學論語等書教之既久果有能講貫通曉文藝粗可觀者該地方官破格獎進以示鼓勵藉古來名賢出番族者往往不乏今為之長

養成就將不擇地而生才尤足以昭同文之化於無外

一禁冒墾以保番產內地人民輸課田地皆得永為己業而世守之各番社自

本朝開疆以來每年既有額餉輸將則該社尺土皆屬番產或墾穰籽或資牧放或留充鹿場應任其自為官業且各社毗連各有界址是番與番不容相越豈容外來人民侵佔誠恐有勢豪之家貪圖膏腴混冒請墾臨官朦朧給照致滋多事定起釁端應將請墾番地永行

清端文集

卷四

十一

禁止庶番得保有常業而無失業之嘆莫非憲恩番漸被矣

一添塘汎以防番社查本營設塘僅至大肚社止由大肚社往北更有水裡沙轆牛罵與崩山之大甲房裡茅孟宛裡吞宵後壠中港竹塹南坎等社無數聚落方至淡水豈可漫無稽察應於各社之聚族處所及里數太曠遠處添設塘汎以南援半線北連淡水至淡水一汎即鹿仔港汎為船隻出入要口額設官兵船隻應令其常川駐防加謹巡查乃有備無患之至計也

一歸縣署以取番衆按諸邑轄屬民寡而番衆衆者治
則寡者愈無不治何以治之亦在馭之得其所以已
府治起至諸羅山爲北路衝要之會建置之初設縣
於此同城有北路一營官兵駐防法至善也乃因縣署
草創城池未具今斯邑者寄寓府治以本署之徒衆倉
庫假書吏看守致番民之戶始田土無可控訴萬不得
已跋涉數百里千餘里而來至守候審理動踰數月其
爲失業良可浩嘆查前督憲曾檄行諸屬二邑各歸本
署未幾仍寄寓如故無非以府治稍近紛華飲食宴會

清端文集

卷四

十二

有資遂置民於度外不幾徒有外土設縣之名而無
其實耶除一面行府飭取輪署日期具報外應請嚴行
申飭如仍舊衙安寄寓即以擅離職守奏處原吏治得
以整飭而於民市不致曠廢矣
以上數條皆奉道身在地方採訪甚確近奉憲令有搜
捕之役親履其境更日觀情形細詢疾苦乃敢課陳管
見亦思爲番民謀樂利爲海疆計久安不能無望於憲
之俯賜採擇也

臺廈道革除官庄詳稿

據臺灣縣造報縣屬各官庄處所清冊內開一將軍侯
施官庄一所坐落大穆降庄其管事王興等由又據鳳
山縣造報各里官庄清冊內開本道官庄一所坐落仁
壽里管事陳毛等由又據諸羅縣造報文武官庄簡明
清冊內開本道官庄一所坐落安定里歲納糖三十担
管事張惜等由各到道據此該本道看得臺地之有官
庄皆因蕩平之初土廣人稀版籍未定文武官身家念
重各招佃墾種爲衣租食稅之計相沿至今利在官而

清端文集

卷四

十三

害實在民小民終歲耕耘收穫幾何已完國課又納
官租層層括取害一既納官租即名官佃濫免差徭偏
累貧戶單丁害二狐假虎威牢關固穴有司不得過問
害三窩賊窩賭匪類潛藏害四影佔肥美恣意蠶食害
五興爭構訟累月經年害六管事甲頭人等武斷鄉曲
害七每歲青黃不接之月本地方正苦乏食而官租公
運出港米價日貴害八商船乘機偷販或接濟海洋亦
所必有害九官官相爲憲禁不行害十長此不已各官
憑藉富厚紛紛置產買業又有奸民富戶爭思投獻依

倘將才臺地止才宅... 臺澎水陸各營官兵俸餉歲多不敷每年兩次會委文武員弁赴庫請領如將臺地文武官庄出產不論雜項糖斤等項盡數充入俸餉項下可歲省動支司庫之費三且官庄名目一除則田皆公家之田民皆公家輸賦稅供力役之民北方有司且得一體稽察隨事休養以令則行以禁則止絕無有勢豪齟齬其間而向所謂十萬民怨賊魁驚海表地方尤無刺不履憲處官庄一項

清端文集 卷四 西

雖相沿有自而隱患漸深既據臺原詳三縣清丈違報前來本道不敢匿不上聞今將為害情形據實詳報俟憲裁再本道衙門各庄自本道康熙四十九年七月履任後據各庄管事造到手冊已經行呈報在先其歷年變賣各租銀兩俱發臺澎府庫收貯節次報明在案合併聲明

學政條約

照得 國家昌隆之運係乎人才人才造就之方本乎學校未有學校之政不舉而能使人才濟濟咸奮興於右文之世者也本道恭膺簡命銜文川省將率先師儒以教育多士特立八條之約定為三載之規共期遷補用示鼓勵開列如左

一先德行使者以衡文為事而必先之以德行何也德行人之本也木無本不生水無本不流人失其所以為人之本則無以自立於天地之間縱語言文字極工且

清端文集

卷四

十五

觀其不類於無根之木朝榮夕萎無源之水隨盈隨涸者幾希周禮以智仁聖義忠和為六德以孝友睦婣任恤為六行可見德行人之本而仁孝尤本之本也夫子曰吾行在孝經其教人必以求仁為先蓋仁體事而無不在孝之至者根乎至性是故聖人之所不能滿其量者凡學者亦皆可勉也諸生家庭各有父母果能昏定晨省否果能菽水承歡否果能立身行道無違父母訓否不能是不孝也不孝是不仁也果能於存心行已處事接物一循於理不入於私否不能是不仁也不仁是

不孝也不孝也。於而生無所不薄又安望其能友兄
弟睦宗親。是之謂其放朋黨之倚是任且有以恤及
其獨耶不仁則失其本心又安望其智足以別聖無不
通嚴義利之介察忠邪之幾濟和平之養耶必也一念
慮之發一事爲之著以道御情以理制欲知有已即知
有人如是以求吾仁必也一舉足不忘父母一啟口不
忘父母左右就養先意承志如是以盡吾孝將見孝立
而百行從之仁立而四端萬善從之然後本其心得著
爲詞章必深切而有咏所謂有德者必有言也坐而言

清端文集

卷四

十六

而行必能不負蒼生不負所學所謂行顧言也處爲
端士出爲名臣豈不以修德積行爲本務乎哉
一崇寔學夫人所日孳孳而果生不能竟者惟學而已
學不務名而務實故不敢臨深以爲高加少以爲多舍
近以騫遠必如朱子所云讀書之方在居敬以持志循
序而致精先之大學以正其規次之論語以究其蘊次
之孟子以觀其趣而後會其歸於中庸則學之本根植
矣由是潛心一經以求其解兼會諸經以研其要以小
學近思錄檢攝其身心以太極圖通書西銘正業啟蒙

諸篇尋思其義理尋覽西山行義於心氣大有裨補
論紫陽綱目於是非自可不謬古文如左國班馬及唐
宋八大家皆藝苑之精華時文如王唐瞿薛歸胡諸先
輩悉八股之標準靡不有以獵其菁英窺其壺奧仰以
觀於天文俯以察於地理窮幽明終始之故盡遠取近
取之詳由而緯之無一非寔理舉而措之無一非寔事
其斯爲吾儒之寔學乎今束書不觀或貪多欲速即一
卷之書未得乎前遽求乎後未通乎此又志乎彼乃更
立論以誣罔聖言鑿說以妄求新意或援引相糾紛或

清端文集

卷四

十七

假借相混惑此之謂不善讀書即偉而獲售終必流於
小人之歸否則有皓首章句不得一青其衿者矣然則
何如取經史當讀之書寔下工夫無欲速無淺嘗積日
累月涵咏咀嚼於其中如昔人所謂江河之浸膏澤之
潤久之當有渙然釋怡然順者何患乎積厚而發不光
源深而流不長也彼區區文藝猶其餘緒寧足以盡學
問之事哉故學以務寔爲貴也
一正文體文無定體原不必執一格以相繩然遵先儒
之傳註會聖賢之微言恭以先正諸大家之法脈尋

白無沉晦寧順暢無艱澁寧平正洞達毋險僻怪誕任其出入變化於規矩之中而要歸妥貼則是文體之所以正也朱子有言科舉文字近年翻弄得奇怪百出都無切寔正當意思一味穿穴旁搜曲徑以爲新奇莫若取三十年前渾厚純正明白俊偉之文誦以爲法此言真可爲近日作時藝者頂門一針近日士子都誦習爛熟時文爲弋取功名之具其稍能自別者又專取一種危側纖巧之文以爲新奇而不知去先輩大家之法脉愈遠蓋先輩大家之文皆根極理要從書卷中得力而

清端文集

卷四

大

爛熟時文及所謂危側纖巧者不過爭奇於字句格調間毫無根柢終不成文也學者代聖賢立言則必貫穿經史包孕百家即八股之中縱橫上下詣極高深渾渾灑灑如先秦兩漢作者之遺與唐宋以來諸大家相沿之法斯爲文體之正文體正而心術之正人品之端概可卜矣

一勤月課進學解曰業精於勤荒於嬉蓋自百工操作技藝之流舍其業以嬉未有能精者况文章之事乎時文一道似易寔難昔人有云文入妙來無過熟欲求其

熟必在多讀多做此按月有課之不可已也諸生有事舉業專心揣摩雖動靜食息未嘗少怠使者必欲於一月觀一進境正以學業不進則退無中立之勢也今定期以每月十六日先期封題發學至期齊集本學明倫堂務盡一日之長當日即交原卷解閱以定高下勿慕率完篇抄襲舊作自出心裁各競所長禮曰相觀而善之謂摩有如同學同堂並題角藝必有至者更有尤至者此亦足以觀矣但須日以繼日無或間斷舍英咀華刮垢磨光不進於純粹以精不止使者謬司月旦將有

清端文集

卷四

九

三年之期諸生必惜寸陰勿俾隙駒之過也

一端士習人莫不有所習農習於野商習於市工習於肆士之習於學亦猶是也先儒謂雞鳴風興嚮晦宴息皆學之時微而暗室屋漏顯而鄉黨朝廷皆學之地動容周旋灑掃應對皆學之事知無時之非學則晝而有爲夜而計過者其敢懈知無地之非學則警於冥冥惕於昭昭者其敢忽知無事之非學則矜細行謹小物者其敢遺士之習於學如是其不易乎自士不務學而所習遂不可問以華衣美食爲好以利口捷給爲能以詩

文為磨礱：場借衣一

具屈膝公庭仰面齊

吏辱身賤行皆所不恤一之

一何不自愛至此極耶

子曰士志於道而恥惡衣惡食者未足與議孟子曰居

仁由義大人之事脩矣蓋其望夫士也遠故其警夫士

也切其責乎士也深故其待乎士也重必有貧賤不移

之操而後有當大任而不動心之概必有一介不取與

之節而後有君民在抱之懷所謂有真心術乃有真人

品有真人品乃有真事業良非誣也語曰周之士貴非

周能貴士也士自貴耳秦之士賤非秦能賤士也士自

清端文集

卷四

示

賤耳濂溪周子曰君子以道充為貴身安為富故能銖

視軒冕塵視金玉其重無加焉爾為士者誠三復斯言

如之何其不端所習也

一勵武學文武一道也有文事者必有武備未可判為

兩途文武之判自兵之不復為農始武學之不及乎文

又自近日之武生不自重始夫武亦何嘗不重也搃數

石之弓射疏及遠則武之所長在射馭驂耳之駿過都

歷塊則武之所長在騎而又熟讀七子之書縱覽百將

之傳以廣其識見而儲其方略則武之所長在學由此

而應制科之選與薦揚之宴入侍禁垣出專閫外策

勳彝鼎圖形麟閣何一不自武學中來者惟有一種志

卑氣餒苟得一頂便以武斷鄉曲為能事而武始輕矣

彼既自輕人又何從而重之所以其途愈雜其品愈下

貽宮牆之玷者往往不乏今惟有力加策勵之法凡在

武學者宜痛洗從前積習遵照全書除騎射外於武經

七書百將傳及孝經四書等務知大義孰謂趕桓之友

不依然儒雅之士乎使者自當一體相視豈復能加軒

輒於其間耶

清端文集

卷四

至

一修教職廣文一席專司教導有為大師之責焉任恭

重也昌黎之言曰師者所以傳道授業解惑濂溪周子

曰師道立則善人多皆以見師道之重而任師責者之

宜稱厥職也宋胡瑗為蘇湖二州教授分經義治事兩

齋一時所造就名公鉅卿多出其門朱子白鹿洞規立

五教之目為學修身接物之要尤為簡約明易自道學

不明教人無法司鐸者不過以文藝相啟發而又偏崇

前規鹵莽滅裂并所為文藝者亦茫未得其指歸彼新

學小生將何去而何從乎雖然尤有本焉必為師者平

日之持身不苟制行端方勿委蛇於世趨勿沉溺於貨利清心寡欲日以讀書課文爲職業則其所講究者皆足以改迪其昏蒙所踐履者皆足以挽回其習尚凡與執經之列者孰有不畏而愛之則而象之者乎否則模不模範不範雖言之諄諄必至聽之藐藐又何怪焉蜀地古稱勝境漢唐以來人才輩出近世如范蜀公之風節魏鶴山之理學蘇家父子之文章尤英偉不世出之才後賢應有接踵而起者端賴賢司鐸之留心扶植爾如其相率闖茸曠職不舉惡非使有所樂聞也

清端文集

卷四

圭

一旌節義鄉賢名宦孝子節婦

朝廷旌之禮之所以彰名德勵後人也查例載非年久論定者不得舉鄉賢名宦非始終無議者不得舉節婦孝子非鄉里推服者不得舉鄉飲僕賓據此自當慎重勿得濫行申報如果有潛德幽光未經表揚及先賢祠宇之飄零名臣邱隴之淹沒者亟宜申請脩理亦激勵世風之一大機未可忽焉不講也

以上八條皆使有一得之愚推行先儒緒言而爲之說不敢放言高論以求人不敢美辭飾說以悅聽無非欲

諸生於此道中潛心理會篤志力行總以讀書積行爲要務積行而不讀書故無上進之階讀書而不積行往在有助將成而忽敗之者縱觀古今來傑人志士胥不爾此範圍唯諸生勿以爲陳言而懸置之使者樂觀其成矣

清端文集

卷四

圭

告示

古田縣諮訪利弊示

為諮訪利弊事照得作宰偏隅原有興除之責下車伊始務悉利弊之源然欲事事周知必須人人諮訪大抵有利於民之為利有害於民之為弊利者一而害者什不可謂利利者一時而害者異日即此是弊直道在斯民謀及庶人而孰利孰弊始得其真公論出學校謀及紳士而議興議除始得其當毋偏執已見而不準諸衆

清端文集

卷五

一

心同然毋隨聲附和而不出以平時之特識毋畏觸避忌不為明目張膽之言毋快辯雄談徒為塵羹土飯之論坐而言者期可起而行便於私者亦有濟於公如一錢糧也現徵何以完積欠何以催何尚有稅無田致屢年逋賦何甲有田無稅致流累窮民遠鄉下戶何故假手代納冊書押役有無壓派加收一力役也應差應免有何成例循守在城在鄉如何酌量均平民風何以淳故薄惡者何事士習何以正慣把持者何人誰為地方積棍宜懲誰為衙門積蠹宜去保甲之法久行賊盜



何以時有息訟之示每出其計何以尚多碩德澤行豈無有待表章者老孤子豈無有資贍給凡衆以為可舉皆令所當聞知假令知之而不行是令負邑人也假邑人知而不言是邑人負令也本縣志不在溫飽自讀設之日已然今日服官隨一邑一鄉皆可盡心盡力使夫號令於今者得衣衣食食者知禮義而重廉恥而一邑之人心風俗淳敦古處獄訟衰息用以仰副

清端文集

卷五

二

之為也無以知其知爾也之疾苦而為之恤知爾也之利賴而為之計知爾也之風俗教化而為之維持此則乃隱而不私之言將初入時宰之令安能無索而求請以新令之推斯也與邑人之本新令訟不容其於縣也若令當受事之初應懇請問而邑人不一言使令次第察知不免奉法以相懲究矣爾邑人又知何難以自解約十日內有以邑中利弊進者各書其姓名直投轉簡傳入勿輕付吏書恐致沉擱

古田縣志序

照得有真文章必有真經濟國家所以需致用之才有
真學問乃有真文章士子所以貴講求之素探原於經
術而理解始精參考於史家而議論始確雖或奇或平
或濃或淡筆墨才情各不可強而得體得法得神得機
先革心傳要不可易此固無分於南北之風氣即可據
以觀一邑之人文維茲古田號稱沃壤米穀魚鹽所自
殖金木竹箭所自生其樸者既安於農其秀者盡著諸
學如璞韞玉澤媚而山輝如川出雲蛟騰而鳳起應賢

清端文集

卷五

三

書之薦有光者少之科由俊造之升已列玉堂之選
六揚旌藝苑並繼天衢本縣知家五額洽比八閩原屬
枌榆之鄉久沐德澤之慕叨膺

續命作室名區治有悅於烹鮮情寔殷於好我憶當年
云意角藝服虔曾列諸生而此日旁午簿書陶潛詎止
化吏撥開案牘敬教訓冀高賢之式臨啟瑤篇以相
示思窮變態有鞭風掣電之奇養極冲和有浪靜波平
之致太羹元酒以為淡而意味自涵豐美潤澤以為濃
而清真自在體格盡紳正笏法脉員璧方圭行乎其間

不得不行止乎其間不徒然則一往而莫禦
絕迹而孤鶩絕之沉潛乎禮樂詩書其植根也深步騷
于韓歐班馬其取材也富自能開理賡之妙理於以極
文章之巨觀本縣識異九方敢云善松肱經三折粗亦
有知試任意丹青未必點金成鐵之皆謬即虛加甲乙
將為鯢從鵬奮之先聲爰遵時憲消吉筮期門懸艾虎
助文壇繡虎之威香襲荷花叶燈下江花之夢曉鷗
而即席惜寸晷以抽毫各出心裁略抒寔得無獨矜知
希之貴庶不負折節之誠凡在圭童咸依齊集

清端文集

卷五

四

附錄

照得居官以恪遵功令為先理人以敦厚風俗為本立
碑建祠功令所關甚重為願不為熙皞風俗所深要
也方當

聖朝治教昌隆名憲潔已率屬為有司者不以移風易
俗返樸還淳為汲汲必從苟簡一切獵取聲譽以飾期
聽豈不自甘罪戾耶夫邑令號為親民親者何父母之
謂也父以強教之母以悅安之若邑有豪強何以使之
知歛邑有奸究何以使之革心子矜何以無佻達賴組

清端文集

卷五

五

何以無德色彼言者何以不履其庭服疇者何以讓畔
於野往古之為治何以道來之使人知觀法近今之潛
德何以發揚之使人知敦行是非有以強教之其能
人情莫不欲富邑解千金之家何以富也人情莫不欲
安戶多流亡之族何以安也人情莫不欲壽歲多追呼
之苦何以壽也足求有以悅安之矣其忍知所強教矣
不謀所安不計所悅安矣不為之教不可謂父
父母之事原無窮盡父母之心原無紀極本縣方讀書
之日講此二字願通所以長此二字最真所患於

其心無其力不能盡其心其在日夜孜孜次第以
求乃傳聞邑人士有捐建生祠之舉乃與私心相刺謬
也孔子曰君子之德沒世而名不稱焉孟子則曰聲聞過
情君子耻之是名不稱焉也疾無寔也人至浮
世是求乃定其世之名不稱則生平無為善之寔可知
矣若不以此為然不為其世之名不稱則生平無為善之寔可知
聞之過其情不已是孟子所謂可耻者也嗟嗟之民無
足深論諸生誦法孔孟胡不聞焉今請直截言之建祠
一舉而十不可也冠亂後生理未復致積年逋賦未

清端文集

卷五

六

安所出其不可者一受其日漫旦夕救過之不遑自
意未及民不知斯舉何而來其不可者二門官
有煩而春秋不書以為常事也今雖愛民亦事之常生
利何為者其不可者三建祠者將以德於今也有德必
有怨傳曰視有德也江亦有斯矣不如德怨兩忘之為
愈其不可者四建祠者衣取其中必有勉強相從者
其不可者五人之多言何所不至茲舉一就於今有德
求之嫌於首事者受陽陽之詞兩者交譏其不可者六

邑之戶婚田土惟令是問安能事事厭人之欲一不厭而騰口者通通爾矣美於前而訕於後其不可者七令性硯硯惟知守法奉公一切毀譽得喪休戚之來不以動其心何有於祠其不可者八即曰國僑有誰嗣之歌茲州有畫像之事欲以公磨小吏彷彿前賢尤所不敢其不可者九即曰桐鄉愛我朱仲卿曾告其子然豈在官之日遠出此言乎其不可者十若果已木度於山丸具於窰則願有辭焉為爾邑人士勸本縣覽觀邑志宋時邑侯李公斬荆披棘首有功德於爾邑乃祖若宗沐

清端文集

卷五

七

遺愛焉其廟在北臺山下鞠為茂草將欲報功崇德亟宜移茲材料興復斯廟以酬既往以勸將來人心之古風俗之厚於斯見矣否則見任而稱之揚之既久而棄之置之斯則觸熱之人情張羅之故態豈所望於爾邑人士耶再不得辭則本縣之法尚能行之匠作諸色人等幸勿以為不近情也

臺邑問民疾苦示

照得縣官號曰親民蓋有父母斯民之責父母必欲其子之安全則為民父母者其可不恤斯民之疾苦但臺上百里堂下千里昔人痛乎其言之甚哉難蔽之為弊而民情之不易上達也臺灣為附郭首邑密邇各憲衙門不時察訪加意撫恤四民人等久已共遊光天化日之下豈復有疾苦足慮而正不能不總總慮慮者恐有一事寃沉一情抑鬱亦未可定本縣蒞任伊始如入暗室欲務周知相應亟行採詢為此示閭閻士民人等知

清端文集

卷五

八

悉凡民情政體所關大目錢穀刑名徵收出納下至橋路津梁車船答應有無偏輕偏重有無妨時失業地方有無豪強盤踞奸棍把持衙門有無積蠹生事詐騙出水給照有無胥役措勒索各坊里之內有無某坊某里某人藏奸匿歹風尚有無苛虐作何禁革民生有無凋敝作何拯救告訐爭訟輕生圖賴之習作何懲儆不妨隨其所見暢所欲言但須切實開陳勿得扶同勸說如果係爾民切身病痛本縣自當一體關切聞知上臺力為請命斷不至悠悠忽忽循採詢之話套已也幸各

蘇悉勿憚勿隱

清端文集

卷五

九

勸息訟

照得民俗澆漓由於獄訟繁興而皆自喪失其本心始蓋是非曲直本有一定之理此理本具人心不以至愚極陋之人而亡亦不以大奸巨慝之人而泯唯其自昧本心力欲求勝架出滿紙虛詞冀以聳動官府豈知聚頭三尺俱有神明豈凜凜法堂而么魔魑魅不露影現形於其際迨至曲不能詐直非不能掩是天理彰而國法難寬小則營大則杖甚則枷號示眾皆自取之也此昧心悖理而訟者之不可也即有明明理直不幸為強

清端文集

卷五

十

橫所屈勢不得不鳴之官然一鳴官則必須守候既守候則必耽誤生涯何如投之親隣投之耆老從中勸處既存公理又不失和氣之為兩得此真正理直者之又不必興訟也本縣蒞任以來每日投文收訖動輒數十起一經准理大抵昧心悖理者多真正理直者少皆由爾愚民無知為訟師播弄之故為此示諭所屬坊里人等知悉嗣後除賊情人命兩案聽其不時告投外凡戶婚田土等事有真正理直經投隣里勸處不依者方許直書強橫侵屈實情寔理若悖理虛詞敢於混竈察出

定加反坐并追究訟師一齊治罪以儆薄俗斷不姑容
各宜聽聽毋忽

四川博採詩賦稊文示

賦者詩之餘也詩者文之餘也文者道之餘也自從刪
後更無詩此言未為篤論如李杜文章豈不光芒萬世
大抵義理性情相輔而見說者乃謂詩非關理詩非無
理也特談理不板腐耳朱子頗不許人作詩正以詩不
易作果能見徹義理發抒性情則作詩亦自有益本道
素不知詩未嘗不喜讀詩矧西蜀為青蓮發祥子美過
化之區流風餘韻興起後賢當必有深於詩學者固知
數行帖括未足盡殊才而三歲科名易致遺高士山巖

室壁之下應多抱璞不言野處睡秀者能無懷奇而欲
試乎向因有事歲科無暇及此茲兩試既竣合即亟行
博採無論文武生童即僑寓名流墜林下隱處凡有志
風雅者各開鄉貫報明該學彙送以便示期收考其詩
或律或古賦或漢魏或唐宋稊文或議論序辨說不拘
一體各隨已長總以發抒性情見徹義理為勝場本道
當虛心彙訂刊刻成編與世共寶尤佳者上之史館以
備採擇更有奇才異敏文品兼優之士亦即申報兩院
乞登薦剡以副

聖世求賢若渴之誠斷不至按劍相視使珠玉終棄泥塗也幸勿選心可勝延紳

臺廈道禁酷刑濫派示

照得民生之倚賴惟財惟命吏治之大蠹惟酷惟貪蕪楚之下何求不得未有酷而不貪者第賸民之財不過奪之衣食而已若斃命於頃刻則斷難後續死難復生是民命尤重於民財而酷刑之慘比貪饕更甚也海外彈丸民番雜處居士食毛無一非

朝廷赤子官茲土者俱上憲選擇調補之員孰非良吏若乃不以赤子視民而概以待盜賊之法待之對上憲則極口自許以惜民財恤民命要做好官而行事顧有

大謬不然者是誠何心查定例非真正人命盜案不許濫用夾棍凡錢糧正項有加派分毫即許贖定罪何等森嚴現奉兩院飭禁州縣官不許加派重刑濫禁無辜期於潔已愛民勤修職業煌煌憲令不當至再至三凡屬有司自應手自謄錄常置案頭觸目警心寔力奉行之恐後矣乃近訪聞所屬各衙門稍知自愛者僅有而陽奉陰違者每不乏人如供粟不收本色勒民折價審理案件無分爲命爲盜動用夾審如此等弊半不可破將民生於何倚賴而吏治何由肅清不幾重負上憲諄諄

諄戒飭至意耶本道隨司茲土若粧聲作啞隱忍扶同
是并不為上憲一存耳目不惟昧心寔亦負國但人
孰無過貴在速改合亟再行申禁為此票仰該府官吏
照依事理立即飭行所屬嗣後務務慮洗心恪遵憲令
徵收無論何項錢糧不得於正項外私行加派非真命
真盜不許濫用夾刑濫禁無辜人等庶幾民生獲遂感
召天和共迓時和年豐之祥則官民有同慶也如任意
肆行怙終不悛本道訪聞的寔定即列揭通報請叅斷
不肯隱忍扶同自罹失察之咎各宜慎之毋自貽感

清端文集

卷五

十五

臺厦亢陽修省示

照得恒煥恒陽雖屬天行之偶沴而脩脩修救寔賴人
事之挽回茲以季夏之月亢陽不雨民將耕種失時秋
收無望天之降罰亦已甚矣得非人為不善有以致之
凡所屬衙門之急宜修省者本道特就見聞所及有關
民命民財民力者列數條于左

一天道好生莫重民命所屬衙門審理命盜兩案得無
有真情未得真贓未獲而以單詞偏聽文致人罪附會
成獄否急宜修省

清端文集

卷五

十六

一一家飽煖千家怨嘆其氣上與天通所屬衙門於錢
穀出納得無有聽憑胥役明加暗派月朘民膏而不之
察否急宜修省

一通商貨財務加體恤臺地遠處海外商賈皆冒風涉
濤而來艱苦異常所屬衙門得無有借辦賒取致虧折
而不之顧否急宜修省

一工作什器務惜其力所屬衙門於各色匠作人等得
無有役使在官并未計工授食否急宜修省

一臺俗健訟總以速審為便民所屬衙門於自理詞訟

得無有結累月不結致民守候失業甚至破家蕩產以供打發酒食之費否急宜修省

一食為民天塋地之米僅足給臺地民食所屬衙門得無有營利徇情賄通商販縱放米船致米貴病民敢怒而不敢言否急宜修省

一食祿之家不得與民爭利古有訓矣監臨勢要不得於所部開張店房國有法矣所屬衙門得無有借官放債開店罔利而不知止知足否急宜修省

一本道衙門為所屬各衙門領袖如瓊菲才濫竿四載

清端文集

卷五

七

有餘於民生毫無裨補於吏治茫無覺察歲月愈多愆尤愈積致滋譴咎深用疚心所屬衙門倘勿吝直言指摘固所樂聞即凡軍民人等肯指陳過惡俾得追咎已往自新方來亦斷不至以規為瑱總期官民同心導迎嘉氣埏時和年豐之祥有切望焉

撫楚訪利弊

照得各處地方風尚不同莫不有為利為弊之端居官行政措施互殊不外此當興當除之務然有利一而害什伯者不可謂利未可遽爾議興有弊不能無而遽可經久者未可驟爾議除其為興除每未易言其為利弊最難備悉子產為政不毀鄉校皇華遣使有事諏謀靡有以也湖南地方遼闊事務繁祿其當興當除諸務前撫歷經搜剔應已略盡然月異歲遷人情物理層見迭出有以為弊而前此議除者未幾而弊已復生有以為

清端文集

卷五

八

利而前此議興者未幾而利已生弊自非逐旋整頓難期秩然就理本都院下車伊始如入暗室如坐帷燈縱心切地方有事興除未知孰者為利孰者為弊將為開誠布公之舉須有集思廣益之資事關民情合行諮訪為此示諭撫屬官吏軍民人等知悉凡有關田賦力役刑罰軍旅及學校士習民風土俗諸事凡上裨國計下益生民者為利為弊不妨按款詳悉敷陳自司道以下驛丞以上久在地方必有見聞或用詳文或用白單總要言必可行勿沿訛襲故謬為常談勿瞻前顧後格

格不吐至縉紳先生與青衿士子果有念切桑梓目擊
時弊有坐而言可起而行者亦許各開手冊向歸房隨
文校進以脩採擇本都院賦性甚拙求教甚殷惟期與
官民紳士彼此情意流通無致內外壅隔庶幾宣上德
達下情俾三湘七澤之民並游於光天化日之世是所
望焉毋忽

清端文集

卷五

十九

撫楚通飭吏治示

照得設官分職凡以為民激濁揚清必先察吏倘吏治
混淆而求民生之安不可得也我

皇上愛民如子澄叙官方廉能必擢貪庸必懲煌煌功
令炳如星日湖南僻在偏隅地遠法疎其間潔清自好
之員固多昏庸敗檢者亦恐不乏本都院恭膺

簡命巡撫茲土有察吏安民之責下車之初合行通飭
為此示諭所屬官吏軍民人等知悉務遵後開各條循
名責寔守法奉公期于吏治蒸蒸民生日有起色以仰

清端文集

卷五

二十

副

聖天子澄叙官方愛養元元至意是所望焉所有教條
開列于後

一藩臬兩司為通省錢穀刑名總匯錢穀民財所出刑
名民命所關寬一分便是萬民之福刻一念即傷二氣
之和昔人已痛乎其言之矣楚南民力艱難生齒繁衍
于民財民命兩者尤宜惻然動念為藩司衙門于各屬
錢糧解到務遵照新頒法馬公平兌收毋得重戕加耗
為臬司衙門于各屬命盜兩案解到務虛公覆審速結

毋得任意駁詰株連必藩司省解費而後有以禁各屬之厚歛必臬司慎駁詰而後有以禁各屬之淫刑此其要領也蓋藩臬大僚與本都院同有察吏安民之責察吏必先自察安民所以自安幸各審思寧煩多贅

一各道職掌不同皆屬監司之任各府所屬煩簡不一均為方面之員試問糧驛鹽屯果能依期散給免收而無遲留扣剋刁難之弊否督催解審諸務果能依限完解隨事平反而無偏茸徇徇之弊否各府州倉庫錢糧歲終盤查是各道專責各州縣倉庫錢糧歲終盤查是

清端文集

卷五

二十一

各府州專責果能按項察盤而使釐釐在庫認真盤量而使粒粒在倉否如皆舍此不問而惟以收受節禮需索顧為務輕則有失察徇庇之例重則有貪贓壞法之條不第院心平如水法執如山固不苛求亦難假借各宜慎之

一州縣為親民之官凡民有疾苦不能走千里百里而訴之上憲者朝夕可赴州縣訴也凡民有願欲走千里而訴之上憲而未即應者赴訴州縣可朝呼而夕應也亦顧州縣官何如人耳如其存心愛民如保赤子欲

與聚而惡勿施造福固自無量若身家念重專以誅求刻剝為事則其流毒于民生也寔甚矣如一刑獄也殘忍成性恣意深刑或籠杖下或斃獄中其毒在酷一賦役也科一歛十非時役使私徵私派腹民肥已其毒在貪一詞訟也聽斷不明顛倒曲直徇情屈法益覆舍冤其毒在闇此等州縣使其應時發覺猶得為民除害而偏能工于布置善為逢迎知府為之曲庇司道未免瞻徇致流毒于民日久年深殊堪痛恨本都院下車伊始正在察訪如有此等州縣作速洗滌肺腸改過自新果

清端文集

卷五

二十二

能實心愛民勉做好官本都院不靳特疏薦獎若執迷不反白簡隨其後矣

一佐貳如同知通判州同縣丞等官雜職如典史巡檢驛丞等官雖品級不同莫不各有職守循公供職足矣如敢故違定例擅受民詞及生事擾民等弊或經告發或經訪聞斷不姑貸

一教官雖屬寒不訓督士子之責必宜立品端方學業醇正而後有以為士子模範至平時督課必先德行而後文藝點浮華而崇實學勿計脩脯勿事宴遊日與

諸生講學論文引誘勸導無曠職守何難登卓異之選如曠職不舉卑鄙自甘是自取咎也

一武功與文德並重自千把以上俸滿皆得引見

御試騎射親驗技勇凡列將弁之職固皆赴赴干城之選矣然承平日久武備保無懈弛除本標現在清查訓練外凡湖南所屬地方各營將弁務須一體整飭營伍汰除老弱募補精壯如有從前虛冒陋習作速清釐足額期於士飽馬騰敢仍廢弛曠缺一經發覺定會疏叅治再文武同城務宜和衷武職勿得干預民事文官勿得擅打兵丁勿謂本都院言之不早也以上六條分別職守各專責成法在必行言無浮飾幸公聰聽凜之慎之

清端文集

卷五

二十三

無差錯事耗示

照得湖南百姓困苦莫如錢糧重耗官吏苛索莫如里社私派本都院恭膺

簡命來撫此邦凡有利弊無不留心體察今訪聞湖南屬縣徵收錢糧除正供之外明則有加一火耗以重武備收每兩竟至二三錢不等其里長排年歇保等項名色久經禁革設立滾單催輸小民爭先完納無不稱便近有不肖州縣巧設都總里催甲催區長番正等名目藉稱易于徵收其寔便於苛派又小民零星錢糧不

清端文集

卷五

二十四

不合數合秤分數給串勒令按戶稱收者固耗民嘆嗟孰能何堪剝削言念及此深可痛恨本都院下車伊始惟期與屬員共砥清白潔已愛民誠恐不肖州縣利慾薰心仍循陋習甘聽法網有負

聖天子愛民至意除現在家訪糾察外合行出示嚴禁為此示仰撫屬官吏軍民人等知悉示到之日務宜痛改前非洗滌肺腸錢糧遵用滾單催輸照依部額法馬許民自封投櫃令其自便合秤合戥分數給串不許假手經胥稱彈并借稱火耗任意苛索其前項都總等名

目盡行革除亦不許差役下鄉擾累小民立即勒石署
前永行禁革倘有不肖官吏貪黷如故陽奉陰違或經
訪聞或被告發官則飛章叅處後則立斃杖下本都院
言出法隨決不稍貸各宜省改無隕身名慎之慎之

撫閩曉諭

照得本都院恭膺

命調任閩撫

陛見之日跪聆

聖訓逐事指示諄切詳明我

皇上身在九重之上心周節屋之下于閩疆情形凡民

生吏治所係屏照無遺唯有凜遵

訓旨潔已率屬息事寧人相期實心寔政與答高深之

萬一茲當下車之初合就出示曉諭為此示諭撫屬官

吏平民人等知悉文員目司道以下各官各務振刷精
神勤修職業如藩臬為通省錢穀刑名總匯藩司必彈
允公平而後錢糧無橫徵臬司必審斷明允而後刑名
無留積運使糧驛及倉道有監司之責必謹持憲體革
除陋規使風清弊絕知府為州縣表率必清正自守不
時查盤倉庫勿為狗庇容隱若縣令一官與民最親一
縣億萬姓之命脉咸寄託焉必認真為民父母四字無
一念不為民謀無一事不從民便勿重戕勿加耗勿私
派勿酷刑命盜兩案核定初招勿恣睢暴戾革率斷案

致抵命者非真冤被害者多良善戶婚田土雖屬細故必秉公速結勿徇情受賄致顛倒是非勿耽延時日致守候失業嚴保甲使匪類無潛踪治豪強使平民得安枕鋪家行戶生理微末勿得濫派雜徭及賒取貨物借名官辦每日早晚兩堂出堂料理民事勿自宴逸及宴會無節致失時廢事上行案件必隨到隨覆勿任促催不理窮民之鰥寡孤獨必多方收卹以使得所境內之橋梁道路必及時修整以便行人若修葺學宮宣講上諭尤其大者不可不以為教化之先務也如此做去

清端文集

卷五

二十七

即是好官必然民心愛戴上官必特薦汝為民報也如此做即不是好官必至民怨沸騰上官必特參汝亦為民報也孰是不肯做好官而甘做不好官者我皇上愛民如子于縣官必引見選擇正謂縣官得人則民生得安地方日有起色

聖意深厚豈可不知近奉

新諭教職亦令赴京驗看蓋教職有督課士子專責教職修則十知務學敦尚寔行人才胥此乎出然則任斯職者可勿顧名思義日與士子以文行相砥礪而但苟

上唯諾脩脯是計我佐貳等官至典史驛丞之流均有應舉之職循分供職足矣武職自副參以下各有水陸分防地方須于要口要汛加謹巡邏防範使宵小屏跡地方寧謐平時則照常操演使兵皆實兵船皆寔船餉皆寔餉無至虛冒扣剋以自取咎其與文員或同城或不同城務期和衷共濟勿干預民事以生嫌怨文員亦務卹兵愛民視同一體斯則文武大小莫不震動恪恭以修職業所為相期實心寔政者此也本都院一行作史三入閩疆人情風土久已略知其概茲復奉

清端文集

卷五

二十八

命撫閩責任愈重畏懼愈深然思綏輯之方無如察訪吏治之為要所以居心不敢不恕持法不敢不平不敢苛求州縣之小吏而偏縱大僚不敢微逐于期會之簿書而不嚴武備諸凡勸戒由表務寔之言毫無粧點粉飾抑亦謹遵

訓旨所及而深切著明言之其各聽聽無忽

序

重刻海忠介公脩志集叙

言之不足爲世用者不傳焉可也言之有用於世者不可不傳以其言之足爲世用也即世無有用其言傳其言者苟得生同鄉居相近必不可聽其言之淹沒而不傳吾鄉海剛峰先生瓊人也瓊去雷陽隔一水耳余垂髫時耳先生仕明以直節著心慕之未得其詳也迨遊鄉校欲求先生之書而雷無有數於瓊人求先生之書

清端文集

卷六

一

而亦無有後吾友後夫遊瓊覓寄數本時余僱員曹署待之喜若百朋顧中多斷簡不可卒讀缺然者久之歲丙申余奉

公撫八閩始於書院羣書中見有海忠介公文集急持歸書亦多缺與舊本相參校補所未備較者僅十之一二此先生之書之絕續一大機也按先生書有淳安藁一卷卷首有先生題引有淳安政事藁上中下三卷先生自叙下卷闕數頁皆先生令淳安時刻之最先者有備忘集上下二卷續集二卷一刻於隆慶庚辰一刻於

年已雖中多殘缺然皆先生手訂之書無疑也茲於書院文集中得紫衣集一卷補入再於名山藏集得先生本傳冠其首成先生全書而總名之曰脩志從先生志也余惟直道之難行以爲先生獨於狂瀾欲倒之時障百川而東之自起家南平司訓至今淳安調興國內擢部寺出撫南畿一言一行必規倣聖賢不爲苟且不爲遷就可不謂能行其直者耶世知先生之政事絕人未知先生之文章尤絕人未嘗不言經術而無道學氣未嘗不言理學而無頭巾氣古淡樸析真能於唐宋八大

清端文集

卷六

二

家之外自闢門戶者先生之書不可湮沒而不之傳也因訂其魚魯次其篇目而授之梓俾學者知有先生之文章始有先生之氣節亦惟有先生之氣節始有先生之文章蓋先生之文章氣節皆聖賢之嘉言懿行聖賢之嘉言懿行即人心自有之天理也人苟不昧乎天理則知先生之行雖至奇而寔至庸先生之言雖至淡而有至味矧余與先生生同鄉居相近而忍聽其書之湮沒不傳哉

程司訓嘉村集序

余行歲試自成都始茂最後遠也司茂鐸者為程子充
眉皓然自言年八十餘余心儀之試事畢循例考察
各教職是日挾一冊授余標曰嘉村集著皆手自抄本
其書則上自天文下至地理旁及律呂之激土風民俗
政體之要與夫世運升降之變雖在一隅而關於天下
治亂興衰之故者罔不具焉所謂經國大業不朽盛事
者於茲見之余覽蜀志人物最著者如君平賈卜長卿
獻賦子雲著書李青蓮陳伯玉之於唐三蘇父子之於
清端文集

卷六

三

宮牆錄小序

宮牆錄者吾粵東盧松士所手輯也松士博極羣書以
詩古文辭知名海內早歲登鄉薦不屑簿書吏就儒官
今春應禮闈試識荆京邸惠所著書數種子勤數日夜
之力始卒業宮牆錄一書尤大有功於名教也凡學者
由童子試入泮采芹咸以遊聖人門得見宗廟百官為
幸春秋釋奠駿奔走執豆籩亦莫不以有事為榮及問
廟之有祀起何時贈謚何代謝不知問從祀先賢先儒
姓氏某某謝不知問其儀節登降其陳設某器某物其
清端文集

卷六

四

宋新都楊太史之於明皆以文章名世蓋由川嶺奇崛
幽秀故每產異人程子其接踵而起者乎年逾八旬猶
松毫稱思馳騁藝文之場且善作小楷筆法簡勁豈有
得於丹經秘訣者耶余弁言甚勤為書數言以應之

上重道崇儒
御製聖賢贊訓飭士子文

宮牆錄條例炳如星日苟不能誦其文通其義雖白
圭白璧無庸矣松士悉心考訂次第臚列俾學者一開
卷了然於目悚然於心因惕然於行已立身言動出
處之不可苟期於為端人為正士為名臣良相無負
國家之教育而後即安焉又自立學規四條附後蓋原

本胡安定久經義治事而齋遺意深切著明言之而終標之曰宮牆錄余故曰此一書尤大有功於名教也

太保以洛陽才子遠國體治安策洋洋纒纒累千百言開西京風氣之首雖董子天人猶遜其俊與馬班而下未之或先也歷漢而唐得昌黎韓公約六經之旨以成文粹然一出於正於宋得廬陵歐公為學者宗師東坡序其文謂論大道似韓愈論事似陸贄記事似司馬遷詩賦似李白識者以為知言至有明而王唐瞿龍諸先輩遂為八股樹赤幟矣

道則前推鍾陵後推長洲無異詞而學熊不成或失則庸學韓不成或失則疎子朱子有言近日時文都無切實正當意思翻弄得鬼怪百出一味穿穴旁支曲徑以為新奇莫若取三十年前渾厚醇正之文誦以為法嗚乎余於陶菴四書文其見之矣陶菴者乃吾粵大中丞法公自願其讀書之室也公負王佐才顧雅慕處士風期其選情勝致固已不可涯矣自甲戌釋褐讀中秘書

四角

禁近考幾二十載

聖上猷知清寧

特簡撫粵下車未三月吏治民風已灑然丕變以予魯人攜附譜末出其四書文相示予卒業焉其正大登韓歐之堂其精微窺濂洛之奧其氣勢雄渾辭條豐蔚即董醇賈茂無復過之吁何盛哉蓋由平日沉潛乎六籍貫穿乎諸子百家流覽乎二十一史之紀載凡性命道德之精古今治亂安危之數無不融洽該貫洞徹胸次故能於四子之書解剝深透見之經義不惟闡其義蘊兼復得其神髓隨筆所至固不動中竅會既鮮近今之

清端文集

卷六

七

容亦無莽士之跡夫非今古共通之業而為根柢深厚所自致耶舉阻五嶺以南地遠法疎民生凋敝公銳意興除將出其所學為大庇吾粵之舉煌煌經國大文將踵之以出治安策有不得專美於前者先於四書文發其端云爾

楚南風錄序

古者命太師陳詩以觀民風方觀民以修政教甚盛典也而風之為言通乎上下卜子夏序詩曰風風也風以動之教以化之又曰上以風化下下以風刺上今之時文猶古之詩也士則民之首也自通邑大都至閭閻閭巷間父兄之所以教子弟之所以學莫不以時文為之課不惜殫精竭慮採取其中時文雖末藝而一方之人心風俗略具於是故凡邀一命之秩出長一方即首為課士之舉名曰觀風有自來矣余膺

清端文集

卷六

八

簡命自猷楚南則所任又有重焉者亟欲周知一方之民風土俗而脩悉其隱微心術之大致舍茲安從哉爰親謀長沙府屬之弟子員及童子輩不附省會者分題彙試會者解闕因得次第繼覽七十七學之人文大略星以首郡之文骨格深厚詞氣俊爽得賈太傅之遺衡永寶三郡沐浴於柳柳州之餘韻其文幽秀奇古岳常逼近洞庭滋滌胸次增長才情其文多落落高飄飄意遠昔人謂得江山之助信然辰屬楚尾薛文清公讀書臺在焉文猶輕圓淡折顯白可誦柳州分衡永一

能文士亦往往不乏若靖州以進士而文不掩賢幾於
自鄧以下矣為錄其文之尤雅者待若干篇付梓附以
五經性理詩賦諸作學記六明記而善之謂摩將使楚
以南學者足不出戶庭而得修閑乎同省異府同府異
邑之文咸印其已能而奮勵其所未至以出而為國
家之用脩

聖天子之採擇即於此乎權輿矣

重慶試序

蘇子瞻居儋耳日著有志林林總總海外文章瓊人姜唐
佐從之遊心愛之語其弟子曰不謂海隅有此佳士
贈之詩曰滄海何曾斷地脉曰袍端合破天荒其後佐
成進士子由續其詩曰錦衣不日千人看始信東坡眼
力長今臺之於閩猶瓊之於粵也然臺自置郡建學生
聚而教訓之近三紀矣四庫弟子員英才濟濟將不止
一姜唐佐其人予脩兵茲土兼有校士責唐實辛卯歲
科試見佳文義不勝收以為此皆七閩山川秀靈之氣
別起一夫騰蹕於黼宮黼諸之側其離奇光怪屏之愈
遠藏之愈固則發之也亦愈難掩祇恐不自知其為寶
而委之泥塗俾漁人舟子皆得玩而棄之為可惜也寧
非司衡者之憾歟爰梓其尤雅者若干篇示諸生題曰
海外人文以竊附東坡之後云

閩南觀風錄序

閩南自常觀察過化朱考亭發祥文風之盛人才之多
焜耀冊乘唐宋以來可考而知也我

國家振興樂育已七十餘載宜乎賢才蔚起視往昔倍
增也樂觀士風三經至止茲役所得亦有日新而月盛
者大抵人文視乎山川八閩山峙西北海滙東南幽秀
奇崛所誕毓汪洋浩瀚所停蓄自有不可偏視而涯量
者發為文章何莫不然譬之選材鄧林探珠一圃欲蕝
收而博採之義不勝載拔其尤者若干篇付梓與海內

清端文集

卷六

十一

觀其盛焉并書數言弁其首

送葉南田由樞部出守廣州序

廣為治僻處頒表去京師七千餘里轄州一縣十有五
為全粵領袖蓋東南一大都會也兩廣制府治所設於
斯大中丞持憲節按部駐於斯藩臬兩臺之署列於斯
漕漢官軍防禦會於斯以至使節之經臨番舶之往來
貿易及羣州邑之訟獄賦役丁口提挈而綜理之固不
華於斯守茲守者必有超羣之識邁等之才不可易之
守三者脩然後任而愉快宋儒有曰惟天子擇宰相
宰相擇吏部吏部擇郡守天下何憂不治有見乎其言

清端文集

卷六

十二

今歲初夏廣守缺人銓部慎重選擇不輕授歷秋
仲乃得南田葉公而委重焉盈朝士大夫咸為得人慶
余以同曹風親風旨今又得依隣治尤喜動履而行有
日矣余不揣謬以言贈余惟今之郡守印古者刺史二
千石之職本成周封建之遺而易其名也自易封建為
守能其職者惟兩漢最號近古如龔遂黃霸卓茂魯恭
聲績最著史氏所稱當時施設亦唯以勸農田興水利
弭盜賊為汲汲農田水利所以養之弭盜所以教之蓋
井田學校兩者居治天下之大端矣廣州為四通五達

之衝番民雜處民皆棄本爭毫末利推抄屠狗之奸亦
時竄其間風稱難治然任無難易存乎其人南田公醇
儒哲匠原原本本自有靜以制動簡以御煩之方諸如
承上率下戢兵牧民撫外夷禮過客平庶獄皆游刃有
餘者余獨於賦役丁口二事不能不惓惓屬望焉今之
廣非昔之廣比也有丁則有役有田則有賦天下之通
義也按版而徵之計徒而趨之小民亦何能旦夕緩獨
是賦外有賦役外有役小民徃徃力不克勝役不勝斯
人逃賦不勝則田荒一段萬不得已之情每抑鬱於下

清端文集

卷六

十三

邑窮簷之隱不能上達於刺史之廷者亦復何限此類
表州邑人民之同痛而廣州所轄地大人殷所患尤劇
惟簡徵歛寬徭役閤十六屬而一加清剔得有不望於
仁人之新政焉覆育乎南田自冲年服官即熟聞忠節
公過庭之訓與詩禮為寢處詩曰蔽芾甘棠勿剪勿伐
召伯所茇又曰允禔苗陰雨膏之四國有王邵伯勞
之曲禮曰毋不敬安定辭安民哉既口誦而心維之必
將見之行事俾頌表十萬戶盡膏陰雨沐甘棠之庇余
敢執筆以俟風謠之獻

壽陽徐副總戎序

從來武功之競以戡禍亂文教之敷以綏太平其道均
也而說者乃謂天下安注意相天下危注意將豈戰勝
攻取之略止宜於擾攘之秋至投戈論道遂無煩師武
臣力歟非也馬上倥偬未能賦詩卻敵而先事綢繆有
不得少弛其預備者又况封疆當萬里而遙人心易震
而亦易玩嚴則操之感寬則患生尾大所賴於良將之
風烈建牙崇閫以彈壓而控制之者功豈淺鮮哉雷處
山海之交樓櫓出沒綠林嘯聚時時而作仰憑

清端文集

卷六

十四

皇靈遠播四境帖然然德則其人不德則其鹿不但職
撫循者念之韜鈴之司與有責焉矣歲在癸酉四明徐
公定開閫雷州公威名在海內勛庸在竹帛褒嘉寵錫
在綸誥揭日月而鞭風霆匪雷區區之地遽足展公方
略也者而公殊不鄙夷僻壤顧維繫則曰此非我王家
之金為城湯為池者乎其思所以固之按營壘則曰此
非兵法所云動於九天藏於九地者乎其思所以繕之
馭偏裨廝卒則曰此非昔人之投醪為飲挾纊為溫者
乎其思所以恤之而且處同城如平勃之交驩引士類

如叔子之儒雅愛下民如赤子之不殺克威克惠聲
稱洋溢明年某月為公誕降之辰郡士夫謀製錦稱祝
非致私願於公也秉彝好德性所同然飲水思泉寔發
於藹子之天之不容已試問今之日商不易肆野不輟
耕我冠博帶之英得優游於庠序鷹眼虎嗽之衆盡屏
息於山陬熙熙喁喁相安光天化日之下者果誰氏之
賜也非我公紀律嚴明惠綏普被有以佐文治所不逮
其能保茲疆圉之埽靖哉而謂吾人頌祝之舉可後時
乎哉願舉一觴為邦家慶

清端文集

卷六

三

壽海安曾都門序

歲甲戌冬十月余初歸自長安屏居村舍讀漢書至班
定遠傳喟然嘆曰大丈夫不當如是耶會有以壽海安
都閫曾公文請者并錄公譜系示余弗獲辭乃為文授
之俾贐於公按公系出八閩宋熙寧間有諱諤者為公
英祖曾視饒頤兩明季巡撫山左諱化龍者則公高祖
也公從戎自効定始於康熙之甲寅是時福州首亂煽
反溫金衢處兩淮之間蠢然動矣公方為寓武林即矢
擊楫澄清之志何其壯哉士君子抱不世才鬱鬱傳伍

清端文集

卷六

六

每不惜慷慨奮發出身當大難之衝豈徒取富貴夫
亦欲乘時建監垂勲名於竹帛為史冊光耳如公之大
小數十戰俱能獻俘奏捷所在克復豈不偉然丈夫哉
大臣交章薦公行且大用以酬公勞惟是邊陲擇牧尤
貴得人海安一府南望五指與北之白鶴寨門為唇齒
一離出沒易與為匪故藉公彈制之公亦不睥睨一隅
為之畢乃心力嚴斥堠謹烽燧訓士伍申明紀律偕廝
養同苦樂民亦賴以安堵者今已十餘年其撫摩也久
其涵濡也深宜乎編伍士民當公覽揆之辰爭製錦歌

祝之恐後也余不文無能道揚盛美獨念 國家加意
邊疆凡在武臣著有勞績皆膺不次之擢則今之暫借
公於此益鍊其才以為異日用將必有懋建豐功如班
定遠之為者自有旂常勒之國史志之先以余言為之
券云

壽樊夫子文

歲在庚辰春正月既望之一日為樊夫子六十有三初
慶之辰某時謁選得聞古田令行有日矣適聞之喜與
愧併念自甲戌受知旋以需次南隸六有餘載未得一
歡壽愷今當就道之時適逢華誕得効握衣喜可知已
顧惟行橐蕭然觴酒豆肉媿不充脩異以為壽伏而思
之夫子之知某者文也其相期於某者匪文也行也某
今一行作吏其酬夫子之知者將以行也則藉以上祝
夫子者固有在矣其在書曰敷奏以言明試以功

為人臣者必不敢以言欺其君為人子者必不敢以言
欺其父古田邑在萬山中叢篁深箐往往有毒蛇猛獸
擇人而噬其危巖疊阜鬼怪百出吏者相戒為畏途即
夫子亦數為某慮矣某聞道之險者無過於蜀出夔門
歷九折坂王陽畏避為孝王尊叱馭為忠某今叱馭之
官彼頑也將勝之以廉彼薄也將勝之以厚彼告訐多
也將以禮讓勝彼疲日甚也將以不擾勝彼弛已極也
將以次第整飭勝况閩中為西山發祥之地紫陽過化
之區流風薰被未必俗鮮君子戶盡無良某謹守子思

子所言戒慎恐懼六字以夙夜匪懈求無曠厥職
或者我夫子之慮可少寬矣乎某今於夫子之前先期
有言匪某之言寔默承夫子之志以為言他日者深山
窮谷化稂莠為嘉禾起瘡痍於衽席俾婦子熙熙共遊
光天化日之下則某願合千萬人之各復其性各育其
生以上祝我夫子之壽未有能量焉者矣若效尋常祝
嘏濫引日月岡陵為况固非夫子之意某亦何敢

上孝感夫子壽啟

伏以子正天開鳳鳴應六雄之管地中雷動龜紋衍五
福之疇慶元老篤生頌長發以志喜瞻壽筵肆啟歌永
錫以稱觴門外雪深都中雲集恭惟大相國老夫子兩
間正氣一代偉人聚三光五岳之精鍾靈毓秀羅洞庭
彭蠡之勝被藻摘華自歷年聲震玉堂迨中歲位登政
府經筵進講金聲玉色范祖禹之說書應詔萬言愛國
憂時賈長沙之治策一卧滄江十載著成甲乙丙丁連
知貢舉五閣採遍梗楠杞梓春風桃李不數狄梁之門

朱閣詩書常校楊雄之字游曆

宸眷再典

綸扉起司馬於洛中兒童咸頌君寔相曲江於額表風
度得如九齡乃珮玉而心同樛木致主以明盛之年立
朝而意在東山乞身及強健之日郭汾陽中書二十四
考絕笏滿床衛武公行年九十有五箴規在側垂情古
典常懷斯道絕續之憂留意牙籤不知人世榮華之事
良由無將迎無內外得力於定性者深是用不佞佛不
談仙修持於冲養者固迄今古稀已踰依然精力之剛

馴至耄耋屆期不以龍顏之舊詢時科得位得祿得
得壽惟盛德克享遐福之全即謂之如日如月如國如
陵極擬議莫罄形容之致者也其姿同樗散質類鶻胎
生荒郊寂寞之濱師承無自矢仰止景行之願就正奚
從不謂頑冶之流濫入鈞陶之內雖則選材羣玉之圃
如挹水於河而取火於燧私幸矯枉大匠之側得方者
中矩而員者中規值茲陽德方亨適逢奎垣初度隴梅
乍放還待調羹宮線新添尚資補袞銀海進果安期靈
火如瓜冰厨脩觴方壺杯霞作露敬效野芹之獻微伸
勝願躍欣忭之至

清端文集

卷六

三

陳文公文集卷七

記文放附

古田縣重修聖廟碑記

國於天地必有與立三綱五常人倫之理所以頂天立
地維國脈於永久者非學無以明之故建學重焉有學
不能無閣學以崇祀

先師闕則藏經以課多士義有相須故次第並建蓋自
京師及遠遠莫不皆然古田為八閩望邑學之建由宋
元以來尚已闕曰尊經則肇自有明我朝廣厲學宮

清端文集

卷七

一

有司奉行惟謹於學制尤極崇脩而古邑之學以歲久
漫漶閣且傾圮余蒞邑之明年諸事粗舉乃謀興築爰
捐薄俸為倡諸弟子員踴躍輸助經始於仲春之三日
迄十月既望而落成殿廡門垣暨諸祀祠煥然一新傑
閣如雲而起神斯妥焉余聞之學者所以學為人也人
之所以為人者倫也人倫有五其目為君臣父子夫婦
昆弟朋友其理為親義別序信其具於身為貌言視聽
思其根於心為仁義禮智其見於事為禮樂政刑其著
明於經為易詩書禮春秋其清於天地之間為木火土

廣東省
古田縣
碑記

金水學者於此必析之至精無一理之或闕斯為體全必習之至熟無一事之或疎斯為用脩體全用脩處則德足以重其鄉出則道有以濟於物風俗以厚治化以隆其卓然為一代之偉人也必矣不此之求而徒玩心於章句涉獵於詞華為富貴利達之捷徑則其志亦陋矣豈今日修學建閣意耶方今

聖天子加意右文重儒臣之選廣鄉會之額搜羅天下博學多聞奇才異能之士士生於時當思言皆可行必貴有用居恒高談仁義一出而喪厥生平非盡不學之

清端文集

卷七

二

過溺於俗學之過也俗不可拘故志不可不立也夫子嘗自叙曰吾十有五而志於學其訓學者則以耻惡衣惡食為未足識以緼袍之不耻為足以戒耻者無志不耻者其志遠也三代以下諸葛孔明之淡泊寧靜輔成漢業范文正之做秀才即以天下為己任皆卓有志於斯道者豈復以功名之士目之故予望諸弟子之務學尤亟望諸弟子之立志他日策名天衢為國霖雨胥以志之一字為根柢諸弟子勉乎哉是役也不科民錢不勒公帑工料資費皆出邑紳士襄贊學海兩先生規畫

經營棟宇心力朝夕量營繕者則弟子員某某之勞例得並書

清端文集

卷七

二

重修臺灣孔子廟碑記

臺灣荒島也 夫子廟在焉聖人之教與 皇化並馳
固無海內外之隔而歲久弗治唯大成殿歸然為魯靈
光若啟聖祠暨兩廡櫺星門一帶皆腐折傾圯剝落過
半前後廟基被水冲齧竟為人畜往來襍沓之場監斯
土者何人而不一賊目動心於其際乎余乃商之郡守
周君洛書郡倅洪君石臣暨臺令張子宏鳳令時子惟
豫諸令劉子宗樞急議修葺會合詞無間言余曰衆志
既同是不可後遂脩由上請兩院尋得報可即以壬辰

清端文集

卷七

四

臘月興工委本標千總曾榮董其役檮楠腐朽者易之
缺折者補之級磚欹斜者覆正之牆壁漫漶者飾之基
址卑薄者增築之廟於是乎改觀焉啟聖一祠翼然起
大成殿後祠左右列曰名宦曰節賢齊二曰六德曰六
行東廡下有獻官齋宿房西廡下有藏器庫有庖湔所
櫺星門左右改置文昌祠土地祠其外為禮門為義路
常置局鑰非旦望及有事二丁不開又於禮門外數十
武表立大成坊為界周圍墻垣通道之水環其下廟之
規模略具矣至教官廨舍則於明倫堂後新建三楹齋

厨等房胥具其門從東廊出入不復寄居啟聖祠左右
是役也用木若干瓦若干磚若干石灰若干工匠若干
小夫若干共計若干緡悉出本道衙門養廉餘羨不動
公帑不費民財歷五旬之勤得竣厥工而余因為之言
凡廟學非作新之為難而能體作新之意為難亦非作
新於始之為難而能繼繼承承承其於後之為難茲余
既新斯學於其始願執經士子各思奮發以通經學古
為業以行道濟世為賢處有守出有為無負 國家教
育振興庠序之至意地方有司亦共以教化為先務培

清端文集

卷七

五

固根本之地時省而葺修之俾有基勿壞安知龍鼎人
文不日新月盛彬彬稱海濱鄒魯也哉余故詳修建始
末并述其意以書諸石

新建其陽朱子祠記

予建朱子祠既成或問曰海外祀朱子有說乎曰有昔
昌黎守潮未朞月而去潮人立廟以祀東坡先生為之
記云公之神在天下者如水之在地中無所往而不在
也而潮人獨信之深思之至齋蒿悽愴若或見之譬如
鑿井得泉而曰水專在是豈理也哉若朱子之神周流
海外何莫不然按朱子宦轍常主泉之同安簿亦嘗為
漳州守蓋去漳泉一水之隔耳非遊歷之區遂謂公神
不至何情也自孔孟而後正學失傳斯道不絕如綫朱

清端文集

卷七

六

子剖晰發明於經史及百氏之書如曠然如日中天凡
學者口之所誦心之所維當無有不寤寐依之羹牆見
之者何有於世相後地相去之拘拘乎予自少誦習朱
子之書雖一言一字亦沉潛玩味終日不忍釋手迄今
白首茫未涉其涯涘然信之深思之至所謂齋蒿悽愴
若或見之者也朱子之言曰大抵吾輩於儉色兩關打
不透更無話可說也又曰分別義利二字乃儒者第一
義又曰敬以直內義以方外八箇字一生用之不窮蓋
要以已意繹之惟不好儉斯可立品惟不好色斯可

清端文集

卷七

七

立命義利分際甚微凡無所為而為者皆義也凡有所
為而為者皆利也義固未嘗不利利正不容假義故在
心主一無適則內直義在事因時制宜則外方無纖毫
邪曲之謂直無彼此可遷就之謂方人生德業即此
一言包括無遺矣讀其書者惟是信之深思之至切已
而察實力躬行勿稍游移墮落流俗邊去自能希聖希
賢與朱子有神明之契矣予所期望於海外學者如此
而謂斯祠之建無說乎祠正堂三楹兩旁列齋舍六間
門樓一座經始於壬辰冬月至癸巳仲春落成無動公
帑無役民夫一切需費悉出于任內養廉餘羨猶慮祠
內香火及肄業師生修脯油燈之資無所出議將予撥
歸郡學健港庄田二十八甲一分租粟供給歲以為常
經行臺灣府轉行該學永遠遵照并記以示來者

遇雲行

樓曰遇雲至樂也人必有浮雲富貴之心而後能隨所遇而自樂明道先生受學周子每令尋孔顏樂處朱子以為但當從事博文約禮庶幾得之程鄉蕭介臣抱道無所試來為郡學祭酒天幾謝去其所遭遇在他人鮮不盤礴者而蕭君之樂自在也蓋自上世聖人之經旁及諸史下逮下世之書無所不讀其於學也博而又處已行事之間交遊接物之際一言一動莫不以禮自守此之博故見之明守之嚴故養之熟視人世紛華不過

清端文集

卷七

如榮木之飄風好音之過耳也歷屈伸顯晦之遭亦祇如寒暑晝夜之遞變於前而陰晴朝暮之交瞬乎目也晚年構小樓為憩息所額之曰遇雲想見蕭君根心至樂與靖節襟期並其閒曠有如此者至若斯樓之俯臨大江漁人舟子隨波下上山光月色澄徹輝映氣象萬千覽者各能自領尚期他日南隸躡屐來游縱目洋洋大觀一為賦之也

上帝廟求雨文

惟神聰無不聞明無不見災無不弭恤無不徧兼斯四德為庇萬方人亦有言六月不雨亦時之常就蠶而論非常之歎蓋民之耕止此一熟及時播種待雨而足今雨愆期其何能穀已種苗枯未種手束民則何辜而罹斯酷官之失德罰及其身起有所歸胡遷於民某濫竽兩載罪過千端自檢行事無可告天自問內念無可對神致茲早魃憐見市人懇願拜禱敢以臆申歲若不稔訟獄繁興盜賊滋熾民乃遭此監司誅竄殊無足憐神

清端文集

卷八

九

受祀祭過事無分乞回神監收茲炎氛甘霖立沛俾得耕耘此去立秋節候甚通再逾一旬雨亦無濟心急言疾辭乏臺臺惟神涵覆如怙如恃日內得雨昭示懺悔敬率官僚偕我婦孺擊鼓吹笙案潔酒旨為民請命以受神祉言止於斯神之聽之

臺邑求雨牒城隍文

凡官之設以為民也莫若令之親凡神之立以為民也莫若神之正何謂親民之痛癢若同體之關切焉何謂正民之災傷若呼應之準驗焉苟不視為同體非親矣苟不呼而即應非正矣令於民有同體之切與否神得以察之而神於民有呼應之驗與否令亦得以規之臺地一年一熟神所知也民間播種在端午後神所知也臺無陂池全賴雨水布種神所知也乃自四月二十二雨旋晴越五月盡亢暘不雨民田畔在草間苗秧已同清端文集

卷七

十

焦尾民之災傷莫有甚於此時也民之痛癢莫有切於此日也令忝民牧即以前月二十八日在神廟啟壇禱雨神之聽之矣謂宜朝發牒而夕其雨也夫何三日不雨又三日而亢暘如故豈神之罔聞知歟抑神察令之政事闕而為此示罰歟如罰令應止令之一身何為遷怒於民夫民非令之民朝廷之民也民亦非神之民上天之民也天以民之心為心朝廷以天之心為心令苟有一念不在斯民負朝廷美神苟有一念不應斯民負上天美負朝廷令之罪不容誅負上天神之

清端文集

卷七

十一

又言言令衣租食稅享民之奉神亦歲寒時報享歲之祀其食報於民同則其為民造福當無弗同斷無民罹災傷任令大聲疾呼而神茫無應者或者風雨露雷各有專司神不得自為政歟然神司一郡之民命雖非神所司者神無不得為民請命猶之令宰一邑所不得自專者何限然皆力為民請使民疾苦得以上聞而後盡令之心供令之職若請十不得一則令可去其官而斷不可尸厥位神亦可知自處矣令每朔望入神廟見神前香煙雲騰蠟光燭天得照神之靈爽赫奕有以動斯人而使之敬應供奉至是而乃今逢災傷號呼虔告而莫之應竊不知神之靈爽於何顯神之赫奕於何寄也今令與神約五日不雨已矣以七日為斷果大雨滂沱俾民得及時播種是神之靈爽赫奕顯然有徵神之有呼即應果有準驗令將率民歲時奔走奉祀無敢少懈不敢忘神之賜若仍不雨則此呼之不應與木偶異異令將明示禁革無得復奔走供奉於神之廟神其如令何豈神之靈爽無能致雨反能為令作禍崇耶令不信也要豈令之所願哉尚冀神繹思令之牒務有以踐

令之約急救吾民在神既善體天心令亦得托神貺保
有時和年豐撫安朝廷之民繁華多事勿任惶悚待
命之至謹牒

清端文集

卷七

媽祖廟文

天下之至險者莫如海而有舟楫之危惟神出之使安
天下之至苦者莫如農而有水旱之災惟神救之使脫
是救災卹患轉危為安者惟神之能某命不辰倖得一
官屢遇災沴涉危地憶康熙甲申行取入京舟出鹿耳
門遭風折舵舟不得旋驚波震濤上下失措非仗神力
出之狂流豈能復延殘喘先是癸未五六月間石雨民
失耕種此時待罪臺令呼號請命亦荷神貺立沛甘霖
是歲得慶有秋是神之憐某拙誠無求不應者有自來

清端文集

卷七

十三

矣茲復仰賴神庇再蒞臺疆方庚寅之秋渡海登岸即
投宿神廟私心默誓以為斷不敢苟取分文但得地方
晏寧免致謬咎神賜已多豈不神之聽之乎兩載以來
雨暘時若年後順成者孰非邀神之福某固敬誌之不
敢忘何期入夏以來雨澤愆期今去立秋甚邇早曠如
故此真小民災患切身之日也政有關歉官失職歉訟
不得平刑過其中歉歟寡廢疾不得養歟有一於此皆
足致旱吏之罪也於民何辜其或地方之蠹棍未除在
位之貪殘未去此尤方面大吏之責請神鑒顯殛為小

民大戕其憤何為久旱不雨重困我民為也敢乞神恩
立收炎火普降雨澤俾民得耕種及時秋收攸賴但得
利民凡百殃咎甘受其身不悔

名宦祠祭范忠貞公文

嗚呼天地有正氣人得之以生是為萬物之靈惟其知
誘物化而後不能不失其正以至變故之臨禍患之攖
遂顛頓狼狽棄綱常名義於不顧自非大賢豪大英傑
奮發淬勵作頽波之砥柱則人紀將以不立而天柱亦
幾於傾栽我范公興自世胄奮跡甲科經左史右旁搜
百家天文地理下逮草莽民物邊鄙阨塞之情狀罔不
是窮而是究其蘊之也深其蓄之也厚每嘗揚權古今
俯仰宇宙治亂興衰之互為變更賢奸消長之迭相補

救知茫茫者之須臾幻滅終陳於盡而惟吾生固有之
德身心性命人倫日用之理為造次顛沛之必不可或
違期於擇而能守自入侍 禁林即以輔養 君德為
鄉亮出典節鉞務於強教悅安納羣生於在宥為民請
命章不啻數十上皆得報可至今浙水東西且家謳吟
而戶俎豆迨移節閩疆遭狂犬之不逞公之斯時數丁
陽九智未及施勇未及發利兵狼奔忽已加其頸而械
其手為箕子之明夷為西伯之拘美頭為蓬髮為垢幽
沉於天昏地黑至七百餘日之久卧起與俱者 賜冠

賜衣而外唯時憲一書逢朔望而北向為之九頓首猶
時淚落白雲關情太母哀吟百苦之詩腸斷畫壁之句
信忠與孝之兩金子與臣其無負乃至遇害之夕從容
就義以死報國而無苟嗚呼雲黯淡兮風悽切正人何
辜兮逢彼衆桀義夫椎心兮壯士泣血仰惟
王師入關犁庭掃穴懸明鏡於中天廓然有以顯我公
之大節折睢陽之齒斷常山之舌牧蘓武之羝擊朱泚
之笏義膽忠肝上有以薄星辰貫日月
帝心震悼寵褒異常遣官

清端文集

卷七

十六

諭祭至一而再碑文親製雲漢為章蓋將使一世之臣
子皆知忠孝節義之義而燕風義烈歷千載其尚有耿
光故不特中州文物誦

王言之大咨嗟慨慕即以臺疆處炎天漲海之外亦樂
以春秋二仲薦公馨香顧茲臺疆當公駐節之初猶阻
聲教使得磨以歲月次第經略安知不當公之在而早
已來王是海外彈丸乃公精神所必周之地夫豈漠然
其能忘昔徽國學本正心金人亦問朱先生安在信國
歌傳正氣額外猶事文夫子如生惟懿好攸同無論聞

風之與親炙抑其欣戴何今死哀之與生榮溯公世
系邇駿有聲當宋之北范韓齊名文正昌後忠宣繼嘯
公有致君堯舜之學有經綸雷雨之才有輔相太平治
安天下之志而未竟厥施固猶有待衆賢之英其叨鹿
末職濫厠公門仰公之英風亮節已心慕手追之弗及
捧公之遺文法墨恍仰觀俯察之斯存敬循典禮奉祠
駿奔覺斯人之聲賸躋世運於亨屯維公之神無遠之
不至俾海之外就日而知溫匪僅風厲學校永以作配
乎乾坤嗚呼尚饗

清端文集

卷七

十七

祭蕭然先生文

嗚呼惟師道宗洙泗學繼關閩胸藏萬卷下筆有神試
必高等為席上珍六戰棘闈遺珠在塵屈從歲薦起家
廣文英風磊落大雅不羣飲食教誨造士殷懃懷鉛握
槧盡附青雲始於新州化洽藻芹遷我雷陽大啟陶甄
賞識才雋尤憐孤貧如其困頓空負頭巾諸生蹭蹬歷
甲丁辛恩波十載躍起涸鱗叨霑微祿敢謂無因窮山
阻水幾隨沉淪備員日下乍見陽春師札歲至誨某諱
諱某冀砥礪無辱師門去秋心動忽憶高軒過雲屬記

清端文集

卷七

六

急就小言引領削墨以覺渾敦經年契濶惑亂心魂今
憂卧病將不自存豈虞師訃扣扉來奔嗚呼行述具在
忍卒讀耶元龍百尺師意氣耶雲章爛熳師翰墨耶斗
酒自豪師飲興耶詠諧不羈師玩世耶然其禮度自閑
傲四箴也問視寢門舞萊衣也友愛同氣共姜被也財
利不較分鮑金也肝膽照人掛墓劍也吾師乎吾師乎
有大德者必有大年遽止古稀可謂非天箕疇五福每
難兩全吾師德則既盛福則既綿壽則既高名則既傳
殞猶切悲悼不能已已者蓋以受恩深而荷義重未能

酬涓滴之建其生前嗚呼吾師浮生百年彈指便過
鹿境幻七羊路多電光泡影歲消月磨茫茫宦海不風
亦波退苦未早進誰斧柯已不及起吾師為晤對如此
生之失所依歸何望以遙奠涕泗滂沱嗚呼尚饗

清端文集

卷七

十九

祭范彪西先生文

嗚呼先生天生君子不在廊廟則在山林時是山林
負廊廟之器廊廟而抱山林之心獨見先生振古凌今
方釋褐於春官也提終養以致孝追薦辟於當塗也托
採藥以行吟天豈不以斯世斯民為念蓋慮夫理學不
明則經濟終於無具汲汲乎以修明理學為已任著述
之富厥緒之尋將藏之名山以有待寔遠勝乎綏佩與
纓簪乃若其守禮則朱紫陽之家學其好義則范文正
之胸襟則相說若洪水狂獸之為害崇正人若威鳳祥

清端文集

卷七

三

麟之是欽內外篇與邵堯夫之觀物同其宏博古新書
與蔡元定之律呂並其精深已莫不笙簧藝苑家購于
金海內學者奉為山斗遭際右文之代亦既錫以
繪音額諸中堂儼龍飛而鳳舞壽以介不日而月
臨夫何南柯其忽夢遽與悲夫人琴然而燕山五桂能
發揮其所未盡廬尼山一脈不使氣數得以相侵茲九
原之可憫復何憾於升沉獨其以多年之曠隔時往來
於寤寐乃聞訃於日下忽泪流其不自禁非第私同譜
之痛特念哲人之萎恐斯道之將晦誰更辨乎白蟬滅

謂千里以寓哀現有知其來歟嗚呼尚饗

清端文集

三

祭靖海將軍襄壯施侯文

嗚呼宇宙間必有非常之人始有非常之功臺灣僻在海表為海逆盤踞出沒波濤震驚江浙閩廣沿海居民靡不望宇康熙二十二年將軍乃出贊廟謨一舉蕩平除四省欽除之患害聞千年未聞之版圖可謂非常之功矣首攻澎湖親犯矢石有拔釐先登之勇長驅抵臺壹漿歡迎有誓不妄殺之仁知以謀之勇以克之仁以安之非甚盛德孰克當此捷聞值中秋令節

聖上即日解

清端文集

卷七

三

御衣馳賜兼

御製詩章褒美稱伏波而後一人嗚呼其可謂非常之人矣以非常之人建非常之功宜食非常之報將軍勲書盟府公侯衮衮並任封疆屬在臺疆父老子弟服先疇思舊德尤篤不忘相率請祀名宦崇報將軍功德與宮墻子弟並垂永永泮水之詩曰在泮獻猷曰在泮獻功而先之曰穆穆魯侯敬明其德此物此志也某忝脩兵茲土欣瞻盛禮敬備一卮神其來歆尚饗

祭耿人父文

嗚呼瑣方在卧病中國無能為文以哭吾師也雖然師則何事於斯於我心有不自釋焉今人平居愛人一簣之恩一扇之惠猶低徊感嘆歡欣言謝之弗置謂是愛之人者不可忘也而况吾師之賞識微文於諸生未遇之日此豈一扇一簣之比瑣之感激知遇為畢生之莫忘此豈歡欣言謝之可但已蓋予之困於場屋久矣癸酉秋聞吾師以平遠令入闈分校得予卷獨擊節答賞而是秋粵文非清脫流利者不售予方板迂重之習未

清端文集

卷七

三

改故予卷薦者至再主司駁亦至再最後始幸甄收嗟予清脫流利者信得矣吾師獨不棄方板迂重之習豈非雖有絲麻不廢菅蒯之苦心有可感且泣者乎榜發時見吾師亟以為言且云子若不遇予幾無以自見為之且述且喜若不惟茲一第而已且喜予方板迂重之習之還可一再試為奇特未幾公車北上中矣中非予也乃予一念感激知遇之誠之勃發於不自已而吾師賞識微文於諸生未遇之先有以取必於不自知嗚呼豈人力也哉昔五代史為楊憐作傳止取其不下

嗚呼枯槁沉淪之士幸微文一日之知真不勝千秋刻
骨之感孰有不喜談而樂道之也哉此環之所以再拜
流涕伏地嗚咽以送哭吾師而不自止者也至吾師之
歷官中外重厚質直自有與論僉同 國史紀載非其
小子之敢漫為敘述若吾師之病不知時欽不臨窆今
訃音已至猶以職守羈縻不能奔奠墓下則 某之有愧
於古人之為師生也大矣其負師恩也亦愈無所逃於
天地之間矣嗚呼尚饗

祭中憲大夫衛公南村先生文

嗚呼天地間常存者正氣不死者人心人莫不得天地
之正氣以生而心有所役每失其正故能存於一室寂
處之時而不能不紛乘於萬感襍投之會能安於布衣
韋帶之素而不能不動念於圭組仕宦之榮抑能強持
於少長壯盛之年而不能不稍察於耄期倦勤之後若
其所能者強制之力所不能者自然之天也若乃德性
堅定志氣凝一隨所往而自見其天不以貴盛而移不
以宦成而怠者獨於我南村先生見之公生長貴胄絕
無聲色貨利之好天稟之高卓純備華處京華十丈紅
塵中能愛身如玉是非有得於治心養氣之學者奚其
能由職方尚書郎出守閩漳漳人德公之深愛公之切
有如赤子之依慈母不忍一日離諸懷者顧上游念臺
郡新造謀得賢守以撫循而噢咻之合疏薦公公乃航
海而東此 某得為公屬吏所自始也 某本菲材待罪臺
令先公調數月執性硜硜四顧無倚公至嘆曰余來陳
令其不孤矣嗚呼非公知 某之深孰為出此言嗣是事
閩地方興除凡有申請公輒報可臺人咸有一守一令

相見莫逆之喜嗚呼爲令如某若不過公爲守溺職之
所知所不免居無何某以行取入都公特破常格相禮
送至舟中握手叮嚀而別嗚呼公豈復以屬吏過某哉
三載以來浮沉郎署雖有閒瀟然而寤寐心情未嘗一
日不在公左右自前歲聞公秩滿還我粵運使方舉手
加額曰粵人之幸臺人之戚也公竟不赴新任請致歸
里急流勇退昔人以爲難者公直易之矣嗚呼少壯登
朝不縈情於利祿暮年出守務絕意於苞苴七年漳南
不爲久五年臺海不爲暫大都所至人樂既去人思歸

清端文集

卷七

三

系蕭然圖書而外無長物上以經清白累世之傳下以
收異燕方興之緒公可不謂完人也哉獨恨某以今夏

過公里門不及公一面去公騎箕之夕僅月有餘又
嚴程在道不獲酌一杯而去某之負公則甚矣雖然天
地有正氣生人有本心公之心天心也公之氣正氣也
正氣無日而不流行則公雖亡其不亡者固存也某尚
以寄生之身視息人間追憶我公握手叮嚀至意其亦
有死心也途次匆忙未暇效世人爲聲韻之大聲

公之所以遇某與某所以感激乎公始末書諸尺牘
一灑淚臆公魂不寐庶其鑒之嗚呼尚饗

清端文集

卷七

七

五言古

酬蕭老師

公門桃李如許不勝指學者仰泰山賦景行行止弟
子材散材僥倖列席几一顧得孫陽肯凡馬之以進寸
還未能窮年尚在此愧茲心性劣敢曰身命否宗慙乘
長風伯牙志流水喪我師德深感恩更知己庶幾酬涓
埃耿耿寤寐矢

感賦

清端文集

卷八

清日臨海上歲歲快颶風一月天地忽濶濶中
夜披衣起至誠禱蒼穹願言仙民哀此大小東

冬日奉陪劉大府閱勘海隄

悵悵歲云莫是時予方曝門外車馬來客起相肅倦
此民事嗟曠勞君乃獨蜿蜒海上隄斯民受其福颶毋
大不仁摧敗如斷輟平地生風波高原沒種穰平陸出
蛟人天陰助其哭垂老別無家更何望鼓腹君其為民
請雨澤同滲漉元結行春陵寧愧人之牧

桃源

漢代昔已非何有魏晉世人事閱榮枯世運遙興廢
日開熱場追覓清涼憩安土敦乎仁讀書更游藝浮生
不滿百吾駕何處稅聞道有桃源鷄犬不鳴吠桑田早
成種荷蒙新自製道德鄙陳言超超入心詣往來此山
中淺揭深則厲每懷五柳翁獨得有真契

洞庭湖

不知天池大聞說洞庭湖周圍八百里僻在荆南隅脊
然懸一髮半空若有無上流通川蜀下直走東吳吞吐
波濤濶升沉日月徂倒影見嶺海眺望失蒼梧唱晚漁

清端文集

卷八

二

入浦失羣雁驚呼晦明倏變幻風景朝夕殊安得駕扁
舟煙波自嬉娛

午坐假寐

晴窓靜無事午坐過申酉反心可自照身外置無有忽
作華胥遊不覺終日久平地安予足曲肱橫予手鼾寢
不事榻鼻息非關酒人因愁易老物非材得壽幾見合
抱木而有數寸朽游亦仗國工恢恢何弗受待決東海
波洗此無量垢從旁一呼醒笑讓希夷叟

七言古

一天大雨濛濛詩人携劍出湖東迢遞歌聲雲外起
馬嘶把酒月明中納納宇宙誰迥出大開眼界凡馬空
中驅僕子問前路露臺南山虎嘯風風靜山深却炎暑
此間夫有人在耳幾番婉約聽嚶嚶安得同聲有如許
常行芳華抱寸心邂逅而聽君相與君長謝連山之陽
我伏擊雷久同鄉萍踪相合適如此天涯何處阻封疆
歡然遂結平生好東山鑑水數徜徉曾羞太史序儒俠
却許張籍龍文章菱錦方投針芥合旦夕胡條相參商
清端文集 卷八 三

我今抗手辭君去看君萬仞雲霄翔

河堤

行人車馬此地出前者方來後者哭起伏伏駭人心
不見龍首見龍骨骨脉周流六合通錦帆商曲和幾重
信是東南饒民力皇輿千載固提封

舟過淞湖漫興

湖水清淺光如鏡湖山開合來四映倚櫓一望見湖平
斜看側看渾未竟湖心笑兀起雷峰赤文閃爍碧波橫
雖出千層萬疊雲臺池榭任幾更夕陽返照隻影孤

評定湖山舊主盟我本生長出整齊寧有西湖名
乘朗策杖數往遊今過西湖悵素性清湖幾許遊冶人
呼盧博陸交相競眼前有景道不出六橋風月交相贈
誰能為我挽容舟人是神仙酒是聖

壽孝感夫子三十韻

鉅儒始生自天篤千載扶輿萃清淑輝山媚澤起光慈
精見於天四遠燭瀟湘雲夢多偉人吾師降神驚南服
英奇少小負殊姿書能成誦只過目搜窮大酉小酉山
日翻經史探書麓擷芳傾液橫藻文體裁蒼老氣渾穆
清端文集 卷八 四

大家風度詎等倫海內川陵尊嚴讀看花上苑乃好齡
詞林聲價高天本飛香像直侍承明論魁日日抒心腹
於今又見黑頭公半樹敷名登史錄忽忽尊榮感秋風
綠野平泉播芬郁洞庭煙波遲十年學統書成登百軸
足山道脉弄心源瀟洛新傳燈載列錄族不比平家言
集學通英方進讀鶴鳴在野聲在天背留謝傳東山宿
一封丹詔下九重安車徵召期程保訓誥黃耆髮矐矐
元老仍應金甌卜辰戌丑未無禮闈貢舉得人隻眼獨
還憶已酉庚戌秋時文靡靡趨較熟癸丑風氣始轉

作者至今猶屈伏侍從輔弼閱兩朝八荒同仁澤滂沛
年來下國採聲詩風尚漸追三古樸即此調變保真
何用丹砂製松扶且對南山上壽杯更期籌添紀海屋
錦屏繡帳列周園寶鴨薰香騰芬馥玉堂蘭省各搢
爭效詩人歌百祿有生門下慚空疎亦獻里言賡華
八方玉燭慶長調願師優享太平福

胡河九太史壽言

歲在乙酉孟秋朔太乙之精降維嶽乍開廣泰列鈞天
又見仙芝播清馥婆娑洞庭彭蠡濱豹變雲騰瞻頭角

清端文集

卷八

五

石渠天祿參異同往古來今供揚摧幾番保直賦承明
吐辭離奇色斑駁品題屢動天顏喜侍從清班迥華
即今敷教總成均大匠運斤操斧斷天下桃李在公門
大者梁棟次榱桷公家安定有新傳蕪湖規條入太學
經義治事分兩齋象山鹿洞推先覺年來課試取文章
諸生計月競進取載見歐陽知貢舉一掃陰符歸古樸
作人壽考詩所稱大德必得理匪邈上有高堂鶴髮
下有趨庭鸞鶴拜官常帶玉堂銜俯仰天人真至極

五言排律

壽大同第三太倉先生

泰運開人瑞夔龍慶篤生春雲擁玉署奎耀紀文明健
筆追三古雄辭邁兩京聲光川嶽動勳績鼎鐘銘歲月
回翔久經綸積累成寬和于定國平恕狄懷英普秩秉
秋憲升階位上卿每存開網意猶軫軫履益情種德規方
茂流芳桂早榮福興知未艾壽愷喜初履徹夜台星朗
滿朝朱履迎恭依公宇下下里効稱觥

李相國紫峰書院講學

叨分簿領暇親炙大儒風再開鵝湖會重逢无極翁升

清端文集

卷八

六

堂多俊造入彀必英雄推陷良知墨廓清未發我滿山
生意綠匝地亂花紅更啓南軒鑰來探月窟宮陸朱誰
辨異性學提歸同吾道真龍出異端凡馬空心傳留錦
里容勿贊神功誠正臣家學還將達聖聰

五言律

途中九日

僕僕征途上登高得便宜會逢嘉節至不覺客心怡觸
目風雲起回頭星漢低茱萸何處有運動故園思

冬至

一陽生子半萬物欲流形天下鷄初曉中林竹已青
絲來多感觸起念亦通靈正是閑閑日披衣讀易經

炙火

火烈人方畏我還親炙之坐談未半的寒去已多時
倘藉溫斯可十分熱不宜緣何六國計乃以抱薪為

喜初晴客至

陰雨連朝晦喜逢今日晴彼蒼開正色好鳥送新聲
書如白錦少出門與氣生前來幾少來和訪亦多情

泗水橋

清端文集

卷八

北望京華去來經泗水濱驅馳銀漢渡顧盼玉堂春江
海淵源遠萬魚氣象新更無塵慮擾一派見清真

謁韓祠次大司馬吳公原韻

韓山夫子廟屹屹護城隈中有長江限能無問渡來登
堂瞻拜肅寓目霧雲開吾道千秋在荒郊任草萊

人日課記

茫茫乾坤內藐然獨立身並生憐萬物鞠我念雙親不
學方知愧無才信是貧文章非小事報國此為真

海島

浪島隨潮起衝風背雨飛霜威未折身濕路多遠已
破長河曉可能樺木樓一聲嘹唳過醒我夢魂歸

贈別劉大卿

朝端望久峻開郡出南中勳念冷寒暑成材有始終二
年方報政一日想明農尚憶蒼生待東山起謝公

贈蔡世兄

正在趨庭日有如英妙年蒙泉初出地震奮必驚天品
負圭璋重文將星漢懸承為公世好一見羨翩翩

廬州謁包孝肅祠

清端文集

卷八

之治廉為本剛尤不可無矣嘆何易假開節豈能誦
宣公天壤香煙重武廬拜公祠宇下入仕得楷模

古田下鄉徵糧十九首

山街

車東趨嶺嶺曲折入山阿斷道緣林木危巢掛藤蘿
幽窮處嶮歷險極嵯峨時有留題字殘碑未盡磨

次黃栢

稍見溪山秀到來黃栢村人經離亂後家少稻粱存
虎嘯添秋月龍吟古石門十年生髮以應有別乳坤

半額民戶

東南患土滿半額亦居人一畝棲家室四山皆比隣禾
麻黍粟有天日如頭如髮似驚鴻集傷我念爾民

勸農

教土遂分山深山窮谷遠成同漸易耨耨理尚依然編
戶農利本人家合是天來春氣候早務去草草草

刈禾

田事備辛苦刈禾獲就功三秋神有相八蜡禮為通擊
鼓吹幽雅迎稻賽社官臘蹄還仰祝歲歲保年豐

清端文集

卷八

九

免糧

國賦深憂重應知民力殫水耕和火耕露宿並風餐恐
過徵輸限違謀婦子歡聲聞敲法馬痛念入心肝

聞鷄

世事每難料鷄聲固有常四更轉地賴一鳴聞天荒物
聚爭先曉人心別聖行東方曙氣色紅日出扶桑

止社學

停轍几幾處無存社學規畫人皆出戶斯道有誰知羽
沒兒童性因循世教弛於今文治盛振作及當時

招進戶

先天化日下何地更逋逃破屋封蛛網腴田長藜蒿催
科甘政拙撫字獨心勞跋履川岩徑哀鴻勿復愁

過古竹田

早過古竹口日上未三竿紫氣方呈靄朔風猶苦寒爐
香迎道應童叟出溪盤料有多年歲今朝得見官

犁洋父老留宿不果

父老犁洋遇攀轅擁道周田間借一宿朋酒饗三秋古
意存民俗淳風洽遠隄豈知綠賦役星火速難留

清端文集

卷八

十

謝教坑

環山礨石壁數十竈人煙向背陰陽宅高低早晚田謀
生勤世業理性學安絃願爾山鄉遠長遊化日天

額下

甫出謝坑底還從額下來薄田連曉確野屋瀾塵埃何
以遂生理焉能育美材堪憐彫敝甚攬轡數徘徊

追呼

舌敝徒然勸徵輸竟闕如全身無短褐啟口便長嘘戶
丁還在田荒稅未除空憐人牧寄愁首正躊躇

過清溪一名禹溪

禹跡罕能到小溪乃得名俗人多附會幽谷借光榮
流水潺潺響浮雲漸漸橫道傍憐敗屋金龜盡塵生

行深山

未遂入山願胡為到此中雲間峰峭壁橋道跨長虹
樹見千年木人逢百歲翁山高水絕處吟咏興何窮

到鄭家山緩一日糧戶輸將已報全完次日流
淚別子詩以憫之

爾處深山久前官不爾憐我來甫再宿何爾遽相親

清端文集

卷八

十一

撲可無動輸將若有神不須流淚別心念爾鄉

楚溪

宛轉隨山徑雙溪看水流橫林倒影入巖石帶雲浮
空中起民居最上游時逢冬稻熟樂事滿西時

次上涪頭

傍山鋪板屋戶外即田園生理四時在民風三古存
因微賦急乃識縣官尊苦口來相勸輸糶莫掩門

七言律

雷陽八景詩八首

東海波恬

十二名川海自東元圭八載告成功鑿山庾嶺梅初熟
開渡瀛洲道始通霧作蜃樓踈蟹眼織成天巧出蛟宮
如今最是澄清日盛世車書南北同

西湖翠樵

幾番載酒泛西湖問月情懷興不孤修竹化龍憐隔代
青蓮送院憶先儒參差樹木迷僧刹歷亂煙雲入畫圖
興廢當年渾似夢零丁洲渚數飛鳬

萬頃連雲

清端文集

卷八

十二

人家斷續碧疇連萬井桑麻戴一天布穀聲中收早稻
桔槔池畔避晨煙雨中春樹憑風舞郭外黃牛伴草眠
此日晴郊添瑞靄阿誰買玉種藍田

一龍煙繞

長堤起伏護東郊宛似神龍拱聖朝半鐸江山風雨
合百年臣主水魚交板鱗盡是凌雲客翻浪還能駕海
潮但得清風生兩腋回頭未信禹門高

七星拱秀

錯疑北斗落南山萬丈光芒射水灣海國人文開秀色

三城劍氣拂雲關鐘鳴隱隱聲偏遠
岩徑迢迢趣自閑
閒道一峰居絕頂平流俯視有誰攀

雙髻梳粧

自昔誰標雙髻名多才男子可心驚
髮膚不教閒雲亂
心事常同皎日明零露朝來供早沐
哀猿暮去任長鳴
光風自在春雞老半點何曾入世情

雷岡聳異

探山合自首擎雷草昧文章霹靂開
玳瑁遠來隨漢使
荔枝新入紀秦碑雲興比戶流深澤
火耀重離傍上台

清端文集

卷八

十三

組豆億年知不朽異人隔世看重來

雁塔題名

話到題名姓字香聯翩雁舞度衡陽
參天彩筆揮雲表
負地金鯨伏水鄉五指風流人已古
三山縹緲路還長
登臨幾度生秋興咫尺身依日月光

東華吳夫子館松

舉頭高望見天長古樹扶疎泗水傍
萬木幽叢含遠翠
一松挺特吐清芳承恩雨露經時日
笑指雲山自老蒼
為問遷移何處所孤情欲訴付鸞皇

寄劉和達同年

一自當年幸識韓未幾相送出江干
丈夫意氣慙含淚
才子風情欲話難秦斷池塘思切切
雲深梅嶺路漫漫
何時得解相如渴不數平原十日歡

初秋坐月

辛苦寒窗春入秋秋空一碧望中收
疎星半落銀河外
鐵笛長呼古渡頭林際隙光明佛火
雲間倒影暗滄洲
但聞蒲席橫空坐月色星輝翠共流

磨貢

清端文集

卷八

十四

興朝選士重通經海鏡耀耀歲歲行
合浦珠光騰氣早
春宮雷動躍波清治安策上忘年少
東閣賢招出巨卿
蚤選寒門即登願敢虛風夜負承明

過家山額

夢想多年此日過登臨一望遍山阿
千家煙火迷雲影
萬井桑麻出水波境到還荒還岳落
人隨塵世易消磨
茫茫今古思難盡高踞峰頭發浩歌

中秋

相傳明月愛中秋天上人間一酹酬
何處煙雲開玉宇

空星斗燦河洲疎簾恰好玲瓏望茂樹還能爛熳留
再四低徊愛佳景悠悠塵世更何求

前題

丹桂高攀自有秋試將畫餅預來酬清微意態凌雲表
歷亂煙花逐小洲火侯到時炊黍熟心知妙處味常留
此間更讓誰先得大道為公莫遠求

分闌口占

十年射策老匡衡棘院重來轉自驚垂綬尚疑身是夢
升階幸免吏呼名燈懸席舍繁星麗更轉樓窗漏漏明

清端文集

卷八

十五

年苦依然當日地敢將戰蟻薄羣英

燈下閱卷

銀箭聲沉蜂蠟高蕊奇敢憚寸心勞珠須照乘尋驪頰
羽歆為儀想鳳毛未許詞場容軋茁不妨手語作推敲
芳洲恨乏驚人句漫向青天首獨搔

初出都門

新承雨露出天都一望山川列繡圖臺閣峻嶒冲漢表
煙雲爛熳擁征途馬蹄歸去乘風疾驛次斜陽照影孤
回首當年春色遠報恩何以効迂踈

江上懷舟

破篷幾處掩山椒漠漠關河寄一瓢細雨疎簾隨日曉
短簑輕棹任風搖雲開不借林深泊酒熟時吹月下簫
晚去尚餘鼓枻興乘流欲聽浙江潮

過嚴子陵釣臺

輕舟穩坐一帆風峭壁孤懸江以東夾岸青山飛綠水
一竿盤石坐漁翁漢家束帛歸春夢帝里衣冠入冥鴻
何事夜來驚太史一竿明月照江中

過文丞相故里

清端文集

卷八

十六

以碎山河手自撐敵人幾處乞來盟小樓兀坐姑留影
百戰身輕歆舍生正氣友將青史補黃冠寧羨故鄉名
舟人為指張家渡時有雲間鶴夜鳴

過藍關

獨去尋師過此關雲天想望忽開顏已消殘雪低秦嶺
喜得瞻韓仰泰山佛表一通成信史孤臣萬里再生還
須知正氣磨今古照耀誰能日月攀

次辜其石同年留別原韻

憶得瞻韓始蒞邱每懷攜手與同遊塵襟初滌三河水

客况旋驚七月秋露白蒨蒼江上景峰迴路轉別時愁
預知彩筆千霄日春滿瓊林月滿樓

求雨

蒼生在念孰忘憂仰望神天切有求終歲苦辛存百畝
田家樂事屆三秋慣聞老少豚肩祝恐犯青黃劫火收
十字街頭羅拜禱泪隨聲下注如流

人日自警

脫離六道得生人盡是人名孰是真惘惘未知心載性
昏昏且奉利為神並生高厚元無我獨抱冰淵却有身

清端文集

卷八

七

解釋陽和無限恨初瞻杓斗度今春

訴災

水災見慣被東洋不似今遭太可傷萬頃青苗歸赤地
三村殘月夢黃梁處堂春燕巢林木野老吞聲哭異鄉
明府殷勤猶下問才遺何計度年荒

總戒叙別少羅黃子

一別君家五載餘相逢旅次述平居心虛道岸何曾見
寒過年來歎未如秋水伊人清夢遠池塘春早世情疎
遙知此去終須別賴有雲中雁字書

蕪陽竹屋

州城內外遍人家盡擁平頭戴竹花常觀青天開白日
怪逢細雨掃流沙門前隙地多栽柳屋後吹煙畏宿鴉
風土此中未覺遠我來客况一杯茶

五言絕句

曝日

早日崇簷頭門前喜氣浮分明平地坐都似上高樓

偶遣

心感困窮侶何為入世孤一身多骨格人自相皮膚

清端文集

卷八

六

夜行舟

月白沙清淺忽聞欸乃聲輕舟連夜發一路水雲平

百花草詩并序

補思堂階前有草一本不知何名得春雨日
長月茂大小開花至百枝因名香花草作十
絕紀之

官階連畫掃弱草托微根分得春深露能忘大地恩
萌芽多秀色次第葉光孫箇箇衣青紫水光照日盈
康樂池塘舊相思入夢魂縱無詩句好吟弄度朝昏

滋莫誠無理本心却有存更能生骨節蜂蝶漫紛繁
憂日亦何畏資生共一元靜觀時自得朝市即山村
枝長風易折葉老性多溫無事悲零落春光已到門
開花連石洞結子出名園還作霓裳舞偏宜對月軒
草頭常帶露露重草猶飄寄托何人手含香近至尊
不覺移長晷迎風笑欲言忘憂且樹背為樂此乾坤
最愛風和日清安絕點痕驚塵那得慣移種上崑崙

行越雋道中

天下崎嶇路無如越雋西重山復出嶺但有杜鵑啼

清端文集

卷八

十九

渡瀘

五月渡瀘水武侯昔濟師今冬我利涉先後不同時

七言絕句

大庾嶺謁張文獻公

手劈天南第一關開元事業震人寰只今尸祝高山頂

金鑑仍堪照玉顏

舟出廬陵公祠下

千秋道業重歐陽今日乘槎過祠堂慨想當年門下士
眉山瞻拜有遺芳

偶遣

贏得林居數載餘何曾家計問盈虛最宜終日長無事
掃地焚香讀道書

前題

平生賦性不猶人縱到為官依舊貧不過今生為丐子
還強世世失人身

清端文集

卷八

二十

清端集八卷

江西巡撫
採進本

國朝陳瓚撰瓚字文煥一字眉川海康人康熙甲戌
進士官至福建巡撫諡清端是集凡文七卷詩一
卷皆非當行然瓚居官以廉介稱其節概足以自
傳亦不必以文章傳也